

АРТУР ҚОНАН ДОИЛ

ШЕРЛОК ХОЛМС
ҲАҚИДА ҲИКОЯЛАР

ГОШКЕНТ
«ЮЛДУЗЧА»
1989


И (Ингл)
Д 67

Мұхаррір Шойым Бұтаев

Д 4704000000-64 06-89
360 (04) 89

ISBN 5-8250-0116-6

© «Юлдузча», нашриети, 1989



МАЛЛАЛАР ҮЮШМАСИ

Бу воқеа ўтган йили күзда бўлган эди. Шерлок Холмс нинг ҳузурида аллақандай жуда семиз, ўрта ёшлардаги қизғиши-малла киши ўтиарди. Мен ичкарига кирмоқчи бўлдим-у, лекин икковларини қизғин сұхбат устида кўриб, чиқиб кетишга шошилдим. Аммо Холмс мени хонага сургаб олиб кириб, эшикни беркитди.

— Келганингиз айни муддао бўлди, азизим Уотсон,— деди у мулойимгина.

— Сизларга халал бермай дедим. Назаримда, бандек кўриндингиз.

— Ҳа, бандман. Жуда ҳам бандман.

— Нариги хонага чиқиб кутиб тура қолсан бўлмасмикин?

— Йўқ, йўқ... Мистер Уилсон,— деди у семиз кишига мурожаат қилиб,— бу жентльмен муваффақиятли чиққан тадқиқотларимнинг кўпчилигига менга аичамунча дўстона ёрдам кўрсатган. Аминманки, сизнинг ишингиизда ҳам фойдаси тегса керак.

Семиз киши ўтирган еридан сал қўзғалиб менга

бош ирғади; унинг семизликдан қисилиб кетган кичкина күзлари менга синчковлик билан тикилди.

— Мана бу ерга, диванга ўтириңг,— деди Холмс.

У креслога ўтириди ва ўйга толадиган вақтларидаги одатига кўра иккала қўлининг учларини чирмаштириди.

— Биламанки, азизим Уотсон,— деди у,— сиз менинг ҳамма ғайриоддий нарсаларга, кундалик ҳаётимизни маромини бузадиган ҳамма нарсага ишқибоз эканлигимни маъқуллайсиз. Агар сизда шу ғайриоддий воқеаларга ишқибозлик бўлмагандага менинг камтарона саргузаштларимни шу қадар завқ-шавқ билан ёзиб бормас эдингиз... Зотан, сидқидилдан айтишим керакки, сизнинг баъзи ҳикояларингизда менинг фаолиятим бир қанча бўяб кўрсатилади.

— Ростини айтганда, сизнинг саргузаштларигиз менга ҳамиша ниҳоятда қизиқ бўлиб туюларди,— деб эътиroz билдиридим мен.

— Куни кечагина сизга энг зўр хаёл кучи ҳам кундалик ҳаётимизда учрайдиган ғайри оддий ва аломат ҳодисаларни тасаввур этишдан ожиз, деган эдим шекилли.

— Мен ўша заҳотиёқ бу фикрингиз унчалик тўғри бўлмаса керак, деган эдим.

— Шунга қарамай, доктор, мени ҳақ дейишга мажбур бўласиз, акс ҳолда, сизни шу қадар сон-саноқсиз, ажойиб ва ғаройиб фактларга кўмиб ташлайманки, фикримга қўшилишга мажбур бўлиб қоласиз. Мана, ақалли ҳозир менга мистер Жебез Уилсон айтиб бергани воқеани олайлик. Бу воқеа бўлиб ўтган вазият мутлақо содда, оддий, ҳолбуки, умрим бино бўлиб бундай ажойиб воқеани эшитган эмасман... Мумкин бўлса, мистер Уилсон, ҳикоянгизни такрорласангиз. Буни сиздан, дўстим доктор Уотсон ҳикоянинг бошини эшитсин, дебгина илтимос қилаётганим йўқ, мен ўзим ҳам ҳар бир икир-чикир тафсилоти билан мумкин қадар яхшироқ танишиб олсам. Одатда менга бирон ҳодисани ҳикоя қила бошлаганиларида шунга ўхшаган минглаб ҳодисалар эсимга тушади. Аммо эътироф этишга мажбурманки, мен ҳеч қачон бунга ўхшаган воқеани эшитган эмасдим.

Семиз мижоз бир оз фуурурланганинамо кўкрагини кераб, пальтосининг ич чўнтагидан ғижимланган кир газета олди-да, уни тиззасига ёзиб қўйди. У бўйини чўзизб босилган эълонларга кўз югуртиаркан, мен унга бошдан-оёқ разм олиб, Шерлок Холмсга тақлидан, унинг кийими ва ташқи қиёфасига қараб ким эканлигини билиб олишга тиришдим.

Афсуски, менинг кузатишларим деярли ҳеч қандай на-
тижа бермади. Бир кўришдаёқ унинг ўзига бино қўйган,
бекаросат, тепса тебранмас, оддийгина бир майда дў-
кондор эканини пайқаш мумкин эди. Катак кулранг
шими беўхшов, киргина қора сюргутининг тугмалари
солинмаган, қора нимчалик устида тилла суви юритилган
йўғон мис занжир йилтирас, унинг учидаги жевак ўрида
парма билан тешилган аллақандай бир тўртбурчак мес-
талл парчаси осилиб туради... Нимдошгина цилинтри
ва фижим баҳмал ёқали, ўнгидек кетган қўнғир пальточи
ёнгинасидаги стулда ётарди. Хуллас, бу одамга қанча
разм солмай, унинг қизғиши сочидан бошқа кўзга таш-
ланадиган жойини кўрмадим. Унинг қандайдир хунук
бир воқеадан саросимада эканлиги кўриниб туради.

Менинг машғулотим Шерлок Холмснинг синчков на-
заридан четда қолмади.

— Албатта, ҳар кимга аёнки,— деди у табассум
билан,— бизнинг меҳмонимиз бир вақтлар жисмоний
меҳнат билан шуғулланган, у бурнаки искази, франк-
масонлардан¹. Хитойда бўлган, сўнгги ойларда кўп хат
ёзишга тўғри келган. Бу аён-ошкор фактлардан бошқа
ҳеч нарсани пайқаёлмадим.

Мистер Жебез Уилсон креслодан сапчиб турди ва
шаҳодат бармоғини газетадан олмай, ошнамга тикилиб
қолди.

— Сиз буларни ҳаммасини қандай қилиб билиб ол-
дингиз, мистер Холмс?— деб сўради у.— Масалан, сиз
менинг жисмоний меҳнат билан шуғулланганимни қаёқ-
даи биласиз? Ҳа, дарҳақиқат, мен ўз фаолиятимни ке-
масоз дурадгорликдан бошлаганман.

— Буни қўлларингиз айтиб турибди, муҳтарам сэр.
Ўнг қўлингиз чап қўлингиздан каттароқ. Сиз шу қўлин-
гиз билан ишлаганингиз учун унинг мушаклари бақувват-
роқ бўлиб қолган.

— Бурнаки искашимни-чи? Франкмасонлигимни-чи?

— Франкмасонлигингизни пайқаш қийин эмас, чуп-
ки сиз жамиятингизнинг қатъий низомига амал қилмай

¹ Франкмасонлар (қисқартирилган шакли—масонлар)—
қачонлардир бир қадар тараққийпарвар аҳамиятга эга бўлган яши-
рин жамиятининг аъзолари. Шерлок Холмс даврида бу жамиятга
асосан майде дўкондорлар, фермерлар ва шу кабилар кира бошли-
ган эдилар.

ярим доира ва доира¹ тасвири бор илгакли тугма тақиб юрибсиз.

— Э, ҳа! Бу эсимга ҳам келмабди... Күп ёзишга тұғри келганини қандай пайқадингиз?

— Иилтираб кетган ўнг енгингиз билан чап енгингиз-нинг тирсаги атрофидаги тақыр бўлиб қолган мовут яна нимадан гувоҳлик бера олиши мумкин?

— Хитойда бўлганимни-чи?

— Ўнг билагингизда қўриниб турган балиқча тасвири Хитойдагина чекилган бўлиши мумкин. Мен татуировкаларни ўрганганман, улар ҳақида ҳатто мақолалар ҳам ёзганман. Балиқ тангачаларини нафис пуштиранг билан бўяш одати фақат Хитойгагина хос. Соатингизнинг занжиридаги Хитой тангасини кўрганимдан сўнг Хитойда бўлганингизга узил-кесил қаноат ҳосил қилдим.

Мистер Жебез Уилсон қаҳ-қаҳлаб кулиб юборди.

— Шунақа денг?!— деди у.— Мен аввалига сиз буларни аллақандай аломат йўллар билан толасиз шекили, деб ўйлаган эдим, энди билсан, осонгина топаётган экансиз.

— Фикримча, Уотсон, бундай хulosага қандай йўл билан келганимни тушунтириб хато қилдим шекилли,— деди Холмс,— ўзингизга маълумки, «*Оппе іgnotum pro, magnifico*»², агар мен ростгўй бўлсан, камтарона шуҳратимга путур етадигаига ўхшайди... Эълонни топдингизми, мистер Уилсон?

— Топдим,— деб жавоб берди у йўғон, қизил бармоғини газета стуннининг ўртасига нуқиб тураркан.— Мана у. Ҳамма иш шундан бошланди. Ўзингиз ўқиб кўринг, сэр.

Мен газетани олиб, ўқидим:

МАЛЛАЛАР УЮШМАСИ. Лебанонлик (АҚШ Пенсильвания) марҳум Иезекия Холкинснинг васиятига биноан Уюшмага яна бир киши ишга олинадиган бўлди. Ҳафтасига муайян иш учун тўрт фунт стерлинг нақд маош берилади. Эс-ҳуши жойида, зеҳни ўткир, йигирма бир ёшдан кам бўлмаган ҳар бир малла тусли киши бу

¹ Ярим доира ва доира — масонлик белгилари. Илгари бу белгилари маҳфий эди, аммо ҳозирги масонлар қадимий низомни бузиб, бу белгиларни кўпинча жевакларни ва илгакли тугмаларига тақиб юрадилар.

² «Ҳамма вомаълум нарсалар бизга ажойиб бўлиб кўрнади» (латикча).

ишга яроқли топилиши мумкин. Уюшманинг Флит-стрит, Попс-коортдаги идорасига, душанба кунлари соат ўн бирда шахсан Дункан Россга мурожаат қилинсин.

— Жин урсин, бу нима дегани ўзи?— деб юбордим мен, ана шу ғалати эълонни икки бор ўқиб чиқарканман.

Холмс сассизгина кулди-да, креслода ўтирган жойида ғужанак бўлиб олди, бу унинг роса ҳузур қилаётганидан далолат бергучи эди.

— Чакана эълон эмас-а, нима дейсиз?— деди у.— Хўш, мистер Уилсон, ҳикоянгизни давом эттириб, бизга ўзингиз ҳақингизда, уйингиз ҳақида, бу эълон сизнинг ҳаётингизда қандай роль ўйнагани ҳақида гапириб беринг. Сиз эса, доктор, мумкин бўлса, бу қайси газета эканини, қачон чиққанини ёзиб қўйсангиз.

— «Эрталабки хроника». 1890 йил 27 апрелдаги сони. Роппа-роса икки ої бурун чиққан экан.

— Жуда соз. Давом эттиринг, мистер Уилсон.

— Илгари айтганимдек, мистер Шерлок Холмс,— деди Жебез Уилсон пешонасини артиб.— Сити яқинидаги Сэкс-Кобург-скверда кичкинагина бўнак кассам бор. Ишларим илгари ҳам унча яхши эмас эди, сўнгги икки йил давомида эса ундан келадиган даромад амал-тақал билан тириклик ўтказиб туришгагина етарди. Бир вақтлар икки ёрдамчим бор эди, ҳозир эса битта: унга ҳам ҳақ тўлашим оғир эди-ю,. аммо у менинг ишимни ўрганиш имкониятига эга бўлиш учун ярим маош эвазига ишлашга рози бўлди.

— Ўша ҳимматли йигитчанинг оти нима?— деб сўради Шерлок Холмс.

— Номи Винсент Сполдинг, уни йигитча деб бўлмайди. Еши нечадалигини айтиш қийин. Ундан эпчилроқ ёрдамчини толишим маҳол. Унинг менсиз ҳам куни ўтиб, икки баробар ортиқ пул топа олишини ҳам жуда яхши тушунаман. Модомики, у мамнун экан, унга ўз манфаатларимга путур етказадиган фикрларни уқтиришимнинг нима ҳожати бор?

— Дарҳақиқат, нима ҳожати бор? Назаримда, жуда омадингиз келган экан: сиз ёрдамчингизга унинг бажарадиган ишига бошқаларга қараганда икки баробар кам ҳақ тўларкансиз. Бизнинг давримиизда бундай бетама хизматчилар камдан-кам учрайди.

— О, ёрдамчимнинг камчиликлари ҳам бор!— деди мистер Уилсон.— Сурат олишга бунақанги ишқибоз одами ҳеч қачон учратмаган эдим. Иш вақтида ҳам

аппаратини шақиллатгани-шақиллатгай, кейин эса худди қүён иниха уриб кетгандек ертўлага шўнгийдида, пластинкаларни дорига солиб очилтиради. Унинг катта нуқсони шу. Умуман эса чакки хизматчи эмас.

— У ҳозир ҳам хизматингизни қилиб турган бўлса керак?

— Ҳа, сэр. Ўшаю амал-тақал қилиб овқат пишириб, уйни супуриб-сидириб турадиган ўн тўрт яшар қизалоқ, Бошқа ҳеч кимим йўқ, хотиним ўлиб кетган, болаларим ҳам йўқ. Учаловимиз тинчгина турмуш кечираётимиз, сэр, уйнинг чирогини ёқиб, ижара ҳақини тўлаб турамиз — кўрган-кечирганимиз шу... Бу әълон бизни йўлдан адаштириди,— деб гапини давом эттириди мистер Уилсон. — Бугун роппа-роса саккиз ҳафта бўлади Сполдинг қўлида шу газета билан идорамга кириб келганига.

«Қани энди мени ҳам худо малла қилиб яратган бўлса, мистер Уилсон».

«Нега?»— деб сўрадим мен.

«Мана,— деди,— Маллалар уюшмасида янги ўрин тайин қилинибди. Бу ўринни эгаллаган одам ҳазилакам даромадга эга бўлмайди. У ерда ишга кирмоқчи бўлган талабкорлардан кўра бўш ўринлар кўпроқ бўлса керак, васийлар ҳам пулларни нима қилишларини билмай роса бошлари қотаётгандир. Агар сочимнинг ранги ўзгариб қолганида борми, албатта ўша сердаромад ўринни эгаллардим».

«Маллалар уюшмаси нима дегани ўзи?»— деб сўрадим мен.

— Биласизми, мистер Холмс, мен юримсак эмасман, иш кетидан қувмайман, иш ўзи мени қидириб келадиган бўлгани учун, баъзан ҳафталаб остона ҳатлаб кўчага чиқмайман. Шунинг учун ҳам оламда бўлаётган ишлардан бехабар қоламан, янгиликларни ҳамиша мароқ билан эшиитаман...

«Сиз наҳотки Маллалар уюшмаси ҳақида ҳеч қачон эшиитмаган бўлсангиз?»— деб сўради таажжуб билан Сполдинг кўзлари чақчайиб.

«Ҳеч қачон».

«Бу мени жуда ҳам таажжублантиради, чунки сиз ўша бўш ўринни эгаллашга ҳақ-хўқуқи бўлганлардан бирисиз-ку».

«Бу қанча даромад келтириши мумкин?»— деб сўрадим.

«Иилига икки юз фунт стерлингга яқин, ортиқ эмас, жуда ҳам енгил иш, бунинг устига айни вақтда ҳар қан-

дай бошқа иш билан ҳам бемалол шуғулланаверса бўлади».

Табиийки, қулоқларимни динг қилдим. Чунки менинг муассасам сўнгги вақтларда жуда оз даромад келтиримоқда, йилига қўшимча икки юз фунт эса анча кунимга яраши мумкин эди.

«Бу Уюшма ҳақида билганларингизни айтиб беринг»,— дедим.

«Ўзингиз кўриб турибсизки,— деб жавоб берди Сполдинг менга эълошин кўрсатиб,— Маллалар уюшмасида бўш ўрин бор экан, мана бу адреси, тафсилотларини билмоқчи бўлсангиз шунга мурожаат қилишингиз мумкин. Билишимча, бу Уюшмага Иезекия Хопкинс деган американлик бир довдир табиатли миллионер асос солган. Унинг ўзи қизғиш-малла тусли бўлиб, дунёдаги ҳамма маллаларга хайриҳоҳ экан. У ўлаётганида ўз вассийларига катта маблағ қолдириб, бу маблағни соchlари тўқ малла тусдаги одамларнинг қисматларини енгиллатишга ишлатишни васият қилган экан. Айтишларича, бу баҳтиёр одамларга туппа-тузук маош тўлашармиш, улардан деярли ҳеч қандай иш талаб қилишмасмиш».

«Ахир малла одамлар миллион-миллион-ку,— дедим мен,— уларнинг ҳар бири ҳам бўш ўринни эгаллагиси келади».

«Сиз ўйлаганичалик кўп эмас, улар,— деб жавоб берди у.— Кўриб турибсизки, эълон фақат лондонликларга, шунда ҳам катта кишиларга қаратилган. Ўша американлик Лондонда туғилиб, ёшлигини шу ерда ўтказган, ўзи туғилиб ўсган шаҳарга валинеъматлик қилмоқчи бўлган. Бундан ташқари, эшитишимга қараганда Маллалар уюшмасига соchlари оч-малларанг ёки тўқ-малларанг шахсларнинг мурожаат қилишлари фойдасиз — у ерда соchlари ёрқин, кўзни қамаштирадиган, қизғиш-малла тусдаги кишиларнинг ишга олишаркан. Агар сиз бу таклифдан фойдаланмоқчи бўлсангиз, мистер Уилсон, Маллалар уюшмасининг идорасига кириб борсангиз кифоя. Аммо бир неча юз фунт деб асосий машғулотингиздан алаҳсираб юришингизнинг маъноси бормикан?..»

Ўзларингиз кўриб турибсизларки, жентльменлар, менинг сочим ёрқин, сержило тусга эга бўлган тўқ-малларанг соч, маллалар рақобат қилиб қолганларида ҳам барibir мен бу бўш ўринни эгалласам керак, деб ўйлаган эдим. Винсент Сполдинг бу ишдан ҳар томонлама хабардор бўлганлиги учун менга катта ёрдам бериши мумкин эди, шунинг учун ҳам дарчаларни кечгача ёпиб

қўйиб, мени Уюшма биносига кузатиб боришини буюрдим. У бугун ишдан озод бўлганига жуда севиниб кетди. Биз идорани беркитиб, эълонда кўрсатилган адресга қараб жўпадик.

Үерда шундай бир томошани кўрдимки, мистер Холмс, бундай томошани энди сира ҳам кўролмасам керак. Шимолдан, жанубдан, шарқдан, ғарбдан кимнингки сочи сал-пал малла тусли бўлса, эълонни ўқибоқ Ситига ёнирилиб келаверибди. Флит-стритда маллалар тирбанд бўлиб кетган. Попс-коорт эса апельсинфурушнинг ғалтак аравасига ўхшар эди. Мен ҳеч қачон Англияда шунча малла бордир, деб ўйламаган эдим. Бу ерда малларанг туснинг ҳамма турлари бор, похолранг, лимонранг, қизғишранг, фиштранг, ирланд сеттерлари тусидаги, сафро тусидаги, лой тусидаги ранглар бор; аммо Сполдинг айтганидек, чинакам ёрқин, қизғиш-малларанг тусдаги бошлар бу ерда жуда оз эди, Шунга қарамай, бу ерга тўпланган оломонни кўриб, умидим пучга чиқай деб қолди. Сполдинг эса бўш келмади. Қандай эвини қилганини билмайман-у, у жон-жаҳди билан тиқилиб-суқилиб мени халойиқ орасидан олиб ўтди, биз идора зинапояси олдига етиб бордик. Одамлар турнақатор тизилиб зинапоядан чиқиб-тушиб турар эди; баъзилари умид-иштиёқ билан чиқиб боришар, баъзилари эса маъюслик билан тушиб келишар эди. Биз олдинга ёриб ўта-ўта тез орада идорага кириб бордик...

— Сиз жуда қизиқ дуч келиб қолибсиз! — деди Холмс, мижози хотирлаб олиш учун бир чимдим бурнаки исказ индамай қоларкан. — Марҳамат, ҳикоянгизни давом эттиринг.

— Идорада иккита ёғоч стул билан оддийгина қарагай столдан бошқа ҳеч нарса йўқ, унда мендан ҳам маллароқ кичкина бир одам ўтиради. У стол олдига келган номзодларнинг ҳар қайсиси билан бир-икки оғиз сўзлашиб, уларнинг ҳар қайсисидан қандай бўлмасин бир шуқсон топарди. Афтидан, бўш ўринни эгаллаш унча осон эмас эди. Бироқ биз ўз навбатимизда столга яқинлашиб борар эканмиз, кичкина одам мени бошқа номзодларга қараганда анчагина хушмуомалароқ қарши олиб, ичкарига кирган заҳотимизоқ биз билан холи гаплашиш учун эшикни ичкаридан беркитиб қўйди.

«Бу киши мистер Жебез Уилсон, — деди ёрдамчим. — У Уюшмадаги бўш ўринни эгалламоқчи эди».

«У бу ўринга жуда муносиб, — деб жавоб берди ҳа-

лиги одам.— Мен күпдаң берн бундай ажойиб сочини күришга мұяссар бўлмаган эдим!»

У бир қадам орқага ташлаб, бошини бир томонга қийшайтирди-да, сочларимга шу қадар узоқ тикилиб қолдики, мен жуда ўнғайсизландим. Кейин бирдан олдинга ташланиб қўлларимга ёпишди-да, қизғин табриклади.

«Мен ҳардамхаёллик қылсам инсофдан бўлмас,—деди у.— Бироқ ишонаманки, баъзи эҳтиёт чораларни кўрсам мени кечирасиз».

У иккала қўли билан сочимни чапгаллаб шундай тортдики, оғриқдан додлаб юбордим.

«Қўзларингиздан ёш чиқиб кетди,— деди у сочимни қўйиб юбориб.— Демак, ҳаммаси жойида. Қечирасиз, эҳтиёт бўлмасак бўлмайди. Чунки бизни икки марта парик кийиб келиб, яна бир марта сочини бўяб келиб алдашган. Сизга баъзиларнинг шундай виждонсизларча ишлатган ҳийлаи найрангларини айтиб беришим мумкини, одамларга нисбатан нафратингиз ошиб кетади».

У дераза олдига бориб, бўш ўрин банд қилинганинги қичқириб айтди. Пастдан оҳ-воҳ, ўқинч садолари эшитилди, халойиқ ҳар томонга тарқалиб кетди, тез орада бу атрофда мени ёллаётган ҳалиги одам билан иккавимиздан бошқа малла қолмади.

«Менинг отим мистер Дункан Росс,— деди у,— мен ҳам саховатли валинеъматимиз қолдирган ўша фонддан нафақа оламан. Сиз уйлангаймисиз, мистер Уилсон? Оилангиз борми?»

Мен бефарзанд, сўққабош одам эканлигимни айтдим, Унинг чехрасида қайғу излари кўринди.

«Ё раббий!— деди у тундлик билан.— Ахир бу жуда ҳам жиддий тўсиқ-ку! Афсуслар бўлсинки, сиз уйланмаган экансиз! Фонд маллаларни боқиш учунгина эмас, уларнинг насл-насабини кўпайтириб, тарқатиш учун барпо қилинган эди. Афсус, бўйдоқ экансиз-да!»

Бу сўзларни эшитарканман, тарвузим қўлтиғимдан тушиб кетди, мистер Холмс, нега десангиз, мени олишмас экан, деб хавотирга тушиб қолдим: аммо у ўйлаб кўриб йўлинни топишини айтди.

«Сиздан бошқа ҳар қандай одам бўлганда ҳам қоидадан чекинмасдик, аммо шундай сочи бор одамни қўллаб-қувватлаш мумкин. Янги вазифангизни қачондан ёътиборан адо эта бошлашингиз мумкин?»

«Бу бир оз мушкулроқ, чунки мени бошқа бир муасасада бандман»,— дедим.

«Бунисидан ташвишланманг, мистер Уилсон!— деди

Винсент Сполдинг.— У ишни сизсиз ўзим ҳам эплайверман».

«Бу ерда қайси соатларда банд бўламан?»—деб сўрадим мен.

«Ўндан иккигача».

Бўнак кассаларида асосий иш кечқурунлари, айниқса, маош берилиши арафасида пайшанба, жума кунлари бўлади, шунинг учун унча-мунча пул ишласак чакки бўлмас, деган қарорга келдим. Қолаверса, ёрдамчим ишончли одам, керак бўлганда bemalol ўрнимда ишлайверади.

«Бу соатлар менга тўғри келади,— дедим.— Қандай маош тўлайсизлар ўзи?»

«Хафтасига тўрт фунт».

«Қиладиган ишим нимадан иборат бўлади?»

«Муайян ишдан иборат бўлади».

«Муайян иш деганингиз нима?»

«Иш вақтида сиз идорамизда ёки, ақалли, идорамиз жойлашган бинода бўлишингиз керак. Борди-ю, бирон марта иш вақтида кетиб қоларкансиз, бу хизматдан умрбод маҳрум бўласиз. Васият қилувчи айниқса шу моддага қаттиқ риоя қилишни талаб этган. Агар бирон марта иш вақтида идорамиздан чиқиб кетсангиз, талабларимизни бажармаган ҳисобланасиз».

«Агар гап кунига тўрт соат вақт ҳақида кетаётган бўлса, идорадан чиқиб кетишни хаёлимга ҳам келтирмайман»,— дедим.

«Шуни билиб қўйингки,— деб такрорлади мистер Дункан Росс,— биз кейин ҳеч қандай авф-ўтичларингизга қулоқ солмаймиз. Ҳеч қандай касал, ҳеч қандай иш баҳона бўлолмайди. Хизмат вақтида идорада бўлишингиз шарт — бўлмаса хизматдан кетасиз».

«Ишим нимадан иборат бўлади?»

«Сиз «Британия қомуси»ни кўчириб ёзасиз. Биринчи томи — мана шу шкафда. Сиёҳ, патқалам, қофоз билан босма қофозни ўзингиз олиб келасиз: биз эса сизга стол билан стул берамиз. Эртадан иш бошлай оласизми?»

«Албатта», деб жавоб бердим.

«Ўндай бўлса, хайр, мистер Жабез Уилсон. Шундай яхши ўринни эгаллашга муваффақ бўлганингиз билан сизни яна бир марта табриклишга рухсат этинг».

У менга бош силкиди. Хонадан чиқиб, омадим келганидан қувонганча ёрдамчим билан уйга қараб жўнадим. Мен бу ҳодиса ҳақида кун-узукун ўйладим, кечга бориб ҳафсалам пир бўлаёзди, чунки миямга, бу ишларнинг

ҳаммаси шунчаки бир қаллоблик бўлса керак, деган фикр келди, аммо бу тадбирдан мақсад нима эканлигиги ни ўйлай-ўйлай сира тушунолмадим. Шундай васиятноманинг борлигига, «Британия қомуси»ни кўчириб ёзишга одамлар шу қадар кўп пул тўлашга рози эканликлариға ақл бовар қилмасди. Винсент Сполдинг жон-жаҳди билан менга далда беришга уринарди, аммо мен ёта-ётганимда бу ишдан воз кечишга қатъий қарор қилдим. Бироқ эрталаб миямга, ҳар эҳтимолга қарши у ерга бир бориб кўрай-чи, деган фикр келди. Бир пеннига¹ сиёҳ сотиб олиб, фоз пати билан етти тахта катта қофозни кўтариб Попс-коортга жўнадим. Таажжубки, у ерда ҳамма ишлар жойида эди. Жуда севиниб кетдим. Стол ишлашим учун тайёр қилиб қўйилган, мистер Дункан Росс мени кутиб турган экан. У менга «А» ҳарфидан бошлашни буюриб чиқиб кетди, аммо вақт-вақти билан идорага қайтиб кириб, ишлаётган-ишламаётганимдан хабар олиб туради. Соат иккода у мен билан хайрлашаркан, шунча кўп кўчириб ёзганимни мақтади-да, орқамдан идоранинг эшигини беркитиб олди.

Кунлар шу йўсинда ўтаверди, мистер Холмс. Шанба куни хўжайним столга бир ҳафталик ҳақим — тўртта олтин соверенни² олиб келиб қўйди. Иккинчи ҳафта ҳам шундай ўтди, учинчи ҳафта ҳам. Мен у ерга ҳар куни роппа-роса ўнда бориб, роппа-роса иккода қайтардим. Бора-бора мистер Дункан Росс идорага фақат эрталаблари кирадиган, кейинроқ эса мутлақо кирмайдиган бўлиб қолди. Шунга қарамай, табиий, мен хонадан бир дақиқага ҳам чиқишига журъат қилолмасдим. Чунки унинг келмаслигига амин эмасдим, шундай фойдали ишдан ажралиб қолишдан қўрқардим ҳам.

Саккиз ҳафта ўтди; мен Аббатлар, Артиллерия, Архитектура, Аттика ҳақидаги мақолаларни кўчириб бўлиб, тез орада «Б» ҳарфига ўтаман, деб умид қилган эдим. Анча-мунча қофоз сарф қилган эдим, кўчириб ёзганиларим рафга аранг сиғарди. Аммо ишим бирдан адойи тамом бўлди-қолди.

— Тамом бўлди-қолди?

— Ҳа, сээр. Бугун эрталаб. Одатдагидек, соат ўнда ишга борсам, эшик қулфлоғлиқ, унга бир парча картон қоқиб қўйилибди. Мана у, ўзингиз ўқиб кўринг.

У бизга қўйин дафтарчанинг бир варагича келадиган картон узатди. Картонда қўйидаги сўзлар ёзилган эди:

¹ Пенни — чақа пул (тўрт тиин миқдорида).

² Соверен — олтин танга (ўн сўм миқдорида).

МАЛЛАЛАР УЮШМАСИ 1890 ЙИЛ, 9 ОКТЯБРДА ТАРҚАТИБ ЮБОРИЛДИ

Шерлок Холмс икковимиз бу қисқа ёзувга ҳам, Жебез Уилсоннинг маъюс қиёфасига ҳам узоқ тикилиб ўтирилди; ниҳоят, ўзимизни тиёлмай қаҳ-қаҳлаб юбордик.

— Бунинг ҳеч куладиган жойи йўқ! — дед қичқириб ўринидан сапчиб турган мижозимиз қизғиш соchlарининг тагларигача қизарип кетди.— Агар сиз ёрдам бериш ўрнига мендан кулмоқчи бўлсангиз, ёрдам сўраб бошқа одамга мурожаат қиласман.

— Йўқ, йўқ! — деб хитоб қилди Холмс, уни яна креслога ўтқазаркан.— Сизнинг ишингиздан ўла қолсам ҳам воз кечмайман. Бу ишнинг янгилигидан дилим баҳра олади. Аммо унинг, мени кечирасиз, ҳар қалай, қандайдир аломат жиҳати бор... Эшикка қоқиб қўйилган бу ёзувни топганингиздан кейин нима чора кўрдингиз?

— Ҳанг-манг бўлиб қолдим, сэр. Нима қилишимни билмадим. Қўшни идораларнинг ҳаммасига кириб чиқдим, лекин у ергагиларнинг биронтаси ҳам ҳеч нарса билмас экан. Ниҳоят пастки қаватда яшайдиган уй эгасининг олдига кириб, Маллалар уюшмасига нима бўлганини билмайсизми, деб сўрадим. У, бунақа ташкилотни сира ҳам эшитмаганман, деб жавоб берди. Шундан кейин ундан, мистер Дункан Росс ким бўлади, деб сўрадим. У, бу исми биринчи эшитишим, деб жавоб берди.

«Мен тўртинчи рақамли квартирангизни ижарага олган жентльменни айтяпман», — дедим.

«Маллани айтяпсизми?»

«Ҳа».

«Унинг оти Уильям Моррис. У юрист, жойимни вақтинча ижарага олган эди — унинг доимий идораси ремонт қилинаётган экан. Кеча кўчиб кетди».

«Уни қаердан топса бўлади?»

«Доимий идорасидан. Адресини ташлаб кетган. Мана: «Кинг-Эдуард-стрит, 17, авлиё Павел жомесининг яқинида».

Мен ўша адресга қидириб бордим, мистер Холмс, у ер ёғоч оёқ устахонаси экан; у ергагиларнинг биронтаси ҳам ҳеч қачон на мистер Уильям Морриснинг номини, на мистер Дункан Росснинг номини эшитган экан.

— Шундан кейин нима қилдингиз? — деб сўради Холмс.

— Кейин Сэкс-Кобург-скверга, уйимга қайтиб келдим, ёрдамчим билан маслаҳатлашдим. У менга ҳеч



65-81

қандай ёрдам беролмади. У, кутиб тура туринг-чи, почта орқали бирон хабар беришар, деди. Менга бу тўғри келмайди, мистер Холмс. Мен шундай ажойиб жойни осонликча қўлдан бериб қўймоқчи эмасман. Сизнинг мушкул аҳволга тушиб қолган камбағал одамлардан ўз маслаҳатингизни аямаслигингизни эшишиб юардим, шунинг учун тўппа-тўғри олдингизга келавердим.

— Тўғри қилгансиз,— деди Холмс.— Сиз айтган ҳодиса — ажойиб ҳодиса, мен у билан шуғулланиш имкониятига эга бўлгандан баҳтиёрман. Сўзларингизни эшишиб шундай хulosага келдимки, бу иш биринчи қарашда туюлиши мумкин бўлганидан кўра жиддийроқ.

— Ҳа, ҳазилакам иш эмас!— деди мистер Жабез Уилсон.— Мен ҳафтасига тушиб турган мўмайгина тўрт фунтдан маҳрум бўлдим.

— Шахсан сизнинг тўғрингизда гапирадиган бўлсак,— деди Холмс,— бу ғайри оддий Уюшмадан нолишингиз ўринисиз. Аксинча, Фаҳмлашимча, сиз у туфайли ўттиз фунтча бойлик орттирибсиз, бундан ташқари «А» ҳарфидан бошланадиган нарсалар ҳақида чуқур билим орттирганингизни айтмаса ҳам бўлади.

— Тўғри, дарҳақиқат шундай, сэр. Аммо мен уларни қидириб топмоқчи эдим, уларнинг кимлигини, агар бу қилмишларини ҳазил деб билса, нега мен билан шу тариқа ҳазиллашганликларини билмоқчи эдим. Бу эрмак уларга жуда қимматга тушди: улар ўттиз икки фунтларидан ажрадилар.

— Биз буларнинг ҳаммасини аниқлашга уриниб кўрамиз. Аммо аввал сизга бир неча савол беришга рухсат этсангиз, мистер Уилсон. Ўша эълонни кўрсатган ёрдамчингиз сизда қачондан бери хизмат қиласди?

— Ўша вақтда бир ойча бўлиб қолган эди.

— Сиз уни қаердан топган эдингиз?

— У менинг олдимга газетада эълон берганимдан кейин келган эди.

— Эълонингизни ўқиб, ўшанинг ўзигина келганми-ди?

— Йўқ, ўнтача одам келди.

— Нима учун ўшанинг ўзинигина олдингиз?

— Қарасам чаққонроқ, ҳақни ҳам кам оладиган.

— Ярим маош олиб ишлашга рози бўлганига учдингизми?

— Ҳа.

— Ўша Винсент Сполдинг деганингизнинг қиёфаси қанақа?

— Кичик жуссали, гүлабир, серҳаракат. Уттизга бориб қолган бўлса ҳам иягида биронта тук йўқ. Пешонасида кислота куйдирган оппоқ дое бор.

Холмс қаддини ростлади. У жуда ҳаяжонланган эди.

— Ўзим ҳам шундайдир деб ўйлаган эдим!— деди у.— Унинг қулоқларидағи зирак тақадиган тешикларга кўзингиз тушмадими?

— Кўрганиман, сэр. У менга, қулоғимни болалигимда аллақандай лўли хотин тешган, деб тушунтирди.

— Ҳм!— деб қўйди Холмс ва чуқур ўй сурганча ўзини креслонинг суюнчиғига ташлади.— У ҳали ҳам сизникидами?

— Ҳа, албатта, сэр, уни ҳозиргина кўрдим.

— Ўйда йўқлигингизда у ишларингизни дуруст эп-лаб турадими?

— Нолисам бўлмас, сэр. Зотан, эрталаблари бўнак кассамда деярли ҳеч қандай иш бўлмайди.

— Бас, мистер Уилсон. Бир-икки кундан кейин бу воқеа тўғрисидаги фикримни сизга бажону дил хабар қиласман. Бугун шанба.. Умид қиласманки, душанба куни биз ҳамма гапдан воқиф бўлсан керак.

— Хўш, Уотсон,— деди Холмс минжозимиз кетгач,— сиз буларни нима деб ўйлайсиз?

— Ҳеч нарса деб ўйлаётганим йўқ,— деб рўй-рост жавоб бердим мен.— Бу иш менга ғоятда сирли туюлаётиди.

— Таомил шуки, — деди Холмс,— ҳодиса қаичаки ғалати бўлса, унинг сирли томонлари шу қадар кам бўлади. Оломон орасидан оддий қиёфали одамни топиш нечоғли қийин бўлса, оддийгина жиноятларни аниқлаш ҳам шу қадар мушкул. Аммо бу ҳодисани мумкин қадар тезроқ бартараф қилиш керак.

— Хўш, эндиси нима қилмоқчисиз?— деб сўрадим.

— Чекмоқчиман,— деб жавоб берди у.— Бу уч марта трубка чеккунча ўйлаб, мағзини чақса бўладиган масала, шунинг учун мени ўн минутча гапга солмай турсангиз.

У озғин тиззаларини йиғишириб қирғий бурнига яқин олиб борганча креслода ғужанак бўлиб олди ва кўзларини юмиб, аллақандай ғалати бир қушнинг тумшуғига ўхшаган қора сопол трубкасини тишлаган кўйи узоқ ўтирди. Мен уни, ухлаб қолди, деб ўйлаб ўзим ҳам мизғий бошлаган эдимки, қатъий бир қарорга келган одамдек ўрнидан сакраб турди-да, трубкасини каминга қўйди.

— Сарасате¹ бугун Сент-Жемс-холлда чалади,— деди у.— Сиз бунга нима дейсиз. Уотсон? Беморларингиз бар неча соатгина сизсиз турға олишармикан?

— Бугун бүшман. Ишим унча күп вақтни олмайди.

— Үндай бўлса, шляпангизни кийинг, кетдик. Мен аввал Ситига боришим керак. Йўл-йўлакай бирон жойда овқатланармиз.

Биз метрода Олдерсгэтгача бориб, у ердан эрталаб эшитган воқеаларимиз юз берган Сэкс-Кобург-скверга яёв жўнадик.

Сэкс-Кобург-сквер оқсуякларга хосроқ, ғарибгина хилват бир майдонча. Тўрт қатор кир-иғлос икки қаватли ғишт уйларниң деразалари ўт-алаф босган кичкинагина боғчага қараган, боғчанинг ўртасида бир неча туп ирвоқина лавр буталари қурум босган ҳаво билан курашиб жон талашиб ётиди. Зарҳал юритилган учта шар ва муюшга осилган оқ ҳарфлар билан «Жебез Уилсон», деб ёзилган жигарранг лавҳа малла мижозимизнинг муассасаси шу ерда эканлигини билдириб турарди.

Шерлок Холмс эшик олдида тўхтаб, юминқираган мижжалари орасидан чақиоқ кўзларини унга тикди. Кейин кўчадан аста юриб бориб, уйларни диққат билан кўздан кечирганча яна муюшга қайтиб келди. Бўнак кассасининг олдида ҳассаси билан тошкўчани уч марта қаттиқ уриб кўрди, сўнгра эшикка яқин бориб, уни тақиллатди. Эшикни шу ондаёқ соқол-мўйлови қиртишлаб олинган чаққон йигит очди-да, бизни ичкарига таклиф қилди.

— Ташаккур,— деди Холмс.— Мен фақат Стрэндга қандай борса бўлади, деб сўрамоқчи эдим.

— Учинчи кўчага борганда ўнгга буриласиз, кейин тўртинчи кўчага борганда чапга,— деб дарҳол жавоб берди мистер Уилсоннинг ёрдамчиси ва эшикни тақ этиб ёпди.

— Эпчил йигит экан!— деб қўйди Холмс биз яна кўча бўйлаб борарканмиз.— Менингча, у эпчилликда Лондон бўйича тўртинчн ўринда турса керак, довюракликда ёса учинчи ўринда бўлса ҳам ажаб эмас. Унинг тўғрисида унча-мунча маълумотлар бор.

— Назаримда, — дедим мен,— мистер Уилсоннинг ёрдамчиси Маллалар уюшмасида ҳазилакам роль ўйна-

¹ Сарасате (1844—1908) — машҳур испан скрипкачиси ва композитори.

маса керак. Аминманки, сиз ундан йўлни фақат ўзини кўриш учунгина сўрадингиз.

- Ўзини эмас.
- Нимани бўлмаса?
- Тиззаларини.
- Хўш, тиззаларида нимани кўрдингиз?
- Кутган нарсамни кўрдим.
- Кўча тошларини нимага уриб кўрдингиз?
- Муҳтарам доктор, ҳозир гап сотишнинг фурсати эмас, кузатиш керак. Биз — душман қароргоҳидаги ай-ғоқчилармиз. Биз Сэкс-Кобург-скверда баъзи бир нарсаларни билиб олишга муваффақ бўлдик. Энди уларга нариги томондан келиб туташадиган кўчаларни кўздан кечириб чиқамиз.

Сэкс-Кобург-сквер билан муюшдан бурилганимиздан кейинги манзара орасида ер билан осмонча фарқ бор эди. Муюшдан бурилгач, шаҳарнинг Ситини шимол ва фарб билан боғлаб турадиган асосий қон томирларидан бири ўтар эди. Бу катта кўча бошдан-оёқ икки оқим ҳосил қилиб ўнгга ва сўлга қатнаб турган экипажлар билан тўлган, йўлкаларда эса ғуж-ғуж ўткинчилар, қатор-қатор ажойиб магазинлар ва ҳашаматли маҳкамаларга қараб худди шу уйларнинг орқасида нақадар ғарид кимсасиз майдон борлигини тасаввур қилиш маҳол эди.

— Ижозат беринг, тўйиб томоша қилиб олай,— деди Холмс муюшда тўхтаб, ҳар бир уйни бирма-бир диққат билан кўздан кечиракан.— Биноларнинг қай тартибда жойлашганини эслаб қолмоқчиман. Лондонни ўрганишга жуда ишқибозман... Аввал Мортимернинг тамаки магазини, кейин газета дўкони, унинг ёнида шаҳар ва шаҳар атрофи банкининг Кобург бўлими, сўнгра вегетарианлар¹ ресторани, ундан кейин Мак-Ферленнинг карета депоси. Ундан ўёғида нариги квартал бошланади... Хўп, доктор, ишимиз тамом бўлди ҳисоб. Энди бир оз кўнгилхушлик қилсан ҳам бўлади: бутерброд еб, бир чинни оёқдан қаҳва ичамизу ҳузур-ҳаловат, ором, дилрабо куйлар салтанатига равона бўламиз, у ерда малла мижозлар бошимиизни қотириб ғашимиизга тегмайди.

Дўстим музинкани эҳтирос билан севар, у истеъоддли созандагина эмас, туппа-тузуккина композитор ҳам эди. Бутун кеча давомида ингичка узун бармоқларини музи-

¹ Вегетарианлар — эт емаслар.

ка оҳангига монанд аста-аста қимирлатганча креслода яйраб ўтири. Унинг табассум қалқан чеҳраси, намхуш хумор кўзлари изтопар Ҳолмсни, ўғри-муттаҳамларнинг кушандаси, шафқатсиз, айёр Ҳолмсни ҳеч эслагмас эди. Ажойиб характери икки нарсадан таркиб топгани эди. Унинг пухталиги ҳамда кишини лол қолдиралигидан ўткир зеҳни бу киши фазилатининг асосини ташкил этадиган шоирона ўйчанлиги билан курашда туғилган бўлса керак, деб ўйлардим ўқтин-ўқтин. Ҳар доим тамоман ҳолдан тойганига ҳам қарамай ғайраг билан ишга киришиб кета оларди. Унинг кечқурунлари ўз навозишлари ва ноталарига нечоғли хотиржамлик билан берилиб кетишини яхши билардим. Аммо ишқибозлик эҳтироси уни бирдан чулғаб олиб, ўзига хос бўлган ёрқин тафаккур кучи савқи табиий даражасига етиб борар, унинг услубидан бехабар одамлар, қаршимизда оддий бир одам эмас, аллақандай ғайритабиий бир жондор турибди, деб ўйлай бошлар эдилар. Сент-Жемс-холлда кузатиб ўтирарканман, Ҳолмснинг музикага нақадар берилиб кетганини кўриб, у изига тушган одамларнинг омон қолмасликларини сездим.

— Сиз, доктор, уйга кетмоқчиидирсиз,— деди у концерт тамом бўлгач.

— Уйга кетаман, албатта.

— Менинг яна бир ишим бор, бу уч-тўрт соат вактимни олади. Кобург-сквердаги ҳодиса — жуда жиддий нарса.

— Жуда жиддий денг?

— У ерда катта жиноятга тайёрлик кўрилмоқда. Мен ишонч билан айтаманки, биз унинг олдини олиб қоламиз. Аммо бугун шанба бўлгани сабабли иш анча мушкуллашади. Кечаси менга ёрдамингиз керак бўлиб қолиши мумкин.

— Соат нечада?

— Соат ўнлардан кейин.

— Роппа-роса ўнда Бейкер-стритда бўламан.

— Жуда соз. Билиб қўйинг, доктор, бу ниҳоятда хатарли иш. Чўнталингизга револьверингизни солиб олинг.

У менга қўл силкиб, кескин бурилди-да, бир лаҳзада халойиқ орасига кириб ғойиб бўлди.

Мен ўзимни бошқалардан кўра аҳмоқроқ деб ҳисобламайман-у, аммо қачон Шерлок Ҳолмс билан тўқнаш келиб қолсан, зеҳнимнинг пастлигини тан олиб қийналиб кетаман. Ахир, мана, мен ҳам у нимани эшигтан бўлса шуни эшигдим, у нимани кўрган бўлса, мен

ҳам шуни күрдим, бироқ гапига қараганда у бўлиб ўтгаи воғеанигина эмас, энди содир бўладиганигача тушиниб, пайқаб турибди, менга эса бу иш ҳамон дудмал, бир тутуриқсиз нарсага ўхшаб туюлмоқда.

Ўйга қайтаётиб, йўл бўйи «Британия қомуси»ни кўчирган ўша малла котибнинг ғалати ҳикоясини ҳам, Секс-Кобург-скверга борганимизни ҳам, хайрлашаётганимизда Холмс айтган ваҳимали сўзларни ҳам яна бир бор эсладим. Бу тунги сафар нимани билдиради ва нима учун қуролланиб боришим керак? Биз у билан қаёқка борамиз ва нима ишлар қиласми? Холмс менга бўнак касса эгасининг кўса ёрдамчиси катта жиноятларга қодир, фоятда хавфли одам әканини шама қилиб қўйди.

Бу жумбоқни ечиш учун роса бош қотирдим, аммо ҳеч бир иш чиқаролмадим, кечасигача сабр қилишга қарор қилдим, ҳамма гап ўшанда аён бўлади.

Тўққиздан чорак ошганда уйдан чиқдим. Гайд-парк ва Оксфорд-стритдан ўтиб, Бейкер-стритга чиқдим. Эшик олдида иккита кэб¹ турарди, даҳлизга киарканман, ғала-ғовур товушларни эшидим. Холмснинг ҳузурида икки одам бор экан. Холмс улар билан қуюқ суҳбатлашмоқда. Улардан бирини танирдим — бу полициянинг расмий агенти Питер Жонс. Иккинчиси эса ялтироқ цилиндр, фоятда бежирим фрак кийган озғин, новча, бадқовоқ одам эди.

— Ҳа, ана, жамоат жам бўлдик! — деди Холмс матросча курткасининг тугмаларини қадаб, рафдан вазмини сопли овчилар қамчисини оларкан.— Уотсон, сиз Скотленд-Ярда ишлайдиган мистер Жонс билан таниш бўлсангиз керак? Рухсат этинг, сизни мистер Мерриуэзерга таништирай. Мистер Мерриуэзер ҳам бизнинг тунги саргузаштимида иштирок этади.

— Кўриб турибсизки, доктор, биз мистер Холмс билан яна бирга овга чиқаётимиз,— деди Жонс одатдагидек сиполик билан.— Дўстимиз бебаҳо одам. Аммо овнинг энг бошида йиртқични таъқиб қилиши учун унга қари тозининг ёрдами керак.

— Йиртқични эмас, ўрдак отиб юрмасак ҳали, деб қўрқаман,— деди тундлик билан мистер Мерриуэзер.

— Мистер Холмсга бемалол орқа қилишингиз мумкин, сэр,— деб қўйди ҳамият билан полиция агенти.— Унинг яхши кўрган услублари бор. Улар, рухсатингиз билан қайд этсам, бир оз мавҳум ва хаёлийроқ, лекин,

¹ Кэб — одам ташийдиган бир отли экипаж.

ҳар қалай, жуда яхши натижалар беради. Эътироф этиш керак, у ҳақ бўлиб чиқиб, расмий полиция эса янгишган ҳоллар ҳам бўлган.

— Модомики, сиз шундай деяётган экансиз, мистер Жонс, демак ҳаммаси жойида бўлади,— деди тақаллуф билан нотаниш одам.— Лекин, ҳар қалай, ростини айтсанам, бугун одатдаги роббер ўйнашдан маҳрум бўлаётганимга ачинаётубман. Бу йигирма етти йил давомида мен карта ўйнамай ўтказадиган биринчи шанба оқшоми бўлади.

— Бугунги ўйиндаги дов сизнинг карта ўйинингиздаги довдан каттароқ, ўйиннинг ўзи ҳам қизиқроқ бўлади,— деди Шерлок Холмс.— Сиз тикадиган дов, мистер Мерриуэзер, ўттиз икки минг фунт стерлингга тенг келади. Сизнинг довингиз эса, Жонс, аллақачонлардан бери тутиб олиш умидида юрган одамингиз.

— Жон Клей—қотил, ўғри, қулфбузар, фирибгар,— деди Жонс.— У ҳали ёш, мистер Мерриуэзер, аммо мамлакат бўйича энг моҳир ўғри: мен ҳаммадан кўра ҳам ўшанинг қўлларига жон-жон деб киshan урадим. Жон Клей деган бу йигит ажойиб одам. Унинг бобоси герцог эди, ўзи бўлса Итон ва Оксфордда¹ ўқиган. Қўли қанчалик моҳир бўлса, мияси шунчалик ўткир, гарчанд биз унинг изига ҳар бир қадамда дуч келаётган бўлсак ҳам, у ҳамон тутқич бермайди. Бу ҳафтада у Шотландияда бирон кимсанинг бор-йўғини ўмариб келса, кейинги ҳафтада Корнваллисда етимхона қуриш учун пул йиғишга киришади. Неча йиллардан бери унинг изидан қуваману, лекин ҳалигача ўзини кўрган эмасман.

— Бугун кечаси уни сизга таништиришга мусассар бўламан. Мен ҳам икки марта мистер Жон Клейнинг жасоратнга тўқнаш келганман, сизнинг у мамлакат бўйича энг моҳир ўғри, деган фикрингизга батамом қўшиламан... Соат ўндан ошиб қолди. Йўлга тушсак ҳам бўлар. Сизлар икковларингиз биринчи кэбда жўнанглар, Уотсон билан биз иккинчисида жўнаймиз.

Шерлок Холмс узоқ чўзилган сафаримиз давомида унча очилиб гапирмади: у ўзини орқага ташлаб ўтирганча бугун концертда эшитган куйларини хиргойи қиласарди. Биз газ фонуслар билан ёритилган сон-саноқсиз эгри-бугри кўчалардан юра-юра, ниҳоят Фаррингдон-стригта етиб бордик.

¹ Итон ва Оксфордда зодагонлар ўқийдиган ўқув юртлари жойлашган.

— Энди жуда яқинлашиб қолдик,— деди ошнам.— Алави Мерриуэзер-банк директори, бу ишдан шахсан манфаатдор. Бизга Жонс ҳам иш беріб қолади. У маңқул йигит, үзининг ихтисосига сира уқуви йўқ. Аммо бирдан-бир яхши фазилати бор: худди бульдог итдек довюрак, худди қисқичбақадек ёпишқоқ. Битта-яримта панжасига тушиб қолгудек бўлса, асло қўйиб юбормайди... Етиб келдик. Мана улар.

Биз яна эрталаб кўрган ўша гавжум ва ғала-ғовур кўчамизга келиб тўхтадик. Извошчининг ҳақини тўлаб, мистер Мерриуэзернинг орқасидан қандайdir тор йўлакка кириб бордик ва у ёнбошдаги эшикчани очиши билан ўзимизни дарҳол ичкарига олдик. Эшикча ортида жуда қисқа бошқа йўлак бор экан. Йўлакнинг охирида вазмин темир эшик кўриниб турарди. Бу эшикни очиб айланма зинапоянинг ғиштии босқичларидан пастга тушдик ва яна боягидек ҳайбатли бир эшикка яқинлашдик. Мистер Мерриуэзер тўхтаб фонарни ёқди-да, бизни заҳ ҳиди анқиб турган қоронги йўлакдан бошлиб кетди. Биз яна бир эшикдан ўтиб саватлар ва оғир-оғир яшиклар қалаб қўйилган гор ёки ертўлага ўхшаган кенггина жойга кириб бордик.

— Бу ерга юқоридан тушиш жуда қийин,— деб қўйди Холмс, фонарни кўтариб шифтни кўздан кечираркан.

— Пастдан кириш ҳам қийин,— деди мистер Мерриуэзер ерга ётқизилган тахта тошларни ҳассаси билан уриб кўриб.— Жин урсин, худди таги бўшдек гумбурлайди-я!— деб хитоб қилди у ҳайрат билан.

— Мен сиздан шовқин солмаслигинизни илтимос қилишга мажбурман,— деди жаҳл билан Холмс.— Сизнинг касрингиздан бутун режа пучга чиқиши мумкин. Марҳамат қилиб, мана бу яшиклардан бирига ўтирсангиз-да, бизга халал бермасангиз.

Басавлат мистер Мерриуэзер малол келмагандек саватга бориб ўтирди. Холмс эса чўккалаб фонарь ва лупа ёрдамида тошларнинг оралиғидаги тирқишиларни синчиклаб текшира бошлади. Бир неча секунддан сўнг текширишларининг натижасидан мамнун бўлиб, ўрнидан турди-да, лупани чўнтағига солиб қўйди.

— Ҳали камида бир соат вақтимиз бор,— деб қўйди у,— чунки улар муҳтарам бўнак касса эгаси уйқуга кетмагунча ишга киришишлари маҳол. Хўжайн уйқуга кетгач эса улар бир дақиқа фурсатни ҳам қўлдан беришмайди, негаки, ишни қанчалик тез тутгатишса, қочиб қолишлари учун шунча кўп вақт қолади. Биз ҳозир,

доктор,— шубҳасиз, ўзингиз ҳам аллақачон пайқаган бўлсангиз керак,— Лондондаги энг бой банклардан бирига қарашли бўлимнинг омборида турибмиз. Мистер Мерриуэзер — банк бошқармасининг раиси: у фоятда довюрак жиноятчиларнинг хусусан ҳозирги вақтда бу омборга алоҳида диққат-эътибор билан қарашларига нима мажбур қилаётганини бизга тушунтириб беради.

— Биз бу ерда Франциядан олиб келинган олтинларни сақламоқдамиз,— деди пицирлаб директор.— Бизни, бу олтинни ўғирлаш учун уриниб кўришади, деб бир неча бор огоҳлантиришган.

— Франциядан олиб келинган олтинларни, дедингизми?

— Ҳа. Бир неча ой муқаддам бизга ошиқча маблағ даркор бўлиб қолди. Биз Франция банкидан ўттиз минг наполеондор¹ қарз олдик. Бу пулларнинг ҳали тахини ҳам бузмаганимиз, уларнинг ҳамон омборимизда тургани кейинчалик ҳаммага маълум бўлиб кетди. Мен ўтирган саватда икки минг наполеондор бор, улар қават-қават зар қофоз орасига терилган. Банкнинг бир бўлимида ҳозирги вақтда биз сақлаётганчалик миқдордаги олтин камдан-кам сақланади, бу нарса директорларни ташвишлантироқда.

— Ташвишланишга тўла асослари бор, — деб қўйди Холмс.— Ҳўп, энди тайёрлансан ҳам бўлар. Ўйлайманки, бирор соат ичида ҳамма иш тамом бўлса керак. Бу фонарни, мистер Мерриуэзер, бирон қора нарса билан тўсишга тўғри келади...

— Коронфида ўтирамизми?

— Қўрқаманки, шундай қилишга тўғри келади. Мен одатдаги робберингизни ўйнаёлмай қолманг, деб карта ола келганман, чунки биз тўрт кишимиз. Аммо кўрниб турибманки, душман жуда жиддий тайёрланганга ўхшайди, чироқни очиқ қолдириш хатарли бўлар эди. Бундан ташқари, бир-биrimиз билан жойларимизни алмаштиришимиз керак. Улар довюрак одамлар, гарчанд биз уларга қўққисдан ҳужум қилсак-да, агар эҳтиёт бўлмасак, улар бизга шикаст етказишлари мумкин. Мен ма-на бу саватнинг орқасида тураман, сиз анавиларнинг орқасига яширининг. Мен чироқни талончиларга тўғрилашим биланоқ уларни шартта ушланг. Агар ўқ отишса, Уотсон, уларга тап тортмасдан ўқ узинг.

Мен ўқланган револьверимни ёғоч яшик қопқоғига

¹ Наполеондор — Франция олтин пуллари.

қўйдим-да, яшнк орқасига ўтиб биқинидим. **Холмс** фонарь эшикласини ёпди, биз зимзиё қоронфида қолдик. Қизиган металл ҳиди бизга фонарь ўчирилмаганлигини, чироқ истаган дафъада ярқ этиб кетиши мумкинлигини эслатиб туради. Сабр билан кутишдан сергакланган асабларим қўққисдан ҳаммаёқни чулғаган бу зулматдан, зах ертўланинг совуқ нафасидан қақшаётган эди.

— Уларнинг қочиб чиқиб кетишлари учун фақат бир йўл бор — изларига қайтиб, уй орқали Сэкс-Кобург-скверга чиқишлиари мумкин,— дея шивирлаб қўйди Холмс.— Ишонамизки, илтимосимни бажо келтирган бўлсангиз керак, Жонс?

— Инспектор билан икки офицер уларни кўча эшик олдида кутиб турибди.

— Демак биз ҳамма телик-тешикларни беркитибмиз. Энди чурқ этмай кутишимиз керак, холос.

Вақт шу қадар имиллаб ўтардик! Аслида атиги биру чорак соат вақт ўтган бўлса-да, назаримда тун ниҳоясига етиб тепада тонг отаётгандек туюлди. Қимир этгани қўрққанимдан оёқларим увишиб толиб кетди, асабларим таранг эди. Бирдан пастда ғира-шира шуъла кўриб қолдим.

Дастлаб бу ердаги тошлардан бирини ёритиб турган ғира-шира учқун эди. Ҳадемай учқун сарғиш шуълага айланди. Кейин ҳеч қандай шовқинсиз туйнук очилди, ёруғ бўлиб турган бўшлиқнинг ўртасида хотинларникига ўхшаган оппоқ қўл кўриниб, қандайдир буюмни пай-паслаётгандек бўлди. Бармоқлари қимираётган бу қўл бир минутча пастда очилган туйнукдан чиқиб турди. Сўнгра қандай қўққисдан пайдо бўлган бўлса, шундай тез ғойиб бўлди, яна ҳаммаёқни қоронфилик чулғади, фақат икки тош орасидаги торгина тирқишдан хирагина ёруғ чиқиб туради.

Бироқ, бир дафъадан кейин сербар оқ тошлардан бирни гичирлаганча ағдарилиб тушди-да, унинг ўрнида чорқира чуқур ўра пайдо бўлиб, ундан ярқ этиб, фонарь ёруғи тушди. Ўра устида соқол-мўйлови қиртишлаб олинган йигитча кўринди; номаълум одам ҳар томонга синчилаб кўз югуртириди: икки қўли ўра лабига ёпишди, ўрадан елкаси кўринди, кейин бутун гавдаси кўтарилиди, тиззасини ерга тиради. Бир лаҳзадан сўнг нотаниш одам тамоман буёқса чиқиб, энди ўртоғини тортиб олмоқда эди. Ўртоғи ҳам ўзига ўхшаган кичкина ва чаққон, оқ юзли, жингалак қизғиши-малла сочли эди.

— Ҳаммаси жойнда, — деб шивирлади у.— Искана билан қоллар сендами?.. Минг лаънат! Сакра, Арчи, сакра, мен ўзимни қутқараман.

Шерлок Холмс унинг ёқасидан бўғиб олди. Иккинчи ўғри ковакка уриб қолди; Жонс уни ушлаб олмоқчи бўлган эди, аммо уддалаёлмади чамаси: тариллаганча латта йиртилаётганини эшидим. Револьвернинг милида шуъла йилтиради, аммо Холмс овчилар қамчиси билан асирининг қўлига бир урди, револьвер жаранглаганича тошга тушди.

— Фойдаси йўқ, Жон Клей,— деди Холмс мулойимлик билан. — Сиз қўлга тушдингиз.

— Кўриб турибман,— деб жавоб берди у мутлақо хотиржам.— Аммо ўртоғим қочиб қолди, сизлар пиджагининг баринигина ушлайдинглар.

— Уни эшикнинг орқасида уч киши пойлаб турибди,— деди Холмс.

— Э, шунақами! Қойилман! Табриклайман сизни.

— Мен ҳам сизни табриклайман. Маллалар ҳақида ги уйдирмангиз бекиёс ва муваффақиятли чиққан.

— Ошнангизни ҳозир кўрасиз,— деди Жонс.— У иннига уриб кетишда мендан чаққонроқ экан. Мана эиди қўлларингизга киshan ураман.

— Ифлос қўлларингизни тегизманг, мумкин бўлса! Менга тегманг!— деди бандимиз қўлига киshan урилгач. — Сиз ҳойнаҳой менинг томирларимда қироллар қони оқаётганидан бехабар бўлсангиз керак. Мумкин бўлса, менга мурожаат қиласётганингизда «сэр», деб атаб, «мумкин бўлса», деб илтимос қилинг.

— Жуда соз,— деди Жонс заҳарханда билан.— Мумкин бўлса, сэр, юқорига чиқиб кэбга марҳамат қиласангиз, у сиз табаррукларни полицияга олиб боради.

— Ҳа, бу бошқа гап,— деди Жон Клей хотиржам.

У бизга салобат билан бош ирғаб, изтопар қўриқчилигида бамайлихотир чиқиб кетди.

— Мистер Холмс,— деди Мерриуэзер бизни омбордан бошлаб чиқаётib,— банкимиз сизнинг бу хизматларингизга қай тариқа миннатдорчиллик билдириши кераклигини билолмай турибман гапнинг рости. Сиз каттакон бир ўғирликнинг олдини олиб қолдингиз.

— Менинг ўзим ҳам мистер Жон Клей билан ора

очиқ қилиб қўйишм керак эди,— деди Холмс.— Бугунги ишга сарфлаган харажатларим унчалик кўп эмас, сизнинг банкингиз уларни шак-шубҳасиз тўлласа керак, зотан, ростини айтганда, мен Маллалар уюшмаси ҳақидаги ажойиб қиссани эшитарканман, беқиёс бир саргузаштни бошимдан кечириб, яхшигина бир мукофотга савор бўлдим...

— Биласизми, Уотсон,— деб тушунтирди эрта наҳорда Шерлок Холмс, биз Бейкер-стритда бир стакандан содали виски ичиб ўтиарканмиз.— Маллалар уюшмаси ҳақидаги ақл бовар қилмайдиган бу эълон билан «Британия қомуси»ни кўчириб ёзишдан кузатилган бирдан-бир мақсад калтафаҳм бўнек кассаси эгасининг ҳар куни бир неча соат уйидан чиқариб юбориш учунгина керак бўлгани менга аввал бошданоқ аниқ маълум эди. Улар танлаган восита ғалати-ю, бироқ бу воситага амал қилиб улар мақсадларига эришинишибди. Бошдан-оёқ бу режани тузишда Клейнинг сериштиёқ зеҳнига шериги сочининг ранги туртки бўлган. Ҳафтасига тўрт фунт Уилсон учун тузоқлик вазифасини бажарган, улар мингларча фунтдан умидвор экан, тўрт фунтнинг юзига боришармиди! Улар газетага эълон беришган; бир фирибгар идора учун вақтинча ижарага жой олган, иккичи фирибгар ўз хўжайинини у ерга боришга кўндиран, икковлари ҳар куни эрталаб унинг йўқлигидан фойдаланиш имкониятига эга бўлганлар. Ёрдамчиси яrim маошга рози бўлиб, шу билан қаноатланчётганини эшитишим биланоқ бунинг тагида бирор гап борлигини пайқадим.

— Аммо уларнинг ниятларини қандай билдингиз?

— Малла мижозимизнинг муассаси — қашшоқ, унинг бутун квартирасида шу қадар мураккаб ўйинга ҳеч арзигулик нарса йўқ. Бинобарин, улар квартирадан ташқаридаги бирон нарсани кўзда тутишган. Бу нима бўлиши мумкин эди? Мен ёрдамчисининг сурат олишга ишқибоз эканлигини, бу ишқибозлик баҳонасида нима учундир ертўлага тушиб туришини эсладим. Ертўла! Мана чигал иининг иккичи уни. Мен Уилсондан унинг сирли ёрдамчисини суринтира-суринтира, Лондондаги энг совуққон, довюрак жиноятчилардан бирига тўқнаш келиб қолганимни пайқадим. У ертўлада қандайдир мураккаб иш билан банд, нега деганда иккӣ ойдан бери ертўлада ҳар куни бир неча соатлаб ишларкан. У ерда нима қилиши мумкин? Фақат бир иш: аллақандай бошқа бинога олиб борадиган лаҳим қази-

ётгаш бўлиши керак. Шундай хulosага келгач, мен сизни бошлаб шу воқеалар бўлаётган жой билан танишгани жўнадим. Ҳассам билан тошкӯчани уриб кўрганимда сиз таажжубландингиз. Мен эса лаҳимнинг қай томонга қараб қазилаётганини — кўча томонгами ёки орқа томонгами, шуни билмоқчи эдим. Маълум бўлдики, лаҳим кўча томондан қазилмаётган экан. Мен бориб қўнғироқни чалдим. Кутганимдек, эшикни ёрдамчиси очди. Шунгача у билан унча-мунча тўқнаш келган бўлсак-да, аммо бир-бири мизнинг юзимизни кўрмаган эдик. Бу гал ҳам мен унинг юзига қарамадим. Тиззаларинингина кўрмоқчи эдим. Тиззаларининг ифлос, фижимланган, қирилганлигини кўрсангиз сиз ҳам пайқашингиз мумкин эди. Бу кўп соатлар давомида лаҳим қазиш билан банд бўлганидан гувоҳлик бериб турарди. Энди бу лаҳимни қаёққа кетаётганини аниқлашгина қолган эди. Мен муюшдан бурилишим билан шаҳар ва шаҳар атрофи банкининг лавҳасини кўрдиму масала ҳал бўлганини фаҳмладим. Концертдан сўнг, сиз уйингизга кетгач, мен Скотленд-Ярдга бордим, у ердан эса банк бошқармаси раисининг ҳузурига қараб жўнадим.

— Сиз уларнинг банкни хусусан шу кечада талашга уринишларини қаёқдан билдингиз? — деб сўрадим мен.

— Маллалар уюшмасининг идорасини ёпиш билан улар мистер Жебез Уилсондан холи бўлишга ортиқча муҳтож эмасликларини, бошқа сўз билан айтганда, лаҳимни қазиб бўлганликларини билдиришиб. Бундан шу нарса маълум эдик, улар лаҳимдан тезроқ фойдаланиб қолишга ҳаракат қиласидилар, чунки, биринчидан, уни кўриб қолишлари, иккинчидан эса олтинни бошқа жойга олиб бориб қўйишлари мумкин эди. Шанба улар учун айниқса қулай кун эди, негаки, қочишлари учун бир кечада-кундуз ортиқ вақт берар эди. Мана шу мулоҳазаларнинг ҳаммаси асосида мен, ўғирлик яқин бир кечада содир бўлади, деган хulosага келдим.

— Бу мулоҳазаларингиз гаройиб! — дедим завқ билан самимий.— Сиз ўз фикрларингизни узун занжирдек шундай тизгансизки, унинг ҳар бир бўғини мустаҳкам.

— Бу ҳодиса мени диққатбозликдан халос қилди,— деб қўйди Шерлок Холмс эснаб.— Аттанг, яна зерикиб, диққатим ошиб келаётиди шекилли! Менинг бутун умрим — кундалик ҳаётимизнинг бир хилда диққинаfasлик билан ўтаверишига чап беришга ҳаракат қилишдан ибо-

рат. Баъзан мен ҳал қиласиган кичкина жумбоқлар шу мақсадга эришишимга ёрдам беради.

— Сиз инсониятнинг чинакам валинеъматисиз,— дедим мен.

Холмс кифтини қисди:

— Дарҳақиқат унча-мунча фойда келтирсам керак.
«L'homme c'est rien — l'oeuvre c'est tout»¹ деган экан Гюстав Флобер Жорж Санд²га ўзган хатида.

¹ «Одам — ҳеч нарса эмас, гап — ишда» (*французча*).

² Гюстав Флобер ва Жорж Санд (Аврора Дюдеван) XIX асрдаги машҳур француз адаблари.



БОСКОМ ВОДИЙСИННИГ СИРИ

Бир куни эрталаб рафиқам икковимиз нонушта қиляётсак, оқсоч хотин меңга Шерлок Холмсдан келган телеграммани берди:

«Икки кунгина вақтингизни ажратолмайсизми? Боском водийсидаги фожиа муносабати билан мени Англияning гарбига чақиртиришибди. Бирга кетсангиз хурсанд бўлардим. У ернинг манзараси, об-ҳавоси ажойиб. Паддингтондан 11.15 да йўлга чиқинг».

— Борасанми? — деб мулойимгина тикилиб сўради хотиним.

— Қайдам, билмадим. Ҳозир bemорларим жуда кўп...

— О, Анструзер уларнинг ҳаммасини қабул қиласади! Кейинги пайтларда жуда чарчаганга ўхшайсан. Сафарсенга ёқади. Бундан ташқари, сен Шерлок Холмс қўлга оладиган ҳар бир ишга жуда қизиқасан.

Афғонистондаги лагерь ҳаётида орттирган тажрибамнинг ақалли шундай афзаллиги бор эдикি, мен чиниққан ва чаққон саёҳатчи бўлиб қолган эдим. Сафарга оладиган буюмларим кам бўлгани учун бир зумда

саквояжим¹га жойладиму кэбга мұлжалымдан илгари-роқ тушиб, гизиллаганча Паддингтон вөкзалига жүнадым.

Шерлок Холмс платформа бўйлаб юрар, устидаги кулранг йўл кийими билан мовут кепкаси унинг озғин ва новча гавдасини яна ҳам озғинроқ ва новчароқ қилиб кўрсатар эди.

— Келганингиз жуда ажойиб бўлди-да, Уотсон,— леди у.— Орқа қилишим мумкин бўлган одам ёнимда бўлса, ўзимни бутунлай бошқача сезаман. Маҳаллий полиция ё ҳеч нарса қилмаяпти, ёки янгилик изга тушиб қолган. Сиз иккι бурчакдаги жойни эгаллаб турсангиз, мен билет олиб келман.

Биз купэга кириб ўтиридик. Холмс олакелган газеталарини ўқий бошилади; у аҳён-аҳёнда бошини кўтариб, нималарнидирир ёзиб қўяр ва ўй суреб қолар эди.

Шу тариқа биз Рэдингга етиб бордик. Туйқусдан у ҳамма қофозларни гижимлаб каттакон қилиб юмалоқлади-да, тепадаги юқ тўрига иргитди.

— Сиз бу иш тўғрисида ҳеч нарса әшиятганимдингиз?— деб сўради у.

— Бир оғиз ҳам. Бир неча кундан бери газета кўрмайман.

— Лондон матбуоти у қадар муфассал ҳисоботлар босиб чиқаргани йўқ. Тафсилотлари билан тузукроқ танишиш учун ҳозиргина газеталарнинг ҳамма сўнгги сонларини кўриб чиқдим. Бу, афтидан, ечилиши ҳамиша қийин бўладиган оддий ҳодисалардан бири шекилли.

— Сўзларингиз бир оз ғалатироқ әшитилаётиди.

— Аммо бу ҳақиқат. Файриоддий кўрининган нарсаларда деярли ҳамиша сирни очиш имкониятини берадиган калит яширингандан бўлади. Жиноят нақадар оддий бўлса, ҳақиқатни аниқлаб олиш шу қадар мушкул бўлади... Хуллас, марҳумнинг ўғлига жиддий айб тўнкалган.

— Демак, бу сунқасд экан-да?

— Ҳа, шундай деб тахмин қилишаётиди. Мен то иш билан танишмагунимча бирон нарса дейлмайман. Лекин масаланинг қай йўсинада эканлигини қандай тасаввур қилаётганимни бир-икки оғиз сўз билан тушунириб бераман сизга...

Боском водийси — Хирфордширда, Росс яқинидаги қишлоқ бор жой. Ӯша атрофдаги энг катта ер әгаси —

¹ Саквояж — сафар халтаси.

мистер Жон Тэнер. У Австралияда сармоя орттириб, бир неча йил мұқаддам юртіга қайтып келған. У үз фермаларидан бири Хазерлейни мистер Чарлз Мак-Картига ижарага берган. Униси ҳам собиқ австралиялык. Улар мустамлакаларда танишганлар, шунинг учун янги жойға күчіб келгач, бир-бирларында яқинроқ жойға үрнашганларында ажабланмаса ҳам бўлади. Тўғри, Тэнер бадавлатро „шунинг учун ҳам Мак-Карти унинг ижародори бўлиб қолган, аммо улар дўстона муносабатларини бузмаган бўлсалар керак. Мак-Картининг ўн саккиз яшар ўғли, Тэнернинг эса у билан тенгқур биттаю битта қизи бор, иккала чолнинг ҳам хотинлари ўлган. Улар, афтидан, инглиз оиласлари билан танишишдан қочганлар, танҳоликда умр кечирганлар, зотан ота-бала Мак-Картилар спортни севар, яқин орада бўладиган пойгаларга ўқтин-ўқтин бориб турар эканлар. Мак-Картиларнинг хизматкори ва оқсочи бор экан. Тэнернинг хўжалиги катта бўлиб, беш-олти хизматкори бор экан. Бу оиласлар ҳақида билиб олишга муваффақ бўлганларим шулар, холос. Энди содир бўлган ҳодисага келайлик.

Учинчи июнь куни, яъни ўтган душанбада, Мак-Карти кундуз соат учда Хазерлейдаги уйидан чиқиб, Боском камарига қараб йўл олган. Бу Боском водийсидан оқиб ўтадиган жилға тошганидан пайдо бўлган кичикроқ бир кўл. Эрталаб у Россга бориб хизматкорига жуда шошиб турганини, соат учда муҳим бир учрашувни бор эканлигини айтган. У ўша учрашувдан қайтиб келмаган.

Хазерлей фермаси билан Боском камарининг ораси чорак миля келади. Мак-Карти ўша ёққа кетаётганда уни икки одам кўрган экан. Биринчиси кампир, унинг иоми газеталарда эсламаган, иккинчиси мистер Тэнернинг ўрмончиси Уильям Краудер. Иккала гувоҳ ҳам, мистер Мак-Карти ёлғиз кетаётган эди, деб гувоҳлик берган. Ўрмончи мистер Мак-Карти билан учрашгач, салдан кейин унинг ўғли Жеймс Мак-Картини кўрганини илова қилишган. Йигитнинг қўлида милтифи бор экан. Ўрмончи, у отаси кетган йўлдан кетди, деб таъкидлаган. Бу учрашув ўрмончининг хаёлидан кўтарила-ёзган экан-ку, аммо кечқурун содир бўлган фожиани эшитгач, ҳаммаси эсиға тушибди.

Иккала Мак-Картини Уильям Краудердан кейин бошқалар ҳам кўрганлар. Боском камарининг атрофи қалин ўрмоц билан қуршалган, қирғоқлари эса қамиш



билан қопланган. Боском моликонаси дарвозабонининг қизи, ўп тўрт яшар Пэшенс Моран қўшни ўрмонда гул териб юрган экан. У кўлнинг яқингинасида мистер Мак-Карти билан унинг ўғлини кўрганини айтган. Назарида улар бир-бирлари билан қаттиқ айтишаётгандек тувлаганмиш. У Мак-Картининг ўғлига ўдағайлаб бақирганини эшитганимиш. Ўғли эса отасини урмоқчи бўлиб, қўл кўттарганини кўрганмиш. Қизча буни кўриб эсхонаси чиқиб кетганидан уйига қараб югурибди, орасига ўрмондаги камар олдида ота-бала Мак-Картилар бир-бирлари билан жанжаллашиб қолганини, фалокат босиб уришиб кетишмаса, деб қўрққанини айтганмиши. Қизча шуларни айтиб улгурмасданоқ ёш Мак-Карти, қоровулхонага югуриб кириб, отасининг ўрмонда ўлиб ётганини кўрганини айтиб, дарвозабонни ёрдамга чақирибди. У foятда ҳаяжонланган, милтиқсиз, шляпасиз экан; ўнг қўли билан енгидаги ўт устида чўзилиб ётган мурданинг олдига борибди. Марҳумнинг бош суги аллақандай вазмин, тўмтоқ қурол билан мажақланган экан. Бундай жароҳат ўғли милтиқ қўндоғи билан уриш оқибатида юзага келиши мумкинмиш. Милтиқ марҳумдан бир неча қадам нарида, ўт орасида ётганимиш. Бу қатъий далиллар асосида йигитни дарҳол қамоқقا олишибди. Сешанба куни терговчилар: «Ўйлаб қилинган сунқасд», деб дастлабки ҳукм чиқаришибди; чоршанба куни Жеймс Мак-Карти Россдаги чакана ишлар судига чақирилибди, суд ишни кўриб чиқишини маслаҳатчилар судига ҳавола қилибди. Терговчи билан полицияга маълум бўлган асосий фактлар шулардан иборат.

— Бундан қабиҳроқ ишни тасаввур қилиш қийин,— дедим мен. Агар қачон бўлмасин билвосита исботлар жиноятчини фош қилган бўлса, худди ана шу иш бунга мисол бўла олади.

— Билвосита исботлар янгиштириб қўйиши мумкин,— деди Холмс ўй сурганча.— Улар бир томоннинг на мутлақо равшан кўрсатишлари мумкин, аммо сиз бу исботларни таҳлил қилишга қодир бўлсангиз, аслида улар бизни кўпинча ҳақиқатга қараб эмас, бутунлай бошқа томонга олиб кетаётганига амин бўласиз. Тўғри, ҳозир иш ўша йигитга қарши қаратилган: жиноятчи у бўлиши ҳам эҳтимолдан холи эмас. Бироқ, бир тўда қўшнилар, улар орасида ер эгасининг қизи мисс Тэнер ҳам бор, йигитнинг бегуноҳлигига амин эканлар. Мисс

Тәнер судланувчина ҳимоя қилиш учун Лестрейдни таклиф этибди, у эсингизда бўлса керак? Лестрейд йигитни ҳимоя қилишни жуда мушкул ҳисоблаб, бу ишни менга топширди, мана энди икки ўрта яшар жентльмен уйларида бемалолгина нонушта қилиб ўтириш ўрнига соатига эллик миля тезликда гарбга томон ошиқмоқда.

— Қўрқаманки, фактлар ғоят асосли, бу процессда устун чиқиш учун имкониятларингиз жуда чекланган бўлади,— дедим мен.

— Дунёда кишини аён кўринниб турган фактдан кўра алдаб қўядиганроқ нарса йўқ,— деб жавоб берди Холмс кулиб.— Бундан ташқари, биз мистер Лестрейдга аён-ошкор бўлмаган баъзи бир ошкора фактларга тасодифан дуч келиб қолишимиз мумкин. Сиз мени жуда яхши биласиз, буни мақтанчоқлик деб ўйламассиз. Мен Лестрейд тўплаган далиллардан фойдаланаман, ёки уларни мутлақо инкор этаман, чунки ўзи улардан фойдаланиш ҳам, уларни таҳлил қилишдан ҳам гоятда ожиз. Чунончи, миямга келган биринчи фикрни олиб кўрайлик: менга мутлақо аниқки, сизнинг ётоқхонангиз нинг деразаси ўнг томонда, аммо мистер Лестрейдиниг ҳатто шундай очиқ-оидин фактни ҳам пайқашига унча амин эмасман.

— Дарҳақиқат, буни қандай қилиб билдингиз?..

— Азиз дўстим, мен сиз билан кўлдан бери танишман. Сизга хос бўлган ҳарбий интизомни яхши биламан. Сиз ҳар куни эрталаб соқолингизни оласиз, йилнинг бу фаслида эса қуёшининг ёруғида оласиз; юзингизнинг чап томони ўнг томонига қараганда ёмонроқ қирилган, чапга сурилган сари ёмонроқ, ниҳоят бора-бора пала-партиш қирилган. Яққол кўриниб турибдики, юзингизнинг бу қисмига нариги томонга қараганда камроқ ёруғ тушган. Сизга ўхшаган тартибли одамнинг ҳаммаёқдан баробар ёруғ тушиб турганда ойнага қараб соқолини чала қиришини асло тасаввур этолмайман. Мен буни кузатувчанлик, хулосалар чиқара билишга одийгина мисол сифатида келтираётиман. Менинг ҳунарим шундан иборат, бу ўтказадиган текширишимизда иш бериб қолса ҳам ажаб эмас. Сўроқ вақтида маълум бўлган бир иккита майдада-чуйда деталлар бор. Улар диққатга сазовор.

— Нимә экан булар?

— Еш Мак-Картини ўша заҳотиёқ эмас, сал кейинроқ, Хазерлейдаги фермага қайтиб келганидан кейингина қамоқقا олганлар. Полиция инспектори, сиз қа-

моққа олиндингиз, деса, бу мени сира ҳам таажжублан-тирмайды, мен барибир жазоланишга сазоворман, деб жавоб берибди у! Унинг бу сўзлари ўз таъсирини кўрсатиб терговчининг кўнглидаги охирги гумонлар ҳам барҳам топибди.

— Бу иқрор бўлиш-ку! — деб хитоб қилдим.

— Йўқ, кейин у ўзининг мутлақо гуноҳсиз эканлигини айтибди.

— Шунча асосли далиллардан кейин бу шубҳали кўринади.

— Аксинча,— деди Холмс,— бу қора булутлар орасида мен кўраётган бирдан-бир шуъла. Ахир у ўз зиммасига қандай оғир шубҳалар тушаётганини билмаслиги мумкин эмас-ку. Борди-ю, қамоққа олиннишини эшитганда у ўзини таажжубланган ёки ғазабланган қилиб кўрсатса, бу менга ниҳоят даражада шубҳали бўлиб кўринарди, чунки шундай вазиятда бу тариқадаги таажжуб ёки норозилик мутлақо ясама бўларди. Бундай хатти-ҳаракат унинг носамимилигидан гувоҳлик бериши мумкин эди. Қамоққа олинниш пайтида унинг ўзини соддагина тутиши ё унинг мутлақо гуноҳсиз эканлигидан, ёинки, аксинча, зўр саботи, матонатидан дарак беради. Унинг, қамалишга сазоворман, деган жавобига келсак, бу ҳам мутлақо табий, чунки у фарзандлик бурчини шу қадар унтиб, отасига дағаллик қилган, қизалоқнинг таъкидлашича,— унинг шоҳидликлари муҳим аҳамиятга эга,— отасига мушт ўқталган. Унинг ўқиниб виждоний азоб чекаётганидан дарак берувчи жавобини мен жиноий ниятлар далили эмас, балки одоб-ахлоқ белгиси деб биламан.

Мен бош чайқаб:

— Кўпларни бундай даҳшатли далилларсиз ҳам дорга осиб юборишган,— деб қўйдим.

— Гапингиз тўғри. Уларниг орасида гуноҳсизлари ҳам кўп бўлган.

— Иигитнинг ўзи қандай далиллар кўрсатибди?

— Унинг далиллари ҳимоячиларга унча далда бермайди, зотан бир-иккита ижобий нуқталари ҳам бор. Сиз уларни газетадан ўқиб кўришингиз мумкин.

У папкасидан Ҳартфордшир маҳаллий газеталаридан бир нечтасини олиб, саҳифаларни буклади-да, баҳтсиз йигит бўлиб ўтган воқеаларни далиллаб берган изоҳларни қайд этувчи сатрларни кўрсатди. Мен купэнига бурчагига ўтириб олиб, диққат билан ўқишга киришдим. У ерда қуйидаги сўзлар ёзилган эди.

«Шундан сўнг марҳумнинг ёлғиз ўғли мистер Жеймс Мак-Карти чақирилди. У қўйидаги шоҳидликларни берди:

— Мен уч кундан бери уйда йўқ эдим: Бристолда эдим, худди ўтган душанба, учинчи куни эрталаб қайтиб келдим. Келсам, отам уйда йўқ экан, оқсоч хотин унинг отбоқар Жон Кобб билан Россга кетганини айтди. Орадан бир оз ўтгач, отам аравачасининг ғилдираги ғижирлаётганини эшитиб деразадан қараган эдим, унинг ҳовлидан ғизиллаб чиқиб кетаётганини кўрдим, қаёқка кетаётганини билмасдим. Кейин қуёнлар яшайдиган ялангликни кўздан кечириш учун Боском камарига боришига қарор қилдим: яланглик кўлнинг нариги бетида жойлашган. Йўлда ўрмон қоровули Уильям Краудерни учратдим, буни у берган шоҳидликларида айтган: бироқ у мени, отасининг изидан қувиб кетаётган эди, деб янглишади. Отамнинг мендан олдинроқда кетаётгани хаёлимга ҳам келган эмасди. Камарга етишимга юз қадамча қолганда «Коу!» деган хитобни эшитдим, отам билан икковимиз одатда бир-биirimизни шундай деб чақирадик. Уша заҳотиёқ олдинга қараб юурдим. У камар ёқасида турган экан. У мени кўриб жуда таажжубланди шекилли, бу ерда нима қилиб юрибсан, деб ўдагайлаб берди. Гапимиз ғижиллашишгача стиб борди, уришиб кетишимизга ҳам сал қолди, чунки отам фоятда жиззаки одам эди. Унинг қаҳр-ғазаби қайнаётганини кўриб, ундан нари кетишга қарор қилдиму Хазерлай фермасига қараб йўл олдим. Юз эллик қадамча ҳам юрмаган эдимки, орқамдам жон аччиғида қичқирган овозни эшитиб юрагим шувиллаб кетди-да, яна орқамга қараб чопдим. Қарасам, отам ерда чўзилиб ётибди, боши ёрилган, жони узилай деб турибди. Милтифим қўлимдан тушиб кетди, отамнинг бошини кўтардим, худди шу дақиқада жони узилди. Мен марҳумнинг олдида бир неча минут тиз чўкиб турдим, кейин ёрдам сўраб мистер Тэнернинг дарвозабони ҳузурига бордим. Дарвозабоннинг уйи бошқаларга қараганда яқинроқ эди. Отамнинг қичқирганини эшитиб қайтиб келганимда унинг олдида ҳеч ким йўқ эди, уни ким ўлдирганини тасаввур ҳам қила олмайман. уни камдан-кам одам танир, чунки у табиатан одамови, тунд киши эди. Аммо, ҳар қалай, билишимча, унинг чинакам душманлари йўқ эди.

Терговчи: Отангиз ўлими олдидан сизга ҳеч парса демадими?

Гувоҳ: У мингиллаб бир неча сўз айтди-ю, мен фагат «каламуш» деган сўзга ўхшаган иборани пайқаб қолдим.

Терговчи: Сизнингча бу нима бўлиши мумкин?

Гувоҳ: Билмадим. Алаҳлаган бўлиши мумкин.

Терговчи: Афсуски мен жавоб беришингизни талаб қилишга мажбурман.

Гувоҳ: Мен бўлсан бу саволга жавоб беролмайман. Сизни ишонтириб айтаманки, сұхбатимиз кейин юз берган мудҳиш фожиага мутлақо алоқасиз эди.

Терговчи: Буни суд ҳал қиласиди. Жавоб беришдан бош тортишингиз маслаҳатчилар судининг сайёр сессијаси олдида жавоб бераётганингизда сизга зиён келтиришини тушунтириб ўтириш ортиқча бўлса керак.

Гувоҳ: Ҳар қалай, мен жавоб бермайман.

Терговчи: Афтидан, отангиз билан икковингиз ҳамиша бир-бирларингизни «Koyl» деб чақириб юрган бўлсаларингиз керак?

Гувоҳ: Ҳа.

Терговчи: Отангиз қанақасига ҳали сизни кўрмасданоқ, ҳаттоқи Бристолдан қайтиб келганингизни билмасданоқ шартли чақириқни айтиб чақирган?

Гувоҳ: (*жуда хижолат бўлиб*) Билмадим.

Маслаҳатчи: Отангизнинг қичқирганини эшишиб югуриб келгач, унинг қалтис яраланганини кўрарканлиз, кўзингизга биронта шубҳали нарса ташланмадими?

Гувоҳ: Арзидиган бирор нарсани кўрганим йўқ.

Терговчи: Бу билан нима демоқчисиз?

Гувоҳ: Мен ўрмондан югуриб чиққанимда шу қадар ҳаяжонланган, қўрқиб кетган эдимки, отамдан бошқа ҳеч нарсани ўйламасдим. Ҳар қалай, ўша пайтда чап томонимда ерда нимадир ётгани фирғана-шира ёдимда. Назаримда, аллақандай кулранг либос ётгандай эди, эҳтимол адёлдир. Бир вақт ўрнимдан туриб, ўша нарсани кўрмоқчи бўлиб қарасам ғойиб бўлиб қолибди.

— Сиз уни ёрдам сўрагани жўнаганингиздан олдин ғойиб бўлган, деб ўйлайсизми?

— Ҳа, олдин ғойиб бўлган.

— У нарсанинг нималигини аниқ айтиб беролмайсизми?

— Йўқ, шунчаки, назаримда у ерда бир нарса ётганга ўхшаб кўринган эди.

— Марҳумдан қанча нарида?

— Үн қадамча нарида.

— Урмондан қанча масофа берида?

— Тахминан шунча масофа беріда.

— Демак, бу нарса ғойиб бўлганида сиздан йигирма қадамча нарида экан-да?

— Ҳа. Мен унга орқа ўгириб турган эдим.
Шу билан гувоҳни сўроқ қилиш тугайди.

— Менга шу нарса аён бўлдики, — дедим газетага кўз ташлаб,— сўроқ охирида терговчи ёш Мак-Картига нисбатан мутлақо аёвсиз бўлган. У ўғлининг берган шоҳидлигидаги зиддиятларни — отаси ўғли келганини билмай туриб уни чақирганини, шунингдек, отаси билан қилган суҳбатнинг мазмунини айтиб беришдан бош тортганини, кейин марҳумнинг сўнгги сўзларини ғалати изоҳлаганини жуда асосли равишда таъкидлаган. Терговчи таъкидлаб ўтганидек, буларнинг ҳаммаси марҳумнинг ўғлига қаттиқ шикаст етказиши мумкин.

Холмс қулай диванда чўзилиб ётганича, жилмайиб шундай деди:

— Терговчи билан икковларингнинг ҳам бир камчиликларинг бор: йигитнинг шоҳидликларидағи ҳамма ижобий нарсаларни инкор этаётисизлар. Унинг фаросатини goҳ жуда зўрайтириб, goҳ жуда камайтириб юбора-ётганингизни наҳотки пайқамаётган бўлсангиз? Борди-ю, маслаҳатчиларда ўзига нисбатан хайриҳоҳлик уйғотишига қодир жанжал сабабларини ўйлаб тополмаган бўлса— фаросатсиз, борди-ю, марҳумнинг каламуш ҳақидаги сўзларини эслатиб, ғойиб бўлиб қолган кийим ҳақидаги уйдирмани ўйлаб топишгача бориб етган бўлса— жуда фаросатли экан, демоқчисиз. Йўқ, сэр, мен шундай нуқтаи назарга амал қиласманки, йигит айтган гапларнинг ҳаммаси—рост. Бу фараз бизни нимага олиб боради, ҳали кўрамиз. Энди мен чўнтакда олиб юрадиган Петракамни¹ ўқийман. Ҳодиса содир бўлган жойга етиб бормагуни мизча— бу иш ҳақида бир оғиз ҳам гаплашмаймиз. Иккинчи ионуштани Суиндонда қиласмиш. Менингча, у ерга йигирма минутдан кейин етсак керак.

Биз ажойиб Страуд водийси ва жимирлаб турган кенг Сэверн дарёсидан ўтиб, ниҳоят, сўлимгина овлоқ шаҳарча Россга кириб бордик. Сассиқкузанга ўхшаган, жуда босиқ, пишиқ-пухта кийинган айёр кўзли паканагина бир одам бизни платформада кутиб турарди. Гарчанд у қишлоқ жой учун мос деб ялангқават жигар-ранг камзул ва этик кийиб олган бўлса-да, унинг Скот-

¹ Петрака Франческо (1304—1374) — машҳур итальян гуманист шонри.

ленд-Ярда хизмат қиладиган Лестрейд эканини бир күришдаәк пайқадим. Биз у билан «Хирфорд Армз» меҳмонхонасига бориб тушдик, бизга хоналар олиб қўйилган экан.

— Мен карета тайинлаганман,— деди Лестрейд бир чинниоёқдан чой ичаётганимизда.— Сизнинг ишчанлигингиздан хабардорман. Ахир сиз жиноят содир бўлган жойга етиб боргунча тиниб-тинчиёлмайсиз-ку.

— Бу гапларингиз учун шоён таҳсин,— деб жавоб берди Холмс.— Энди ҳамма нарса барометринг нимани кўрсатишига қараб қолди.

Лестрейд фоятда таажжубланди.

— Фикрингизни яхши тушунолмадим,— деди у.

— Барометр нималарни кўрсатаётиди. Йигирма тўққиз, шамол йўқ, осмонда бир парча ҳам булат кўринмайди — ёмғир ёғмайди. Менинг эса бир қути сигаретим бор, уларни чекиб бўлишим керак. Қолаверса, бу ердаги диван қишлоқ меҳмонхоналарининг одатдаги расво диванларидан кўра хийлагина дуруст. Ўйлайманки, бугун кечқурун каратадан фойдаланолмасам керак.

Лестрейд илтифот билан кулиб қўйди.

— Сиз, албатта, газетадаги ҳисоботларни ўқиганингиздан кейин бирон хулосага келиб қўйганга ўхшайсиз,— деди у.— Бу иш худди чароғон кундек очиқ-оидин, унга қанчалик чуқур кириб борсанг, шунчалик оидинлаша боради. Лекин, албатта, аёл кишининг, айниқса гўзал бир аёлнинг илтимосини ерда қолдирса бўлмас. У сизнинг таърифингизни эшитган экан, зотан мен аллақачон қўл урган ишга сизнинг сира ҳам бош қўшмаслигинингизни унга кўп марта айтишимга қарамай судланувчини ҳимоя қилиш учун худди сизни таклиф қилмоқчи бўлди. Ё раббий! Эшикка унинг экипажи келиб тўхтади.

У шундай дейиши биланоқ хонага бир қиз югуриб кирди, мен бундай дилбар қизни умрим бино бўлиб кўрмаган эдим. Мовий кўзлари чараклар, дудоқлари хиёл очилган, ёноқларида латиф нимпушти қизиллик ўйнар эди. Қаттиқ ҳаяжонланганидан одатдаги босиқлигини унутиб қўйган бўлса керак.

— О, мистер Шерлок Холмс!— дея хитоб қилди у, гоҳ унга, гоҳ менга қараб, ниҳоят аёлларга хос савқи табнийси билан назарини дўстимда тўхтатиб.— Келганингиздан фоят хурсандман! Сизга шуни айтгани кслдим. Ишонаманки, Жеймснинг гуноҳи йўқ. Сиз менга маълум бўлган нарсалар билан танишиб ишга кириши-

шингиз керак. Заррача ҳам шубҳалана кўрманг. Биз у билан болалигимиздан дўст эди. Мен унинг қилмишларини ҳаммадан кўра яхши биламан, аммо унинг кўнгли шу қадар юмшоқки, чумолига ҳам озор бермайди. Жеймсни яхши биладиганларнинг ҳаммасига ҳам унга бундай айб қўйилиши жуда тутуруқсиз туюлаётиди.

— Умид қиласманки, биз уни оқлашга муваффақ бўламиз, мисс Тэнер,— деди Шерлок Холмс.— Ишонинг, имконим борича ҳаракат қилишга тиришаман.

— Сиз ҳисоботларни ўқидингизми, содир бўлган ҳодисалар ҳақида маълум бир фикрга келиб қўйганмисиз? Биронта нажот йўлини кўраётисизми? Унинг гуноҳсиз эканлигига ўзингиз аминмисиз?

— Мен, шундай бўлиши мумкин, деб ҳисоблайман.

— Хайрият-эй!— деда хитоб қилди у бошини мағрур кўтариб ва Лестрейдга писандада билан тикилиб. — Эшитдингизми? Энди кўнглимда ишонч туғилди.

Лестрейд кифтини учирди.

— Кўрқаманки, ҳамкасабам хулоса чиқаришда шошилаётиди,— деди у.

— Ахир у ҳақ-ку. О, мен аминманки, у ҳақ! Жеймс жиноят қиласдан эмас. Отаси билан бўлган жанжалга келсак мен биламан: у терговчига бу тўғрида менга даҳлдор жойи борлиги учун ҳеч нарса айтмаган.

— Қандай қилиб?— деб сўради Холмс.

— Ҳозир бирон нарсани яшириб қолишнинг мавриди эмас. Жеймс билан отаси ўртасида менинг важимдан катта кўнгилсизликлар бўлиб ўтган эди. Жеймснинг отаси бизларнинг бирга турмуш қуришимизни истарди. Жеймс билан биз бир-биirimизни ҳамиша акасингилдек яхши кўтардик, аммо у, албатта, ҳали жуда ёш, турмушни яхши билмайди... Шу билан... хўш... хуллас табиийки, у уйланишни хаёлига ҳам келтирмаган эди. Шунинг оқибатида жанжал чиқиб турарди, ишонаманки, бу сафар ҳам ўшандай жанжаллардан бўлган.

— Сизнинг отангиз-чи?— деб сўради Холмс.— У сизларнинг қовушишларингизни хоҳларниди?

— Йўқ, у ҳам қарши эди. Жеймснинг отасидан бошқа ҳеч ким буни истамас эди.

Холмс қизга ўзининг одатдаги синчков назари билан тикиларкан, унинг сарин юзини туташ қизиллик қоплади.

— Берган маълумотларингиз учун ташаккур,— деди

у.— Эртага сизларни кирсам отангиз билан күриша оламанми?

— Доктор бунга рухсат бермас деб қўрқаман.

— Доктор?

— Ҳа, ҳали бундан хабарингиз йўқми? Сўнгги йилларда отам шўрлик бетоб бўлиб юради, аммо бу баҳтисизлик уни батамом йиқитиб қўйди. У ётиб қолди, доктор Виллоузнинг айтишича, бошига тушган бу мусибатдан асаби қаттиқ қақшаганмиш. Дадамни бир маҳаллар Викторияда яшаган пайтларидан бери биладиган кишилардан ҳаёт қолгани мистер Мак-Картигина эди.

— Ҳм! Викторияда? Бу жуда муҳим гап.

— Ҳа, олтин конларида бўлган вақтида.

— Мутлақо тўғри, олтин конларида бўлган вақтида, фаҳмлашимча, мистер Тэнер сармояни ҳам ўша ерда орттирган бўлини керак?

— Ҳа, албатта.

— Ташаккур сизга, мисс Тэнер. Сиз менга жуда яхши ёрдам бердингиз.

— Эртага биронта янгилик бўлиб қолса, илтимос, ҳабар қилсангиз. Сиз турмага бориб Жеймсни кўрсангиз керак албатта? О, агар кўрсангиз, мистер Холмс, айтингки, унинг гуноҳсизлигига имоним комил.

— Албатта айтаман, мисс Тэнер.

— Уйга тезроқ боришим керак, чунки дадамнинг касали оғир. Мен бўлмасам диққат бўлиб кетади. Хайр, худо сизга мададкор бўлсин!

У хонага қандай шошиб кирган бўлса, шундай шошганча чиқиб кетди, мана, йўлга тушган экипаж ғилдиракларининг тарақлаши эшитилмоқда.

— Мени уятга қўйдингиз, Холмс,— деди кибр билан Лестрейд бир дақиқа жимликдан сўнг.— Нега бирорнинг қўйинни пуч умидлар билан тўлдирасиз? Мен бўлар-бўлмасга эриб кетаверадиганлардан эмасман-у, лекин сиз жуда шафқатсизлик қилдингиз.

— Мен Жеймс Мак-Картини қутқариш йўлини топгандекман,— деди Холмс.— Сизда турмага кириш учун ордер борми?

— Ҳа, аммо фақат икковимиз учун.

— Унда бўлса, мен уйдан чиқмаслик тўғрисидаги қароримдан воз кечаман. Биз маҳбусни бугун кечқурун кўра олиш учун Хирфордга етиб бора оламизми?

— Бемалол.

— Унда жўнаимиз! Уотсон, сиз зерикиб қоласиз деб қўрқаман, аммо мен икки соатларда қайтиб келаман,

Мен уларни станциягача кузатиб қўйиб, шаҳар кўчаларини айландим-да, ниҳоят меҳмонхонага қайтиб келиб, чорпояга чўзилдим ва олди-қочди бир романни ўқий бошладим. Бироқ бу қиссанинг сюжети мен кўриб турган мудҳиш фожна олдида жуда ҳам бачкана эди. Ҳаёлим ҳадеб китобдан воқеликка қайтаётганини пайқадим. Шунинг учун китобни хонанинг нариги бурчагига улоқтириб юбордим-да, шу бугун бўлиб ўтган воқеалар ҳақида ўй суриб кетдим. Борди-ю, бу баҳтсиз йигитнинг берган шоҳидликларини мутлақо ҳаққоний деб фараз қилсақ, у отасидан йироқлашиб, кейин унинг қичқирганини эшитиб, яна қайтиб келгунча ўтган фурсат ичида ақл бовар қилмайдиган қандай ногаҳоний фалокат юз берди экан? Мудҳиш, даҳшатли бир ҳодиса юз берган бўлиши керак. Бу нима бўлиши мумкин? Ҳар қалай, врач бўлганлигим учун жароҳатнинг характери билан танишсам иш аён бўлса керак. Қўнироқ чалиб, ҳамма тергов материаллари батафсил босилган маҳаллий газеталарнинг охирги сопларини сўраб олдим.

Хирург берган шоҳидликлардан аниқланишича, учинчи энса суюги ва гардан суягининг сўл қисми тўмтоқ қурол билан берилган кучли зарба оқибатида маҷақланиб кетган. Шубҳасизки, бундай зарба фақат орқа томондангина берилган бўлиши мумкин. Мен бошимдаги ўша жойларни пайпаслаб ҳопдим. Муқаррар, бундай зарба фақат орқадангина берилиши мумкин. Бу айланувчини бир қадар шубҳадан ҳалос қиласр эди, чунки жанжал вақтида уни марҳум билан юзма-юз турган ҳолда кўрган эканлар. Аммо бунга ҳам кўп аҳамият бериб бўлмайди, негаки отаси зарба ейиншдан олдин ўғирилган бўлиши мумкин. Бироқ Ҳолмсга шуни ҳам айтиш керак. Ундан кейин менга каламушнинг эслатиб ўтилиши ҳам жуда ғалати кўриди. Бу нима бўлиши мумкин? Ҳар қалай, алаҳлаш эмас. Қўққисдан тушган зарбадан ўлаётган одам ҳеч қачон алаҳламайди. Йўқ, афтидан, у ўз ўлимини қандай қарши олганини изҳор қилмоқчи бўлган бўлса керак. У нима демоқчи бўлди экан? Узоқ ўйлаб, биронта мос келадиган изоҳ топишга уриндим. Шунда ёш Мак-Картининг кўзига чалинган кулранг кийим ҳодисасини эсладим. Чиндан ҳам шундай бўлган бўлса, демак, қотил қочиб кетаётib, бирон нарсасини, эҳтимолки, пальтосини тушириб қолдирган. Йигит марҳумнинг олдида тиз чўккан пайтда орқа томондан келиб, ундан йигирма қадамча нарида тушиб қолган нарсасини олиб кетишдан тап тортмаган. Бу ҳоди-

сада сирли ва ақл бовар қилмайдиган нарсалар нақадар чалкашиб кеттган.

Мени Лестрейдинг фикри таажжублантирмади, аммо Холмснинг узоқни кўра олишига ҳам ишонардим, ундан умидвор эдим, шу вақтгача менга ҳар бир яни деталь уннинг ёш Мак-Картининг гуноҳсиз эканлигига бўлган ишончини мустаҳкамлаётгандек бўлиб туюларди.

Холмс қайтиб келганда жуда кеч бўлиб қолган эди. У ёлғиз, чунки Лестрейд шаҳарда ўрнашганлиги учун ўша ерда қолган эди.

— Барометр ҳамон пастга тушаётиби,— деб қўйди у ўтираётниб.— Ҳодиса содир бўлган жойга етиб бормагунимизча ёмғир ёғиб қолмаса бўлгани! Ахир одам бундай ажойиб ишга ақли билан қалбининг бутун куч-куватини бағишлиши керак. Ростиин айтсан, узоқ йўлдан толиқиб келиб дарҳол ишга киришмоқчи эмасдим. Мен ёш Мак-Карти билан кўришдим.

— Сиз ундан нималарни билдингиз?

— Ҳеч нарсани.

— Иш унча равшанлашмадими?

— Асло. Мен, у жиноятчининг номини билади, буни яшираётиби, деб ўйлаган эдим. Аммо энди аминманки — бу нарса бошқалар учун қанчалик жумбоқ бўлса, уннинг учун ҳам шунчалик жумбоқ экан. Ёш Мак-Карти унча ақлли эмас, аммо жуда ёқимтой, пазаримда у одобли, ахлоқли йигитга ўхшайди.

— Агар чиндан ҳам мисс Тэнердай барно қизга уйлангиси келмаган бўлса, уннинг дидига қойил қолмадим,— дедим мен.

— Э, бунинг замирида фоятда кўнгилсиз бир воқеа бор! Қизни жуда севади. Бундан икки йил бурун, қиз ҳали пансионда бўлиб, йигит ўсмир эканлигига нима иш қилиб қўйганидан хабарингиз борми? Бу меров Бристолдаги бир буфетчи хотиннинг тузогига тушиб қолиб, у билан никоҳ рўйхатидан ўтган. Бу ҳақда ҳеч ким ҳеч нарса билмайди, ўзи жон-жон деб қилиши мумкин бўлган нарса важидан, шундай қилмаётисан, деб таъналар эшитиш унга қандай азоб беришини бир ўйлаб кўринг-а! Уни шу алам изтироби чулғаганда отасининг мисс Тэнер қўлини сўраш ҳақидаги талабига жавобан мушт кўтарган экан. Иккинчи томондан, уннинг ўзини ҳимоя қила олиш имконияти йўқ, ҳамманинг таъкидлашига қараганда, қаҳри қаттиқ отаси мабодо бор гапни билиб қолса, уни умрбод уйидан ҳайдаб чиқариши мумкин экан. Йигитча сўнгги уч кунни ўзининг буфетчи хо-

тини билан Бристолда ўтказган, отаси унинг қаерда эканлигини билмаган. Ишнинг шу жиҳатини эслаб қўйинг, бу жуда муҳим. Ови юришмаганига, қарангки, бошига келган дови жонига ора кирибди. Газеталардан эрини оғир жиноятда айблаетгандарини билиб, эҳтимолки уни тез орада осадилар, деб ўйлаган буфетчи хотин ундан дарҳол воз кечган, унга хат ёзиб, аллақачонлардан бери бошқа қонуний эри борлигини, унинг Бермуд докларида¹ яшашини, аслида ўзининг мистер Жеймс Мак-Картига ҳеч қандай алоқаси йўқлигини изҳор қиласан. Уйлайманки, бу хабар ёш Мак-Карти чеккан барча изтиробларнинг ажри бўлса керак.

— Агар бу гуноҳсиз бўлса, унда қотил ким бўлди?

— Тўғри, унда қотил ким? Мен сизнинг диққатингизни шу икки жиҳатга тортардим. Биринчиси: марҳум камар ёқасида ким биландир учрашиши керак бўлган, лекин бу одам ўғли бўлиши мумкин эмас, негаки у Бристолга кетган, қачон қайтиб келиши эса номаълум эди. Иккинчиси: отаси ўғлининг қайтиб келганини билмасидан буруноқ «Коу!» деб қичқирган. Бу процесснинг оқибатини ҳал қиласидиган асосий нуқталар... Кeling, агар майлингиз бўлса, энди Жорж Мередитнинг² ижоди ҳақида гаплашайлик, ҳамма иккинчи даражали ишларни эртага қолдирайлик.

Холмс башорат қиласандек ёмғир ёғмади: булутсиз ёрқин тонг отди. Соат тўққизда бизни олиб кетгани каратада Лестрейд келди, биз Хазерлей фермаси ва Боском камарига қараб жўнадик.

— Жиддий хабарлар бор,— деди Лестрейд.— Айтишларича, Холлдаги мистер Тэнернинг аҳволи тангмиш, узоққа бормаса керак, дейишашётганиш.

— У жуда қари бўлса керак-да?— деб сўради Холмс.

— Олтмишларга борган, аммо у мустамлакаларда соғлиғини йўқотган, анчадан бери жиддий касал. Бунда шу ишнинг ҳам катта таъсири бўлиши керак. У Мак-Картининг қадрдон дўсти, қолаверса, унинг чинакам валинеъмати экан. Кейин билишимча, ундан Хазерлей фермаси учун ижара ҳақи ҳам олмас экан.

— Шунақа денг! Бу жуда қизиқ!— деб хитоб қилди Холмс.

— Ҳа-да. Унга ҳар турли йўллар билан ёрдам бе-

¹ Док — кемалар қуриладиган ва ремонт қилинадиган порт иншооти.

² Жорж Мередит (1828—1909) — атоқли инглиз ёзувчиси.

паркан. Бу ердагиларнинг ҳаммаси, мистер Тэнер мархумга жуда меҳрибон эди, дейди.

— Нималар деяпсиз ўзи! Унча бадавлат бўлмагап бу Мак-Картининг мистер Тэнер олдида шу қадар бурчли бўлишига қарамай, уларнинг бутун мол-мулкининг вориси бўлган қизига ўғлини уйлантириш тўғрисида оғиз солиб юргани сизга ғалати кўринмадими? Яна буни шундай ишонч билан гапириб юрганки, илтимос қилса, бас— ҳамма иш жо-бажо бўлиб қоладигандек! Бу ғоятда ғалати. Ахир ўзингизга маълум-ку, Тэнер бу гапга қулоқ ҳам солгиси келмаган, бу ҳақда қизининг ўзи гапириб берди. Сиз ана шу гапларнинг ҳаммасидан дедукция методи билан қандай бўлмасин хулосалар чиқаролмайсизми?

— Биз дедукция билан ҳам, мантиқий хулосалар билан ҳам шуғулланганмиз,— деди Лестрейд менга кўз қисиб.— Биласизми, Холмс, агар бундан кейин ҳам фактлар билан шу тариқа иш кўрилса, ҳақиқатдан йироқлашиб, тусмоллар билан хомхаёллар дунёсига кириб қолиш ҳеч гап эмас.

— Тўғри гапга тан бериш керак,— дея босиқлик билан жавоб қайтарди Холмс.— Сиз фактлардан жуда ёмон фойдаланасиз.

— Нима бўлса ҳамки, мен сиз тушуниб етишингиз жуда қийин бўлган бир фактни тасдиқлаб олдим,— дея фижиниб эътиroz билдириди Лестрейд.

— Яъни...

— Яъни катта Мак-Картини кичик Мак-Карти ўлдирган. Бу фактни инкор этувчи ҳамма назариялар — пуч гап.

— Ҳўш, ой шуъласи мавҳум тумандан кўра равшанроқ-ку!— дея кулиб жавоб берди Холмс.— Янглишмасам, чап томонимиздаги Хазерлей фермаси бўлиши керак.

— Худди ўзи.

Бу каттагина жойни эгаллаган, томи шифер билан ёпилган икки қаватли қулай бино бўлиб, унинг кулранг пештоқини катта-катта сарғиш пўпанак парчалари қоплаган эди. Деразаларида тушириб қўйилган пардалар, тутун чиқмаётган мўрилари бу уйга маъюс тус бериб турар, гўё мудҳиш жиноят унинг деворларини бутун оғирлиги билан келиб босгандек эди.

Биз эшик қўнғирофини чалдик, оқсоч хотин Холмснинг талаби билан хўжайнининг ўлдирилган куни кийиб юрган ботинкасини, ўғлининг ўша куни кийган оёқ

кийимини күрсатди. Холмс ҳамма пойафзалини етти ёки саккыз жойидан пухталаб ўлчади-да, кейин бизни ҳовлига олиб чиқишиларини илтимос қилди, у ердан биз әгри-буғри сүқмоқ бўйлаб Боском камарига қараб кетдик.

Шерлок Холмс янгигини тушган издан бораркан, бутунлай ўзгариб кетган эди. Бэйкер-стритлик лоқайд мутафаккирни биладиган одамлар уни ҳозир кўрсалар таниёлмас эдилар. У маъюслашиб, юзлари қизарип борар эди. Қора қошлари чимирилиб, улар остидан кўзлари пўлатдек чақнар эди. Боши пастга тушиб, кифтлари туртиб чиқсан, лаблари қаттиқ қимтиниб, сермушак бўйнидаги қон томирлари ўйноқлаб кетган эди. Бурун катаклари таъқиб қилувчи кушандада сезгиси билан маст бўлган овчининг бурун катакларидек керкиб турарди. У олдида турган вазифага шу қадар чўмиб кетган эдикни, ўзига берилган саволларга ё мутлақо жавоб қайтармас, ёки ғаши келиб ғижинар эди.

У ўрмон ва ўтлоқдан Боском камарига қараб кетган сўқмоқдан индамай жадал юриб борарди. Бутун водий каби бу ер ҳам овлоқ, ботқоқ жой. Сўқмоқ ва унинг майса билан қопланган атрофида кўпдан-кўп излар кўзга ташланиб турарди. Холмс гоҳ ошиқар, гоҳ тўхтар эди, бир марта эса изига шартта бурилиб, ўтлоқ бўйлаб, бир неча қадам орқага қараб юрди. Лестрейд иккемиз унинг орқасидан кетмоқда эдик, изтопар лоқайд ва эътиборсиз қиёфада борарди, айни вақтда эса мен дўстимни зўр қизиқиш билан кузатардим, чунки унинг ҳар бир хатти-ҳаракати ишни ҳайрли оқибатга олиб боришига ишонардим.

Боском камари эни эллик ярдча¹ келадиган қамишзор билан қуршалган, Ҳазерлей фермаси билан мистер Тэнер бофининг чегарасида жойлашган кичкина кўл эди. Нариги қирғоққа туташиб келган ўрмон узра бадавлат ер эгаси истиқоматгоҳи устида кўкка бўй чўзган найзадор қизғиши миноралар кўзга ташланиб турарди.

Ҳазерлей томонидаги ўрмон жуда қалин; энг четдаги дараҳтларни кўл атрофини қуршаган қамишлардан эни йигирма қадамча келадиган нам босган ўтлоқ ажратиб турибди. Ленстрейд марҳумнинг жасади топилган жойни аниқ кўрсатиб берди; ер эса дарҳақиқат шу қадар нам эдикни, мен марҳум йиқилиб тушган жойни аниқ кўрдим. Холмсга келсак, унинг ғайрат ва диққат-эътибори барқ уриб турган чеҳрасидан топталган ўтлоқда

¹ Ярд — 0,9 метрга яқин.

күп нарсаларни кўрганини пайқадим. У изни топиб олган тозидек жонҳолатда уёқдан-буёққа югуради, кейин эса ҳамроҳимизга мурожаат қилди.

— Сиз бу ерда нималар қилдингиз? — деб сўради у.

— Бутун ўтлоқни хаскаш билан тинтиб чиқдим. Биронта қурол ёки далил бўладиган ашё топмоқчи эдим. Аммо сиз қандай қилиб пайқадингизки..

— Хўп, бас, вақтим зик! Сиз чап обғингизни ён томонга буриб босасиз, ҳаммаёқда шу чап оёғингизнинг изи. Сизни ҳатто кўрсичқон ҳам қидириб топиши мумкин эди. Қамишга бориб излар фойиб бўлаётиди. Эҳ, бу қўтослар подаси бу ерни пайҳон қилиб ташлагунча етиб келганимда иш нечоғли осон кўчар эди-я! Бу ерда қоровулхонадан келгандар турган, улар марҳумнинг атрофидаги олти ёки етти фут¹ жойдаги ҳамма изларни босиб тепкилаб юборишибди.

У ёнидан лупа олиб, яхшироқ илғаб олиш учун нам ўтмайдиган плашчига чўзилди-да, биздан кўра ҳам, ўзи билан ўзи гаплашаётгандек ғўлдирай бошлади:

— Мана бу ёш Мак-Картининг излари. Бу ердан у икки марта ўтган, бир марта шу қадар тез чопганки, пошнасининг излари деярли кўринмайди, тагчарми учининг изи аниқ тушган. Бу берган шоҳидликлари тўғри ақланлигини тасдиқлайди. У отасининг ерда ётганини кўргач, юргурган. Мана булар эса отасининг уёқ-буёққа юриб тургандаги излари. Бу нима бўлди? Үғли отасининг гапларига қулоқ солиб, суюниб турган қўндоқнинг изи. Бу-чи? Ҳа-ҳа, бу нима бўлди ўзи? Кимдир оёқ учida пусиб келган! Қолаверса, бу чор бурчак, мутлақо ғалати ботинка. У келиб қайтиб кетган ва яна қайтиб келган— бу гал албатта, пальтосини олиб кетгани қайтиб келган. Аммо қаёқдан келган?

Холмс баъзан изни йўқотиб, баъзан унга яна тўқнаш келиб уёқдан-буёққа чопарди, ниҳоят ўрмон ёқасидаги каттакон кекса қайнин соясига бориб етдик. Холмс қидирган изини шу дараҳт орқасидан топиб, яна кўкси билан ерга ётиб олди. Қувонганча қичқириб юборди. Холмс анчагача қимиirlамай ётди, хазон билан қуруқ шоҳ-шаббани титкилади, кулга ўҳшаган бир нарсанни конвертга солди, ерни лупа орқали кўздан кечирди, шунингдек бўйи етган жойгача дараҳт пўстлоғини ҳам кўздан кечирди. Пўпанак орасида қирраси ғадир-будир тош ётарди; уни олиб синчиклаб текширди. Кейин сўқмоқдан катта йўлга қараб кетди, у ерда излар йўқолган эди.

¹ Фут — 0,3 метрға яқин.

— Бу тош катта аҳамиятга эга,— деди у яна ўзининг одатдаги гап оҳангидан.— Ўнг томондаги кулранг уй — қоровулхона бўлиши керак. Мен Мораннинг олдиға кириб, унга икки оғиз гап айтаман, бир энлик хат ёзаман. Шундан кейин биз меҳмонхонага иккинчи ноңуштагача етиб оламиз. Сизлар каретага бораверинглар, орқаларингдац етиб оламан.

Ун минутлардан кейин биз Россга қараб кетмоқда эдик. Холмс ўрмондан топган тошини ҳамон қўлида ушлаб келарди.

— Бу сизни қизиқтириб қолиши мумкин, Лестрейд,— деди тошни унга узатиб.— Марҳум шу билан ўлдирилган.

— Мен унда ҳеч нарсанинг асарини кўрмаётубман.

— Асари йўқ.

— Бўлмаса буни қандай қилиб билдингиз?

— Унинг тагида ўт ўсиб турган экан. Тош у ерда бир неча кундан беригица ётганга ўхшайди. Теваракатрофда унинг ётган эски ўрни эса кўринмайди. Бунинг сунқасдда бевосита алоқаси бор. Хуллас, бошқа ҳеч қандай қуролнинг изи йўқ.

— Қотил-чи?

— У новча одам, чапақай, ўнг оёғи оқсайди, қалин тагчармли овчилар этиги билан кулранг пальто кийиб юради, мундштук билан Ҳиндистон сигараси чекади, чўнтагида ўтмас қаламтароши бор. Яна бир неча белгилар ҳам бор-у, аммо сизнинг қидиришларингизга ёрдам бериш учун шунинг ўзи ҳам кифоя қиласди.

Лестрейд кулиб юборди.

— Афсуски, мен ҳамон умидсизлигимча қолганман,— деди у.— Сизнинг назарияларингиз жуда жойида, аммо биз калтафаҳм британ маслаҳатчилари билан мулоқотда бўлишимиз керак.

— Буни ҳали кўрамиз,— деб хотиржам жавоб берди Холмс.— Сизнинг методларингиз бошқа, менини бошқа... Дарвоқе, мен бугун кечқуруниги поезд билан Лондонга қайтиб кетсам ҳам ажаб эмас.

— Ишларингизни чала қолдириб-а?

— Йўқ, тамомлаб.

— Аммо сир нима бўлади?

— Сир аниқланди.

— Жиноятчи ким?

— Мен тасвиirlаб берган жентльмен.

— У ким ўзи?

— Буни билиш жуда осон. Бу ерда истиқомат қиувчилар унча кўп эмас.

Лестрейд кифтини қисди.

— Мен бекорчи одам эмасман,— деди у,— чапақай ва оқсоқлигигина маълум бўлган жентльменни қидириш билан машғул бўлишга ҳеч иложим йўқ. Шундай қилсам бутун Скотленд-Ярдга кулги бўлардим.

— Яхши,— дея хотиржамлик билаш жавоб берди Холмс.— Бу сирни очишингиз учун зарур ҳамма имкониятларни сизга тақдим этдим. Сиздан ҳеч нарсанни яшириб қолмадим, сиз ўзингиз ҳам бу сирли жиноятни фош этишингиз мумкин эди. Мана, етиб келдик. Хайр. Жўнаб кетиш олдидан сизга мактуб ёзаман.

Лестрейдни эшик олдида қолдириб, биз ўз меҳмонхонамизга қараб кетдик, у ерда бизни ионушта кутмоқда эди.

Ўз фикрлари билан банд Холмс индамасди. Унинг юзи мушкул аҳволга тушиб қолган кишининг башара-сидек тунд эди.

— Қани, қулоқ солинг, Уотсон,— деди у столни йиғишириб олишгач.— Мана бу креслога ўтириинг. Мен сизга ўзимга маълум бўлган унча-мунча нарсаларни айтиб бераман. Нима қилишимни билмай қолдим. Сиздан маслаҳат олсам, деган эдим. Мана, чекинг, мен ҳозир бошлайман.

— Марҳамат.

— Хўш, бу ишни ўрганиш жараёнида бизни ёш Мак-Картининг ҳикоясидаги икки нуқта таажжублантириди, зотан улар мени йигитнинг томонига оғдириган бўлса, сизни унга қарши қилиб қўйди. Биринчиси, отасининг ўғлини кўрмасдан бурун «Koy!» деб қичқиргани. Иккинчиси, марҳумнинг жон бераётib каламушнигина эслагани. Биласизми, у бир неча сўзни минифиллаб айтгану ўғли фақат биттасинигина пайқаб қолган. Бизнинг текширишимиз шу икки нуқтадан бошланиши керак. Йигит айтганларнинг ҳаммаси ҳақиқатан тўғри, деб фараз қиласлилек.

— «Koy» нима дегани?

— Афтидан, ўғлини чақирмаган шекилли, уни Бристолда деб ўйлаган. Ўғли бу чақириқни мутлақо тасодифан эшишиб қолган. «Koy!» деган хитоб билан у учрашиши керак бўлган кимсани чақирган. Аммо «коу» — австралияча сўз, уни фақат австралияликларгина ишлатадилар. Бу Мак-Карти Боском камари ёқасидаги учратмоқчи бўлган одамнинг австралиялик эканини тасдиқлайдиган кескин далил.

— Хўш, каламуш-чи?

Шерлок Холмс чўнтағидан бир тахта буқланган қоғоз олди-да, уни столга ёзди.

— Бу Виктория штатининг харитаси,— деди у.— Буни кеча кечаси Бристолга телеграмма бериб, сўратниб олдим.— У хаританинг бир қисмини қўли билан яширди.— Ўқинг,— деб илтимос қилди у.

— АРЭТ¹,— деб ўқидим мен.

— Энди-чи?— деб у қўлини кўтарди.

— БАЛЛАРЭТ.

— Мутлақо тўғри. Марҳумнинг жони узилаётганда айтган сўзи худди шу, ўғли эса унинг кейинги икки бўғининингина пайқаб қолган. Отаси қотилнинг номини айтмоқчи бўлган. Шундай қилиб, Балларэт.

— Во ажабо!— деб юбордим мен.

— Ҳеч қандай шак-шубҳасиз шундай. Энди, кўриб турибсанзки, ҳалқа сиқилиб келмоқда. Жиноятчининг кулранг либоси борлиги учинчи нуқта эди. Мавҳумот барҳам топиб, кулранг пальто кийган, Балларэтдан келган аллақандай австралиялик пайдо бўлмоқда.

— Дарҳақиқат!

— Қолаверса, у шу ернинг ўзида истиқомат қила-диган одам, чунки камар яқинида ферма билан қўрадан бошқа ҳеч нарса йўқ, бу ерга бегона одам келган бўлиши ҳам маҳол.

— Албатта.

— Ундан кейин бизнинг бугунги экспедициямизни олайлик. Мен тупроқни текшириб, баъзи майда-чўйда далилларни топдим, уларни боя анави бефаросат Лестрейдга гапириб бердим. Бу нарсалар жиноятчининг шахсини аниқлашга алоқадор эди.

— Сиз уларни қандай қилиб топдингиз?

— Сизга менинг методим маълум. У ҳамма майда далилларни таққослашга асосланади.

— Сиз унинг бўйини, албатта, қадамининг узунлигини қараб тахминлаган бўлишингиз керак. Оёқ кийими қандай эканлигини ҳам изга қараб билиш мумкин эди.

— Ҳа, бу жуда аломат пойабзал.

— Унинг оқсоқлигини қаёқдан билдингиз?

— Ўнг оёғидан тушган излар чап оёғидан тушган изчалик аниқ эмас. Ўнг оёғига кам оғирлик тушади. Ни-ма учун? Чунки оқсоқлайди,— у чўлоқ.

— Чапақайлигини қаёқдан билдингиз?

— Хирург тасвиrlаб берган шикастларнинг харак-

¹ А р э т — инглизчасига «каламуш» дегани.

теридан сизнинг ўзингиз ҳам ҳайратланган эдингиз. Зарба туйқусдан орқадан, чап томондан берилган. Чапақай одамдан бошқа ким шундай қила олиши мумкин? Ота-бала сұхбатлашаётганларида у дараҳт орқасында турған. Турған жойида ҳатто тамаки ҳам чеккан. Мен кулинин топдим, турли навлардаги тамакиларни билишим туфайли унинг ҳинд сигараси чекканини аниқладим. Мен, ўзингизга маълумки, бу масала билан оз-моз шүғулланиб, трубка, сигара ва папирос тамакиларининг бир юз қирқа яқин навларининг куллари ҳақида кичкина монография ёзғанман. Сигара кулинин топгач, теварак-атрофга кузатиб югуртириб, сигарани ташлаган жойини топдим. Бу Роттердамда тайёрланган ҳинд сигараси экан.

— Мундштук билан чекканини қаёқдан билдингиз?

— У сигарани оғзига олмаганини кўрдим. Бинобарин, мундштукка солиб чекар экан. Сигаранинг учи тишлаб узиб ташланган эмас, кесилган жой эса нотекис эди, шунинг учун ҳам, қаламтароши ўтмас бўлса керак, деб ўйладим.

— Холмс,— дедим мен,— сиз жиноятчининг қўл-оёғини чамбарас боғлаб ташлабсиз, энди у қутулиб чиқиб кетолмайди, сиз бегуноҳ йигитнинг ҳаётини ҳам омон сақлаб қолибсиз, унинг бўйини сиртмоқдан халос қилибсиз. Мен сизнинг далилларингиз қаерга бориб тақлаётганини кўриб турибман. Қотилнинг номи...

— Мистер Жон Тэнер,— деди официант эшикни очиб хонамизга бир кишини киритаркан.

Кириб келган кишининг гавдаси ғоятда аломат эди. Оқсоқланиб, эран-қаран юришлари ва мункайган елкалари уни заиф қилиб кўрсатар, айни бир вақтда қатъий, шиддатли қиёфадаги дағал юзи, баҳайбат қўл-оёқлари унинг жуда бақувват эканини кўрсатиб турар эди. Пахмоқ соқоли, оқ оралаган сочи ва кўзларига тушган бароқ қошлири унга мағур ва ҳукмрон қиёфа бериб турарди. Аммо ранги заҳил, бўзарган, лаблари билан бурун катакларин эса кўкиш эди. Бир қарашдаёқ унинг аллақандай бедаво бир дардга гирифтор эканлигини пайқадим.

— Марҳамат, диванга ўтиринг,— деб таклиф қилди Холмс мулойимлик билан.— Мактубимни олдингизми?

— Ҳа, уни дарвозабон олиб келиб берди. Шов-шув бўлиб кетмаслиги учун сизни кўрсам, деган экансиз.

— Ўйлайманки, агар судда чиқиб гапирсам ҳар хил гап-сўзлар бўлиши мумкин.

— Мен сизга нима учун керак бўлиб қолдим?

Тэнер ошнамга қаради. Унинг ҳорғин кўзларида шу қадар алам акс этиб турардики, гўё ўз саволига аллақачон жавоб олгандек эди.

— Ҳа,— деб қўйди Холмс унинг сўзларида кўра ҳам кўзларининг боқишига жавоб бериб.— Шундай. Менга Мак-Карти ҳақидаги нарсаларнинг ҳаммаси маълум.

Чол юзини қўллари билан яширди.

— Ўзинг мадад бер, раббим!— деб хитоб қилди у.— Аммо мен йигитчанинг ҳалок бўлишига йўл қўймасдим! Сизга чин сўз бериб айтаманки, агар иш маслаҳатчилар судининг сайёр сессиясигача бориб етса, унда бор гапни очган бўлардим...

— Бу сўзларингизни эшитишдан фоят хурсандман,— деди Холмс қатъий.

— Агар қизалоғим бўлмаганда бор гапни аллақачон очган бўлардим. Бу нарса унинг кўнглини вайрон қилиши мумкин эди, у менинг қамалишимга чидаёлмасди.

— Ишни қамоққача олиб бормаса ҳам бўлади,— деб жавоб берди Холмс.

— Наҳотки?

— Мен расмий шахс эмасман. Модомики, мени сизнинг қизингиз таклиф қилган экан, унинг манфаатлари нуқтаи назаридан иш кўраман. Ўзингиз биласиз, ёш Мак-Карти озод қилиниши керак.

— Тез орада оламдан ўтаман,— деди кекса Тэнер.— Кўп йиллардан бери диабет касалининг азобини тортаман. Умрим бир ойдан нарига ўтишига докторимнинг кўзи етмаётиди. Ҳар қалай, турмада ўлгандан кўра, ўз бошпанамда қазо қилиш менга анча таскин бериади.

Холмс ўрнидан туриб, ёзув столи томон борди-да, патқалам билан қофоз олди.

— Ҳаммасини бир бошдан айтиб беринг,— деб таклиф қилди у,— мен эса қисқагина қилиб ёзиб оламан. Сиз бунга имзо чекасиз. Уотсон эса шоҳидлик билдиради. Сизнинг иқрорингизни жуда зарур бўлиб қолган тақдирдагина, агар Мак-Картини омон сақлаш керак бўлиб қолсагина тақдим этаман. Агар зарурати бўлмаса, сизга ваъда бераманки, бу чорани қўлламайман.

— Дуруст,— деб жавоб берди чол,— сайёр сессиягача этиб бормасам ҳам эҳтимол, шу сабабдан бу мени унча ташвишлантирмайди. Мен Алисанни, фақат Алисан-

ни бундай оғир кулфатдан халос құлмоқчи әдим. Энди сизга ҳамма ғапни айтиб бераман. Бу нарса анчадан бери давом этиб келади-ю, аммо ҳозир бир зумда гапириб беришим мүмкін. Сиз марҳум Мак-Картини билмайсиз. Сизни ишонтириб айтаманки, у бориб турган иблис әди. Сизни уннинг панжасига тушиб қолышдан худо асрасин! Сўнгги йигирма йилдан бери уннинг панжасида әдим, у мени сира кўз очирмай қўйган әди.

Аввал сизга уннинг қўлига қандай тушиб қолганимни айтиб берай. Бу олтмишинчи йилларнинг бошларида, олтин конларида юз берган әди. Мен ўша вақтларда ҳар қандай ишдан тап тортмайдиган серғайрат, енгилтак йигит әдим. Ярамас улфатларга қўшилиб қолиб, ичкиликка ўргандим. Менинг чекимдаги жойда заррача ҳам олтин чиқмади — саёқ юриб, сизларнинг таърифларингиз билан айтсак, йўл тўсадиган азаматга айланаб қолдим. Биз олти киши бўлиб, дориломон, ваҳшиёна ҳаёт кечирадик. Ўқтин-ўқтин станцияларга ҳужум қилиб конларга олиб борадиган йўлларда фургонларни тўхтатардик. Мени Балларэтлик Қора Жек деб аташарди. Йигитларимни мустамлакаларда ҳалигача ҳам, Балларэт бандаси, деб эслашади.

Бир куни Балларэтдан соқчилар қўриқчилигига Мельбурнга олтин жўнатишиди. Биз пиистирмада ётдик. Олтинни олти соқчи қўриқлаб келмоқда әди, биз ҳам олти киши әдик. Қизғин тўқнашув бўлиб ўтди. Биринчи ўқ узишдаёқ тўрт кишини қулатдик. Ўлжани қўлга киритганимизда эса уч кишигини қолган әдик. Мен тўппонча оғзини аравакашнинг пешонасига тирадим — бу Мак-Карти әди. Аттанг, уни ўшанда ўлдириб қўяқолсам бўлар экан! Аммо раҳм қилиб уни омон қолдирдим, зотан юз қиёфамни эслаб қолмоқчи бўлгандек менга кичкина ғазабли кўзлари билан тикилаётганини пайқаган әдим. Биз олтинни қўлга киритиб, бой бўлиб кетдик, ҳеч нарса билмагандек Англияга қайтиб келдик. Бу ерда мен собиқ ошналарим билан умрбод видолашиб, осоиышта, маъмур турмуш кечира бошладим.

Мен ўша вақтда савдо бўлиб турган шу моликонами сотиб олдим, ўтмишдаги гуноҳларимни бирмунча ювиш учун, ўз пулларим билан ақалли унча-мунча фойда келтиришга уриндим. Бундан ташқари, уйландим, хотиним жуда ёш ўлиб кетган бўлса-да, азизимдан менга Алисагинам ёдгор бўлиб қолди. Алиса гўдаклигнада ёқ жажжигина қўллари билан дунёда бирдан-бир раҳнамо бўлиб, менга тўғри йўл кўрсатиб турди. Хуллас, мен

ўтмишимидан абадий воз кечдим. Мак-Картининг қўлига тушиб қолгунимга қадар ҳамма ишлар туппа-тузук кетаётган эди...

Олди-сотди ишларим билан шаҳарга тушганимда Риджен-стритда Мак-Картини учратиб қолдим. Эгнидаги пальтосиға ҳам, оғифидаги пойабзалига ҳам қараб бўлмас эди.

«Мана, биз ниҳоят учрашдик, Жек,— деди у қўлимга тақилиб.— Энди сиз билан биз ўла қолсак ҳам ажралишмаймиз. Мен ёлғиз эмасман: ўғлим ҳам бор, сиз биласизки, Англия аҳолиси қонунларга қаттиқ риоя қиласидиган ажойиб мамлакат. Қолаверса, ҳамма ерда по-лисменлар ҳозир нозир!»

Шундай қилиб, у ўғли билан келиб еримнинг кун ботар томонига жойлашди, улардан қутулишнинг эвини қилолмадим; улар менинг еримда текин яшашяпти. На тинчлигим, на оромим, на ҳузур-ҳаловатим қолди. Қаёққа бормай, ҳамма ерда унинг айёrona тиржайиб турган башарасига дуч келардим. Қизим каттароқ бўлгач, аҳвол яна ҳам баттарлашди, чунки Мак-Карти қизим ўтмишими билиб қолса, бу ҳар қандай полициидан кўра ҳам даҳшатлироқ эканлигини биларди. Қўнгли нимани тусаб қолса — ерми, иморатми ёки пулми, оғзиға сиққан нарсасини оларди, ниҳоят у ҳаддидан ошиб кетди. Алисанни талаб қилиб қолди. Биласизми, унинг ўғли ҳам, менинг қизим ҳам катта бўлиб қолишди, менинг касалим ҳаммасига аён эди, ўғлим унинг бор мол-мулкини эгаллаши учун бу ажойиб баҳона, деб ўйлаган, аммо бу гал мен сира бўш келмадим. Бу лаънатининг зоти менинг зотим билан қўшилишини хаёлимға келтиришни ҳам истамасдим.

Ўғли менга ёқмайди, деёлмайман-у, аммо йигитнинг томирида отасининг қони оқади-да, шунинг ўзи кифоя эди. Мен, ҳар қалай, фикримдан қайтмадим. Мак-Карти таҳдид қила бошлади, мен унинг тоқатини тоқ қилиб юбордим.

Биз ҳамма гапни гаплашиб олиш учун камар бўйида учрашишимиз керак эди. Шартлашилган жойга борсам, у ўғли билан нима ҳақдадир гаплашаётиди. Тамаки чекиб, у ёлғиз қолгунча дараҳт орқасида кутиб турдим. Гапларини эшигтан сарим зардам қайнаб, аламим ошиб кетаверди, бунга ортиқ чидаб туришим мумкин эмас эди. У ўғлини менинг қизимга уйланишга мажбур қиласар, қизимнинг бу масалага қандай қарашини хаёлига

ҳам келтирмас, гүё гап аллақандай суюқоёқ қыз ҳақида кетаётгандек эди.

Ардоқлаб юрганларимнинг ҳаммаси шундай одамнинг измига тушиб қолиши мумкинлигини ўйларканман, ақлдан озиб қолаёздим. Бу кишани парчалаб ташлаганим маъқул эмасми? Ҳаётдан умид узиб, ўлимга юз тутган одам бўлсан. Гарчаид, зеҳним равшан, танамда куч-қувватим бўлса ҳам, умрим тугаб қолганини билардим. Аммо шаъним билан қизим-чи! Агар Мак-Картини тилини тишлишга мажбур қилсан, буларнинг иккаласини ҳам омон сақлаб қоламан... Мен уни ўлдиридим, мастер Холмс... Иложи бўлса уни яна бир карра ўлдиридим. Мен катта гуноҳкорман, аммо азоб-изтироблардан иборат ҳаётим гуноҳларимни ювиб кетмайдими? Мен тишимни тишимга қўйиб, ҳаммасига чираб келдим, аммо қизим ҳам ўша тузоқقا тушиб қолиши мумкин, деган фикрга ҳеч тоқат қилолмадим. Мен андиша қилиб ўтирамай, уни ярамас бир заҳарли газандадек ўлдиридим. Қичқирганини эшитиб, ўғли югуриб келди, аммо мен ўрмонга яширинишига улгурган эдим, лекин тушириб қолдирган пальтомни олиб келгани қайтиб боришга мажбур бўлдим... Бу чин ҳақиқат, жентльменлар, ҳаммаси худди шундай содир бўлди.

— Майли, сизга нима деб ҳам таъна қилардим,— деб қўйди Холмс, чол берган шоҳидликлари тагига имзо чекаркан.— Ўйлайманки, биз ишни судгача олиб бормасак керак.

— Бунга шубҳаланмасангиз ҳам бўлади, сэр! Аммо сиз нима тадбир кўрмоқчисиз?

— Сизнинг сиҳат-саломатлигингизни эътиборга олиб ҳеч қандай тадбир кўрмоқчи эмасман. Ўзингиз яхши биласизки, ҳадемай бу дунёдаги суддан кўра баландроқ даргоҳда жавоб берасиз. Мен сизнинг иқорингизни сақлаб қўяман, борди-ю, Мак-Карти хукм қилинадиган бўлса, ундан ана ўшанда фойдаланишига тўғри келади. Борди-ю, у оқланадиган бўлса — сизнинг ҳаёт бўлиш-бўлишмаслигингиздан қатъний назар, худонинг биронта ҳам бандаси сирингиздан хабар топмайди, буларнинг ҳаммаси ўртамиизда қолади.

— Ундай бўлса, яхши қолинг,— деди тантана билан чол.— Вақтики келиб қазоий муаллақингиз етса, менинг қалбимга қандай тасалли берганингизни ўйласангиз осойишта кўз юмасиз.

Баҳайбат гавдаси титраб чайқалганча у ўнг оёғи оқсоқланиб, хонадан аста-секин чиқиб кетди.

— Шўримиз қурсин, шўримиз! — деб хитоб қилди Холмс узоқ жим қолгач. — Тақдир биздек аянчли, ожизларни нега бунча ўйинчоқ қиласар экан?

Маслаҳатчилар судининг сайёр сессияси Холмс тақдим этган кўпдан-кўп исботлар тазиёки остида Жеймс Мак-Картини оқлади. Қекса Тэнер ўша учрашувимиздан кейин етти ойча яшади, ҳозир у оламдан ўтган. Жеймс ва Алиса уларнинг ўтмишларига соя солгаи қора булутлардан энди сира ҳам ташвиш тортмай, тотувликда бош қовуштириб, баҳтиёр яшашлари мумкин, дейишга ҳамма асослар бор.



ИЗҚУВАРНИНГ ИНҚИРОЗИ

I

ЭЛОК Холмс уни доимо «Бу Аёл» деб тилга олар-қандайдир бошқача ном билан аталганини кам-холлардагина эшитиб қолардим. Унинг назарәт аёл дунёдагы жамики гўзалларнинг тимсоли иш уни Йрэн Адлерга ипсиз боғланиб қолган, гли бор деб бўлмасди. Барча ҳис-туйғулар, ай-үҳабат унинг совуққон, босиқ табиятига, тийзаковатига ёт эди. Менинг назаримда, у фикран, кузатувчан энг мукаммал машинага ўшшарашхили ҳали бунақасини кўрмаган бўлса керак. Шиқ сифатида бошвоқсиз қолиши турган гапчилик ҳис-туйғулар ҳақида ҳар доим заҳарханда иситиш оҳангига гапиради. Унга қолса, ноийғулар томоша қилса арзигулик — инсоннинг рию интилишларини фош этиб қўядиган ажотиди, холос. Сир эмаски, ўткир заковат соғоз дардга мубтало бўлса, унинг сайқалланган, чки дунёси алғов-далғов бўлиб кетади, ўз эришган барча ҳақиқатлар чиппакка чиқади.

Холмсга ўхшаган инсонлар учун муҳаббат дегани — бу сезгир асбоб устига тушган қум заррасндей ёки ўша асбобининг маҳобатли кўзгуларининг бирни дарз кетгандай бир гапдир. Шунга қарамай, Холмс учун дунёда ягона аёл мавжуд эди: ўша аёл марҳум Ирэн Адлер бўлиб, у кишида шубҳа уйғотадиган даражада ном тараган эди.

Кейинги пайтлари мен Холмс билан аҳён-аҳёнда кўришиб туардим — менинг уйланишим бизни бир-брин-миздан хийла узоқлаштириб қўйди. Мен гўё арни аъло-да юрардим. Албатта, эндигина рўзгор бошлиғи бўлган кишининг бутун диққат-эътиборини оиласавий ташвишлар қамраб олади. Айни пайтда, асилзодалар турмушини, у қандай кўринишда бўлмасни, лўлилардан ҳам баттар ёмон кўрадиган Холмс ҳамон Бейкер-стрит кўчасидаги бизнинг уйимизда истиқомат қиласарди: атрофида эски китоблар ўюлиб ётарди, ҳафта оралатиб кокайн¹га мукка-сидан кетарди, гоҳ-гоҳ шуҳратпарастлиги қўзиб қолар-ди, бангидай кайф сурарди — ёввойи ғайрат-шижоат-унинг табиатига хос хусусият эди.

Одатдагидек у бутун борлиғи билан жиноятни текширишга шўнғиб кетган эди. У ўзининг улкан қобилиятини, фавқулодда кузатувчанлик истеъдодини расмий полиция томонидан поёнига етиб бўлмайди деб тан олинган хуфия жиноятларни фош этишга, жилла қурса, қалаванинг учини топиб олишга сарфларди. Ора-орада мен унинг ишлари ҳақида ҳар хил мишишлар эшишиб қолардим: гоҳ Треповнинг фожиали ўлими муносабати билан уни Одессага чақириб қолишарди, гоҳ Тринкомалида ака-ука Atkinsонларнинг қотиллари изига тушгац бўларди, охири, Голландия қироллиги оиласи томонидан маҳсус топширилган вазифани қойилмақом қилиб адо этгани тўғрисида шов-шув тарқаларди.

Шунга қарамай, мен кўпчилик ўқувчилар сингари дўстимнинг фаолиятига алоқадор маълумотларни газетада босилган хабарлардан билиб олардим, холос. Лекин жонажон ўртоғимнинг ўзи ҳақида деярли ҳеч нарса билмасдим.

Бир куни кечаси (бу воқеа 1888 йил 20 март куни бўлган эди) мен мижозим ҳузуридан қайтаётисб,— мен яна хусусий ишлар билан шуғуллана бошлаган эдим,—

¹ Кокайн — инглизча кўкнори: кока баргидан тайёрланади.

бейхтиёр Бейкер-стрит томон бурилдим. Менга қадрдан бўлиб қолган эшик ёнидан ўтар эканман, қаллиғимга совчи қўйиб юрган пайтларим ва «Қизғиш тусли манзара» билан боғлиқ бўлган кўнгилсиз воқеалар бир-бир кўз ўнгимда гавдаланди. Туйқус бутун борлиғимни Холмсни яна бир марта кўриш истаги чулғаб олди: ҳозир унинг теран ақл-идроқи қандай масалаларни ҳал этиш билан машғул экан? У яшайдиган уйнинг деразаси ёп-ёруг эди. Мен юқорига қарадиму новча, озғин гавданни дарров илғаб олдим — унинг қоп-қора сояси икки марта дераза пардасига тушди. У хона бўйлаб тез-тез юрарди, бошини эгиб олибди, қўлларини орқасига чалмаштирган. Унинг кайфиятини, қилиқларини яхши била-диган камина дарров кўп нарсани пайқади: хонанинг у бурчагидан-бу бурчагига бекордан бекорга зув-зув бориб-келмасди. Демак, яна бир ишни бошлаб қўйган эди. У гиёҳвандлик натижасида пайдо бўлган саробдан форзи, энди қандайдир жумбоқнинг ечимини излаш билан овора кўринарди. Мен қўнғироқни жиринглатдим, мени хонага бошлаб киришди: қачонлардир бу хонанинг бир қисми каминанинг ихтиёрида эди.

У мени тантанали гап-сўзлар билан кутиб олмади. Умуман, уни тантанали кайфиятда учратиш амримаҳол эди. Лекин сездимки, мени кўриб хурсанд бўлди. У деярли сўзсиз суратда хушчақчақлик билан мени ўтиришга таклиф этди, олдимга сигарет қутисини суриб қўйди, сўнг вино сақланадиган ертўлага ишора қилди. Кейин ўрнидан турди-да, ўчоққа орқа ўгирган кўйн менга син-чиклаб разм солди.

— Оилавий ҳаёт сизга ёқибди,— деб таъкидлади у.— Менимча, Уотсон, мен сизни охирги марта кўрганимдан буён сиз етти ярим қадоқ семирибсиз.

— Етти қадоқ.

— Ростданми? Йўғ-э, сал кўпроқ шекилли. Ишона-веринг, оз-моз кўпроқ. Англашимча, сиз ишляпсиз, чоғи. Ишга бел боғлаб турганингиз ҳақида менга лом-мим демаган эдингиз.

— Хўш, сиз буни қаёқдан билдингиз?

— Мен аҳволингизни кўриб турибман, мен хulosча қиқаряпман, холос. Масалан, сиз яқинда паққос ивиб кетганингизни, уйингиздаги оқсоч ўтакетган палпис хотни эканини мен қаёқдан биламан?

— Азизим Холмс, сал ошириб юбордингиз,— дедим мен.— Шубҳасизки, агар бир неча аср илгари яшаганингизда борми, сизни гулханда куйдиришарди. Тўғри, пай-

шашба куни шаҳардан ташқарига чиққан эдим ва мен уйга ҳаммаёғим ифлос бўлиб қайтиб келдим. Лекин дарҳол костюмимни алмаштирганман, ҳозир уст-бошимда ёмғирнинг излари қолмаган-ку ахир. Энди Мэри Жен масаласига келсак, ростдан ҳам унга бир гапни уқтириш жуда қийин: хотиним аллақачон уни огоҳлантириб қўйган — ишдан бўшатиб юбормоқчи. Шунга қарамай, мен барибир ҳайрон қолдим, буларнинг барини сиз қаёқдан билдингиз?

Холмс товушини чиқармасдан кулди-да, узун-узун асабий қўлларини силаб-сийпалади.

— Бундан осони йўқ! — деди у. — Кўзларимнинг шаҳодат беришича, чап оёғингиздаги бошмоқнинг ички томонида, айнан нур тушиб турган жойида, деярли параллел равишда олтита тимдаланган чизик кўриниб турибди. Равшанки, пошнангизда қотиб қолган лойни тозалаётган кимса пала-партишлиги туфайли бошмоқни тирнаб қўйган. Шунинг учун, сиз амин бўлганингиздек, мен қўшалоқ хуроса чиқардим: Сиз ёғингарчилликда ташқарига чиққансиз ва лондонлик оқсочларнинг энг бетамиз нусхаларидан биттасини уйингизда сақлайсиз. Энди сиз машғул бўлган иш масаласига келсак, агар йодоформ анқиб турган, ўнг қўлининг кўрсатгич бармоғига азот кислотасидан доғ тушган, устига-устак, цилиндрсимон шляпаси дўмпайиб турган, яъни стетоскопини қаёқка яшириб қўйганини яққол сездириб қўйган жентльмен менинг ҳузуримга ташриф буюrsa-ю, лекин уни шифокорлик оламининг вакили эканини илғаб ололмасам, билингки, қип-қизил аҳмоқ бўламан.

Мен ундан қай тарзда муайян бир тўхтамга келгани хусусидаги гапларни эшитар эканман, бенхтиёр кулиб юбордим.

— Сиз ўз мулоҳазаларингиз билан ўртоқлашган чоқда ҳамма нарса менга кулгили даражада оддий туюлади — буларнинг барчасини ўзим ҳам осонгина идрок этишим мумкин эди-ку, — деб таъкидладим. — Лекин ҳар сафар янги далил келтирган пайтингизда мен бутунлай эсанкираб қолдим, фақат ўз фикр-мулоҳазаларингизни баён этганингиздан кейингина ўзимга келдим. Ўйлашимча, менинг кўзларим ҳам сизникидан хира эмас.

— Мутлақо тўғри, — деди Холмс папиросини тортиб-тортиб чекар экан, кейин у креслога ястаниб олди. — Сиз кўриб турибсиз, лекин синчилкаб кузатаётганингиз йўқ — буларнинг ўртасида жуда катта тафовут бор. Ай-

тайлик, сиз ушбу хонага олиб чиқадыган зинапояни жуда күп бора күрганмисиз?

— Күп күрганман.

— Нече марта?

— Хү-үш, бир неча юз марта күрганман!

— Жуда яхши. Ўша зинапоянинг нечта поғонаси бор?

— Нечта? Ҳеч эътибор бермагансиз.

— Ана кўрдингизми, ҳеч эътибор бермагансиз. Лекин уларни кўргансиз! Ҳамма гап ана шунда. Майли, лекин мен биламанки, зинапоянинг ўн еттига поғонаси бор, чунки мен уларни ҳам кўрганман, ҳам кузатганман. Дарвоқе, сиз менинг қасбим билан боғлиқ ҳолда ҳал этиладиган баъзи бир масалаларга қизиқиб юрадингиз, ҷоғи. Ҳатто каминанинг икки-учта арзимас тажрибалирини қоғозга ҳам тушириб қўйган эдингиз. Шуннинг учун, эҳтимол, сизни мана бу хат қизиқтириб қўйиши мумкин.

Ў стол устида ётган қалин, қизғиш почта варақасини олдимга ташлади.

— Ҳозиргина олдим,— деди у.— Товушингизни чиқариб ўқинг-чи.

Хатнинг юборилган вақти ҳам, адреси ҳам кўрсатилмаган эди, имзосиз эди.

«Бугун кечаси, ўн бешта кам саккизда, муҳим иш бўйича маслаҳат сўраш учун ҳузурингизга битта жентльмен боради,— дейилган эди хатда.— Яқинда Европадаги қирол оиласига кўрсатган ёрдамингиз натижасида аён бўлдики, Сизга фавқулодда муҳим ишларни ҳам ишониб топширса бўлар экан. Кимдан сўраб-суроштирмайлик, Сизга ана шундай юксак баҳо бериши. Айтилган пайтда уйда бўлишингиз сўралади. Ҳавотирланманг. Ҳузурингизга ташриф буюрадиган кимса ниқобдор бўлиши мумкин».

— Ҳақиқатан ҳам хуфия ишга ўхшайди,— дедим.— Узингиз нима дейсиз?

— Ҳозирча қўлимда ҳеч қандай маълумот йўқ. Да-лил-исботсиз назария яратилса, охири баҳайр бўлмайди. Киши ўзи билмаган ҳолда фактларни назарияга мослаб чийлай бошлайди, фактларни нотўғри талқин қиласди. Аслида эса назарияни фактлар билан асослаш лозим. Лекин хат қойилмақом ёзилибди! Сиз хат хусусида қандай хуносага келишингиз мумкин?

Мен хатни ҳам, хат ёзилган қоғозни ҳам синчиклаб кўздан кечирдим.

— Афтидан, ушбу хатин ёзган одам хийла бадавлат кўринади,— дедим, дўстимнинг иш усулига тақлид қилишга уриниб.— Бундай қофознинг бир қутиси энг камида ярим крон туради. У анча мустаҳкам, қалин.

— Фалати дейилса, муносаброқ таъриф берилган бўларди,— деб таъкидлади Холмс.— Бу Англияда тайёрланадиган қофоз эмас. Уни нурга тутиб кўрининг-чи.

Мен уни нурга тутдиму фира-шира белгиларни пайқаб олдим; катта «Е» ва кичкина «г», кейин «П» ва катта «Г» кичкина «ш» ҳарфлари билан кўринди.

— Сиз бундан қандай хulosса чиқаришингиз мумкин?— деб сўради Холмс.

— Шубҳасизки, бу фабрика эгасининг исми шарифи бўлса керак, аниқроғи унинг монограмма¹си шекилли.

— Ана, хато қилдингиз! Катта «Г» билан кичкина «ш»— бу «Геселл-шафт» сўзининг қисқартма кўришиши: немисча сўз, «ширкат» деган маънони англатади. Бу одатий қисқартма сўз бўлиб, худди инглизларнинг «Ко» белгисига ўхшайди. «П» эса, албатта «Папиер» демакдир, яъни «қофоз». Энди «Е» ҳарфининг мағзини чақишимиз керак. Қани, чет мамлакатларининг жуғрофий маълумотномасини варақлаб кўрайлик-чи...— у китоб жавонидан сарғиши муқовали, оғиргина, катта маълумотномани қўлига олди.— Еглов, Еглунитц... Мана, топдик: Егеристон.— У ерликлар немисча гаплашишади, Богемида — Карлсбад²га яқин жой. Валленштейн³ ҳалок бўлган қадамжо, у ер кўплаб ойна заводларию қофоз фабрикалари билан донг таратган... Ҳа-ҳа-ҳа, тойчогим, сиз энди бундан қандай хulosса чиқарасиз?— унинг кўзлари тантанали чақнади, сўнг папиросидан паға-паға кўкимтир тутун буруқсиди.

— Қофоз Богемида тайёрланган,— дедим.

— Худди шундай. Хат ёзган киши эса немис. Сиз дағал жумла тузилганини пайқадингизми: «Кимдан сўраб-суриштирмайлик, Сизга ана шундай юксак баҳо беришди». Француз ёки рус бу қадар паришон хат ёзмайди. Фақат немисларгина иш-ҳаракатни ифодаловчи сўзларни шунаقا — беписанд оҳангда ишлатаверадилар. Шундай қилиб, энди фақат бир нарсани билишимиз дар-

¹ Монограмма — икки ҳарфли, яъни исм ва фамилиянине бош ҳарфларидан иборат расм.

² Карлсбад — ҳозирги Карлова Вари, Чехословакиядаги курорт.

³ Валленштейн — XVII асрда яшаб ўтган немис қўмондони.

кор: Богемида тайёрланган қоғозга хат ёзадиган ва асл қиёфасини күрсатмаслик учун юзига ниқоб тутиб юрниши лозим топган бу немисга нима керак? Янглишмасам, ана, ўзи ҳам келиб қолди шекилли. Бизнинг барча гумонларимизни унинг ўзи тарқатиб юборса ажаб эмас.

Биз яқингинадаги йўл четидан эшишилаётган от туёқларининг дупур-дупурига, арава фидирлакларининг ғижирлашига қулоқ солдик. Кўп ўтмай кимдир эшик қўнғирогини зарб билан чалди.

— Товушига қараганда, бир жуфтот қўшилган аравага ўхшайди... — У деразадан пастга мўралади-да, давом этди: — Ана, айтмадимми, бежиримгина соябонли аравага иккита йўрға қўшилган... ҳар бирининг баҳоси бир юзу эллик олти танга туради. Нима бўлганда ҳам, пулнинг ҳиди келяпти, Уотсон.

— Холмс, мен сизларни ёлғиз қолдирсан тузук бўлармиди-а?

— Иўқ, иўқ, кетманг! Таржиман ҳолимни ёзаётган инсон кетиб қолса, қўл-оёғим боғланиб қолади-ку! Сезишинчча, қизиқарли ишга ўхшайди. Агар сиз қатнашмасангиз кейин афсус қиласиз.

— Лекин сизнинг мижозингиз...

— Ҳечқиси иўқ, парво қилманг. Менга ҳам, унга ҳам сизнинг ёрдамингиз зарур бўлиб қолиши мумкин... Ана, у келяпти. Доктор, мана бу креслога ўтириング, хаёлларингизни чалғитманг.

Зинапоядан, ўйлакдан эшишилган оғир-вазмин қадам товушлари биз ўтирган хона остонасига яқинлашганда тинди-қолди. Кейин эшигимиз қаттиқ-қаттиқ, амирона тақиллатилди.

— Киринг! — деди Холмс.

Хонага бўйи олти қаричу олти дюймдан¹ кам чиқмайдиган, паҳлавон келбат киши кириб келди. У дабдабали кийинган эди, лекин бундай дабдабабозлик Англияда рўдалоплик ҳисобланарди. Унинг авра-астари қалин пальтосининг енгию олд қисмига қоракўлдан энлик жияк қадалган эди; елкасига ташланган қорамтири-кўкиш плашнинг ҳошиясиға шафақ ранг-қизғиши шойи тикилган бўлиб, зарҳал боғич билан бўйнига боғлаб олган эди. Қўнжиси болдирининг ярмигача етган этигининг сиртига қимматбаҳо сарғиш мўйна қопланган — булар унинг бутун қиёфасидан кўринниб турган тўқликка шўхлик аломатларини янада кучайтиради. У кенг соябонли шляпа-

¹ Тахминан 1 метр 90 сантимерга тўғри келади.

сипи қўлида ушлаб турарди, юзининг юқори қисми қопқора ниқоб билан тўсилган эди, ниқоб унинг ёноқларидан пастроққа тушган эди. Афтидан, дубулға пардасини эслатадиган ниқобни у ҳозиргина юзига тутиб олганга ўхшайди. Чунки хонага кирган чоқда ҳам ҳали қўлини пастга тушириб улгурмаган эди. Юзининг қуян қисмига қараб ҳукм чиқарадиган бўлсақ, бу киши кучли ирода соҳиби кўринарди: қалин, дўрдоқ лаблари ва узун, гирд тушган ияги унинг қатъиятли ҳамда ўжар эканидан далолат бериб турарди.

— Сиз менинг хатимни олдингизми? — деб сўради у паст товушда, унинг дағал талаффузидан немис лаҗжаси яққол сезилиб қоларди.— Мен сизнинг ҳузурингизга боражагим ҳақида хабар берган эдим.— У гоҳ биримизга, гоҳ иккинчимизга назар ташларди. Чамаси, у кимга мурожаат этишни билмасди.

— Марҳамат, ўтиринг,— деди Холмс.— Бу киши менинг дўстим, доктор Ўотсон. У жуда ҳам меҳрибон, баъзан менинг ишларимга ёрдамлашиб туради. Ким билан гаплашаётганимни билсан бўладими?

— Сиз каминани граф фон Крамм — богемилик асл зода деб ҳисоблашингиз мумкин. Умид қиласанки, мана бу жентльмен, сизнинг дўстингиз, тўла-тўқис ишончли одам бўлса керак — унинг олдида фавқулодда муҳим иш ҳақида гапиришим мумкинми? Агар мумкин бўлмаса, мен сиз билан яккана-якка гаплашишни афзал кўрадим.

Мен хонани тарқ этиш учун ўрнимдан турдим, лекин Холмс қўлимдан тутиб яна креслога ўтқазиб қўйди.

— Гапингизни ё иккаламизга айтасиз, ёки умуман айтмайсиз. Мен билан юзма-юз қолган пайтда нималарни гапиришингиз мумкин бўлса, бу жентльмен олдида ҳам ўшаларни бемалол айтаверинг.

Граф яғриндор елкаларини қисди.

— Үндаи бўлса, аввало, сизлар мен ҳозир айтадиган гапларни икки йилгача сир сақлаймиз деб ваъда беришларингиз керак. Икки йил ўтгандан кейин бу гапларнинг ҳеч қандай аҳамияти қолмайди. Ҳозир эса заррача муబалагасиз айтишим мумкин: бу воқеа шу даражада жиддийки, ҳатто Европанинг тақдирига ҳам таъсир кўрсатиши эҳтимолдан ҳоли эмас.

— Ваъда бераман,— деди Холмс.

— Мен ҳам.

— Юзимга ниқоб тутиб олганим учун маъзур кўрасизлар,— деб сўзида давом этди фалати меҳмон.— Мен-

га топшириқ берган шахснинг истаги бўйича, у кафолот берган вакилни сизлар билмаганларнинг маъқул. Ростини айтсан, мен ўзимни таништириш чоғимда айтган унвоним ҳам унчалик тўғри эмас.

— Буни ўзим ҳам пайқадим,— деди Холмс қуруққина оҳангда.

— Вазият бениҳоя қалтис, шу туфайли мислсиз машмаша бошланиб кетмаслиги учун барча чора-тадбирларни кўриш тақозо этилади. Чунки охир-оқибатда Європада ҳукмронлик қилаётган династиялардан биттасининг обрўйи тўкилиши мумкин. Очиғиниң айтганда, бу иш ҳукмрон Ормштейнлар — Богеми қироллари оиласига алоқадор.

— Ўзим ҳам шундай деб ўйлаган эдим,— деб ғулдиради Холмс ва креслога ястанаброқ ўтириб олиб, кўзларини юмди.

Меҳмон очиқ-оидин ҳайратланганча дангасалиги тутиб, ёнбошлаб олган лоқайд одамга тикилиб қолди: шубҳасизки, бу кишини унга Європадаги изқуварлар орасидаги энг ғайратлиси, зуккоси сифатида таърифлашган эди. Холмс аста кўзларини очди-да, гўлабирдай мижозига шошмасдан назар солди.

— Агар жаноблари ўз ишлари билан бизни таништирсалар, мен сизга йўл-йўриқ кўрсатишга унчалик қийналмасдим,— деди у.

Меҳмон стулдан сапчиб турди-ю, жазаваси тутиб хонада ўёқдан-буёқка юра бошлади. Кейин юзидағи ниқобини шаҳд билан сидириб полга улоқтириди.

— Сиз ҳақсиз, мен қиролман!— деб хитоб қилди у.— Буни яшириб ўтиришимнинг нима кераги бор?

— Дарҳақиқат, нима кераги бор? Жаноби олийлари ҳали гап бошламасдан илгариёқ рўпарамда Вильгельм Готтсреих Сигизтунд фон Ормштейн, яъни улуғ князь Кассель-Фельштейгский, яъни Богемининг меросхўр қириоли турганларига имон келтирган эдим.

— Лекин биласизми,— деди ғалати меҳмон ва яна жойига ўтирди оппоқ, кенг пешонасини ишқалаб қўйди,— биласизми, мен бундай ишлар билан шахсан машғул бўлишга одатланмаганиман! Шунга қарамай, масала шу даражада қалтиски, мен полицияда хизмат қиладиган жосуслардан бирортасига тақдиirimни ишониб топширишни лозим топмадим — чунки мен ишонган айгоқчининг ўзи бошимга чиқиб олиши мумкин. Мен Прагадан атайлаб яширинча келдим, сиздан маслаҳат сўраб келдим.



— Марҳамат, маслаҳат сўрайверинг,— деди Холмс, у яна кўзларини юмиб олди.

— Воқеанишг қисқача мазмуни қуийдагича: бундан беш йилча муқаддам, узоқ вақт Варшавада яшаган пайтимда, ҳаммаёқа донғи кетган Ирэн Адлер деган енгилтак аёл билан танишдим. Ҳеч шубҳасизки, бу исм сизга ҳам таниш бўлса керак?

— Доктор, малол келмаса, менинг рўйхатномамини бир қараб юборсангиз,— деб ғулдиради Холмс кўзларини очмай.

Бир неча йиллар олдин у одамларга, ҳодисаларга алоқадор фактларни қайд этиб борадиган система жорий қилган эди. Шунинг учун бирор шахс ёки предмет ҳақида дарҳол маълумот бериш унчалик мушкул эмасди. Мен шу тобда яҳудий руҳонийси билан чуқур сув ҳавзаларида яшайдиган балиқлар ҳақида илмий асар ёзган бир штаб бошлигининг таржимаи ҳоллари орасидан Ирэн Адернинг таржимаи ҳолига онд варақларни олдим.

— Кўрсатинг-чи,— деди Холмс.— Ҳм-м. Нью-Жерсида 1858 йили туғилган. Контратльто, ҳм-м... Ла Скала¹, шундай-шундай... Варшавадаги император опера театрида асосий ролларни ижро этган аёл, ҳа-я! Опера саҳнасини тарк этган, ўҳ-ҳӯ! Лондонда яшайди... мутлақо тўғри! Жаноби олийлари, каминанинг фаҳмлашича, бу жонон сизни исписиз боғлаб олган, сиз унга бошқалар олдида обрўйингизни тушириб қўйиши мумкин бўлган хатлар ёзгансиз, энди ўша хатларни қайтариб олмоқчисиз.

— Гапларингиз тўппа-тўғри. Лекин қандай қиласай?

— Сиз пинҳоний равишда унга уйланганмисиз?

— Йўқ.

— Ҳеч қандай ҳужжат ёки гувоҳнома ҳам йўқми?

— Йў-ўқ ахир.

— Ундаи бўлса, жаноби олийлари, мен сизнинг муддаонгиз нима эканини тушунмадим. Агар ўша жувон сизнинг хатларингиздан товламачилик ёки бошқа мақсадларда фойдаланишини истаса, уларнинг асл нуска эканини қандай қилнб исботлайди?

— Менинг дастхатим таниқли-ку.

— Бекор гап! Қалбаки.

— Хат ёзадиган шахсий қофозим-чи?

— Уғирлангаи.

¹ Ла Скала — Милендаги (Италия) машҳур опера театри.

- Шахсий муҳрим-чи?
- Ясама.
- Фотосуратим-чи?
- Сотиб олинган.
- Лекин биз бирга суратга тушганимиз-ку!
- Ў-ў, шуниси ёмон бўлган экан! Жаноби олийлари ҳақиқатан ҳам жуда катта хатога йўл қўйган эканлар.
- Мен Йрэнни кўрсам — бас, ақлу ҳушимдан айрилиб қолардим.
- Сиз жиддий равишда обрўйингизни тўкиб қўйнбисиз.
- Мен у пайтлари бор-йўғи таҳт вориси эдим, холос. Еш эдим. Ҳозир ҳам эндиғина ўттизга кирдим.
- Суратни қандай бўлмасин қайтариб олиш зарур.
- Биз ҳаракат қилиб кўрдик, лекин сирам иложи бўлмади.
- Жаноби олийлари чиқимдан қочмаслиги лозим: Суратни сотиб олниш керак.
- Ирэн сотишини истамаяпти.
- Ундай бўлса, ўғирлаш керак.
- Беш марта ўғирлашга уриниб кўрилди. Мен ёлланма қулфбузарларни икки марта ишга солдим, улар унинг уйини ағдар-тўнтар қилиб юбориши. Бир гал, у саёҳатга чиққан пайтда, юклари ҳам бирма-бир тинтуб қилинди. Авраб-алдаб уни икки бора тузоққа туширдик. Лекин ҳеч қандай самараға эришганимиз йўқ.
- Ҳеч қандайми?
- Ҳа, ҳеч қандай.
- Холмс кулиб юборди.
- Тузуккина жумбоқ экан-ку! — деди у.
- Лекин бу мен учун ҳаёт-мамот масаласи! — деб ётироz билдириди қирол таънаомуз.
- Ҳа, тўғри. Хўш, улар суратни нима қилишмоқчи ўзи?
- Менинн хароб қилишади.
- Аммо қай йўснинда?
- Мен яқинда уйланмоқчиман.
- Бу ҳақда эшигдим.
- Клотильда Лотман фон Саксен-Менингенга уйланмоқчиман. Эҳтимол, сиз бу оиланинг қатъий тартиблари мавжуд эканини биларсиз? Клотильда — бу покизалик тимсоли. Менинг ўтмиш ҳаётимга оид озгина гумон туғилса, охири айрилиққа бориб тақалади.
- Ирэн Адлер нима деяпти?
- У, суратни қаллиғингнинг ота-онасига юбораман,

деб дағ-даға қиляпти. Юборишдан ҳам тоймайди, албатта юборади! Сиз уни билмайсиз. У табиатан темирдек мустаҳкам. Ҳа, ҳа, у сиртдан ёқимтой аёлга ўхшайды-ю, лекин юраги тош-метин. Мени башқа бирорға үйлантирымаслик учун қўлидан келадиган ҳамма номаъқулчиликларни қилишга ҳам тайёр.

— Ў суратни ҳозирча қаллиғингизга жўнатмаганига ишончингиз комилми?

— Ишончим комил.

— Нима учун?

— Ў суратни мен қаллиғимга расман унаштириладиган кунда жўнатишга сўз берган. Ўша воқеа мана шу келаётган душанба куни рўй беради.

— Ў-ӯ, ихтиёrimизда фақат уч кун муҳлат қолибди-ку!— деди Холмс эснаб.— Шунисига ҳам шукр, чунки мен ҳозир баъзи бир муҳим ишлар билан шуғуллашишим лозим. Жаноби олийлари ҳозирча Лондонда қолсалар керак-а?

— Албатта. Сиз мени Лэнгхэм меҳмонхонасидан тошишингиз мумкин. У ердан граф фон Крамм исмли зотни сўрайсиз.

— Ундай бўлса, мен сизга хат жўнатаман — ишлар қандай кетаётгани ҳақида хабар қиласман.

— Сиздан ўтиниб-ўтиниб сўрайман. Мен жудаям ҳаяжонланяпман!

— Хўш, пул масаласи нима бўлади?

— Ўзингиз биласиз, керагича сарфлайверинг. Сиз кўнглингизнинг кўчасига қараб, эмин-эркин ҳаракат қилишингиз мумкин.

— Бутунлайми?

— Бўлмасам-чи, мен ўша сурат эвазига ўз қироллигим тасарруфидаги ҳар қандай ўлкани инъом этиб юбораман.

— Кундалик харажатлар-чи?

Қирол плашининг қатидан оғиргина ҳамён чиқариб, уни столга ташлади.

— Бу ерда уч юз фунт тилло танга ва етти юз сўм алоҳида маблағ бор,— деди у.

Холмс ён дафтарчасига тилхат ёзди-да, варақни йиртиб қиролга узатди.

— Хонимнинг адресини берасизми?— деб сўради у.

— Брайони-лож, Серпантайн кўчаси, Сент-Жонс-вуд. Холмс ёзив олди.

— Яна битта саволим бор,— деди у.— сурат хонабоп размерда олингандими?

— Ҳа, хонабоп.

— Энди хайрли кеч, жаноби олийлари, умид қила-манки, тез орада биз хушхабарнинг шоҳинди бўламиз... Хайрли кеч, Уотсон,— деб қўшиб қўйди у, қиролнинг араваси кўприкни тарақлатиб ўтаётган пайтда.— Марҳамат қилиб, эртага соат учда ҳузуримга ташриф буорсангиз, мен сиз билан мана шу иш борасида сұхбатлашмоқчиман.

II

Эртаси куни роппа-роса соат учда мен Байкер-стритга бордим, лекин Холмс ҳали қайтмаган экан. Иқтисадчи аёлнинг гапига қараганда, у саккизларда уйдан чиқиб кетган эди. Мен ўчоқ рўпарасига ўтиредим: уни қайтгунча кутишга қарор қилдим. Тергов ишларига ниҳоятда қизиқиб қолдим. Тўғри, бу иш илгари бошқа ўринда ҳикоя қилганим иккى мудҳиш жиноят каби ғаройиб ва мавҳум ҳусусиятларга эга эмасди. Лекин бу ҳодиса ўзиға хос жиҳатлари ва мижознинг юксак мавқен билан алоҳида ажралиб туради. Майли, дўстим олиб бораётган терговнинг асл моҳиятини бир четга қўйиб турайлик, аммо вазиятни у нечоғли муваффақиятли, моҳирона баҳолай олганига, хулосаларида нечоғли қатъий, рад этиб бўлмас мантиққа амал қилганига тан бермай иложимиз йўқ, ахир! Абжир, мухтасар усуллар ёрдамида энг чалкаш синоатларнинг ҳам авра-астарини ағдариб ташлаётганини кузатиш менга ҳақиқий ҳузур-ҳаловат бағишларди. Мен унинг кетма-кет зафар қозонишига шу даражада кўнишиб кетган эдимки, у ҳам инқирозга учраши мумкин эканини хаёлимга сифдиромасдим.

Эшик илкис очилиб, чакка соқолли, ҳурпайган саватсоч, юзлари бўғриққан, одмигина ва бетартиб кийинган ширакайф отбоқар хонага кириб келган пайтда соат тўртларга яқинлашиб қолган эди. Мен дўстимнинг ўз қиёфасини ҳам ўзgartира оладиган беназир қобиляят соҳиби эканига илгари сира-сира кўникма ҳосил қилганим учун қаршимда чайқалиб турган кимса ҳақиқатдан-да Холмсми ёки бошқа бировлигини аниқлаш мақсадида унга бошдан-оёқ уч марта синчилкаб разм солишга мажбур бўлдим. У йўл-йўлакай менга бош силкитиб қўйдию индамай ётоқхонасига кириб кетди ва беш минутлардан сўнг чиқди; эгнига қора костюм кийиб олибди, кўриниши одатдагидек мулойим эди. Қўлларини чўн-

такларига тиқан күйи оёқларини ловуллаб гулхан ёна-
ётган ўчоқ томон узатди-да, бир неча минут қиқир-қи-
қир кулиб ўтири.

— ~~Мамыз~~! — деб хитоб қилди у, кейин уни йұтал
тутди ва яна хохолаб юборди, токи ҳолсизланиб қолгун-
ча кулаверди, охири мажолсизланиб кресло сүянчиғига
ўзини ташлади.

— Нима ғап?

— Күлгилі, ҳаддан ташқары күлгилі! Ишончим ко-
милки, мен эрталабки вақтимни қандай ўтказғанимни,
охири нима қылғанимни сиз иккі дунёда ҳам ўйлаб то-
полмайсиз.

— Тасаввур қилолмайман. Менимча, сиз Ирэн Ал-
лернинг одатларини, ёки, әхтимолки, хонимнинг уйини
зимдан күзатған бўлсангиз керак.

— Мутдақо түғри, лекин натижаси мен кутгандан
ҳам зиёда бўлди... Яхшиси, бир бошдан гапириб бер-
ман. Соат саккиздан ўтганда мен ишсиз отбоқар қиёфа-
сида уйдаи чиқдим. Отга ошно бўлган кишилар ўртаси-
да ўзига хос биродарлик, гаройибона меҳр-оқибат мав-
жуд. Ишонмасангиз, отбоқар бўлиб кўринг — бирпаста
ўзингизга керакли ҳамма нарсани билиб оласиз. Мен
Брайони-ложни ҳеч қийналмасдан топдим. Бу мўъжаз-
гина, муҳташамгина иккى қаватли вилла экан; кўча то-
монда эшиги бор, орқаси чорбоғ. Чорбоғ эшикда отнинг
калласидай қулф осиғлик. Чап қаноти кенг-мўл меҳ-
монхона: яхшигина безатилған, деразалари катта-кат-
та — деярли уй баравар келади, эшигига бемаъни ниг-
лиз лўқидони қадалган, уни ёш бола ҳам очиши мумкин.
Уйнинг кетида диққатга сазовор ҳеч нарса кўринмади,
фақат иккинчи қаватдаги айвонга от-аравалар туради-
ган бостирманинг томи орқали чиқса бўлар экан. Мен
шу бостирманинг тўрт томонини ҳам синчилаб кўздан
кечирдим, лекин эътиборга молик бирон нарсани уч-
ратмадим. ~~Мен~~ кўча бўйлаб кетдим ва худди кутганим-
дай, чорраҳада чорбоғ деворига тақаб қурилган отхонага
дуч келдим. Мен отбоқарларга отларни ювиб-тарашда
ёрдамлашиб юбордим, бунинг эвазига иккى танга пул,
бир стакан арақ, иккى ўрам тамаки ҳамда Адлер хо-
ниму унинг қўши-қўшинлари ҳақида бурнимдан чиққунча
маълумотлар олдим. Қўни-қўшинлари мени заррача ҳам
қизиқтирмасди, лекин уларнинг таржимаи ҳолларини
эшитишга мажбур эдим.

— Сиз Ирэн Адлер ҳақида нималарни билиб олдин-
гиз? — деб сўрадим.

— Асти сўраманг, у шаҳарнинг мана шу қисмидаги яшайдиган барча эркакларнинг бошини айлантириб қўйибди! У ер юзида рўмол ўраб юрадиган аёллар орасида энг зебо санам. Серпантайнлик отбоқарлар бир овоздан шундай дейишитди. У беозоргина ҳаёт кечиради, баъзан концертларда иштирок этади, ҳар куни соат бешда сайр қилгани отланади ва роппа-роса еттида тушликка етиб келади. Сайр вақтини камдан-кам ҳоллардагина — қўшиқ айтиши лозим бўлган пайтлардагина ўзгартиради, холос. Уни биттаю битта эркак йўқлаб туради — ягона эркак, аммо тез-тез йўқлаб туради. Қораҷадан келган, келишган, олифтанамо; ҳар куни унинг ҳузурнига келади, баъзан бир кунда икки марта ташриф буюриши мумкин. Унинг исми шарифи мистер Годфри Нортон, темпллик¹. Кўрдингизми, аравакашларнинг ишончини қозониб олсангиз зиён қилмайсиз! Улар ўша эркакни Серпантайн отхонасидан йигирма мартача уйига элтиб қўйишган ва у ҳақда ҳамма маълумотларни билиб олишган. Мен уларнинг гапларини охиригача тингладим-да, яна Брайони-лож атрофида сайр эта бошладим, кейинги қилинадиган ишларнинг режасини туздим. Бу Годфри Нортон, афтидан, ҳамма ишларда асосий вазифани бажараётган шахс шекилли. У ҳуқуқшунос. Бу хунук эшитилади. Хўш, уларни нима боғлаб турибди, қандай сабабга кўра улар тез-тез учрашадилар? Ирэн унга ким бўлади — мижозими? Дўстими? Ўйнашими? Агар Адлер унинг мижози бўлса, равшанки, ўша суратни кўз қорачиғидай асрар учун унга бериб қўйгандир. Мабодо ўйнаши бўлса, бермаган бўлиши мумкин. Мана шу масалани бир ёқли қилиб олсан, бундан кейин ишни Брайони-ложда давом эттиришим ёки Темплда яшайдиган анави жентльменнинг квартирасига эътиборни қаратишими лозимлиги маълум бўлади. Бу масала ҳийла қалтис, энди менинг изланишларим доираси анча кенгаяди... Уотсон, мана шунақа икир-чикирлар сизнинг жонингизга тегмаса гўргайди деб қўрқаман, лекин сиз вазиятни батафсил билишингиз учун майда-чуйда қийинчилкларни ҳам очиқ-оидин айтишим лозим.

— Мен сизнинг ҳикоянгизни диққат билан эшияпман,— дедим.

— Брайони-ложга бежиримгина соябонли арава келиб тўхтаган пайтда мен ҳамон бу ишни ўзимча та-

¹ Темпл — Лондондаги ҳуқуқшуносларнинг маҳкамалари жойлашгани қасаба.

розига солиб күриш билан машгул эдим. Аравадан қандайдир жентльмен сакраб тушди, у ҳавас қиладиган даржа келишган эди, мүйловли, қорача, бургутбурун. Афтидан, бу боя таърифини эшигтганим кимса эди. Күрнишидан у жуда ҳам шошаётган эди ва ниҳоятда ҳаяжонланарди. У аравакашга кутиб ўтиришни буюрди-да, эшикни очган оқсоч ёнидан чопқилаб ўтиб кетди, фақат бу уйда ўзини хўжайнадай ҳис этадиган кишигина ана шундай эмин-эркин ҳаракат қилиши мумкин. У ичкарига кирдию ярим соатча йўқ бўлиб кетди. Лекин мен меҳмонхона деразасидан унинг хона бўйлаб уёқдан-буёққа юраётганини, бир нималарни қизишиб гапираётганини, қўлларини арра-арра қилаётганини кўриб турардим. Мана, ниҳоят, кўчага чиқди, у янада ташвишироқ кўринарди. Аравага яқинлашар экан, чўнтағидан тилла соатини чиқарди-да, унга хавотирланиб назар ташлади. Сўнгра: «Қора қуюндай учиринг!— деб бақирди аравакашга.— Аввал Рижент-стритдаги Грасс ва Хенк ҳузурига кириб ўтамиз, кейин Эжвер-роуддаги муқаддас Моника ибодатхонасига борамиз. Агар манзилга йигирма минут ичиде етказиб қўйсангиз, ярим сўлкавой бераман!» Улар шитоб билан қўзғолишли. Мен эндинга уларнинг орқасидан йўлга тушсаммикан деб ўйлаб турган эдимки, бирдан ўша уй олдига усти очиқ, мўъжазгина, иккита от қўшилган арава келиб тўхтади. Аравакаш пальтосининг тугмалари ярми қадалмаган эди, бўйинбоги бадбарак бўлиб бўйнига ўралиб қолибди, отнинг қоринбоги эса тўқадан чиқиб кетибди. Аравакаш отни тўхтатган заҳотиёқ Ирэн эшикдан отилиб чиқиб, ўзини аравага урди. Мен унинг юзларини аранг кўриб қолдим, лекин шунинг ўзи етарли бўлди: у ниҳоятда ёқимтой аёл экан, бундай оғатижон аёлни эркаклар бир марта кўриб қолсалар—бас, кейин бир умр ўша фариштанинг ишқида ўтадилар. «Жон, муқаддас Моника ибодатхонасига ҳайдай!— деб қичқирди у.— Агар манзилга йигирма минут ичиде етказиб қўйсангиз, ярим сўлкавой бераман!» Бундай қулай вазиятни қўлдан бой бермаслик лозим эди, Уотсон. Мен қандай қўлсам яхши бўлар экан деб ўйлай бошладим; орқасидан югурсам тузукми ёки араванинг шотисига осилиб олсам дурустми? Шу пайт бирдан кўчада бир отли извош кўриниб қолди. Аравакаш мендай бадбашара йўловчиға икки марта ҳайратланиб қараб қўйди. лекин мен у эътироҳ билдиргунча ўриндиқ-қа ўрнашиб қолдим. «Муқаддас Моника ибодатхонасига ҳайданг!— дедим.— Агар манзилга йигирма минут ичиде

еткәзіб қүйсанғиз, ярим сұлқавой бераман!» Соат йығырма беш минути кам ўн иккі зди. Албатта, гап нимада әканини аяглаб олиш унчалик мушкул әмасди. Мениңг извошчим отни ўқдай учирнб кетди. Мен умримда бу қадар катта тезликда юрганимни сира эслолмайман. Бирпасдан кейин извош ҳам, бир жуфт от қүшілған арава ҳам ибодатхона остонасида турарди. Мен извошчи билан ҳисоб-китоб қылдым-да, зинапояга югурнб чиқдим. Ибодатхонада мен ҳозиргина орқаларидан қувиб келған кимсалардан бошқа бирор жонзот йўқ зди. [Айтмоқчи, яна рұхоний бор зди, афтидан, уларга таънаомуз мурожаат қиласади. Учталаси ҳам меҳроб қаршисида туришарди. Мен ён томондаги қўшимча меҳроб атрофида худди бу ерга тасодифан кириб қолган йўловчидаи бепарволик билан айланиб юра бошладим. Кутнлмаганди, мени ҳайратга солиб, учталаси илкис мен томонга ўгирилишди ва Годфри Нортон менга қараб югурди.

«Худога шукр!— деб қичқирди у.— Бизга айнан сиз керак эдингиз. Юринг, кетдик! Юринг!»

«Нима гап ўзи?»— деб сўрадим.

«Юринг, юра қолинг энди, туришингиздан яхши одамга ўхшайсиз-ку, фақат уч минутга, холос!»

Мени меҳроб қаршисига деярли судраб олиб боришди ва ҳали ақл-хушнмни йиғиб олмасимдан, қулоғимга пичирлаб туришган аллақандай гапларни такрорлай бошладим: ўзим мутлақо билмайдиган кимсалар номидан қасам ичдим, хуллас, келинчак Ирэн Адлер билан куёв Годфри Нортоннинг никоҳдан ўтишларига ёрдам бердим. Буларнинг ҳаммаси бир дақиқа мобайнида рўй берди: мана, бир томондан жентльмен, иккинчи томондан леди менга ташаккур изҳор эта бошладилар, рұхоний бўлса ўзида йўқ хурсанд — нуқул жилмаяди, холос. Мен эсимни таниганимдан бери бунақа бемаъни ҳолатга тушиб қолмаган эдим. Мана энди ўша ҳолатни эсласам кулгим қистаяпти. Назаримда, келин-куёвлар қандайдир расм-руsumларни адo этишмаган шекилли, шунинг учун агар битта гувоҳ бўлмаса, рұхоний никоҳ маросими ўтказишдан бутунлай бosh тортаётган зди. Мениңг ибодатхонада пайдо бўлиб қолишим күёвни гувоҳ қидириб кўчага қараб югурниш ташвишидан форир этди. Келинчак менга бир сўлқавой берди, мен буни ўз саргузащимдан хотира сифатида соатимнинг занжирига осиб юраман.

— Иш чаппасига кетибди-ку,— дедим мен.— Энди нима бўлади?

— Албатта, мен режаларим хавф остида қолаётганини дарҳол англадим. Афтидан, ёш куёв-қаллик зудлик билан саёчатга чиқишмоқчи эди, шунинг учун дарҳол, қатъий ҳаракат қилишим лозим эди. Бироқ улар ибодатхона остонасида ажралишди: йигит Темплга қараб, келинчак ўз уйи томонга жўнади. «Мен одатдагидек соат бешда боқقا сайр қилгани чиқаман», деди Ирэн хайрлашаётib. Мен шундан бошқа ҳеч нарса эшифтадим. Улар икки томонга кетишиди, мен ҳам изимга қайтдим. Энди олдиндан ҳозирлаб қўйилган ишга қўл урмоқчиман.

— Қилинадиган иш нимадан иборат?

— Оз-моз совутилган гўшт ва бир стакан пиво,— деб жавоб берди Холмс ва қўнғироқ ипини тортди.— Мен ниҳоятда банд эдим, ҳатто овқатланиш ҳам эсимдан чиқиб қолибди. Эҳтимол, бугун кечаси ташвишларим яна ҳам кўпайиб кетса ажаб эмас. Айтмоқчи, доктор, менга ёрдамлашиб юборсангиз ёмон бўлмасди.

— Жоним билан.

- Ишқилиб, сиз қонунбузарликдан қўрқмайсизми?
- Зифирчаям қўрқмайман.
- Қамоққа тушиб қолишдан ҳам ҳайиқмайсизми?
- Хайрли иш учун бунгаям тайёрман.
- Ў-ӯ, хайрли бўлганда қандоқ!
- Үндай бўлса, мен хизматингизга мунтазирман.
- Сизга ишонишим мумкин эканини билардим.
- Лекин сизнинг асл ниятингиз нима ўзи?

— Ҳозир миссис Тернер овқатни олиб келсин, кейин ҳаммасини тушунтириб бераман... Мана ҳозир,— деди у, бизнинг иқтисадчимиз тайёрлаб берган камтарона овқатни иштача билан тановул қиласар экан,— мен овқат маҳали сиз билан иш хусусида гаплашишга мажбурман, чунки ихтиёrimda жуда ҳам кам вақт қолди. Шу тобда озгинаси кам беш бўлди. Икки соатдан кейин биз ўша жойда ҳозиру нозир бўлишимиз лозим. Ирэн қизгина ёки аниқроғи, Ирэн хоним боғ сайридан еттида қайтиб келади. Биз уни кутиб олиш учун Брайони-ложга боришимиз керак.

— Кейин нима қиласиз?

— Уёғини менга қўйиб бераверинг. Кейин бўладиган ишларининг ғамини еб қўйганман. Мен сиздан фақат бир нарса талаб қиласман; ҳар қандай воқеа рўй берса ҳам сиз аралашмайсиз. Тушундингизми?

— Мен холис бўлишим керакми?

— Худди шундай. Ҳеч нарса қилмаслигингиз лозим. Сезишимча, арзимас қўнгилсизлик рўй бериши мумкин.

Лекин аралашмайсиз. Охири мени уйга олиб кириб кетишади. Орадан беш-олти минут ўтгач, меҳмонхонанинг деразаси очилади. Сиз ана ўша очилган деразага яқинроқ жойда туришингиз даркор.

— Яхши.

— Мен қўлимни мана бундай тарзда юқорига кўтарган пайтим, сизга олдиндан бериб қўйган нимарсанни хонага ирғитиб юборасиз-да, айни замонда: «Ёнғин!»— деб қичқириб қоласиз. Гапимни тушундингизми?

— Тушундим.

— Бунда хавфли ҳеч нарса йўқ,— деди у, чўнтағидан йўғон сигарета шаклидаги ўрамни олар экан.— Бу одатдаги тутантириқ ракета: икки томонида мурвати бор—ўз-ўзидан алнга олиб кетиши учун мўлжалланган. Сиз қиласидаган ҳамма иш шундан иборат. «Ёнғин!»— деб қичқиришингиз биланоқ оғзингиздан чиққан сўзни оломон бирвараракайига такрорлай бошлайди. Шундан кейин бамайлихотир кўча адогига бориб турасиз, мен ўн минутлардан сўнг сизга етиб оламан. Умид қиласманки, ҳамма гапимни тушундингиз-а?

— Мен деразага яқинроқ жойга бориб, ҳеч бир ишга аралашмай туришим лозим. Сизниг ишорангизни кутаман ва ўша нимарсанни зудлик билан деразага қаратиб ирғитаман, айни замонда ёнғин чиққани ҳақида шовқин кўтараман, кейин кўчанинг бурилишида сизни пойлаб турман.

— Мутлақо тўғри.

— Менга ишонишингиз мумкни.

— Жуда соз. Энди мен бугун ўйнашим лозим бўлган янги ўйинга ҳозирлик кўраман.

У меҳмонхонага кириб кетди ва бир неча минутлардан кейин мулоим, содда руҳоний қиёфасида пайдо бўлди. Унинг кеңт соябонли қора шляпаси, шалвираган шими, оппоқ бўйинбоғи, жозибали жилмайиши ва умуман қиёфасидан балқиб турган меҳрибон бир ажойибот таърифга сифасди. Гап фақат Холмс костюмини алмаштирганида эмас. У ҳар сафар янги вазифани бажараётган пайтда юзларидаги ифодаю хулқ-авторини, ҳатто ички оламини ҳам ўзгартираётгандай туюларди. Театру санъати Холмс тимсолида буюк бир актёрдан маҳрум бўлди, илм олами эса — синчков донишмандни йўқотди: у жиноятларни текширадиган мутахассис касбини тандади.

Олтидан ўн беш минут ўтгандага биз уйдан чиқдик, кўзланган манзилга — Серпантайн кўчасига етиб борган

пайтимизда ўн беш минути кам етти бўлган эди. Қоронғи туша бошлади, кўчада фонарлар ёқилди, биз Брайони-лож ёнида саир этиш билан машғул бўлдик; уй соҳибларининг қайтишига маҳтал бўлиб турдик. Ўй Шерлок Холмснинг қисқача таърифидан кейин қандай тасаввур этган бўлсан — худди шундай эди, лекин бу жойлар мен кутгандан кўра гавжумроқ экан. Аксинча, шаҳар чеккасидаги бу торгина, тинчгина кўчада оломон қайнаб ётарди. Бир бурчакда қандайдир қаланғи-қасангилар сигарета чекишиб, ҳиришга турарди, ўшаларининг ёнига пичоқ чархлайдиган косиб чархини ўрнатиб қўйган эди, икки аскар эса хизматкор аёлга гап отиш билан овора эдилар, оғзига сигарета қистириб олишган бир нечта олифта йигитчалар кўча бўйлаб саланглаб юришарди.

— Кўрдингизми, тўй ҳашамлари ишимизни ҳийла енгиллаштиради,— деди Холмс уй ёнидан ўтаётган чоғимиз.— Энди сурат икки юзи чархланган қуролга айланниб қолади. Эҳтимол, Ирэн суратини мистер Годфри Нортон кўриб қолишини хоҳламас, айни пайтда бизнинг мижозимиз ҳам ўша суратга қироличанинг пазари тушиб қолишини асло истамайди. Энди ҳамма гап биз суратни қаердан топишимизда қолди, холос.

— Дарҳақиқат, қаердан топамиз?

— Албатта, Ирэн уни доимо ўз ёнида олиб юришига ишониб бўлмайди. Хонага осиб қўйиншга мўлжалланган суратни аёлларнинг кўйлаги остига яшириб қўйиш амри маҳол. Ирэн биладики, қирол уни бир четга алдаб-сулдаб чақириб турар тинтув ўтказишдан ҳам тоймайди. Шу мақсадда икки марта уриниш ҳам содир бўлган. Демак, биз кўнглимизни тўқ қилишимиз мумкин: у суратни ёнида олиб юрмайди.

— Бўлмасам, қаерда сақлайди?

— Ўзининг банкчисига ёки адвокатига бериб қўйган бўлиши мумкин. Ё унисида, ёки бунисида, лекин қайси биттасида эканини аниқ айтольмайман.

Аёллар табиатан хуфия ишларга мойил бўлишади ва ўзларини сирли тилсимларга чулғаб юришни яхши кўришади. Нега энди у ўз тилсимидан бошқа бирорни хабардор қилиб қўйиши лозим экан? У ўзинга ишонган ҳолда ҳар қандай буюмни сақлаши мумкин. Лекин сирдан воқиф қилинган ишбилармон киши сиёсий ёки бошқа бир тазиикка дош бера олишига у тўла-тўқис ишониши даргумон. Бундан ташқари, эсингизда бўлса, у тез кунларда суратни ҳаракатга келтиришга аҳд қилган.

Шунинг учун уни истаган пайтда қўлини узатса етадиган жойда сақлайди. Сурат унинг ўз уйда бўлиши керак.

— Лекин қулфбузарлар уйни икки марта ағдар-тўнтар қилиб ташлашган-ку.

— Сафсата! Улар қандай йўсинда излаш лозимлигиги билишмаган.

— Сиз қай тарзда излайсиз?

— Мен излайман.

— Ҳеч жаҳонда изламай ҳам топиб бўларканми?

— Мен шундай қиласманки, Йрэннинг ўзи уни менга кўрсатади.

— У бари бир кўрсатмайди.

— Ҳамма гап шундаки, кўрсатмасдан иложи қолмайди... Шошманг, фидирак товуши қулоғимга чалиняпти. Бу унинг араваси. Энди менинг кўрсатмаларимни пишиқ-пухта бажарсангиз — бас.

Шу пайт кўча бурилишида соябонли араванинг ён томонидаги фонарлари кўринди ва ҳадемай бежирим арава Брайони-лож остонасига келиб тўхтади. Арава тўхтаган заҳотиёқ бурчакда турган саёқлардан бирори файтон эшикчасини очиш ва бунинг эвазига сариқ чақа ишлаб олиш илинжида югуриб келди, лекин уни худди шу ниятда чопқиллаб келаётган бошқа бир саёқ итариб юборди. Улар шафқатсизларча муштлашиб кетишиди. Саёқлардан биттасининг ёнини олган икки аскар билан бошқа саёқни қизғин ҳимоя қила бошлаган чарҳчи гулханга гўё мой сепиб юборишиди. Файтондан тушган хоним билан зумдаёқ юмалашиб ётган, бир-бирларига аёвсиз мушт тушираётган, бир-бирларини калтаклар билан савалаётган оломон орасига кириб қолди. Холмс хонимни ҳимоя қилиш учун ўзини тўс-тўполонга урди. Бироқ, у аёлга яқинлашган пайт бирдан қичқириб юбордию юзлари қип-қизил қонга бўялганча гурс этиб йинқилди. У йиқилиши билан аскарлар — бир томонга, қаланғи-қасангилар бошқа томонга тумтарақай бўлиб қочишиди. Ур-йиқитда иштирок этмаган бир нечта боодоб кишилар хоним билан ярадорга ёрдам кўрсатиш учун шошилишиди. Йрэн Адлер (мен уни ҳамон эски номи билан атайман) зинапояга югуриб чиқди-да, унинг юқорисидаги майдончада тўхтаб, кўчани кўздан кечира бошлади; унинг оғатижон қадди-қомати меҳмоихонадан тушаётган шуълада яққол кўзга ташланиб турарди.

— Шўрлик жентльмен оғир яраланибдими? — деб сўради у.

— У ўлиб қолибди,— деб жавоб қайтаришди бир неча киши.

— Йўқ, хайрият, у ҳали тирик экан!— деб қичқирди кимдир.— Лекин уни касалхонага олиб боргунингизча — йўлдаёқ жон таслим қилади.

— Кўрқмас иисон экан!— деди қандайдир аёл.— Агар у бўлмаганда анивилар хонимнинг ҳамёнини ҳам, соатини ҳам тортиб олишарди. Уларни бутун бошли шайкаси бор, жуда хавфли. Вой, у нафас ола бошлади!

— Уни кўчада қолдириб бўлмайди... Хоним, уни уйингизга олиб киришимизга рухсат берасизми?

— Албатта! Меҳмонхонага олиб киринглар. У ерда диван бор. Марҳамат, буёқقا!

Холмсни қўлларида намойишкорона кўтаришганча аста-секин Брайони-ложга олиб киришди-да, меҳмонхонага ётқизиб қўйиши. Мен эсам деразага яқинроқ жойда бўлаётган воқеаларни зимдан кузата бошладим. Лампалар ёқиб қўйилган эди; дераза пардалари туширилмагани учун мен диванда ётган Холмсни яққол кўриб турардим. Найрангбозлик қилаётгани сабабли унинг виждони қийналармиди ёки йўқми, билмадим-у, лекин мен бу ёқимтой аёлнинг ярадор теварагида гиргиттон бўлаётганини кўриб турган дамларимда ўзимдан ўзим шу қадар уялиб кетдимки, қани энди шу тобда ер ёрилсаю ернинг остига кириб кетсан! Шунга қарамай, мен Холмснинг топширигини бажармасам ҳам виждонимга хиёнат қилган бўлардим. Юрагим увишиб, пальтомнинг остидан тутатқи ракетани чиқардим. «Охир-оқибатда биз унга ҳеч қандай зиён етказмаяпмиз-ку, фақат уни бошқа бир одамга зиён етказишига халақит беряпмиз, холос», деб ўзимга таскин бердим.

Холмс астагина дивандан қўзғолди ва кўрдимки, у худди нафаси бўғаётган киши сингари мажолсизгина қадам ташляяпти. Хизматкор аёл дераза ёнига югуриб келди-да, уни очиб юборди. Айни шу чоқ Холмс қўлини юқори қўтарди; мен мана шу ишорага биноан ракетани хонага қаратиб ирғитдим: «Ёнғин!»— деб қичқирдим. Бирпасда хонани қуюқ тутун қоплади ва очиқ деразадан ташқарига ўрлай бошлади. Мен одамларнинг меҳмонхонада елиб-югураётганини кўриб қолдим; бир оздан сўнг бўй ёлғондакам ваҳима эканинга кимларнидир ишонтирмоқчи бўлаётган Холмснинг гап-сўзлари қулоғимга чалинди.

Мен оломон орасидан ёриб ўтдим-да, кўчанинг бурилиш жойига бориб олдим. Баҳтимга, ўн минутдан ке-

Йин Холмс мени қувиб етди ва аста қўлтиғимдан қўлини ўтказди: биз шиддатли воқеалар рўй бераётган масканни тарк этдик. Бир қанча пайт у жадаллаб юрди ва Эжвер-родга олиб чиқадиган сокин кўчага бурилгуни-мизга қадар лом-мим демади.

— Доктор, сиз ҳамма ишни жуда абжирлик билан адә этдингиз,— деб таъкидлади Холмс.— Қойил қилдингиз. Ҳаммаси жойида.

— Суратни қўлга киритдингизми?

— Мен уни қаерга яширилганини билиб олдим.

— Қандай қилиб?

— Аввал қаромат қилганимдай, уни менга Ирэннинг ўзи кўрсатди.

— Мен барибир ҳеч нарсага тушунмаяпман.

— Мен эсам, бор гапни айтяпман,— деди у кулиб.— Ҳаммаси оддийгина рўй берди. Ҳойнаҳой сиз фаҳмлаган бўлсангиз керак — кўчадаги барча бекорчихўжалар менинг ҳамтовоқларим эди. Мен уларни ёллаб қўйган эдим.

— Узим ҳам шундай бўлса керак деб ўйловдим.

— Менинг қўлимда оз-моз қизил бўёқ бор эди. Урйиқит бошланган чоқда мен олға ташландим, йиқилиб тушдим, қўлимни юзимга суртдим ва қонга бўялган ҳолда гавдаландим... Эски усул.

— Буни ўзим ҳам пайқаган эдим...

— Улар мени уйга олиб киришди. Ирэн Адлер каминани қабул қилишга мажбур бўлди. Бошқа иложи ҳам йўқ эди-да. Мен меҳмонхонада пайдо бўлиб қолдим, аслида, ҳамма гумоним ана шу хонада эди. Сурат шу яқин орада бўлиши керак: ё меҳмонхонада, ёки ётоқхонада. Мен айнан қаерда эканини аниқлашга қатъий қарор қилдим. Мени юмшоқ ўринга ётқизиб қўйишди, мен бўлсам худди нафасим қисаётгандай ҳунар кўрсата бошладим. Улар деразани ланг очиб қўйишга мажбур бўлишди; сиз бўлсангиз ўз ишингизни бажариш учун қулагай имкониятга эга бўлдингиз.

— Хўш, бунинг эвазига сиз нимага эришдингиз?

— Кўп нарсага. Аёл зоти уйидан ёнғин чиққанини ўйласа, у беихтиёр ўзи учун энг азиз нарсани сақлаб қолишига ҳаракат қиласди. Бу энг кучли ички туртки; мен ундан бир неча марта фойдаланганман. Дорлингтон машмашаси чоғида ҳамда Арнсвор саройи билан боғлиқ ишларда ҳам шу усулни қўллаганман. Эрга теккан жувон — боласини, эрсиз қизлар эса қимматбаҳо тақин-чоқлари солинган қутичани асрайдилар. Энди мен аниқ

биламанки, бизнинг хоним учун уйнда биз излаётган нарсадан бошқа қимматлироқ ҳеч вақо йўқ. У айнан ўша нарсани асраб қолиш учун жоп ҳалпида ташланди. Енғин ваҳимаси жуда уддабуронлик билан уюштирилди. Темир асабларни титратишга тутун билан бақир-чақирлар кифоя қилди. Ирэн худди мен кутганимдай талвасага тушиб қолди. Сурат қўнғироқпинг бофичи тепасидағи нари-бери суриласидиган тахта ортида — махфий жойда сақланар экан. Ирэн бир зумдаёқ ўша ерда пайдо бўлиб қолди: ҳатто суратнинг ярмини ташқарига чиқаришга ҳам улгурди, мен унинг бир четини кўрдим. Фақат бу ёлғондакам ваҳима, деганимдан кейинингина Ирэн суратни қайтариб жойига тиқиб қўйди, ракетага кўз қирини ташлади-да, хонадан югуриб чиқиб кетди, шундан сўнг мен уни кўрмадим. Мен ўрнимдан турдиму узр сўраб, уйдан жуфтакни ростладим. Суратни дарҳол олмоқчи эдим, лекин хонага аравакаш кириб келиб, мени синчилаб кузата бошлади. Шундай қилиб, ниятимни ҳозир амалга ошиrolmasligimni англадим — буни қеиниги сафарга қолдирдим. Шошқалоқлик панд бериб қўйиши мумкин.

— Энди нима бўлади? — деб сўрадим.

— Сирасини айтганда, бизнинг қидирув ишларимиз тугалланди. Эртага биз — қирол иккаламиз Ирэн Адлер ҳузурига борамиз. Агар бизга ҳамроҳ бўлишини истасангиз, сиз ҳам юринг. Бизга, меҳмонхонада кутиб туринглар, дейишади, лекин меҳмонларнинг истиқболига чиқкан хоним на бизни, на суратни топа олмаса ажаб эмас. Балки, уни яширинган жойидан ўз қўллари билан суғуриб олиш жаноби олийларига кўнгилли туюлар.

— Сизлар ўёққа қачон жўнайсизлар?

— Эрталаб соат саккизда. Хоним ҳали иссиқ ўринда чўзилиб ётган бўлади — биз бемалол ҳаракат қилишимиз мумкин. Бундан ташқари, жадал суръатда ишни битиришимиз лозим, чунки кечаги никоҳ унинг турмуш тарзини, одатларини тубдан ўзгартириб юбориши эҳтимолдан холи эмас. Мен ҳозир қиролга зудлик билан телеграмма жўнатишим керак.

Биз Бейкер-стритгача гаплашиб бордик-да, уйимиз остонасига етганда тўхтадик. Холмс чўнтакларини пайпаслаб калитни қидира бошлади. Шу пайт қандайдир йўловчи:

— Хайрли кеч, мистер Шерлок Холмс! — деди.

Йўлкада бир неча киши уймалашиб турешарди, аммо биз билан саломлашган кимса, афтидан, ёнимиздан

ўтиб кетаётгани узун пальтоли, келишган йигитча эди.

— Мен қаердадир бу товушни аввал ҳам эшигтанман,— деди Холмс, фира-шира ёритилган күчага назар ташлар экан.— Лекин унинг кимлигини сира эслолмаяпман, жин урсин!

III

Мен шу кеча Бейкер-стритда ётиб қолдим. Эрталаб хонага Богеми қироли шитоб билан кириб келган чоқда биз қақвага қотган нон ботириб еб ўтирган эдик.

— Сиз ҳақиқатдан ҳам суратни қўлга киритдингизми?!— деб хитоб қилди у Шерлок Холмснинг елкаларидан қучиб. Сўнг қувонч билан юзларига тикилди.

— Ҳозирча қўлга киритганим йўқ.

— Лекин сиз уни қўлга киритишдан умидвормисиз?

— Умидворман.

— Ундаи бўлса, кетдик! Мен энди ортиқ кутолмайман, ёниб кетяман!

— Бизга файтон керак.

— Менинг файтоним кўчада турибди.

— Бу ишимизни анча енгиллаштиради.

Биз пастга тушдик-да, яна Брайони-лож томон жўнадик.

— Ирэн Адлер турмушга чиқди,— деди Холмс.

— Турмушга чиқди? Қачон?

— Кечা.

— Кимга тегди?

— Инглиз адвокатига, унинг номи Нортон.

— Лекин, албатта, Ирэн уни яхши кўрмаса керак-а?

— Умид қиласманки, яхши кўради.

— Сиз нега умид қиласпсиз?

— Негаки, жаноби олийлари, бу ҳол сизни келажакдаги барча кўнгилсизликлардан асрайди. Агарда хоним ўз эрини яхши кўрса, демак у жаноби олийларини яхши кўрмайди, шундан кейин унда жаноби олийларининг режаларига халақит беришга арзигули ҳеч қандай асос қолмайди.

— Тўғри, тўғрику-я. Шундай бўлса ҳам... Эҳ, мен уни менга муносиб асиљзода оиласдан бўлишини жуда жуда истардим! У беназир қиролича бўларди!

У маъюс тортиб қолди, то Серпантайн кўчасига кириб боргунимизча миқ этмади.

Брайони-лож вилласининг эшиклари очиқ экан, зи-

напояда кексароқ бир аёл турарди. Файтондан тушаёт-
ган пайтимизда у бизга худди мазахлаётгандай тикилиб
қолди.

— Мистер Шерлок Холмсмисиз?— деб сўради у.

— Ҳа, мен Шерлок Холмсман,— деб жавоб берди
дўстим унга ҳайратланиб қараганча.

— Ана, ўзи экан! Менинг бекам, ҳойнаҳой, сизнинг
келишингизни билгандай каминани огоҳлантириб қўйған
эди. У бугун эрталаб, соат бешдан ўн беш минут ўтган-
да, эри билан биргаликда Черинг-крос вокзалидан
қитъага жўнаб кетди.

— Нима?!— Шерлок Холмс довдираб орқасига че-
кинди. Кутимаган зарбадан унинг ранги ўчиб кетди, ди-
ли сиёҳ бўлди.— Сиз уни Англиядан чиқиб кегди де-
моқчимисиз?

— Ҳа. Бутунлай.

— Қоғозлар-чи?— деб сўради қирол ҳирқираб.—
Ҳаммаси барбод бўлди-ку!

— Кўрамиз!— Холмс хизматкор аёл ёнидан жадал
юриб ўтди-да, меҳмонхонага ўзини урди.

Қирол иккаламиз унинг орқасидан кирдик. Хонадаги
барча мебеллар тартибсиз равишда уёқдан-буёқда су-
рилган эди, тахта токчалар бўм-бўш, ғаладонлар очи-
либ ётиби — равшанки, бека қочиб кетишдан аввал
ҳаммаёқи ағдар-тўнтар қилиб юборга эди.

Холмс қўнғироқ боғичига ёпишди, деворга қадалган
кичкина тахтани ўрнидан сурди ва маҳфий ковакка қў-
линни тиқди-да, у ердан сурат билан битта хатни суғуриб
олди. Бу Ирэн Адлернинг тунгি кўйлакда тушган сурати
эди. Хатнинг устига эса: «Мистер Шерлок Холмсга.
У келган пайтда қўлига топширилсин», деб ёзилган эди.

Дўстим дарҳол конвертни йиртди ва биз уч кишила-
шинб хатни ўқий бошладик. Хатга ўтган кечанинг чис-
лоси қўйилган бўлиб унда қўйидагилар ёзилган эди:

«Қадрдоним мистер Шерлок Холмс, сиз ҳақиқатан
ҳам ажойиб томоша кўрсатдингиз. Дастрлабки пайтлари
мен сизга чиппа-чин ишонган эдим. Ёнгин васвасасига
қадар менда ҳеч қандай шубҳа уйғонмади. Лекин кейин,
яъни ўз сиримни фош этиб қўйған пайтимда фикр-муло-
ҳаза юритишдан бошқа иложим қолмади. Бир неча ой
муқаддам, агар қирол жосулслар хизматидан фойдала-
нишга аҳд қилса, у албатта сизга мурожаат этажаги ҳа-
қида мени огоҳлантиришган эди. Менга адресингизни
беришди. Шунга қарамай, сиз мендан ўзингиз билиш-
ни истаган сирни билиб оллингиз. Мен қанчалик бадгу-



мон бўлишимдан қатъий назар, мушфиқ, меҳрибон, мўйсафид руҳоний хусусида ёмон фикрларга боришни ўзимга эп кўрмадим... Бироқ, ўзингиз ҳам биласизки, мен ҳам актриса бўлганман. Эркакларнинг костюмини кийиб саҳнага чиқиши мен учун янгилик эмас. Мен тез-тез эркакларнинг уст-бошидан фойдаланиб тураман, эркакча кийиниб олсан, ўзимни эмин-эркин ҳис этаман. Мен аравакаш Жонни сизни назорат қилиб турниш учун юбордим-да, ўзим юқорига чопиб чиқиб сайрбоп эркакча уст-бошимни кийиб пастга тушдим. Сиз айни ўша пайтда кўчага чиқиб кетаётган экансиз. Сизнинг изнингиздан остоанагизгача кузатиб бордим ва менга ҳақиқатдан ҳам машҳур Шерлок Холмс қизиқиб қолганинга ишонч ҳосил қилдим. Сўнгра хийла эҳтиётсизлик билан сизга хайрли кеч тиладиму Темплга, эримнинг ҳузурига жўнадик.

Бизни шунчалик қудратли рақиб таъқиб этаётгани бўлса, қутулмоқнинг энг яхши йўли — қочмоқликдир деган қарорга келдик. Ана энди сиз эртага қадам ранжида қиласизу, бўм-бўш уйга дуч келасиз. Сурат хусусида сизнинг мижозингиз хотирини жам қилсин; мен ундан ҳам афзалроқ бўлган инсонни яхши кўраман. Ўша инсон мени ҳам яхши кўради. Қирол ўзининг ғамини еб нимаки қилмоқчи бўлса, ҳаммасини қилаверсин: бир пайтлар хўб ёмонлик қилган кишисидан асло хавфсирамасин. Фақат ўзимнинг хавфсизлигим учун, қўлимда қалқоним қолиши учун, келажакда қирол томонидан уюштириладигани ҳар қандай тажовузлардан ўзимни асраним учун мен бу суратни сақлаб қўяман. Мен бу ерда бошқасини қолдиряпман. Эҳтимол, шуни у асраб қўйса кўнгли ороҷ олар. Қадрдоним мистер Шерлок Холмс, мен ҳамиша сизга содиқ бўлиб қоламан, деб Ирэн Адлер, туғуруқ фамилиям Адлер».

— У, қанақа аёл-а, қанақа аёл! — деб хитоб қилди Богеми қироли, уч кишилашиб хатни ўқиб чиқиншимиз биланоқ. — Мен сизга у бениҳоя топқир, ақлли, эҳтиёткор демаганмидим? Ахир у қойилмақом қиролича бўлмасмиди? Эҳ, агар унинг мартабаси менга лойиқ бўлганида борми?

— Мен бу хонимни яқиндан билганимдан сўнг англадимки, ораларингда ҳақиқатдан ҳам жула катта тафовут бор экан, — деди Холмс совуқ оҳангда. — Афсуски, жаноби олийлари топшириқларини муваффақиятли якунлай олмадим.

— Аксинча, қадрли сэр! — деб хитоб қилди қирол. —

Бундан аълороқ бўлиши мумкин эмас. Мен биламанки, у қиз доимо сўзининг устидан чиқади. Энди суратнинг менга зиёни тегмайди — гўё ёқиб юборилгандай.

— Мен жаноби олийларидан бундай гапларни эши-таётганимдан хурсандман.

— Мен эсам, сиздан қарздорман. Марҳамат, айтинг, сизни қандай тақдирласам бўлади? Мана бу узукни...

У бармогидаги зумрад кўзли узукни ечди-да, уни Холмснинг кафтига қўйди.

— Жанобий олийларида меп учун бундан ҳам қим-матлироқ бойлик бор,— деди Холмс.

— Сиз фақат айтсангиз кифоя.

— Бу сурат.

Қирол унга ҳайратланиб назар ташлади.

— Ирэнникими?!— деб сўради у тўлқинланиб.— Марҳамат, агар у сизга керак бўлса — олинг, буюрсин!

— Миннатдорман, жаноби олийлари. Мана энди ора-миз очиқ, бир-биримиздан қарзимиз қолмади. Мен сизга яхши кунлар тилайман.

Холмс таъзим бажо келтирди-да, қиролнинг унга узатилган қўлини сиқмасдан — унга эътибор бермасдан мен билан бирга уйига жўнади.

Богеми қироллигига мисли кўрилмаган машмаша бошланиб кетаёзгани, мистер Шерлок Холмснинг усто-монлик билан тузилган режалари аёл зотининг ақл-заковати туфайли чиппакка чиқарилгани ҳақидаги ҳикоя ана шундан иборат. Холмс доимо аёлларни «сочи узун — ақли калта» деб масхаралаб юради, кейинги пайтлари мен ундан бундай таҳқиромуз сўзларни эшитмай қўй-дим. У қачон Ирэн Адлер хусусида гап бошласа ёки унинг суратини эслаб қолса, албатта: «Бу Аёл», деб қўя-ди тантанали оҳангда. Бу ибора Холмс талаффузида гўё унвон мисоли жарангдор эшитилади.



БЕШ ДОНА АПЕЛЬСИН УРУГИ

Шерлок Холмс ҳақидаги 1882 йилдан 1890 йилгача бўлган даврга оид қайдларимни кўздан кечирсан, шу қадар қизиқ ва одатдан ташқари ишларни учратаманки, улардан қайси бирларини танлаб олишин билмай қоламан. Гарчанд, булардан баъзилари аллақачон матбуотда ёритилган бўлса-да, бошқалари Холмснинг ғоят юксак даражада эгаллаган ажойиб қобилиятларини намоён этишинга имкон бермаган эди. Мазкур ёзувларимда мен унинг ана шу қобилиятларини тавсифлашни мақсад қилиб қўйдим. Ӯша ишлардан баъзи бирларини ҳатто таҳлил ҳам қилиб бўлмас, оғзаки айтиб берилган ечимсиз қиссага ўхшаб қолар, баъзилари эса қисман ечишган, уларнинг сабаблари, ўзи ёқтирадиган жиддий, мантиқий исботларга эмас, кўпроқ тусмоллару тахминларга асосланган эди. Бироқ ана шу кейингиларни орасида ҳам тафсилотлари ғоят мароқли, натижалари ғоят кутилмаган бир воқеа борки, мен унинг тўғрисида галириб бермоқчиман, зотан у ҳеч қачон тўла-тўқис аниқланмаган, эҳти-

молки, ҳеч қачон тўла-тўқис аниқлаб бўлмайдиган вазиятлар билан боғлиқдир.

1887 йилга тегишли узун рўйхатда анчагина қизиқ ёки унча қизиқ бўлмаган ишлар қайд этилган. Уларнинг ҳаммасини ёзиб қўйганман. Мана улардан баъзилар: «Пэредол Чэмбер», катта мебель магазиннинг ертўласида ҳашаматли клубига эга бўлган Ҳаваскор гадойлар жамияти; Британияга тегишли «Софи Эндерсон» елканли кемасининг ҳалокатига боғлиқ бўлган фактлар; Грайс Петерсоннинг Юффа оролидаги ажойиб саргузаштлари, ва ниҳоят, Камберуэллдаги заҳарлаш ҳақида-ги иш. Сўнгги воқеада Шерлок Холмс марҳумнинг соатини кўздан кечиргач, икки соат муқаддам бураб қўйилганини таъкидлаган, бундан у, марҳум ўша пайтда ётган, деб ҳукм чиқарган, бу хуносаси эса жиноятни очишда жуда катта аҳамият касб этган эди. Ана шу ишларнинг ҳаммасини мен, эҳтимолки, қачонлардир кейинроқ қаламга оларман, аммо улардан биронтаси ҳам мен ҳозир изҳор қилмоқчи бўлган одатдан ташқари воқеалардаги ўзига хос жиҳатларга эга эмас.

Сентябрь оёқлаб қолган, куз бўронлари қулоқ эшишмаган шиддатли қаҳр-ғазаб билан авжга минар эди. Кун-узукун шамол увиллар, ёмғир деразаларга шу қадар шовқин билан келиб урилар эдики, ҳатто шу ерда, инсон қўли яратган бу баҳайбат асар Лондоннинг юрагида ҳам биз кундалик ҳаётнинг одатий ҳукмидан беихтиёр равишда бир лаҳзагина алаҳсир, қутуриб кетган табиат шиддатли кучларининг ҳозирлигини сезар эдик; улар эса маданий ҳаёт панжаралари орқасида паноҳ топган биз ожиз бандаларга қафасга қамаб қўйилган ваҳший ҳайвонларга ўхшаб ўкирар эди. Кечга бориб бўрон яна ҳам зўрайди: мўрига урилган шамол ёш боладек йиғлар, хи-қиллар эди.

Камин олдида ўтирган тунд башара Шерлок Холмс картотекасини тартибга солмоқда, мен эса, унинг қаршисида ўтирганча, Кларк Рассел ёзган ғаройиб денгиз ҳикояларининг мутолаасига шу қадар берилиб кетган эдимки, мана шу пўртана гўё менга океанда дуч келгандек, ёмғирнинг шовқини эса бамисоли денгиз тўлқинларининг гулдиросидек туюлмоқда эди. Хотиним холасиникига меҳмондорчиликка кетган, шунинг учун мен бир неча кунга Байкер-стритдаги эски квартирамизга келиб жойлашган эдим.

— Менга қаранг, қўнғироқ чалинаётибди,— дедим мен Холмсга.

— Бугун ким келиши мүмкін? Дұстларингиздан битта-яримтасимикан?

— Менинг сиздан бошқа дұстим йўқ,— деб жавоб берди Холмс.— Мениниң ҳеч ким мәхмандорчилликта келмайди.

— Балки миңозлардандир?

— У тақдирда жуда жиддий иш бўлиши керак. Объаво айниб турган шундай бир пайтда, шундай бемашал паллада бу одамни кўчага чиқишига нима мажбур қилган бўлиши мүмкін? Бекамизниң битта-яримта эгачиси ё дугонаси келгандир.

Бироқ Холмс янгилишди, чунки даҳлизда одим товушлари эшитилиб, кимдир эшигимизни тақиллатди. Холмс узун қўлини чўзди-да, чироқни ўзидан буриб, ёруғини мәхмон учун мўлжалланган бўш креслога тўғрилаб қўйди.

— Киринг,— деди у.

Шинам кийинган, ҳаракатлари бир қадар назокатли, йигирма икки ёшлардаги йигит кириб келди. Шариллаб сув оқаётган шамсияси билан ҳўллиги туфайли ялтираб турган сув ўтмас узун плашчи об-ҳавонинг айнинганидан гувоҳлик берарди. Кириб келган одам хавотир билан аланглади, чироқ ёруғида юзи оқариб кетганини, қовоқлари эса бошига оғир мусибат тушган кишидек салқиганини кўрдим.

— Мен сизлардан кечирим сўрашим керак,— деб қўйди, у олтин қабзали пенснесини кўзларига олиб бораркан.— Умид қиласанки, мени ёпишқоқ одам экан, демассизлар. Файзли хоналарингизга бўрону ёмғирнинг унча-мунча аласини олиб келмадиммикан, деб қўрқаман.

— Плашингиз билан шамсиянгизни менга беринг-чи,— деди Холмс.— Уларни мана бу илгакка осиб қўяман, тез орада қуриб қолади. Назаримда, жануби ғарбдан келганга ўхшайсиз.

— Ҳа, Хоршемдан келдим.

— Ботинкаларингизнинг тумшуғидаги бўр аралашган лойдан кўриниб турибди.

— Мен сиздан маслаҳат сўрагани келдим.

— Маслаҳатдан осони йўқ.

— Ёрдам ҳам сўрамоқчиман.

— Мана буниси эса ҳамма вақт ҳам осон кўчавермайди.

— Мен сиз тўгрингизда майор Прендергастдан Тэнкервилл клубида бўлган можаро вақтида қандай қилиб унинг жонига оға кирганингизни эшитганман.

- Ҳа-а, эсимда. Уни, ғирромлик қилдинг, деб беҳуда айблашган эди.
- У сиз ҳар қандай сирни оча олишингизни айтди.
- Бе, муболага қилибди.
- Унинг сўзларига қараганда, сиз ҳеч қачон муваффақиятсизликка учрамасмишсанiz.
- Ҳа, мен одатда муваффақиятга эришмай қўймайман.
- Ундаи бўлса, умид қиласманки, менинг ишимда ҳам муваффақият қозонишга тиришарсиз.
- Илтимос қиласман, креслони каминга яқинроқ суринг-да, ишингишни батафсил сўзлаб беринг.
- Бу ғайриоддий иш.
- Менда бошқача ишлар бўлмайди. Мен — охирги босқичман.
- Аммо, ҳар қалай, сэр, менинг хонадонимда юз берган воқеалардек ақл бовар қилмайдиган, сирли воқеаларни қачон бўлмасин эшитган бўлишингизга ишонгим келмайди.
- Сиз мени ғоятда қизиқтириб қўйдингиз,— деди Холмс.— Илтимос, бизга асосий фактларни галириб беринг, кейин мен сиздан ўзимга муҳимроқ туюлган тафсилотларни суринтириб оламан.
- Ингит креслони суреб, ҳўл оёқларини ланғиллаб турган камин томон узатди.
- Менинг отим Жон Опеншо,— деди у.— Аммо, фаҳлашимча, шахсий ишларим бу даҳшатли воқеалар билан унча боғлиқ эмас. Бу иш менга мерос тариқасида ўтган, шунга кўра, сиз у ҳақда тасаввурга эга бўлишингиз учун менга бу воқеаларниң энг бошига қайтишим керак бўлади.
- Бобомнинг икки ўғли бўлган: булар — амаким Элайес билан отам Жозеф эди. Отамнинг Ковентрида кичикроқ фабрикаси бор, велосипедлар пайдо бўлганда уни кенгайтирган эди. Унинг «Опеншо» деган пишиқ шинага патенти бўлиб, ишлар шу қадар ривожгга миндики, кейинчалик фабрикасини сотиб, дурустгина давлат орттирирган одам сифатида тинчгина оёғини узатиб ётиш имкониятига эришди.
- Амаким Элайес ўшлиқ йилларида Америкага бориб қолган, Флоридада плантаторлик қилган, айтишларича, ишлари жуда юришиб кетган. Уруш вақтида аввал Жексоннинг армиясида, кейин эса Гуднинг қўли остида хизмат қилган, полковник даражасига эришган. Ли таслим бўлгач, амаким плантациясига қайтиб келиб, у ерда

уч йилми, түрт йилми яшаган. 1869 йилдами ёки 1870 йилдами у Европага қайтиб келиб, Хоршем яқинидаги Сассексда моликона ер-сув сотиб олган. Құшма штаттарда каттагина давлат орттирган, Американи эса негрларга нафрат билан қарагани, уларга сайлаш ҳуқуқини берган республика партиясининг сиёсатидан порози бўлгани учун тарк этган эди. Амаким ғалати одам эди: шафқатсиз, қизиққон, ғазаби ошганда аёвсиз бўралаб сўкар, одамови эди. Хоршем яқинида яшаган бутун йиллари мобайнида ақалли бирон марта шаҳарда бўлганига шубҳа қиласан. Уйи ўтлоқлар ўртасидаги боғда жойлашган, ўша ерда сайд қилиб юрар, шуниси ҳам борки, кўпинча ҳафталааб хонасидан чиқмас эди. Кўп ичар, чекар, ҳар қандай мулоқотдан, ҳатто туғишган укаси билан учрашишдан ҳам қочар эди. Зотан илк бор ўн иккни яшарлигимда учрашган бўлсан ҳам, у ўзини менга яқин тутарди. Бу 1878 йилда, Англияга келганимда саккизми, тўққиз йилдан кейин юз берди. Отамдан менинг уницида яшашимга рухсат беришини ўтинди, менга ўзига яраша меҳрибончилик кўрсатди. Ҳушёр бўлган кезларида мен билан нард ва шашка ўйнашни ёқтиради. Менга хизматкорлардан кўз-қулоқ бўлиб туришни, савдогарлар билан барча ишларни олиб боришини топширдик, мен ўн олти ёшимдаёқ уйда тўла-тўқис хўжайнин бўлиб қолдим. Ҳамма калитлар менинг қўлимда, хоҳлаган томонга бора олар, кўнглим хоҳлаган ҳар бир ишни қила олар эдим, фақат бир шарти бор эдик, амакимнинг ҳаловатини бузмаслигим керак эди. Дарвоқе, яна бир ғалати тартиб бор эди: амаким ҳеч кимнинг чортоқдаги қулфлоғлиқ ҳужрага киришга рухсат бермасди. Мен болаларга хос қизиқувчанлигим тутиб қулф туйнукласидан муралардим, лекин бирон марта ҳам эски сандиқлару тугунлардан бошқа ҳеч нарса кўрмадим.

Бир куни — бу 1883 йилнинг марта бўлган эди — амакимнинг овқатланиш столидаги қошиқ-санчқию пи-коқлари ёнида хорижий марка ёпиширилган хат пайдо бўлиб қолди. Амаким деярли ҳеч қачон хат олмас, чунки харидлари учун пулни нақд тўлар, дўстлари эса йўқ эди.

«Ҳиндистондан,— деди у, хатни ола туриб.— Пондышерининг почта муҳри босилган! Бу нима бўлди экан?»

Амаким шоша-пиша конвертни йиртган эди, ундан тарелкага беш дона қуриган апельсин уруғи тўкилди. Кулиб юбораёзган эдим, амакимнинг важоҳатини кўришим билан лабимли қимтиганча қолдим. Унинг пастки

лаби осилиб тушди, кўзлари қинидан чиқиб кетай дерди, юзи бўзарив кетди: қалтираётган қўлида ҳамон ушлаб турган конвертга тикилиб қолган эди.

«Учта «К»!— деб хитоб қилди у, кейин зорланди:— Ё раббий, ё раббий! Қилган гуноҳларимнинг қасоси!»
«Бу нима, амаки?»— деб сўрадим.

«Ажал»,— деди ю шартта ўрнидан туриб хонасига чиқиб кетди, мен гарангсиб, ваҳимага тушганимча қолавердим.

Конвертни олган эдим, қопқоғининг ички томонидаги елим ҳошияси тагида қизил сиёҳ билан уч карра ёзилган «К» ҳарфини кўрдим. Конвертда беш дона қуруқ апельсин уруғидан бошқа ҳеч вақо йўқ эди. Амаким нега бунчалик қўрқиб кетди экан?

Мен столдан туриб, физиллаганча зинапоядан юқорига чиқиб бордим. Қаршимдан амаким тушиб келарди. Бир қўлида занг босган эски калит, эҳтимолки, ҳужранинг калитини, иккинчи қўлида эса чоғроққина мис қуттича тутган эди.

«Улар хоҳлаган ишларини қиласверишсин, мен ҳали кўрсатиб қўяман!— деди у, йўл-йўлакай лаънат ёғдира-ёғдира.— Мэрига буюр, хонамдаги каминга ўт ёқсин, Хоршемга одам юбориб, Фордхэм деган адвокатни олдириб кел».

Мен унинг фармойишини адо этдим, адвокат келгандан кейин мени амакимнинг хонасига чақиришди. Утланғиллаб ёнарди, каминда бир уюм момиқдек кул қорайиб турарди, чамаси ёндирилган қофозларнинг қолдиги бўлса керак. Каминнинг ёнида қопқори очиқ бўмбўш қутича ётарди. Унга кўзим тушиши билан беихтиёр сесканиб кетдим, нега десангиз, қопқоқнинг ичкари томонида худди конвертдагига ўхшаган учта «К» ҳарфини кўрдим.

«Васиятнома ёзилаётганида гувоҳ бўлишингни истайман, Жон,— деди амаким.— Мен моликонамни ўкамга, сенинг отангга қолдираман, ундан, шубҳасиз сенга ўтади. Агар сен уни бамайлихотир тасарруф қилиб турсанг, жойида бўларди! Борди-ю, бунинг иложи йўқлигига кўзинг етса, унда сенга маслаҳатим шуки, болагинам, моликонани энг ашаддий душманингга бер. Сенга шундай гумонли мерос қолдираётганимга ғоят ачинаман, аммо ишлар қай тарзда тус олишини билмайман. Илтимос қиласман, қофознинг мистер Фордхэм кўрсатган жойига қўл қўй».

Мен қофозга буйруқ қилганидек қўл қўйдим, адвокат

уни ола кетди. Бу ғалати ҳодиса, тушуниб тургандирсиз, менга жуда чуқур таъсир қилдик, жумбоқнинг жавобини топишга тиришиб яккаш шу ҳақда ўйлайдиган бўлиб қолдим. Мен ваҳимали безовта бир туйғудан қутуломасдим, зотан вақт ўтиши билан у туйғу заифлаша борарди, ҳаётимизнинг одати маромига ҳам ҳеч нарса ҳалал бермасди. Бироқ мен амакимда юз берәётган ўзгаришни пайқадим. У аввалгидан кўпроқ ичадиган, яна ҳам одамовироқ бўлиб қолди. Аксар вақт эшикни қулфлаб олганча хонасида ўтирас, аммо бაъзида қандайдир маст-аласт важоҳатда уйдан отилиб чиқарди-да, қўлида тўппонча ушлаган кўйи, «ҳеч кимдан қўрқмайман, инсонига ҳам, иблисига ҳам мени қўрадаги қўйдек қамаб, қамоқда ушлашига изн бормайман!» деб қиң-қирганча боғ бўйлаб югуришга тушарди. Бироқ ана шундай жазавалардан кейин яна хонасига кириб, телбаларча ваҳимага дучор бўлган одамдек эшикни қулфланча қамалиб оларди. Яна шуниси борки, ҳатто салқин кунларда ҳам юзи худди тоғорадаги сувга пишиб олингандек ялтираб туради.

Бу воқеани тезроқ тугатиш, сизнинг сабрингизни суиистеъмол қилмаслик учун шуни илова этаманки, амаким бир кун кечаси одатдаги маст-аластликларидек жазаваси тутиб чиқиб кетди-да, шу кўйи қайтиб келмади. Биз уни қидиргани чиқиб, боғ этагидаги пўпанак босган ҳовузчадан топдик. У муккасидан тушиб ётарди. Баданида ҳеч қандай зўрлик асарини учратмадик, ҳозвузнинг чуқурлиги эса икки футча ҳам келмасди. Шунга кўра суд маслаҳатчилари амакимнинг тентакона феълини кўзда тутиб ўлимнинг сабабини, ўзинга суиқасд қилган деб топдилар. Аммо мен билардимки, у ўлимни ҳаёлига келтиришдан ҳам қўрқарди, онгли равишда жонига қасд қилганига ўзимни ҳеч ишонтиромасдим. Ҳар қалай, иш шу билан барҳам топди-да, отам унинг моликонаси билан банкдаги жорий ҳисобда турган ўн тўрт минг фунт пулини ўз тасарруфига олди...

— Кечирасиз,— деб унинг сўзини бўлди Холмс.— Сизнинг берган маълумотингиз ўта даражада қизиқ. Мумкин бўлса, амакингиз ҳатни олган сана билан унинг фараз қилинганди суннати санасини айтиб берсангиз.

— Хат 1883 йилнинг марта келган эди. Амаким етти ҳафтадан кейин, иккинчи майга ўтар кечаси ўлди.

— Ташаккур. Марҳамат, давом эттиринг.

— Отам Хоршем моликонасини тасарруфига олган пайтиданоқ менинг қистовим билан—чөртоқни синчилаб

кўздан кечирди. Биз у ердан мис қутича топдик. Ичидаги бор нарса йўқотилган эди. Қопқоининг ички томонида учта «К» ҳарфи бор, пастига: «Хатлар, қайдлар, тилхатлар ва реестр» сўзлари ёзилган қофоз ёпиштирилган эди. Бизнинг тахминимизча, бу сўзлар полковник Опеншо йўқ қилиб ташлаган қофозларнинг мазмунини билдиrsa керак. Бундан ташқари, амаким Америкада яшаган вақтларга мансуб пароканда қофозлар билан ён-дафтарларни айтмаганда, чортокда биронта ҳам аҳамиятга молик нарса йўқ эди. Улар баъзилари уруш даврига тегишли бўлиб, амаким ўз бурчини яхши адо этгани, жасур солдат сифатида донг чиқарганидан шоҳидлик берарди. Бошқа қофозлар Жанубий штатларни қайта қуриш даврига хос, аскар сиёсатга тааллуқли, негаки, чамаси, амаким шимолдан жўнатилган сиёсий арбоблар — «саквояжчилар»га қарши оппозицияда катта ўрини тутган бўлса керак.

Шундай қилиб, 1884 йилнинг бошларида Хоршемга келиб ўрнашди, 1885 йилнинг январигача ҳамма ишлар ажабтувргина кетаётган эди. Тўртинчи январь куни нонушта қилиб ўтирганимизда отам дафъатан ҳайратдан қичқириб юборди. Бир қўлида ҳозиргина очилган конвертни ушлаб турар, иккинчи қўлининг кафтида беш дона қуруқ апельсин уруғи ётар эди. У доимо, ўз таъбири билан айтганда, менинг полковник ҳақидаги уйдирмаларимдан куларди, энди эса ўзи ҳам шундай хат олгач, ғоят ҳайратланиб, ташвишга тушиб қолди.

«Бу нима бўлиши мумкин, Жон?»— деди у ғўлдираганча.

Менинг юрагим орзиқиб кетди...

«Учта «К» ҳарфи бўлиши керак»,— деб жавоб бердим мен.

Отам конвертинг ичига қаради.

«Ҳа, худди ўша ҳарфлар!— деб қичқириб юборди у.— Лекин тепасига нималардир деб ёзилган».

«Қофозларни қуёш соатига олиб чиқиб қўйинг», деган сўзларни ўқидим, унинг елкаси оша қаарканман.

«Қандай қофозлар? Қандай қуёш соати?» деб сўради у.

«Боғдаги қуёш соати, бу ерда бошқа ундай соат йўқ. Айтилган қофозлар, ўша, куйдириб юборилган қофозлар бўлса керак».

«Жин урсин!— деди у, ўзини ўнглаб олиб.— Биз бир маданий мамлакатда яшасак. Бунаقا тутуруқсиз

нарсаларга ўрин бўлмаслиги керак. Хат қаердан келган экан?»

«Дапдидан», деб жавоб бердим мен, почта маркаси-га қараб олгач.

«Битта-яримтанинг бемаъни ҳазилидир,— деди у.— Аллақаёқдаги қуёш соати билан аллақандай қоғозлар-нинг менга нима даҳли бор? Ҳар хил бемаъни бало-баттарларга эътибор бериш шартми?»

«Мен полицияга маълум қиласдим», дедим мен.

«Мени кулги қилишсими? Үлсам ҳам ундаи қилмайман».

«Бўлмаса, рухсат беринг, мен хабар қиласай».

«Мутлақо ундаи қила кўрма. Беҳуда бир нарсага шов-шув кўтарилишини хоҳламайман».

Отамга гап уқтириш фойдасиз: у жуда ўжар эди. Мени машаққатли ташвишлар чулғаб олди.

Хатни олганинг учинчи куни отам Портсдаун-Хилли истеъкомларидан бирига қўмондонлик қилувчи майор Фрибоди деган қадрдан дўстини кўргани кетди. Кетганидан хурсанд эдим: уйда бўлмаса хатардан холироқ бўлади, деб ўйлаган эдим. Бироқ янгишган эканман. Отам кетгандан икки кун ўтгач, майордан дарҳол етиб боришимни илтимос қилган телеграмма олдим. Отам ўша ердаги кўпдан-кўп чуқур бўр конларидан бирига қуласи тушибди. У калласи мажақланган ҳолда беҳуш ётган экан. Ошиқсанча тепасига етиб борсам, ҳушига келмай ўлиб қолибди. Афтидан, у Фэрэмдан қош қорайгандан қайтиб келаётган бўлган, ўша жойлар унга таниш бўлмаганлиги, бўр конлари мутлақо иҳоталанмаганлиги учун терговчилар иккиланиб ўтирасдан: «Ўлим баҳтсиз ҳодиса оқибатида юз берган», деб ҳукм чиқаргандар.

Мен унинг ўлимининг ҳамма жиҳатларини синчилаб ўрганиб чиқдим, аммо сунқасдан белги берадиган бирон нарса тополмадим. Отами тунашмаган, танасида ҳеч қандай зўрлик аломатлари йўқ, терговчилар ҳеч қандай излар топмаган, йўлларда ҳеч қандай шубҳали шахслар учрамаган. Тинчимни йўқотганимни, отами тузоққа илинтирганиларига амин бўлганимни гапириб ўтиришим шарт эмасдир.

Ана шундай қайғули вазиятда ворислик ҳуқуқига молик бўлдим. Нега меросдан воз кеча қолмадингиз, деб сўрарсиз мендан. Жавоб бераман: бизнинг бошимизга тушган барча баҳтсизликлар амакимнинг ҳаётида аллақачонлар юз берган воқеалар қандайдир йўллар билан боғ-

лиқ, хавф-хатар мен қаерда бўлсам ҳам таҳдид солади, деган ишонч ҳосил қилган эдим.

Шўрлик отам 85- йилнинг январида қазо қилган бўлса, ўшаидан буён икки йилу саккиз ой вақт ўтди. Ана шу вақт мобайнида мен Хоршемда осойишта яшаб келдим, яқин аждодларимизнинг ҳалокатидан кейин бу лаънат тавқи энди хонадонимизга ортиқ таҳдид солмайди, деб умид қила бошлаган эдим. Бироқ барвақроқ хотиржам бўлган эканман: кечча эрталаб менинг бoshимга ҳам отамнинг бошига тушган фалокат тушди.

Иигит нимчасининг чўнтағидан ғижимланган конверт олди-да, столга ўгирилиб, унга бешта қуриган апельсин уруғини ағдарди.

— Мана конверти,— деди у.— Почта муҳрида шарқий Лондон кўрсатилган. Ичида отам олган хатдаги ўша-ўша ёзув: учта «К» ҳарфи билан «Қофозларни қуёш соатига қўйинг», деган сўзлар қайд этилган.

— Сиз нима тадбир кўрдингиз?— деб сўради Холмс.

— Ҳеч нима.

— Ҳеч нима дейсизми?

— Ростини айтсан,— деди у, оппоқ нафис қўллари билан юзини яшириб,— мен ўзимни олдига илон ўрмалаб келаётган ожиз, аянчли қуёндек ҳис қилдим. Назаримда, менга ҳеч қандай эҳтиёткорлик бас келолмайдиган аллақандай машъум қисмат таҳдид солиб турганга ўхшайди.

— Нималар деяпсиз?!— деб юборди Шерлок Холмс.

— Ҳаракат қилиш керак, акс ҳолда ҳалок бўласиз. Кескин чораларгина жонингизга ора кирнши мумкин. Умидсизликка берилиш ўринисиз.

— Мен полицияга маълум қилдим.

— Хўш, нима бўлди?

— Инспектор менинг сўзларимни илжайғанча эшигиди. Аминманки, бу хатларни у, кимнингдир аччиқ ҳазили, амакиму отамнинг ўлимини, терговчилар қайд этганидек, бу огоҳлантиришларга ҳеч бир даҳли йўқ баҳтсиз ҳодиса туфайли юз берган, деб ўйласа керак.

Холмс муштларини силкитди.

— Ақл бовар қилмайдиган галварслик!— деб юборди у.

— Дарвоқе, менга бир полициячини пойлоқчи қилиб беришибди, у менинг уйимда узлуксиз навбатчилик қилиб турибди.

— Ҳозир у сиз билан бирга келдими?

— Йўқ, унга уйда бўлиш буюрилган.

Холмс яна муштларни силкитди.

— Ҳамонки менга келадиган экансиз, нега дарҳол кела қолмадингиз?— деб сўради у.

— Билмабман... Ҳавотирларимни шу бугунгина майор Прендергастга айтган эдим, у сизга мурожаат этишимни маслаҳат берди.

— Ахир хатни олганингизга икки кун бўлибди. Нега энди дарҳол ҳаракатга тушмадингиз. Бизга айтган маълумотларингиздан қандай бўлмасин яна бошқа маълумотларингиз борми? Бизга ёрдам бериши мумкин бўлган қандайдир муҳим тафсилотларингиз борми?

— Бир нарса бор,— деди Жон Опеншо. У чўнтағини титкилаб бир варақ рангсизланган мовий қофоз олди-да, уни столга қўйди.— Эсимда бор, амаким ҳужжатларни ёққан куни куллар орасида ётган, куймай қолган қофоз четлари шу рангда эди. Бу қофозни мен амакимнинг хонасида ердан топиб олган эдим. Чамаси, бир четга учиб тушгану шу тариқа бутун қолган. Мен бу қофозда уруғларнинг эслатилишидан ташқари бизга ёрдам бериши мумкин бўлган ҳеч бир нарса кўрмадим. Ўйлайманки, бу қандайдир кундаликнинг бир варағи бўлса керак. Дастхат, шубҳасиз, амакимники.

Холмс чироқни берироққа сурди, икковимиз ҳам эгилиб, қофозга тикилдик. Четларининг текис эмаслигига қараганда у ёндафттардан йиртиб олинган бўлиши керак. Юқорисида: «1869 йил, март» деган ёзув, пастида қўйнаги сирли сўзлар қайд этилган эди:

«4-да. Гудзон келди. Эътиқодлари ўша-ўша.

7- да. Уруғлар Мак-Коули, Парамор ва Сент-Огастиндаги Жон Свейнга жўнатилди.

9- да. Мак-Коули даф бўлди.

10- да. Жон Свейн даф бўлди.

12- да. Параморнида бўлдик. Ишлар жо-бажо».

— Ташаккур айтаман,— деди Холмс, қофозни буклаб меҳмонимизга қайтараркан.— Энди бир дақиқа вақтни ҳам бой бериб бўлмайди. Биз ҳатто сиз менга айтиб берган нарсаларни муҳокама қилишга ҳам вақт сарф қила олмаймиз. Сиз дарҳол уйингизга қайтиб бориб, ишга киришишингиз керак.

— Мен нима қилишим керак?

— Дарҳол бир иш қилишингиз керак. Бизга кўрсатган қофозингиз билан таърифлаган мис қутичангизни ўша жойга олиб бориб қўйинг. Қолган қофозларни амакингиз куйдириб юборганини, шу бир варағигина қолганини айтиб, мактубча ёзинг-да, уни ҳам илова қилинг.

Буни мумкин қадар ишонарлы қилиб қайд этинг. Шундан кейин қутычани амр қылганидек, дархол қүёш соатига олиб бориб қўйинг. Тушундингизми?

— Мутлақо.

— Ҳозир қасос ёки шунга ўхшаган нарса тўғрисида хаёл қила кўрманг. Ўйлайманки, жиноятчиларни қонуний йўл билан жазолаш мумкин бўлар: ахир ҳали биз тузоқ қўйишимиз керак, ҳолбуки улар тузоқни аллақачон қўйиб қўйишибди. Аввало сизга таҳдид солаётган хавфнинг олдини олиш, ана ундан кейингина сирни очиб айборларни жазолаш керак бўлади.

— Ташаккур айтаман сизга,— деди-да, йигит ўрнидан туриб плашчини кия бошлади.— Сиз менга жон киритдингиз, умид бағишладингиз. Сизнинг маслаҳатингиз билан иш кўраман.

— Бир дақиқа ҳам вақтни бой берманг. Энг муҳими, эҳтиёт бўлинг, шубҳа йўқки, сизга даҳшатли хавф таҳдид солиб турибди. Сиз уйингизга қандай кетасиз?

— Поездда, Ватерлоо вокзалидан.

— Ҳозир соат ўн бўлганича ҳам йўқ. Кўчалар гавжум, хуллас, умид қиласманки, хатардан холи бўласиз. Аммо, ҳар қалай, огоҳ бўлинг.

— Қуролим бор.

— Буниси яхши. Эртага сизнинг ишингизга киришаман.

— Демак, мен сизни Хоршемда кўтар эканман-да?

— Йўқ, ишингизнинг ипининг учи Лондонда. Мен уни шу ердан қидираман.

— Ундан бўлса, мен сизнинг олдингизга икки кундан кейин қелиб қутича билан қофозлар нима бўлганини айтаман. Маслаҳатларингизга тўла-тўқис амал қиласман.

У қўл бериб хайрлашганча чиқиб кетди.

Шамол боягисидек увиллар, ёмғир деразаларга келиб урилар эди. Бу ғалати, мудҳиш ҳикояни телбаланган бўрон дилга солгандек, у бизга довул олиб келадиган дengiz ўлани сингари келиб қолгандек туюларди.

Шерлок Холмс бир қанча вақт бошини қўйи солиб, каминдаги ланғиллаган аллангага тикилганча индамай ўтирди. Қейин трубкасини тутатиб, креслога орқа ташлаган қўйи шифт остида биланглаётган мовий тутун ҳалқаларини кузата бошлади.

— Ўйлашимча, Уотсон, биз ҳали бундай ақл бовар қилмайдиган ишни кўрмаган экайимиз,— деди у ниҳоят.

— Эҳтимол, агар «Түртлар белгиси»ни ҳисобга ол-масак.

— Ҳа, шундай... Ҳар қалай, назаримда, бу Жон Опеншоға Шолтога қараганда каттароқ хавф таҳдид солиб турибди.

— Сиз бу хавф ҳақида бирон тасаввур пайдо қилдингизми?

— Бу ҳақда иккى хил фикр бўлишига ўрин йўқ,— деб жавоб берди у.

— Жумбоқ нимада бўлмаса? Ўша «К. К. К.» киму у нега бу баҳтсиз хонадонни таъқиб қиласди?

Шерлок Холмс кўзларини юмиб, креслонинг суюнчиқларига таянди-да, бармоқларининг учларини чирмаштириди.

— Комил мутафаккир,— деб уқтирди у,— ягона факти ҳар томондан мушоҳада этаркан, уни юзага келтирган барча воқеалар силсиласинигина эмас, шунингдек ундан келиб чиқадиган барча оқибатларни ҳам кўздан кечира билади. Қувье ҳайвоннинг бир суюгига қараб уни тўлалигича тўғри тасвирлаб бера олганидек, воқеалар силсиласидаги бир бўгинни тўла-тўқис ўрганган кузатувчи барча бўғинларни, олдингиларини ҳам, кейингилаrinи ҳам аниқ белгилаб беришга қодир бўлиши керак. Биз ҳали онг билангина идрок этиш мумкин бўлган кўп нарсаларни тушуниб етганимиз йўқ. Мулоҳаза юритиш воситасида ечиш учун ўз туйғуларига суюниб йўл қидирғанларнинг барчасини танг қилиб қўйган масалаларни ҳам ҳал қилиш мумкин. Бироқ бу санъатни камолига етказиш учун мутафаккир ўзига маълум бўлган фактларнинг барчасидан фойдалана олиш имкониятига эга бўлиши керак, бу эса табиий равишда сиз бемалол ишонч ҳосил қилишингиз мумкин, фаннинг барча соҳаларидан тўла-тўқис билимга эга бўлишини тақозо этади, ана шу нарса эса ҳатто бизнинг қомуслар ва бепул маълумот ола билиш замонамизда ҳам foят камёб фазилатдир. Ўз фаолияти учун фойдаси тегиши мумкин бўлган нарсаларнинг барчасини ўрганган одамни тасаввур этиш осонроқ, мен ўзим худди шу нарсага нитилиб келдим. Агар хотирам ёзиқ бўлмаса, дўстлигимизнинг дастлабки кунларида сиз менинг билимларимнинг чегараларини аниқ белгилаб берган эдингиз.

— Ҳа, қизиқ ҳужжат эди,— дедим кулиб юбориб.— Эсингиздами, сизнинг фалсафа, астрономия, сиёсат бўйича маълумотларингиз нолга тенг эди. Ботаникадан хабардорлигингиз чалакам-чатти геологиядан чуқур, нега-

ки, иш Лондондан эллик миля наридаги айланада жойлашган ҳар бир жойда сачраган лой изига бориб тақалади: химиядан билимингиз гаройнб, анатомиядан — пойма-пой; жиноят ва суд хроникасидан — беқиёс. Бундан ташқари унда сизнинг скрипкачи, боксчи, қиличбоз, адвокат, ашаддий кокайнчи, кашанды эканлигингиз айтилган эди. Анализмнинг асосий моддалари шулардан иборат эди.

Сўнгги модда Холмснинг кулгисини қистатди.

— Нима дердим, ҳозир ҳам ўшанда айтган гапларимни айтаман, одам миаси томининг тагига ўзига керак бўладиган барча нарсани жойлаштириши, қолган қақир-қуқури эса керак бўлиб қолган тақдирда, ҳамиша қўли остида бўлиши учун кутубхонаси ёнидаги ҳужрага тахлаб қўйиши керак. Бизга бугун кечқурун таклиф этилган иш учун, албатта, биз барча заҳираларимизни жалб этишимиз лозим. Илтимос, Америка қомусининг «К» ҳарфига доир жилдини олиб беринг-чи. У ёнингиздаги рафда турибди. Ташаккур сизга. Энди барча тафсилотларни муҳокама қиласиз, кўрайлик-чи, улардан қандай хulosаси чиқариш мумкин экан. Энг аввало, мутлақо ажаб эмаски, полковник Опеншо Американи тарк этиш учун жуда жиддий сабабларга эга бўлган бўлса. Унинг ёшидаги одамлар барча одатларига хилоф килишга, Англияning авлоқдаги шаҳарчасида узлатнишин ҳаёт кечириш учун Флориданинг гаройиб иқлимидан иктиёрий равишда воз кечишга мойил бўлмайдилар. Унинг Англияда танҳо яшашга бўлган ўтакетган ўчлиги, у кимданdir ёки нимадандир қўрққан, деган фикрни туғдиради, бинобарин, биз шундай амалий фарзга суюнишимиз мумкинки, у худди кимданdir ёки нимадандир қўрққан туфайли Америкадан қочишга мажбур бўлган. Унинг хусусан нимадан қўрқанлиги тўғрисида биз у билан ворислари олган машъум хатларга қараб муҳокама юритишимиз мумкин. Бу хатларга қандай маркалар ёпиштирилганини пайқадингизми?

— Биринчи хат Пондишеридан, иккинчиси — Дандинан, учинчиси Лондондан.

— Лондоннинг шарқий қисмидан! Сиз бундан қандай хulosаси чиқардингиз?

— Буларнинг ҳаммаси денгиз портлари. Афтидан, жўнатувчи кемада бўлган бўлиши керак.

— Жойида. Энди жумбоқнинг калити қўлимида. Ажаб эмас, мутлақо ажаб эмаски, жўнатувчи кемада бўлган бўлса. Энди яна бир нуқтани кўздан кечирайлик.

Хат Пондишеридан жўнатилганида таҳдид билан унинг амалга оширилиши орасида етти ҳафта ўтган: хат Дандиндан жўнатилганида эса атиги уч-тўрт кунгина ўтган. Бу сизда бирон фикр туғдирмайдими?

— Биринчп ҳолда катта масофани босиб ўтиш керак бўлган.

— Ахир хат ҳам катта масофани босиб ўтиши керак бўлган-ку.

— Унда тушунмадим.

— Тахмин қилишга тўғри келадики, ўша одам ёки ўша одамлар тушган кема елканли бўлиши керак. Назаримда улар ўзларининг ғалати огоҳлантиришлари ёки белгиларини доимо мақсадларини амалга оширгани йўлга чиқишлидан олдин жўнатилганида келганга ўхшайдилар. Дандиндан жўнатилган белгидан кейин иш қандай тезлик билан амалга оширилганини кўрдингизми? Агар улар Пондишеридан буғ кемасида йўлга чиқсан бўлсалар, улар қариёб хат билан бир вақтда етиб келган бўлар эдилар. Аслида эса етти ҳафта ўтган. Ўйлайманки, етти ҳафта вақт хатни олиб келган почта буғ кемасининг тезлиги билан хат эгасини олиб келган елканли кеманинг тезлиги орасидаги тафовутни билдиради.

— Шундай бўлиши мумкин.

— Бугина эмас. Турган гап. Энди кўрдингизми ишни пайсалга солиб бўлмаслигини, ёш Опеншога нима учун эҳтиёт бўлиши кераклигини тайинлаганимни ҳам тушунгандирсиз. Ҳалокат ҳар гал хатни жўнатувчилар елканли кемада етиб келишлари керак бўлган муддатнинг охирнда юз берган. Аммо бу хат эса Лондондан жўнатилган, шунга кўра биз муддатнинг кечиктирилишига умид боғлаёлмаймиз.

— Ё раббий! — деб юбордим мен. — Бу шафқатсиз таъқиб нима бўлди экан?

— Афтидан бир вақтлар Опеншо олиб келган қоғозлар елканли кемадаги одам ёки одамлар учун ғоятда муҳим аҳамиятга эга бўлиши керак. Мутлақо аниқки, у кемада ёлғиз ўзи эмас. Бир одам терговчиларни чалғитиш учун бу йўсиида икки суниқасдни амалга оширолмасди. Бу ишда, чамаси бир неча одам, шунда ҳам мудаббир, журъатли одамлар иштирок этган. Улар қоғозларини, кимнинг ихтиёрида бўлишига қарамай, қўлга киритишга қатъий аҳд қилганлар. Шундай қилиб, кўриб турибсиз, «К. К. К.» бир одамнинг атоқларига тегишли ҳарфлар эмас, бутун бошли жамиятнинг белгилари.

— Қандай жамиятнинг белгилари экан?

— Сиз ҳеч қачон ку-кулкс-клан ҳақида эшиганимисиз? — деди Холмс, мен томонга энгашиб шивирлаганча.

— Эшигманман.

Холмс тиззасида турган китобни варақлади.

— Бу ерда шундай дейилган: «Ку-клус-клан. Бу ишчи отишга тайёрланыптындык үқдони дастасининг ўзига хос товушига ўхшаш оқангга асосланган. Бу ваҳима со-лувчи махфий жамиятни жанубликлар армиясининг со-биқ солдатлари Гражданлар урушидан кейин таъсис эт-ган: тез орада турли штатларда, асосан Теннеси, Луизиана, Шимолий ва Жанубий Каролина, Жоржия ва Флоридада маҳаллий бўлнимлари ташкил қилинган эди. Бу жамият негр сайловчиларни қўрқитиши, шунингдек, ўз қарашларига қарши бўлганларни ўлдириш ёки мамла-катдан ҳайдаб чиқариш каби сиёсий мақсадларни кўзда тутарди. Ку-клус-клан аъзоларининг жиноятлари юз беришидан олдин одатда мўлжалга олинган шахсга ғала-ти, аммо маълум ва машҳур шаклда огоҳлантириш юбо-рилар: у мамлакатнинг баъзи қисмларида япроқлари эман новдаси, бошқаларида эса қовун ёки апельсин уруғ-лари орқали ифода этилар эди. Ана шундай огоҳланти-ришни олгач жабрдийда ё олдинги қарашларидан очиқ-часига воз кечиши, ёки мамлакатни тарк этиши керак бўларди. Бордию кимда-ким огоҳлантиришга парво қилмаса, уни муқаррар ўлим кутар, одатда қандайдир ғалати ва кутилмаган тарзда ажали етар эди. Жамият шу қадар мукаммал ташкилийлиги ва шу қадар изчил методлари билан ажralиб турардики, огоҳлантиришга эътиборсиз қараган бирон одамнинг жазосиз қолишига муваффақ бўлгани ёки ёвузликнинг сабабчилари топиц-ганига боғлиқ бирон тасодиф қайд этилмаган эди. Қўш-ма Штатлар ҳукумати ва Жануб аҳолиси энг яхши та-бақаларнинг тадбирларига қарамай ташкилот бир неча йил авж олиб турди. Ниҳоят, 1869 йили ҳаракат дафъя-тан тўхтаб қолди, зотан бу тариқа ҳодисаларининг айрим кўринишлари кейинчалик ҳам рўй бериб турди».

— Эътибор беринг-а, — деди Холмс, қомус жилдини четга қўятуриб, — жамият фаолиятининг дафъатан тўхтаб қолиши Опеншонинг қоғозларини олиб Америкадан чи-қиб кетган вақтига тўғри келаётиди. Бу сабаб ва оқи-бат бўлиши мумкинлиги турган гап. Опеншо билан унинг хонадонидагиларни жамиятнинг энг муросасиз аъзола-ри таъқиб қилаётганига таажжубланмаса ҳам бўлади. Биласизми, бу қайдлар билан кундаликлар Жанубдаги атоқли арбобларга иснод келтириши мумкин, кўплар ана

шу қоғозларни қўлга киритмагунча тинч ётиб ухлаёл-майдилар.

— Демак, биз кўрган варақ...

— Айнан кутилган нарсанинг ўзи. Агар хотиржам ёзиқ бўлмаса, унда: «А, Б ва В-га уруғлар жўнатилди», деган ёзув бор эди, демак ўша одамларга жамиятнинг огоҳлантиришини жўнатганлар. Кейин ёзувларда А. ва Б. даф бўлганликлари, яъни мамлакатни тарк этганликлари ва ниҳоят В. никида бўлганликлари айтилади. Қўрқаманки, бу В. учун ёмон тугамадимикан? Ўйлайманки, доктор, биз бу қоронги ишни унча-мунча ёритишга муваффақ бўламиз, қолаверса ёш Опеншо учун бирдан-бир иажот йўли — мен берган маслаҳатга кўра иш тутиш. Бугун биз бундан ортиқ ҳеч нарса деёлмаймиз ҳам, бирон иш қилолмаймиз ҳам. Менга скрипкамни олиб беринг, ярим соатгина бўлса ҳам бу расво обҳавони яқинларимизнинг ундан ҳам расвороқ хатти-ҳаракатларини унтишга уриниб кўрамиз.

Эрталабга бориб бўрон тинди, Лондон узра тушиб турган туман пардаси орқали қуёш ғира-шира нур тўкарди. Мен пастга тушсам, Шерлок Холмс ионушта қилиб бўлган экан.

— Кечирасиз сизни кутиб ўтирганим учун,— деди у.— Назаримда ёш Опеншонинг иши билан анча овора бўладиганга ўхшайман.

— Сиз нима тадбир кўрмоқчисиз?— деб сўрадим мен.

— Бу анчагина дастлабки текширишларим нима беришига болғиқ. Эҳтимолки, Хоршемга бориб келишимга тўғри келар.

— Ишни ана шу сафардан бошламоқчимасмисиз?

— Йўқ, Ситидан бошлайман. Қўнғироқ чалинг, хизматкор сизга қаҳва олиб келади.

Қаҳва келишини кутганча мен столдаги газетани олиб, наридан-бери кўздан кечира бошладим. Бир сарлавҳага кўзим тушиши билан юрагим шувиллаб кетди.

— Холмс,— деб юбордим мен,— сиз кеч қолибсиз!

— Ҳа-а!— деди у, чиноёқни четга қўяркан.— Мен шундан хавотир олган эдим. Бу қандай юз берибди?— У хотиржам гапиради, аммо мен унинг чуқур ҳаяжон-ланганини кўриб турардим.

— Мен Опеншонинг номи билан «Ватерлоо кўприги яқинидаги фожиа» деган сарлавҳани кўриб қолдим. Бу ерда шундай дейилган:

«Кезең кечқурунгы түқкіз билан ўн орасида Ватерлоо күпрги қынинда навбатчылық қилаётган констебль Кук ёрдам сұраб додлаган овоз билан сувнинг шалоплаганини эшитган. Тун қол-қоронғи ва бўронли бўлгани учун, ўткинчилардан бир нечасининг ёрдамига қарамай, чўкаётган кимсани қутқариб қолиш мумкин бўлмаган. Лекин барибир констебль шовқин кўтарғач, дарё полициясининг кўмагида жасад топиб олинганд. Фарқ бўлган — чўнтағидан чиқсан конвертга қараганда Хоршем яқининда яшаган Жон Опеншо деган йигит экан. Тахмин қилишларича, у Ватерлоо вокзалидан жўнаётган охириги поездга ошиқсан, тун ниҳоятда қоронғи бўлгани учун шошилишда йўлдан адашиб кетган-да, дарё кемачилигининг кичик бандаргоҳларидан бирида тойиб кетиб сувга қулаган. Танасида зўрлик белгилари учратилмаган, бинобарин марҳумнинг баҳтсиз ҳодиса қурбони бўлганига ҳеч қандай шубҳа йўқки, мазкур ҳол дарё бандаргоҳларининг аҳволига маъмурларнинг диққатини тортиши керак».

Биз бир неча дақиқа чурқ этмай ўтиридик. Мен Холмыни ҳеч қачон бундай ларзага тушган, эзилган ҳолда кўрмаган эдим.

— Бу менинг иззати нафсимга қаттиқ тегди,— деди у ниҳоят.— Шубҳасиз, бу — унча зўр туйғу эмасу, аммо бу менинг иззати нафсимга қаттиқ тегди. Энди Опеншонинг иши менинг шахсий ишим бўлиб қолади, агар худо менга саломатлик берса, бунинг тагига етмай қўймайман. У менга мадад тилаб келган бўлса-да, мен уни ажалга рўпара қилсан!

У стулдан сапчиб туриб, узун-узун, нозик бармоқларини асабий ғижимлай-ғижимлай, даҳшатли ҳаяжон чулғаган кўйи хона бўйлаб юра бошлади. Рангпар юзи лоувулларди.

— Айёр иблисларни қаранг! — дея қичқириб юборди у ниҳоят.— Улар уни ўёқقا, пастга, дарё бўйнга олиб тушишга қандай муваффақ бўлди эканлар? Қирғоқ станцияга олиб борадиган йўлга бутунлай терс. Кўприк эса, албатта, ҳатто шундай оқшомда ҳам жуда гавжум бўлган. Бироқ кўрамиз, оқибат ким енгиб чиқар экан. Мен кетдим.

— Полициягами?

— Йўқ, мен ўзим полиция бўламан. Мен ўргимчак инидан тузоқ қўйганимда полиция унда пашша тута қолсан.

Мен кун бўйи ўзимнинг тиббий машғулотларим билан банд бўлиб, кеч киргач алламаҳалда келдим. Шерлок Холмс ҳали келмаган экан. У ҳориб-чарчаб, бўзарган ҳолда кириб келганида соат ўнларга бориб қолган эди. У буфетнинг олдига бориб, бир бурда нон синдириб олди-да, ютоқиб кавшай бошлади, ора-сира катта-катта қултумлаб сув ичарди.

— Очиқдингизми? — дедим мен.
— Очимдан ўлай дедим. Овқатланиш эсимдан чиқиб кетибди. Нонуштадан берни туз тотганим йўқ.

— Нима деяпсиз?

— Туз тотмадим. Бу хаёлимга ҳам келмади.

— Ишларингиз қалай?

— Жойида.

— Жумбоқнинг калитини топдингизми?

— Жиноятчилар чангалимда турибди. Ёш Опеншонинг қасоси олинадиган вақт узоққа чўзилмайди. Биласизми, Уотсон, келинг, бу иблисларнинг ўз тамғалири билан лаънатлайлик! Чакки топилмабдими, а?

— Нима демоқчисиз?

У буфетдан апельсин олиб, паллачаларга ажратди-да, уруғларини столга ситиб туширди. Бешта уруғни конвертга солиб, қопқоғининг ички томонига: «Ш.Х.Д.О. учун» деб қайд этгач, конверти ёпиштириди-да, «Капитан Жеймс Кэлхунга, «Ёлғиз юлдуз» елканли кемаси, Саванна, Жоржия» деган адресни ёзди.

— Хат Кэлхунни у портга кириб келганида кутиб турган бўлади,— деди заҳарханда билан.— Ўйлайманки, у кечаси билан ухлаёлмай чиқади. Хат унинг қисматини худди Опеншонинг қисматидек олдиндан бехато айтиб беради.

— Капитан Кэлхун ким ўзи?

— Бугун шайканинг етакчиси! Мен бошқаларини ҳам қидириб топаман, аммо у биринчи бўлади.

— Сиз уларни қандай топдингиз?

— У чўнтағидан саналар ва номлар билан тўлган каттакон бир варақ қофоз олди.

— Мен кун бўйи вақтимни Ллойдинг картотекасию эски газета дасталарини кўздан кечириш билан ўтказдим, Пондишерида 83- йилнинг январи билан февралида бўлган кемаларнинг йўлларини ўргандим. Бу ойлар мобайнида салмоқли вазига эга бўлган ўттиз олтида кема қайд этилган экан. Улардан «Ёлғиз юлдуз» дегани дарҳол диққатимни тортиди. Рост, унинг чиқиш жойи Лон-

дон эди, аммо Америка штатларидан бирини ҳам «Ёлғиз юлдуз» деб атайдилар-ку.

— Техасни бўлса керак.

— Шахсан қайсинисини эканлигини билмайман-у, ҳар қалай, бу Америка кемаси эканлигини пайқадим.

— Хўш, шундан кейин нима бўлди?

— Мен кемаларнинг Дандига келган-кетган санала-рини кўздан кечирдим, «Ёлғиз юлдуз» елканли кемаси у ерда 85-йилнинг январида бўлганини кўрганимдан ке-йин гумонларим қатъий ишончга айланди. Шундан кейин мен ҳозирги вақтда Лондон портида турган кемалар ҳақида маълумотлар қидирдим.

— Нима бўлди?

— «Ёлғиз юлдуз» бу ерга ўтган ҳафтада келган экан. Мен Альберт докларига бордим. Билсам, «Ёлғиз юлдуз» бугун саҳарлаб Саваннага қайтиб кетиш учун дарёнинг этагига қараб йўлга тушган экан. Грейвсвендга телеграмма бериб аниқласам, «Ёлғиз юлдуз» у ерда бир неча соат илгари ўтиб кетган экан, шамол шарқдан эсаёт-ганлиги учун, аминманки, у аллақачон Гудуиндан ўтиб, Уайт оролига яқинлашиб қолган бўлса керак.

— Энди нима қилмоқчисиз?

— О, Қэлхун энди менинг чангалимда турибди! Аниқ-ладим, у билан иккита ёрдамчиси — кемадаги америка-ликлар — шуларгина экан. Қолганлар финлар билан не-мислар экан. Шунисини ҳам билдимки, учаловлари ўтган куни туни бўйи қирғоқда бўлишибди. Буни менга «Ёлғиз юлдуз»га юқ ортишда қатнашган одам айтди. Ел-канли кема Саваннага кириб боргувича почта буғ ке-маси менинг хатимни етказди, телеграф эса Саванна по-лициясига бу уч жентльменнинг қотилликда айбланган-ликларига кўра уларни бу ерда сабрсизлик билан кута-ётганликларини хабар қилдилар.

Бироқ инсонларнинг энг яхши режаларида доимо қандай бўлмасин бирон қусур чиқиб қоладики, Жон Опеншоннинг қотилларига ҳам уларнинг ўзига ўхшаган қатъиятли кимса изларини топганини билдирувчи апель-син уруғларини олиш насиб бўлмади.

Ўша иили куз пўртаналари одатдагидан кўра давомлироқ, бўлди. Биз Саваннадан «Ёлғиз юлдуз» ҳақида узоқ вақт хабар кутдик, аммо дарак бўлмади. Ниҳоят Атлан-тик океанинг бир жойида қандайдир кеманинг ахтер-штевани топилгани, унда «Е. Ю.» ҳарфлари ўйиб ёзилган-лиги ҳақида ахборот келди. Биз «Ёлғиз Юлдуз»нинг тақ-дири ҳақида шунигина билишга мұяссар бўлдик.



ЛАБИ ТИРТИҚ ОДАМ

Айза Уитни афюн чекишига ўрганиб қолди. У кол-ледждалигидәң де Күнининг¹ афюн чекувчи одамнинг тушлари ва ҳисларини тасвир қилувчи китобини ўқиб, ўша ёзувчи бошидан кечирган ҳодисаларни кечириш учун тамакисига афюн аралаштириб чека бошланган эди. Қўплар қатори у ҳам чекишига ўрганиш ташлашдан кўра қийинроқ эканини тез орада пайқади, узоқ йиллар чекиб юраркан, унга ҳамма дўстлари ачиниб, ваҳимлари келди. Унинг заҳил, салқиган юзи, қорачиқлари кичрайган кўзлари, осилган қовоқлари, креслода ётган ожиз гавдаси, хуллас, адойи тамом бўлган одам ҳамон кўз ўнгимда турибди.

1889 йилнинг июнида бир куни кечқурун айни одамини эсноқ босиб ўқтин-ўқтин соатга қарай бошлайдиган вақтда квартирамнинг қўнғироғи чалиниб қолди. Мен

¹ Томас де Күниси (1785—1859) — инглиз ёзувчisi, «Афюн истеъмол қилган бир инглизнинг тавбаси» деган машҳур китобининг автори.

креслодан қаддимни күттардим, хотиним эса тикаётган ишини тиззасига қўйиб, ранжиган кўйи ижирганди.

— Бирор мижоз келди! — деди у. — Қасал кўргани борадиган бўлдинг-да яна.

Мен хўрсиниб қўйдим, чунки кун-узукун оғир ишдан ҳориб-чарчаб яқингинада келган эдим.

Биз эшик очилиб, йўлакдан кимнингдир шошганча юриб келаётганини эшийтдик. Хонамизнинг эшиги очилиб, қора кўйлак кийган, юзига қора тўр тутган хоним кириб келди.

— Бемаҳалда кириб келганим учун кечиринглар,— деб гап бошлади ўзини тутолмай, бирдан хотинимга ташланди-да, уни қучоқлаб елкасига бош қўйганча ҳўнграб йиғлаб юборди. — Бошимга катта кулфат тушди! — деб хитоб қилди у. — Жуда ёрдамга муҳтоҗман!

— Ия, бу Қэт Уитни-ку,— деди хотиним, унинг тўри ни кўтариб.— Утакамни ёриб юборай дединг-а, Қэт! Сен эканлигинг хаёлимга ҳам келмабди.

— Сенга арз қилгани келдим. Бошимни қаёққа уришни билмай қолдим.

Бу одат ҳукмидаги нарса эди. Бошларига кулфат тушган одамлар нажот истаб маякка қараб учган қушлардек гизиллаб хотинимнинг олдига келишарди.

— Ажаб қилибсан! Жойлашиброқ ўтири, вино билан сувдан ичиб, нима бўлганини гапириб бер. Ё Жеймсга айтайми, кириб ётсинми?

— Вой, йўқ, йўқ! Доктордан ҳам маслаҳат ва ёрдам олмоқчиман. Айзани айтмоқчиман... Уйдан чиқиб кетганига роппа-роса икки кун бўлди. Ундан жуда хавотир олаётубман!

У биз билан баҳтсиз эри ҳақида энди суҳбатлашаётгани йўқ — мен билан доктор сифатида, хотиним билан эса ўзининг қадрдан мактабдош дугонаси сифатида суҳбатлашарди. Биз унга имконимиз борича тасалли берардик. Эри қаердалигини биладими? Уни бориб уйига олиб келса бўлармикин?

Шундай қилиш мумкин экан. У эрининг сўнгги вақтларда одатда Ситининг шарқида жойлашган кўчалардан биридаги бузуқхонада афюн чекиб юришини биларкан. Шу вақтгача у эртадан кечгача ишрат қиларкан, бутунлай ҳолдан тойиб, тинка-мадори қуриб кечқурун уйига қайтиб келаркан, бу гал эса қирқ саккиз соатдан бери дараги йўқмиш, албатта ҳозир ўша ерда турли-туман шубҳали кимсалар орасида заҳар ютиб ёки ухлаб ётган бўлиши мумкинмиш. Хотин эрининг Эппер-Суондем-

ләндаги худди ўша «Олтин ёмби»да әканлигига амин эди. У нима қила олиши мүмкін? Тортинчоқ, журъатсиз, ёшгина жувон қандай қилиб шундай жойға кириб боради ва эрини безориларнинг орасидан юлиб олиб чиқа олади?

У мен билан бирга борса бўлмасмикан? Дарвоқе, бориб нима қиласди? Мен Айза Уитнини даволаганман, доктор сифатида унга сўзим ўтиши мүмкін. Хотинининг иштирокисиз ишни осон ҳал қилишимга амин эди. Унга, агар эрипгиз дарҳақиқат «Олтин ёмби»да бўлса, иккни соат ичиди уни кэбга ўтқазиб ўйнингизга жўнатаман, деб ваъда бердим.

Ўн минутдан сўнг шинамгина меҳмонхонамизни тарк этиб, экипажда шарққа қараб ғизиллаб кетмоқда эдим. Олдимда одатдан ташқари ғалати бир иш турганини билардим, аслида эса у мен кутгандан кўра ҳам ғалатироқ бўлиб чиқди.

Аввал бошдан ҳаммаси ажабтувургина эди. Эппер Суондем-лэн — дарёнинг чап қирғоғи бўйлаб то Лондон кўпригигача бориб туташган баланд-баланд кемасозлик корхоналари орқасида жойлашган ифлосгина тор кўча эди. Мен қидириб юрган бузуқхона ифлос дўкон билан қовоқхона ўртасидаги ертўлада эди; бу фордек қоронги ковакка тик зинапоя олиб тушарди. Зинапоя босқичларининг ўртаси едирилиб, чуқур тушиб қолган — ундан шу қадар кўпдан-кўп маст оёқлар тушиб-чиққан эди.

Кэб ҳайдовчига кутиб туришни буюриб, пастга тушдим. Эшик тепасида осилиб турган милт-мильт ёнаётган керосин чироқ ёруғида эшик зулфинини қоқдим-да, қуюқ қўнғир дуд билан тўлган узун пастак хонага кириб бордим; девор бўйлаб муҳожирлар кемасидагига ўхшаб, ёғоч сўрилар чўзилиб кетган эди.

Қоронғилик орасидан ғалати, ақл бовар қилмайдиган ҳолатда ётган ҳаракатсиз гавдаларни аранг илғадим: елкалари букчайган, тиззалари кўтарилган, энгаклари қаққайиб, бошлари орқаларига ташланган. Гоҳ у ер, гоҳ бу ерда менга тикилаётган хира маст кўзларни кўрадим. Зулмат орасидан нуқтадеккина қизил чўғлар ланғиллаб қолар, улар кичкина металл найчалардаги заҳарнинг миқдори камайган сари ўчиб борар эди. Кўплари индамай ётар, баъзилари нималардир деб димогида минғиллар, баъзилар эса гоҳ шавқ-завқ билан шошила-шошила, гоҳ бирдан жим бўлиб қолиб аломат бир тарзда ғўнғиллаганча суҳбатлашишар, аммо ҳеч ким суҳбатдошининг гапига қулоқ солмас—ҳар ким ўз ўй-

лари билангина банд эди. Йўлакнинг нариги бурчагида-
ги қўрада лахча чўғлар ланғиллаб турибди, униш ол-
диндаги уч оёқли курсида новча бир чол тирсагини тиз-
заларига тираб, энгагини муштларига қўйганча қимир
этмай чўқقا тикилиб ўтирар эди.

Кириб боришим билан олдимга малайялик қора тў-
риқ одам югуриб келиб, менга найча билан бир улуш
афюн узатди-да, сўридаги бўш жойни кўрсатди.

— Раҳмат, мен бу ерда қололмайман,— дедим.—
— Дўстим мистер Айза Уитни шу ерда экан. Мен у би-
лан гаплашишим керак.

Ўнг томонимда нимадир ғимирлагандек бўлди, ким-
нингдир хитобини эшийтдим, қоронғиликка разм солиб
менга тикилиб турган рангсиз, маъюс ва аллақандай
хурпайган Уитни кўрдим.

— Ё раббий, бу Уотсон-ку!— деб қўйди у.

У мастилик оқибатида юз берадиган энг аянчли аҳ-
волда эди.

— Ҳозир соат неча, Уотсон?

— Ӯн бирга яқинлашиб қолди.

— Бугун кун нима?

— Жўма, ўн тўққизинчи июнь.

— Наҳотки? Мен бўлсан, чоршанбадир, деб ўйлаб-
ман. Йўқ, бугун чоршанба, ҳазиллашдим денг. Одам-
нинг ўтакасини ёриб нима қиласиз-а!

У юзини кафтлари билан тўсиб, ўқраб юборди.

— Бугун жума деяпман-ку сизга. Сизни хотинингиз
икки кундан бери кутиб ўтирибди. Уялмайсизми шундай
қилгани!

— Ҳали ҳам уялаётубман. Назаримда янгишаёт-
ганга ўхшайсиз, Уотсон. Бу ерга келганимга атиги бир
нечада соатгина бўлди. Учта трубка... тўртта трубка...
қанчалигини унудим! Сиз билан уйга кетаман. Шўрлик-
кинам Кэтнинг ташвиш тортишини истамайман. Менга
қўлингизни беринг. Қэбингиз борми?

— Бор. Эшикда кутиб турибди.

— Ундаи бўлса, ҳозироқ жўнайман. Аммо мен бу-
лардан қарздорман. Билинг-чи, қанча қарз эканман,
Уотсон. Жуда ҳам бўшашиб, тинка-мадорим қуриб кет-
ди. Пул тўлашга ҳам чофим келмайди.

Қатор ётиб ухлаётган одамларнинг орасидаги энсиз-
гина оралиқдан заҳарли бангнинг элитувчи ҳидларини
ҳидламаслик учун нафасимни ичимга ютганча бузуқсо-
нага эгасини қидиргани йўл олдим. Қўра қаршисида
ўтирган новча чолнинг олдига етганимда кимнингдир

пиджагимдан тортаётганини сездим, шивирлаб айтилган шу сўзларни эшилдим:

— Менинг ёнимдан ўтиб кетиб, кейин ўгирилиб қаранг.

Бу сўзларни аниқ эшилдим. Уларни фақат ёнимдаги чолгила айтган бўлиши мумкин эди. Бироқ у ҳамон шундай бир вазиятда ўтирадики, гўё ўз ўйлари билангина бандек, атрофидаги ҳеч нарсани сезмаётгандек эди. Ёши анчага бориб қолган озғин, бужмайган бу одам букчайиб ўтирар: афюнли трубка мажолсиз бармоқларидан сирғалиш тушиб кетгаңдек тиззалари орасида турар эди. Олдинга икки қадам юриб, орқамга ўгирилдим. Ҳайратдан қичқириб юбормаслик учун бор матонатими ни ишга солишимга тўғри келди. У шундай бурилдикки, юзини мендан бошқа ҳеч ким кўра олиши мумкин эмасди. Унинг елкаси ростланиб, ажинлари ёзилиб, хира кўзлари одатдагидек чақнай бошлади. Кўра олдида менинг ҳайратланганимдан кулгунча Шерлок Холмснинг ўзгинаси ўтиради. У ўғринча имо қилиб, мени олдига чақирди-да, яна лаби-лунжи осилган қалтироқ чолга айланди-қўйди.

— Холмс! — деб шивирладим мен.— Бу бузуқхонада нима қилиб ўтирибсиз?

— Мумкин қадар секинроқ гапиринг,— деб шивирлади у,— қулогим жуда яхши эшитади. Агар сиз эси оғиб қолган дўстингиздан халос бўлсангиз, сиз билан бир озгина суҳбатлашишга мушарраф бўлардим.

— Мени ташқарипда кэб кутиб турибди.

— Бўлмаса ошнангизни ўша кэбда уйига жўната қолинг. Ундан хавотир олмасангиз ҳам бўлади, чунки биронта можаро чиқаришга чоғи келадиган қуввати йўқ. Агар мени учратиб, ёнимда қолганингизни айтиб кучердан хотинингизга бир эшликини хат бериб юборсангиз яна яхши бўларди. Мени кўчада кутиб туринг, беш минутдан кейин чиқаман.

Шерлок Холмснинг сўзини ерда қолдириш маҳол: унинг талаблари ҳамиша шу қадар муайян, аниқ ва амрони оҳангда бўлади. Бундан ташқари мен, Уитнини кэбга ўтқазиб жўнатиб юборсам унинг олдидаги бурчимини адом этган бўламан, машҳур дўстимнинг кундаклик фаолиятини ташкил этган ажойиб саргузаштлардан бирида иштирок этишимга ҳеч қандай монелик қолмайди, деб ўйладим.

Шерлок Холмсга унинг тадқиқотларида ёрдам бериш мен учун энг олий баҳт эди. Шу сабабли хотинимга

бир эшликкина хат ёзиб, Уитнининг қарзини тўлаб, уни кэбга ўтқазиб жўнатдим-да, яқин жойда сабр билан кута бошладим. Кэб бир зумда зулмат қўйнида ғойиб бўлди. Бир неча минутдан сўнг такядан чол чиқиб келди, мен кўча бўйлаб у билан ёнма-ён кета бошладим. Икки кварталча жойга у мадорсиз оёқларини сургаб босганча мункиллаб борди. Кейин шоша-пиша уёқ-буёқка аланглаганча қаддини ростлади-да, қаҳ-қаҳлаб кулиб юборди. Қаршимда Шерлок Холмс турарди.

— Ҳойнаҳой, сиз, Уотсон,— деди у,— мени афюн чекишига ружу қилиб қолган, деб ўйлаган бўлсангиз керак.

— Ростини айтсам, мен сизни бу ковакда кўриб дарҳақиқат, таажжубланган эдим.

— Аслида бу ковакда сизни кўргач мен сиздан кўра ҳам кўпроқ ҳайратландим.

— Дўстимни қидириб юргац эдим.

— Мен бўлсам душманимни.

— Душманимни?

— Ҳа. Хуллас, Уотсон, ҳозир ғоятда қизиқ бир иш билан бандман, эси киравли-чиқарли бўлиб қолган таряккашларнинг тутуруқсиз вайсашларидан бирор нарса билиб олишга умидвор эдим... Илгари бунга баъзан мусассар бўлардим. Агар ўша ковакда таниб қолишса, менинг ҳаётим сарин ҷаҳага ҳам арзимас эди, чунки у ерда бир эмас, бир неча марта бўлганман, бузуқхона эгаси ярамас ласкар мендан ўч олишга қасам ичган. Авлиё Павел кемасозлик корхоналарининг муюши яқинидаги бу уйнинг орқасида шундай бир хуфия эшик борки, агар унинг тили бўлса ойдинсиз қоронги кечаларда ундан нималарни олиб чиқиб ташлашлари ҳақида кўпгина аломат воқеаларни айтиб бериши мумкин эди.

— Ўлик олиб чиқиб ташлашди денг?

— Ҳа, Уотсон, ўлик олиб чиқиб ташлашади. Агар сиз билан биз бу бузуқхонада ўлдирилган ҳар бир баҳтсиз киши учун минг фунтдан пул олсак борми, аллақачон миллионер бўлиб кетардик. Бу дарё соҳилидаги энг мудҳиш тузоқ, бу тузоққа илинган Невилли Сент-Клер энди уйига қайтиб бормайди, деб қўрқаман. Аммо биз ҳам тузоқ қурамиз.

Шерлок Холмс икки бармоғини оғзига тиқиб қаттиқ ҳуштак чалди. Шу заҳотиёқ узоқдан шунга ўхшаган ҳуштак эшитилди, шундан сўнг эса биз гилдиракларнинг гумбурлаши билан туёқ товушларини эшидик.

— Ҳўш, Уотсон,— деди Холмс, қоронфиликдан икки

фонари ёрқин шуъла сочиб турган бир отли аравача чиқиб келаркан,— мен билан бирга борасизми?

— Агар сизга фойдам тегса...

— Содиқ ўртоқнинг ҳамиша фойдаси тегади. Менинг «Кедр»даги хонамда иккита каравот бор.

— «Кедр» дейсизми?

— Ҳа. Мистер Сент-Клернинг уйини шундай деб атайдилар. Бу чигални ечмагунимча унинг уйида яшайман.

— У қаерда?

— Ли яқинидаги Кент деган жойда. Етти миля йўл юришимиз керак.

— Ҳеч нарсага тушунмаётибман.

— Мутлақо табий. Ҳозир ҳаммасини тушунтириб бераман, ўтилинг... Майли, Жон, сизга рухсат. Мана сизга ярим крон. Мени эртага соат ўн бирларда кутинг. Тизгинни менга беринг. Яхши қолинг.

У отга қамчи урди, биз қоронғи, бўм-бўш, поёнсиз кўчалардан аравани елдириб кетдик ва ниҳоят қандайдир кенг кўприкка етиб бордик, унинг остидан лойқа дарё бамайлихотир оқар эди. Кўприкнинг нарёғида ҳам ғишин уйли шундай кўчалар; бу кўчаларнинг сукунатини полициячиларнинг бир маромдаги вазмин қадамлари ва бемаҳал дайдиб юрган ўйинқароқларнинг қўшиқ ҳамда қичқириқларигина бузиб турар эди.

Осмон бўйлаб қора булутлар аста-секин сузар, уларнинг ораларидан гоҳ у ерда, гоҳ бу ерда хира юлдузлар милтиллаб кўриниб қолар эди. Холмс бошини қуий солганча чуқур ўйга чўмиб, отни ҳайдаб борар, меш эса ёнида ўтирган кўйи унинг фикри нима билан банд эканлигини пайқашга тиришиб, ўйларини бўлишга журъят қилолмай борар эдим. Бир неча миля йўл босиб, шаҳар атрофи боғлари доирасидан ўтаётганимизда у ниҳоят ҳушига келиб, тирпинди-да, трубкасини тутатди.

— Сиз жуда юраги кенг одамсиз, Үотсон,— деди у.— Шу фазилатингиз туфайли тенги йўқ ўртоқсиз. Бироқ менга ҳозир шундай одам керакки, хунук хаёлардан қутулиш учун у билан гаплашиб кетишим керак. Бу ёқимтойгина жажжи аёл мени остонода қарши олганида унга нима деб жавоб беришга гарангман.

— Сиз менинг ҳеч нарсадан хабарим йўқлигини унубиб қўяётисиз.

— Биз то Лига етиб боргунимизча сизга бор гапни айтиб беришга вақтим етади. Иш жўнгинадек кўрина-ди-ю, ҳолбуки, мен унга қандай қилиб қўл уришни бил-

май турибман! Қалаванинг учи кўп, аммо улардан биронтасини қатъият билан ушлаёлмаётубман. Мен сизга ҳаммасини гапириб бераман, Уотсон, балки сиз атрофимизни чулғаб турган бу зулматда йилт этган зиё учрашиб қоларсиз.

— Гапиринг бўлмаса.

— Бир неча йил муқаддам — аниқроғи, 1884 йилнинг майида, — Ліда Невилл Сент-Клер деган жентльмен пайдо бўлади, у пулдор киши эди шекилли. Катта бир виллани ижарага олиб, унинг атрофида ажойиб боғ барпо қиласида, тўраларча айш суреб яшай бошлайди. Бора-бора у қўшнилари билан танишиб, 1887 йилда ўша ердаги пиво пиширувчининг қизига уйланади, ҳозир ундан икки боласи бор. Унинг аниқ бир касб-кори йўқ, аммо кўпгина савдо-сотиқ ишларида иштирок этади, одатда ҳар куни эрталаб шаҳарга тушиб кетиб, у ердан 5,14 даги поездда қайтиб келади. Мистер Сент-Клер ҳозир ўттиз етти ёшда. У камтарона ҳаёт кечиради; бемаъни эр, меҳрибон ота, ҳамсуҳбат бўлган одамлар уни мақтайдилар. Яна шуни илова қилишим мумкини, унинг атиги саксон саккиз фунту ўн шиллинг қарзи, банқдаги жорий ҳисобида эса икки юз йигирма фунт стерлинг пули бор. Бинобарин, пулдан сиқилган, деб тахмин қилишга ҳеч қандай асос йўқ.

Утган душанба куни мистер Невилл Сент-Клер шаҳарга одатдагидан кўра барвақтроқ жўнаб кетаётганида иккита муҳим иши борлигини, ўғлига бир қутича кубик олиб келишини айтган. Тасодифан ўша душанбада у жўнаб кетиши билан салдан кейин хотини телеграмма олган, телеграммада Эбрет кемачилик шеркатида унинг номига кичкина, аммо foятда қимматбаҳо совға олингани айтилган, хотин буни анчадан бери кутаётган экан. Агар Лондонни яхши билсангиз, сизга маълумки, бу кемачилик шеркатининг идораси Фресностритда жойлашган бир қаноти сиз мени бугун кечқурун қидириб топган Эппер-Суондем-лэнга келиб тақалган. Миссис Сент-Клер нонушта қилгач, шаҳарга тушган, баъзи нарсалар харид қилган, шеркат идорасига кириб, совфасини олган, соат тўрту ўттиз беш минутда Суондем-лэн бўйлаб вокзалга йўл олган. Шу еригача яхши тушуниб келаётган бўлсангиз керак, тўғрими?

— Албатта, бунииг ҳеч тушунмайдиган жойи йўқ.

— Агар ёдингизда бўлса, душанбада кун жуда исиб кетган эди, миссис Сент-Клер бамайлихотир атрофига аланглаганича кэб қидира бошлаган, чунки бу район ун-

га сира ёқмабди. Шу тариқа Суондем-лэн бўйлаб кетаётib у қўққисдан бироннинг қичқирганини эшишиб қолган, аллақандай бир уйнинг иккинчи қаватидаги дераздан қараб турган эрига кўзи тушиб, аъзойи бадани музлаб кетган, назаридан эри уни имо-ишоралар билан чақиргандек бўлган. Дераза очиқ экан, у эрининг юзини аниқ кўрган, эрининг юзи гоятда ҳаяжонлангандек туолган. Эри унга иккала қўлини чўзиб, гўё бирор уни зўрлаб дераздан тортиб олиб кетгандек бирданига фойиб бўлиб қолган. Бироқ ўткир кўзли хотин эри уйдан кийиб чиқиб кетган ўша қора сюртуқда бўлса-да, ёқаси билан галстуги йўқлигини пайқаб қолган.

Эрининг бошига бирор фалокат тушганини фаҳмлаб, у зинапоядан пастига югуриб тушган (бу сиз мени кечқурун топган ўша бузуқхона жойлашган уй эди), олднинг хонадан ўтиб бориб, юқори қаватларга кўтариладиган зинапояга чиқмоқчи бўлган. Аммо зинапоя олдида мен сизга ҳозир айтиб берган ярамас ласкарга тўқнаш келиб қолган. Ласкар ёрдамчиси кўмагида уни кўчага олиб чиқиб ташлаган. Унинг даниялик бир ёрдамчиси бор. Даҳшатдан эсхонаси чиқиб кетган хотин кўча бўйлаб юрган, баҳтига, Фресно-стритда инспектор бошлигига айланиб юрган полициячиларни учратиб қолган.

Инспектор икки констебль билан миссис Сент-Клер-нинг орқасидан эргашиб келган, уй эгасининг қаттиқ қаршилик кўрсатишига қарамай, улар хотин деразасидан эрини кўрган хонага кириб боришга муваффақ бўлгандар. Аммо уни хонадан тополмагандар. Уша қаватда бадбашара бир майриқдан бошқа ҳеч кимни учратолмабдилар. У майриқ ўша ерда яшаса керак. У ҳам, ласкар ҳам, бу ерда бошқа ҳеч ким яшамайди, деб қаттиқ туриб олишибди. Улар ҳамма нарсани шу қадар қатъий инкор қилишибдики, инспектор, миссис Сент-Клер янгишмадимикан, деб гумон қила бошлаган экан ҳамки, хотин қичқириб юбориб столда турган кинчикроқ тахта қутичага ташланибди-да, жонхолатда унинг қопқоғини очибди. Қутичадан болалар ўйнайдиган кубиклар тўкилибди. Бу эри шаҳардан олиб келиши ваъда қилган ўйинчоқ экан.

Бу нарса топилиши билан майриқнинг бирдан хижолат бўлишидан инспектор ишнинг жиддийлигига қаноат ҳосил қилишибди. Хоналарни синчилаб тинтишибди, тинтуб натижасида қабиҳ бир жиноят очилибди.

Бу квартиранинг жиҳози албатта ғарифона. Олдинги хона меҳмонхона хизматини ўтайди, унинг ёнида чор-

роққина ётоқхона жойлашған, уннинг деразаси кемасозлик корхоналаридан бирининг орқа томонига қараган. Кемасозлик корхоналари билан ётоқ деразаси оралиғида торгина канал бўлиб, у сув пасайганда қуриб қолади, сув кўтаришганда эса тўрт ярим фут баландликда сувга тўлади. Ётоқнинг деразаси сербар, пастдан очилади.

Кўздан кечириш вақтида дераза рафида қон изларни топилган; шунингдек, хона тагига тўшалган тахталарда ҳам бир неча қон доғлари топилган. Олдинги хонадаги парда орқасидан мистер Невилл Сент-Клернинг ҳамма кийимларини топиб олганлар. Пиджагигина топилмаган. Ботинкаси, пайпоги, шляпаси, соати — ҳаммаси шу ерда экан. Қийимида ҳеч қандай зўрлик асоратини кўрмаганлар. Аммо мистер Невилл Сент-Клернинг ўзи изсиз ғойиб бўлган. У деразадангина тушиб кетган бўлиши мумкин экан, дераза рафида машъум қонли доғлар уннинг сувдан сузиб ўтиб жон сақлаб қолганига ишониш амри маҳол эканлигини яққол кўрсатиб турган, қолаверса, фожна содир бўлган соатда сув сатҳи жуда баланд кўтаришган.

Энди диққатимизни шубҳа туғдираётган ярамасларга қаратамиз. Ласкар ўтмиши қоронғи одам, аммо биз миссис Сент-Клернинг ҳикоясидан биламизки, уннинг эри деразада кўринганида бир неча лаҳзадан сўнг ласкар пастда бўлган, бинобарин, уни жиноятнинг иштирокчисигина деб ҳисоблаш мўмкин. Бу ишга дахли борлигини у мутлақо инкор этмоқда. Айтишига қараганда, уйида истиқомат қилиб турадиган Хью Буннинг умуман нима билан шуғулланишидан мутлақо бехабармиш. Ғойиб бўлган жентльменнинг кийими бу хонада пайдо бўлиши — уннинг учун бир жумбоқ эмиш.

Үй эгаси ласкар тўғрисида маълум бўлган ҳамма гап шу. Энди бузуқхона тепасидаги иккинчи қаватда яшайдиган, Невилл Сент-Клерни охирги марта кўрган киши эканлиги муқаррар бўлган тунд башара майриққа келайлик. Уннинг оти Хью Бун, Ситида ўқтин-ўқтин бўлиб турадиган ҳар бир кимса ҳам уннинг мудҳиш башарасини яхши билади. Қасби тиланчилик, дарвоҷе, полиция қонун-қоидаларига чап бериш учун гугурт сотаётган киши қиёғасига кириб ўтиради.

Бир эмас, бир неча бор пайқаган бўлсангиз керак, Трэд-Нидл-стритнинг чап томонида токчага ўҳшаган жой бор. Бу токчада бир майиб чордона қуриб, тиззалирига бир неча гугурт қути териб қўйганча ўтиради; уни кўрганларнинг раҳми келади, олдидағи тош кўча-

да ётган кир чарм кепкасига хайр-эҳсон ёмғир бўлиб ёнилади. Мен уни жуда кўп кузатганиман, аммо бир кун у билан жиноятчи сифатида танишишим мумкинлиги хаёлимга ҳам келмаган, унинг бир зумда анча-мунча пул ишлаб олишига ҳамиша таажжубланар эдим. Қиёфаси шундай аломатки, олдидан ҳеч ким бир қарамай ўтиб кетолмайди. Қизғишиш-малла сочи, қуян учи юқориги лабини иккига ажратиб турган мудҳиш тиртиқли, япасқи энгаги ва қора ўткир кўзлари — буларнинг ҳаммаси уни жўнгина тиланчилар галасидан ажратиб турарди. Олдидан ўтиб кетаётуб унга тегажаклик қилимоқчи бўлган ҳар кимсани ўша заҳотиёқ аччиқ-аччиқ ҳазил гаплар билан узиб олади.

Шубҳали такъхонанинг юқори қаватида яшайдиган бу одам шундай... Биз қидираётган жентльменни ундан кейин ҳеч ким кўрмаган.

— Аммо у майриқ-ку, ахир! — дедим мен. — Шундай бақувват, яғриндор йигитга бир ўзининг қандай кучи етиши мумкин?

— Унинг оёғигина майиб, юрганида бир оз оқсоқланади, умуман эса соппа-соғ паҳлавон. Сиз, Уотсон, албатта медик сифатида биласизки, кишининг бир мучаси занф бўлса, бунинг эвазига бошқа мучалари foятда бақувват бўлади.

— Илтимос, ҳикоянгизни давом эттиринг.

— Деразадаги қонни кўргач, миссис Сент-Клер ҳушидаи кетаёзган, уни полициячи ҳамроҳлигида уйига жўнатганлар, чунки бундан кейинги текширишда унинг иштирокига эҳтиёж бўлмаган. Бу ишни олиб боришини ўз зиммасига олган инспектор Бартон бузуқхонани бошдан-оёқ синчилаб тинтиб чиққан, аммо ҳеч қандай янги нарса тополмаган. Хатога йўл қўйганлар. Бунни дастлабки дақиқадаёқ қамоққа олмаганлар, бу билан унга бир зумда дўсти ласкар билан бир-икки оғиз сўзлашиб олиш имконини берганлар. Бироқ бу хато тез орада тузатилган: Бунни ушлаб олиб ён-верини тинтиганлар. Лекин тинтуб унга қарши ҳеч қандай далиллар бермаган. Тўғри, кўйлагининг ўнг енгига қон излари топилган, у полициячиларга жимжилогини кўрсатгаи, унинг тирноққа яқин жойи кесилган экан, дераза рафидаги қон ҳам шу ярадан томган бўлса керак, чунки бармоғимдан қон оқаётганида дераза олдига борган эдим, деган. У, мистер Сент-Клерни ҳеч қачон кўрган эмасман, деб тонгай, ўша жентльменнинг кийими бу хонада пайдо бўлиб қолганлиги полиция учун қандай сир бўлса, мен

учун ҳам шундай сир, деб турнб олган. Унга миссис Сент-Клернинг эрини унинг хонаси деразасидан кўрганини айтганларида, у хотинга эси чиқиб кетганидан ёки хаёлида шундай кўринган бўлса керак, деган. Бунни полиция маҳкамасига олиб борганлар. У бақириб-чақириб қаршилик билдирган. Инспектор канал тагидан қандай бўлмасин янги далиллар топиш мақсадида сувнинг қайтишини кутиб қолган. Дарҳақиқат, канал тагидаги ёпишқоқ балчиқдан юраклари пўкиллаб кутган нарсани эмас, мутлақо бошқа нарсани топганлар. Сув қайтгач, улар, Невилл Сент-Клерни эмас, Невилл Сент-Клернинг пиджагини топганлар. Сиз нима деб ўйлайсиз, пиджагининг чўнтағидан нималар топган бўлишлари мумкин?

— Тасаввур қилолмайман.

— Мен, сиз айтиб берасиз, деёлмайман ҳам. Ҳамма чўнтаклари пенни, ярим пенни пуллар билан тўла эмиштўрт юз йигирмата бир пеннилик, икки юз етмишта ярим пеннилик чақа чиқиби. Сув қайтаётганида пиджакни оқизиб кетмаганига таажжублланмаса ҳам бўлади. Жасад бўлса — бошқа гап эди. Уй билан кемасозлик корхоналари оралиғида сув жуда тез оқади. Сув жасадни дарёга оқизиб кетганига ишонса бўлади, айни бир вақтда эса оғир пиджак сув тагида қолиб кетган.

— Аммо янгилишмасам, қолган ҳамма кийимларини хонадан топишибди-ку. Наҳотки марҳумнинг устида пиджагигина бўлган бўлса?

— Йўқ, сэр, бунинг сабабларини топиш мумкин. Фарз қилайлик. Бун Невилл Сент-Клерни деразадан улоқтирган, буни ҳеч ким кўрмаган. Шундан кейин у нима қилиши мумкин эди? Табиийки, биринчи навбатда ўзини фош қилиб қўйиши мумкин бўлган кийимдан қутулишга уринади. Пиджакни олиб, деразадан улоқтириб юбормоқчи бўлади, аммо туйқусдан пиджак чўкмай, сув юзида қалқиб юриши мумкинлигини фаҳмлайди. У жуда шошиб қолади, чунки зинапоядаги тўполонни, Сент-Клер хотинининг, эримнинг олдига кираман, деб талаб қилаётганини эшигади, қолаверса, шериги ласкар уни полиция келганидан огоҳлантирган бўлса ҳам ажаб эмас. Бир дақиқа фурсатни ҳам қўлдан бериши мумкин эмас. У тиранчиликдан топганлари яшириб қўйилган хилват бурчакка ташланади, пиджакнинг чўнтакларига қўлига тушиб қолган чақаларни жойлади. Шундан сўнг у пиджакни улоқтириб юборади, бошқа буюмларни ҳам улоқтириб юбормоқчи бўлади, аммо зинапоядан

одам товушларини эшитгач, полиция кириб келмасидан деразани ёпишга аранг улгуради.

— Бунга ақл бовар қилмайди.

— Бошқа фаразимиз бўлмагани учун буни хомаки фараз сифатида қабул қиласмиш... Ҳали айтиб ўтганимдек, Бунни маҳкамага олиб келадилар. Унинг ўтмиши асосан бенуқсон эди. Рост, кўп йиллар мобайнида ти-ланчилик қилиб келган одам сифатидагина маълум бўлса-да, аммо тинч-осоиишта яшар, бирон ножўя иш қилгани маълум эмас эди.

Айни пайтда бу иш мана шу аҳволда. Кўриб туриб-сизки, Невилл Сент-Клернинг бу такяхонада нима қилгани, у ерда унга нима бўлгани, ҳозир қаердалиги, фойиб бўлишига Хью Буннинг қандай алоқаси борлиги ҳақидаги масалалар ҳамон ечилмай турибди. Эътироф этишим керакки, ўз фаолиятим давомида, биринчи қараганда жуда оддий кўриниб, аслида эса шу қадар мушкул бўлган ҳодисани эслаёлмайман.

Шерлок Холмс менга бу ажойиб воқеаларни батаф-сил сўзлаб бераркан, биз каттакон шаҳар қасабасидан ўтиб кетдик, охирги уйлар ортда қолди, икки томони бўйлаб қишлоқ четан деворлари чўзилиб кетган йўлдан борардик. Қишлоққа кириб боришимиз билан унинг ҳикояси ҳам тамом бўлди. Унда-бунда деразалардан чироқлар милтиллаб кўринарди.

— Лига кириб бораётибмиз,— деди ошнам.— Бу қис-қагина сафаримиз давомида биз Англиянинг учта графлигига бўлдик: Миддлсексдан чиқиб, Сэrrининг бир четидан айланиб ўтиб, Кентга кириб келдик. Даражатлар орасидаги анави шуълаларни кўряпсизми? Бу «Кедр». У ерда чироқ олдида бир хотин ўтирибди, унинг динн қулоги отимиз туёғининг дупурини аллақачон эшитган бўлса ҳам ажаб эмас.

— Бу ишни олиб бориш учун сиз нима сабабдан Бэйкер-стритда эмас, бу ерда яшаётнбсиз?— деб сўрадим.

— Шунинг учунки, кўп нарсаларни шу ерда текшириб аниқлашга тўғри келади... Миссис Сент-Клер илтифот билан ихтиёrimга икки хона ажратиб берди, амин бўлишингиз мумкинки, у менинг қидиришларимда ёрдам берадиган дўстимга бажонидил меҳмондўстлик изҳор қиласди. О, у билан учрашиш менга нақадар оғир, Уотсон, ҳозирча унга эри ҳақида бирон янги хабар айтишдан ожизман! Келдик, дирр!..

Биз атрофи боғ билан ўралган каттакон вилла ол-

дига келиб түхтадик. Отни қаршимиздан югуриб чиқ-қан отбоқарга топшириб, Холмс икковимиз шағал тү-килган торгина йўлкадан уйга қараб кетдик. Яқинла-шишимиз билан эшик очилиб, остоңада пушти шифон билан жимжимадор қилиб безатилган оқ тусли шоҳи кўйлак кийган малла сочли, кичкинагина жувон пайдо бўлди, у бир қўли билан эшикни ушлаб турарди, ик-кинчи қўлинни эса сабрсизлик билан кўтарди; олдинга эн-гашиб, лаблари очилиб бизга кўз узмай тикилар, бутун важоҳати билан, нима янгилик топиб келдинглар, деяёт-гандек эди.

— Хўш? — деб сўради у, баланд овоз билан.

Икки киши эканимизни кўргач, жувончдан қичқириб юборди. Аммо ўртоғим бош чайқаб киғтини қисгач, қичқириғи фарёдга айланди.

— Бирон яхши гап топиб келдингизми?

— Йўқ.

— Хунукроқ гап-чи?

— Йўқ.

— Бунисига ҳам шукр. Кирсанглар-чи. Куни бўйи машаққат чеккансиж, ҷарчаган бўлсангиз керак.

— Бу менинг дўстим, доктор Уотсон. Кўпгина тек-ширишларимда фойдаси теккан, омадим ёр бўлинб, уни бу ерга олиб келишга муваффақ бўлдим, қидириш ишларимизда унинг ёрдамидан фойдаланмоқчиман.

— Хуш келибсиз,— деди жувон самимият билан қў-лимни сиқаркан.— Уйимиз сизга файзсиз кўринмаса, деб қўрқаман. Оиласиз бошига қандай ногаҳоний кул-фат тушганини биласиз-ку...

— Хоним,— дедим мен,— мен йўл азобига кўнишиб кетган истеъфодаги аскарман, хуллас бордию аскар бўлмаган тақдиримда ҳам мендан узр сўраб ўтиришингиз-нинг ҳеч ҳожати йўқ. Сизга ёки дўстимга бирор фойдам тегса ўзимни баҳтли деб ҳисоблардим.

— Мистер Шерлок Холмс,— деди у, яхна овқат тай-ёрлаб қўйилган ёп-ёруғ емакхонага олиб киаркан,— мен сизга очиқчасига бир неча савол бермоқчиман, ил-тимос қиласманки, сиз ҳам уларга тўғри, очиқча жавоб берсангиз.

— Марҳамат, хоним.

— Менинг кайфиятимдан андиша қилиб ўтирманг: дод ҳам солмайман, ҳушимдан ҳам кетиб қолмайман. Фақат сизнинг ҳақиқий, чинакам фикрингизни билмоқ-чиман.

— Нима ҳақида?

— Невиллнинг тирик эканлигига кўнглингиз ишонадими?

Шерлок Холмс, афтидан, бу саводдан хижил бўлди.

— Очиғини айтаверинг,— деб тақрорлади жувон, гиламда турганича Холмснинг юзига тикиларкан.

— Очиғини айтсан, хоним, ишонмайман.

— Сиз уни ўлган, деб ўйлайсизми?

— Ҳа, шундай деб ўйлайман.

— Үлдирилганми?

— Мен бундай демоқчимасман.

— У қайси куни ўлган?

— Душанба куни.

— У тақдирда, мистер Холмс, менга тушунтириб берсангиз, эримдан шу бугун мана бу хатни қандай қилиб олишим мумкин эди?

Шерлок Холмс худди электр токи ургандек креслодан сапчиб турди.

— Нима-нима?— деб қичқириб юборди у.

— Ҳа, шу бугун олдим.

Жувон қўлида бир варақ қофоз ушлаганча жилмайиб турарди.

— Үқиб кўрсам бўладими?

— Марҳамат.

У хатни жувоннинг қўлидан юлқиб олиб, столга ёзида, текислаб, диққат билан кўздан кечира бошлади. Мен креслодан туриб бориб, унинг елкаси оша қараб турдим. Маҳкамаларга хос оддийгина конверт, конвертда Грэвзенд почтасининг штемпели: штемпелда — бугунги ёки, тўғрироғи, кечаги кун кўрсатилган, чунки вақт ярим кечадан оққан эди.

— Қўпол дастхат,— дея минғиллаб қўйди Холмс.— Аминманки, бу дастхат эрингизники эмас, хоним.

— Ҳа, конвертдаги бегона дастхат, аммо ичидагиси эримнинг дастхати.

— Конверт устидагиларни ёзган одам сизнинг адресингизни суриштиришга мажбур бўлган.

— Буни қаёқдан биласиз?

— Кўриб турибсизки, конвертдаги ном ёзилган сиёҳ рангининг тўқлиги билан ажралиб турибди, чунки сиёҳ ўзи қуриган. Адресдаги сиёҳнинг ранги эса очроқ, чунки унга босма қофоз босилган. Борди-ю, конверт устидаги ёзув бирдан ёзилиб ҳаммасига босма қофоз босилган тақдирда ҳамма сўзлар ҳам оч тусда бўларди. Бу одам конвертга аввал сизнинг номингизни ёзган, бир қанча вақт ўтгандан кейин эса тагига адресингизни ёзиб қўй-

ган, бундан шу холосага келиш мумкинки, адрес аввал унга маълум бўлган эмас. Албатта, бу арзимайдиган нарса, аммо менинг касбимда арзимайдиган нарсалардан кўра муҳимроқ нарса бўлмайди. Хатни бир кўриб берай-чи... Ҳа! Ичига бир нарса солинган экан.

- Ҳа, узук бор экан. Унинг муҳрли узуғи.
- Бу эрингизнинг дастхати эканлигига аминмисиз?
- Унинг дастхатларидан бири.
- Дастхатларидан бири?

— Шошилиб ёзадиган вақтидаги дастхати. Одатда бутунлай бошқача ёзади, аммо бу дастхати ҳам менга яхши таниш.

«Азизим, ташвишланма. Ҳаммаси яхшилик билан тугайди. Бир хато юз берди, буни тузатиш учун бир оз вақт керак бўлади. Сабр билан кут. Невилл»... Китобдан йиртиб олинган бир варақ қофозга қалам билан ёзилган, ҳеч қандай шартли белгилар ҳам йўқ. Ҳм!. Буни Грэвзендан бошмалдоғига бир нарса теккан одам жўнатган. Ҳм!. Агар янгишмасам, конвертни елимлаган одам тамаки шимади... Сиз бу эрингизнинг дастхати эканлигига аминмисиз, хоним?

- Аминман. Бу хатни Невилл ёзган.

— Хат шу бугун Грэвзендан жўнатилган. Нима ҳам дедик, миссис Сент-Клер, булутлар тарқалмоқда, зотан, мен хавф-хатар бартараф бўлди, деб айтолмайман.

- Ҳар қалай, у тирик экан-ку, мистер Холмс!

— Бу бизни чалғитиб нотўғри изга солиб юбориш учун ишлатилган маккорона қаллоблик бўлмаса бўлгани. Узукка ишониш амримаҳол. Узукни тортиб олган бўлишлари мумкин.

- Аммо бу унинг ўз дастхати-ку!

— Дуруст. Борди-ю, хат душанба куни ёзилиб, бу-гунгина жўнатилган бўлса-чи?

- Шундай бўлиши ҳам эҳтимол.

— Бу муддат ичида кўп нарсалар бўлиши мумкин.

— О, мени қувончимдан маҳрум қилманг, мистер Холмс! Биламан, унга ҳеч нарса бўлган эмас. Биз у билан шу қадар яқинмизки, агар бошига чиндан ҳам кулфат тушса, мен албатта сезган бўлардим. Гойиб бўлишидан бир кун олдин бехосдан бармоғини кесиб олди. Шу пайт мен емакхонада, у ётоқхонада эди, унга бир нарса бўлганини дарров сезиб олдига югуриб чиқдим. Менга шундай арзимаган бир нарса ҳам таъсир қил-

са-ю, наҳотки мени, унинг ўлганини билмэй қолган, деб ўйласангиз!

— Мен кўпни кўрган тажрибали одамман, баъзан аёлларнинг бевосита зийрак туйғулари ҳар қандай мантиқий хулосалардан қимматлироқ бўлишини биламан. Ўз уат ҳам, албатта, сизнинг ҳақ эканлигинизни тасдиқловчи муҳим шоҳид бўлиб турибди. Бироқ агар мистер Сент-Клер ҳаёт экан, агар у сизга уат ёзишга қодир экан, нима сабабдан ҳозир ёнингизда эмас?

— Билмадим. Бунга ақлим ҳам бовар қилмаётиди.

— Душанба куни жўнаб кега туриб, сизни ҳеч нарса деб огоҳлантирганими?

— Йўқ.

— Сиз уни Суондем-лэнда кўрганингизда жуда таажжубландингизми?

— Жуда.

— Дераза очиқими?

— Ҳа.

— Сизни деразадан туриб чақириши мумкинми?

— Ҳа.

— Ҳолбуки, пайқашимча, у алланарса деб қичқириб юбориби-ку, шундайми?

— Ҳа.

— Сиз, у мени ёрдамга чақираётиди деб ўйладингизми?

— Ҳа, у менга қўлларини силкиди.

— Балки у кутилмаган нарсани кўрганидан қичқириб юборгандир. Сизни кўриб қолганидан таажжубланаб чапак чалиб юборгандир.

— Эҳтимол.

— Назарингизда уни деразадан тортқилаб олиб кетишгандек бўлдими?

— У бирданига ғойиб бўлиб қолди...

— У ўзини орқага ташлаган бўлиши мимкин. Сиз хонада ундан бошқа ҳеч кимни кўрмадингизми?

— Ҳеч кимни. Аммо бадбашара тиланчи Невиллнинг ўша ерда бўлганига иқорор бўлди-ку. Ласкар бўлса пастда, зинапоянинг олдида турарди.

— Жуда тўғри. Кўрган бўлсангиз, эрингиз одатдагидек кийинганами?

— Ёқаси ҳам, галстуғи ҳам йўқ эди. Буни аниқ кўрдим.

— У сиз билан Суондем-лэн ҳақида ҳеч гаплашганими?

— Ҳеч қачон...

— Сиз унинг афюн чекишини кўрсатадиган бирон белгини кўрганимидингиз?

— Ҳеч қаҷон.

— Миннатдорман, миссис Сент-Клер. Бу мен тўла-тўқис билмоқчи бўлган асосий нуқталар. Энди биз овқатланиб, кириб дам оламиз. Негаки, эртага кўп елиб-югурсак ажаб эмас.

Бизнинг ихтиёrimизга иккита каравот қўйилган, кенг, қулай хона берилган эди, мен дарров чўзила қолдим, чунки тунги оворагарчилликлар чарчатиб қўйган эди. Аммо Шерлок Холмс биронта ечилмаган масала бўлса уни мулоҳаза қилиб, фактларни таққослаб, уларни турли нуқтаи назарлардан кўздан кечириб то ҳал қилмагунча ёки ўзи янглиш йўлда турганига қаноат ҳосил қилмагунча бир неча кеча-кундузлаб, ҳатто ҳафталаб ухлаёлмас эди. Мен дарҳол унинг туни бўйи ухламай ўтириб чиқмоқчи эканини пайқадим. У пиджаги билан нимчасини ечди-да, кенг-ковул кўк халатини кийиб, каравот, күшетка ва креслолардаги ёстиқларни бир ерга уя бошлади. Бу ёстиқлардан ўзига шарқча диванга ўхшаган бир нарса ясади-да, унинг устига чиқиб, чордана қуриб ўтириди, олдига бир қути тамаки билан гугурт қўйиб олди. Чироқнинг хира ёруғида оғзидағи эски трубкасидан паға-паға мовий тутун таратганча шифтга фаромушгина кўз тиккан кўйи сассиз, ҳаракатсиз ўтирганини кўрдим, шуъла унинг бургут тақлид қиёфасини ёритиб турарди.

Уйқуга кетаётганимда қандай ўтирган бўлса, хонага эрталабки қубош нури тушган пайтда унинг туйқусдан қичқириб юборишидан уйғониб кўзимни очарканман, у ҳамон ўшандай ўтиради. Трубкаси ҳамон оғзида, тутун ҳамон бурқаб кўтарилиб турар, хона тамаки дудига тўлган, кечқурун турган бир қути тамакидан эса ҳеч нарса қолмаган эди.

— Уйғондингизми, Уотсон? — деб сўради у.

— Ҳа.

— Айланиб келишини хоҳлайсизми?

— Жоним билан.

— Бўлмаса кийининг. Ҳали уйдагилар ҳаммаси уйқуда, аммо отбоқарнинг қаерда ётишини биламан, ҳозир бизга коляскани қўшиб беради.

Шундай деркан кулиб қўйди; кўзлари чараклар, у мен кеча кўрган тунд кишига сира ҳам ўхшамас эди.

Кийинаётib, соатга қарадим. Ҳали уйдагилар ҳаммаси ухлаб ётганига таажжубланмаса ҳам бўларди;

түртдан йигирма беш минут ўтган эди. Қийиниб бўлишм билан Холмс кириб, отбоқар отни қўшганини айтди.

— Мен ўзимнинг бир назариямни текшириб кўрмоқ чиман,— деди у ботинкасини киятиб.— Сиз, Үотсон, қаршингизда Европада яшаётган энг буюк тентаклардан бирини кўриб турибсиз! Мен кўрсичқондек гумроҳ эканман. Мени шунаقا бир тениш лозим эканки, бу ерда Черинг-кроссга бориб тушишим керак экан! Аммо энди бу жумбоқнинг калитини топдим шекилли.

— Қани ўша калитингиз?— деб сўрадим жилмайиб.

— Ваннахонада,— деб жавоб берди Холмс.— Иўқ, ҳазиллашаётганим йўқ,— дея давом эттириди у гапини, менинг ишонқирамай қараб турганимни пайқаб.— Аллақачон ваннахонага кириб, уни олиб мана бу чамадончага яшириб қўйдим. Бориб кўрайлик-чи, дўстим, бу калит қулфга тўғри келармикан.

Биз мумкин қадар оҳиста одимлашга ҳаракат қилиб, зинапоядан пастга тушдик. Ташқарида эрталабки қуёш чарақлаб нур сочмоқда эди. Дарвоза олдида бизни коляска кутмоқда, отбоқар эса қўшилған отнинг жиловидан тутиб турар эди.

Биз экипажга чиқиб, физиллаганча Лондон йўли бўйлаб жўнадик. Аҳён-аҳёнда пойтахтга сабзавот олиб бораётган аравалардан ўтиб кетардик, аммо атрофдаги боғлар жимжит — ҳаммаёқ сеҳрланган шаҳардагидек уйқуда.

— Баъзи жиҳатлардан олиб қараганда бу мутлақо бошқача иш,— деди Холмс, отни чоптиаркан.— Йқорор бўлай, мен кўрсичқондек гумроҳ эканман, ақлинг, ақали кеч кирса ҳам дуруст экан.

Биз шаҳарга Сэри томонидан кириб бордик. Дера-заларда ҳозиргина уйғонган одамларнинг уйқули юзлари кўрина бошлади. Биз Ветерлоо кўприги орқали дарёдан ўтгач, ўнгдаги Веллингтон-стритга бурилиб, Баустритга бориб етдик. Шерлок Холмсни полиция бошқармасида яхши танир эдилар, биз яқинлашарканмиз, иккি констебль уни қўлларини чаккаларига олиб бориб қутлади. Улардан бири отнинг жиловини ушлади, иккинчиси эса бизни ичкарига бошлаб кирди.

— Навбатчи ким?— деб сўради Холмс.

— Инспектор Брэдстрит, сэр.

Тоштахта ётқизилган йўлакдан қаршимизга тўла-тўқис форма кийган, тўла гавдали, новча полициячи чиқиб келди.

— Ҳа, Брэдстрит! Аҳволларингиз қалай? Мен сиз билан гаплашмоқчи эдим, Брэдстрит.

— Марҳамат, мистер Холмс. Менинг хонамга кирақолинг.

Хона идорага ўхшарди: столда ёзувлар олиб бориладиган каттакон дафттар, деворда телефон.

Инспектор столга ўтириди:

— Хизмат, мистер Холмс?

— Сиздан мистер Невилл Сент-Клернинг ғойиб бўлиши ҳақидаги ишга алоқаси бор тиланчи тўғрисида сўрамоқчи эдим.

— Уни қамоққа олиб, сўроқ қилиш учун бу ерга олиб келдик.

— Биламан. У шу ердами?

— Камерада.

— Тўполон қилаётгани йўқми?

— Йўқ, ўзини осойишта тутаётибди. Аммо ярамас шу қадар кир-яғирки!

— Кир-яғир?

— Ҳа. Қўлинни ювишга аранг кўндиридик, юзи бўлса мисгарнинг юзиdek қоп-қора. Тергов тугасин-чи, турма ваннасига бир карра тушиши бор! Агар сиз уни бир кўрсангиз, менинг фикримга қўшилардингиз.

— Мен уни кўришни жуда истардим.

— Ростданми? Бу қийин иш эмас. Орқамдан юринг. Чамадончангизни шу ерда қолдиришингиз мумкин.

— Йўқ, уни бирга олакетаман.

— Дуруст. Буёққа марҳамат қилинг.

У ёпиқ турган эшикни очиб, айланма зинапоядан бизни пастдаги деворлари оқланган йўлакка олиб тушди. Үнг ва чап томонларда қатор-қатор кетган эшиклар.

— Унинг камераси — ўнгдан учинчиси,— деди инспектор.— Мана шу ерда.

У эшикнинг юқори қисмидаги тахтачани оҳиста суриб, туйнукдан қаради.

— Ухлаб ётибди,— деди у.— Уни яхшилаб кўриб олишингиз мумкин.

Биз панжарадан мўраладик. Маҳбус, аста-секин ва оғир нафас олганча қаттиқ ухларди. Унинг юзи бизга кўриниб турарди. Бу ўрта бўй бир эркак бўлиб, ҳамма гадойларга ўхшаб расво кийинган: жулдур пиджагининг йиртиқларидан рангдор кўйлагининг увадалари чиқиб турарди. У, дарҳақиқат, гоят кир-яғир, ҳаттоқи юзини қоплаб турган қалин кир қатлами ҳам бадбашара қиёфасини яшиrolмасди. Қўзи яқинидан энгагигача

сербар чандиқ түшиб келган, устки лабидаги қийтиқ-тиртиқдан учта тиши иржайиб кўринар, бир тутам сапсариқ сочи пешонаси билан кўзларига тушиб турар эди.

— Жуда чиройли-я, нима дедингиз? — деди инспектор.

— У ювиниши керак, — деб қўйди Холмс. — Мен буни илгарироқ пайқаган эдим, шу сабабдан керакли асбобларни ола келганман.

У чамадончани очди-да, бизни ҳайратда қолдириб ундан каттагина бир ишқалагич олди.

— Ҳе-ҳе, ҳазилкаш экансиз-ку! — деб кулиб юборди инспектор.

— Мумкин бўлса, бизга эшикни оҳиста очиб берсангиз, биз уни бир зумда ажабтургина одамбашара қилиб қўямиз.

— Хўп бўлади, — деди инспектор. — Бўлмаса у чиндан ҳам турмамизга испод келтираётиди.

Инспектор эшикни очди. Учаловимиз камерага шарпа чиқармай кирдик. Маҳбус қимиirlаб қўйдию, лекин дарҳол яна ҳам қаттиқроқ уйқуга кетди. Холмс жўмрак олдига бориб, ишқалагичини ҳўллади-да, маҳбуснинг юзига икки марта куч билан ишқалади.

— Сизларни Кент графлигидаги Ли қишлоғида яшайдиган мистер Невилл Сент-Клерга таништиришга рухсат этгайсизлар! — деб хитоб қилди Холмс.

Мен бу тариқа ҳодисани умрим бино бўлиб кўрмаган эдим. Маҳбуснинг юзи дарахтнинг пўстлоғи кўчиб кетгандек шилиниб тушди. Офтобда куйиш патижасида пайдо бўлган қўнғирлик йўқолди. Юзини қиялаб кесиб ўтган мудҳиш чандиқ ҳам, лабининг тиртифи ҳам ғойиб бўлди. Тицларининг хунук иржайиб туриши ҳам барҳам еди. Холмснинг бир қўл ҳаракати билангина малла пахмоқ соchlари ҳам йўқолди, қаршимизда соchlари қопқора, териси нозик, рангсиз, ғамгин, латиф бир киши пайдо бўлди-қолди, ҳали уйқуси тўла ёзилмаган бу одам кўзларини ишқаб бизга таажжуб билан тикилганча тўшакда ўтиради. Қўққисдан у нималар содир бўлаётганини англаб қолдию додлаганича бошини ёстиқ остига тиқди.

— Ё раббий, — деб қичқириб юборди инспектор, — йўқолган одамнинг ўзгинаси-ку! Мен уни биламан, суратини кўрганман!

Маҳбус тақдирга тан беришга мажбур бўлган одамдек, умидсиз бир қиёфада бизга ўгирилди.

— Бўлар иш бўлди! — деди у. — Сизлар мени бу ерда нега ушлаб турибсизлар?

— Мистер Невилл Сент-Клерни ўлдирганингиз учун... Туф-э! Энди сизни одам ўлдиришда айблаш мумкин эмас. Сизни ўзингиз ўзингизга суиқасд қилмоқчи бўлганингизда айблашлари мумкин, — деди инспектор кулимсираб. — Йигирма етти йилдан бери полицияда хизмат қиласман, аммо бундай ҳодисани сира ҳам кўрган эмасман.

— Модомики, мен мистер Невилл Сент-Клер эканман, демак жиноят содир бўлмаган, бинобарин, мен қонунга хилоф равишда қамоққа олинганман.

— Жиноят қилинмагану, аммо катта хатога йўл қўйилган, — деди Холмс. — Сиз хотинингизга сирингизни айтмай чакки қилгансиз.

— Гап хотинимда эмас, болаларимда, — деди қизишиб маҳбус. — Мен уларнинг оталаридан ор қилишларини истамаган эдим. Ё раббий, қандай шармандалиқ! Энди нима қиласман?

Шерлок Холмс унинг ёнига, каравотга ўтириб мулоҳимлик билан кифтига қоқиб қўйди.

— Агар сиз бу ишингизнинг судда кўрилишига йўл қўйсангиз, эл оғзиға тушиб кетишдан қочолмайсиз, албатта, — деди у. — Борди-ю, агар сиз полицияни ҳеч қандай гуноҳингиз йўқлигига ишонтиrolсангиз, унда газеталар ҳамма нарсадан бехабар қоладилар. Инспектор Брэдстрит сизнинг берган шоҳидликларингизни ёзиб олиб, уни тегишли маъмурларга топшириши мумкин, у тақдирда иш судгача бориб етмайди.

— О, сиздан фоятда миннатдорман! — дея қичқириб юборди маҳбус. — Бадбахт сирим очилиб қолиб, болаларимни иснодга қўймаслик учун мен қамоққа ҳам, ҳатто ўлим жазосига ҳам жон-жон деб рози бўлардим! Менинг саргузаштимни биринчи эшитаётган сизлар...

Отам Честерфилдда муаллим эди, у ерда тўла-тўкис билим олдим. Ёшлигимда кўп саёҳат қилдим, саҳнада ўйнадим, ниҳоят, Лондондаги кечки газеталардан бирининг мухбири бўлиб қолдим. Бир куни редакторимга пойтахтдаги тиланчилик ҳақида бир сидра очерклар даркор бўлиб қолди. Уларни мен ёзадиган бўлдим. Менинг барча саргузаштларим худди шундан бошланди. Очеркларим учун зарур бўладиган фактларни топиш мақсадида тиланчиларга ўхшаб кийиниб гадойчилик қила бошладим. Артистлик вақтимдаёқ грим қила билиш маҳоратим билан машҳур эдим. Энди шу маҳоратим иш

бериб қолди. Мен афт-башаралык бүядым, одамларнинг кўпроқ раҳмини келтириш учун юзимга чандиқ чиздим, тери тусидағи малҳам ёпиштириб лабимни тиртиқ қилиб бир оз дўрттайтириб қўйдим. Кейин устимга жулдурийим, бошимга ясама соч кийиб Ситининг энг гавжум жойига ўтириб олдим-да, гугурт сотиш баҳонасида хайр сўрай бошладим. Урнимдан қўзгалмай етти соат ўтиредим, кечқурун уйга қайтиб келгач, йигирма олти шиллингу тўрт пенс топганимни кўриб ғоятда ҳайратландим.

Мен очеркларимни ёздим, бу воқеа әсимдан ҳам чиқиб кетди. Аммо бир оз вақт ўтгандан кейин менга векслель кўрсатишиди. Унга биноан мен ошнам учун йигирма беш фунт пул тўлашга кафил бўлган эдим. Бу пулни қаёқдан олишга ақлим ҳам етмай турган эди, бирдан миямга ажойиб бир фикр келиб қолди. Олғудордан икки ҳафтача кутиб туришини илтимос қилиб, ишдан рухсат олдим-да, уни Ситида хайр сўраб ўтказдим. Ўн кун мобайннида зарур маблагни тўплаб, қарзни тўладим. Энди ўзларингиз ўйлаб кўринглар, афт-башараигга бўёнек чаплаб, олдингга кепкангни ташлаб бошқа ҳеч иш қилмай ҳар куни икки фунтдан пул топишинг мумкинлигини билганингдан кейин шу икки фунт бадалига бир ҳафта ишлашинг осонми?

Фурурим билан бойлик орттиришга бўлган ҳирсим орасидаги кураш узоқ давом этди, аммо пулга ўчлигим ниҳоят енгиб чиқди. Газетадаги ишимни ташлаб, кун сайин вақтимни аллақачон кўз остига олиб қўйган муюнда ўтказадиган бўлдим, ўзимнинг бадбашара қиёфам билан одамларнинг раҳмини келтириб, чўнтакларимни эса чақа билан тўлдириб, кун сайин вақтимни ўзим аллақачон синашта бўлиб қолган жойда ўтказа бошладим.

Сиримдан биргина киши — Суондем-лэндаги мен бориб жойлашган разил бузуқхонанинг эгасигина воқиф эди. Ҳар куни эрталаб мен у ердан аянчли тиланчи қиёфасида чиқардим-да, ҳар куни кечқурун у ерда башангийинган жанобга айланардим. Хона берганлиги учун Ласкарга сахийлик билан ҳақ тўлардим, чунки унинг сиримни ҳар қандай шароитда ҳам ҳеч кимга айтмаслигига амин эдим.

Тез орада мен йирик маблағ жамғара бошладим. Лондонда йилига етти юз фунтдан пул топадиган биронта ҳам тиланчи бўлмаса керак, мен бўлсан ундан ҳам кўп топардим. Мен ўткинчиларнинг тасодифий тан-

бекларига ҳазиломуз жавоб қайтариш маҳоратини эгал-лаб, тез орада бутун Ситида донг чиқардим. Танга ара-лаш пенслар ёмғири сурункасига ёғилиб турарди. Икки фунтдан кам пул топган кунларимни, мұваффақиятсиз кунлар, деб ҳисоблардим. Бойиганим сари турмушим ҳам маъмур бўлиб бораарди. Шаҳар ташқарисидан ижа-рага уй олдим, уйландим, аммо менинг аслида нима иш билан шуғулланаётганимни ҳеч ким билмасди. Севик-ли хотиним мени, Ситида унча-мунча ишлар билан шуғулланади, деб ўйларди. Аммо бу ишларнинг қандай ишлигидан заррача ҳам хабари йўқ эди.

Ўтган душанба ишимни тамомлагач, хонамда кийи-наётиб деразадан мўраларканман, бирдан қўрқиб кетдим. Хотиним кўччанинг ўртасида менга тик қараб турибди. Ҳайратдан қичқириб юбордим, юзимни яшириш учун қўлларимни кўтардим, шеригим ласкарнинг олди-га югуриб бориб, олдимга ҳеч кимни киргизмаслигини ёлвориб илтимос қилдим. Пастдан хотинимнинг овози келаётганини эшийтдим, аммо унинг буёқса чиқиб кеполмаслигини билардим. Дарҳол ечиниб тиланчиликда киядиган жулдур кийимларимни устимга илиб, ясама сочни бошимга қўндиридму башарамга бўёқ чапладим. Бу қиёфада мени ҳатто хотиним ҳам таниёлмасди.

Шундан кейин миямга, хонамни тинтиб қолишса унда кийимларим мени фош қилиб қўйиши мумкин, деган фикр келди. Деразани очдим, шошилиш устида тилин-ган бармоғимни уриб олдим (бармоғимни эрталаб ётоқхонада кесиб олган эдим), кесилган жойидан яна чақиллаб қон тома бошлади. Кейин мен ҳозиргина гадой халтамдаги чақаларни чўнтакларига солган пиждагимни олдим-да, уни деразадан улоқтиридим, у Темзада ғойиб бўлди. Қолган кийимларимни ҳам ўша ёқса улоқтироқчи бўлиб турган эдим, бу орада олдимга полициячилар бостириб киришди, бир неча дақиқадан сўнг мистер Невилл Сент-Клер сифатида фош қилиниш ўрнига унинг қотили сифатида қамоққа олиндим.

Бошқа айтадиган сўзим йўқ. Юзимдаги гримни сақлаш учун ювинишдан бош тордим. Хотинимнинг мендан ғоятда ташвишланишини билганим учун полициячидан яшириқча бармоғимдаги узукни олиб, наридан-бери ёзилган мактубча билан уни ласкарга бердим, мактубда хотинимга менга ҳеч қандай хавф-хатар таҳдид қилмаётганини айтдим.

— У ўша мактубингизни куни кеча олди,— деди Холмс.

— Ё раббий! Бир ҳафта азоб чекибди-да!

— Ласкарни полиция кузатмоқда эди,— деди инспектор Брэдстрит,— афтидан, шунинг учун мактубни сездирмай жўнатолмаган. Чамаси, уни бузуқхонасининг доимий мижозларидан бўлган бирон матросга бергану унисининг эса мактубни қутига ташлаш бир неча кун мобайнида ёдидан кўтарилиб юрган.

— Аслида ҳам худди шундай бўлган,— деб тасдиқлади Холмс.— Аммо наҳотки сизни тиланчилик қилганингиз учун ҳеч қачон судга тортмаган бўлсалар?

— Кўп марта тортишган. Аммо мен учун арзимаган штраф нима деган нарса!

— Бироқ энди бу ҳунарни ташлашингизга тўғри келади,— деди Брэдстрит.— Агар полиция бу ишни босди-босди қилиб юборишини истасангиз, унда Хью Бун гойиб бўлиши керак.

— Мен бу борада ўз олдимда одам боласи қодир бўлган энг тантанали қасам билан онт ичдим.

— У тақдирда ҳаммаси унут бўлади,— деди Брэдстрит.— Аммо борди-ю, сизни пайқаб қолишса, биз унда ҳеч нарсани яшириб ўтирумаймиз... Бу ишни очганингиз учун сиздан ғоят миннатдормиз, мистер Холмс. Мен сизнинг бундай натижаларга қандай қилиб эришинингизни билишни истардим.

— Бу гал,— деб жавоб берди дўстим,— бешта ёстиқ устида ўтириб, ярим қадоқ тамакини чекиб тамомлашга тўғри келди... Назаримда, Уотсон, агар биз ҳозир Бейкер-стритга жўнасак, худди нонуштага етиб бора-миш.



МОВИЙ КАРБУНҚУЛ¹

Мелод байрамининг учинчи куни ошнам Шерлок Холмсни табриклагани кирдим. У қизил халат кийиб күшеткада ётар, ўнг томонида тамаки жойланган бир неча трубка, чап томонида эса бир даста ғижимланган эрталабки газеталар тураган эди, уларни ҳозиргина кўздан кечирган бўлса керак. Күшетканинг ёнида бир стул, унинг суюнчиғига бир неча жойи тешилган фақирона намат шляпа осилган. Холмс, афтидан, бу шляпани жуда диққат билан текширган бўлса керак, чунки стулда пинцет билан лупа ётарди.

— Банд экансиз,— дедим мен.— Халал бермасам деб қўрқаман.

— Сира ҳам халал бермайсиз,— деди сўзларимга жавобан у.— Мен тадқиқотларимнинг натижалари ҳақида суҳбатлашсам бўладиган ўртоғим борлигидан хурсандман. Кўриб турибсизки, бу жўнгина бир нарса,—

¹ Карабункул — шаффофф қимматбаҳо тош, одатда қизил бўлади.

у бош бармоги билан эски шляпани нүқиб кўрсатди,— лекин бу ҳатто ибрат бўлишга арзигулик баъзи бир ма-роқли ҳодисалар билан боғлиқ.

Мен креслога ўтириб, гуриллаб ўт ёнаётган камининг қўлимини тутиб исита бошладим. Кун қаттиқ совуқ, дे-разаларни қалин жимжимадор музли қиров қоплаган.

— Гарчанд, бу шляпа жуда кўримсиз туюлаётган бўлса ҳам, у биронта қонли воқеа билан боғлиққа ўх-шайди,— деб қўйдим мен.— Афтидан, у қандайдир муд-ҳиш сирларни очишида калит бўлиб хизмат қиласди, сиз унинг ёрдамида жиноятчини фош қилиб, жазога тор-тишга муваффақ бўласиз.

Шерлок Холмс кулиб юборди.

— Йўқ, йўқ,— деди у,— бу жиноят эмас, тўрт мил-лион одам бир неча квадрат милядан иборат масофада ур-ийқит бўлиб юрадиган жойда ҳамиша юз бериб ту-риши мумкин бўлган жуда майда, кулгили эпизод. Одамлар истиқомат қиласдиган бундай баҳайбат ари уясида ҳар қандай мураккаб фактлар бўлиши мумкин, улар ғоятда сирли кўринса ҳам, замирида ҳеч қандай жиноят бўлмаслиги мумкин. Биз бундай ҳодисалар би-лai бир неча бор тўқнаш келганмиз.

— Бўлмасам-чи!— деб хитоб қилдим мен.— Мен қа-ламга олган олти эпизоднинг учтаси замирида ҳеч қан-дай файриқонуний нарса йўқ.

— Мутлақо тўғри. Бу арзимас ҳодисанинг ҳам за-рарсиз бўлиб чиқишига шубҳаланмайман. Сиз хат та-шувчи Петерсонни танийсиз-а?

— Ҳа.

— Бу ўлжа ўшаники.

— Яъни унинг шляпасими?

— Йўқ, йўқ, буни топиб олган. Эгаси номаълум. Сиз бунга эски бир буюм сифатида эмас, жиддий масала сифатида қаранг. Дастрлаб сизга шляпанинг бу ерга қандай қилиб келиб қолганини гапириб бераман. У бай-рамнинг биринчи куни худди ҳозирги пайтда Петер-соннинг ошхонасида қовурилаётган ажойиб, семиз ғоз билан бирга пайдо бўлди. Бу шундай юз берди. Мелод куни эрталаб соат тўртда Петерсон, ўзингиз билган олижаноб ва соғ виждонли бу одам Тотенхем-Коортрод кўчасида зиёфатдан уйига қайтиб келаётган экан. Газ фонаръ ёруғида олдинда аллақандай бир новча кимса-нинг оппоқ ғозни орқалаганча сал-пал гандираклаб ке-таётганини кўрибди. Гуж-стритнинг муюшида унга безо-рилар ёпишишибди. Уларнинг бири унинг шляпасини ту-

шириб юборибди. Нотаниш одам ўзини ҳимоя қиласман деб ҳассасини ўқталган экан, бехосдан орқасидаги магазин витринасига тегиб кетибди. Ойна чил-чил бўлибди. Петерсон нотаниш одамни ҳимоя қилгани югурибди, ойнани синдириб қўйганидац саросимага тушган шўрлик ўзинга қараб югуриб келаётган одамни кўриши билан ғозни ташлабдию ура қочиб, Тотенхем-Коортрод орқасидаги қинғир-қийишқ тор кўчаларга кириб ғойиб бўлибди. Петерсон формада экан, қочоқни шу нарса қўрқитиб юборган бўлса керак. Петерсон пайдо бўлиши билан безорилар ҳам қочиб кетган, хат ташувчи жанг майдонида ёлғиз ўзи қолган, у мана шу фижим шляпа билан ажойиб байрам ғозидек ўлжани қўлга киритган...

— ... ва Петерсон, уларни, албатта эгасига қайтариб берган.

— Бизнинг олдимиизда турган жумбоқ шундан иборат-да, азизим. Ўша нотаниш одам киму қасрда яшайди? Рост, ғознинг чап оёғига боғланган бир парча қоғозга: «Миссис Генри Бейкер» деб ёзиб қўйилган. «Г. Б.» ҳарфлари бу шляпанинг астарида ҳам бор. Аммо шаҳарда бир неча минг Бейкер, шу жумладан бир неча юз Генри Бейкер яшаётгани учун йўқолган буюмни улардан биронтасига қайтариб бериш осон эмас.

— Хўш, кейин Петерсон нима қилибди?

— У менинг ҳатто энг арзимайдиган жумбоқларни ечишга ишқибозлигимни билгани учун ғозни ҳам, шляпани ҳам тўппа-тўғри менга олиб келибди. Ғозни биз то шу бугун эрталабгача сақладик, шундан кейин кун соvuқлигига қарамай, уни сўйиб ея қолган дуруст, деган қарорга келдик. Петерсон уни олиб кетди, роса яйраган бўлса керак, менда эса байрам оқшомида ейман, деган исъматидан ажралган нотаниш кишининг шляпаси қолди.

— У газетада эълон бермабдимн?

— Иўқ.

— Унинг ким эканлигини қаёқдан биласиз?

— Фақат мулоҳаза қилиб кўриш билан.

— Шу шляпага қараб мулоҳаза қилибми?

— Албатта.

— Ҳазиллашаётисиз! Бу эски, дабдала наматдан нимани билиб олиш мумкин ўзи?

— Мана лупам. Уни олиб бу шляпага менинг методими тадбиқ этишга ҳаракат қилиб кўрнинг. Бу методни сиз тузукнина биласиз. Шляпанинг эгаси тўғрисида сиз нима дея оласиз?

Мен йиртиқ шляпани олиб, уни ҳафсаласизлик билан құлымда айлантирдим. Оддийгина ғилдирак қора шляпа. Дағал, жуда күп кийилган. Шоҳи астари бир вақттар қызил бўлган, ҳозир эса айниб кетибди. Фабрика маркасини тополмадим, аммо Холмс айтганидек, ичдан ён томонидаги «Г. Б.» ҳарфлари кўриниб туради. Қайтармасида шляпани тортиб турадиган резинка ўтказиладиган тешикни кўрдим, аммо резинкаси йўқ эди. Умуман, шляпа йиртиқ, кир-яғир, дод босган эди. Дарвоҳе, бу доғларни яшириш учун устидан сиёҳ ҳам суртилган экан.

— Мен унда ҳеч нарса кўрмадим, — дедим шляпани Шерлок Холмсга қайтариб.

— Йўқ, Уотсон, сиз ҳамма нарсани кўриб турибсиз. Аммо кўриб турган нарсаларингиз устида бош қотиргингиз келмаётиди. Сиз мантиқий хulosалар чиқаришда жуда журъатсизлик қиласиз.

— Унда, мумкин бўлса, бу шляпани кўздан кечирганда ўзингиз қандай хulosалар чиқарганингизни айтиб берсангиз.

Холмс шляпани қўлига олиб, унинг ёлғиз ўзигагина хос бўлган синчков назар билан кўздан кечира бошлади.

— Албатта, ундаги кўпгина нарсалар унча равшан эмас,— деб уқтириди у,— аммо баъзи нарсаларни аниқ айтиш мумкин, баъзи нарсаларнинг эса эҳтимолдан холи эмаслигини анчагина қатъият билан тахминлаш мумкин. Масалан, шуниси мутлақо аёнки, унинг эгаси жуда ақлли одам, уч йил муқаддам пули кўп бўлган, ҳозир эса бошига қора кунлар тушган. У ҳамиша тадбирли бўлган, ҳамиша эртанги куннинг ғамини еган, ҳозир эса ўзига қарамай қўйган. Чунки унинг давлати ҳам камайган, биз у биронта ҳалокатли нуқсонга— эҳтимолки, ичкиликка дучор бўлиб қолган, дея оламиз. Эҳтимолки, шу сабабдан хотинининг кўнгли қолган бўлса ҳам ажаб эмас...

— Азизим Холмс!

— Аммо у ҳар қалай, ўз фазилатларини бир қадар сақлаб қолган,— деб сўзини давом эттириди Холмс, менинг хитобимга эътибор бермай.— У уйида ўтириб қолган, кўчага камдан-кам чиқади, спорт билан мутлақо, шуғулланмайди. Бу ўрта ёшлардаги одам, соchlарига оқ оралаган, сочмой суртади, сочини яқинда олдирган. Қолаверса, қатъий аминманки, унинг уйида газ чироқ йўқ.

— Ҳазиллашаётисиз шекилли, Холмс.

— Асло. Наҳотки буларнинг ҳаммасини гапириб берганимдан кейин ҳам, буларни қандай қилиб билганимни тушунмасангиз!

— Мени меров десангиз ҳам майли, аммо эътироф этишим керакки, сизнинг фикрларингизни кузатиб боришдан ожизман. Масалан, унинг жуда ақлли эканлигини қаёқдан билдингиз?

Холмс жавоб бериш ўрнига шляпани бошига кийди. Шляпа пешонасини яшириб қаншаригача келиб тушди.

— Катталигини кўряпсизми? — деди у. — Шундай каттакон калланинг ичидаги ҳеч нарса йўқ, деб бўлмайди-ку.

— Хўш, унинг камбағал бўлиб қолганини қаёқдан билдингиз бўлмаса?

— Бу шляпанинг олинганига уч йил бўлган. Четлари букилган текис қайтарма ўша вақтларда жуда расм бўлган эди. Шляпанинг сифати яхши. Мана бу ипак тасмани, ажойиб астарини кўринг. Агар бу одам уч йил муқаддам шундай қимматбаҳо шляпани сотиб олишга қодир бўлиб, шу вақтгача бошқасини сотиб олмаган экан, мутлақо равшанки, унинг ишлари орқага кетган.

— Хўп, майли, бу борада ҳақлига ўхшайсиз. Аммо унинг тадбиркор одамлигини, ҳозирги пайтда эса руҳий тушкунликка тушганини қаёқдан билдингиз?

— Тадбиркорлиги — мана,— деди у резинка ўтказнладиган тешникни кўрсатиб. — Резинкани ҳеч қачон шляпа билан бирга қўшиб сотишмайди, уни алоҳида сотиб олиш керак. Модомики, бу одам резинка сотиб олиб, уни шляпасига тақиб беришларини буюрган экан, демак у шляпасини шамол учирив кетмаслигининг тадбирини кўрган. Аммо резинка узилиб кетган, у янгисини олиб тақмаган, шунга қараб айтиш мумкинки, илгарини ўзига, усти бошига оро бериб юрган, ҳозир эса ҳафсаласиз бўлиб қолган, яъни ўзига эътибор қилмай қўйган. Бироқ, иккинчи томондан, у шляпадаги доғларни яшиromoқчи, уларни сиёҳ билан бўямоқчи бўлган, демак, у иззат-нафсини ҳали унча йўқотган эмас.

— Буларнинг ҳаммаси ростга ўхшайди.

— Унинг ўрта яшар одам эканлиги, сочига оқ орагани, сочини яқинда олдиргани ва сочмой суркаши — буларнинг ҳаммаси шляпасининг астарини диққат билан кўздан кечирилса аён бўлади-қолади. Лупадан сартарошнинг қайчиси қирқкан соchlари ёпишиб қолганлиги кўриниб турибди. Соchlардан мой ҳиди келаётиди. Эътибор беринг, унга ёпишган гард кўчага хос кулранг,

Құмоқ әмас, уйға хос құнғир, момиқнамо .Демак, шляпа күпнича уйда осилиб турған. Унинг ич томонидаги нам асоратлари шундан далолат беради, әгаси унар-унасга терлаб кетаверади, чунки ҳаракат құлмай қўйған.

— Хотининг кўнгли қолганини қаёқдан билдингиз?

— Шляпа бир неча ҳафтадан бери тозаланмаган. Борди-ю, азизим Уотсон, сизнинг шляпангиз ақалли бир ҳафтадан бери тозаланмаганини, хотинингиз шу аҳволда кўчага чиқишингизга изн берганини кўрсам, сиздан ҳам хотинингизнинг кўнгли қолиб баҳтсизликка учраб-сиз-да, деб хавотир олган бўлардим.

— Балки у бўйдоқдир?

— Йўқ, у уйига ғозни худди хотининг кўнглини олиш учун олиб кетаётган бўлган. Парранданинг оёғига боғланган қоғозни эсланг-а.

— Ҳамма нарсага жавобингиз тайёр. Аммо унинг уйида газ йўқлигини қаёқдан билишингиз мумкин?

— Шляпага томган бир-икки ёғ томчиси — тасодиф. Аммо мен уларнинг бешдан кам әмаслигини кўрарканман, бу одамнинг ўқтин-ўқтин шамдан фойдаланиб туришидан шубҳаланмайман — афтидан у кечалари бир қўлида шляпасини, бир қўлида ёғи эриб оқаётган шамини ушлаганча, зинапоядан чиқиб тушса керак. Ҳар қалай, газдан ёғ томмайди... Энди фикримга қўшиларсиз?

— Ҳа, буларнинг ҳаммаси оддийгина гап экач,— дедим кулиб.— Аммо сиз гапириб берган нарсада жиноят асари йўқ. Ҳеч ким зарар кўрмаган — ғозини йўқотган одамдан бошқа ҳеч ким зарар кўрмаган — демак, сиз беҳуда бошингизни қотиргансиз.

Шерлок Холмс жавоб бериш учун оғиз жуфтлаган ҳам эдики, шу пайт эшик ланг очилиб, хонага саросимага тушган, ҳаяжонланган хат ташувчи Петерсон отилиб кирди. Унинг ёноқлари ловиллаб ёнарди.

— Ғоз-чи, ғоз, мистер Холмс!..— деб қичқирди у нафаси тиқилганча.

— Хўш, унга нима бўлди? Жон кириб, ошхонанинг деразасидан учнб чиқиб кетдими?

Холмс Петерсоннинг ҳаяжонланган юзига яхшилаб разм солиш учун күшеткада ётган жойида ўғирилди.

— Буни қаранг, сэр, хотиним упинг бўтакасидан топган нарсани қаранг!

У қўлини чўзди, биз унинг кафтида нўхатдан кичикроқ чақнаб турған мовий тошни кўрдик. Тош шу қадар

шаффоф эдики, унинг қорамағиз кафтида худди электр учқунидек чақнаб турарди.

Холмс ҳуштак чалиб юбориб, күшеткага ўтириб қолди.

— Худо ҳақи, Петерсон,— деди у,— сиз хазина то-пибсиз! Ишонаманки, бунинг нима эканлигини пайқаёт-гандирсиз?

— Бриллиант, сэр! Қимматбаҳо тош! У ойнани мой кесгандек кесади!

— Бу қимматбаҳо тошгина эмас—бу худди ўша қим-матбаҳо тош.

— Бу, наҳотки, графиня Моркарнинг мовий карбун-кули бўлса?— деб қичқириб юбордим мен.

— Мутлақо тўғри. Мен унинг қанақалигини била-ман, чунки сўнгги кунларда ҳар куни «Таймс»да бу тўғридаги эълонларни ўқирдим. Бу дунёда монанди йўқ тош, унинг чинакам баҳосини тусмоллабгина айтиш мумкин. Уни топган одамга ваъда қилинган минг фунт миқдордаги мукофот асли баҳосининг йигирмадан бир улушини ҳам ташкил қилмаса керак.

— Минг фунт! Ё раббий!

Ўзини креслога ташлаб, хат ташувчининг кўзлари ола-кула бўлиб, гоҳ менга, гоҳ Холмсга тикиларди.

— Мукофот ўз йўли билану, аммо менинг шундай асосларим борки,— деди Холмс,— графиня баъзи муло-ҳазаларга кўра бу тошни қайтариб олиш учун бор дав-латининг ярмини беради.

— Янглишмасам, бу нарса «Космополитен» меҳмонхонасида йўқолган эди шекилли,— дедим мен.

— Жуда тўғри. Йигирма иккичи декабрда, бундан роппа-роса беш кун муқаддам. Бу тошни ўғирлашда кавшарчи Жон Хорнерни айлаган эдилар. Унга қарши қўйилган далиллар шу қадар жиддийки, иш судга оширилган. Дарвоқе, мана бу иш ҳақида газета ҳисоботи бор эди шекилли.

Шерлок Холмс газеталарни узоқ титкилаб, ниҳоят биттасини олди-да, икки буклаб, қўйидагиларни ўқиди:

«КОСМОПОЛИТЕН» МЕҲМОНХОНАСИДАН ҚИММАТБАҲО НАРСАЛАР ҮҒИРЛАНДИ

Йигирма олти яшар кавшарчи Жон Хорнер мазкур ойнинг йигирма иккисида графиня Моркарнинг қутича-сидан унинг «мовий карбункул» номи билан машҳур бўлган қимматбаҳо тошини ўғирлашда айланди. Меҳ-

Монхонанинг бош хизматкори Жеймс Райдернинг шоҳидлик беришича, ўғирлик содир бўлган куни у Хорнерни графиня Моркарнинг пардозхонасида кўрган. Хорнер у ерда камин папжарасининг кўчиб кетган симини кавшарлаётган экан. Райдер бир оз вақт хонада Хорнер билан бирга бўлган, аммо кейин уни чақириб қолгандар. Қайтиб келиб Хорнернинг ғойиб бўлганини, столғаладони синдирилганини кўрган, кейинчалик маълум бўлишича, графиня ўз одатига кўра қимматбаҳо тошини олиб юрадиган кичкина саҳтиён қутича пардоз столчасида ётганмиш, ичидаги ҳеч нарса йўқ эмиш. Райдер шу заҳотиёқ шовқин кўтарган, ўша куни кечқурун Хорнер қамоққа олинган, аммо тошни унинг ёнидан ҳам, хонасидан ҳам тополмаганлар. Графинянинг жорияси Қэтрин Кьюзек шоҳидлик беришича, у Райдернинг жонҳолатда қичқирганини эшишиб, хонага югуриб кирган ва у ҳам тошнинг ғойиб бўлганини кўрган. «Б» қисмининг полиция инспектори Брэдстрит Хорнерни қамоққа олишга фармойиш берган, Хорнер қаттиқ қаршилик кўрсатган ва қизишиб гуноҳсиз эканлигини исботлашга тиришган. Аммо Хорнер илгари ҳам ўғирлик қилгани учун судланганлиги сабабли, судья бу ишни кўриб чиқишдан бош тортиб, уни маслаҳатчилар судига оширган. Шу вақт давомида қаттиқ ташвишланаётганлиги аён кўриниб турган Хорнер бу қарорни эшишиб беҳуш бўлиб йиқилган, уни суд залидан олиб чиқиб кетганлар.

— Ҳм! Полиция берган маълумотнинг бори шу,— деди Холмс ўйчанлик билан газетани бир четга қўяркан.— Бизнинг эндиғи вазифамиз, тош қандай қилиб графинянинг қутиласидан ғознинг бўтакасига ўтиб қолганини аниқлаш. Кўрдингизми, Уотсон, бизнинг оддий жўнгина мулоҳазаларимиз бирданига диққатга сазовор бўлиб қолди. Улар биз тахмин қилганимиздан кўра фойдалари оқчиқиб қолди. Мана бу тош... Бу тош ғозниң қорнида, ғоз эса мистер Генри Бейкернинг қўлида эди, у мана бу дабдала шляпанинг эгаси, мен сизга унинг кимлигини таърифлаб бераман деб ғоятда диққатингизни ошириб юбордим. Хўш, энди биз бу жентльменни қидириб топиш билан жиддий шуғулланиб, унинг бусирли ҳодисада қандай роль ўйнаганлигини аниқлашимиз керак. Уни қидириб топиш учун биз аввал энг оддий бир йўлни қўллаб кўрамиз; кечки газеталарнинг ҳаммасида эълон бостирамиз. Бу йўл билан мақсадимизга эришолмасак, унда бошқача усувларни қўллайман.

— Эълонда нима дейилади?

— Менга қалам билан бир парча қоғоз беринг. Мана бундай деймиз: «Гуж-стритнинг муюшидан фоз билан қора намат шляпа топиб олинди. Мистер Генри Бейкер уларни бугун кечқурун 6.30 да Бейкер-стритдаги 221—Б-рақамли уйга келиб олиб кетиши мумкин». Қисқагина ва лўнда.

— Гоятда. Лекин у эълонни ўқирмикан?

— Албатта. У ҳозир ҳамма газеталарни кузатади, чунки у камбағал одам, байрамга атаб олинган фоз унинг учун бир дунё бойлик. У ойнанинг синганини эшитиб ва Петерсоннинг югуриб келаётганини кўргач, ҳеч нарсани ўйламай қочиб қолган. Кейин эса беҳуда қўрқиб, фозини ташлаб қочганига ачинган, албатта. Газетада биз унинг номини тилга оламиз. Ҳар бир таниш эълонимизни дарров унга кўрсатади... Бўлмаса, Петерсон, тезроқ эълонлар бюросига югуринг, шу сатрларни кечки газеталарда эълон қилишсиз.

— Қайсиларида, сэр?

— «Глоб», «Стар», «Пэлл-Мэлл», «Сент-Жеймс Газет», «Ивнинг Ньюз», «Стандард», «Ико» ва эсингизга келган бошқа газеталарнинг ҳаммасида бостиринг.

— Хўп бўлади, сэр. Бу тошни нима қилай?

— Э-ҳа! Тошни мен олиб қоламан. Сизга миннатдорчилик билдираман. Қайтишингизда, Петерсон, йўлда фоз сотиб олиб, менга ташлаб кетинг. Ахир биз у жентльменга ҳозир сизнинг оиласиздагилар маза қилиб еяётган фознинг ўрнига бошқа фоз беришимиз керак-ку.

Хат ташувчи чиқиб кетди. Холмс эса тошни олиб, уни ёруққа солиб кўра бошлади.

— Аломат тош!— деди у.— Товланиб, чақнашини қаранг. Ҳар қандай қимматбаҳо тошга ўхшаб бу ҳам жиноятчиларни худди оҳанрабодек ўзига тортади. Чинакам иблиснинг тузофи. Катта, кўхна қимматбаҳо тошларнинг ҳар бир қирраси қандай бўлмасин бир қонли ёвузлик ҳақида ривоят қиласиди. Бу тошнинг топилганига ҳали йигирма йил ҳам бўлган эмас. У Фарбий Хитойдаги Амой дарёсининг соҳилидан топилган, шуниси билан диққатга сазоворки, унда карбункулнинг бир хоссасидан ташқари ҳамма хоссалари мужассам: ранги қизғиш ёқут тусли эмас, мовий. Яқинда топилганига қарамай, мудҳиш воқеаларга алоқадор қирқ гран¹ келадиган бу тиник шаффоф кўмир туфайли кўпдан-кўп талончилик со-

¹ Гран — 0,0622 граммга баровар эски ўлчов бирлиги.

дир бўлган, икки одам ўлдирилган, бир одам ўзини-ўзи ўлдириган, кимнингдир устидан олтингугурт кислотаси қуйиб юборишган. Шундай чиройли бир матоҳ одамларни турма билан дорга сургайди, деб ким ҳам ўйлаши мумкин. Бу тошни пўлат сандигимга солиб қулфлаб қўяман, графиняга, менда сақданаётиди, деб ёзаман.

— Сиз, Хорнер гуноҳсиз, деб ўйлайсизми?

— Ҳеч нарса деёлмайман ҳозирча.

— Бу ишда Генри Бейкернинг қўли борми?

— Тўғрироғи, Генри Бейкернинг бу ишга сира ҳам дахли йўқ, ўйлайманки, агар бу ғоз бошдан-оёқ олтиндан бўлган тақдирда ҳам ўша тош нархидан бир неча бор арzon туриши хаёлига ҳам келмаган. Агар Генри Бейкер бизнинг эълонимизни эшитиб келса, бу нарсани тез орада албатта билиб оламиз.

— Унгача сиз ҳеч қандай тадбир кўролмайсизми?

— Йўқ, ҳеч нарса қилолмайман.

— Undай бўлса, мен беморларимни кўргани жўнай, кечқурун эса тайинлаган вақтингизда яна келаман. Бу чигил ишнинг нима билан тугашини билгим келади.

— Келсангиз миннатдор бўлардим. Мен еттида овқатланаман. Овқатга каклик тортилса керак. Дарвоқе, бояги воқеалардан кейин, миссис Хадонга, унинг бўтакасини яхшилаброқ қаранг, десакмикан?

Мен бир оз тутилиб қолдим. Бейкер-стритга қайтиб келганимда соат олти яримлардан ошиб қолган эди.

Эшикка яқинлашарканман, шотландча қалпоқ кийган, кийимининг тугмаларини томоғигача қадаб олган новча одамни кўрдим. Худди мен яқинлашишим билан унга эшикни очишли, биз Холмснинг хонасига бирга кириб бордик.

— Агар янглишмасам, мистер Генри Бейкер бўлсангиз керак?— деди Холмс креслодан туриб, меҳмонни оддийгина, хушхол қиёфада қарши оларкан, баъзан шундай қиёфага кира оладиган одати бор эди.— Марҳамат, оловга яқинроқ ўтиринг, мистер Бейкер. Кечқурун совуқ зўрайди, назаримда ёздан кўра қишига йўқроқсиз дейман... Уотсон, айни вақтида келдингиз-да... Бу сизнинг шляпангизми, мистер Бейкер?

— Ҳа, сэр, меники.

Бейкер калласи катта, ақлли, ялпоқ башарали, қўнғир чўққи соқолли, елкалари букик, жуссадор одам эди. Бурни билан ёноқларидаги қизил доғлар, узатган қўлнининг оҳиста қалтираши унинг ичкиликка мойил эканлиги ҳақидаги Холмснинг тахминини тасдиқларди.

Эгнида тұгмалари қадалған, сарғайғанроқ сюртүк, енгларидәң чиқиб турған озғын билакларыда ичкійими борлигидан асорат ҳам күрінмасди. Ү салмоқлаб, бўғиқ оҳанғда галирар, турмушнинг аччиқ-чучугини тотган зиёли одамнинг дидини берар эди.

— Биз шляпа билан ғозни бир неча кун сақлаб турдик,— деди Холмс,— чунки шу пайтгача, газеталарда ўз адресингизни маълум қилиб эълон бериб қоларсиз, деб кутдик. Билмадим, нега бундай қилмадингиз.

У хижил бўлиб, кулиб қўйди.

— Бир вақтлардагидек шиллингларим унча кўп эмас,— деди у.— Менга ёпишган безорилар шляпамни ҳам, ғозни ҳам олиб кетишгандир, деб пулни бекорга истроф қилгим келмади.

— Мутлақо табийи. Дарвоқе, ғозингизни пишириб ейишга тўғри келиб қолди.

— Пишириб ейишга тўғри келиб қолди!?

Мижозимиз қаттиқ ҳаяжонланганидан ўрнидан туриб кетди.

— Агар уни пишириб емасак барибир бузилиб қолар эди,— дея давом эттириди сўзини Холмс.— Аммо ўйлайманки, анави буфетда турған ғоз янгигини сўйилган, вазни ҳам ўшанча, ғозингизнинг ўрнини босса керак.

— О, албатта, албатта!— деб жавоб берди мистер Бейкер енгил тортиб.

— Лекин паррандангизнинг патлари, панжалари билан бўтакаси бизда қолади, борди-ю, сиз...

Бейкер самимий қаҳ-қаҳлаб кулиб юборди.

— Бошимдан ўтган саргузаштдан хотира сифатида олиб кетармидим,— деди у.— Ростини айтсам, марҳум қадрдонимнинг бебақо хоки менга нима иш бериншини билмайман! Йўқ, сэр, рухсатингиз билан бутун диққат-эътиборимни ўша буфетда турған ажойиб ғозга қаратқолсам.

Шерлок Холмс мен билан тез кўз уриштириб олгач, сезилар-сезилмас кифтини қисиб қўйди.

— Мана сизнинг шляпангиз, мана ғозингиз,— деди у.— Дарвоқе, сиз бу ғозни қаердан олганингизни менга айттолмайсизми? Бу борада анча кўзим қолган, ростини айтсам, бунақа бўрдоқисини кам кўрганман.

— Бажонидил, сэр,— деди Бейкер, ўрнидан туриб янги ғозини қўлтиқлаб олди.— Биз бир нечагина улфатмиз, музей яқинидаги «Альфа» майхонасиға бориб турамиз, биз, биласизми, музейда кун-узукун бўламиз. Бу йил майхонамизнинг хўжайини Виндигет «ғоз

клуби» ташкил қилди... у жуда ажойиб одам. Ҳар биримиз ҳафтасига бир неча пенсдан тўлаб мелод байраминга биттадан ғоз оламиз. Мен ўз ҳиссамни тўла-тўкис тўлаб бўлганман. Қолгани ўзингизга маълум, Сиздан ғоят миннатдорман, сэр, менинг ёшимдаги басавлат одамнинг шотландча қалпоқ кийиб юриши иоқулай-ку ахир.

У бизга кулгили, тантанавор тақлидда таъзим қилиб чиқиб кетди.

— Генри Бейкер важи тамом,— деди Холмс, унинг орқасидан эшикни беркитаркан.— Мутлақо аёнки, қимматбаҳо тош унинг етти ухлаб тушига ҳам кирган эмас. Қорнингиз қалай, Уотсон?

— Унча оч эмас.

— Унда мен тушлик овқатни кечга қолдириб, вақтни ўтказмай дарҳол ишга тушишни таклиф этаман.

— Жоним билан.

Совуқ бир кеча бўлгани учун пальто кийиб, бўйнilarимизга шарф ўрашга мажбур бўлдик. Булутиз очиқ осмонда юлдузлар хирагина жимирилаб турар, ўткинчиларнинг нафасидан чиқаётган ҳовур бир талай тўппончалардан отилган ўқнинг дудига ўхшар эди. Кўчалар бўйлаб одимларимиз аниқ эшитиларди. Биз Уимпол стрит ва Гарли-стритдан бориб, Вигмор-стрит орқали Оксфорд-стритга ўтдик ва чорак соатдан сўнг Холборнга олиб борадиган кўчалардан бирининг муюлишидаги оддийгина «Альфа» майхонаси яқинидаги Блумсберига этиб бордик. Холмс майхонага кириб оқ пешгири тутган қизил юзли майхоначига икки кружка пиво буюрди.

— Ўйлайманки, пивонгиз ажойиб бўлса керак, ғозларингиздан қолишимаса кераг-а,— деди Холмс.

— Фозларингиздан?

Майхоначи таажжулангандек эди.

— Ҳа. Ярим соатча бурун «ғоз клуб»ингизнинг аъзоси мистер Генри Бейкер билан суҳбатлашган эдим.

— Ҳа, ҳа, тушундим. Аммо, биласизми, сэр, фозлар менини эмас.

— Шунақами? Қимники бўлмаса?

— Йигирма тўртта ғозни Ковент-гардендаги бир савдогардан сотиб олган эдим.

— Йўғ-э? Мен улардан баъзиларини танийман. Қимдан сотиб олган эдингиз?

— У одамининг оти Брэкинриж.

— Э йўқ, Брэкинрижни танимайман. Ҳўп, сизниро саломатлигингиз ва муассасангизнинг равнақи учун, мезбон! Тунингиз хайрли бўлсин!

— Энди мистер Брэкинрижнинг олдига борамиз,— деди Холмс, совуққа чиқиб пальтосини тұгмаларкан.— Шуни унұтманғаны, Уотсон, занжиirimизнинг бир учида фақат ғозгина бўлиб, иккинчи учига бир одам кишанланганки, агар биз унинг гуноҳсиз эканлигини исботла масак, унга етти йиллик заҳматли сургун таҳдид қилиб турибди. Эҳтимол, бизнинг қидиришларимиздан айбордor худди ўшанинг ўзи деган хулоса чиқса-да, аммо, ҳар қалай, калаванинг учи полициянинг қўлига илинмай, тасодифан бизнинг қўлимизга тушиб қолди. Биз уни тутиб, қандай хунук оқибатларга олиб бормасин, охиригача етмай қўймаймиз. Шундай қилиб, жанубга бурилиб, илгарига қараб юрамиз.

Биз Холборндан ўтиб, Энделл-стрит бўйлаб бордикда, аллақандай пасқам кўчалар орқали Ковент-гарден бозорига чиқдик. Энг катта дўконлардан бирига «Брэкинриж» деб ёзиб қўйилган эди. От юзли, басавлат, бақенбардли дўкондор бир болага дарчаларни ёпишда кўмаклашмоқда эди.

— Хайрли кеч! Совуқ роса забтига олаётидими, а?— деди Холмс.

Савдогар бош қимирлатиб, дўстимга савол назари билан қаради.

— Фозларни сотиб бўлганга ўхшайсиз-а,— дея гапини давом эттириди Холмс, бўш турган мармар пештактани кўрсатиб.

— Эртага эрталаб беш юзта десангиз ҳам олишиниз мумкин.

— Эртага бошимга ураманми!

— Ҳов анати чироқ ёниб турган дўконда унча-мунча қолган бўлса керак.

— Ҳа, аммо мени сизга юборишган эди-да.

— Қим?

— «Альфа»нинг эгаси.

— Э, ҳа! Унга йигирма тўртта жўнатганман.

— Ажойиб ғозлар экан! Сиз уларни қаёқдан олгандингиз?

Мен ҳайрон қолдим, бу саволдан савдогарнинг жини қўзиб кетди.

— Ҳўш, мистер,— деди у бошини кўтариб, қўлларини белига қўяркан,— нимага шама қиляпсиз? Тўғрисини айтаверинг.

— Мен тўппа-тўғрисини айтапман, «Альфа»га еткашиб турган ғозларинизни сизга ким сатаётганини билмоқчи эдим.

— Айтмайман.
— Айтмасангиз айтмай қўяқолинг. Осмон узилиб ерга тушармиди! Қизиқ, шу арзимаган нарсага ҳам мунча жиғибийронингиз чиқмаса?

— Жиғибийронингиз чиқмаса? Агар сиз менинг ўрнимда бўлиб, сизга ҳам шунақа хирадлик қилаверишсинчи, ўзингизнинг ҳам жиғибийронингиз чиқмасмикан! Мен яхши молга яхши ҳақ тўлайман, гап шу, вассалом. «Фозларингиз қаёқда?», «Фозларини кимдан сотиб олгансиз?», «Фозларни кимга сотгансиз?», «Фозларингиз неча пулдан?» деганларига ўлайми! Шу фозлар тўғрисида кўтарилиган шов-шувга қулоқ солиб турсанг, дунёда булардан бошқа ташвиш йўқдек!

— Сизни қийиноқ-қистоққа олиб сўроққа тутадиган одамларга менинг ҳеч қандай алоқам йўқ,— деди лоқайдлик билан Холмс.— Гапиргингиз келмаса гапирмай қўяқолинг. Аммо мен парранда важига унча-мунча тушишнаман, мен пишириб еган фоз қишлоқда боқилган, деб беш фунт стерлингдан бас бойлашганиман.

— Фунтларингиздан ажралибсиз! Шаҳарда боқилган фоз!— деб юборди савдогар.

— Бўлмаган гап!

— Ҳа, шаҳарда боқилган фоз!

— Ўлсам ҳам ишонмайман!

— Ҳали, бу ишни сендан кўра кўпроқ биламан, демоқчимасмисиз, ахир мен бу иш билан йўргакдалигимдан бери шуғулланаман-а! Сизга айтяпманки, «Альфа»га сотган фозларимнинг ҳаммаси қишлоқда эмас, шаҳарда боқиб семиртирилган.

— Сиз мени бу тутуруқсиз гапга ҳеч қачон ишонтиромайсиз.

— Гаров ўйнайсизми?

— Унда, пулим кетди, деяверинг! Мен ўзимнинг ҳақ эканлигимга шак-шубҳа қилмайман. Аммо ўжарлик қилганингизга таъзирингизни бериб қўйиш учун бир соверен тикишга розиман.

Савдогар заҳарханда билан тиржайнб қўйди.

— Дафтарларни олиб кел-чи буёққа, Билл,— деди у. Бола бири юпқа, иккинчиси эса ёғ босган катта дафтарни олиб келиб, пештахтадаги чироқ тагига қўйди.

— Ҳўш, мистер Баҳсчи,— деди савдогар,— мен, бугун бор фозларимнинг ҳаммасини сотиб бўлдим, деб турган эдим: худойи таоло дўконимга яна бир ғўдайган фозни етказди. Мана бу дафтарни кўряпсизми?

— Ҳўш, нима экан?

— Бу мен мол харид қиладиган одамларнинг рўйхати. Кўряпсизми? Мана бу ерда қишлоқдаги мол етзаб берувчиларнинг отлари ёзилган, ҳар бир фамилиядан кейин қўйилган рақам дафтардаги улар билан олиб бориладиган ҳисобни кўрсатадиган бетни билдиради. Қизил сиёҳ билан тўлдирилган мана бу бетни кўряпсизми? Бу шаҳардаги мол етказиб берадиган кишиларимнинг рўйхати. Бу ердаги учинчи фамилияни овозингизни чиқариб ўқинг.

— «Миссис Окшот, Брикстон-род 117, бет 249»,— деб ўқиди Холмс.

— Мутлақо тўғри. Энди катта дафтардаги 249- бетни очинг.

Холмс ўша саҳифани очди.

— Мана: «Миссис Окшот, Брикстон-род 117 илвасин билан тухум етказиб беради».

— Охирги ёзувда нима дейилибди?

— «Декабрнинг йигирма иккисида йигирма тўртта фоз, ети шиллингу олти пенсдан».

— Тўппа-тўғри. Буни эслаб қўйинг. Пастида-чи?

— «Альфа»га, мистер Виндигетга сотилган, ўн икки шиллингдан».

— Хўш, энди нима дейсиз?

Шерлок Холмс қаттиқ ачингандек кўринди. Чўнтағидан бир соверен пул олиб, уни пештахтага улоқтириди-да, шарт бурилиб хафа бўлгандек индамай ташқарига чиқди. Бир неча қадам юргач, у фонаръ остида тўхтади-да, одатдагидек қувноқ ва сассиз кулиб юборди.

— Борди-ю, чўнтағига шундай қизил дастрўмоли билан шундай мўйлови бор одамни кўрсангиз, унга истаган гаровингизни таклиф этиб, ундан ҳар қандай маълумотни билиб олишингиз мумкин,— деди у.— Қатъий айтаманки, у билан гаров боғлашиб қўлга киритган шундай муфассал маълумотларни юз фунт сарфлаганимда ҳам ундан ҳеч қачон ололмасдим. Шундай қилиб, Уотсон, назаримда, сирли ипнинг чигалини охиригача ёзгандекмиз. Эндиликда ҳал қилишимиз керак бўлган бирдан-бир нарса шуки, ўша миссис Окшот деганинига ҳозир борамизми ёки бу ишни эрталабгача қолдирамизми? Аnavи қўполнинг сўзларидан кўриниб турибдик, бу иш билан биздан ташқари яна аллакимлар қизиқаётганга ўхшайди, шунинг учун мен...

Биз ҳозир ташлаб чиқсан дўкондан туйқусдан эштила бошлаган шовқиндан Холмснинг гапи оғзида қолди. Орқага ўгирилиб қаарканмиз, чайқалиб турган чироқ-

нинг сарғиши шуъласида қизил башарали жиккаккина одамни кўрдик. Брэкинриж дўкон эшигида турганча унга мушт дўлаярди.

— Ўзларинг ҳам, ғозларинг ҳам жонимга тегди!— деб бақиради Брэкинриж.— Ҳаммаларингни ҳам жин урсин! Яна бир карра ана шу аҳмоқона саволларингизни берадиган бўлсангиз, итимга талатаман. Олиб келинг мисс Окшотингизни, унга ўзим жавоб бераман. Бу ишга сизнинг нима даҳлингиз бор? Ғозларни сиздан сотиб олганимидим?

— Йўқ, аммо, ҳар қалай, улардан бири менини эди,— деб нолиди ҳалиги одам.

— Бўлмаса, уни ўша миссис Окшотдан талаб қилинг!

— У сиздан сўрашни айтган эди.

— Менга деса Пруссия қиролидан бориб сўрамайсизми! Жонимга тегдингиз! Бас! Йўқолинг бу ердан!

У қаҳр билан олдинга ташланган эди, ҳалиги одам дарҳол қоронғиликка кириб ғойиб бўлди.

— Ана, Брикстон-родга бормасак ҳам бўладиганга ўхшайди,— дея шивирлади Холмс.— Қани, бориб кўрайликчи, бу кимса бизга иш бериб қолмасмикан.

Ёп-ёруғ дўконлар атрофида сангиф юрган бир тўда бекорчилар орасидан ўтиб бориб дўстим ҳалиги одамга етиб олди-да, унинг елкасига қўлини ташлади. У шартта ўғирилиб қаради, газ фонаръ ёруғида унинг ранги қув ўчиб кетганини кўрдим.

— Сиз ким бўласиз? Нима ишингиз бор менда?— деб сўради у овози қалтираб.

— Мени кечиринг,—деди мулойимлик билан Холмс.— Аниви савдогардан нимани сўраганингизни тасодифан эшишиб қолдим. Ўйлайманки, сизга фойдам тегиб қолар.

— Сизнинг-а? Кимсиз ўзи? Менга нима кераклигини қаёқдан биласиз?

— Отим Шерлок Холмс. Қасбим — бошқалар билмайдиган нарсаларни билиш.

— Аммо мен билишим керак бўлган нарса ҳақида сиз ҳеч нарсанн билган бўлишнинг мумкин эмас.

— Айбга буюрмайсиз, аммо мен ҳаммасини биламан. Сиз Брикстон-роддаги миссис Окшотнинг Брэкинриж деган савдогарга сотган ғозларининг изларинн топишга уриниб юрибсиз. Брэкинриж буларни «Альфа»нинг эгаси мистер Виндигетга, униси эса, ўз навбатида Генри Бейкер аъзо бўлуб турган ўзининг «ғоз клуб»ига сотган.

— О сэр, мен учрашиш иштиёқида юрган одам худди сиз экансиз!— деб юборди у қалтираётган қўлларини

олдинга чўзиб.— Бу гапларнинг мен учун нечоғли муҳим эканини сизга изҳор қилишдан ожизман!

Шерлок Холмс ўтиб кетаётган извошлини тўхтатди.

— Ундай бўлса, бу изғирин ўйнаган бозор саҳнидан кўра, шинамгина хонада гаплашганимиз дуруст,— деди у.— Аммо йўлга равона бўлишимиздан олдин, мумкин бўлса, шу нарсани айтсангиз, мен кимга бақадриҳол ёрдам беришдек шарафга мусассар бўлмоқдаман?

Бу одам бир лаҳза иккиланиб қолди.

— Менинг отим Жон Робинсон,— деди у кўзини четга олиб қочиб.

— Йўқ, йўқ, асл номингиз нима?— деди хушмуомалик билан Холмс.— Киши ҳамиша асл номи билан иш кўргани қулайроқ.

Нотаниш одамнинг рангпар юзи қизариб кетди.

— Ундай бўлса,— деди у,— менинг асл номим Жеймс Райдер.

— Мана буниси тўғри. Сиз «Космополитен» меҳмонхонасида хизмат қиласиз. Марҳамат, кэбга чиқинг, ҳадемай билмоқчи бўлган ҳамма нарсангизни айтиб бераман.

Бу кичкина одам жойидан қўзғалмасди. У гоҳ бирилизга, гоҳ иккинчимизга тикилар, қўзларидағи умид ўрнини ваҳима эгаллаган эди. Ўзини кулфат кутаётибдими ёки катта баҳт кутаётибдими, буни билолмаганлиги кўриниб турарди. Ниҳоят у кэбга чиқди, ярим соатдан сўнг Бейкер-стритдаги меҳмонхонамизга етиб келдик.

Йўлда ҳеч ким чурқ этиб оғиз очмади. Аммо ҳамроҳимизнинг чуқур хўрсиниб, кафтларини жон-жаҳди билан юмиб очишидан, унинг йўл бўйи қандай асабий ҳолатда келгани сўзсиз аён эди.

— Мана, уйга ҳам етиб келдик!— деди хушчақчақлик билан Холмс.— Бундай ҳавода ланғиллаб турган каминдан яхши нарса борми дунёда! Совқотдингиз шекилли, мистер Райдер. Марҳамат, мана бу тўқима креслога ўтириинг. Хонаки туфлимни кийиб олай, кейин дарҳол сизнинг ишингиз билан шуғулланишга киришамиз. Ҳўп, ма-на! Сиз анави ғозларнинг нима бўлганини билмоқчисизда, шундайми?

— Ҳа, сэр.

— Тўғрироғи, анави ғознинг нима бўлганини билмоқчисиз-а? Назаримда, сизни улардан биргинаси — думида қора йўли бор оқ ғоз қизиқтирган шекилли...

Райдер ҳаяжондан типирчилаб қолди.

— О, сэр! — дея қичқириб юборди у. — Сиз менга ўша ғознинг қаердалигини айтиб бера оласизми?

— У шу ерда.

— Шу ерда?

— Ҳа. Ўзи ҳам ажойиб ғоз экан. Унга қизиқиб қолганингиз ҳам бежиз эмас экан. Ўлганидан кейин чироили, ярқироқ мовий тухум қилди. Тухум шу ерда, менинг музейимда.

Меҳмонимиз ўринидан туриб кетиб, гандираклаганча ўнг қўли билан камни тахтасини ушлаб қолди. Холмс пўлат сандиқни очиб, ундан худди митти юлдуздек товланиб ярқираётган мовий карбункулни олди. Райдер бу тошни талаб қилиб олишини ҳам, унга бўлган ҳар қандай ҳақ-ҳуқуқидан воз кечишини ҳам билмай бақрайиб турарди.

— Чув тушдингиз, Райдер,— деди хотиржамлик билан Шерлок Холмс.— Оёғингизни қаттиқроқ босиб туринг, бўлмаса ўтга йиқилиб тушасиз. Уни ўтқазиб қўйинг, Үотсон. Сир бой бермай, хотиржамгина қаллоблик қилишга ҳали чоғи келмайди. Унга бир қултумгина ароқ беринг. Ана энди сал одам башара бўлди. Қўнғиздан ҳам ҳароб-а!

Райдер гандираклаб кетиб ерга йиқилиб тушишига сал қолди, аммо ароқдан ёноқларига сал-пал қизиллик югуриб, фош этувчисига ваҳима билан бақрайиб тикиланча ўрнига ўтиrdи.

— Мен қариyb ҳаммасини биламан, қариyb естарли далилу исботларга эгаман, шунинг учун сиз озгина қўшимча қилсангиз бас. Бироқ ўша озгина нарсани ҳозирнинг ўзидаёқ гапириб беришингиз керак бизга, токи ишда ҳам ноаниқ жойи қолмаслиги керак. Сиз графиня Моркарнинг мовий карбункули бор эканини қаёқдан билдингиз, Райдер?

— Менга буни Қэтерин Кьюзек айтди,— деб жавоб берди у титроқ овоз билан.

— Биламан: жаноби олияларининг жорияси. Осонгина бойлик орттириш вассасаси сиздан ғолиброқ келган, бу нарсани сиздан кўра мўътабарроқ зотлар ҳам бир неча бор бошларидан кечирганлар. Сиз андишани йифиштириб қўйгансиз. Назаримда, Райдер, сиздан бора-бора бинойидекина газанда циқиши мумкин эди! Сиз Хорнер деган кавшарчининг илгари бир марта ўғирлик қилиб қўлга тушганини, ҳаммадан олдин ундан шубҳаланишларини билгансиз. Нима тадбир кўргансиз? Графинянинг хонасидаги камни панжарасининг симини синдиргансиз,

шеригингиз Кьюзек билан икковларингиз атайлаб шундай бир тадбир кўргансизларки, зарур ремонт ишини Хорнер бажаришига эришгансизлар. Хорнер кетгач, сизлар қутичадаги тошни ўғирлаб, шовқин кўтаргансизлар, у шўрликни қамоққа олганлар. Шундан сўнг...

Шу орада Райдер бирдан гиламга сирғалиб тушиб, дўстимнинг тиззаларини икки қўли билан қучоқлаб олди.

— Худо ҳақи, менга раҳмингиз келсин! — дея қичқириб юборди у. — Отам билан онамга раҳмингиз келсин. Буни эшитишса, адойи тамом бўлишади. Мен ҳеч қачон ўғирлик қилган эмасман! Ҳеч қачон! Иккинчи бундай қилмайман, онт ичаман! Таврот ҳақи қасам ичаман! О, бу ишни судга оширманг! Худо ҳаққи, судга оширманг!

— Жойингизга ўтиринг, — деб жеркиб берди Холмс. — Энди етти букилиб ер ўпасизми? Шўрлик Хорнерни қилмаган жинояти учун айбдорлар курсисига рўпара қилаётганингизда нималарни ўйлаган эдингиз?

— Мен қочиб кетишим мумкин, мистер Холмс! Англиядан бош олиб кетаман, сэр! Шунда унга тақилган айбекор бўлади...

— Ҳм! Биз ҳали бу тўғрида гаплашиб кўрамиз. Ҳозирча ўғирликтан кейин нималар юз бергани ҳақидаги ҳаққоний ҳикоянгизни эшитамиз. Бу тош ғознинг бўғзига қандай тушдию ғоз эса қандай қилиб бозорга бориб қолди? Тўғрисини айтинг, сиз учун бирдан-бир најот йўли — тўғрисини айтиш.

Райдер қақраган лабларини ялаб олди.

— Мен сизга бор гапни айтиб бераман, — деди у. — Хорнерни қамоққа олганларида, ён-веримни, хонамни тинтиш полициянинг ёдига келиб қолмасдан тошни олиб чиқиб кетганим яхши, деган қарорга келдим. Меҳмонхонада тошни яшириб қўйиш учун қулай жой йўқ эди. Мен хизмат юзасидан кетаётган бўлиб ташқарига чиқдим-да, опамнинг уйига қараб йўл олдим. У Окшот деган одамнинг хотини, Брикстон-родда яшайди. У уй паррандаларини семиртириб сотиш билан шуғулланади. Тўқнаш келган ҳар бир одам менга полициячи ёки изтопар бўлиб туюлаверди, салқин бир оқшом бўлишига қарамай, то Брикстон-родга етиб боргунимча терга ботдим. Опам мендан, нима гап, нега бундай рангинг ўчган, деб сўради. Мен, меҳмонхонамизда қимматбаҳо нарсалар ўғирланганидан ташвишланаётубман, деб жавоб бердим. Кейин орқа ҳовлига ўтиб тамаки чекдим-да, нима тадбир кўриш кераклигини ўйлай бошладим.

Менинг тўғри йўлдан тойиб жазо муддатини Пентон-

виль турмасида ўтказиб келган Модели деган ошнам бор эди. Бир куни у билан учрашиб ўғрилар ҳақида гаплашиб қолганимизда, менга улар ўғирлик молни қандай йўллар билан сув қилишларини гапириб берган эди. У мени чақиб қўймаслигини билардим, чунки унинг баъзи бир гуноҳларидан хабардор эдим, шунинг учун ҳам тўп-па-тўғри Килбурнга бориб, унга учрашмоқчи ва уни сиримдан воқиф қилмоқчи бўлдим. У бу тошни қандай қилиб пуллашни ўргатиши мумкин эди. Аммо уёққа қандай етиб оламан? Мен меҳмонхонадан келаётганимда кечирган изтиробларимни эсладим. Ҳар бир дақиқада ушлаб олиб ён-веримни тинтиб, нимчам чўнтагидан тошни топиб олишлари мумкин эди. Деворга суюнганча оёғимнинг тагида лапанглаб изғиб юрган ғозларга қараб турарканман, дунёдаги энг эпчил изтопарни ҳам қандай қилиб алдаш ҳақида миямга дафъатан бир фикр келиб қолди...

Бир неча ҳафта бурун опам менга мелод байрамига жуда бўлиқ ғоз совфа қилажагини айтган эди, унинг ҳамиша сўзи устидан чиқишини билардим. Мен ўша ғозни ҳозирнинг ўзидаёқ олиб, тошни унинг бўғзида Килбурнга олиб бормоқчи бўлдим. Ҳовлида бир сарой бор эди. Мен думи ола, каттакон, семиз бир оқ ғозни саройнинг орқасига ҳайдаб ўтдим. Уни тутиб олиб, тумшуғини очдим-да, мумкин қадар ичкарироққа суқишига ҳаракат қилиб, тошни унинг бўғзига тиқдим. Ғоз ютинди, тош унинг бўтакасига қандай қилиб ўтиб борганини қўлим билан сезиб турдим. Аммо ғоз типирчилаб қанотларини тапиллата бошлади, опам нима гаплигини билгани чиқиб қолди. Ўгирилиб унга энди жавоб бермоқчи бўлиб турган эдим, ярамас ғоз қўлимдан юлқиниб чиқиб галага аралашиб кетди.

«Жониворни нима қилаётган эдинг, Жеймс?»— деб сўради опам.

«Ҳалиги...— дедим мен,— сенга мелод байрамига ғоз совфа қиласман, деганинг учун улардан қайси бири семизроқ экан, деб кўраётган эдим».

«О,— деди у,— биз сенга атаб аллақачон ғоз танлаб қўйганмиз. Биз уни: «Жеймснинг ғози» деб атаймиз. Ҳов анави бошдан-оёқ оппоқ, каттакон ғоз. Ҳаммаси бўлиб йигирма олтига ғоз, шулардан биттаси сенга, биттаси бизга, йигирма тўрттаси — сотишга».

«Раҳмат, Мэгги,— дедим мен.— Агар сенга фарқи бўлмаса, менга ҳозир қўлимда ушлаб турганимни берсанг».

«Сеники буига қараганда уч қадоқча вазминроқ, ўзини ҳам сенга атаб яхшилаб боққанмиз».

«Бунинг аҳамияти йўқ. Менга худди шуниси керак, уни ҳозирнинг ўзида олиб кетсан».

«Ўзинг биласан,— деди опам бир оз ранжиб.— Қайси бирини олмоқчи эдинг?»

«Думида қора йўли бор ҳов анави оқини, ҳов ана, галанинг ўртасида турибди».

«Марҳамат, сўйиб олиб кетақол!»

Мен шундай қилдим, мистер Холмс, қушни Қилбурнга олиб кетдим. Ошнамга ҳамма гапни айтиб бердим.— у бунақа гапларни бемалол айтаверса бўладиган одамлар тоифасидан. У силласи қуригунча қотиб-қотиб кулди, кейин пичоқ олиб ғозни сўйдик. Ғознинг ичида тош йўқлигини кўриб мудҳиш бир хато рўй берганини англаганимдан кейин, юрагим орқага тортиб кетди. Ғозни ўша ерда қолдириб опамникига физилладим, чопганча орқа ҳовлига кириб бордим. Ҳовлида ғозлар йўқ эди.

«Ғозлар қани, Мэгги?— деб қичқирдим.

«Савдогарга жўнатдик».

«Қайси савдогарга?»

«Ковент-гардендаги Брэкинрижга».

«Ғозларнинг орасида мен ҳозиргина сўйганга ўхшаган яна бир думи оласи бормиди?»— деб сўрадим.

«Ха, Жеймс, думи ола ғоз иккита эди, мен уларни доим адаштириб юардим».

Шундан кейин мен, албатта, бор гапни тушуниб, ўша Брэкинрижга қараб юурдим. Аммо у ғозларнинг ҳаммасини аллақачон сотиб бўлган экан, кимга сотганини сира айтгиси келмади. Менга қандай ўдағайлаб берганини ўзингиз эшилдингиз. Опам мени, ақлдан озган, деб ўйлаётиди. Баъзан ўзим ўзимга ҳам жиннига ўшаб кўринаман. Мана энди... мана энди мен — қабиҳ ўғриман, ҳолбуки ўғриламоқчи бўлган ғаниматимга қўлимни тегизмаган бўлсам ҳам, уни деб ёш умримни ҳазон қилдим. Е раббий, мени ўзинг ёрлақа! Е раббий, ўзинг ёрлақа!

У қўллари билан юзини беркитганча титраб, ўкраб юборди. Орага узоқ жимлик чўкди, уни Райдернинг оғир хўрсинишлари билан дўстимнинг стол қиррасини бир маромда чертишигина бузиб турарди. Бирдан Шерлок Холмс ўрнидан туриб, кўча эшикни ланг очди.

— Йўқолинг!— деди у.

— Нега, сэр?.. О, сизни парвардигор ёрлақасин!

— Гапирманг! Йўқолинг бу ердан!

Бу сўзни яна бир такрорлашга тўғри келмади. Зина-

поядан тез түшиб бораётган одим товушлари гумбурлаб эшитилди, пастда эшик тарақлади, кўчадан шахдам қадам товушлари келди.

— Хулосасини айтганда, Уотсон,— деди Холмс, қўлини сопол трубкасига чўзиб,— мутлақо полициямизнинг йўл қўйган хатоларини тузатиш учун ишламайман. Борди-ю. Хорнерга хавф-хатар таҳдид солаётган бўлса, унда бошқа гап эди. Аммо Райдер унга қарши шоҳидлик бермайди, иш шу билан тинчib кетади. Эҳтимол, муттаҳамга ҳомийлик қилаётгандирман-у, аммо тўғрироғи, мен одамни батамом нобуд бўлиб кетишдан сақлаб қолаётиман. Бу шоввоз энди бунақа ишларни такрорламайди — у жуда юрак олдириб қўйган. Ҳаёт бизни галати ва аломат бир жумбоқ билан тўқнаш келтириди! Бу жумбоқни ечишнинг ўзиёқ катта мукофот! Илтифот қилиб қўнғироқни чалиб қўйсангиз, янги «тадқиқот» билан шуғулланардик, бунда ҳам бош ролни яна парранда ижро этади: эсингиизда бўлсин, тушликка каклик еймиз.



ЧИПОР ЛЕНТА

Шерлок Холмс саргузаштларың ҳақидаги ёзувларимни күздан кечирганимда, унда ёритилған ишларнинг бир қанчасы фожиавий, баъзилари кулгили, айримлари ғалати эканлыги диққатимни тортади. Етмишдан ортиқ бу ишлар ичидә битта ҳам жүн ва чаканаси йўқ. Уз ҳунарига меҳр қўйған Холмс пулга ҳирс қўймаган эди, у ҳеч қачон оддий, жүн ишларни текширишга бел боғламасди; уни ҳамиша ажойиб-гаройиб ишлар, баъзан эса ҳатто афсонага ўхшаб кетадиган сирли ишлар ўзига тортар эди.

Менга айниқса Ройлоттнинг иши мўъжиза туюлади. У вақтда Холмс иккимиз бўйдоқ эдик, Бейкер-стрит кўчасида бир уйда истиқомат қиласардик. Бу ёзуви илгарироқ эълон қиласардиму, лекин бир хотинга бу ишни сир тутаман деб ваъда бериб қўйгандим. Уша хотин бундан бир ой бурун тўсатдан қазо қилди-ю, бу сирни ортиқ яшириб юришга эҳтиёж қолмади. Дарвоқе, бу иш аслида қандай содир бўлгани баён этилса, зиён қилмайди, не-

га десангиз, доктор Гримсби Ройлоттнинг ўлими ҳақида жуда даҳшатли мишмишлар тарқалгаи.

1888 йил апрель кунларининг бирида, эрталаб кўзими ни очсан, каравотим ёнида Холмс турибди. У сафар кийимида эди. Одатда у кеч турарди, ҳозир камин тепасидаги соат еттидан чорак ўтганини кўрсатарди. Мен унга таажжубланиб, ҳатто бир оз ўпкаланиб қарадим.

— Уйқунгизни бузганим учун узр, Уотсон,— деди у.— Бугун шунаقا кун ўзи. Келиб миссис Хадсонни ўйғотишибди, у менинг ўйғотди, мен эса сизни.

— Нима гап ўзи? Ўт тушибдими?

— Иўқ, янги мижоз. Аллақандай қиз жуда ҳовлиқиб келибди, қандай бўлмасин мен билан учрашмоқчи эмиш. Қабулхонада кутиб турганмиш. Жуда муҳим бирор фактни айтмоқчи, бўлмаса, менинчча бўйи етган қиз бундай барвақт пойтахт кўчаларида чопиб юрмайди ва бегона одамларни иссиқ ўрнидан қўзғатмайди. Иш ғоятда қизиқ бўлиши мумкин, борди-ю, бу воқеани бошидан эшитмай қолсангиз, кейин аттанг деб юрасиз.

— Жон деб эшитаман.

Ўз иши билан банд бўлганида Холмсни кузатсам ва унинг мияси нақадар тез ишлаганини кўрсам, шундай хузур қиласадимки, асти қўясиз. Баъзан унга берилган жумбоқни Холмс ақл билан эмас, қандайдир юксак туйғу билан ечаётгандек туюларди, лекин аслида унинг барча холосалари аниқ ва қатъий мантиққа асосланган бўларди.

Мен апил-тапил кийиндуму бир зумдан кейин тайёр бўлдим. Кейин қабулхонага чиқдик. Қора кийиниб, баширасига қалин ўртиқ тутиб олган қиз бизни кўриб ўрнидан турди.

— Салом, хоним,— деди Холмс очиқ чирой билан.— Менинг исмим Шерлок Холмс. Бу киши менинг жонажон дўстим ва ёрдамчим доктор Уотсон бўладилар, бу кишининг олдида гапларингизни очиқ айтаверинг, тортинманг. Оҳо, иш йирик-у, миссис Хадсон эсига келиб каминга ўт ёқибди. Яхши қилибди, нега десангиз, сиз жуда совқотиб қолибсиз. Ўтга яқинроқ ўтиринг, ижозат этсангиз сизга бир чашка кофе тутсам.

Қиз камин ёнига ўтиб ўтирас экан:

— Совуқдан қалтираётганим йўқ, мистер Холмс,— деди.

— Нимадан бўлмаса?

— Қўрқувдан, мистер Холмс, даҳшатдан!

Шундай деб, у ўртигини кўтарди-ю, биз унинг жуда

ҳаяжонда әканиши, башараси құрқувдан оппоқ оқариб, бужмайиб кетганини күрдик. Унинг бақрайган күзларидан исканжага тушган жониворникига ўхшаш құрқув нағоён эди. Ёши ҳали ўттизга етмаган бўлишига қарамай, сочига оқ оралаган эди.

Шерлок Холмс қизнинг күнглидан нималар ўтаётганини билиб, унга тезда кўз югуртириб чиқди.

— Ҳеч нарсадан қўрқманг,— деди у, меҳр билан қизнинг қўлини силаб.— Ишончим комил, бошингиздаги бутун ғам-ташвишларни даф қиласиз... Сиз эрталабки поездда келибсиз-а.

— Мени танийсизми?

— Йўқ, лекин чап қўлингиздаги қўлқопда қайтиб кетиш учун олинган билетни кўриб қолдим. Жуда барвақт турибсиз, кейин станцияга дуқолкада жуда ёмон, ўнқир-чўнқир йўлда роса элак-элак бўлиб келибсиз.

Қиз қути ўчиб, чўчиб кетди, саросимага тушиб, Холмсга ялт этиб қаради. Холмс жилмайиб:

— Бунинг ҳайрон қоладиган ери йўқ, хоним,—деди.— Жакетингизнинг чап ёнгига, етти жойига лой сачрабди. Ҳали қуригани ҳам йўқ. Одатда дуқолкада кучернинг чап томонида ўтирилганда, одамга шунақа лой сачрайди.

— Худди сиз айтгандек бўлди,— деди қиз.— Соат олтиларда уйдан чиқиб, олтидан йигирма минут ўтганда Лэтерхэдга этиб келдим ва биринчи поездга тушиб, Лондонга, Ватерлоо станциясига келдим... Сэр, бунга ортиқ тоқат қилолмайман, жинни бўлиб қоламан! Үламан! Дардимга малҳам бўладиган ҳеч одамим йўқ. Айтмоқчи, менга жони ачийдиган бир одам бор-а, лекин у шўрлик қандай қилиб ҳам мушкулимни осон қила оларди? Мен сизнинг ҳақингизда эшитгандим, мистер Холмс, дарагингизни менга миссис Фаринтош берганди. Унинг бошига оғир мусибат тушганда, жонига ора кирган экансиз. У менга адресингизни берди. О, сэр, менга ҳам ёрдам қилинг, жуда бўлмаса, мени қуршаб олгаи қоп-қоронги зулматни бир оз равшанлаштиришга уриниб кўринг! Ҳозир хизматингизга ҳақ тўлашга қодир эмасман, лекин икки ойчадан кейин турмушга чиқаман, ана ўшандада ўз даромадимга ўзим хўжайн бўламан. Ишонинг, яхшилигингизни ерда қолдирмайман.

Холмс конторка олдинга келиб, уни очди-да, ён дафтарини олди.

— Фаринтош...— деди у.— Ҳа-я, у ҳодиса эсимда. Чамамда, бу иш, Уотсон, сиз билан танишганимдан ол-

дин содир бўлган эди. Гап опал тоши билан безатилган тиллақош устида борган эди. Сизни ишонтириб айтаманки, хоним, танишингиз ишига қандай қунт билан киришган бўлсам, сизнинг ишингизга ҳам ўшандай астойдил киришаман. Менга ҳақ беришнинг ҳожати йўқ, ишимдан олган лаззатим ҳар қандай инъомдан аъло. Албатта, майда-чуйда сарф бўлмай иложи йўқ, лекин сиз уларни имконингиз бўлганда тўлашингиз қочмайди. Энди сиздан илтимосим шуки, бор гапни ипидан-игнасиғача қолдирмай батафсил сўзлаб беринг.

— Ҳайҳот! — деди қиз. — Аҳволим танглиги шундаки, нимадан чўчиб, нимадан хавфсираётганимни ўзим ҳам билмайман, маслаҳат ҳамда ёрдам сўрашга ҳаддим сиғадиган одамим ҳам менинг гапларимни асабий бир хотиннинг алжирашлари деб ҳисоблаяпти. У рўй-рост шундай демаса ҳам, унинг тасалли бериб айтган гапларидан ва кўзини олиб қочишидан шу маънони ўқийман. Эшишишмча, мистер Холмс, қилвирликни сезиб олишда сизнинг олдингизга тушадиган одам йўқ эмиш. Шунинг учун мени қуршаб олган хавф-хатарга қарши нима қилишим кераклигини сиз айтиб бера оласиз.

— Қулоғим сизда, хоним.

— Ислим Эллен Стонер. Ўгай отам — Ройлоттнинг уйида тураман. У Англияда ўтган энг қадимги саксониялик хонадонлардан бирининг сўнгги намояндаси.

Холмс бошини қимирлатиб қўйди.

— Бу ном менга таниш, — деди у.

— Бир вақтлар Ройлоттлар оиласи Англияда энг бадавлат онлалардан эди. Уларнинг шимолда Беркширда, ғарбда Гемпширда мулклари бўлар эди. Лекин регентлик даврида бир қиморбоз меросхўр оилани батамом хона-вайрон қилма унча, бирин-кетин тўрт авлод асрлар бўйи ўз бойликларини совуриб келган. Илгариги мулкдан бир неча акр ер билан икки юз йил олдин қурилган кўҳна уй қолган холос. Айтгандек, уй ҳам аллақачон гаровга қўйилган эди.

Шу авлоднинг энг сўнгги вакили бўлган помешчик ўз уйида фақир аристократдай қашшоқ кун кечирган. Лекин унинг ёлғиз ўғли, менинг ҳозирги ўгай отам, қандай бўлмасин бу оғир аҳволдан қутулиш кераклигига фаҳми етиб, бир қариндошидан керагича пул қарз олиб университетга киради ва уни битириб врачлик дипломини олади. Кейин Қалькуттага жўнаб кетади, ишини пухта билгани ва тўзимлилиги орқасида шуҳрат қозонади. Лекин бир кун унинг уйини ўғри уради. Бундан Ройлотт-

нинг шундай ғазаби қайпайдики, жаҳл устида ўзининг хизматкори — маҳаллий ҳиндилардан бўлган эшик оғасини ўласи қилиб калтаклади. Улим жазосидан зўрға қутулиб қолиб, узоқ вақт турмада азоб чекади, кейин Англияга аламзада ва умидсизликка тушган ҳолда қайтиб келади.

Доктор Ройлотт Ҳиндистонда мепинг онам, миссис Стонерга, Банголиядаги армияда хизмат қилган артиллерия генерал-майорининг ёш бева хотинига уйланади. Биз опа-сингил эгизак эдик, опамнинг исми Жулия эди. Онам докторга турмушга чиққанида, энди иккига кирган эдик. Онамнинг яхшигина давлати бор эди, у йилига минг фунтдан кам даромад келтирмасди. Унинг васиятига кўра, биз ўгай отамиз уйнда турган вақтда бутун даромаддан доктор Ройлотт фойдаланиши лозим эди. Борди-ю, биз эрга тегсак, ҳар биримизга йиллик даромаднинг маълум бир қисми ажратиб берилиши керак эди.

Англияга қайтиб келганимиздан кейин сал вақт ўтмай онам ўлди, у бундан саккиз йил бурун темир йўлда юз берган фалокат вақтида ҳалок бўлди. Лондонда истикомат қилиб, мёдицина ишларини йўлга қўйиш учун ҳаракат қилиб юрган доктор Ройлотт онам ўлгандан кейин бу ниятидаи қайтди ва бизларни олиб, ота мулкига — Сток-Моренга кўчиб келди. Онамнинг давлати бизнинг барча орзу-ҳавасларимизга бемалол етар, гўё бизларнинг бахтимизга ҳеч нарса рапхна солмайдигандек эди.

Лекин ўгай отам тамомила ўзгариб қолди. Қўшнилар бошда стокморенлик Ройлотт ўз ота мулкига қайтиб келганидан қувонган эдилар, лекин Ройлотт қўни-қўшилар билан борди-келди қилиш ўрнига, уйга қамалиб олди. У уйдан аҳён-аҳёнда, шунда ҳам дуч келган одам билан беҳаёларча жанжаллашгани чиқар эди. Авлоддан аждодга ўтиб, шу авлод қонига сингиган, жазава тутиб қолиш даражасигача бориб етадиган баджаҳллик, иссиқ мамлакатларда узоқ вақт турган ўгай отамда айниқса кучайган эди.

У қўшнилар билан бир неча марта қий-пичоқ бўлди. Икки марта полиция участкасига ҳам олиб боришиди. У бутун қишлоқ аҳолисини даҳшатга соладиган бўлиб қолди... Шуни айтиб ўтиш керакки, у хирсдек бақувват, боз устига, жаҳля чиққанда ўзини билмай қолади, шунинг учун уни кўрганда одамлар ўтакаси ёрилиб, чекка-чеккага уриб кетишади.

Утган ҳафта шу ерли бир темирчини анҳорга отиб

юборибди, буни бости-бости қилиш учун йиғиб юрган ҳамма пулларимни беришга мажбур бўлдим. Ўгай отам кўчманчи лўлилар билангида дўст. У ота-бобосидан қолган, маймуни ўсиб ётган бир парча ерига ўша дарбадарлар чодир-чаманини тикиб тўхташи учун ҳам ижозат беради, гоҳо улар билан кўчиб юриб, ҳафталаб уйга келмайди. Бундан ташқари, у ҳайвоиларга ўч. Ҳиндиostonда яшайдиган бир таниши унга ҳар хил жониворлар юбориб туради. Ҳозир унинг ерида худди ўзи сингари барчага даҳшат солиб, бир павиан¹ билан бир қоплон бемалол сайр қилиб юрибди.

Менинг гапларимдан биз опа-сингил шёд-хуррам ҳаёт кечирмаганимизни фаҳмлаган бўлсангиз керак. Хизматкорлар бизницида туришни истамасди, шу сабабдан барча рўзгор ишларини ўзимиз қиласдик. Опам ўлганда энди ўттиз ёшга кирган эди. Лекин унинг ҳам сочига аллақачон меникидек оқ оралаган эди.

— Опангиз ўлганми?

— Унинг ўлганига роппа-роса икки йил бўлди, мен сизга худди унинг ўлими тўғрисида галимоқчиман. Ўзингиздан қолар гап йўқ, тўрт девор ичида одамови бўлиб яшаганимиздан, тенгқур, ўзимизга муносиб одамлар билан жуда кам учрашар эдик. Бизнинг мисс Гонория Ўэстфайл исмли бир бева холамиз бор. У онамнинг синглиси, Хэрроуга яқин жойда туради, ўгай отам ора-чора ана шу холамниги бориб туришимизга ижозат берарди. Икки йил аввал опам Жулия уикида рождество байрамини кутган эди. Опам ўша ерда флотда хизмат қилиб, истеъфога чиққан бир майор билан танишиб қолади, майор опамга уйланишга истак билдиради. Опам уйга қайтиб келганидан кейин, ўгай отамга майор билан унаштирилганини билдиради. Ўгай отам унинг эрга тегишига монелик қилмади, лекин тўйга икки ҳафта қолганда фожиали ҳодиса юз берди-ю, яккаю ягона жигаримдан жудо бўлдим...

Шерлок Холмс креслога суюниб ўтирас, бошини унинг юмшоқ ёстиғига қўйиб олган эди. Кўзлари юмуқ эди. Гап шу ерга етганда у кўзини очиб, қизга қаради.

— Утнаман, биронта ҳам тафсилотни унутмай, иложи борича аниқ қилиб гапиринг.

— Бунинг мен учун ҳеч қийинлиги йўқ, негаки, ўша даҳшатли ҳодисалар миямга қаттиқ ўрнашиб қолган... Мен боя айтганимдек, помешчик уйи жуда кўҳна, фақат

¹ Иттумшуқ маймун.

бир қанотидагина одам турса бўлади. Пастки қаватда ётоқхоналар жойлашган, меҳмонхоналар уй ўргасида. Биринчи ётоқхонада доктор Ройлотт, иккинчисида опам, учинчисида мен ётар эдим. Ётоқхоналардан бир-биринга ўтиб бўлмасди, эшиклари битта йўлакка очиларди. Аниқ гапираётибманми?

— Ҳа, жуда аниқ гапираётибсиз.

— Учала ётоқхонанинг деразаси майсазорга қараган. Уша машъум кечада доктор Ройлотт барвақт ўз хонаси га чиқиб кетди, лекин ўрнига ётмаганини биз билардик, у чекадиган ўткир ҳинд сиғарасининг ҳиди узоқ вақтга ча опамни беҳузур қилди. У сиғара ҳидидан безор бўлиб, чор-ночор хонасини тарқ этиб, менинг хонамга чиқди, бирмунча вақт унинг турмушга чиқиши тўғрисида гаплашиб ўтирдик. Соат ўн бирда опам ўрнидан турниб, кетмоқчи бўлди, лекин эшик олдига боргандা тўхтаб, мендан сўради:

«Менга қара, Эллен, сенга кечалари бирор ҳуштак чалгандек бўладими?»

«Йўқ»,— дедим мен.

«Уйқунгда ҳуштак чалмаслигиннга ишонасанми?»

«Албатта ишонаман. Нега буни сўраяпсан?»

«Сўнгги кунларда, соат учларда аллакимини оҳиста ҳуштак чалганини аниқ эшитаман. Менинг уйқум зийрак, ҳуштакдан уйғониб кетаман. У қўшни уйдан келяп-тими, майсазорданми — ақлим етмайди. Сен эшитган-эшитмаганингни кўпдан бери сўрамоқчи бўлиб юрган эдим».

«Йўқ, эшитмаганман. Балки буни лўлилар чалгандир?»

«Эҳтимол. Лекин ҳуштак майсазордан келганда, уни сен ҳам эшитган бўлардинг».

«Менинг уйқум сеникидан қаттиқроқ».

«Ке қўй, бу гапиришга арзумайдиган нарса»,— деб кулди опам ва эшигимни ёпиб чиқиб кетди. Бир лаҳзадан кейин эшигини қулфлагани эшитилди.

— Шундай денг!— деб юборди Холмс.— Кечаси ҳар доим эшикни қулфлаб ётаридингиз?

— Ҳа.

— Нима учун?

— Мен сизга докторнинг қоплони билан павнани бор деб айтувдим шекилли. Эшикни қулфлаганимиздан кейингина биз ўзимизни хотиржам ҳис қиласардик.

— Тушундим. Давом этинг.

— Кечаси ҳеч ухломадим. Даф қилиб бўлмайдиган

бир фалокат бўлишини кўнглим сезиб турди. Тун шундай расво эдики, асти қўясиз: шамол увиллар, ёмғир деразани тақиллатар эди. Бир вақт бўрон гувиллаб турганда даҳшатли чинқириқ эшитилди. Чинқирган опам эди. Мен каравотдан сакраб тушдим-да, катта рўмолимга ўралиб, йўлакка чиқдим. Эшикни очганимда опам айтган оҳиста ҳуштак товушини эшифтандек бўлдим, кейин алланарса жараанглаб кетди, гўё зилдек темир асбоб ерга тушиб кетгандай бўлди. Опамнинг хонасига югуриб келсан, эшик қия очиқ экан. Мен нима бўлаётганига ақлим етмай, қўрқувдан ўтакам ёрилиб, тўхтаб қолдим. Йўлакда ёниб турган чироқ нурида опами кўриб қолдим, у маст одамдек гандираклаб, ранги қув ўчган ҳолда, гўё ёрдам сўраб ёлворгандек икки қўлини олдинга чўзиб, эшикдан чиқиб келди. Югуриб бориб уни қучоқлаб олдим, лекин шу пайт унинг тиззалари букилиб кетди-ю, гурс этиб ерга йиқилди. У қаттиқ оғриққа бардош беролмаётгандек тўлғанар, оёқ-қўл тортишиб, қалтирас эди. Аввалига у мени танимагандек кўринди, лекин устига энгашганимда, бирдан чинқириб юборди... О, унинг бу даҳшатли чинқиригини ҳеч вақт унугтмайман!

«Ё раббим, Эллен!— деб қичқирди у.— Чипор банда!»

У яна бир нарса демоқчи бўлиб, бармоги билан докторининг хонаси томонни кўрсатди. Кейин яна тўлғаниб, қалтираб кетди-ю, оғзидағи оғзида, бўғзида бўғзида қолди.

Мен сапчиб ўрнимдан турдим-да, чинқирганча, ўгай отамни чақиргани югурдим. Унинг ўзи ҳам халатда мен томонга шошиб-пишиб келаётган экан. Ўгай отам чопганича опамнинг хонасига кирганда, опам беҳуш ётарди. Ўгай отам унинг оғзига коњяқ қуиди, дарҳол қишлоқ врачани чақириб келишга одам юборди, лекин ҳамма ҳаракат зое кетди, у ҳушига келмай, жон берди. Севикли опамнинг даҳшатли ўлими шундай бўлган эди...

— Ижозатингиз билан бир нарсани сўрасам,— деди Холмс,— ҳуштак товуши билан металлнинг жаранглаганини эшифтанингизга ишончингиз комилми? Шу гапларни қасам билан айтиб, гувоҳлик бера оласизми?

— Терговчи ҳам мендан худди шундай деб сўраган эди. Биласизми, бу товушларни мен эшифтандайман, бироқ бўроннинг гувиллаши билан эски уйнинг ғичирлагани мени чалғитган бўлиши мумкин.

— Опангиз кийинганимди?

— Йўқ, у ёлғиз кўйлакда югуриб чиққан эди. Унинг

ұңг құлпда ёниб бўлган гугурт чўпи, чап қўлида эса гу-
гурт қутиси бор эди.

— Бу шундан дарак берадики, у алланарсадан қўр-
қиб кетгани-у, гугурт чақиб уёқ-буёқни кўздан кечирган.
Бу жуда муҳим тафсилот. Хўш, терговчи қандай холосага
келди?

— Доктор Ройлотт жанжалкаш одам эканлиги бутун
округга маълум бўлганидан, терговчи бу ишни жуда син-
чиклаб ўрганди, лекин опамнинг ўлимига нима сабаб
бўлганини сал-пал бўлса ҳам аниқлолмади. Мен тергов-
да опам турадиган хонанинг эшиги ичидан қулфлоғлик
эканини, деразалар эса ташқаридан эски, кенг темир
қопқоқ билан бекитилганини айтган эдим. Деворларни
роса ҳафсала билан текширишди, лекин у жуда мустаҳ-
камлиги аниқланди. Полни текшириш ҳам бирор натижага
бермади. Печнинг мўркони жуда кенг, тўртта қопқоғи
бор. Демак, опам бошига фалокат тушганда ёлғиз бўл-
ганига ҳеч қандай шубҳа йўқ. Бирор таҳдид ва зўрлик
белгисини топиб бўлмади.

— Заҳар, ичмаганикин?

— Врачлар текшириб кўришди, лекин заҳарлангани-
ни кўрсатадиган ҳеч қандай аломат топишолмади.

— Сизнингча, унинг ўлимига нима сабаб бўлган?

— Менимча, у қўрқув ва асаби бузилганидан ўлган.
Лекин ким бунчалик ўтакасини ёрганига сира ақлим бо-
вар қилмайди.

— Бу вақтда қўрғонингизда лўлилар бормиди?

— Ҳа, лўлилар бизнидан ҳеч аримайди.

— Сизнингча, унинг банда, чипор банда тўғрисидаги
гапи нимани англатади?

— Баъзан мен бу гапни у алаҳлаб айтган бўлса ке-
рак деб ўйлайман, баъзида эса опам аллақандай бандаги-
ни, масалан, лўлилар бандасини назарда тутиб айтган-
дир деган хаёлга бораман. Лекин нега у банда чипор
бўлади? Эҳтимол, кўпгина лўли хотинлар хол-хол гулли
рўмолча ўраб юрганларига ишора қилгандир.

Холмс бошини чайқаб қўйди, афтидан, бу изоҳ унни
қаноатлантирумади.

— Бунда бир сир бор,— деди у.— Марҳамат, давом
этинг.

— Шундан бери икки йил ўтди, ҳаётим бу вақт ичи-
да илгаригидан бешбаттар диққинаfasлик билан кечди.
Лекин бир ой муқаддам ўзим яхши танийдиган бир ода-
мим турмушга чиқишимни сўради. Унинг исми Эрмитеж,
Пэри Эрмитеж. Рединг яқинидаги крэнуотерлик мистер

Эрмитежнинг ўртанча ўғли. Үгай отам никоҳимизга монелик қилмади. Баҳорда тўйимиз бўлиши керак эди.

Икки кун олдин уйимизнинг ғарб томондаги қанотида аллақандай тузатишлар бошланди. Ётоқхонамининг деворини тешиши, шу важдан мен опам вафот этган хонага кўчиб чиқиб, у ётиб юрган каравотда ётишга мажбур бўлдим. Бугун кечаси, ухламай опамнинг фожиавий ўлими тўғрисида ўйлаб ётиб, тўсатдан сукунатда опамнинг ўлимидан дарак берган худди ўша оҳиста ҳуштак товушини эшишиб, жон-поним чиқиб кетганини бир тасаввур қилинг-а. Мен иргиб ўрнимдан турдиму чироқни ёқдим, лекин хона ичидаги ҳеч зот кўришмади. Азбаройи ҳаяжонга тушганимдан қайтиб ўринга ётишга раъйим бўлмади, тонг ёришар-ёришмас уйдан астагина чиқдим-да, уйимиз рўпарасидаги «Тож» меҳмонхонаси олдида дуколка ёллаб Лэтерхэдга бордим, кейин сизни кўриш ва сиздан маслаҳат олиш ниятида бу ерга келдим.

— Жуда оқилона иш қилгансиз,— деди дўстим.— Лекин менга ҳамма гапни мукаммал айтдигизми?

— Ҳа, ҳаммасини айтдим.

— Иўқ, ҳамма гапни айтмадингиз, мисс Ройлотт; ўгай отангизга шафқат қилиб, унинг айбини бекитяпсиз.

— Гапингизга тушунмаяпман...

Холмс жавоб бериш ўрига қизнинг енгига тикилган қора тўр безакни кўтарди. Қизнинг оппоқ билагига беш панжанинг изи тушиб, мўматалоқ бўлиб қолган эди.

— Сизга бағритошлиқ билан озор етқазибдилар,— деди Холмс.

Қиз шолғомдек қизариб, шопа-пиша енгини туширди.

— Үгай отам баджаҳл одам,— деди у.— У жуда бақувват, қанчалик кучли эканини ўзи билмайди.

Орага узоқ вақт жимлик чўкди, Холмс қўлларини иягига тираб, каминдаги ўтнинг чирсиллаб ёнишига қараб ўтиради.

— Бу жуда чигал иш,— деди у ниҳоят.— Ишни қандай бошлаш тўғрисида бир қарорга келишдан олдин, мен яна мингларча тафсилотни аниқласам деган эдим. Лекин бир минутни ҳам зое ўtkазиб бўлмайди. Борди-ю, биз бугун Сток-Моренга ётиб борсак, ўгай отангизга билдиримай ўша хоналарни кўздан кечиришимизнинг иложи борми?

— У менга жуда зарур иш билан бугун шаҳарга боришлигини айтган эди. Ҳойнаҳой у куни бўйи уйда бўлмайди, шундай бўлса, сизга ҳеч ким халал бермайди.

Бизнинг бир экономкамиз бор, лекин у қариб, шарти кетиб парти қолган, эсини еб қўйған, уни бирор жойга осонгина жўнатиб юборни мумкин.

— Жуда соз. Сафар хусусида эътироэзингиз йўқми, Уотсон?

— Асло.

— Бўлмаса, иккимиз етиб борамиз. Ўзингиз энди ни-ма қилмоқчисиз?

— Шаҳарда битирадиган баъзи ишларим бор. Лекин сизларнинг етиб боришингизга уйда бўлиш учун ўн иккидаги поездда қайтаман.

— Бизни чошгоҳдан кейин кутинг. Менинг ҳам бу ерда баъзи ишларим бор. Балки қолиб, биз билан нонушта қиласиз?

— Йўқ, мен бораи! Сизга бошимга тушган ташвишларимни гапириб бердиму елкамдан тоғ ағдарилгандай бўлди. Сиз билан яна учрашувдан ғоят хурсанд бўла-ман.

У қалин қора ўртикли юзига тушириди-да, хонадан чиқиб кетди.

Шерлок Холмс креслонинг суюнчиғига ясланиб:

— Хўш, бу иш тўғрисида нима деб ўйлайсиз, Уотсон?— деб сўради.

— Менимча, бу ниҳоятда сирли ва расво иш.

— Жуда расво, жуда сирли.

— Борди-ю, меҳмонимиз айтган гап рост бўлса, у хонанинг поли, девори мустаҳкам, эшикдан, деразалардан ва печь мўрисидан одам киролмаса, унда сирли равишда ўлган вақтида опаси яккаю ёлғиз бўлган.

— Ундан бўлса, тунги ҳуштак товуши ва унинг ўлим олдиаги жуда ғалати гаплари нимани англатади?

— Ақлим бовар қилмаяпти. Агар бутун далиллар: тунги ҳуштак, кекса доктор апоқ-чапоқ бўлган лўлилар бандаси, қизнинг ўлим олдида аллақандай бандага қилган ишораси, ниҳоят, мисс Эллен Стонер эшитган, фақат деразанинг темир қопқоғи чиқариши мумкин бўлган жа-ранг-журунг товуш ҳақидаги гаплар жамланса, бунинг устига, доктор ўғай қизнинг тўйини бузишдан манфаатдор эканлиги эътиборга олинса, менимча, биз бу муаммо ни ҳал қилиш учун калаванинг учини топдик.

— Сизнинг фикрингизча, у ерда лўлилар нима қи-лишган?

— Билмайман... Ақлим етмаяпти.

— Тахминларингизга менинг бир қанча эътироэла-рим бор.

— Менинг ҳам, шунинг учун биз бугун Сток-Моренга борамиз. Мен ҳамма нарсаны ўша ерда текшириб кўрмоқчиман... Ё тавба, бу қандай гап!

Дўстим шундай хитоб қилди, чунки тўсатдан эшик ланг очилди-ю, хонага девдек бир одам кириб келди. У врач деса врачга, заминдор деса, заминдорга ўхшамайдиган кийим кийган эди. Кийим-боши ғалати, хилма-хил эди, бошида қора цилиндр, эгнида узун камзул, оёғида узун гетралар. Қўлига овчилар қамчиси ушлаб олган. У шундай дароз эдикни, цилиндри эшигимизнинг кесакисига тегиб туради, яғрини шу қадар кенг эдикни, эшигимиздан зўрға кириб келди. Унинг офтобда бронза рангига кирган баркашдек юзини қат-қат ажин босгани эди, ич-ичига ботиб кетган, ғазаб билан чанқаб турган кўзлари ва узун ингичка қоқсуяк бурии унга қари йиртқич қуш туслини бериб туради.

У Шерлок Холмсдан нигоҳини узиб, менга бир қарди-да, яна Холмсга тикилди.

— Қайси бирингиз Холмс бўласиз? — деди у, ишоят.

Дўстим бамайлихотир жавоб берди:

— Бу менинг номим, сэр. Сиз муродингизга етдингиз, номимни билиб олдингиз, мен бўлсам сизнинг исм-шарифингизни билмайман.

— Мен стокморенлик доктор Гримсби Ройлоттман.

Шерлок Холмс илтифот кўрсагиб:

— Марҳамат, доктор, ўтириинг, — деди.

— Ўтирамайман! Бу ерга менинг ўгай қизим кириб чиқди. Мен бу ерга унинг изидан келдим. Сизларга у нима деди?

— Бу йил баҳор совуқ келдими? — деди Холмс.

Чол ғазаб билан ўшқирди:

— Нима деди у сизга?

Дўстим пинагини бузмай давом этди:

— Лекин, эшитишимча, заъфар гуллар барқ уриб очилаверади дейишади.

Меҳмонимиз олдинга бир қадам ташлади-да, овчилар қамчисини ўйнатиб дағдаға қилди:

— Аҳа, гаплашмай чиқариб юбормоқчисиз-а! Сизни биламан. Сиз аблаҳ одамсиз! Сиз тўғрингиздаги гапларни эшиздим. Сиз бошқаларнинг ишига тумшуғингизни тиқишига иштиёқманд экансиз.

Дўстим жилмайди.

— Сиз бетамиз одамсиз!

Холмс яна ҳам ёйилиб кулди.

— Полиция исковучи!

Холмс астойдил хохолаб кулиб юборди.

— Сиз ажиг дилкаш ҳамсуҳбат экансиз,— деди у.— Чиқиб кетаётганингизда эшикни ёниб кетинг, бўлмаса, қаранг, шамол жуда фўриллаб киряпти.

— Кўнглимдаги гапин айтмасдан кетмайман. Менинг ишларимга аралашини ҳәлинигизга ҳам келтирманг. Мен биламан, мисси Стонер бу ерга келиб кетди, уни пойлаб келдим! Иўлнимга ғов бўлмоққа уринган одамнинг шўри қурийди! Мана бунга қаранг!

У тез юриб бориб, темир косовини қўлига олди-да, куракдек забардаст қўллари билан уни букиб ташлади.

— Чангалимга туша кўрманг!— деб ўшқирди-да, букилиб кетган косовини ирғитиб юбориб, хонадан чиқиб кетди.

— Қандай хушмуомала жанөб-а?— деди Холмс кулиб.— Мен унақа барзанги эмасман, лекин у бу ердан чиқиб кетмаганда ундан кучсиз эмаслигими кўрсатиб қўйган бўлардим.

Шундай деб у темир косовини олди-да, бирпасда тўғрилади қўйди.

— Мени полициячиларга қўшиш қанчалик сурбетлик-а! Ҳалиги машмашадан кейин текширишларимиз яна ҳам қизиқарли бўладиган бўлди! Ишонаманки, бечора қиз бу ҳайвон таъқиб қилаётганини билмай қолгани учун зарар-заҳмат кўрмас. Ҳозир, Уотсон, нонушта қилашимиз, кейин мен юристларга учрашиб, улардан баъзи нарсаларни билиб келаман.

Холмс соат бирларда қайтиб келди. Унинг қўлида ёзув ва рақамлар ёзилган кўк қофоз бор эди.

— Мен докторнинг марҳума хотини қолдирган вазиятномасини қўрдим,—деди у.— Унинг маъносига тузукроқ етиш учун марҳума бутун пулига олиб қўйган қимматли қофозларининг ҳозирги баҳосини суриштириб қўрдим. У ўлган йили қофозларидан оладиган умумий даромади деярли бир минг бир юз фунт стерлингни ташкил қиласкан, лекин орада ўтган вақт ичидаги қишлоқ хўжалик маҳсулотларининг нархи пасайиб боргапидан йиллик даромад етти юз эллик фунтга тушиб қолибди. Эрга теккан ҳар бир қизи йиллик даромаддан иккиси юз эллик фунт стерлинг олишга ҳақли экан. Демак, агар ҳар иккиси қиз эрга тегса, бизнинг бояги азаматимизнинг даромадидан барака қочарди... Бир қизи эрга чиққундай бўлса ҳам унинг даромади анча-мунча камайиб кетарди... Пешингача овора бўлганим бекор кетмади, ўғай ота ўғай қизининг тўйини бузишга барча асослари борлигини тас-

диқлайдиган аниқ даилларни құлға кирилдім. Вазият жуда жиддий, Үотсон, бир минутни ҳам бекор үтказмас-лингимиз керак, бунинг устига, чол биз унинг ишлари билан қызықаётганимизни билади. Агар сиз тайёр бұлсангиз, тезроқ кәб чақириб, вокзалга жүнашимиз даркор. Җүнтагингизга түппонча солиб олсангиз, сиздан жуда миннатдор бўлардим. Темир косовни тугун қилиб тугадиган жентльменнинг эсини жойига тушириш учун түппонча жуда болта омил. Бизнинг кунимизга түппонча-ю, тиш чўтка ярайди, холос.

Ишимиз ўнгидан келиб Ватерлоо вокзалида дархол вагонга тушиб олдик. Лэтерхэдга етиб келганимиздан кейин, станциядаги меҳмонхона олдидан тарантас кира қилдик-да, Сэррицинг хушманзара йўлларидан беш миљча йўл юрдик. Ҳаво очиқ, қуёш порлаб турар, кўкда бир неча жойда парча-парча булутлар сузиб юрарди. Йўл четидаги дарахтлар ва буталар куртак ёзган, нам ернинг хушбўй ҳидидан тўйининг ҳаво мусаффо эди.

Борлиқни гулга буркаётган баҳор билан бизни бу ерга келишга мажбур этган даҳшатли иш ўртасидаги тафовут менга ғалати туюлар эди! Ошнам қўлини қовуштириб, шляпасини кўзигача бостириб кийиб, иягини кўкрагига осилтирганча, чуқур ўйга чўмиб ўтирас эди. У тўсатдан бошини кўтарди-ю, елкамга қоқиб, менга кўкаламзор томонни кўрсатди.

— Қаранг!

Тепаликнинг ён бағрида бепоён боғ ястаниб ётарди: дарахтлар орқасидан уйларнинг томлари ва заминдорнинг кўхна уйи устидаги найза кўзга чалинарди.

— Сток-Морен шуми? — деб сўради Шерлок Холмс.

— Ҳа, сэр, у доктор Гrimсби Ройлоттнинг уйи,— деди киракаш.

— Уйнинг чап тарафида иморат кўриняпти-ку,— деди Холмс.— Биз ўша ерга боришимиз лозим.

Арава әгаси чап томонда кўзга ташланадиган уйларнинг томларини кўрсатиб:

— Биз ҳув авави қишлоққа кетяпмиз,— деди.— Лекин сиз шошилаётган бўлсангиз, шу ерда тушиб, манави девордан ошинглар-да, дала ўртасидаги сўқмоқдан юринглар... Бир хоним келяпти-ку, ана ўша сўқмоқдан.

Холмс кафтини соябон қилиб сўқмоққа қаради-да:

— У хоним мисс Стонерга ўхшайди,— деди.— Яхши, сўқмоқ билан кетамиз.

Биз тарантасдан тушиб, кира пулини бердик, тарантас Лэттерхэдга қайтиб кетди.

— Бу шоввоз, бизларни архитекторлар экан деб ўйлагани маъқул,— деди Холмс,— шунда бизнинг бу ерга келганимиз тӯғрисида гап-сўз кўпаймайди. Салом, мисс Стонер! Кўрдингизми, ваъдага вафо қилиб, худди айтган вақтимизда келдик.

Эрта билан бизникига келган хоним хурсанд бўлиб, шошилганча биз томон келди ва қўлимизни самимий қисиб:

— Кўзим тўрт бўлиб, сизларни кутаётган эдим!— деди.— Ишимиз жуда ўнгидан келди: доктор Ройлотт шаҳарга кетибди, кечқурунгача келиши даргумон.

— Биз доктор билан танишиш шарафига мұяссар бўлдик,— деди Холмс ва нима бўлганини икки оғиз сўз билан гапириб берди.

Мисс Стонер қути ўчиб:

— Вой шўрим! У мен билан изма-из борган эканда!— деб юборди.

— Шундай бўлса керак.

— У шундай айёрки, ўзимни ҳамма вақт хавф-хатар остида ҳис қиласман. Қайтиб келса, эндик у нима дейди?

— У қадамини ўйлаб босишга мажбур бўлади, чунки бу ерда ундан ҳам айёроқ одам топилади. Сиз кечаси хонангиз эшигини қулфлаб ётинг. Агар ғалва қиласдан бўлса, сизни Хэрроуга, ходангизнига олиб кетамиз... Хўш, энди иложи борича фурратни қўлдан бермайлик, бизни ўша хоналарга олиб боринг, уларни текшириб кўрайлик.

Уй пўпанак босган кўк тошлардан қурилган ва ўртада қад кўтариб турган баланд бинонинг икки томонида иккита ярим доира қанот қисқибкағанинг қисқиҷига ўхшаб қулоч керган экан. Бир қанотдаги ойналар синиб кетган, деразаларига тахта қоқиб қўйилган, томининг у ер-бу ери ўпирилиб тушган. Ўннинг ўртадаги асосий қисми ҳам вайронага ўхшаб қўринади. Лекин ўнг қанот яқингинада тузатилган экан, деразалардаги тўр пардалар ва мўрилардан чиқаётган кўкиш тутунига қараганда, оила шу қанотда истиқомат қиласди. Энг чеккадаги девор ёнинг ҳоваза қурилган, аллақандай иш бошлиган эди. Лекин биронта ҳам уста кўринимасди.

Холмс хор-хас босган ўтзор устидан аста-секин юриб, деразаларни ташқи томондан синичклаб кўздан кечира бошлиди.

— Фаҳмимча, мана бу хонада илгари сиз тургансиз. Уртадаги дераза опангиз тургани хонанини, асосий бино-

га яқинроқ анати учинчи дераза эса доктор Ройлотт турадиган хонанини...

— Толдингиз, түғри. Лекин мен ҳозир ўртадаги хопада тураман.

— Биляпман, ремонт туфайли. Айтмоқчи, бу деворни бунчалик шошилинч тузатишга ҳожат йўққа ўхшайди-ку.

— Сира ҳам ҳожати йўқ, менинча, бу мени ўз хонамдан чиқариш учун бир баҳона, холос.

— Эҳтимолдан узоқ эмас. Демак, деразалар қаршисидаги деворинг нарёғи йўлак, учала хонанинг эшигни йўлакка қараган. Йўлакда, албатта деразалар бўлса керак?

— Ҳа, лекин улар жуда кичкина. Кўзи шундай торки, ундан одам сиёмайди.

— Опа-сингил эшикни қулфлаб ётгансиз, шунинг учун ўёқдан сизларнинг хонангизга одам кириши сира мумкин эмас. Барака топинг, хонангизга кириб, дераза қопқоқларини ёпинг.

Мисс Стонер Холмснинг илтимосини бажо келтирди. Холмс дераза қопқоғини очмоқчи бўлиб қилгап барча уриниши беҳуда кетди: пичоқнинг учини суқиб лўқидонни кўтариш учун кичкинагина ҳам тирқиш йўқ эди, Холмс лупа билан ошиқ-мошиқларни кўздан кечирди, лекин улар қаттиқ темирдан ясалган, қалин деворга маҳкам қоқиб қўйилган эди.

— Ҳм!— деб қўйди Холмс, ўйга толиб иягини қашир экан.— Менинг дастлабки тахминимни далиллар чиппакка чиқарди. Дераза қопқоқлари берк бўлса, бу деразалардан баний одам боласи ичкарига киролмайди... Ҳай, ҳеч бокиси йўқ, хоналарнинг ичини кўрайлик-чи, балки бирор нарсанни аниқлармиз.

Ен томондаги кичкина эшикдан оҳак билан оқланган йўлакка кирдик, учала хонанинг эшиги шу йўлакка қараган эди. Холмс учинчи хонани кўриб ўтирмади, биз тўппа-тўғри иккинчи хонага, ҳозирги вақтда мисс Стонер истиқомат қиласидиган хонага кирдик. Унинг опаси худди шу хонада вафот этган эди. Хона оддий жиҳозланган, шифти паст эди, унда қадимги қишлоқ уйларида бўладигап кенг камин бор эди. Бир бурчакда жавон турарди; бошқа бурчакка оппоқ адёл солинган тор каравот қўйилган: деразанинг чап томинини пардоз столи эгаллаган. Бу жиҳозлардан ташқари иккита стул ҳам бор эди, хона ўртасига шолча солинганди. Деворлардаги панеллар қорайиб кетган, қурт еб илма-тешик қилиб

юборган. Улар шу қадар күхна эдикى, чамаси, уй қурилғандан берн уларни алмаштиргаган эдилар.

Холмс бир стулни олди-да, чурқ этмай унга ўтирди. У диққат билан деворларининг паст-баландини кўздан кечирди, хонанинг ҳаммаёғини ўрганиб, энг арзимас нарсаларни ҳам текшириб чиқди. Алоҳа каравот устида осилиб ётган қўнғироқининг йўғон чилвири унинг эътиборини жалб қилди. Чилвирнинг дастаси шундоққина ёстиқ устига тегиб туради. Холмс чилвирни кўрсатиб:

- Бу қўнғироқ қаерга ўтказилган? — деб сўради.
- Хизматкорининг хонасига.
- Бу бошқа асбобларга қараганда янгироқ кўришади.
- Ҳа, атиги икки-уч йил олдин ўтказилган.
- Чамаси, буни опангиз илтимос қилган бўлса керак?

— Йўқ, у сира бундан фойдаланмаган. Ҳамма юмушни ҳамиша ўзимиз бажаардик.

— Дарвоқе, бу ерда у ортиқча матах. Афв этасиз, мен сизни бир оз тутиб қоламан: полни яхшилаб кўздан кечирсан деган ниятим бор.

Холмс лупани ушлаб, ҳар бир ёриқни диққат билан кўздан кечириб, пол устида олдинга-орқага эмаклаб бориб кела бошлади. Девордаги панелларни ҳам у фоят синчиклаб текширди. Кейин каравот олдига келиб, ҳафсала билан уни ва деворни кўздан кечириб чиқди-да, қўнғироқининг чилвирни тортиб кўрди.

- Ийе, бу ёлғондака қўнғироқ экан-ку!
- У жарангламайдими?
- Ҳатто симга уланмаган ҳам. Қизиқ! Кўряпсизми, у ҳаво кирадиган туйнук тепасидаги илмоққа боғлаб қўйилибди.

— Ғалати-ку! Буни пайқамабман ҳам.

— Жуда ҳам ғалати... — деб ғудранди Холмс, чилвирни тортиб. — Бу хонада кўпгина нарсалар одамнинг диққатини ўзига жалб қиляпти... Масалан, туйнукни осонгина ташқарига очса бўларкан, қурувчининг калтабинлигини қарангки, уни қўшни хонага очибди.

- Бу ҳам яқинда қилинган, — деб жавоб берди Эллен.
- Қўнғироқ билан деярли бир вақтда қилинган, — деди Холмс.
- Ҳа, ўша пайтда бу ерда баъзи нарсаларни тузатган эдилар.
- Тузатишлари кўп қиёмат-ку: қўнғироқлари чалиш-

майди, туйнуклари эса ҳавони янгиламайди. Ижозат этсангиз, мисс Стонер, бошқа хоналарни ҳам текшириб күрсак.

Гримсби Ройлоттинг хонаси үгай қизиникидан катта, лекин ўшандай оддий жиҳозланган эди. Хонага кирганиңизда даставвал күзимиңга ташланган нарсалар шулар бўлди: сафар каравоти, аксари техникага онд китоблар қўйилган чоғроқ ёғоч раф, каравот ёнига қўйилган курси, девор ёнидаги тўқима стул, тўгарак стол ва катта пўлат сандиқ. Холмс ҳар бир буюмни зўр қизиқиш билан текшириб, хона ичида оҳиста юра бошлади. У пўлат сандиқни уриб қўйиб, сўради.

— Бу ерда нима бор?

— Ҳар хил қоғозлар, ҳужжатлар.

— Оҳ-ҳо! Бундан чиқди, бу сандиқни очиб кўрган экансиз-да?

— Бундан бир неча йил аввал, бир кўзим тушган эди. Ҳалиям эсимда, унда бир тўп қоғоз бор эди.

— Ишқилиб бунда мушук йўқми?

— Йўқ. Гапингиз жуда қизиқ-а!

— Мана бунга бир қаранг-чи!

Холмс шуни деб сандиқ устидан сут солинган кичкина идиш олди.

— Йўқ, биз мушук асраламиз. Лекин ҳовлимизда қоплон билан павиан бор.

— Қоплон — катта мушук холос, имоним комилки, бу кичкина идишдаги сут унинг нафсинн қолдиролмайди. Қидирган нарсам шу эди, энди калаванинг учи топилди.

Холмс стул олдига чўкка тушиб ўтирилдиган жойини ғоятда диққат билан кўздан кечира бошлади. У ўрнидан туриб, лупани чўнтағига солиб қўяр экан шундай деди:

— Раҳмат сизга, масала равшан. А-а, мана жуда аломат нарса!

Итларни ўргатиш учун ишлатиладиган кичикроқ қамчи унинг диққатини жалб қилди. У каравоттинг оёғига илиб қўйилган, учи сиртмоқ қилинган эди.

— Бунга нима дейсиз, Уотсон?

— Менингча, бу оддий бир қамчи. Нима сабабдан учи сиртмоқ қилинганига ақлим етмай турибди.

— Үнчалик оддий эмас бу... Эҳ, ђунёда ёвузлик шунча кўп-а, ҳаммасидан ҳам ёвуз ишни ақлли одам қилгани ёмон!. Xўп, мисс, муродим ҳосил бўлди, керакли барча нарсаларни билиб олдим. Энди ижозат этсангиз, майсазорда бирпас айлансанак.

Холмсни мен ҳеч вақт бундай қовоғи солинган ва хомуш ҳолда кўрмаган эдим. Хийла вақт биз чурқ этмай олдинга-орқага бориб келиб турдик. Холмс хаёл суришдан тўхтагунича на мен, на мисс Стонер унинг хаёлини бўлмадик.

— Энг муҳими шуки, мисс Стонер,— деди у,— менниг айтгапларимга жуда аниқ амал қиласиз.

— Нима десангиз ҳаммасини бажону дил қиламан.

— Бу жуда оғир гап, бунда тараддулга ўрин бўлмаслиги керак. Ҳаётингиз измимдан чиқмаслинигизга боғлиқ.

— Бутун ихтиёрим сизда.

— Биринчидаи, биз иккимиз — дўстим билан мен, кечаси сизнинг хонангизда қолишимиз лозим.

Мисс Стонер билан мен унга таажжубланиб қарадик.

— Шундай қилмасак бўлмайди. Сизга ҳаммасини тушунтириб бераман. Анави томондаги бино нима, қишлоқ меҳмонхонасими?

— Ҳа, «Тож» меҳмонхонаси.

— Жуда соз. Ўша ердан сизнинг деразаларингиз кўришадими?

— Жуда яхши кўринади.

— Үгай отангиз қайтганда, унга бошним оғрияпти деб баҳона кўрсатингу хонангизга кириб эшикни қулфлаб олинг. Кейин, у ётгани хонасига кириб кетганини эшигганингизда, деразалигини қопқоғини очинг-да, лўқидонни кўтариб, деразага чироқ ёқиб қўйинг, бу чироқ бизларга сигнал бўлади. Шундан сўнг кўнглингиз тилаган нарсани олиб илгариги хонангизга чиқиб кетинг. Ишонаманки, ремонт қилинаётган бўлса ҳам, у ерда бир кеча туиаб қола оларсиз.

— Шубҳасиз.

— Қолган ишларни бизга қўйиб беринг.

— Ҳўш, сизлар нима қилмоқчисизлар ўзи?

— Биз кечами сизнинг хонангизда ўтказиб, сизни қўрқитган товушининг нималигини аниқламоқчимиз.

Мисс Стонер дўстимнинг енгидан оҳиста ушлаб шундай деди:

— Фаҳмимча, мистер Холмс, бир хulosага келган кўринасиз.

— Эҳтимол шундайдир.

— Ундей бўлса, барча азиз-авлиёлар ҳурмати, айтинг-чи, опам нимадан ўлибди?

— Мен аниқ далиллар йиғниш ниятидаман.

— Бўлмаса, менга шуни айтинг-чи, мен опаминиг юраги ёрилиб ўлди, деб қилган фаразим тўғрими?

— Йўқ, нотўгри, менимча, унинг ўлимига бошқа муҳимроқ нарса сабаб бўлган... Энди, мисс Стонер, сиз билан ажралишамиз, чунки мистер Ройлотт қайтиб келиб, бизни кўриб қолса, щунча йўлдан овора бўлиб келганимиз бехуда бўлади. Хайр! Дадил бўлинг, мен айтган нарсаларни аниқ бажо келтиринг, кўнглингиз тўқ бўлсин, сизга таҳдид қилаётган хавф-хатарни тезда даф қиласми.

Шерлок Холмс билан мен «Тож» меҳмонхонасида осонгина жой олдик. Бизнинг номер юқори қаватда эди, деразамиздан боғнинг дарвозаси ва Ройлотт уйининг одам турадигал қисми кўриниб турарди. Кечки гиравширада биз доктор Ройлотт фойтунда ўтиб кетаётганини кўриб қолдик, фойтун ҳайдаб келаётган чиллакдек бола олдида унинг баҳайбат гавдаси тепадек бўлиб кўринарди. Бола зил-замбилдек дарвозани ҳадеганда очомай роса уриди, биз докторнинг унга ўшқирганини эшитиб, қаҳр-ғазаб билан унинг тумшуғи олдида муштини ўйнатганини кўриб турдик. Фойтун дарвозадан ичкари кириб кетди, орадан хийла вақт ўтгач, хоналардан бирида ёқилган чироқ нури дарахтлар орасидан липиллаб кўрина бошлади.

Биз чироқ ёқмай, қоронгида ўтирардик.

— Очиғини айтсан, бугун кечаси сизни олиб борсам-микин-йўқмикин деб ҳайрон бўлиб турибман! — деди Холмс. — Жуда хавфли ишга қўл урибмиз.

— Сизга фойдам тегадими ўзи?

— Жуда катта фойдангиз тегиши мумкин.

— Ундаи бўлса, албатта бораман.

— Раҳмат.

— Хавф-хатар тўғрисида гапиряпсиз. Чамаси, сиз у хоналарда мен кўрмаган баъзи нарсаларни кўргангага ўхшайсиз.

— Йўқ, сиз нимани кўрган бўлсангиз мен ҳам фақат ўшани кўрдим, лекин мен бундан бошқача хулосалар чиқардим.

— Мен хонада қўнфироқнинг чилвиридан бошқа гайритабиний нарсани кўрмадим, лекин ростини айтсан, бундай қўнфироқнинг нима кераги борлигига ақлим етмаяпти.

— Туйнукка эътибор қиласмини?

— Ҳа, лекин, менимча, икки хона ўртасидаги бу туйнукнинг ҳеч қандай аҳамияти йўқ бўлса керак. У шун-

дай торки, ундан ҳатто сичқоннинг ўтиши ҳам маҳол.

— Шундай туйнук борлигини Сток-Моренга келиши-миздан олдиноқ билгандим.

— Йўғ-е!

— Рост, билгандим. Эсингиздами, мисс Стонер опам доктор Ройлотт сигарасининг ҳидидан қочиб чиқди деганди. Бу иккى хона орасида туйнук борлигини кўрса-тарди, лекин у жуда ҳам тор экан, бўлмаса терговчи хонани текширганда уни кўрган бўларди. Шуида мен у ерда туйнук бор деган қарорга келган эдим.

— Лекин туйнукда қандай хавф-хатар бор?

— Қаранг-а, қандай ғалаги ўхшашлиқ: каравот усти-дан туйнук очиб, чилвир ўтказадилар, каравотда ётган хоним эса вафот этади. Бу сизни ажаблантирмайдими?

— Мен шу вақтга қадар буларни бир-бирига боғлай олмаяпман.

— Каравотда сиз ҳеч нарсани пайқадингизми?

— Йўқ.

— У полга қоқиб қўйилган. Каравот полга маҳкам-лаб қўйилганини илгари ҳеч кўрганмисиз?

— Ростини айтсам кўрмаганман.

— Хоним каравотнини ҳеч қаёққа суролмаган, каравот доим туйнук билан чилвирнинг тагида турган. Қўнгироқ чалинимагани учун уни тўғридан-тўғри чилвир деявериш керак.

— Холмс!— деб қичқириб юбордим мен.—Сизга очиқ-ойдин бўлган нарса менга сал-пал аён бўлаётиди. Пухта ўйланган даҳшатли жиноятниң олдини олишга жуда ҳам вақтида келибмиз.

— Ҳа, бу даҳшатли жиноят пухта ўйланган. Мабодо жиноятни врач қилса, у ҳар қандай жиноятчидан хавф-лироқ бўлади. Үнинг асаби мустаҳкам, билими зўр... Бу одам жуда қув, лекин Уотсон, имоним комилки, биз уни тумшуғидан илинтирамиз. Бугун кечаси бошимиздан жуда қўрқинчли воқеаларни кечиришга тўғри келади, шу-нинг учун, келинг, шу қолган вақт ичida бамайлихотир трубкаларимизни чекиб, қизиқ нарсалар тўғрисида гап-лашамиз.

Соат тўқизларда дарахтлар орасидан кўриниб турган чироқ нури сўнди-ю, қўрғон зулмат қўйнига ғарқ бўлди.

Шу алпозда иккى соат ўтди, соат роппа-роса ўн бирда деразамизнинг тўғрисида ёлғиз чироқнинг ёруғ нури шуъла соча бошлади.

Холмс ирғиб ўрнидан турниб:

— Бизга сигнал беряпти. Чироқ ўртадаги хонада ён-япти,— деди.

Холмс чиқиб кетаётнб, меҳмонхона эгасига, біз бир танишишимизниң кетаптамыз, тунаң қолишимиз ҳам мүмкін, деб айтаб қўйди. Бир дақиқадан кейин қопқоронғи йўлга чиқдик. Сарн шабада юзимизга уриб турар, сариқ нур эса зим-зиё кечада милтиллаб бизга йўл кўрсатар эди.

Қўрғонга осонгина кириб олдик, чунки эски тахта девор жуда кўп жойда бузилиб-афдарилиб кетган эди. Биз дараҳтлар орасидан юриб майсазорга етдик-да, ундан ўтиб, энди деразадан ошмоқчи бўлиб турган эдик, бинонгах бадбуруш болага ўхшашиб аллақандай бир махлуқ дафна буталари орасидан ўқдек отилиб чиқди-ю, ўт устидаги биланглаб чопиб, кўз очиб юмгунча майсазордан ўтди ва қоронғилик ичига кириб ғойиб бўлди.

— Е раббий!— деб шивирладим мен.— Қўрдингизми?

Аввалига Холмс ҳам мендек қўрқиб кетди. Қўлнимдан чанглаб олиб, қисқичда қисгандек қисди. Кейин оҳиста бир кулиб қўйди-да, аранг эшитиладиган қилиб гудранди.

— Ўхшатмай учратмас! Павиан-ку бу.

Мен докторнинг әрқатойларини уутиб қўйган эдим. Ҳар дамда устимизга сапчиши мүмкін бўлган қоплончи! Очиғини айтсам, Холмсдан ибрат олиб, ботинкамни ечиб ташлаб, деразадан ошиб, ётоқقا тушганимда ўзими ни анча яхши ҳис қилдим. Дўстим товуш чиқармай дераза қопқорини ёпди-да, чироқни стол устига олиб қўйди ва хонага тез бир кўз югуртириб чиқди. Бу ерда ҳамма нарса кундузгидек эди. У менга яқин келди-да, қўлинини карнай қилиб шивирлади:

— Тиқ этган товуш ҳам бошимизга етади.

Мен бош ирғатдим.

— Чироқ ёқмасдан ўтиришимиз керак. Туйнукдан чироқни кўриб қолиши мүмкін.

Мен яна бошимни қимирлатиб қўйдим.

— Ухлаб қолманг, ҳаётингиз шунга боғлиқ. Тўппончани тахт қилиб, ушлаб туринг. Мен каравотнинг четига ўтираман, сиз стулга ўтирасиз.

Мен тўппончани олиб, столнинг бурчагига қўйдим. Холмс узун, ингичка таёқ олиб келган эди, уни бир қути гугурт ва шам қолдиги билан бирга ёнига, каравот устига қўйди-да, чироқни пуфлаб ўчирди. Биз зим-зиё қоронғиликда қолдик.

Минжжа қоқмай ўтказган бу тунни бир умр унутмасам керак! Қулогимга тиқ этган товуш эшитилмас, ҳатто дўстимнинг нафас олишини ҳам эшиитмасдим, ваҳоланки у икки қадам нарида худди мендек кўзини юммай, қулогими динг қилиб ўтирганини билардим. Дераза қопқоқларидан милт этган нур тушмас, биз қоп-қоронги зулматда ўтирадик. Аҳён-аҳёнда ташқаридан тунги қушниңг қий-қиргани эшитиларди. Бир маҳал шундоққина деразамизниң тагида алланарса мушукка ўхшаб чўзиб приллаб қўйди, қоплон чиндан ҳам дориломон юрганга ўхшарди. Узоқда черковпинг соати ҳар чорак соатда боиг уриб туарди. Ҳар чорак соат бизга узун йилдек туюларди! Соат ўн иккига, бирга, иккига, учга бонг урса ҳамки, биз юз берниши муқаррар бир нарсанни кутиб чурқ этмай ўтирадар эдик. Дафъатан туйнук олдида чироқ нури липпиллаб кетди-ю, дарҳол сўнди. Лекин шу заҳоти ёқилган ёғ билан қизиган темирниңг ўткир ҳиди димоғимизга урнлди — қўшии хонада аллаким махфий фонарь ёқди. Мен бир нарсанниңғ ғижирлаганини эшиитдим, кейин яна ҳаммаёқ сув қўйгандек жимиб қолди, фақат бояги ҳид янада кучайди. Мен ярим соатча диққат билан қоронғиликка тикилиб ўтиредим. Қўқисдан аллақандай майнин, оҳиста товуш эшитилди, гўё қозон устидан буғ кўкка ўрагандай бўлди. Холмс бу товушни эшитиб каравотдан дик этиб турди-ю, гугурт чақиб, таёқни қўлига олди ва жонжаҳди билан чилвирни ура бошлади.

— Уни кўряпсизми, Үотсон? — деб ҳайқирди у. — Кўрятпсизми?

Лекин мен ҳеч нарса кўрмадим. Холмс гугурт чақаётгандан мен оҳиста ҳуштак товушини аниқ эшиитдим, лекин лов этиб ёнган гугурт чарчаган кўзимни қамаштириб юборди-ю, ҳеч нарсанни кўра олмадим. Холмс нима сабабдан зўр бериб чилвирни таёқ билан ураётганига тушунмадим. Лекин дўстимнинг бўздек оқариб кетган башарасида даҳшат ва нафрат аломатларини кўриб туардим.

Холмс чилвирни уришдан тўхтади-да, туйнукка тикилиб туриб қолди, шу пайт тунги сукунатни шундай даҳшатли бир чинқириқ буздики, мен бундай чинқириқни умрим бино бўлиб эшиитмаганман. Бу бўғиқ чинқириқда алам, қўрқув, ғазаб оҳанглари бор бўлиб, у тобора авжига минарди.

Кейин одамларнинг айтишича, бу чинқириқ бутун қишлоқнигина эмас, чет ёқадаги бир руҳонийнинг уйида ухлаб ётган одамларни ҳам уйғотиб юборибди. Фарёд

тиниб, сукунат чўккунча биз даҳшатга тушиб бир-бири-мизга қараб турдик.

Мен энтикиб:

— Бу нимаси? — деб сўрадим.

— Бу шунц англатадики, бало даф қилинди,— деди Холмс.— Шундай бўлгани ҳам дуруст. Тўппоющани олинг, доктор Ройлоттнинг хонасига чиқамиз.

Холмснинг чеҳраси қаҳрли эди. У чироқни ёқди-да, йўлакдан юриб кетди. Доктор турадиган хона эшигини икки марта тақиллатган эди, ҳеч ким жавоб бермади. Шундан кейин у эшикни ўзи очиб ичкари кирди. Мен ўқ-логлиқ тўйпончани ушлаб унинг орқасидан кирдим.

Кўзимиз олдида ғаройиб манзара намоён бўлди. Стол устидаги махфий фонаръ эшиги қия очиқ пўлат сандиқка ўзининг ёп-ёруғ иурини сочиб турарди. Стол ёнидаги тўқима стулда узун сурранг халат кийган доктор Гrimсби Ройлотт ўтиради, халати этаги остидан тўпифи кўриниб турарди. Оёғида туркча қизил кавуш бор эди. Кундузи хонада биз кўрган қамчи унинг тиззасида старди. У иягина осмонга кўтариб, бақрайиб шифтга тикилганича ўтиради; унинг кўзларида даҳшат, ғазаб ифодалари қотиб қолган эди. Аллақандай ғайритабиий, жигарранг холли сариқ лента унинг бошига ўралиб олган эди. Хонага кирганимизда, доктор қимир этмади, овоз чиқармади ҳам.

— Лента! Чишор лента! — деб шивирлади Холмс.

Мен олдинга бир қадам ташладим. Докторнинг бошига ўралиб олган ғалати нарса шу заҳоти қимирлади-ю, Гrimсби Ройлоттнинг соchlари орасидан даҳшатли илон яssi бошини кўтарди.

— Тўқай илони! — деб қичқириб юборди Холмс.— Ҳиндистонининг энг заҳарли илони бу, чақса ўлдирмай қўймайди! Доктор илон чаққандан кейин ўн секунд ўтар-ўтмас адо бўлган. «Қимки бировга соҳ қазиса, ўзи йиқилади». Бу газандани ишига қамаймиз-да, мисс Стонерни тинчроқ жойга юборамиз, кейин юз берган ҳодисани полицияга хабар қиласиз.

Холмс тез бир ҳаракат билан марҳумнинг тиззасидан қамчини олиб, сиртмоқли учини илоннинг бўйнига солди ва уни докторнинг бошидан ажратиб олди, кейин қўлини чўзганча, пўлат сандиқ олдига келди-да, илонни сандиқ ичига отиб юбориб, қарсиллатиб эшигини ёпди.

Стокморенлик Гrimсби Ройлотт ўлимининг ҳақиқий тафсилоти шундай. Лекин мен қайгули хабарни ўтакаси ёрилган қизга қандай билдирганимизни, уни тонгги поездда Херроуга, холасиникига жўнатиб юборганимиз-

ни, түлөри полициячилар текшириб күриб, доктор ўзининг эрмаги — заҳарли илон билан ўйнашаётуб, эҳтиётсизлиги орқасида ҳалок бўлган деган холосага келганини муфассал гапириб ўтирмайман. Қолган гапларни Шерлок Холмс эртасига ўйнизига қайтиб келаётганимизда гапириб берди.

— Бошда мен, дўстим Уотсон, мутлақо нотўғри холосага келган эдим,— деди у.— Бу хато далилларга таяниш қанчалик хавфли эканини кўрсатади. Лўлиларнинг борлиги ва шўрли қиз айтган «банда»¹ сўзи мени адастирди, нотўғри холоса чиқаришимга сабабчи бўлди. Лекин хонага эшик ёки деразадан киришнинг иложи йўқлигини кўриб, бу хонада истиқомат қилган одамга хавф у томондан таҳдид қилмаслигини тушунганимдан кейин хато қилганимни дарҳол англадим. Сизга айтганимдек, менинг эътиборнини дарҳол туйнук билан каравот устида осилиб турган чилвир ўзига жалб қилди. Ҳаёлимга шу заҳоти илон тўғрисидаги фикр келди, доктор Ҳиндистондан келтирилган ҳар хил жониворларга ҳавасманд эканини билганим учун калаванинг учнин топганимга ишондим. Химик анализ билан аниқлаб бўлмайдигап заҳардан ўз мақсади йўлида фойдаланиш шарқда узоқ вақт яшаган худди унингдек айёр, бераҳм жиноятчининггина миясига келиши мумкин. Заҳар ишни бирпасда бир ёқлик қилишини билгани учун ҳам доктор ундан фойдаланган. Илоннинг тиши қолдирған иккита кўз илғамас доғни пайқаш учун терговчишинг кўзи жуда ҳам ўткир бўлиши керак. Кейин мен ҳуштакни эсладим. Эрталаб кўриб қолмасинлар деб доктор ҳуштак чалиб, илонни чақириб олган. Чамаси, у сут бериб, ўз олдига қайтиб келишга ўргатган. Илонни у кечаси ҳамма уйқуга кетгана туйнукдан қўйинб юборган, илон чилвирдан ўрмалаб бориб, каравотга тушишини у жуда яхши билган. Қиз эртами-кечми, ахир бир кун бу қора ниятнинг қурбони бўлиши керак эди, илон уни бугун чақмаса, бир ҳафтадан кейин чақарди. Мен бу холосага доктор Ройлоттининг хонасини кириб кўрмасдан олдин келган эдим. Стулиниг ўтириладиган жойини текширганимдан кейин эса, доктор туйнукка бўйи етиши учун стулга чиқиб туришини тушундим. Пўлат сандиқ, сут солингган идиш ва қамчини кўрганимдан кейин эса барча шубҳаларим тарқаб кетди. Мисс Стонер эшитган жараанглагап товуш док-

¹ Инглиз тилида banda сўзи «банда» ва «лента» маъносини билдиради.

тор илон қамаб қўядиган пўлат сандиқ эшиги ёпилганда чиққан товуш бўлса керак. Хулосаларим тўғри чиққанига ишонганимдан кейин нима қилганим ўзингизга маълум. Илоннинг вишиллашини эшитган заҳотим дарҳол гугурт чақиб, чилвирдаги илонни таёқ билан ура бошладим.

— Уни орқага, туйнукка қараб ҳайдадингиз...

— Шу тарзда уни эгасига даф қилишга мажбур қилдим. Таёқ билан урганимдан илон қаҳрланди, унда илонларга хос адоват уйғонди, шундан кейин дуч келган биринчи одамига ҳамла қилди. Шундай қилиб, доктор Гримсби Ройлоттинг ўлимига бевосита бўлмаса ҳам, қисман мен айборман, лекин шуни айтишим керакки, бу айб оғир тош бўлиб юрагимни босиб ётмайди, мени вижданан қийнамайди.



САРГИШ БАШАРА

Эрта баҳор кунларидан бирида Шерлок Холмс илти-
мосимни ерда қолдирмай, мен билан бирга боғда сайр
қылгани чиқди. Қайрағоч шохларидан ним яшил илк кур-
таклар ниш урган, каштанларнинг ёпишқоқ бўртиклари
очилиб, беш қиррали илк япроқларга айланмоқда эди.
Биз боф бўйлаб сурункасига икки соат айланиб юрдик,
бир-бирига яхши синашта икки одамга хос одатга кўра
чурқ этиб оғиз очмадик. Биз Байкер-стритга қайтиб кел-
ганимизда салкам беш бўлиб қолган эди.

— Кечирасиз, сэр,— деди хизматкор бола бизга эшик
очаркан.— Бир жентльмен келди... У сизни сўради, сэр!
Холмс менга таъна билан қараб қўйди.

— Кундузги сайрларнинг оқибати шундай бўлади!—
деди у.— Уша жентльмен кетиб қолдими?

— Ҳа, сэр.

— Ичкарига кириб, кутиб туратуринг, демадингми?

— Дедим, сэр, у кирди.

— Узоқ кутдими?

— Ярим соатча, сэр. Жуда безовта жентльмен экан,

сәр. Кирганидан кетгунича хонада уәқдан-буәққа юрди, ҳатто депсиниб ҳам қўярди. Меш даҳлизда эдим, сәр, шунинг учун унинг гапираётгани-гапирмаётганини эшилмадим. Охири у йўлакка югуриб чиқиб: «Ахир бу одам келадими-йўқми ўзи?»— деб қичқирди. Худди шундай деди, сәр. «Яна бир оз кутиб туринг», дедим. «Мали, кута тураман,— деди у,— аммо бу ерда эмас, очиқ ҳавода, бўлмаса бу ерда нафасим тиқилиб кетаётгиди! Ҳадемай қайтиб келаман». Ҳеч бир гапга кўимади.

— Дуруст, дуруст. Сен қўлингдан келган ҳамма ишни қилибсан,— деди Холмс ва биз хонамизга кирдик.— Лекин бу жуда ўкинарли, Уотсон,— дея давом эттириди сўзини дўстим.— Ишсиз қолиб жуда зерикиб кетдим, у одамнинг сабрсизланганига қараганда иши муҳимга ўхшайди. О! Столдаги мана бу трубка сизники эмас. Буни у қолдириб кетганга ўхшайди. Узун мундшукли қадимий ажойиб брайер, бунақаларини, тамакифуруушлар қаҳрабо¹ бандли деб аташади. Қизиқ, бутун Лондон бўйича нечта ҳақиқий қаҳрабо мундшук топилар экан? Баъзи одамлар, агар қаҳрабода қумурсқа бўлса, у чинакам қаҳрабо бўлади, дейдилар. Шунинг учун ҳам қалбаки қаҳрабога қалбаки қумурсқа жойлаш билан шуғулланадиган маҳсус саноатчилар пайдо бўлди... Ҳа, бу одам ўзи учун ардоқли бўлган трубкасини бу ерда унтиб қолдирган экан, демак у қаттиқ хафа.

— Бунинг унга ардоқли эканлигини қаёқдан билдингиз?— деб сўрадим мен.

— Янгиси, менингча, етти ярим шиллинг турса керак. Қўриб турибсизки, трубка икки маротаба тузатилган: аввал мундшукнинг ёғоч қисмини, кейин қаҳрабо қисмини тузатганлар. Иккала марта ҳам трубканни унинг ўзидан қимматроқ турадиган кумуш ҳалқача билан мустаҳкамлаганлар. Уни ғоят ардоқлаган одамгина, ана шу пулга янгисини олиб қўя қолиш ўрнига уни қайта-қайта тузаттиради.

— Яна бирон бошқа гап борми?— деб сўрадим мен, Холмснинг трубканни қўлида ўйнаб, уни ўзига хос ўйчаник билан кўздан кечираётганини кўрарканман.

У трубканни қўлига олди-да, аллақандай суюк ҳақида

¹ Қаҳрабо — тош бўлиб қолган дараҳт елими; ундан безак ва зеб-зийнат буюмлари ясайдилар. Баъзан қаҳрабо парчасида бир вақтлар ширага ботиб қолган майда ҳашаротни ҳам учратиш мумкин.

лекция ўқиётган анатомия профессорига ўхшаб, уни узун, нозик бармоқлари билан чертди.

— Баъзан ғоятда қизиқ трубкалар учраб қолади,— деди у.— Соат ва ботнинка, тасмаларини мустасно қилганда, бошқа ҳеч қандай буюмлар шу қадар ўзларига хос ёрқин хусусиятлари билан кўзга ташланиб турмайди. Бироқ бу трубка зуҳр этаётган шоҳидликлар унча характерли эмас, унча муҳим ҳам эмас. Афтидан, унинг эгаси мушакдор, чапақай, тишлари бутун, боқибекамроқ, хийлагина бадавлат одам бўлса керак.

Бу маълумотларнинг ҳаммасини дўстим менга ғоят парвосизлик билан гапиради. Аммо унинг менга кўз қирини ташлаётганини, мулоҳазаларини кузатиб бораётгандармаётганимга қаноат ҳосил қилмоқчи бўлаётганини пайқадим.

— Сиз уни, етти шиллинглик трубкаси борлигига асосланибгина бадавлат одам демоқчимисиз?— деб сўрадим.

— Бу Гросвенорнинг омухта тамакиси, бир унцияси саккиз пенс туради,— деб жавоб берди Холмс, трубкани кафтига енгилгина қоқиб.— Бундан икки баробар арzon турадиган ажойиб тамаки чекниши ҳам мумкинлигини айтсак, унинг пул тежашга муҳтоҷ эмаслиги равшан бўлади.

— Бошқа хulosаларингиз-чи?

— Унинг трубкасини чироқ ёки газдан тутатиб оладиган одати бор. Трубканинг бир томондангина анча күйиб қорайиб қолганини кўришингиз мумкин. Гугурт билан тутатилганда бу қадар қораймайди. Одам гугуртни нима учун трубканинг ёнидан тутиши керак? Агар чироқдан тутатилса, бу бошқа гап. Унда трубканинг тамакидони албатта қорайиб қолади. Бу эса фақат ўнг томонидан қорайиб қолган. Бундан шундай хulosа чиқараманки, унинг эгаси—чапақай. Трубкангизни чироқдан тутатиб кўринг-чи. Сиз чапақай бўлмаганингиз учун, табиийки, уни чап томонидан ўтга тутасиз. Албатта, баъзан аксинича бўлиши ҳам мумкин, аммо бу мутлақо тасодиф бўлади. Бу трубкани эса ҳамиша ўнг томондан тутатганлар. Ундан ташқари, мана, у мундштукни қаттиқ тишлайверганидан ейилиб тешилган. Кучли, ғайратли, тишлари бақувват одамгина шундай қилиши мумкин... Янглишмаётган бўлсан зинапоядан қадам товушларини эшиштаётиман. Ҳозир биз трубкадан ҳам қизиқроқ нарсани кўздан кечирамиз.

Бир дақиқадан сўнг эшигимиз ланг очилиб, хонага новча бир йигит кириб келди. Эгнида қадди-қоматини

қүчиб турган бежиримгина тұқ кулранг костюм. Құлида соябони кенг құнғир мовут шляпа. Мен уни үттіз ёшларда деб тахмин қилишим мүмкін әди. Аслида эса, ажаб әмаски, бундан каттароқ бўлса.

— Афв этасиз,— деди у сал хижил бўлиб.— Мен тақиллатишим керак әди. Ҳа, албатта, тақиллатишим керак әди. Аммо мен бир оз хафаман, ҳамма гап шунда!— деганча у сал-пал боши айланиб турган одамдек, пешонасиин силаб, стулга ўтирди, дейиншдан ҳам кўра, ўзини ташлади.

— Назаримда сиз бир-икки кечадан бери ухламаганинг ўхшайсиз,— деди Холмс очиққўнгиллик билан.— Бу нарса асабни ишдан ҳам, ҳаттоқи ўйин-кулгидан ҳам кўпроқ қақшатади. Рухсатингиз билан сўрасам, сизга биронта ёрдамим тегиши мүмкінми?

— Менга сэнинг маслаҳатингиз керак, сэр. Нима қилишимни билмай қолдим, назаримда бутун турмушим барбод бўлгандек.

— Менга детектив консультант сифатида ёрдам бер, демоқчимисиз?

— Бу ўз йўли билан. Аммо, бундан ташқари, мен сизнинг фикрингизни билмоқчи әдим. Сиз кўнни кўрган, турмушинг аччиқ-чучугини тотган оқил одамсиз... Нима қилишим кераклиги тўғрисида йўл кўрсатсангиз деган әдим. О, менга йўл кўрсатишингизни жуда истардим!

У қисқа-қисқа, кескин, узук-юлуқ гапирав, назаримда, умуман ғоятда қийналиб гапираётгандек, дилида бор гапини изҳор қилмаслик истагини аранг тийиб тургандек әди.

— Бу жуда нозик масала,— деди у.— Ҳеч ким ўзининг онлавий ишларини бегона одамга гапиришни хуш кўрмайди. Умринг бино бўлиб кўрмаган иккى одам билан хотининг ўртасидаги муносабатни муҳокама қилиш — бу жуда даҳшатли нарса. Ҳа, бу даҳшат! Аммо ичиқ бориб устихонимга тақалди, яхши бир маслаҳатга муҳтоҷ бўлиб қолдим.

— Қимматли мистер Грант Монро...— дея гап бошлиди Холмс.

Мижозимиз стулдан сапчиб туриб кетди.

— Ия!— деб қичқириб юборди у.— Сиз менинг отимни биласизми?

— Сиз ўзингизнинг кимлигинингизни хуфия тутмоқчи бўлсангиз,— деди Холмс жилмайиб,— мен сизга отингизни шляпангизнинг астарига ёзмаслигинингизни ёки ақали гаплашаётганингизда ундаги ёзувни суҳбатдошингиз-

нинг кўзи тушмайдиган ҳолда ушлаб туришингизни маслаҳат берардим. Шу нарсани айтмоқчи эдимки, дўстим билан меп бу хонада кўнгина гаройиб сирларни эшитганмиз, кўпгина безовта кўнгилларга таскин бағишилаш бахтига мұяссар бўлганимиз. Аминманки, бу гал ҳам шунга мушарраф бўламиз. Башартики ошиқишимиз зарур бўлиб қолса, менга ҳамма фактларни дарҳол айтиб берингизни илтимос қиласадим.

Меҳмонимиз яна қўли билан пешонасини силади, унинг гап бошлиши нақадар қийин бўлаётганини пайқаш мумкин: юзининг ҳар бир имоси, ҳар бир ҳаракати бу одамнинг писмиқ, босиқ, мағрур, ўз жароҳатларини аён ошкор кўрсатишдан кўра ҳам уни яширишга мойил одам эканлигини сездириб турар эди. Аммо у бирдан, ҳар қандай андишани бир четга улоқтириб ташлагандек, муштини қаҳр билан силтаб, гапира кетди.

— Фактлар шулардан иборат, мистер Холмс,— деди у.— Ўйланганимга уч йил бўлган. Шу вақтгача хотиним ҳам, меп ҳам бир-биримизни жуда севардик, ғоят бахтиёр эдик. Биз бир-бирииздан ҳеч нарсани — на ўйхаёлларимизни-ю, на хатти-ҳаракатларимизни яширадик. Аммо — ўтган душанбадан бери — орамизда бирдан қандайдир тўсиқ пайдо бўлди. Хотинимнинг ўй-хаёлларида, ҳаётида менга номаълум бўлган бир нарса пайдо бўлиб қолди. Энди хотинимнинг сирини кўчада ўтиб кетаётib мени тасодифан туртиб юборган хотиннинг сирини билганимчалик ҳам билмайман. Биз бир-бириизга бегона бўлиб қолдик, мен шунинг сабабини билмоқчи эдим... уёғини айтишдан олдин, мистер Холмс, диққатингизни масаланинг бир жиҳатига қаратмоқчи эдим. Эффи мени севади, бунга шубҳаланмасангиз ҳам бўлади. У мени чин қалбидан севади, ҳеч қачон ҳозиргичалик севган эмас. Мен буни биламан. Буни ҳис қилиб турибман. Бу борада баҳслашмоқчи эмасман. Эркак кишида хотин киши учун севишига комил ишонч бўлиши мумкин-ку ахир! Аммо бизнинг орамизга сир тушкіб, ола солди, агар у очилмаса бизнинг илгариги алоқаларимиз ўрнига қайтиб келмайди.

— Мумкин бўлса, менга фактларни айтиб берсангиз, мистер Монро,— деди Холмс бир оз сабрсизланиб.

— Мен сизга Эффи тўғрисида билгандаримни айтиб бераман... Мен Эффи билан илк дафъа учрашганимда у бева эди, зотан жуда ёш жувон эди. У эндигина йигирма бешга кирган эди. Уни миссис Хиброн деб аташарди. Жуда ёшлигига Америкага жўнаб кетиб, Атланта шаҳ-

рида яшаркан. У ерда мижозлари жуда күп Хиброн деган адвокатга тегибди. Улар бола кўришибди, аммо қора безгак эпидемияси бошланиб, эри ҳам, боласи ҳам ўлибди. Мен Хиброннинг вафоти ҳақидаги гувоҳномани кўрганиман. Ана шу бахтсизликлар туфайли у Американи қаттиқ ёмон кўриб қолниб, уёқдан қайтиб келган, тул холаси билан Миддлескдаги Пиннер деган жойда яшай бошлаган. Мен шуни эслатиб ўтишим керакки, эри ўлгач, унга дурустгина мерос, тахминан тўрт ярим минг фунт пул қолгай, улардан етти процент даромад олиб туаркан. Мен Эффиник учратганимда унинг Пиннерда яшаётганига эндигина ярим йил бўлган экан. Биз бир-биримизни севиб қолдик, бир неча ҳафтадан кейин қовушдик.

Мен ўзим ачитқифурушман. Бир йиллик даромадим етти юз-саккиз юз фунтга боради. Шундай қилиб биз анчагина маъмур бўлиб қолдик. Илига саксон фунт бадалига Норберидан яхшигина бир боғни ижарага олдик. Бу жой шаҳар чеккагинасида жойлашган бўлса-да, қишлоқдан деярли фарқ қилмасди. Богимиздан сал юқорироқда иккита уй билан меҳмонхона, даланинг нариги томонида, четроқда — бизга рўпарама-рўпара коттеж жойлашган. Станцияга олиб борадиган йўлнинг ўргасига етгунча бундан бошқа ҳеч бир бино йўқ.

Куз ва қиши ойларида мен кўпинча иш билан шаҳарда юраман, аммо ёзда камроқ банд бўламан. Биз шаҳар ташқарисидаги уйимизда кўнгилдагидеккина бахтиёр турмуш кечириб туардик. Шу лаънати воқеагача турмушимиизга ҳеч нарса доғ солмаган эди...

Сизга шуни айтишим керакки, турмуш қурганимиздан кейин, хотиним бор бойлигини менга топширди — қарши туришимга ҳам қарамади, чунки, ишларим юришмай қолган тақдирда мен унинг пулларидан фойдаланишга жуда ҳам қийналардим. Бироқ у сўзини ўтказмай қўймади. Бирдан, тахминан олти ҳафта муқаддам у менга шундай деб қолди:

«Жек, сиз менинг пулларимни олаётганингизда, хоҳлаган вақтингизда керагича олишингиз мумкин, деган эдинингиз».

«Албатта,— деб жавоб бердим мен.— Бу пуллар сизники».

«Хўп бўлмаса,— деди у,— Менга юз фунт керак».

Мен бир оз таажжубландим, аммо янги кўйлак ёнки шунга ўшаган бирон нарсага керакдир-да, деб ўйладим.

«Нимага керак бўлиб қолди?»— деб сўрадим мен.

«О,— деб жавоб берди у саросимага тушиб,— сиз банкирингизгина бўламан, деган эдингиз-ку, банкирлар бўлса ҳеч қачон ҳеч нарсанн сурнштирумайди, буни биласиз-ку».

«Агар пул сизга дарҳақиқат керак бўлса, уни оласиз».

«Ҳа, албатта, пул жуда керак».

«Нима учун кераклигини айтмайсизми?»

«Кейинроқ айттарман, Жек, ҳозир эмас».

Мен шу жавобга қаноат қилишга мажбур бўлдим, зотан ўшангача у мендан ҳеч нарсанн яширмас эди. Мен унга чекни бериб, бу суҳбатимизни хаёлимдан чиқариб юбордим. Эҳтимол кейин содир бўлган нарсаларга бу ҳодисанинг ҳеч қандай алоқаси ҳам йўқдир-у, ҳар қалай, уни эслатиб ўтиши изарур.

Сизга ҳозиргина айтганимдек, уйимизнинг яқинида коттеж бор. Орамизни дала ажратиб туради, аммо коттежга бориш учун йўлдан ўтиб, кейин сўқмоққа бурилиши керак. Худди коттежнинг орқасида кичкина арчазор бор, мен у ерда сайр қилишини жуда ёқтирадим, чунки умуман дарахтларни яхши кўраман. Афсуски, саккиз ойдан бери коттежда ҳеч ким яшамас, ҳар томондан ўрмалаб чиққан шилви билан қуршалган, эски усулдаги пешайвонли, иккι қаватли шинамгина уйнинг шунча вақтдан бери бўш ётганига туриб-туриб ачинардим. Кўпинча бу уй қаршисида тўхтаб қолиб, унинг қандай шинамгина қўргонча бўлиши мумкинлигини ўйладим.

Утган душанба, кечқурун сайр қилиб юрсам, йўлга бўш фургон чиқиб қолди, зинапоя олдидағи ўтлоқда эса бир уюм гилам билан ҳар хил буюмлар ётибди. Аниқ билдимки, коттежни ниҳоят ижарага берганлар. Мен ўтиб кетмоқчи ҳам эдим-у, аммо тўхтаб қолдим, таомилга кўра бекорчиликдан томоша қилиб, бизга қўшии уйда қандай одамлар яшар экан, деб ўйлай бошладим. Уйга қараб турарканман, туйқусдан юқори деразалардан биррида мени кузатаётган одаминиг башарасини кўриб қолдим. Бу башарада диққатга лойиқ нима бор экаиллигини билмайман-у, мистер Холмс, аммо этим сесканиб жимирилашиб кетди. Узоқдан яхшилаб илғаб олмаган бўлсам ҳам, у кўзимга аллақандай ғайритабий, ғайриинсоний бўлиб кўринди. Шу таассурот блан яқинроқ бориб, мени ким кузатаётганини аниқламоқчи бўлдим. Аммо шу дақиқадаёқ у одамни орқасига, хонанинг қоронги бир жойига тортиб олганларидек, башара тўсатдан ғойиб бўлди. Мен нима бўлганини пайқашга тиришиб беш минутча

туриб қолдим. Бу әркак кишининг башарасимиidi ёки хотин кишининг башарасимиidi, унисини айтолмайман. Жуда узоқда турган эдим. Мени ҳаммадан ҳам унинг мурданикidek кўкиш-сарғиши туни ҳайратга солди. Бақрайган каҳат бу башара ўзининг гайритабиилиги билан жиркантиради. Мен шу қадар ташвишланиб қолдимки, янги қўшниларимиз ҳақида муфассалроқ тасаввурга эга бўлишга қарор қилдим. Зинапоядан чиқиб бориб, эшикни тақиллатдим. Эшикни афт-ангари ёқимсиз, бадбашара, новча бир хотин шу заҳотиёқ очди.

«Нима дейсиз?»— деб сўради у кескин шотландча талаффуз билан.

«Мен сизнинг қўшнигиз бўламан, ҳов анави ерда яшайман,— дедим уйим томонга имо қилиб,— назаримда эндиғина кўчиб келганга ўхшайсизлар. Сизга бирон ёрдамим тегмасмикан?»

«Керак бўлсангиз — чақирамиз»,— деди-да, у эшикни тарақлатиб ёпди.

Бу қўпол жавобдан аччиғим чиқиб, уйга қараб кетдим. Бутун кеч давомида, ҳарчанд бошқа нарса тўғрисида ўйлашга тиришсам ҳам, фикри-хаёлим деразада кўринган башара билан ҳалиги шаддод хотинга қайта-верди. Хотинимга ҳеч нарса демасликка қарор қилдим: у асабий аёл, унар-унмасга хафа бўлаверади, хунук таассуротларим билан уни ташвишлантиришимнинг ҳожати йўқ, деб ўйладим. Ётатётганимда, гап орасида коттежга одам кўчиб келганлигини айтдим, холос. У ҳеч нарса деб жавоб бермади.

Одатда мен қаттиқ ухлайман. Оилада кечаси мени уйғотиш амримаҳол деб ҳисоблашади, бу нарса бизнинг доимий ҳазил-мутойибаларимизга сабаб бўлади. Аммо ўша куни кечаси, эҳтимолки, кўрганларимдан бир оз ҳаяжонланганимдан бўлса керак, одатдагидан кўра сергакроқ ухладим. Кўзим уйқуда экан, атрофимда бир нарса бўлаётгандек туюлди. Нима бўлаётганини аста-секин англай бошладим, хотиним ўриидан турди, ёпинчиғи билан шляпачасини кийди. Мен уйқули кўзим билан ранжиганим ёки таажжубланганимни айтмоқчи эдим, аммо кўзимни хиёл очарканман, унинг шам ёритган юзини кўриб ҳайратдан лол бўлиб қолдим. Чеҳрасида бундай ифодани ҳеч қачон кўрган эмасдим. Буни тасаввуримга ҳам келтирмаган эдим. Ранги мурдадек оқариб кетган, энти-киб-энтикиб нафас олар эди. Ёпинчиғининг тугмасини қадаркан, уни уйғотиб юбормадиммикан, дегандек каратотга ўғринча назар ташлаб қўярди. Кейин, мени ух-

лаб ётибди, деб ўйлаб, хонадан секингина чиқиб кетди. Бир лаҳзадан кейин ташқари эшикнинг аста фижирлаганини эшилдим. Турниб ўтиридим-да, ростдан уйғонган-уйғонмагалигимни билиш учун каравотнинг суюнчиғини уриб кўрдим, кейин ёстиқнинг тагидан соатимни олдим. Соат уч эди. Шундай бир бемаҳал пайтда хотинимнинг қишлоқ йўлида нима иши бор экан?

Мен бирон жавоб топишга уриниб бош қотирганча йигирма минутча ўтиридим. Ўйлаганим сайнин бу нарса тобора чигал ва сирли бўлиб туюларди. Ҳамон бус-бутун саросимада эканман, ташқари эшик яна сассизгина очилиб, зинапоядан хотинимнинг оёқ товушлари эшилди.

«Қаёқда эдингиз, Эффи?»— деб сўрадим у кириб келаркан.

У бутун вужуди билан сапчиб тушиб, қичқириб юборди. Бу қичқириқ билан титроқ мени бошқа ҳамма нарсалардан кўра кўпроқ ташвишлантирди: мен буларда таърифлаш маҳол бўлган жинонӣ бир нарса ҳис қилдим. Хотиним ҳамиша шу қадар соф виждонли, ҳалол эдики, унинг ўз хонасига писиб кириб келаётганини, эри гап сўраса қичқириб юборганини, титраётганини кўрарканман, аъзойи баданим музлаб кетди.

«Ўйғоқмидингиз, Жек!— деб хитоб қилди у асабий кулиб.— Мен, сизни ҳеч нарса уйғотолмайди, деб ўйлардим».

«Қаёқда эдингиз?»— деб сўрадим мен қовоғимни солиб.

«Сизнинг таажжубланғанлигингизни пайқаб турибман,— деди у. Ёпинчиғининг тугмаларини ечаётганида бармоқлари қалтираётганини кўрдим.— Мен илгари, бир кунмас-бир кун шундай бўларман, деб ҳеч ўйламаган ёдим. Гап шундаки, бирдан нафасим тиқилиб бўғилиб қолаёздим. Соф ҳавода нафас олишим керак эди, агар ташқарига чиқмасам, ҳушимдан кетиб қолардим. Бир неча минутгина эшикнинг олдида турдим, энди яна яхши бўлиб қолдим».

Шуларни айтаркан у мен томонга бирон марта ҳам қарамади, овози эса одатдагидан бошқача эшилди. Унинг ёлғон гапираётгани аён кўриниб турарди. Мен унга ҳеч пима деб жавоб бермай, деворга ўтирилиб олдим, юрагим алам-изтиробда, ўзим эса бус-бутун мудҳиш гумонлар, шубҳалар ҳукми остида ёдим. Хотиним мендан нималарни яшираётган экан? У қаерда бўлди экан? Бор гапни билмагунимча тинчиёлмаслигимни ҳис қиласардим,

аммо бир марта ёлғон гапирганидан кейин уни сұроққа тутгим келмасди. Түннинг қолган қысмани бир-биридан ақл бовар қымбайдиган далиллар үйлаб топишга тиришиб, әтоқчилаганча үтказдым.

Үша куни шаҳарга тушиб келишим керак әді, аммо шу қадар ҳаяжонланған әдімки, иш билан шуғулланолмасдым. Хотиним ҳам хафадек әді. Уннинг менга саволомуз қараб-қараб қўйишидан уйдирмасига ишоимаётганини пайқаб турғани, мен билан қандай мумомала қилишини билолмаётгани аён кўриниб турарди. Нонушта вақтида чурқ этиб гаплашмадик. Нонуштадан кейиниоқ мен дарҳол айлангани чиқиб кетдим, бор гапни соғ ҳавода юриб үйлаб олмоқчи әдім.

Биллур саройига бориб, у ерда бир соатча бўлдим, Норберига кундуз соат бирда қайтиб келдим. Тасодифан коттежнинг олдиндан ўтаётиб, кеча ўша ёқдан мўралаган ғалати башарани кўриб қолмасмишман, деган умидда деразаларга кўз ташлаш учун тўхтадим. Эшик бирдан очилиб, ичкаридан хотиним чиқиб келганда нақадар ҳайратланганимни тасаввур этсангиз әди, мистер Холмс!

Уни кўрарканман, серрайиб қотиб қолдим, кўзларимиз тўқнашгандай уннинг юзида пайдо бўлган ифода қаршиисида менинг ҳисларим ҳеч нарса бўлмай қолди. Назаримда хотиним уйга қочиб кириб яширинмоқчи бўлгандек туюлди, аммо қочиш бефойда эканлигини кўриб, ранги ўчиб, кўзлари ола-кула бўлганчада олдинга қараб юра бошлади, кўзларининг ифодаси лабидаги табассумига сира ҳам ёпишмас әди.

«Вой, Жек,— деди у,— бирор ёрдамим тегиб қолмасмикан, деб қўшниларимизникига ҳозиргина кирган әдім. Менга нега бундай қарайпсиз, Жек? Мендан аччиғланадётганингиз йўқми?»

«Хўш,— дедим мен.— Кечаси шу ерга келганмидингиз?»

«Бу билан нима демоқчисиз?»— деб хитоб қилди у.

«Сиз шу ерга келгансиз, бунга аминман. Сиз шунаقا вақтда келиб кўрадиган бу одамлар ким ўзи?»

«Мен бу ерда ҳеч қачон бўлгаи эмасман».

«Нега ёлғон гапирасиз? Гапингиз ёлғон эканлигини ўзининг ҳам биласиз-ку!— деб қичқириб юбордим мен.— Гапирайтганингизда ҳатто овозингиз ҳам ўзгариб кетади. Мен сиздан ҳеч қачон бирон сир яширганимидим? Ҳозир бу коттежга кириб, бор гапни ўзим аниқлайман».

«Йўқ, йўқ, Жек!!!»

У даҳшатлы ҳаяжонини яширолмай энтикарди, мен эшикка яқинлашаркаиман, у шартта енгимга ёнишди-да, бирдан кучга кириб кетиб, мени шахт билан четга тортиди.

«Үтинаман, кирманг, Жек!— деб хитоб қилди у.— Қасам ичаман, бир куимас-быр кун бор гапни бус-бутун айтиб бераман, аммо кейинчалик, кейин... Агар сиз бу коттежга кирсангиз, катта фалокат юз беради!»

Мен унинг қўлидан бўшаб чиқишга уринсам у жон-ҳолатда илтижо билан ёпишиб олди.

«Сўзимга ишонинг, Жек!— деб қичқирди у.— Ақалли шу галча ишонинг! Ҳеч қачон ўқинмайсиз! Агар мен сиздан бирор нарсани яшираётган бўлсанм, бу ишни сиз учун қилаётиман. Бутун турмушимиз шу нарсага боғлиқ. Ўйга бирга кетайлик, ҳаммаси осойиш топади. Агар сиз менинг кўнглумга қарамай, коттежга киаркансаниз, орамиз бузилади!»

Унинг овози шу қадар самимий ва аламли янградики, мен эшик олдида иккиланганча туриб қолдим.

«Сўзларингизга бир шарт билан ишонаман,— дедим ниҳоят.— Ҳоҳлайманки, буларнинг ҳаммаси дарҳол барҳам топсин. Сирингиз ичинигизда қола қолсин, аммо менга, тунлари буёққа қатнашини бас қиласман, сиздан яшириқча бирор иш қилмайман, деб ваъда берасиз. Мен бўлган нарсаларнинг ҳаммасини унтишга розиман, бу ортиқ такрорланмайди, деб ваъда берсангиз бас».

«Менга ишонишингизга шубҳам йўқ!— деб хитоб қилди у енгил тортиб, эркин нафас оларкан,— ҳаммаси сизнинг кўнглингиздагидек бўлади. Юринг, қани, уйга юринг!»

Енгимни ҳамон қўйинб юбормай, у менинг коттеждан нари сургаб кетди. Кетаётуб орқамга қаарракаиман, юқоридаги деразадан бизни кузатиб турган ўша одамнинг сарғиши, заҳил башарасини кўрдим. Бу маҳлуқ билан хотинимнинг орасида қандай муносабат бўлниши мумкин? Еки мен кечак юрган қўпол хотин билан хотиним орасида қандай яқинлик бўлиши мумкин? Бу бошни қотирадиган жумбоқ эди, мен буни ҳал қилмагунимча тиниб-тиничимаслигимни билардим. Шундан кейин икки кунни уйда ўтказдим. Назаримда, хотиним шартимизни ҳалол бажараётгандек эди, негаки, пайқашимча, у уйдан ташқарига чиқмади. Аммо учинчи кунга бориб диққатини эри ва бурчидан четга тортаётган сирли бир нарсанинг таъсиридан уни ҳеч қандай қасам сақлаб қололмаслиги аён бўлди.

Шу куни мен шаҳарга тушдим, аммо одатда қайтиб борадиган 3.36 даги поезд билан эмас, 2.40 даги поезд билан қайтдим. Ўйга кириб борсам, қаршимдан ваҳимага тушган хизматкор хотин югуриб чиқди.

«Бека қаёқда?»— деб сўрадим ундан.

«Сайр қилгани чиқиб кетган шекилли!».

Кўнглимда дарров шубҳа туғилди. Унинг уйда йўқлигига ишонч ҳосил қилиш учун юқорига қараб чопдим. Тасодифан деразадан қараб ҳозиргина мен билан гаплашган хизматкор хотинниг даладан коттежга қараб чопиб кетаётганини кўрпib қолдим. Албатта, бунинг боисини дарҳол пайқадим. Хотиним ўша ёқقا кетган, мен келиб қолгудек бўлсан хизматкорга дарров ўзини чақиришни тайинлаган.

Қаҳр-ғазабдан қалтираб пастга югуриб тушдим-да, бу ишга батамом барҳам бериш учун дала томонга қараб кетдим. Хотиним билан хизматкорнинг сўқмоқдан ўйга қараб югуриб келаётгандарини кўрдим-у, улар билан гаплашиб қолмаслик учун тўхтамадим. Коттежда менинг турмушимга қўланка солған бир сир бор! Бу сирни билмагунча қўймайман, деб қасд қилдим. Ҳаттоқи тақиллатиб ҳам ўтирумасдан эшик тутқичини бурдим-да, йўлакка югуриб кирдим.

Биринчи қават жимжит, осойишта. Ошхонада ўт устидаги чойдиш қайнаб турибди, катта қора мушук саватда фужанак бўлиб ётибди, аммо мен илгари кўрган хотиндан асар ҳам йўқ эди. Иккинчи хонага югуриб кирдим, унисида ҳам ҳеч ким йўқ. Шундан кейин зинапоядан юқорига югуриб чиқдим, юқоридаги икки хонада ҳам ҳеч кимни учратмадим. Бутун бошли уйда жон асари йўқ эди. Мен деразасидан ғалати башарани кўрган хонани мустасно қилганда, бу ердаги жиҳоз ва расмлар жўнгина, бачканга эди. Бу хона қулай, шинамгина жиҳозланган, хотинимнинг бор бўйи билан тушган фотосурати каминда турганини кўриб қолганимда ҳамма шубҳаларим даҳшатли, аламли қаҳрга айланди. Бу суратни у менинг илтимосим билан бундан уч ойгина бурун олдирган эди.

Мен у ерда уй мутлақо бўш эканини аниқлаш учун қанча вақт даркор бўлса, шунча вақт бўлдим. Бу ердан дилсиёҳ бўлиб чиқиб кетдим, ҳеч қачон бундай бўлган эмасдим. Ўйга қайтиб борсам, хотиним пешвоз чиқди, шу қадар аччиғланган эдимки, у билан гаплашмай, ёнидан ўтиб кабинетимга кириб кетдим. Шундай бўлса ҳам, у эшикни ёпиб улгурмасимдан орқамдан кириб келди.

«Ваъдамни бузганимга қаттиқ ачинаман, Жек,— деди у,— агар сиз бор гапни билганингизда, аминманки, мени кечирган бўлардингиз».

«Бўлмаса бор гапни айтиб беринг».

«Лайтиб беролмайман, Жек, айтиб беролмайман!»

«Токи сиз бу коттежда ким яшашини, фотосуратин-гизни кимга берганингизни менга айтиб бермас экансиз, асло ишонмайман»,— дедим ва уни ташлаб кўчага чиқиб кетдим...

Бу кеча бўлган эди, мистер Холмс, мен уни кейин кўрмадим, бу ғалати ишдан ҳам ортиқ хабарим йўқ. Шунгача бизнинг орамизда ҳеч қандай англашилмовчилик бўлмаган эди, унинг ёлғон гапираётганидан шу қадар ҳанг-манг бўлиб қолдимки, нима қилишга ҳам ҳайронман. Бугун эрталаб менга маслаҳат билан ёрдам бера оладиган одам сиз эканлигинги миямга келиб, олдингизга қараб югурдим. Узимни батамом сизнинг ихтиёрингизга топшираман. Агар сизга битта-яримта деталь аниқ бўлмаса, марҳамат, сўрайверинг. Аммо даставвал нима қилишим кераклигини тезроқ айтинг! Бу баҳтсизликка ҳеч чидаёлмайман.

Холмс билан мен унинг бу кўз кўриб, қулоқ эшилмаган гаройиб ахборотини мароқ билан тингладик. У зўр ҳаяжон чулғаган кишидек қалтираб, энтикиб-энтикиб ҳикоя қиларди. Дўстим ўйга толиб, бир озгина вақт қўлини иягига тираганча ўтириди.

— Айтинг-чи,— деди у ниҳоят,— деразадан эркак кишининг юзини кўрганингизга аминмисиз?

— Мен уни ҳар гал ҳам узоқдан кўрганим учун бирон нарса дёёлмайман.

— Ҳар қалай, у таъбингизни тирриқ қилдими?

— Назаримда унинг туси ғайритабний, қиёфаси ғалати бир тарзда ҳаракатсиз эди. Яқинроқ борсам дарров ғойиб бўларди.

— Хотинингиз сиздан юз фунт пул сўраганига кўп бўлдими?

— Икки ойча бўлиб қолди.

— Сиз ҳеч қачон биринчи эрининг суратини кўрганмисиз?

— Йўқ. Унинг вафотидан кейин Атлангода катта ёнғин чиқиб, оиласларига тегишли ҳамма қофозлар ёниб кетган экан.

— Бироқ эрининг ўлгани ҳақидаги гувоҳномаси бор экан. Бу шаҳодатномани кўрдим, дедингиз-ку!

— Ҳа, ёнгиндан сўнг дубликатини олган экан.

— Сиз уни Америкадалигидан бери биладиган бирор одам билан ҳеч қачон учрашганмисиз?

— Йўқ.

— У, яна ўша ёққа бориб келаман, деганими сира?

— Йўқ.

— Ўёқдан хат олиб турармиди?

— Билишимча, йўқ.

— Ташаккур. Мен бу иш устида бир озгина ўйла-моқчи эдим. Агар коттеждагилар у ерни бутунлай таш-лаб кетган бўлсалар — бу аҳволни мушкуллаштиради. Аммо ўйлашимча, тўғрироғи, у ерда истиқомат қилув-чилар сизнинг келишинги тўғрисида олдиндаи огоҳлан-тирилган, улар сиз у ерга кириб бормасингиздан олдин чиқиб кетгандар. Шундай бўлса, улар эҳтимолки, қайтиб келадилар, ҳамма нарсани осонгина аниқлаймиз. Рухса-тингиз билан, сизга маслаҳат берардимки, Норберига қайтиб, коттежнинг деразаларини кузатсангиз. Агар сиз-да у ерда бирвлар истиқомат қилиб турибди, дўйстим би-лан менга телеграмма беринг. Биз телеграмма келиб тегиши билан бир соатдан сўнг олдингизда бўламиз, ишнинг тагига дарҳол етамиз.

— Борди-ю, коттеж ҳалигача ҳам бўш турган бўл-са-чи?

— Ундаи бўлса, мен эртага етиб бораман, биз бор-гани ўша ерда ўзингиз билан бирга муҳокама қила-миз. Яхши боринг, элдан бурун ич-этингизни еб руҳин-гиз тушмасин, бунинг учун ҳозирча ҳеч қандай асосли сабабларингиз йўқ...

— Бу расво бир воқеа бўлмаса, деб қўрқаман, Уот-сон,— деди дўйстим мистер Грант Монрони эшиккача ку-затиб келгач.— Сиз бунга нима дейсиз?

— Назаримда бу жуда жирканч ишга ўхшайди,— деб жавоб бердим мен.

— Ҳа. Бу товламачилик ёки мен қаттиқ адашаётби-ман.

— Товламачи ким бўлди экан?

— Аниқроғи бирдан-бир шинам хонада яшаб, ўша хотиннинг фотосуратини каминга қўйиб қўйган киши бў-лиши керак. Ростини айтсам, Уотсон, мени нима учунидир деразадан кўринган сарғиш башара жуда қизиқтириб қолди, бу ишни сира ҳам эътибордан четда қолдиргим келмаётиди...

— Сизда биронта фараз туғилдими?

— Ҳозирча бир тахминий фикр. Агар у тасдиқланма-

са, мен таажжуланган бўлардим. Коттежда ўша хотиннинг биринчи эри яшаб турган бўлниши керак.

— Нима учун бундай деб ўйлайсиз?

— Бўлмаса иккиси эрининг у ерга кириб қолнишидан нега бунчалик қўрқади? Менингча, шундай бўлган: у хотин Америкада эрга теккан. Кейин у эрини ёмон қўриб қолган — фараз қилайлик, эри мохов ёки меров бўлиб қолган... У, ниҳоят, эридан қочиб Англияга қайтиб келади, отини ўзгартириб, ўз фикрича: янгитдан турмуш бошлайди. У бундан уч йил муқаддам эрга теккан, ўз мавқенини мутлақо мустаҳкам ҳисоблаб келган. Ўзини аллақандай бир кишининг фамилияси билан атаб, эрига ўша кишининг ўлими ҳақидаги гувоҳномани кўрсатган. Ниҳоят унинг қаерда эканлигини ё биринчи эри, ёинки, фараз қилайлик, беморга кўнгил бериб қолган биронта беҳаё хотин билиб олган. Улар хотинга хат ёзиб, бориб сени фош қиласиз, деб таҳдид қилганлар. Уларнинг оғизига уриш учун хотин юз фунт сўраган. Шунга қарамай эри коттежда яиги келишган истиқоматчилар пайдо бўлганини унга тасодифаш айтганида, хотин булар уни таъқиб қилаётган кишилар эканлигини фаҳмлаб қолган. Эрининг уйқуга кетишими пойлаб хотин ўша ёққа югуриб борган, улардан уни ўз ҳолига қўйишларини сўраб ялиниб-ёлборган. Ҳеч кўндиrolмагач, уларнинг олдига эртасига эрталаб ҳам борган, коттеждан чиқаётганида эри билан тўқнаш келиб қолган. Эри ундан у ерга ортиқ келмасликка сўз олган, аммо икки кундан сўнг хотин ўзининг мудҳиш қўшниларидан халос бўлишига астойдил ишонган ҳолда улар билан келишишга яна бир ҳаракат қилиб қўрган. Шунда уларга ўз фотосуратини берган, буни ундан талаб қилган бўлишлари керак. Суҳбат устидаги хизматкор хотин югуриб келиб, эри уйга қайтиб келганини айтган. Шунда эри коттежга тўппа-тўғри елиб югуриб келишидан қўрқсан хотин у ердагиларни шошапиша орқа эшикдан, эҳтимолки, қўшни арчазорга олиб чиқиб кетган. Шундай қилиб, мижозимиз кириб борганда уйда ҳеч ким бўлмаган. Бироқ бугун кечқурун текшириб кўрилганда уй ҳамон бўш турган бўлса, мен ғоятда таажжуланган бўлардим... Сиз менинг бу фаразимга нима дейсиз?

— Менингча, бу тахмингина, холос.

— Ҳа, аммо у ҳамма нарсадан белги бериб турибди. Агар изоҳлаш қийин бўладиган янги фактлар белги бериб қолса, менинг фаразимни қайтадан қўриб чиқишига етгулик вақтимиз бор. Биз Норберидаги дўстимиздан

бирон хабар олмагунимизча барнбир ҳеч қандай тадбир күролмаймиз.

Узоқ кутишга түғри келмади. Телеграмма чойдан ке-йинөө етіб келди.

«Коттеж банд. Деразада ўша башаран яна күрдим. Соат 7 дагида кутиб оламан. Келгунларингизча ҳеч қан-дай тадбир күрмайман».

У бизни платформада кутиб туради, биз станция фонулары өруғида уннің ранги жуда ўчганини, ҳаяжон-дан қалтираётганини күрдик.

— Улар ҳали ҳам ўша ерда, мистер Холмс,— деди у, құлини дүстімниң билагига ташларкан.— Үтиб келтәйт-сам, коттежда чироқ ёниб турибди. Биз бу шыга батамом барҳам берамиз.

— Сизнің режаларніңиз қандай?— деб сүради Холмс, биз иккі томонига дараҳтлар ўтқазилған қорон-ғи йўлдан пастга тушиб борақканмиз.

— Мен у ерга зўрлик билан бўлса ҳам кириб бориб, бу уйда ким борлигини ўз кўзим билан кўрмоқчиман. Йкковларингиз ҳам гувоҳ бўлишларніңизни илтимос қи-ламан.

— Қарорніңиз қатъйми? Хотинніңизниң, бу сирни очмасанғиз ўзинғизга яхши бўлади, деб шунча ялиниб-ёлборишларига қарамасдан-а?

— Ҳа. Шундай қарорға келдим.

— Дуруст. Ўйлайманки, сиз ҳақсиз. Гумопу шак-шуб-ҳалардан кўра ҳар қандай ҳақиқат яхши. Энг яхшиси — дарҳол ўша ёққа бориш. Албатта, биз қонуни бузамиз-у, аммо ўйлайманки, шундай қиссан арзиди.

Тун жуда қоронғи эди. Биз катта йўлдан иккі томонига фиддираклар чуқур из солған тор сўқмоққа бу-рилганимизда майда ёмғир савалай бошлади. Мистер Грант Монро сабрсизлик билап олдинга иштиларди, биз ҳам имконимиз борича уннің орқасидан илгарилаб бо-рардик.

— Ҳов анови чироқ ёниб турган менинг уйим,— деб ғўлдиради у дараҳтлар оғасидан мильт-мильт қўринаётган шуълаларни кўрсатиб.— Бу ер коттеж, мен ичкарига ки-раман.

Биз йўлкага бурилиб, коттежга яқин бордик. Эшик қия очиқ, қора ерда узун сарғиши шульга кўринимоқда. Юқори қаватдаги бир деразадан ёруғ тушиб туради. Биз парда бўйлаб қимирлаётган қора сояни кўрдик.

— Бу маҳлуқ — ўша ерда!— деб хитоб қилди Грант Монро.— У ерда бирор борлигици ўзларингиз кўриб ту-

рибсизлар! Энди қани орқамдан, ҳадемай бор гапни биламиз.

Биз эшикка яқни бордик. Бирдан қоронғиликдан хотин киши чиқиб келди. Мен унинг юзини илғаёлмадим-у, илтижо билан құлларини юқорига чұзаётганини күрдім, құлларига ёруғ тушди.

— Худо ҳақи, керак әмас, Жек! — деб кіңқирди у. — Мен сизнинг келишингизни билгаи әдим. Ұзингизни босинг, жоним! Сұзларимга яна ишонинг, шундай қылсанғиз ҳеч қаочон ўқинмайсиз.

— Мен сизга анча ишониб келдім, Эффи, — деб жавоб берди эри кескин. — Иўл беринг, бу ерга киришим керак. Мана менинг дўстларим. Булар бу ишга батамом барҳам беришимиз учун менга ёрдамлашгани келишган.

У хотинини четга суріб қўйди. Биз ҳам унинг орқасидан шахдам кириб бордик. У эшикни очаркан, қаршисида бир кампир югуриб чиқди. Кампир йўлини тўсмоқчи әди, аммо Грант Монро уни четлатди, бир минутчадан сўнг биз зинапоядан юқорига чиқиб борардик. Унинг орқасидан эргашганча.

Бу шинамгина, яхши жиҳозланган хона әди. Столда иккита шам, яна иккитаси — каминда ёниб турарди. Бурчакда столчага энгашганича бизга орқа ўгириб кимдир ўтиради. Чамаси, қизалоқ бўлса керак. У қизил кўйлак ва узун оқ қўлқоп кийган әди. У бизга кескин ўгирилиб қааркан, мен ҳайрат ва даҳшатдан қичқириб юбордим. Юзининг ранги ғалати, мурданикниамо, заҳил тусда, қиёфаси ҳар қандай ифодадан маҳрум әди.

Сир бир лаҳзадаёқ аён бўлақолди. Холмс кулиб юборди ва қўли билан боланинг қулоғи орқасини пайпаслади. Ниқоб тушиб кетди, кўз ўпгимизда мумдек қопқора, жажжигина негр қизча намоён бўлди. У хушчақчақлик билан жилмайган әди, оппоқ тишлари ялтираб кетди. Ҳайратланганимиздан кулгиси қистаган әди. Мен унинг қувонганидан қаҳ-қаҳлаб кулиб юбордим: аммо Грант Монро ундан кўзларини узолмай, қўлини кўкрагига босганча серрайиб қолди.

— Ё раббий! — деб хитоб қилди у. — Нима гап ўзи?

— Нима эканлигини мен сизга айтиб бераман, — деди хонага кириб келган мағрур ва кескин қиёфалл хоним. — Сиз менинг кўнглимга қарамай бор гапни очищга мажбур қилдингиз — энди икковимиз ҳам тақдирга тан беришга мажбурмиз. Менинг эрим Атлантада ўлган, болам тирик қолган әди.

— Болапгиз?

Хотин бўйнидан кичикроқ кумуш медальонни олди:

— Сиз буни ҳеч қачон очиқлигига кўрганмисиз?

— Мен, бу очилмайди, деб ўйлардим.

Хотин пружиначани босди, медальон очилди. Унинг ичида зоти муқаррар африкаликларга мансуб бўлган, чеҳраси фоятда кўркам ва ақлли кишининг портрети бор эди.

— Атлантилик Жон Хиброн шу,— деди хоним.— Ер юзида бундан олижаноброқ одам бўлган эмас. Унга тегиши учун мен ҳамма қариндош-уругларимдан ҳам кечганман, кўзи очиқлигига бу ишимдан бирон марта ҳам ўкингай эмасман. Кўриб турибсизки, яккаю ёлғиз боламиз кўпроқ унинг зотидаги одамларга ўхшайди. Бу тариқа қовушишларда кўпинча шундай бўлади, жажжи Люси отасидан кўра қорароқ. Аммо, қора танми, оқ танми, бу ўзим туққан қиз, арзанда болам.

Шу сўзлар асносида жажжи қиз унинг олдига югуриб бориб пинжига кирди.

— Мен уни,— деб гапини давом эттириди хотин,— саломатлиги заиф, об-ҳаво шароптининг ўзариши унга шикаст бориб қўйиши мумкин бўлгани учунгина Америкада қолдириб келган эдим. Мен уни бир вақтлар бизда хизмат қилган садоқатли шотланд хотиннинг тарбиясига топшириб келган эдим. Қизимдан воз кечишни ҳеч, бир дақиқа ҳам хаёлимга келтирган эмасман. Аммо сиз билан учрашиб, сизни севиб қолганимдан кейин, Жек, сизга болам борлигини айтишга ҳайиқдим. Мени ўзинг кечир, тангрим! Сиздан ажраб қолишдан қўрқардим, сизга бор гапни айтишга юрагим дов бермасди. Ё сиз билан, ё қизим билан бўлишим керак эди.

Кўрқоқлик қилиб қизим билан видолашдим. Унинг борлигини сиздан уч йилгача яшириб юрдим. Энага менга ҳамиша хабар бориб турди. Мен қизалоқнинг мутлақо сиҳат-саломат эканлигидан кўнглим тўқ эди. Ниҳоят, боламни фоятда кўриш иштиёқи туғилди. Бу тилагимга ҳеч бас келолмадим. Бу нарса нақадар хатарли эканини билсан ҳам, ҳар қалай, болани ақалли бир неча ҳафтага бўлса ҳам олдириб келишга қарор қилдим. Мен юз фунт пулни энагага жўнатиб, унга шу коттежни айтиб, бу ерга бизга бир қўшни сифатида келиб жойлашишини, муносабатларимизни ҳеч сездирмаслигини тайинладим. Мен унга қизалоқни кундуз кунлари ташқарига чиқармай, уни деразадан кўриб қолиши мумкин бўлган одамлар қўни-қўшнилари билан, бу ерда негр бола яшар экан, деб фийбат қилмасликлари учун унинг

юзи билан құлларини яширишини буориб, әхтиёткорликни ҳаддидан ошириб юбордым. Бу қадар әхтиёткорлик қылмаганим маңқул экан-у, лекин сиз бор гапни билиб қоласиз деб, әсемини йүқтөтаёзиман-да.

Коттежга одам күчиб келганини менга энг аввал сиз айтдингиз. Мен әрталабгача сабр қилишим керак эди-ю, ҳаяжонланғанимдан күзимга уйқу келмади. Нихояг, сизнинг қаттиқ ухлашингизни билиб сирғалиб чиқиб кетдим. Аммо чиқиб кетгапимни сиз пайқаб қолғап экансиз. Бу ҳамма күргилукларимнинг боши бўлди. Эртасига сиримни очиш ҳукмингизда эди, аммо сиз олижаноблик қилиб бундан воз кечдингиз. Уч кундан кейин эса сиз уйга бостириб кирганингизда энага билан бола орқа эшикдан югуриб чиқиб кетишга аранг улгурнишди... Ана, бор гапни бус-бутун билдингиз, сиздан сўрайман, энди биз — болам билан мен нима бўламиз?

Хотин жавоб кутганча қўлларини кўксидаги чирмаштириди.

Грант Монро жавоб бергунича орадан ҳар бирни йилдек ўн минут фурсат ўтди, у шундай жавоб бердик, мен уни ҳузур билан эслайман. У қизни кўтариб олиб, ўпди-да, кейин хотинига қўлини чўзиб эшик томонга қараб кета бошлади.


— Ҳамма гапни уйда гаплашганимиз қулайроқ,— деди у,— мен унча яхши одам эмасман-у, Эффи, аммо ўйлайманки, сиз тахмин қылганингиздан кўра сал тузуроқман.

Холмс икковимиз уларга эргашиб йўлакдан кета бошладик, кейин Холмс менинг енгимдан тортди.

— Ҳар қалай,— деди у,— биз Норберидан кўра Лондонда кўпроқ иш берсак керак.

Бу иш ҳақида у бошига чурқ этиб оғиз очмади, аммо кечаси алламаҳалда шам кўтариб ёгоқхонасига кириб кетаётганида шундай деди:

— Уотсон, агар бир кунмас бир кун менинг ўзимга биш қўйиб юбораётганимни ёки иш устида керагидан камроқ бош қотираётганимни пайқаб қолсангиз, мумкин бўлса қулоғимга: «Норбери», деб шиншиб қўйсангиз, сиздан ғоятда мишинатдор бўлардим.



МЕСГРЕЙВЛАР ХОНАДОНИНИНГ УДУМИ

Дўстим Холмснинг характеристида мени кўпинча унинг ғалати жиҳати таажжублантиради: зотан у ўзиғ ақдий ишида пишиқ-пухта ва батартиб одамлардан са-да, ҳамиша озода ва нозик дид билан кийиниб а-да, бошқа жиҳатлардан бу дунёда энг бетартиб са, одатлари у билан истиқомат қилиб турган ҳар дай одамни ҳам ақлдан оздириши мумкин эди. Ап менинг бу жиҳатдан бенуқсон бўлишимда эмас. ёр турмуш кечиришга бўлган туфма иштиёқимни яна кучайтириб юборган Афғонистондаги тўс-тўполон м врачларнинг табнатига зид ўлароқ мени янада бенжомроқ қилиб қўйган. Аммо менинг бетартиблининг, ҳар қалай, маълум чегаралари бор. Агар би-одамнинг ўз сигараларини кўмир челакда, тамакиси-ронча кавуши ичидаги сақлаётганини, жавоб бериши к бўлган хатларни камин устидаги рафга қалам-ш билан қадаб қўйганини кўрсам, ростини айтиш к, наздимда бутун хушахлоқ фазилатли кишилар насидек бўлиб туюла бошлайман. Бундан ташқа-

ри, тўппончадан ўқ узишдек бир иш шубҳасиз фақат очиқ ҳаводагина шуғулланиш мумкин бўлган эрмаклар тоифасига киради, деб ҳисоблаб келганман ҳамича. Шунинг учун ҳам Холмсда тўппонча отиш иштиёқи туғилиб, креслога ўтириб олганча револьвердан ўқ узиб рўпарасидаги деворни «К. В».¹ қабилидаги ватанпарварона вензель билан безай бошларкан, бу машғулот квартирамизнинг қиёфасини ҳам, вазиятини ҳам сира яхшиламаслигини айниқса чуқур ҳис қиласдим.

Хоналаримиз кимё ёки аллақандай жинопӣ ишга таллуқли ғалати буюмлар билан доим тўла бўлар, бу ёдгорликлар доимо сира ҳам кутилмаган жойларда, масалан, мой идишда, баъзан эса ундан ҳам номуносиброқ жойда туради. Бироқ менни ҳамадан кўра Холмснинг қофозлари қийнарди. У ҳужжатларни, айниқса улар ўзи бир вақтлар иштирок этган ишлар билан алоқадор бўлса, йўқотишни сира ҳам хушламас, аммо қофозларини кўздан кечириб, уларни тартибга келтиришга эса йилига бир ёки икки мартағина журъат қиласр эди. Мен ўзимнинг пойма-пой ҳикояларимнинг аллақайсинисида ҳам, Холмснинг донғини таратған ажойиб текширишлари давомида ошиб-тошган ғайрати ўрнини баъзан ҳафсаласизлик, толиқиши эгаллашини айтиб ўтган эдим шекилли. Шундай пайтларда у яхши кўрган китобларини олиб кун-узукун диванда чўзилиб ётар, аҳён-аҳёндагина туриб скрипка чалар эди. Шу тариқа ой сайин қофозлар тобора кўпайиб борар, бурчак-бурчакларда даста-даста қўлёзмалар уйнилиб кетар эди. Бу қўлёзмаларни ёқиб юборишга мутлақо рухсат берилмас, улар фақат эгалирининг измидагина бўлар эди.

Қиши оқшомларидан бирида икковимиз камин олдида ўтирақсанмиз, мен Холмсга, хотира дафтариңизга хотираларингизни ёзиб бўлган экансиз, квартирамизни бир оз одамбашара қилиб қўйиш учун бир-икки соатгина вақт ажратсангиз ҳам бўлар, дегандек шама қилдим. У илтимосимнинг ҳаққонийлигини тан олмасликдан ожиз қолиб, сал хомуш тортганча ётоқхонасига кириб кетди. Тез орада у ердан каттагина тунука қутини сургаб чиқди. уни хона ўртасиға қўйиб, ёнидаги стулга ўтириди-да, қопқоғини очди. Мен қутининг учдан бир қисмини қизил тасма билан танғилган даста-даста қофозлар эгаллаб турганини кўрдим.

¹ К. В.—«Қиролича Виктория» сўзларининг бош ҳарфлари: у Англияда XIX асрда подшоҳлик қилган.

— Бундаги қизиқ нарсалар озмунча эмас, Уотсон,— деди у менга муғамбираңа қараб.— Агар сиз бу қутинда нималар турганини билсангиз, ажаб эмаски, унга янги қоғозларни жойлаб қўй, демасдингиз. Аксинча, ундан баъзи бир қоғозларни олишни илтимос қилган бўлардингиз.

— Булар сизнинг бурунги ишларингиз ҳақидаги ҳисоботлар экан-да?— деб сўрадим.— Бир вақтлардаги бу ҳодисалар ҳақида менда ҳеч нарса ёзилмаганидан жуда кўп ачинганиман.

— Ҳа, азиҳим. Бу ишларнинг ҳаммаси менинг доғимни таратмоқчи бўлган хусусий биографим¹ пайдо бўлган қадар юз берган.

У мулойимлик ва навозиш билан даста-даста қоғозларни бирма-бир ола бошлади.

— Ҳамма ишларим ҳам муваффақиятли чиқаверган эмас, Уотсон,— деди у,— аммо уларнинг орасида бир неча ғаройиб жумбоқлари ҳам бор. Мана, масалан, Тарлтоннинг ўлдирилиши ҳақидаги ҳисобот, мана бу вино-фуруш Вамберрининг иши, мана бу эса бир рус кампирининг бошидан ўтган ҳодиса. Мана бу алюминий қўлтиқтаёқ ҳақидаги ғалати воқеа билан оқсоқ Риколетти ҳамда унинг қабиҳ хотини ҳақидаги батафсил ҳисобот. Мана бу эса... бу ҳақиқатан ҳам ажойиб.

У қутининг тагидан баъзи болалар ўйинчоқлари солиб сотиладиган, қопқоғи очиладиган қутича олди. Қутичанинг ичида бир варақ ғижим қофоз, қадимий мис калит, бир калава тизимча боғланган ёғоч қозиқча билан учта кўхна, занлаган металл гилдирак олди.

— Хўш, дўстим, бу ғаниматларга нима дейсиз?— деб сўради у, юзимдаги таажжубланиш аломатларини кўриб куларкан.

— Ғаройиб коллекция.

— Жуда ғаройиб. Унга тааллуқли бўлган воқеа сизга бундан ҳам ғаройиброқ бўлиб кўриниши мумкин.

— Ҳали бу ёдгорликларнинг ўз тарихлари ҳам бор денг?

— Бугина эмас, уларнинг ўзлари — тарих.

— Бу билан нима демоқчисиз?

Шерлок Холмс бу буюмларнинг ҳаммасини стол четтига териб қўйди-да, креслосига ўтириб, кўзлари мамнуният билан чақнаганча уларни томоша қила бошлади.

¹ Биограф — машҳур шахсларнинг таржимаи ҳолини ёзувчи.

— «Месгрейвлар хонадонининг удуми» билан боелиқ бўлган бир ишдан хотира сифатида олиб қолган нарсаларим шу,— деди у.

Холмс бу иш ҳақида илгарилари ҳам менга кўп эслатиб ўтган, аммо мен ундан бунинг тафсилотларини билиб олишга муваффақ бўла олмай юрган эдим.

— Истар эдимки, шу ҳодисани гапириб берсангиз...— деб илтимос қилдим мен.

— ...Бу лаш-лушларнинг ҳаммасини йиғинитириб олмасдан-а?— дея кулиб эътиroz билдири у.— Сизнинг сараижом-саришталикка риоянгиз нима бўлади унда? Дарҳақиқат, бу ишни солномаларингизга тиркаб қўйинингизни ўзим ҳам истайман, чунки унда шундай деталлар борки, улар бу ишин Англиядаги жиноятлар хроникасидагина эмас, бошқа мамлакатлардаги жиноятлар хроникасида ҳам бекиёс қилиб туради. Фоятда гаройиб бўлган бу воқеа акс эттирилмаса, менинг кичик-кичик жасоратларим коллекцияси тўла-тўқис бўлмас эди...

«Гlorия Skoqt» воқеаси билан бир баҳтсиз чолнинг тақдири ҳақида гапириб берганим, ўша чол билан қилган суҳбатим кейинчалик умрбод касбим бўлиб қолган ихтисос ҳақида илк бор фикримни уйғотганини айтганим ҳам эсингизда бўлса керак. Ҳозир менинг номим маълум ва машҳур. Ҳалойиққина эмас, расмий доиралар ҳам мени жанжалли масалаларни ҳал қилишда энг охирги босқич деб ҳисоблайдилар. Ҳаттоқи икковимиз эндигина танишган вақтимиизда менинг иш фаолиятим унча сердаромад бўлмаса ҳам, анчагина катта миқёсда эди. Шунинг учун сиз, Уотсон, менинг дастлаб нечоғли қийналганимни, муваффақиятни нечоғли узоқ вақт зориқиб кутганимни тасаввур ҳам қилолмайсиз.

Лондонга биринчи келганимда мен Британия музейи муюлнишидаги Монтеғю-стритта жойлашдим, ўша ерда яшаб, бўш вақтларда — бўш вақтларим эса ҳаддан ортиқ эди — ўз ихтисосимга мос иш бериб қолиши мумкин бўлган билимнинг барча соҳаларини ўрганиш билан ўргаздим. Вақти-вақти билан, кўпинча собиқ студент ўртоқларимнинг тавсияларига кўра, мендан ёрдам сўраб мурожаат қилиб туришарди, чунки университетда бўлган сўнгги йилларимда мен ва менинг методларим ҳақида кўпгина овозалар юради. Мендан маслаҳат сўраб мурожаат қилган учинчи ишларин «Месгрейвлар хонадони»нинг иши бўлди, бу ғалати воқеалар силсиласи уйғотган қизиқниш, шунингдек менинг аралашувим натижасида

содир бўлган муҳим оқибатлар ҳозирги мавқеим сари қўйилган илк қадам бўлди.

Режинальд Месгрейв мен билан бир коллежда ўқирди, орамизда унча-мунча дўстона алоқалар ҳам бор эди. У бизнинг орамизда унча эътиборга эга эмасди, зотан, ҳазаримда ҳамиша уни кибр-ҳаволи деб айблашса-да, ўтакетган тортичоқлигини яшириш учунгина шундай қиласр эди. Сиртига қараганда у асл оқсуяк: кўзлари катта, бурни йирик, юзи ёқимтойгина, бепарво, аммо назокатли эди. У ҳақиқатан ҳам қиролликнинг қадимий насабларидан бирининг авлоди бўлиб, унинг ўн олтинчи асрдаёқ шимолий Месгрейвлардан ажралиб чиқиб Фарбий Сассексда жойлашган кичик шажарасидан эди. Шуниси ҳам борки, Месгрейвларнинг қароргоҳи бўлган Херлстон қасри графликдаги энг кўхна бинолардан бири бўлса ҳам ажаб эмас. Гўё у туғилган қаср бу одамнинг ташқи қиёфасида ўз асоратини қолдиргандек, мен унинг рангпар чеҳраси, кўзга яққол ташланадиган юз бичими билан мағруона қоматига қаарканман, ҳамиша бенхтиёр кулранг минора гумбазлари, панжарадор ва феодал архитектурасининг шундай олижаноб қолдиқлари бус-бутунича кўз олдимга келарди.

Биз тўрт йилча кўришмадик, бир куни эрталаб у менинг Монтеѓю-стритдаги хонамга кириб келди. Унча ўзгармаган, бежиримгина кийинган — ҳамиша олифтароқ бўлиб юрарди — илгари ҳам кўзга ташланиб турадиган осуда латофатини йўқотмаган эди.

— Аҳволларингиз қалай, Месгрейв? — деб сўрадим, дўстона қўл сиқишиб кўришганимиздан сўнг.

— Бечора стамнинг вафот этганини эшитгани бўлсангиз керак,— деди у.— Бунга икки йилча бўлиб қолди. Ўз-ўзидаи маълум, ўшанда, Херлстондаги ер-сувнинг тасаруфини ўз зинмамга олишимга тўғри келди. Бундан ташқари, ҳавзамизда депутатман, шунинг учун ҳеч бўш вақтим йўқ. Айтишларига қараганда, сиз, Холмс, бир вақтлар биз танг қолдирган ажойиб қобилиятларингизни амалда татбиқ этиб кўришга қарор қилганимисиз?

— Ҳа,— деб жавоб бердим,— энди ақлимни ишлатиб нон топишга уринаётиман.

— Бу сўзларингиздан ғоят хурсандман, чунки ҳозир сизнинг маслаҳатларингиз мен учун олtinga тенг бўлиб турибди. Бизнинг Херлстонда ғалати воқеалар юз берди. Полиция эса ҳеч нарсани аниқлашга муваффақ бўлолмади. Бу қандайдир бош қотирадиган жумбоқ.

Унинг гапларини қандай ҳис билан эшитганимни та-

саввур қылсанғыз әди, Уотсон. Бир неча ойлар давомида бекорчилигимда иштиёқ билан зориқиб күтган ҳодисам ишоят олдигинамда тургандек әди. Құнглімнинг чуқур бир жойида, бошқалар мұваффақиятсизликка учраган ишда мен мұваффақиятга әришишим мүмкінлігінә ҳамиша астойдил ишонардим, мана әнді менга үз-үзимни синаб қўриш имконияти туғилди.

— Менга бор тафсилотларини айтиб беринг! — деб юбердим.

Режинальд Месгрейвга папирос таклиф қилдим, у рӯпарамга ўтириб, чека бошлади.

— Сизга шунисин айтишим керакки,— деб гап бошлади у,— гарчанд ҳали уйланмаган бўлсам ҳам Херлстонда бир талай хизматкорлар сақлашинга тўғри келади. Қаср жуда катта, у жуда дидсизлик билан қурилган. Шунинг учун уни сира ҳам қаровсиз қолдириб бўлмайди. Бундан ташқари, менинг қатағон ўрмоним бор, қирғовул овлаш мавсумида уйға одатда тумонат одам йиғилади, бу ҳам анча-мунча хизматкор сақлашни талаб қилади. Ҳаммаси бўлиб саккиз оқсоқ, ошпаз, эшик оғаси, икки малай билан дастёр бола хизмат қиласди. Бое билан отхоналарда ҳам, албатта, ўзига яраша хизматкорлар бор.

Бу одамлардан оиласизга ҳаммадан узоқ хизмат қилгани эшик оғаси Брантон. Отам хизматга олганнда у иш тополмай юрган ёшгина муаллим экан, тез орада ўзининг ғайрати ва қатъий характеристи туфайли хонадонимизда бирдан-бир бешазир хизматнинг айланди.

Бу пешонаси кенг, кўркам, бўйдор одам, зотан бизникида йигирма йилчадан бери яшайдиган бўлса-да, ёши ҳозир ҳам қирқлардан ошган эмас. Шуниси ғалати туюлиши мумкинки, саҳт-сумбати шундай келишган, ўзи бағоят қобилиятли бўла туриб—у бир неча тилларда гаплаша олади, деярли ҳамма музика асбобларини чала олади — узоқ вақт ўзининг камтарона ўрни билан қаноат қилиб келди, афтидан, у турмушидан мамнун әди, ҳеч қандай ўзгаришларга интилмади. Херлстоннинг эшик оғаси ҳамиша меҳмонларнімизнинг диққатини ўзига тортиб келди.

Аммо бу баркамол кимсацинг бир нуқсони бор: салпал Дон-Жуанроқ¹, ўзингиз биласиз, бизнинг авлоқ моликонамизда у бу ролни унча қийналмасдан ижро этарди.

¹ Дон Жуан — классик ғарб адабиётида модабоз образи.

Хотини борлигига ҳаммаси ажабтовургина эди, хотини вафот этдию бошимизни ташвишдан чиқармай қўйди. Рост, бундан бир неча ой муқаддам биз эндигина хотиржам бўлиб, ҳамма ишлар яна осоийш топиб кетади, деб турган эдик: Брантон бизнинг кичик оқсочимиз Рэчел Хаулэз билан қовушган эди, кейин уни ташлаб бош овчининг қизи Женат Трежелис билан топишиб кетди. Ажойиб, аммо умуман Уэлсдаги ҳамма қизларга ўхшаб қизғини, ҳовлиқма Рэчел шундан кейин мияси интиҳобланиб ётиб қолди. Яқинда у тузалиб ўрнидан турди, ҳозир оёқ учиди юрибди — тўғрироги кечаги кунгача суврати юрган эди; жавдираган кўзларигина қолган...

Бизнинг Херлстондаги биринчи совуқ воқеа шундай бўлган эди, аммо иккинчиси биринчисини дарров хотира миздан ўчирди. Қолаверса, ундан олдин яна бир катта воқеа содир бўлди: эшик оғаси Брантонни шармандан шармисор қилиб хонадонимиздан ҳайдаб чиқардик.

Бу шундай юз берди. Боя сизга айтганимдек, Брантон жуда ақлли, афтидан, худди ана шу ақли унда ўзига заррача ҳам алоқаси бўлмаган нарсаларга қандайдир қаттиқ қизиқиш уйғотиб, ҳалок бўлишига олиб келган бўлса ажаб эмас. Бу қизиқиши уни фалокатга дучор қилиши мумкинлиги менинг хаёлимга ҳам келмаган экан, аммо бир тасодиф кўзимни очди.

Боя айтганимдек, бизнинг уй ниҳоятда дидсизлик билан қурилган: ҳар хил йўлаклари, далонлари кўп. Ўтган ҳафта, аниқроғи, ўтган пайшанба кечаси ҳеч ухломадим, чунки тентаклик қилиб свқатдан сўнг бир чинниоёқ қуюқ қора қаҳва ичиб қўйган эдим. Кечаси соат иккигача қийналиб, барибир ухлаёлмаслигимни билганимдаи кейин ўрнимдан турдим-да, бошлаб қўйган романими ўқишини давом эттироқчи бўлдим. Қарасам, китобни биллиардхонада унутиб қолдирган эканман, шунинг учун халатимни кифтимга ташлаб, уни олиб келгани кетдим.

Биллиардхонага бориш учун зинапоядан пастки қаватга тушиб, кутубхона билан қуролхонага олиб борадиган йўлакдан ўтишим керак эди. Бу йўлакка ўтиб, кутубхонанинг очиқ эшигидан хира ёруғ тушиб турганини кўрганимда нақадар ҳайратланганимни кўрсангиз эди! Ётишдан олдин у ернинг чирогини ўзим ўчириб, эшигини ёпиб келган эдим. Турган гапки, ўйниизга ўғри тушибди, деб ўйладим. Херлстондаги ҳамма йўлакларнинг деворлари қадимий қурол-аслаҳалар билан безатилган — булар аждодларимнинг ҳарбий ўлжалари. Мен деворлар-

дан биридаги ойболтани олиб, шамни ерга қўйдим-да, йўлак бўйлаб оёқ учида писиб бориб, кутубхонанинг очиқ эшигидан мўраладим.

Тўла-тўкис кийинган эшик оғаси Брантон креслода ўтиради. Тиззасида географик харитага ўҳшаган бир варақ қофоз, қофозга тикилганча чуқур ўй сурарди. Мен ҳайратдан ҳанг-манг бўлиб, қимир этмай, қоронғидан уни кузата бошладим. Ҳонани бир парча шам ғира-шира ёритиб туради. Бирдан Брантон ўрнидан туриб девор тагидаги бюро олдига келди-да, уни очиб ғаладонларидан бирини тортди. Ундан қандайдир бир қофозни олиб, яна жойига бориб ўтиради-да, уни столдаги шам ёнига текислаб қўйиб, диққат билан кўздан кечира бошлади.

Унинг бизнинг оиласизга мансуб бўлган ҳужжатларни бундай хотиржамлик билан ўрганиб ўтириши шу қадар қаҳримни ошириб юбордики, ўзимни тутиб туролмай, олдинга қадам ташладим. Брантон қофоздан бошини кўтарди. Менинг остоноада турганимни кўриб ўрнидан сапчиб турди, қўрққанидан юзи кўкариб кетди, харитага ўҳшаган қофозни шоша-пиша чўнтағига тиқди.

«Офарин!— дедим мен.— Бизнинг ишончимизни шу тариқа оқлар экансиз-да! Эртадан бошлаб ишдан бўшатилдингиз».

У таъзим қилиб, чурқ этмай олдимдан ғизиллаганча ўтиб кетди. Шам столда қолди, мен унинг ёруғида Брантон бюородан олган қофозни кўздан кечирдим. Ҳайрон бўлдим, у биронта муҳим ҳужжат эмас, бизда «Месгрейвлар хонадонининг удуми» деб аталадиган, гаройиб бир қадимий удум ижро этилаётганда айтиладиган савол-жавобларининг кўчирма нусхаси экан, холос. Мана бир неча асрлар бўладики, бизнинг уруғимиздаги ҳар бир эркак балофат ёшига етгақ, бир маросимни адо эта-ди, бу маросим шу оила аъзоларининг ёки, эҳтимолки, умуман бизнинг геральдикамиз¹ каби битта-яримта археологининг диққатига молик бўлмаса, ҳеч қандай амалий аҳамиятга эга эмас.

— Бу қофозга биз ҳали яна қайтамиз,— дедим мен Месгрейвга.

— Агар сиз буни чиндан ҳам зарур деб ҳисобласангиз...— деб бир оз иккиланиброқ жавоб берди суҳбатдoshim.— Шундай қилиб, мен фактларни изҳор қилишда давом этаман. Бюорони Брантон қолдириб кетган калит

¹ Геральдика — қадимий асилиздалар тугролари — герблари ҳақидаги маълумотлар тўплами.

билан құлғлаб кетмоқчи бўлиб турган ҳам эдимки, эшик оғасининг қайтиб келиб, қаршимда турганини кўрпб ҳайрон бўлиб қолдим.

«Мистер Месгрейв,— деб қичқирди у ҳаяжондан хириллаган овоз билан,— мен иснодга чидаёлмайман! Мен кичкина одамман-у, аммо ўзимга яраша ғурурим бор, иснодга чидаёлмай ўламан. Сиз алам устида ўзимни бир нарса қилиб қўйишимга сабабчи бўлсангиш товонимга қоласиз, сэр! Ўтиниб сўрайман, бу ҳодисадан кейин менинг уйда қолишимни мумкинмас, деб ҳисобласангиз, бир ой муҳлат беринг, токи мен, ўз ихтиёrim билан кетаётиман, дея олай. Мени яхши биладиган ҳамма хизматкорлар кўзи ўнгидаги ҳайдалиб кетишга сира тоқат қилолмайман!»

«Сиз кўнглига қарашга арзимайдиган одамсиз, Брантон,— деб жавоб бердим мен.— Сизнинг қилмишингиз кишининг ғазабини келтиради, аммо онламиизда шунча вақтдан бери хизмат қилганингизни назарга олиб, сизни эл кўзи олдида сазойи қилмайман. Бироқ бир ой муҳлат — жуда кўплек қилади. Бир ҳафтадан кейин хоҳлаган важингизни кўрсатиб кетаверишингиз мумкин!»

«Бир ҳафтадан кейин дейсизми, сэр?— деб қичқириб юборди у алам билан.— О, ақалли иккни ҳафта муҳлат беринг!»

«Бир ҳафтадан кейин,— деб такрорладим мен,— шунда ҳам менга жуда муруват қилишибди, деб ҳисобланг».

Тарвузи қўлтиғидан тушиб, боши кўксига солинганча у аста-секин чиқиб кетди, мен эса шамни ўчириб, хонамга йўл олдим.

Шундан кейинги икки кун давомида Брантон ўз вазифасини камоли риоя билан бажарди. Мен ҳам содир бўлган ишни юзига солмадим, ўз шармандалигини яшириш учун қандай тадбир ўйлаб топажагини қизиқиш билан кутдим. Аммо учинчى куни у ўзининг одатига зид ўлароқ, мендан фармойишлар олгани келмади. Нонуштадан сўнг мен емакхонадан чиқаётib тасодифан Рәчел Хаузлзни кўриб қолдим. Боя сизга айтганимдек, у касалдан янгигина турган, ҳозир шундай бир тинка-мадори қуриган қиёфада әдикни, ишлай бошлагани учун ҳатто унга дашином ҳам бердим.

«Ўрнингиздан туриб чакки қилибсиз,— дедим мен.— Бир оз куч-қувватга кирганингиздан кейин ишга тушасиз».

У менга шундай ғалати қараб қўйдикни, мен, касали ақлига асар қилмадимикан, деб ўйлаб қолдим.

«Куч-қувватга кирдим, мистер Месгрейв», деди у.

«Кўрайлик-чи, врач нима дер экан,— деб эътиroz билдиридим.— Ҳозирча ишингизни қўйиб, пастга тушинг. Дарвоқе, Брантонга айтинг, олдимга келсин».

«Эшик оғаси ғойиб бўлиб қолди»,— деди у.

«Ғойиб бўлиб қолди?! Ғойиб бўлиб қолгани нимаси?»

«Ғойиб бўлиб қолди. Ҳеч ким кўрмабди. Ҳонасида йўқ. У ғойиб бўлган, ҳа, ҳа, ғойиб бўлган!»

У деворга суянганча асаби қўзғаб хахолаб кула бошлиди. Мен бу ногаҳоний асабийликдан чўчиб кетиб, югуриб бориб қўнғироқчани олдим-да, ёрдамга одам чақирдим. Қизни ҳонасига олиб чиқиб кетиши, у эса ҳамон хахолаб кулиш ва ўқраб йиғлашда давом этарди, мен Брантонни суриштира бошладим. Үнинг ғойиб бўлгани шубҳасиз эди. Кўрпа-тўшагининг тахи бузилмаган, уни кеча кечқурун ҳонасига кириб кетганидан бери ҳеч ким кўрмабди. Бироқ уйдан қандай қилиб чиқиб кетганини тасаввур қилиш қийин. Чунки деразалари ҳам, эшиги ҳам эрталаб ичкарисидан берк экан. Брантоннинг кийимлари, соати, ҳатто пуллари, одатда кийиб юрадиган қора пиджаги билан шимидан ташқари ҳамма нарсаси ҳонасида эди. Шунингдек, ҳонаки туфлиси кўринмасди, аммо этиклари жойида турарди. Эшик оғаси Брантон кечаси қаёққа чиқиб кетган бўлиши мумкин, унга нима бўлган?

Ўз-ўзидан маълумки, биз уй билан ҳамма ёрдамчи биноларни тинтиб чиқдик, аммо ҳеч қаердан изини тоғолмадим. Такрор айтаманки, бизнинг уй — айниқса унинг ҳозир ҳеч ким истиқомат қилмайдиган энг эски қаноти чинакам лабиринт¹, аммо биз барибир ҳар қайси ҳонани, том тагларини ҳам тинтиб чиқдик. Қидиришларимиз ҳеч қандай натижажа бермади. Брантоннинг бор буд-шудини қолдириб, қуруқ ўзи чиқиб кетганига ҳеч ишонгим келмасди, аммо қасрда ном-нишони йўқ, шу сабабли буни тан олмасликнинг ҳеч иложи йўқ эди. Мен маҳаллий полициядан одам чақирдим, у бирон нарсани аниқлашга мусассар бўлолмади: бир кун олдин ёмғир ёқ-қанлиги учун уй атрофидаги ўтлоқлар билан йўлкаларни кечириш ҳеч қандай натижажа бермади. Янги бир воқеа бу жумбоқдан бизнинг диққатимизни четга тортгунча иш шу аҳволда эди.

Рэчел Хауэлз икки кечаю икки кундуз гоҳ алаҳлаб, гоҳ шайтонлаб, тутқаноқ тутиб ётди. Үнинг аҳволи шу қадар ёмон эдики, кечаси билан олдига бир аёлни ўт-

¹ Кўп ҳонали ва эгри-буғри чалкаш йўлаклари бўлган катта қаср.

қазиб қўйишга тўғри келди. Брантон ғойиб бўлгани кунинг учинчи кечаси у аёл беморниг осойишта ухлаб қолганини кўргач, ўзи ҳам креслода мудраб кетибди. Эртасига тоңда уйғониб қараса каравот бўм-бўш, дे-раза ланг очиқ, бемор йўқ эмиш. Мени шу ондаёқ уйғотишибди, ёнимга икки малайни олиб, йўқолгани қизни қидиргани чиқиб кетдим. Биз унинг қайси томонга қолганини осонгина аниқладик: из деразадан ўтлоқ бўйлаб то ҳовузгача бориб, қўрамиздан олиб чиқадиган шағал тўқилган йўлкага етгач ғойиб бўлган эди. Ҳовузнинг шу ери саккиз фут чуқурликда бўлиб, ақлдан озган шўрлик қизнинг оёқ излари худди сув ёқасига келиб тўхтаб қолганини кўрганимизда қандай аҳволга тушганимизни кўрсангиз эди. Ўз-ўзидан маълумки, биз дарҳол қўлларимизга чангак олиб, ўзини сувга ташлаган қизнинг мурдасини қидира бошладик, аммо тополмадик. Лекин мутлақо кутилмаган бир нарсани тортиб чиқардик. Бу аллақандай тусини йўқотган, занг босган эски металл парчалари, хира йилтираб турган чақмоқтош парчалари десаммикан, шиша синиқлари десаммикан, шулар билан тўлатилган каноп қоп эди. Биз ҳовуздан бу ғалати топилдиқдан бошқа бирон нарса тополмадик, кечаги ҳамма қидиришларимиз, суриштиришларимизга карамай, Рэчел Хауэлз ҳақида ҳам, Ричард Брантон ҳақида ҳам ҳеч нарса билолмадик. Маҳаллий полиция ҳам саросимада қолди, энди охирги умидимиз сиздан...

— Унинг бу ғалати воқеалар ҳақидаги ҳикоясини қандай қизғин иштиёқ билан эшитганимни, уларнинг ҳаммасини бус-бутун жамлаб, жумбоқнинг ечимига олиб борадиган ипнинг учини топишни нечоғли истаганимни тасаввур қиласангиз эди, Уотсон!

Эшик оғаси ғойиб бўлган. Оқсоқ ғойиб бўлган. Бир вақтлар оқсоқ эшик оғасини севган, кейин уни асосли равишда ёмон кўриб қолган. Рэчел Хауэлз саркаш, эҳтиросли аёл бўлган. Эшик оғаси ғойиб бўлиши билан унинг феъли ғоятда айниб қолган. У ниҳоятда ғалати нарсалар солинган қопни ҳовузга олиб бориб ташлаган. Бу фактларнинг ҳар бирни ҳам диққатга сазовор, аммо улардан биронтаси ҳам ишнинг моҳиятини очиб беролмас эди. Чигал бўлиб кетган бу воқеалар занжирининг учини қаердан қидиришим керак эди? Ахир кўз ўнгимда унинг охирги бўғинингина намоён эди...

— Месгрейв,— дедим,— мен эшик оғангиз ишдан аж-ралиб қолнишиндан ҳам қўрқмай, жуда муҳим деб ҳисоблаган ўша ҳужжатни кўришим зарур.

— Хулосасини айтганда, бизнинг бу «удуммимиз»— тутуриқсиз бир нарса,— деб жавоб берди у,— бирдан-бир риоя қилиш мүмкін бўлган жиҳати—қадимийлиги. Сиз уни кўраман, деб қолсангиз кўрсатарман, деган мақсадда савол-жавобларнинг кўчирмасини ола келган эдим.

У менга ҳозир қўлимда кўриб турганингиз бир варақ қоғозни узатди, Ўотсон. Бу удум — Месгрейвлар авлодидан бўлган ҳар бир эркак балоғатга етганда ўтиши керак бўлган имтиҳон. Мен ҳозир саволлар билан жавобларни бу ерда қайд этилган тартибда ўқиб бераман:

«Бу кимга тегишли эди?»

«Кетганга».

Энди кимга тегишли бўлади?»

«Келадиганига».

«Бу қайси ойда бўлган эди?»

«Биринчисидан бошлаганда олтинчисида».

«Қуёш қаерда эди?»

«Эманинг тепасида».

«Сояси қаерда эди?»

«Қайрағочнинг тагида».

«Неча қадам босиш керак?»

«Шимолга — ўну ўн, шарққа — бешу беш, жанубга— иккию икки, гарбга — биру бир, сўнг пастга».

«Бунинг эвазига биз нима берамиз?»

«Ўзимизда борини».

«Биз буни нима учун берамиз?»

«Бурч ҳурмати».

— Асл нусхасида санаси йўқ,—деб қўйди Месгрейв,— аммо имлосига қараганда ўн еттини асрнинг ўрталариға мансуб бўлса керак. Хуллас, қўрқаманки, бу ҳужжат сирни очишимизда унча иш бермаса керак.

— Лекин у бизнинг олдимизга иккинчи бир жумбоқни, яна ҳам ғаройиброқ жумбоқни кўндаланг қилмоқда,— деб жавоб бердим мен.— Ажаб эмаски, биз уни ечиш билан, биринчи жумбоқни ҳам ечсак, умид қиламанки, борди-ю, сизнинг эшик оғангиз жуда ақлли одам экан, хўжайниларининг ўн авлодидан кўра ҳам кўпроқ зеҳнлироқ, фаросатлироқ экан, десам мендан хафа бўлмассиз.

— Ростини айтсам, гапинингизга тушунолмадим,— деб жавоб берди Месгрейв.— Назаримда, бу қоғоз ҳеч қандай амалий бир аҳамиятга молик эмасдек туюлади.

— Менга эса ғоятда муҳим туюлади. Афтидан, Брантон ҳам шундай фикрда бўлганга ўхшайди. Ўйлайманки,

Брантон бу қоғозни сиз уни жиноят устида құлга туширган кечангиздан олдинроқ ҳам күрган.

— Ажаб әмас. Биз буни ҳеч қачон яширган әмасмиз.

— Эҳтимолки, бу гал унинг мазмунини әслаб олмоқчи бўлган. Гапингиздан фаҳлашимча, қўлида қандайдир харита ёки план бўлиб, уни қадимий қўлёзма билан таққослаётган экан, сизни кўриши билан уни чўнтағига тиқибди, шундайми?

— Мутлақо тўғри. Бизнинг кўхна оилавий маросими-мизнинг уига нима зарурати бўлиши мумкин, бу тутуриқ-сиз гапларнинг ҳаммаси нимани билдиради?

— Ўйлайманки, биз бу нарсани осонгина аниқлашимиш мумкин,— деб жавоб бердим.— Рухсат этсангиз, биринчи поезддаёқ, сиз билан Сассексга жўнасак, ишни ўша жойнинг ўзида чуқур текшириб кўрсак.

Биз Херлстонга ўша куниёқ етиб бордик. Сиз, Уотсон, бу машҳур кўхна қасрнинг суратини кўрган бўлсангиз ёки тасвирини ўқиган бўлсангиз керак, албатта, шунинг учун мен унинг «I» ҳарфи шаклида эканлигинигина айтишим мумкин, шуниси борки, узун қаноти анча замонавий, қисқа қаноти эса анчагина қадимий, яъни қолганларнинг ўсиб чиқиши учун хизмат қилган асосий моя. Кўхна қисмининг марказидаги пастак вазмини эшик тепаси «1607» санаси ўйиб ёзилган, аммо мутахассисларнинг бир оғиздан таъкидлашларига қараганда, ёғоч тўсинлар билан тош пойdevor анчагина кўхна экан. Ўтган асрда бинонинг бу қисмининг деворлари ҳаддан зиёд қалин ва деразаларнинг туйшукдек кичклиги қаср эгаларида янги қанотни қуриш фикрини туғдирган, ҳозир эски қанот омборхона ва ертўла хизматини ўтайди, баъзан эса мутлақо бўш ётади. Бинонинг атрасфини ажойиб қадимий дараҳтлар ўсган кўркам боғ ўраб олган, мижозим эслатиб ўтган кўлми, ҳовузми, хиёбонининг этагида, уйдан икки юз ярд узоқликда жойлашган.

Бу вақтгача менда, Уотсон, бу ишда учта алоҳида жумбоқ әмас, биргина жумбоқ бўлиб, агар Месгрейвлар удумининг маъносини уқиб ололсам, бу эшик оғаси Брантон билан оқсоқ Хауэлзининг ғойиб бўлиши сабабини очиб берадиган калит бўлиб хизмат қиларди, деган қатъий бир ишонч туғилган эди. Мен бор зеҳнимин шунга йўналтиридим. Нима учун Брантон ана шу қадимий формуланинг моҳиятига бу қадар кириб боришни истаган? Афтидан, шунинг учунки, бу қоғозда у зодагон қаср эгалари аждод-аждодларининг диққат-эътиборидан чет-

да қолган бир нарсани пайқаган бўлиши керак, қандайдир шахсий фойда кўриш умидида бўлган. Бу нима бўлди экан, эшик оғасининг шундан кейинги тақдирига қандай таъсир кўрсатди экан?

Ҳужжатни ўқиб чиққанимдан сўнг, менга мутлақо равшан бўлдик, ундаги ҳамма рақамлар ҳужжатнинг биринчи қисмида айтилган нарса яширилган қандайдир жойга алоқадор, агар биз ўша жойни топсак, Месгрейвларнинг аждодлари шу қадар аломат бир тариқада яширишни маъқул кўрган сирни очиш учун тўғри йўлга тушиб оламиз. Қидиришни бошлаш учун биз икки белгили нишонга эга эдик; эман билан қайрағоч. Эман жигига келсак, бу борада ҳеч қандай шубҳага ўрин йўқ эди. Ўйнинг олдигинасида, йўлнинг чап томонида бобокалон азим туп эман турарди, бу умрим бино бўлиб кўрган энг ажойиб дараҳтлардан бири эди.

— Сизнинг «удумингиз» ёзилган вақтда бу эман бўлғанмикан? — деб сўрадим Месгрейвдан.

— Ажаб эмаски, бу эман Англияни норманлар фатҳ этган даврлардан бери яшаб келаётган бўлса, — деб жавоб берди у. — Унинг айланаси йигирма уч фут келади.

Шундай қилиб, менга зарур бўлган нуқталардан бири аниқланган эди.

— Бу ерда кўхна қайраочларингиз борми? — деб сўрадим. — Бор эди, бундан ўн йил муқаддам яшин уриб, тагидан арралатиб ташлашга тўғри келди.

— Аммо ўсиб турган жойини биларсиз?

— Ҳа, албатта, биламан.

— Яқин орада бошқа қайраочлар йўқми?

— Кўҳналари йўғу ёшлари жуда кўп.

— Унинг турган жойини кўрсам деган эдим.

Биз извошчада келган эдик, мижозим уйига ҳам кириб ўтирасдан, мени тўппа-тўғри ўтлоқдаги бир вақтлар қайрағоч ўсиб турган жойга олиб борди. Бу эман билан уйнинг оралиғидаги ўрта бир жойда эди. Ҳозирча қидиришларим муваффақиятли кетмоқда эди.

— Чамамда ҳозир қайраочнинг бўйини аниқлаб бўлмаса керак? — деб сўрадим мен.

— Сизга шу заҳотиёқ айтиб беришим мумкин: унинг бўйи олтмиш тўрт фут эди.

— Сиз буни қандай қилиб билиб олгансиз? — деб юбордим мен таажжуб билан.

— Ўйда ўқитадиган кекса муаллим менга тригонометриядан масалалар берганда улар ҳамиша баландлик ўлчовларига асосланган бўларди. Шунинг учун ҳам

мен болалигимданоқ еримиздаги ҳар бир дарахт, ҳар бир иморатнинг баландлигини ўлчаб чиққанмай.

Бу куттилмаган омад эди. Менга керакли маълумотлар кутганимдан ҳам кўра тезроқ қўлга кира қолди.

— Мумкин бўлса, айтсангиз, эшик оғангиз сизга ҳеч қаҷон шундай савол берганми? — деб сўрадим мен.

Режинальд Месгрейв менга ғоят ҳайратланиб қаради.

— Ҳозир, сиз шундай деб қолганингиздан кейин,— деди у,— эслаяпман, бир неча ой муқаддам Брантон, дарҳақиқат, мендан ўша дарахтнинг бўйи қанча эканлигини сўраган эди. Айтишича, шу тўғрида сайис билан тортишиб қолган экан...

Бу ажойиб маълумот эди, Уотсон. Демак, мен тўғри йўлдан кетаётган эканман. Мен қуёшга қарадим: у ботиб бормоқда эди, бир соатга етар-етмас фурсат йичида кўхна эманинг худди учидаги шохлари тепасига етиб келиши мумкинлигини чамалаб чиқдим. Шундай қилиб, ҳужжатда эслатилган бир шарт амалга оширилади. Қайрағочнинг сояси важига келсак, афтидан бунида гап унинг энг охирги нуқтаси ҳақида бориши керак — акс ҳолда, соясини эмас, танасини йўл кўрсатгич қилиб танлаган бўлар эдилар. Бинобарин, энди мен қуёш худди эманинг қоқ тепасига етиб келган пайтда қайрағоч соясининг уни қаергача боришини аниқлашим керак эди.

— Бу нарса, афтидан, осон иш бўлмаган бўлса керак, Холмс? Ахир қайрағоч аллақачон йўқ бўлиб кетган экан-ку.

— Албатта. Аммо бу нарсани Брантон уддалаётган бўлса, мен ҳам уддалашим мумкинлигини билардим. Ундан ташқари, бу унча қийин эмасди. Мен Месгрейв билан унинг кабинетига кириб мана шу қозиқни йўниб олдим-да, унга узун чизимча боғлаб, ҳар қайсиси бир ярд оралиқни билдирадиган тугунлар түгдим, сўнгра иккита қармоқ сопни улаб бўйини олти футга етказдим, кейин мижозим икковимиз яна бир вақтлар қайрағоч ўсиб турган ўша жойга қараб кетдик. Қуёш шу дақиқада худди эманинг учига тақалиб келган эди. Мен ёғочни ерга суқиб, соя тушган томонни белгиладим-да, ўлчаб кўрдим. Узунлиги тўққиз фут чиқди.

Шундан кейинги ҳисобларим жуда ҳам жўн бўлди. Агар бўйи олти фут келадиган таёқ тўққиз фут узунликда соя ташласа, бўйи олтмиш тўрт фут келадиган дарахт тўқсоқ олти фут узунликда соя ташлайди, унисининг ҳам, бунисининг ҳам йўналишлари бир-бирларига мос кела-

ди, албатта. Мен бу масофани ўлчаб кўрдим. У мени уй деворининг таггинасига олиб борди, қозиқни ўша ерга қоқдим. Қозиқчадан икки дюймча нарида конуссимон чуқурчани кўриб қолганимда қандай фуурланганимни кўрсангиз эди, Уотсон! Бу Брантон ўлчаётганида қўйган белги эканини, мен эса унинг изидан кетаётганингимни пайқадим.

Чўнтақ компаси ёрдамида шимол билан жануб қаёқда эканлигини аввал аниқлаб олиб, бу дастлабки шуқтадан санаб қадам боса бошладим. Шимол томонга қараб ўну ўн марта (афтидан, ҳар бир оёқ ўнтадан қадам босиши кераклиги кўзда тутилган бўлса керак) қўйган қадамим мени уй девори бўйлаб олиб кетди, шунча юриб бўлгач, яна турган жойимни қозиқ билан белгиладим. Шундан кейин шарққа қараб бешу беш, кейин гарбга қараб иккию икки қадам ташладим, эски бир эшик остонасига бориб қолдим. Энди гарбга қараб биру бир қадам босиш қолган, унда тош ётқизилган йўлак бўйлаб юришга тўғри келар эди. Ҳужжатда кўрсатилган жой наҳотки шу бўлса?

Умрим бино бўлиб бу қадар алам билан қаттиқ ўкинмаган эдим, Уотсон. Бир лаҳзагина тахминий ҳисобларимда қандайдир бир муҳим чалкашлик юз бергандек туюлди. Ботиб бораётган қуёш нурлари йўлак сатҳини ёритиб турарди. Чақа бўлиб кетган бу тахта тошларининг зиҳлари цемент билан жипс ёпишиб турганини, кўп йиллар мобайнода жойидан қўзғалмаганини аён кўрмоқда эдим. Йўқ, Брантон буларга тақилган эмас, бу аниқ. Йўлакнинг бир неча жойини уриб кўрдим, ҳамма жойдан ҳам бирдек товуш чиқаверди, бирон дарз ёки тиркиш борлигидан асар йўқ эди.

Бахтимга, ҳаракатларимнинг моҳиятига тушуна бошлаган, мендан кам ҳаяжонланмаётган Месгрейв ҳам ҳисобларимни текшириб кўриш учун ҳужжатни ёнидан олди.

— Сўнг пастга! — деб хитоб қилди у. — Сиз: «Сўнг пастга», деган сўзни унугибсиз.

Мен бу кўрсатилган жойда ерни қазиш кераклигини билдиради, деб ўйлаган эканман, энди янглишганимни дарров пайқадим.

— Демак пастда ертўлаларинг бор экан-да?! — деб хитоб қилдим мен.

— Ҳа, у бу уйнинг тенгдоши. Мана бу эшикдан ўтиб, дарҳол пастга тушайлик!

Биз айланма зинапоядан пастга тушдик, ҳамроҳим

түгурт чақиб, бурчакдаги бочка устида турғаң каттағон фонарни ёқди. Биз керакли жойға тушиб келганимизни, бу ерда бизгача яқында кимдир бўлганини шу заҳотиёқ пайқадик.

Ертўлада ўтиң сақланаркан, афтидан илгари бутун ертўлани қоплаб турған ўтинлар ҳозир девор тагига суриб қўйилиб, ўртадан жой очилган эди. Бу ерда ўртасида занглаған темир ҳалқаси бор сербар, оғир тош тахта ётарди, ҳалқага катақ-катақ пишиқ шарф боғланган эди.

— Жин урсин, бу Брантоннинг шарфи-ку! — деб қичқириб юборди Месгрейв. — Шу шарфни унинг бўйнида жуда кўп кўрганман. Бу ерда нима қилган бўлиши мумкин у ярамас?

Менинг илтимосим билан иккита маҳаллий полисмен чақирилди, мен улар ҳузурида шарфни тортиб тош тахта қопқоқни очмоқчи бўлдим. Бироқ уни араш қимирилата олдим, констебллардан бирининг ёрдами билан уни салгина бир четга суродим. Қопқоқ тагида қоп-қоронги ўра кўриниб турарди, ҳаммамиз унга мўраладик. Месгрейв чўккалаганича пастга фонарини туширди.

Биз чуқурлиги етти футча, эни билан бўйи тўрт футга яқин торгина чорбурчак ҳужрани кўрдик. Девор тагида мис қонланган, қопқоғи очиқ пастаккина сандиқ турарди; оғзида мана шу қадимий аломат калит. Сандиқнинг сиртини бир энлик гард босган. Заҳ билан қуртлар ёғочини шу қадар еб қўйган эдик, уни ҳатто ич томонидан ҳам мөгор босган эди. Тагида,— афтидан қадимий пуллар бўлса керак,— мана шу кўриб турганингизга ўхшаб бир неча филдирак металлчалар ётарди. Ичиди бошқа ҳеч нарса йўқ эди.

Аммо дастлаб биз сандиқقا қарамадик — кўзларимиз унинг ёнидаги жасадга қадалган эди. Қора костюм кийиған аллақацдай одам бошини икки қўли билан чангллаганча сандиқ четига қўйиб, чўнқайиб ўтиради. Бу одамнинг юзи кўкариб кетган, таниб бўлмайдиган даражада тиришиб-буришган, аммо биз уни кўтарганимизда Режинальд Месгрейв бўйи, кийими ва соchlаридан ғойиб бўлган эшик оғаси эканини дарров пайқади. Брантон бундан бир печа кун муқаддам ўлган, аммо танасида унинг мудҳиш ўлимини изоҳлаб бериши мумкин бўлган на жароҳат, на моматалоқ асари бор эди. Жасадни ертўладан олиб чиқарканмиз, ҳозиргина ечган жумбоғимиздан ҳам кўра мушкулроқ бўлган жумбоққа дуч келдик...

Эътироф этишим керак, Уотсон, ҳозирча қидиришларимнинг натижаларидан гаранг эдим. Мен қадимий ҳуж-

жатда кўрсатилган жойни топсам бас, ҳамма нарса очиқ-оидин бўлади-қолади, деб ўйлаган эдим, мана, ўша жойда турибман. Месгрейвлар оиласи пухталаб яширган сирнинг жавобидан, чамаси боягй-боягисидек ҳали ҳам узоқдаман. Рост, Брантоннинг қисматини ёритдим, аммо энди у бу қисматга қандай қилиб дучор бўлганини, ғойиб бўлган аёлнинг бу ишда қандай ўрин тутганини ҳам аниқлашим керак эди. Мен бурчакдаги бочкага ўтириб, юз берган ҳодисанинг ҳамма тафсилотларики яна бир бор хаёлимдан ўтказа бошладим.

Бу тариқа ишларда қўллайдиган методими биласиз, Уотсон: ўзимни ўша иш кўрган одамнинг ўринига қўйиб, энг аввал унинг ақлий савиясини аниқлаб оламан-да, муштарак вазиятларда ўзим нима қилишим мумкинлигини тасаввур қилишга тиришиб кўраман. Бу важига иш осонлашган эди: Брантоннинг ақли чакана эмасди, шунинг учун менга унинг тафаккури билан менинг тафаккурим савияси орасидаги тафовутни ҳисобга олиб ўтиришинга тўғри келмади. Брантон қаердадир бир қимматбаҳо нарса бор эканлигини билган. Бу жойни аниқлаган. У пастга олиб тушадиган ертўлациинг оғзини беркитиб турган тошни кўтариш бир киши учун оғирлик қилишига ишонч ҳосил қилган. Шундан кейин у нима қилган? Бегона одамлардан ёрдам сўраб мурожаат қилиши мумкин эмасди. Борди-ю, ҳаттоқи сирини ишониши мумкин бўлгай одам топилган тақдирда ҳам, бу кишига кўча эшикни очадиган бўлса ўзини анчагина хавф-хатарга қўйпши мумкин эди. Ёрдамчини шу хонадонининг ўзидан топиш қулайроқ эди. Хўш, Брантон кимга мурожаат қилиши мумкин эди? Ҳалиги қиз унга бир вақтлар содиқ экан. Эркак одам хотин кишини қанчалик хафа қилмасин унинг муҳаббатидан батамом маҳрум бўлганига ҳеч қачон ишонмайман. Афтидан, Брантон Рэчелга унча-мунча хушомад қилиб юриб, у билан ярашиб олишга уринган, кейин эса уни шерик бўлишига кўндирган. Кечаси улар биргаликда ертўлага тушганлар, биргалашиб тошни жойидан қўзғатишга мувваффақ бўлганлар. Ана шу дақиқагача уларнинг хатти-ҳаракатлари очиқ-оидин: эди, мен буни ўз кўзларим билан кузатиб тургандек эдим.

Аммо икки киши учун, айниқса улардан бирни аёл бўлса, афтидан, бу осон иш бўлмагандир. Ҳатто биз — мен билан Сассексдан келган давангидек полисмен учун ҳам бу тошни жойидан қўзғатиш анча мушкул бўлди. Улар ўз вазифаларини енгиллатиш учун нима қилган бўлишлари мумкин? Ҳа, афтидан, мен ҳам уларнинг ўринида бўлга-

нимда нима қилишим мүмкін бўлса, улар ҳам шундай қилганлар. Ана ўшандан кейин ўрнимдан туриб, ерда сочилиб ётган ўтиналарни кўздан кечирдим-да, топаман деб умид қилган нарсамни шу ондаёқ топдим. Узунлиги уч фут келадиган бир ғўлакнинг уни сал мертилган, бир нечтаси эса эзилган эди: чамаси улар анчагина вазмини нарсаннинг тагида қолган бўлса керак. Афтидан, Брантон билан ёрдамчиси тошини кўтараётганларида пастга бемалол тушса бўлгудек кенгайгунча унинг тиркишига шу ўтиналарни қистириб турган, кейин эса тошининг тагига яна бир ўтинни тиккасига тираб қўйганлар, шу сабабдан унинг пастки уни мертилган бўлиши аниқ— чунки тош уни бор залвари билан босиб турган. Ҳозирча ҳамма тахминларим анчагина асосли эди.

Тунги фожия манзарасини тўла-тўқис тиклаш учун бундан буёғига қандай мулоҳаза юритишим керак эди? Шуниси аниқки, чуқурга биргина одам тушиши мумкин эди, у албатта Брантон бўлган. Қиз юқорида кутиб турган бўлиши керак. Брантон сандиқни очиб, ичидаги бор нарсанни унга узатган (буниси аниқ, чунки сандиқ бўмбўш эди), шунда кейин... нима бўлган?

Эҳтимолки, бу жўшқин аёлнинг қалбидаги учқунланиб турган қасос истаги дилозори — ажаб эмаски, унинг кўрган жабри биз тахмин қилганимиздан кўра кучлироқ бўлса — ҳозир ўз ҳукми остида эканлигини кўраркан, ловиллаб қизишиб кетган. Ўтин тушиб кетиб, тош тахтанинг Брантонни ана шу тош тобутга тириклай кўмиб қўйгани тасодифиймикан? Агар шундай бўлса Рэчел юз берган ҳодисани айтмагани учунгина айбдор. Е у тирговични жўрттага уриб юбориб, тош тахтани жойинга тушириб қўйдимикан? Ҳар қалай, бу аёл худли кўз ўнгимда гавдалашгандек бўлди: топилган хазинани кўксига босганча у тош тахта остида қолган вафосиз ёрининг энтиканча қичқирган бўғиқ дод-фарёдларидан, тошини алам билан дукиллатишларини эшитишдан қочиб, айланма зинапоядан юқорига физиллаганча чиқиб кетган.

Эртасига эрталаб рангининг ўчгани, безовталанганни ва ўқтин-ўқтин асабий кулишларининг сири шунда экан. Аммо сандиқдаги нима экан? Қиз унинг ичидаги нарсаларни нима қилган? Булар, шубҳасиз, жинояти изларини яшириш мақсадида имконият туғилиши биланоқ, ҳовузга олиб бориб ташлаган ўша эски металл синиклари билан тош парчалари эди.

Чуқур ўй сурганимча йигирма минутча қимир этмай

ўтиридим. Ранги оқарыб кетган Месгрейв фонарни лопиллатгаңча ҳамон пастга, чуқурға тикилиб туради.

— Бу Карл Биринчининг¹ пуллари,— деди у, менга сандиқдан олинигаш бир неча гилдирак метални узата туриб.— Кўрднигизми, биз «удумимиз»нинг пайдо бўлган вақтни тўғри аниқлабмиз.

— Карл Биринчидаи қолган яна баъзи бир нарсаларни топсак ҳам ажаб эмас!— деб қичқириб юбордим мен, бирдан ҳужжатдаги дастлабки иккى савонни эсларканман.— Ҳовуздан топиб олган қопдаги нарсаларнингизни кўрсатинг-чи.

Биз Месгрейвнинг кабинетига чиқиб бордик, у металл синиқларини олдимга ёйиб қўйди. Уларга қарапканман Месгрейвнинг буларга нима учун эътибор бермаганинг пайқадим: металл деярли қорайнib кетган, тошларнинг эса туси йўқ, хира эди. Аммо мен улардан бирини олиб енгимга ишқаган эдим, кафтимда худди чақмоқдек ярақлай бошлади. Металл қисмлар қўшалоқ чамбарак йўсимида бўлиб, улар букилган, буралган, дастлабки шаклларини деярли йўқотган эди.

— Хостиригизда бўлса керак, албатта,— дедим Месгрейвга,— қиролнинг партияси Англияда унинг ўлимидан кейин ҳам бошчилик қилгаш эди. Ажаб эмаски, унинг аъзолари қочишдан олдин энг қимматбаҳо нарсаларни замон анча тинчигач, қайтиб келиб олиш мақсадида уларни бирон ерга яшириб кетган бўлсалар.

— Менинг бобокалонларимдан сэр Ральф Месгрейв саройда эътиборли мансабни эгаллаб турган Карл Иккинчи дарбадарликда юрган кезларида унинг ўнг қўли бўлган.

— Э, шунақами!— дедим мен.— Жуда соз. Бу билан этишмай турган охирги жавоб қўлнимизга киради. Табриклайман сизни, Месгрейв! Сиз — шуниси борки, ғоят бир фожиали вазиятда — ўз-ўзидан каттакон қимматга эга, тарихий ноёб бир нарса сифатида яна ҳам муҳимроқ аҳамиятга молик бир ёдгорликка эга бўлдингиз.

— Бу нима бўлди ўзи?— деб сўради у қаттиқ ҳаяжонланиб.

— У эмас, бу эмас, инглиз қиролларининг қадимий тожи.

— Тож?

— Ҳа, тож. Ҳужжатда айтилган сўзларни эсланг-а:

¹ Карл Биринчи — Англия қироли. 1649 йилда тахтдан туширилиб, қатл этилган.

«Бу кимга тегишли эди?»—«Кетганга». Бу сўзлар Карл Биринчининг қатлидан кейин ёзилган. «Энди кимга тегишли бўлади?»—«Келадиганига». Гап Карл Иккинчи ҳақида борган, ўша вақтда унинг тахтга чиқиши тахмин қилинган. Шундай қилиб, шак-шубҳасиз, бу шаклини йўқотган пачоқ тиллақош бир вақтлар Стюартлар сулоласига мансуб бўлган қиролларнинг бошларини безаб турган.

— У ҳовузга қандай қилиб тушиб қолган?

— Бу саволга дарҳол жавоб бериш мумкин эмас.


Мен ўз тахминларим ва далилларимнинг бутун йўналишини Месгрейвга бирма-бир гапириб бердим. Ҳикоямни тамомлаганимда қоронғилик қуюқлашиб, осмонда ой аллақачоқ ёрқин нур сочмоқда эди.

— Шуниси қизиқкки, Карл Иккинчи қайтиб келганидан кейин нима учун тожини талаб қилиб олмади экан?— деб сўради Месгрейв, ўз ёдгорликларини яна каноп қопга жойларкан.

— О, сиз билан биз қачоń бўлмасин ҳал қилишимиз маҳол бўлган масалани кўтармоқдамиз. Афтидан бу сирдан воқиф бўлган Месгрейв ўлиши олдидан бу ҳужжатни ўз валиаҳдига дастуриламал сифатида қолдиргану, аммо унга бунинг маъносини нима учундир тушунтиргмаган. Ҳужжат ўша кундан эътиборан отадан фарзандга ўтаят, ниҳоят, унинг сирини очишга муваффақ бўлган, аммо бунинг эвазига жонидан ажраган одамнинг қўлига келиб тушган...

«Месгрейвлар хонадони удумининг тарихи шундай, Уотсон. Тож ҳозир ҳам Зерлstonда сақланмоқда, зотан қаср эгалари уни ўз қўлларида сақлаб тургани расмий рухсат олгунларича озмунча елиб-югуриб, ҳазилакам маблағ сарф қилмадилар. Борди-ю, сиз бир кўрмоқчи бўлсангиз, улар тожни сизга бажонидил кўрсатишади, албатта, уларга менинг номимни айтсангиз бас.

Анави аёл важига келсак, у ном-нишонсиз ғойиб бўлди. Англиядан бош олиб чиқиб, ўзининг жинояти ҳақидаги хотирасини узоқ юртларга олиб кетган бўлса ҳам ажаб эмас.



ХОЛМСНИНГ СҮНГГИ ИШИ

Дўстим, мистер Шерлок Холмснинг мисли кўрилмаган истеъоди ҳақида ҳикоя қилувчи хотираларимнинг сўнгги сатрларини чуқур қайғу билан ёзишга киришаман.

Ростини айтсан, ҳаётимни мунгли кўйга солиб кетган воқеа ҳақида мен индамоқчи эмасдим, гарчанд ўшандан бери икки йил ўтган бўлса-да, бунинг ўрнини ҳеч нарса босолмаётиби. Аммо мени қўлга қўлам олишга мажбур қилган нарса полковник Жеймс Мориартининг хатлари бўлди; бу хатларида у марҳум акасининг шаънини ёқлади. Мен бўлиб ўтган воқеаларни халойиқ кўзи ўнгидаги рўй-рост изҳор қилишни ўз бурчим деб ҳисобладим. Ҳамма гап ёлғиз менгагина маълум, мен уни яширишга эҳтиёж қолмаганига фурсат етганидан хурсандман.

Билишимча, газеталарда учтагина ахборот босилиб чиқди. «Журналь де Женев»нинг¹ 1891 йил 6 май сони-

¹ «Журналь де Женев» — Швейцария газетаси.

даги хабар, Рейтер агентлигининг¹ 7 майдаги Аинглия матбуотида эълон қилинган телеграммаси ва ниҳоят, юқорида эслатиб ўтилган яқиндаги хатлар. Бу хатлардан биринчиси билан иккинчиси ғоятда қисқартирилган, сўнггиси эса,— унисини ҳозир тушунтириб бераман,— чинакам фактларни бузиб кўрсатади. Менинг вазифам профессор Мориарти билан мистер Шерлок Холмс ўртасида аслида қандай воқеа юз берганинидан элу юртни хабардор қилиб қўйишдир.

Китобхонининг хотирида бўлса, мен уйланганимдан кейиноқ, орамиздаги жуда яқин алоқалар бир оз ўзгариб қолди. Мен хусусий врачлик фаолияти билан шуғуллана бошладим. У ўз тадқиқотлари учун ҳамроҳ керак бўлган пайтларда вақти-вақти билан ҳузуримга келиб турди, бу тобора камайиб борарди. 1890 йилда эса унинг саргузаштлари ҳақпда фақат учтагина ҳисобот ёздим. Шу йилниң қиши билан 1891 йил баҳорининг бошларинда газеталар, Холмс Франция ҳукумати томонидан фавқулодда бир муҳим иш муносабати билан таклиф этилган, деб ёзди, унинг Норбони ва Нимдан ёзган хатларини олиб, Францияда анчагина қолиб кетса керак, деган хуносага келган ёздим. Шунинг учун ҳам 24 апрель куни кечқурун у бирдан кабинетимга кириб келганинда мен бир оз таажжубланиб қолдим. Одатдагига қараганда яна ҳам ранги кетиб ориқлаб қолганини дарҳол пайқадим.

— Ҳа, анчагина тинка-мадорим қуриди,— деди у сўзларимдан кўра ҳам боқишлиаримга жавоб бергандек.— Кейинги вақтларда анчагина қийналишга тўғри келди... Дарчаларни ёпиб қўйсам нима қиласди?

Хонани стол чироги ёритиб туради, мен одатда унинг ёруғида мутолаа қилардим. Холмс девор тагидан эҳтиёткорона юриб, бутун хонани айланиб дарчаларни беркитди-да, орқаларидан лўқидонларини солиб қўйди.

— Бирон нарсадан қўрқаётибсизми?— деб сўрадим.

— Ҳа, қўрқаётибман.

— Нимадан?

— Ел билан отадиган милтиқдан.²

— Азизим Холмс, бу билан нима демоқчисиз?

— Чамамда, Уотсон, сиз мени яхшигина биласиз, сизга маълумки, мен юраксиз одамлардан эмасман. Би-

¹ Рейтер агентлиги — Англиянинг йирик телеграф агентлиги.

² Ел билан отадиган милтиқ — сиқиљган ҳаво ёрдамида товушсиз отиладиган қурол.

тоқ таҳдид солиб турган хавф-хатар билан ҳисоблашмаслик ботирликдан кўра аҳмоқлик бўларди. Мумкин бўлса, менга гугурт берсангиз.

У папирос чекди, гўё тамаки тутуни унга пором келгандек эди.

— Биринчидан, бемаҳалда кириб келганим учун кечирим сўрашим керак,— леди у.— Бундан ташқари, сиздан иккинчи бир беодоб иш — боғингизнинг этагидаги девордан ошиб кетиш учун изн сўрашга тўғри келади, чунки мен сизнидан худди шу йўл билан чиқиб кетмоқчиман.

— Нима гап ўзи? — деб сўрадим.

У қўлини чироққа тутди, мен икки бармоғининг бўғинлари яраланганини ва қонааб турганини кўрдим.

— Кўриб турибсизки, бу мутлақо беҳуда нарса эмас,— леди у жилмайиб.— Бунақада бутун бошли қўлдан ажралиш ҳам ҳеч гап эмас. Миссис Уотсон қаёқда? Уйдами?

— Йўқ, у танишлариникига меҳмондорчиликка кетган.

— Шунақа денг! Хўш, демак, ёлғиз экансиз-да?

— Ёлғиз ўзимман.

— Ундей бўлса, мен билан бир ҳафтагина континентга бориб келишингизни таклиф қилишим осон бўлар экан.

— Қаёққа ўзи?

— Қаёққа бўлса ҳам барисбир. Менга мутлақо фарқи йўқ.

Бу гаплар менга ғоятда ғалати туюлди. Холмснинг бекорга дайдиб вақт ўтказадиган одати йўқ, унинг толиқсан рангиз чеҳрасидаги қандайдир ифода асабларининг камоли тараанг тортилганидан дарак бериб турар эди. У ингоҳимдаги таажжубни пайқаб, тирсакларини тиззасига тиради-да, бармоқларининг учларини чирмаштирганича, менга бор гапни тушунтира бошлади.

— Сиз, ўйлайманки, профессор Мориартти ҳақида ҳеч нарса эшитмаган бўлсангиз керак? — деб сўради у.

— Йўқ.

— Ақл бовар қилмайдиган ноёб бир нарса. Бу одам ўзининг тузоқлари билан бутун Лондонни чирмаб олган, лекин ҳеч ким унинг отнин ҳам эшитмаган. Худди шу нарса уни жиноят оламида қўл етмайдиган баландликка кўтариб қўйгаи. Сизни ишонтириб айтаманки, Уотсон, борди-ю, мен шу одамни енгишга муваффақ бўлсам, борди-ю, мен жамиятни шу одамдан халос қи-

лишга мұяссар бўлсам, бу фаолиятимнинг тантанали хотимаси бўларди, мен ўз фаолиятимни тугалланган ҳисоблаб, ундан кўра хотиржамроқ машғулотларга ўтишга тайёр эдим. Гап орамизда қолсин, Уотсон, мен Скандинавиянинг қироллар хонадони билан Франция республикасига баъзи бир хизматлар кўрсатиш имконини бергац сўнгги икки иш туфайли ўз дидимга анчагина мос бўлган ҳаёт кечиришим, тамоман кимё соҳасидаги тажрибалар билан шуғулланишим учун маблағ орттиридим. Аммо, токи профессор Мориартидек одам Лондон кўчалари бўйлаб бемалол дориломон юаркан, мен дам ол-олмайман, кресломда хотиржам узала тушиб ўтиrolмайман.

— У нима иш қилган?

— О, унинг таржимаи ҳоли аломат! У яхши бир оиласдан чиққан, тўла-тўқис маълумот олган, нодир-ноёб туғма бир математик истеъоддога эга. У йигирма бир ёшида Ньютоннинг биноми ҳақида рисола ёзиб, бу билан бутун Европага доинг таратган. Шундан сўнг у вилоят шаҳарларимиздан биридаги университетда математика кафедрасига бошлиқ бўлиб олган, уни порлоқ келажак кутаётганилиги мутлақо равshan эди. Аммо унинг қонида авлоддан-авлодга ўтиб келаётган ваҳшиёна шафқатсизлик иштиёқи бор. Унинг томиридан жиноятчи қони оқади. Бағоят ўткир зеҳни туфайли бу шафқатсизлиги янада хавфлироқ тус олган. У дарс берган университет шаҳарчасида унинг ҳақида машъум мишишлар тарқалган. Ниҳоят кафедрани ташлаб Лондонга кўчич келишга мажбур бўлган, бу ерда ёш йигитларни офицерлик мансабини олиш учун имтиҳондан ўтишга тайёрлай бошлаган... Бу ҳаммага маълум бўлган фактлар, ҳозир эса сиз мен аниқлашга муваффақ бўлган нарсаларни эшигасиз.

Ўзингизга маълумки, Уотсон, Лондондаги жиноятчилар оламини ҳеч ким менчалик яхши билмайди. Шундай қилиб, мен анча вақтлардан бери, кўпгина жиноятчиларнинг орқасида менга номаълум бўлгаи, қонунга хилоф равишида бутунлай бошқа кимсалар панасида иш кўраётган қудратли ташкилотчи бир куч бор эканлигини ҳис қила бошладим. Қаллоблик бўлмасин, талончилик ёки суюқасд бўлмасин, турли-туман ҳодисаларда ҳам шу кучнинг иштироки бор эканлигини бир неча марта сезганиман, шунингдек, ҳали аниқланмаган, текшириш учун мен бевосита жалб этилмаган жиноятларда ҳам унинг изларини мантиқий йўл билан топганиман. Бир неча йил-

лар мобайнида мен уни яшириб турган пардаш ёриб киришга уриниб келдим, мана ниҳоят фурсат етиб, қалаванинг учини топдим, тугунни еча бошладим, ниҳоят қалаванинг учи минг турли маккорона тугулардан сўнг мени машҳур математик, собиқ профессор Мориартини билан тўқнаштирди.

У — жиноят оламининг Наполеони, Уотсон. У — бу шаҳарда юз берган ёвузликлардан тенг ярмининг ташкилотчиси, очилмаган жиноятларнинг деярли ҳаммасининг ташкилотчиси. У даҳо файласуф, у мавҳум фикрлай оладиган одам. Унинг ақли жуда ўтқир. Ўргимчак худди ўз уясининг ўртасида ётгаидек, у ҳаракатсиз ўтиради, аммо бу ўргимчак уясининг мингларча иплари бор, булардан ҳар бирининг қимирилаганини пайқаб олади. Ўзи камдан-кам ҳаракат қиласи. Фақат режаларгина тузади. Аммо агентлари беҳисоб, улар жуда яхши уюштирилган. Борди-ю, кимдир бирор ҳужжатни ўғирлаши, уйни талаб кетиши, йўлда тўсиқ бўлиб турган одамни йўқ қилиб юбориши керак бўлиб қолса — бу нарсани профессорнинг диққатига ҳавола қиласа бас, жиноятга дарҳол ҳозирлик кўрилиб, кейин у амалга оширилади. Агент қўлга тушиб қолиши мукин. Бундай ҳолларда ҳамиша уни кафилга олишга ёки ҳимоячи таклиф этишга пул ҳам топила қолади. Аммо бу агентни ишга соглан бош раҳбар ҳеч қачон қўлга тушибади — у шубҳалардан холи бўлади. Мен мантиқий йўл билан мавжуд эканлигини аниқлаганим ташкилот ана шундай, Уотсон, мен уни топиб, тор-мор этишга бутун куч-райратимни бағишлидим.

Аммо профессор айёрлик билан ниқобланган, ўзини шу қадар яхши ҳимоя қила оладики, суд ҳукмига етарли бўладиган далилларни тақдим этиш учун қилган бутун саъӣ-ҳаракатларим беҳуда кетмоқда. Менинг нишаларга қодир эканлигимни яхши биласиз, азизим Уотсон, ҳар қалай, уч ойдан кейин мен ниҳоят ўзимга мусносиб рақиб билан учрашганимни эътироф этишга мажбур бўлдим. Унинг жиноятларидан даҳшатга келган бўлсан, энди бунинг ўрнини унинг маҳоратига қойил қолиш эгаллади. Бироқ у барибир бир хато, кичкина, жуда кичкина бир хато қилиб қўйди, аммо шундай хатога ҳам йўл қўймаслиги керак эди, чунки мен уни узлусиз таъқиб қилмоқда эдим. Ўз-ўзидан маълумки, унинг бу хатосидан фойдаланиб, бунга дастлабки марра сифатида амал қилиб Мориартининг атрофига тузоқ қўя бошладим. Ҳозир у деярли тайёр бўлиб қолди. Уч кун-

даи сүнг, яни келар дүшәнба, ҳаммаси тамом бўла-ди — профессор ўз шайкасининг бош аъзолари билан адолат судининг қўлига тушади. Шундан кейин эса асприцизниң эпг йирик жинонй процесси бошланади. Қирқдан ошиқ сирли жиноятлариниг сири очилиб ойдинлашади, ҳамма айборлар жазога тортилади. Борди-ю, шошқалоқлик қилинса, биронта ноўрин қадам қўйилса, улар ҳатто охирги дақиқада ҳам қўлпиздан чиқиб қочишла-ри мумкин.

Мен шундай ҳаракат қила олсамки, бундан про-фессор Мориарти воқиф бўлмаса, ҳамма иш жойида бўларди. Аммо у ғоятда маккор. Уни ўз тузоғимга тушириш учун қўйган ҳар бир қадамим унга маълум бўлиб қолаверди. У бу тузоқлардан чиқиб кетишга кўн марта урниб кўрди, аммо мен ҳар гал унга йўл бермадим. Дарҳақиқат, дўстим бу махфий курашнинг муғассал тасвири матбуотда пайдо бўлгудек бўлса, у де-тектик тарихидаги энг ажойиб, ҳаяжонли китоблар орасида ўз ўрнини эгаллаган бўларди. Мен ҳеч қачон бу қадар юксакка кўтарилган эмасдим, ҳеч қачон рақи-бимнинг ҳаракатларидан бу қадар мушкул аҳволга тушган эмасдим. Унинг зарбалари кучли эдикки, мен уларга яна ҳам зўрроқ зарба билан жавоб қайтардим. Бугун эрталаб охирги тадбирларни кўрдим, иши тугаллашим учун менга яна уч кун, уч кунгина фурсат керак эди. Шуларнинг ҳаммасини ўйлаб ўз хонамда ўтирсам, бехосдан эшик очилди. Қаршимда профессор Мориарти турарди.

Менинг асабларим пўлатдан. Уотсон, аммо эътироф этишим керакки, бутун фикри-ҳаёлимни банд этган одамни қаршимда кўрарканман, беихтиёр сесканиб кетдим. Унинг қиёфаси менга илгари ҳам таниш эди. У жуда озғин, новча. Пешонаси дўнг, энли, оппоқ, кўзлари чуқур тушган. Соқоли қиртишлаб олинган, юзи заҳил, зоҳи-дона — унда профессор Мориартидан ҳали-ҳозирча қандайдир асоратлар қолган. Кифтлари букик, афтидан, муттасил ёзув столида ўтирганидан бўлса керак, боши эса олдинга чўзилиб чиққан, илоннинг бошига ўхшаб ўёқдан-бўёққа аста-секии чайқалиб турарди. Қадалиб турувчи кўзлари менга еб қўйгудек бўлиб тикиларди.

«Сизнинг манглай суякларинги мен кутганимчалик унча тараққий қилган эмас экан,— деди у инҳоят.— Үқланган револьверни устингиздаги халатнинг чўнтағида сақлаш, мистер Холмс, хавфли одат».

Дарҳақиқат, у кириб келганда мен қандай зўр хавф-

хатар таҳдид қилаётганини дарров пайқаган эдим: унинг бирдан-бир жон сақлаш йўли мени умрбод тилимни тишлатишдан иборат эди. Шунинг учун ҳам мен револьверни шахт билан стол ғаладонидан чўнтағимга солиб қўйиб, шу пайтда, уни устидаги мовут орқали пайпасламоқда эдим. Унинг танбеҳидан сўнг револьверни чўнтағимдан олиб, тепкисини тўғриладим-да, олдидаги столга қўйиб қўйдим. Мориарти илжайиб кўзини сузиб тураверди, аммо кўзларидағи қандайдир ифодани кўриб, қуролим яқинда турганидан севиниб қўйдим.

«Сиз, чамасп мени танимасангиз керак»,— деди у.

«Аксинча,— деб эътироуз билдирадим мен,— назаримда, сизни танишимни пайқаб олишингиз қийин эмас эди шекилли. Марҳамат, ўтиринг. Борди-ю, менга айтадиган бирон гапнингиз бўлса, мен сизга беш минут вақтими ни ажратишм мумкин».

«Мен сизга айтмоқчи бўлган гапларнинг ҳаммасини пайқаб олибсиз», деб жавоб берди у.

«Ундан бўлса, сиз ҳам менинг жавобимни пайқабсиз шекилли».

«Сиз аҳдингизда қатъий турмоқчимисиз?»

«Мутлақо қатъий».

У қўлинин чўнтағига тиқди, мен эса столдан револьверни олдим. У чўнтағидан қўйин дафтарчасинигина олди, унда қандайдир саналар ажи-бужи қилиб ёзилган эди.

«Сиз тўртинчи январь куни менинг йўлимни тўсднингиз,— деди у.— Иигирма учинчи куни сиз мени яна бе-совта қилдингиз. Февралнинг ўртасида сиз мени жуда ташвишга солдингиз. Мартнинг охирида режаларимни мутлақо бузиб юбордингиз. Ҳозир эса сизнинг узлуксиз таъқибингиз туфайли мен шундай аҳволга тушшиб қолдимки, қаршимда озодликдан маҳрум бўлишдек аёношкор хавф турибди. Бу барҳам топиши керак».

«Сиз нимани таклиф қиласиз?»— деб сўрадим мен.

«Бу ишдан воз кечинг, мистер Холмс,— деди у, бошини чайқаб.— Яхшиликча воз кечинг».

«Душанбадан кейин»,— деб жавоб бердим мен.

«Бас, мистер Холмс. Сиз жуда ақлли одамсиз, менинг сўзларимга тушунсангиз керак, албатта: сиз ўзингизни четга олишингиз керак. Сиз ўзингиз ишни шу йўсинда олиб келдингизки, энди бошқа йўли йўқ. Сизнинг кураш методларинингизни кузатарканман, руҳан ҳузур қилдим, ишонингки, борди-ю, мени охирги чораларни кўришга мажбур қиласидиган бўлсангиз, фоят афсуслан-

ган бўлардим..., Сиз илжаяётпбисиз, сэр, аммо сизни ишонтириб айтаманки, мен сидқидилдан айтәтибман».

«Хавф-хатар ихтисосимнинг муқаррар йўлдоши»,— дедим мен.

«Бу хавф-хатар эмас, муқаррар ажал,— деб эътироz билдири у.— Сиз биргина одамнинг эмас, каттакон ташкилотипг йўлидағов бўлиб турибсиз, унинг бутун куч-қудратини ақлу зеҳни шу қадар ўткир бўлган сиздек одам ҳам тасаввур қилишдан ожизсиз. Сиз четга чиқиб кетишининг керак, мистер Холмс, бўлмаса сизни тепкилаб тупроқ билан қориштириб юборадилар».

«Бизнинг бу ёқимли суҳбатимиз туфайли мени бошқа бир жойга даъват этаетган мұхым бир ишга кеч қолмасам, деб қўрқяпман»,— дедим мен ўрнимдан туриб.

У ҳам ўрнидан туриб, ғамгин бош чайқаганича менга индамай қараб турарди.

«Начора!— деди у ниҳоят.— Мен жуда афсуслана-ман, аммо қўлимдан келган барча чорани кўрдим. Ҳар бир босган қадамнинг менга аён. Сиз душанбагача ожизсиз. Бу бизнинг орамиздаги яккама-якка олишув, мистер Холмс. Сиз мени айборлар курсисига ўтқазиб қўйишини умид қилмоқдасиз, сизга айтиб қўяйки, бу ҳеч қачон амалга ошмайди. Борди-ю, мени ҳалок этишга уқувингиз етгудек бўлса, у тақдирда, сизни ишонтириб айтаманки, мен билан бирга ўзингиз ҳам ҳалок бўла-сиз».

«Сиз менга шу қадар кўп хушомадомуз сўзлар айтдингизки, мистер Мориарти, мен ҳам шунга муносиб жавоб беришм керак, шунинг учун сизга айтаманки, жамиятнинг саодати учун айтганингизнинг биринчисига ишончим комил бўлса, иккинчисига бажонидил рози эдим».

«Биринчисини ваъда қилолмайман-у, аммо иккинчи-сини жон-жон деб ваъда қиласман»,— деб жавоб берди у қаҳрли заҳарханда билан.

Букик кифтларни мендан ўғирганча сузик кўзлари билан орқасига аланглай-аланглай чиқиб кетди. Менинг профессор Мориарти билан бўлган ўзига хос бу учрашувим шундай ўтди, ростини айтсам, бу учрашув менда ёқимсиз бир таассурот қолдириди. Мулойимлик билан аниқ гапириш одати унинг оддий жиноятчиларга хос бўлмаган самимийлигига ишонишингиэга мажбур қилиб қўяди. У бекорга оғиз кўпиртирадиган мақтанчоқлардан эмас. Сиз, албатта бунга: «Полицияга ёрдам сўраб мурожаат қиласа бўлади-ку?»— дерсиз. Аммо гап шун-

даки, зарбани унинг ўзи эмас, агентлари беради — мен бунга аминман. Бунга далилларим бор.

— Сизга ҳужум қилишдими?

— Азизим Уотсон, профессор Мориарти ўйланган ишни пайсалга солиб юришни хуш кўрадиганлардан эмас. У чиқиб кетгач, соат ўн иккиларга яқин Оксфордстритга боришга тўғри келиб қолди. Бентинк-стрит билан Уэлбек-стритнинг муюшида кўчадан ўтаётib, зўр шиддат билан тўппа-тўғри устимга бостириб келаётган қўш отли фургонни кўрдим. Йўлкага югуриб чиқишига аранг улгурдим. Бирон секунд ҳаяллаб қолсам борми — ажаким чиқиб кетарди. Фургон муюшдан бурилиб дарҳол гойиб бўлди. Энди мен йўлкадан пастга тушмасликка қарор қилдим, аммо Вир-стритдаги уйлардан бирининг томидан ғишт тушиб, оёғимнинг таггинасида майдамайда бўлиб кетди. Мен полициячини чақириб, ҳодиса юз берган жойни кўздан кечириши буюрдим. Томга ремонт учун мўлжалланган ғишт билан шифер тахлаб қўйилган экан, мени, ғиштни шамол учириб туришган, деб ишонтиromoқчи бўлишди. Маълумки, гап нимада эканини мен яхшироқ билардим. аммо далилларим йўқ эди. Мен кэб кира қилиб, укамнинг Пэлл-Мэллдаги квартирасига етиб бордим-да, кун-узукун ўша ерда бўлдим. Ўёқдан тўппа-тўғри сизникига қараб келдим. Йўлда менга таёқ кўтарган қандайдир ярамас ёпишди. Мен уни уриб йиқитдим, полиция уни ушлади, аммо сизга сўз бериб айтаманки, мен бугун курак тишлирига уриб қўлимни қонатиб олган жентльмен билан ҳозир, эҳтимолки, бу ердан ўн миля узоқда ўзининг гилбўта билан ёзандиган тахтасида масалалар чиқараётган математика муаллими орасидаги алоқани сезишига ҳеч ким мувваффақ бўлолмайди. Энди сиз, Уотсон, нима учун бу ерга келишим биланоқ дастлаб дарчаларни ёпиб, нима учун сиздан кўча эшикдан эмас, кўзга панароқ бошқа бирон йўл билан чиқиб кетишим учун изн беришингизни сўраганимнинг сабабини тушуниган бўлсангиз керак.

Мен дўстимнинг довюраклигига кўп марталар қойил қолганман. Аммо бугун унинг бу мудҳиш кунда юз берган мутлақо тасодифий бўлмаган воқеаларни бамайли хотир санаб бериши мени айниқса ҳайратлантириди.

— Умид қиламанки, менинида ётиб қоларсиз? — деб сўрадим мен.

— Йўқ, дўстим, мен сиз учун хавфли меҳмон бўлишим мумкин. Мен қандай ҳаракат қилиш кераклиги режасини ўйлаб қўйганман, ҳаммаси яхшилик билан

туғайды. Ҳозир иш шундай бир босқичда турибдикі, уни қамоққа оладыган бұлсалар, менсиз ҳам олаверадилар. Менинг ёрдамим фақат тергов вақтидагина керак бұла-ди. Шундай қылиб, полициянинг кескін ҳаракатлари бошланғунича бирон ёққа кетганим дуруст. Борди-ю, сиз мен билан бирга континентта кета олсанғыз жуда хурсанд бўлган бўлардим.

— Ҳозир менинг беморларим кам,— дедим мен,— яқин орада яшайдиган ҳамкасабам бажонидил менинг ўрнимда ишлаб туради. Шунинг учун сиз билан жон-жон деб бораман.

— Эртага эрталабданоқ йўлга чиқа оласизми?

— Ҳа, агар бу зарур бўлса.

— Э-ҳа, жуда зарур. Энди менинг кўрсатмаларимни эшишиб олинг, сиздан илтимос қиласман. Уотсон, уларга фоятда риоя қилинг, чунки икковимизнинг олдимиэда энг истеъоддли муттаҳам билан бутун Европада энг қудратли жиноятчилар уюшмасига қарши кураш олиб бориши вазифаси турибди. Шундай қылиб, қулоқ солинг. Сиз ўз юкингизни етиб бориши керак бўлган станцияни кўрсатмасдан, шу бугун кечқурун ишончли бир одамдан Виктория вокзалига жўнатишингиз керак. Эрталаб хизматкорингизни кэб кира қылиб келгани юборасиз, аммо унга тайинлангки, у ўзига дуч келган биринчи, иккинчи экипажни ҳам кира қила кўрмасин. Сиз кэбга тушиб Стренддаги Лоусер пассажига борасиз, шуниси борки, извошчига адресни бир варақ қофозга ёзиб берасиз, унга айтиб қўйинг, қофозни ташлаб юбора кўрмасин. Унга кира ҳақини олдинроқдан бериб қўясиз. Кэб тўхташи биланоқ дарҳол пассажга ғизиллаб кирасизу тўққиздан чорак ўтганда унинг нариги бошига чиқиб борасиз. У ерда худди йўлка ёқасида кичик бир экипажни кўрасиз. Уни ёқасига қизил тасма тутилган қалин қора плашли одам ҳайдайди. Сиз ўша экипажга чиқиб, континентга жўнайдиган экспрессга тушиш учун вокзалга ўз вақтида етиб борасиз.

— Сиз билан қаерда учрашишим керак?

— Станцияда. Бизга биринчи классдаги иккинчи купэ қолдирилган бўлади.

— Демак вагонда учрашарканмиз-да?

— Ҳа.

Холмсни менинида ётиб қолишга ундағанларим бе-худа кетди. Ўзига бошпана берган хонадоннинг бошига кулфат солишдан қўрқаётгани уни чиқиб кетишга мажбур қиласстан бирдан-бир сабаб эканлиги менга аниқ

эди. У щоша-пиша эртаги кунга оид режаларимизга тааллуқдор бир неча күрсатмаларни беріб, үрнідан турди-да, мен билан бирга боққа чиқиб, девордан түпратығри Мортиметр-стритга ошиб тушди, ҳуштак чалиб кәб чақирди, мен узоқлашаётган гилдиракларининг тарақтуруқ товушларини эшитиб қолдым.

Эртасига эрталаб Холмснинг күрсатмаларини аниқ бажардим. Қебни ҳамма зарур әхтиёт чоралар билан кира қилдик,—у асло тузоқ бөлиб хизмат қилолмасди,— nonуштадан кейиндоқ шартлашилган жойга қараб жүнадим. Лоусер пассажига етиб бориб ғизиллаганча уни кесиб ўтдым-да, шартимизга кўра мени кутиб турган каретани кўрдим. Аравага чиқишим билап, қора плашга ўрапиб олган бўйдор извошли отга қамчи уриб, мени бир лаҳзада Виктория вокзалига етказиб қўйди. Ерга тушишим биланоқ, у экипажини буриб, ҳатто мен томонга қайрилиб ҳам қарамай, яна ғизиллаганча жўнаб қолди.

Ҳозирча ҳамма иш бинойидек кетмоқда эди. Юким мени аллақачон вокзалда кутиб турарди. Холмс тайинлаган купэни осонгина топдим, негаки, «банд» деган ёзув осиб қўйилган бирдан-бир купэ шу эди. Энди мени биргина нарса — Холмснинг йўқлиги ташвишлантиради. Вокзал соатига қарадим: поезднинг жўнашига етти минутгина қолган эди. Жўнаб кетаётган ва кузатаётган халойиқ орасидан озғин жуссали, дўстимни беҳуда қидирадим — у йўқ эди. Инглиз тилини бузиб, юк ташувчига юки тўппа-тўғри Парижга жўнатилиши кераклигини тушунтиришга уриняётган басавлат итальян руҳонийисига ёрдам бераман деб бир неча минут вақтимни ўтказдим. Қейин платформани яна бир айланнуб чиқиб, ўз купэмга қайтиб келсам, ўша ўзимга таниш кекса итальянни учратдим. Зотан унинг бу купэга кириш учун билети бўлмаса ҳам, юк ташувчи, ҳар қалай, уни менинг ёнимга ўтқазиб кетибди. Номатлуб ҳамроҳимга унинг бу ерга кириши менга ёқмаётганини тушунтиришга ҳар қанча уринмай беҳуда кетди: мен итальянчани у инглизчани билганидан кўра ёмонроқ билардим. Шунинг учун мен фақат кифтимни қисиб, дўстимни кутганча ташвиш билан деразадан қараб турардим. Вужудимни ваҳима ҷулғай бошлади: кечаси бирон баҳтсизликка учраган бўлса-я! Ҳамма эшиклар ёпилиб бўлиб, ҳуштак чалинган эдикки, бирдан...

— Азизим Уотсон, мен билан саломлашай ҳам демайсиз-а! — деган овози эшилтилди ёнимдан кимнингдир.

Үгтирилиб қараб, ҳанг-манг бўлиб қолдим. Кекса руҳоний энди менга тик қараб турарди. Бир лаҳзагина уининг ажинлари ёзилиб, бурни энгагидан кўтарилиди, пастки лаби олдинга чўччайишдан, оғзи эса тамшанишдан тўхтади, хира кўзлари аввалгисидек чақнай бошлиди, букик елкаси ростланди. Аммо буларнинг ҳаммаси бир лаҳзагина давом этиб, Холмс қандай тез пайдо бўлган бўлса, шундай тез ғойиб бўлди.

— Ё парвардигор! — деб қичқириб юбордим мен. — Утаками ёриб юборай дедингиз-ку!

— Биз ҳамон ғоят эҳтиёткор бўлишимиз керак, — дея шивирлади у. — Улар бизнинг изимизга тушиб олишган, дейишга асосларим бор. Ҳа, Мориартининг ўзи!

Холмс шу сўзларни айтиётганда поезд жилган эди. Мен деразадан мўралаб орқага қарап эканман, ҳалойиқни жон-жаҳди билан туртиб-сурнб поездни худди тўхтатмоқчи бўлгандек қўлинни силтаётган новча одамни кўрдим. Бироқ вақт ўтган эди. Ҳаракат тезлиги тобора ошиб борарди. Ҳадемай станция орқада қолиб кетди.

— Ана кўрдингизми, — деди Холмс қулиб, — биз нечоғли эҳтиёт бўлишимизга қарамай, бу одамлардан аранг қочиб қутулдик.

У ўрнидан туриб, ииқоби — руҳонийча қора либоси билан шляпасини ечди-да, саквояжига яшириб қўйди.

— Эрталабки газеталарни ўқидингизми, Уотсон?

— Иўқ.

— Демак, сиз Бейкер-стритда нима воқеа содир бўлганини ҳали билмас экансиз-да?

— Бейкер-стритда?

— Бугун кечаси улар бизнинг квартирамизга ўт қўйиб юборишиди, лекин уччалик катта зарар етказишолмади.

— Нима қилиш керак, Холмс? Бунга тоқат қилиш қийин-ку.

— Афтидан таёқ ушлаган агентлари қамоқقا олинганидан кейин улар менинг изимни узил-кесил йўқотиб қўйганга ўхшайдилар. Бўлмаса улар мени уйга қайтиб келган, деб ўйламасликлари керак эди. Аммо кейин улар, кўриниб турнибдики, сизни кузата бошлаганлар. Мориарти Виктория вокзалига шу сабабли келган. Сиз вокзала келаётниб йўлда бирон хато қилиб қўймаганмидингиз?

— Ҳамма кўрсатмаларингизни аниқ бажардим.

— Экипажни ўша жойдан топдингизми?

— Ҳа, у мени кутиб турган экан.

— Кучерни таниёлдингизми?

— Йўқ.

— У менинг акам Майкрофт эди. Бундай ишларда киши сирини ёлланган бегона одамга билдиримагани дуруст. Хўп, энди биз Мориарти важини нима қилиш кераклигини ўйлашимиз лозим.

— Модомики, биз экспрессда кетаётган эканмиз, пароход бўлса поездимиз етиб бориши билан жўнар экан, назаримда, у бизнинг орқамиздан сира ҳам қувиб етиб келолмайди.

— Азнзим Уотсон, ахир мен сизга айтган эдим-ку, ақл-зеҳи ҳақида гап боргандা, бу одамга ҳам худди менга қаралган андоза билан қарааш керак. Наҳотки сиз, борди-ю, таъқибчининг ўрнида дўстим бўлса, шундай арзимаган бир тўсиқ уни тўхтатиб қоларди, деб ўйласангиз? Хўп, борди-ю, ундай деб ўйламасангиз, нега бўлмаса унинг тўғрисида бундай чакки ўйлайсиз?

— У нима қила олиши мумкин ўзи?

— Мен қилишим мумкин бўлган ишни қилиши мумкин.

— Унда айтинг-чи, сиз нима қилган бўлардингиз?

— Мен ошиғич қатнайдиган поезд буюргаи бўлардим.

— Аммо у барибир кеч қолади-ку.

— Ҳеч-да. Бизнинг поездимиз Кентерберида тўхтаб ўтади, у ерда ҳамиша камида чорак соат пароход кутишга тўғри келади. Ана ўша ерда у бизга етиб олади.

— Гўё жиноятчи у эмасу биз, деб ўйлаш мумкин. У етиб келиши билан қамоққа олдириинг.

— Бу уч ойлик ишнимнинг самарасини барбод қилган бўларди. Биз каттакон балиқни тутардигу майдалари тўрнинг кўзларидан ўтиб, турли томонларга қочиб кетган бўларди. Душанба куни уларнинг ҳаммаси қўлнимизда бўлади. Йўқ, ҳозир қамоққа олишга йўл қўйиб бўлмайди.

— Нима қилишимиз керак бўлмаса?

— Биз Кентерберида тушиб қолнишимиз керак.

— Кейин-чи?

— Кейин эса Ньюхевенга, у ердан Дъеппга жўнашга тўғри келади, Мориарти яна мен қилишим мумкин бўлгандек бир иш қилади: Парижга етиб бориб, у ерда бизнинг чамадонларимизни таниб қўяди-да, юк сақлаш камерасида иккى кунча туради. Биз эса бу орада бир жуфт сарфарбоп гилам хуржун харид қилиб, саёҳат қиладиган жойимиздаги саноату савдо-сотиқни рағбатлан-

тириб, бамайлихотир Люксембург билан Базель орқали Швейцарияга қараб жўнаймиз.

Мен жуда тажрибакор сайдекман. Шунинг учун ҳам юкимиздан ажралганимизга унча ўкиниб ўтиридадим, аммо, эътироф этишим керак, қандадан-қанча қабиҳ ёвузылклар қилган жиноятчига чап бериб, ундан яшириниб юришимиз керак, деган фикр менга ҳеч ёқмас эди. Бироқ Холмс аҳволни яхшироқ биларди, албатта. Шунинг учун биз Кентерберида тушиб қолдик. Бу ерда биз Ньюхевенга қатнайдиган поезд бир соатдан кейингини жўнашиши билдик.

Бор кийим-кечакларимни суръат билан олиб кетаётган юк вагонининг йироқда кўздан ғойиб бўлишини ҳамон маъюс кузатиб турган эдим. Холмс енгимдан тортиб, темир йўл изларини кўрсатди.

— Кўрдингизми, қандай тез! — деди у.

Йироқда, Кент ўрмонлари орасидан ингичкагина тутун буралиб чиқмоқда эди. Бир минутдан сўнг станцияга олиб келадиган ярим доира изларда локомотив билан бир вагондан иборат янги поезд кўринди. Биз аллақандай тойлар орқасига эндигина яшириниб ултурган ҳам эдикки, у тарақ-туруқлаб, юзларимизга парапаға иссиқ буғ уфуриб ғизиллаганча ўтиб кетди.

— Ўтиб кетди! — деди Холмс, темир излар устида сакраб-сакраб бир оз чайқалиб бораётган вагонни орқасидан кузатиб қоларкан. — Кўриб турибсизки, дўстимизнинг ақл-фаросатининг ҳам ниҳояси бор экан. Агар у мен чиқарган хулосаларга ўхшаб хулосалар чиқариб, шунга амал қилиб иш кўрса, бу чинакам мўъжиза бўлар эди.

— Агар, борди-ю, у орқамиздан етиб келса нима қиласди?

— Шубҳасизки, менин ўлдиришга уриниб кўрарди. Ҳа, мен ҳам буни қўл қовуштириб кутиб турмасдим. Энди бутун масала шундаки, биз шу ерда ионушта қилсанмикан ёки очимиздан ўладиган бўлсан ҳам Ньюхевенга етиб боргунимизча сабр қилсанмикан?

Уша куни кечасиёқ биз Брюсселга етиб бориб, у ерда иккι кун бўлдик, учичи куни Страсбургга қараб йўл олдик.

Душанба куни эрталаб Холмс Лондон полициясига телеграмма жўнатди, кечқурун меҳмонхонамизга қайтгач, жавоб келганини кўрдик. Холмс телеграммани очиб, лаънат ўқиганича уни каминга отди.

— Мен буни олдиндан кўришим керак эди! — деб зорланди у. — Қочиб кетибди!

— Мориарти-я?

— Ундан ташқари бутун шайкани қўлга туширишибди! Ёлғиз унинг ўзи қочиб қутулибди! Ҳа, албатта, мен буёққа жўнаганимдан кейин бу одамлар уни эплашолмаган. Зотан, мен уларнинг қўлларига ҳамма ишни тутқазиб қўйдим-ку, деб ишонган эдим. Биласизми, Уотсон, сизнинг тезроқ Англияга қайтганингиз дуруст.

— Нега эди?

— Энди мен хавфли ҳамроҳман. Бу одам бор-йўғидан ажралди. Агар у Лондонга қайтиб борса, тамом бўлади, мен унинг характерини яхши биламан, энди бутун хатти-ҳаракатини мендан ўч олишга қаратади. Буни менга қисқагина учрашувимиз вақтида айтган, амманки, бу қуруқ пўписа эмас эди. Хуллас, мен сизга Лондонга ўз беморларингиз олдига жўнашингизни маслаҳат бераман.

Аммо мен эски аскар, Холмснинг қадрдои дўстиман, албатта, уни бундай дақиқада ёлғиз ташлаб кетишни муносиб кўрмадим. Биз Страсбург меҳмонхонааспининг ресторанида ўтириб, бу тўғрида ярим соатдан ортиқ тортишдик, ўша куни кечасиёқ яна йўлга чиқиб, Женевага жўнадик.

Биз бир ҳафтача Рона водийси бўйлаб ҳузур қилиб кездик, кейин эса Лейкдан ўтиб, ҳали қалин қор босиб ётган довон оша ундан нарига — Интерлакен орқали Мейринген қишлоғига жўнадик. Бу ажойиб сайр эди: пастда латиф баҳор кўкаламзори, тепамизда эса тахи бузилмаган оппоқ қор, аммо Холмснинг тепамизда таҳдид солиб турган хавфни бир дақиқа бўлса ҳам унутмаётгани менга равшан эди. Тог тепасидаги шинам қишлоқларда, довонлардаги хилват сўқмоқларда — ҳар бир дуч келган йўлчининг юзига диққат билан разм солаётгани шошқин, синчков назаридан, мен унинг орқамиздан қорама-қора келаётган хавф-хатарнинг муқаррарлигига имони комил эканлигини кўриб турардим.

Шу ҳодиса эсимда: биз Жемми орқали ўтаётib соқин Даубензенинг соҳилида кетаётган эдик, ўнг томонимизда бўй чўзиб турган қоядан дафъатан каттакон бир тош қулаб, пастга қараб гумбурлаб гилдираганича орқамиздаги кўлга тушиб кетди. Холмс чўққи тепасига чиқиб, бўйинни чўзганча теварак-атрофга аланглай бошлади. Йўл бошловчи, баҳор кезлари, бу ерларда харсанг тошларнинг кўчиб тушиши оддий ҳодиса, дея

уни ишонтиrməкчи бўлиб беҳуда уринарди. Холмс ҳеч қандай жавоб бермади-ю, бу воқеаларни аллақачонлароқ олдиндан билиб қўйган кишидек менга қараб жилмайди: нечоғли хавотир олишига қарамай, барибир у хомуш тортмади. Аксинча, эсимда, мен уни ҳеч қачон бу қадар хушчақчақ кайфиятда кўрмаган эдим. У, борди-ю, жамият профессор Мориартидан халос этилса, ўз фаолиятини бажонидил тўхтатиши мумкинлигини яна қайта-қайта тақрорлади.

— Назаримда, Уотсон, мен беҳуда умр кечирмадим, дея олишга ҳақлиман,— дерди у,— мабодо ҳаёт йўлим ҳаттоки шу бугун узилиб қолса ҳам, мен, ҳар қалай унга маънавий мамнуният ҳисси билан қараб қўя олардим. Мен туфайли Лондоннинг ҳавоси мусаффороқ бўлиб қолди. Мен мингдан ортиқ ишда иштирок этганман, аминманки, ўз таъсиридан фойдаланиб, уни ҳеч қачон сунистехнологияни қилган эмасман, ноҳақ томонга ён босганимасман. Рост, сўнгги пайтларда мени, жамиятимиз тузилишининг номукаммаллиги жавоб бериши керак бўлган юзаки муаммолардан кўра, бизнинг олдимизга табиат қўйган жумбоқларни ўрганиш кўпроқ қизиқтириди. Мен Европадаги энг хавфли, энг истеъододли жиноятчини тутиб олиб ёки йўқ қилиб, ўз фаолиятини хотималаган куним сизнинг мемуарларингиз ҳам ниҳоясига етади, Уотсон.

Энди мен ҳали изҳор қилинмай қолган озгина бир гапимни қисқагина, аммо аниқ айтиб беришга ҳаракат қиласман. Бу тафсилотлар устида тўхтаб ўтириш мен учун осон эмас, аммо улардан биронтасини ҳам тушириб қолдирмасликни ўз бурчим деб биламан.

З май куни биз Мейринген деган жойга бориб, ўша вақтларда Петер Штайлерларнинг каттаси тасарруфида бўлган «Англия» меҳмонхонасига тушдик. Меҳмонхона эгаси шудликкина одам, инглизчани туппа-тузук гапи-рар, чунки Лондондаги «Гросвенор» меҳмонхонасида уч йилга яқин хизмат қилган эди. 4 май куни тушдан сўнг унинг маслаҳати билан Розенлау қишлоғида тунаш мақсадида тоқقا қараб жўнадик. Меҳмонхона эгаси бизга, айниқса, чиқадиган йўлимизнинг тахминан ўртароғида, лекин ундан бир оз четроқда бўлган Рейхенбах шаршарасини томоша қилишни тавсия этди. Бу чинакам даҳшатли жой. Эриётган қорлардан ҳосил бўлган асов тор шалоласи тагсиз жар қаърига отилади, ундан ўт кетган уйдан бурқиб чиқаётган тутундек кўпиклар сапчиди. Шалола бориб тушаётган даранинг атрофини кўмир-

дек қоп-қора ялтироқ қоялар қуршаб олган. Пастда, тагсиз чуқурликда у торайиб, күпирисиб-қайнаётган қудуққа айланади, қудуқ эса муттасил тұлиб-тошиб, ичидағи сувни даҳшатлы күч билан яна ўркачли тоғлар томон қайтариб отади. Пайваст гулдураб пастга тушаётган зумрад шалоланинг узлуксиз ҳаракати, чаппор урганча муттасил тепега сапчиётган сув тұзонларидан иборат қалин, безовта парда одамнинг бошини айлантириб, ти-нимсиз ҳайқириғи билан карахт қилиб құяди.

Биз жар ёқасида туриб, жуда пастликда қора тошларга урилиб саңраганча товланаётган сувга тикилиб, олисадап әшитилаётган оломон суронидек ер қаъридан келаётган сирли шовқинга қулоқ солардик.

Бир юриб чиққан йўлка саёҳатчиларнинг шаршарани яхшироқ кўра олишлари учун ярим доира қилиб солининг эди, аммо у жар ёқасига бориб тўхтаган, йўловчи борган йўлидан орқасига қайтиб келишга мажбур эди. Кетмоқчи бўлиб орқамизга ўгирилган ҳам эдикки, қўлида хат ушлаб бизга қараб чопиб келаётган швейцар болани кўриб қолдик. Конвертга биз келиб тушган меҳмонхонанинг муҳри босилган эди. Хатни меҳмонхона эгаси менга ёзган экан. Унинг ёзишича, биз чиқиб кетишмиз билан меҳмонхонага сил касали билан оғриб, унинг охирги босқичига етиб қолган бир инглиз аёл кириб келганмиш. У қишини Давосда ўтказиб, ҳозир Люцерндан дўйстлари олдига кетаётган экан, йўл устида дафъатан оғиздан қон кела бошлади. Унинг бир неча соатгина умри қолганмиш. Аммо ёнида бирор инглиз доктори бўлса, борди-ю, мен етиб борсам, унинг кўнгли фоят таскин топармиш, ва ҳоказо, ва ҳоказо... Хатнинг охирида одамшаванды Штайлер, башарти боришга кўнсан, мендан фојтда миннатдор бўлажагиши, чунки меҳмон хоним швейцар врачанинг хизматларини мутлақо рад этаётганини, шунинг учун ҳам у ўз зинмасида каттакон масъулият ётганини ҳис этаётганини илова қилган эди.

Мен бу даъватга эътибор бермаслигим мумкин эмасди. Гурбатда қазо қилаётган ватандошимнинг илтимосини ерда қолдиrolмасдим. Аммо шу билан бирга Холмсни ёлғиз қолдириб кетишга кўнглим бормас эди. Бироқ у билан биз шундай қарорга келдикки, унинг ёнида йўл бошловчи ва ҳамроқ сифатида швейцар бола қоладиган, мен эса Мейрингенга қайтадиган бўлдим. Дўйстим шаршара олдида яна бир оз турмоқчи, кейин эса тепаликлар оша аста-секин Розенлауга жўнамоқчи бўлди, кечқурун мен унинг олдига етиб борадиган бўлдим.

Бир оз юргач, орқамга қарадим: Холмс қояга суюниб қўлларини қовуштирганча пастга, жар тагига қараб турарди. Ўшанда дўстимни кўриш менга ортиқ насиб бўлмаслигини билмаган эканман.

Пастга тушгач, яна қайрилиб қарадим. Бу жойдан энди шаршара кўринмас, аммо мен унга олиб чиқадиган йўлкани кўрдим, йўлка тоғ кўксидаги зов бўйлаб кетгани эди. Шу йўлкадан қандайдир одам илдам юриб борарди. Унинг қора шарпаси очиқ яшил фонда аниқ кўзга ташланиб туарди. Мен уни кўрдим, унинг ғоятда илдамлик билан чиқиб кетаётганини кўрдиму, лекин бемор ҳузурига шошилиб турганим учун бу нарса тез орада ёдимдан кўтарилибди.

Тахминан бир соатдан кейин мен Мейрингендаги меҳмонхонамизга етиб келдим. Кекса Штайлер остонаяда туарди.

— Хўш, нима бўлди?— деб сўрадим, унинг олдига югуриб бориб.— Умид қиласманки, аҳволи ёмон эмасди?

Унинг юзида ҳайрат ифодаси пайдо бўлиб, қошлири чимирилди. Юрагим орқасига тортиб кетди.

— Демак, бу хатни сиз ёзмаган экансиз-да?— деб сўрадим хатни чўнтағимдан олиб.— Меҳмонхонада бемор инглиз аёл йўқми?

— Ҳа, албатта, йўқ!— деб юборди у.— Ия, бу нима бўлди? Конвертга менинг меҳмонхонаминиг муҳри бо силган-ку?.. Ҳа, тушундим! Афтидан, хатни сизлар кетишингиз биланоқ кириб келган повча инглиз ёзганга ўхшайди. У айтдики...

Мен унинг гапларининг давомини эшишиб турмадим. Ваҳима босганича қишлоқ кўчасидан ҳозиргина тушиб келган тоғдаги йўлкага қараб югурга кетдим.

Тепадан бир соатда тушиб келган эдим, жон-жаҳдим билан чопишимга қарамай, Рейхенбах шаршарасига етиб боргунимча яна икки соат ўтди. Холмснинг алъпенштоки¹ кетаётганимда ўзи суюниб турган қоя тагида ҳамон турар, аммо Холмснинг ўзи йўқ эди. Мен уни қанча чақирсан ҳам фойдаси бўлмади. Атрофимни қуршаб турган қоялар ўртасида гумбурлаб тақрорлаиган овозимнинг акс садосигина бирдан-бир жавоб бўлди.

Альпенштокни кўрарканман вужудим музлаб кетди. Демак, Холмс Розенлауга кетмаган. У шу ерда, эни уч фут келадиган бир томони тик деворга тақалган, иккин-

¹ Альпеншток — тогларда юриш учун учига ўткир темир ўрнатилган узуи таёқ.

чи томони тик жарга бориб тугайдиган шу йўлакда қолган эди. Шу ерда душман устига етиб келган. Швейцар бола ҳам йўқ эди. Афтидан, у, Мориарти томонидан ёлланган бўлиб, рақибларни юзма-юз холи қолдириб кетган. Шундан сўнг нима бўлган? Шундан сўнг нима юз берганлигини менга ким айтиб бериши мумкин эди?

Даҳшатдан лол бўлиб, ўзимга келолмай икки минутча серрайган кўйи туриб қолдим. Сўнгра Холмснинг методини эслаб, содир бўлган фожиани изоҳлаш учун уни татбиқ қилишга уриниб кўрдим. Ҳайҳот, бу қийин эмас эди! Суҳбатимиз вақтида биз Холмс билан сўқмоқнинг охирига етиб бормаган эдик, альпеншток биз тўхтаган жойни кўрсантиб турарди. Муттасил сув сачраётгани туфайли бу ерда ҳатто қушинг изи ҳам аниқ кўриниши мумкин. Икки қатор оёқ излари сўқмоқ охирода аниқ кўриниб турарди. Улар мен томондан олдинга қараб кетган эди. Қайтган излар йўқ эди. Сўқмоқ этагидан бир қанча қадам беридаги ер ўйдим-чукур, из бўлиб кетган жар ёқасида ўсиб турган парманчак билан қирқулоқ юлиб олинган, уларга лой сачраган эди. Мен ерга ётиб, отилиб тушаётгандан шалолага тикила бошлидим. Қоронғи тушиб қолган, энди мен сув сачраб ҳўл бўлган қора тош деворлар билан жуда пастдаги чуқурликда йилтираб кўринаётган сон-саноқсиз сув тўзонларинигина кўра олишим мумкин эди. Мен қичқирдим, аммо қулогимга яна ўша нимаси биландир халойиқнинг ғалловурига ўхшаган шаршарининг гулдуроси эши билди.

Бироқ тақдирнинг хоҳиши билан дўстим ва ўртоғимнинг сўнгги саломи менга, ҳар қалай, етиб келди. Боя айтиб ўтганимдек, унинг альпенштоки сўқмоқ устида турган пастак қояга суялганича қолган эди. Бирдан ана шу қоянинг тепасида нимадир йилтираб кетди. Мен қўлимни чўзиб, бу Холмс ёнидан қўймайдиган кумуш тамакидон эканлигини кўрдим. Уни олган эдим, тагига бўстишиб қўйилган бир неча варақ қозоз ерга келиб тушди. Мен уларни олдим. Бу блокнотдан йиртиб олиб менга ёзган мактуби экан. Айтишим керакки, адрес шу қадар аниқ ёзилган, дастхати шу қадар пишиқ, очиқ эдики, гўё Холмс буни ўз кабинетида ўтириб ёзгандек.

«Қадрдон Уотсон,— дейилган эди мактубда.— Мен бу сатрларни бизнинг икковимизга тааллуқдор бўлган масалаларни узил-кесил ҳал қилиб олишимизни кутаётган мистер Мориартининг илтифоти туфайли ёзмоқдаман.

У қандай усуллар ёрдамида инглиз полициясидан қочиб қутулишга, бизнинг маршрутимизни билиб олишга муваффақ бўлганини наридан-бери гапириб берди. Бу усуллар унинг мислсиз қобилияти ҳақидаги юксак фикримни тасдиқлади, холос. Бу разилнинг ҳаётлиги туфайли бундан буён юз бериши мумкни бўлган ноқулайликлардан жамиятни халос қила олишимни ўйларканман, бу менга ҳузур бағишлайди, аммо қўрқаманки, бу мақсадга дўстларимни, айниқса Сиз, азизим Уотсонни ўқинтирадиган бир нарса эвазинга эришилади. Дарвоқе, ҳаёт ўйлимнинг ўз олий нуқтасига етганини, ўзимга бундан кўра дурустроқ оқибатни истамаслигимни Сизга айтган эдим. Шунисини айтайки, очигига кўчсан, Мейрнингдан келган хат тузоқ эканлигидан мен заррача ҳам шубҳа қилмаган эдим. Сизга рухсат берарканман, шу тариқа бир иш содир бўлишига қатъий амин эдим. Инспектор Петерсонга айтингки, шайкани фош қилиш учун зарур бўлган ҳужжатлар столим ғаладонидаги «М» бўлимида турниби—устига «Мориарти» деб ёзилган кўк конверт. Англиядан чиқиб келаётганимизда мен мол-мулкимга оид ҳамма зарур фармойишларни бериб, уни акам Майкрофтда қолдирганман. Сиздан миссис Уотсонга мендан самимий салом айтишингиизни илтимос қиласман.

Содиқ дўстингиз Шерлок Холмс».

Ходиса содир бўлган жойни эксперталар келиб кўздан кечиргач, рақиблар ўртасидаги олишув мазкур шароитда қандай тугаши кераклиги муқаррар бўлса, шундай тугаганилигига ҳеч қандай шак-шубҳа йўқ эди: чамаси улар жон аччиғида бир-бирларига ёпишиб олганларнча биргаликда жарга қулаганлар. Жасадларни қидириб тошиш шу оннинг ўзидаёқ бефойда деб топилди, шундай қилиб, сув қайнаб-кўпираётган бу даҳшатли қозон қаърида энг хавфли жиноятчи билан ўз даври адолат судининг чинакам моҳир жонкуярининг танаси қолиб кетди. Швейцар болани барибир топа олмадилар.

Маълум бўлдики, бу Мориартининг қўли остидаги кўпдан-кўп агентлардан бири экан. Шайка важига келсак, ҳамма лондонликларнинг эсларида бўлса керак, Холмс тўплаган тўла-тўқис далиллар бутун ташкилотни фош қилиб, унинг бошлиғи ва илҳомчиси марҳум Мориарти ташкилотни ўз темир панжаларида қандай сақлаб турганини ошкор қилди. Процессда бу даҳшатли одамнинг шахси деярли ёритилмай қолди. Агар мен бу

ерда унинг жиноий фаолияти ҳақидаги бор ҳақиқатни очишга мұяссар бўлган бўлсам, бунга баъзи бир ноин-соғ ҳимоячилар сабаб бўлдилар, улар бу одамнинг шаънини исноддан сақлаб қолиш учун мен ҳамиша ўзимга маълум бўлган барча одамлар орасида энг олижаноби ва энг донишманди деб ҳисоблайдиган одамга туҳмат қилдилар.



БУШ УЙ

1894 йилнинг баҳорида ёш граф Рональд Адэрпинн ўлдирилиши воқеасига бутун Лондон ғоятда қизиқиб, киборлар олами эса бундан ҳанг-манг бўлиб қолди. Бу жуда ҳам ғайриоддий ва сирли вазиятда содир бўлган эди. Ўз вақтида халойиқ бу жиноятнинг полиция тергови вақтида аниқланган айрим деталлари билан танишган эди; аммо иш шу қадар жиддий эдики, тафсилотларни кўргина қисмини яшириб қолишга тўғри келган эди. Мана энди орадан ўн йилча ўтгачгина менга бу гаройиб фактлар занжирининг етишмайдиган ҳалқаларини тўлашиб имконияти берилди. Жиноятнинг ўзи ҳам аҳамиятга молик, аммо унинг ақл бовар қилмайдиган оқибатлари мен учун минг бор муҳимроқ эди. Ҳаётим шундай ҳам турли-туман саргузаштлар билан тўлиб-тошган бўлишига қарамай, бу воқеа мени умрим давомида бошимдан кечирган ҳамма нарсалардан кўра кўпроқ ҳайратга солиб, ҳанг-манг қилиб қўйган эди. Ҳатто ҳозир ҳам, орадан шунчак йил ўтган бўлса-да, ўша ишни эсларканман, ҳамон ҳаяжонланаман, ўша вақтда бутун вужудимни

чулгаб, қалбимда түгөн урган ўша ишончсызлик, ҳайрат ва қувончни яна бошимдан кечираман. Ажойиб одамнинг ишлари ва орзу-шиятлари ҳақида ҳикоя қиласидиган очеркларимга унча-мунча қизиқиб қараган баъзи китобхонлар ўзимнинг кашфимни улар билан дарҳол баҳам кўрмаганим учун мени кечирсинглар. Мен уларга бу воқеани хабар қилишини энг биринчи бурчим леб ҳисоблардим, аммо мен ўша одамнинг ўзи қатъяни тақиқлаган яқинидагина, ўтган ойнинг учинчисида бекор қилинган буйруқнинг измида эдим.

Ўз-ўзидан маълумки, Шерлок Холмс билан иноқ дўст бўлганимдан бери мен турли-туман жиноий ишларга астойдил қизиқа бошладим. У ғойиб бўлгач эса газеталардаги очилмай қолган жиноятлар ҳақидаги ҳамма ҳисботларни айниқса диққат билан кўздан кечирадиган бўлдим. Кўп мартараб, ҳатто ўзимча эрмак қилиб, дўстим қўллаган ўша методлардан фойдаланиб, уларни аниқлашга тиришиб кўрдим. Зотан, унга ўхшаб муваффақият қозонолмасам ҳам, уларни аниқлашга уришиб кўрғаниман.

Бироқ бу жиноятлардан биронтаси ҳам мени Рональд Адэрнинг фожиона ҳалокатичалик ҳаяжонлантиргаган эди. «Суиқасд маълум бир ияятда қилинган бўлиб, бир ёки бир неча номаълум шахс томонидан амалга оширилган» лигипигина аниқлаган тергов материалларини ўқиб чиққац, бизнинг жамиятимиз Шерлок Холмсдек бир зотдан ажралиш билан қандай оғир жудоликка дучор бўлганини ҳар қачонгидан ҳам чуқурроқ ҳис қилдим. Бу ғалати пшнинг шундай бир жиҳатлари бор эдик, булар шубҳасиз унинг диққатини тортиши мумкин эди. Европадаги изтопарлардан энг яхшисининг зийрак ақли ва нозик мушоҳадаси туфайли полициянинг ҳаракатлари муқаммаллашган ёинки, тўғрироғи, бу ҳаракатларнинг олди олинган бўлиши мумкин эди.

Кун-узукун уйма-уй юриб бемор кўрарканман, қайта-қайта фикран Адэрнинг ишига қайтар, аммо барибир қаноатланарлидек туюлган биронта ҳам изоҳ тополмас эдим. Ҳаммага аллақачон маълум бўлган нарсаларни такрорлашдан кўрқсан ҳам, ҳар қалай, фактларни улар тергов тугалланганидан сўнг ҳалойиққа қандай маълум қилинган бўлса, шундай тариқада эслатиб ўтмоқчиман.

Сэр Рональд Адэр Австралиядаги мустамлакаларимиздан бирининг губернатори граф Мэйнуснинг иккинчи ўғли эдп. Адэрнинг онаси Австралиядан Англияга кел-

ган. Бу ерда унинг кўзини операция қилишлари, пардасини олиб ташлашлари керак эди: у ўғли Рональд ва қизи Хильда билан Парк-лэйндаги 427-йда яшар эди. Йигит энг яхши жамиятда мулоқотда бўлиб, афтидан ҳеч қандай душманлари ва ҳеч қандай айтарли қусурлари йўқ эди. Бир вақтлар бу карстерслик мисс Эдит Будли билан унашиб қўйилган, аммо зикр қилинаётган бу воқеалардан бир неча ой муқаддам йигит билан қиз ажралишиб кетишга қарор қилганлар, ҳамма нарсадан маълум бўлишича, ҳеч қайсиликни алам ўртамаган. Умуман, йигитчанинг ҳаёти торгина оиласда, киборлар орасида ўтган, унинг характеристи босиқ, диди билан одатлари эса соддароқ эди. Худди мана шу беташвиш ёш асилзода жуда галати, жуда ногаҳоний ажалдан ўлди. Бу 1894 йил 30 март куни кечқуруп соат ўн билан ўн бирдан йигирма минут ошган вақтлар ўртасида юз берди.

Рональд Адэр қартабоз бўлиб, доимо қимор ўйнар, аммо ҳеч одоб доирасидан чиқмас экан. У Болдин, Кэвендинш ва Багатель каби уч клубнинг аъзоси экан. Уладиган куни, тушдан сўнг Рональд Багатель клубида бир роббердан вист ўйнаганлиги аниқланган. Унинг рақиблари — мистер Меррей, сэр Жон Харди ва полковник Моран — чиндан ҳам вист ўйнаганлари, ўйин қарийб дуранг билан тугаганидан шоҳидлик берганлар. Адэр беш фунтча ютқазган, бундан ортиқ ютқазмаган бўлиши керак. Унинг давлати каттагина, бундай ютқизиқ уни ранжита олиши мумкин эмас эди. У деярли ҳар куни ўйнар, одатда ютиб чиқиб кетар экан. Гувоҳларнинг шоҳидликларидан яна шу нарса аниқланганки, Адэр ўлимидан бир ярим ой муқаддам, полковник Моран билан шерик бўлиб ўйнаб бир кечапнинг ўзида Годфри Милпер билан лорд Бэлморандан тўрт юз йигирма фунт ютиб олган. Адэр ҳаётининг сўнгги ҳафтаси ҳақида маълум бўлган бор гап шу.

Уша машъум кечада у клубдан худди оқшом соат ўнда қайтиб келган. Онаси билан синглиси уйда йўқ, улар меҳмондорчиликка кетишган экан. Оқсоқ хотин қасамёд қилиб шоҳидлик берганки, унинг ўз хонасига кириб келганини эшитганмиш. Иккинчи қаватдаги деразалари кўчага қараган бу хона унинг меҳмонхонаси экан. Еш графикнинг келишидан олдин оқсоқ каминга ўт ёкиб, ундан тутун биқсиб чиққани учун деразани очиб қўйган экан. ўн бирдан йигирма минут ошгунга қадар хонадан тиқ этган садо чиқмабди: шу пайтда леди Мэй-

нус билан қизи уйга қайтиб келибди. Леди Мэйнус ўғлининг олдига кириб, унга хайрли тун тиламоқчи бўлса, хонаси ичкарисидан беркмиш, қичқириб дукиллатганига қарамай ҳеч ким жавоб бермабди. Шундан сўнг шовқин солиб, эшикни бузиб очишибди. Шўрлик йигит стол ёнида, полда ётганмиш. Боши револьвер ўқидан дабдала бўлиб кетган, аммо хонада ҳеч қандай қурол йўқ эмиш. Столда иккита ўн фунтлик қофоз пул билан ўн етти фунту ўн шиллинг кумуш ва тилла тангалар ётганмиш, бу тангалар эса дастача-дастача қилиб қўйилганмиш. Уларнинг ёнида ётган бир варақ қофозга рақамлар, уларнинг қаршисида эса Адэрнинг бир неча клубдош ошналари нинг номлари ёзилганмиш. Булардан шундай холосага келиш мумкин эдик, йигитча худди ўлими олдидан картадан ютган ва ютқизилганларини ҳисоблаш билан шуғулланган.

Ҳамма жиҳатлар пухта текшириб кўрилгач, иш яна ҳам сирлироқ эканлиги маълум бўлди. Даставвал, йигитнинг эшикни нима учун ичкарисидан беркитиб олганлиги тушунарли эмас эди. Тўғри, эшикни қотил ҳам беркитган бўлиши, кейин эса деразадан сакраб тушиб кетган бўлиши мумкин эди-ю, аммо дераза камида ердан йигирма фут баландликда, унинг тагидаги бир жўяқ очилиб турган крокус гулларига ҳеч ким мутлақо тақилмаган — биронта ҳам гул эзилмаган. Шунингдек, уй билан йўлни ажратиб турган эни торгина чимда ҳам ҳеч қандай из қолмаган. Шундай қилиб, чамаси, эшикни Рональд Адэрнинг ўзи беркитган. Аммо у қай тариқада ўлимга дучор бўлган? Ахир ҳеч ким деразадан из қолдирмай кира олиши мумкин эмас эди-ку. Борди-ю, қотил дераза орқали ўқ узган, деб фараз қилинадиган бўлса, унда жуда ҳам ажойиб мерган бўлиши керак, чунки бундай масофадан туриб бир одамни револьвер билан отиб қулатиш ғоятда мушкул. Ундан ташқари, Парклэйн гавжум кўча, уйдан юз метрча нарида кэблар тўхтаб турадиган жой бор. Бироқ ўқ товушини ҳеч ким өшитган эмас. Ҳолбуки, одам ўлдирилганлиги аён, бошига теккан тўппонча ўқи ҳам намоён, жароҳатнинг характеристига қараганда, марҳум ўша заҳотиёқ ўлган.

Парк-лэйнда содир бўлган сирли сунқасднинг тафсилотлари ана шундай. Қандай бўлмасин аён сабабларнинг мутлақо йўқлиги бу сунқасднинг сирлилигини яна ҳам оширади: ахир, боя айтиб ўтганимдек, ёш Адэрнинг, чамаси, ҳеч қандай душманлари бўлмаган, хона-

даги пуллар билан қимматбаҳо нарсаларга ҳеч ким тегмаган.

Мен кун-узукун бу фактларнинг ҳаммасини хаёлимдан ўтказиб, уларни бир-биринга боғлай олиши мумкин бўлган қандай бўлмасин бир назарияни буларга татбиқ этишга, шўрлик дўстим ҳар қандай текширишда бошланғич нуқта деб ҳисоблаган, «энг кам қаршилик кўрсатувчи нуқта»ни топишга уриндим. Эътироф этишим керакки, бунга муваффақ бўлолмадим. Кечқурун паркда кезиб юриб соат олтиларга яқин бирдан Парк-лэйн билан Оксфорд-стритнинг муюшига бориб қолдим. У ердаги йўлакда бир тўда бекорчилар йиғилишиб, ҳаммалари ҳам бир деразага тикилиб туришарди, мен худди ўша ўзим қидириб юрган уйга келиб қолганимни пайқадим. Қора кўзойнак таққан новча, озғин бир одам, меннингча, кийимини ўзгартириб олган изтопар бўлса керак, юз берган ҳодиса юзасидан ўз гапини маъқуллар, қолганлари эса уни қуршаб олганларича қулоқ солиб туришар эди. Яқинроқ суқилиб бордим, аммо унинг мулоҳазалари менга шу қадар тутуруқсиз туюлиб кетди, энсам қотганча орқага қайтиб, нари кетмоқчи бўлдим. Шу орада орқада турган аллақандай мункиллаган бир чолни бехосдан туртиб юборибман, унинг қўлтиғидаги бир неча китоб сочилиб кетди. Уларни чолга теришиб бераётуб китоблардан бирининг номини кўриб қолдим: «Дараҳтларга сифинишининг келиб чиқиши» деган китоб экан, бу, чамаси, пул топиш учунми ё азбаройи ишқибозлигиданми нодир нашрларни йиғадиган қашшоқ библиофил¹ бўлса керак, деб ўйладим. Ундан кечирим сўрай бошлаган эдим, афтидан, бахтга қарши мен шу қадар увол қилган бу китоблар эгаси учун жуда ардоқли бўлса керак, у жаҳл билан алланима деб тўғифиллади-да, нафратланганича шартта бурилди, тез орада унинг мункиллаган елкаси билан оқ оралаган бакенбардлари халойиқ орасида ғойиб бўлди.

Парк-лэйндаги 427-йини кузатишларим мениң қизиқтирган жумбоқни ечишимда унча ёрдам беролмади. Уй қўчадан панжарали пастак девор билан ажратилган: панжаранинг баландлиги беш футдан ҳам ошмас эди. Бинобарин, ҳар бир одам бокқа бемалол ошиб тушиши мумкин эди. Аммо деразага мутлақо чиқиб бўлмас, ушиш ёнида на сув оқиб тушадиган тарнов, па биронта

¹ Библиофил — (грекча) — китоб ишқибози.

чиқиб турган нарса бор, шунинг учун ҳаттоки энг моҳир гимнаст ҳам деворга чирмашиб чиқа олмас эди.

Мен баттарроқ гарангсиб, яна Кенсингтонга қайтдимда, уйга келдим. Кабинетимга келганимга беш минутча бўлмасданоқ, оқсоқ хотиц кириб, мени аллақандай бир одам кўрмоқчи эканини айтди. Таажжубки, бу бояги аломат библиофил чолнинг ўзи экан. Унинг кескин қиёфалии серажин юзини оқ оралаган соч-соқоллари ўраб олган; қўлтиғида салкам бир дюжина қимматбаҳо китобларни ушлаб турар эди.

— Сиз менинг келганимдан таажжубланган бўлсангиз керак албатта, сэр? — деб сўради у ғалати бир шанғиллаган овоз билан.

Мен унинг тахминини тасдиқладим.

— Биласизми, сэр, мен хушбод одамман. Худди сиз келаётган йўлдан орқангиздан лўкиллаб кела туриб бирдан сизнинг бу уйга кирганингизни кўрдиму шундай илтифотли жанобнинг ҳузурига кириб, ундан кечирим сўрашим керак, деган фикрга келдим. Мен сизга бир оз дағал муомала қилган бўлсам, сэр, ростини айтай, сизга озор бермоқчи эмасдим, ердан китобларимни олиб берганингиз учун сиздан фоятда миннатдорман.

— Бундай арзимас нарсалар ҳақида гапириб ўтиришнинг ҳожати ҳам йўқ,— дедим мен.— Мумкин бўлса айтсангиз, менинг кимлигимни қаёқдан билдингиз?

— Рухсатингиз билан айтсан, сэр, мен сизнинг қўшнингиз бўламан. Менинг кичкина китоб дўкончам Черчстритнинг муюшида жойлашган, борди-ю, қачон бўлмасин дўкончамга ташриф буюрсангиз, жуда баҳтиёр бўлардим. Эҳтимол сиз ҳам китоб йиғарсиз, сэр? Мана «Британия қушлари», «Катулл», «Муқаддас уруш» деган китоблар. Сотиб олишг, сэр. Арzon-гаровгина бера-ман. Беш жилд китоб шкафингизнинг иккинчи полкасида бўш турган жойни тўлатади-қўяди. Бўлмаса кўзга аллақандай тартибсизроқ кўриниб турибди, шундай эмасми, сэр?

Мен полкага қараш учун бурилдим, қайтиб яна ўгирисам ёзув столимнинг олдида юзимга қараб илжай-ганча Шерлок Холмс турибди. Үрнимдан сапчиб туриб, ҳайратдан лол бўлганча унга бир печа лаҳза тикилиб қолдим, шундан сўнг эса умримда илк ва умид қила-манки, охирги марта ҳушимдан кетиб қолибман. Шуниси эснмдаки, кўз ўнгимда аллақандай кулранг туман чирпирак бўлиб айланди, тарқалганда қарасам, кўйла-гимнинг ёқаси ечилган, лабларимда конъяк мазасини

сездим. Холмс құлида флягача ушлаган күйи стулим теспасида әнгашиб турарди.

— Қимматли дүстим, қадрдоним Уотсон,— деди менга яхши таинш овоз,— минг бор көчирим сұрайман. Мен, бұ нарса сизга шу қадар таъсир қилади, деб үйла-маган эканман.

Мен унинг құлини ушлаб олдим.

— Холмс!— дея қычқириб юбордим мен.— Үзингиз-мисиз? Ростдан тирикмисиз? Сизнинг шундай мудҳиши жардап чиқиб олганингизга ишонса бўладими?

— Бир зум сабр қилинг,— деб жавоб берди у.— Сиз бундай нарсалар ҳақида гап юритишга чиндан ҳам қодирмисиз? Менинг бундай тўсатдан пайдо бўлиб қо-лишим сизни жуда ҳам ҳаяжонлантириб юборди.

— Аҳволим яхши, аммо, ростини айтсан, Холмс, қўзларимга ишонмаётиман. Ё парвардигор! Ё қудра-тингдан! Менинг кабинетимда турган наҳотки сиз үзингиз бўлсангиз, наҳотки бошқа одам бўлмаса?

Мен унинг яна енгидан ушлаб, мушиакдор ингичка құлини пайпасладим.

— Йўқ, сиз арвоҳ эмассиз, бу шак-шубҳасиз,— де-дим мен.— Қадрдон дүстим, сизни кўрганимдан нақадар баҳтиёрман! Ўтирангиз-чи, ўша жар қаъридан қандай омоп чиқиб келганингизни гапириб берсангиз-чи!

Холмс рўпарамага ўтириб, синашта бепарво ҳаракати билан папирос тутатди. Унинг устида китобфурушнинг нимдошгина сюргуги қолган, бу маскарадга тааллуқдор бўлган бошқа нарсалари — бир тутам соч билан бир боғлам эски китоб столда ётарди. У яна ҳам ориқлаб, боқишлири яна ҳам ўткирлашгандек, қирра бурунли латиф юзининг оқиши рангларлиги сўнгги вақтларда ке-чириган ҳаёт йўспини сиҳат-саломатлиги учун у қадар фойдали бўлмаганлигидан далолат бериб турарди.

— Қадни ростлаб чўзилиш қандай хуш ёқади, Уот-сон!— деди у.— Новча одамнинг салкам бир фут пакана бўлиб олиши, сурункасига бир неча соат шу аҳволда юриши осон эмас. Энди, қадрдон дүстим, жиддий нарса-лар ҳақида гаплашайлик... Гап шундаки, менга ёрдам берсангиз, агар кўнсангиз, икковимиз туни бўйи машақ-қатли, хавфли бир ишни амалга оширишимиз керак бў-лади. Менинг саргузаштларим ҳақидаги ҳикояни эса шу ишдан қутулгунимизгача қўя турганим тузук эмасми-кан?

— Аммо сабрим чидамаяпти, Холмс, гапларингизни ҳозироқ әшитишни маъқул кўрардим.



— Сиз мен билан бугун кечаси бирга боришга розимисиз?

— Қачсан десангиз ҳам, қаёққа десангиз ҳам бажонидил.

— Худди бир вақтлардагига ўхшаб-а? Биз кетишимиз олдидан бир оз овқатланиб олишга ҳам улгурсак керак... Хўш, энди ўша жар ҳақида. Ундан чиқиб келишим шунинг учун қийин бўлмадики, мен унга ҳеч қачон тушган эмасдим.

— Тушган эмас эдим?!

— Ҳа, Уотсон, тушган эмасдим. Аммо сизга ёзган мактубим мутлақо самимий эди. Марҳум профессор Мориартининг машъум шарпаси бирдан торгина сўқмоқда пайдо бўлиб, мен учун бирдан-бир најжот йўлини тўсганидан кейин, энди тамом бўлдим, деган фикрга қатъий ишондим. Мен унинг қуралай кўзларида омонсиз ҳукмни ўқидим. Биз у билан бир-икки оғиз сўзлашдик, у менга кейинчалик сиз олган қисқача мактубни ёзишимга илтифот билан изн берди. Мен уни тамакидоним ҳамда альпеншток билан бирга қолдириб, ўзим эса сўқмоқдан олдинга қараб кетдим. Мориарти изимдан келмоқда эди. Мен сўқмоқнинг этагига бориб тўхтадим — ундан ўёғига йўл йўқ эди. У ҳеч қандай қурол чиқармадиу менга ҳамла килиб, узун қўллари билан чангллаганча ушлаб олди. У куни битганини биларди, фақат бир нарсанигина — мендан қасос олишнингина истарди. Бир-биримизни қўйиб юбормай, гандираклаганча жар ёқасига бориб қолган эдик. Бироқ мен «баритсу» деган японча курашнинг усуллари билан бир оз танишман, улар менга кўп марта иш берган. Мен унинг қўлидан сирғалиб чиқдим. У жон аччиғида қичқириб юбориб, ҳавода қўлларини ўйнатганча, эси оққан кишидек бир неча лаҳза қалқиб турди. Аммо нечоғли уринмасин мувозанатини сақлаб қололмай, паастга қараб қулади. Мен жарга энгашиб, унинг паастга ғизиллаб тушиб кетаётганини узоқ кузатиб турдим. Кейин у чиқиб турган қояга урилиб, сувга чўкиб кетди.

Мен папиросини хотиржам тутатиб ҳикоя қилаётгани Холмснинг гапларини чуқур ҳаяжон билан тинглардим.

— Аммо излар-чи! — деб юбордим мен.— Ахир мен иккни жуфт оёқ изларининг сўқмоқдан паастга қараб тушиб кетганини ўз кўзим билан кўрган эдим-ку, ўёқдан ҳеч қандай из орқага қайтмаган эди.

— Бу шундай юз берди. Профессор жар қаърида ғойиб бўлгандан кейин бирдан тақдир менга ажойиб

омад бахш этәтганини пайқаб олдим. Үлүмимнинг пайдан бўлиб юрган ёлғиз Мориартигина эмаслигини билардим. Унинг шерикларидан кам деганда яна уч киши қолган, бошлиқларининг ҳалокати уларниң қалбларида қасос ўтиши алангалатиши мумкин эди. Булар ҳам маси гоятда хавфли кишилар эди. Улардан биронтаси мени яқин орада ўлдириб қўйиши муқаррар эди. Борди-ю, улар мени, ўлган, деб ўйласалар очиқроқ ҳаракат қилиб ўзларини осонроқ қўлга тушириб беришади, бир кунмас-бир кун уларни йўқ қилишга муваффақ бўламан. Тирик эканлигимни ҳам ўшанда маълум қиламан! Инсоннинг мияси жуда тез ишлайди: профессор Мориартин ҳали Рейхенбах шаршарасининг тагига етиб улгурмаган бўлса ҳам, ажаб эмаски, мен бу режани ўйлаб пишириб қўйган эдим.

Урнимдан туриб, орқамда қад кўтариб турган қоя деворни кўздан кечирдим. Менинг фожиали ҳалокатим ҳақидаги сизнинг сермароқ ҳисботингизда — мени уни бир неча ой ўтгандан кейин зўр қизиқиш билан ўқиб чиқдим,—сиз, ўша девор мутлақо тик ва силлиқ, деб таъкидлайсиз. Аслида эса бундай эмас, қояда бир неча чиқиб турган тошлар бўлиб, уларга оёқ қўйиш мумкин эди, бундан ташқари, мен баъзи белгиларга қараб ундан сал юқорироқда ковак борлигини пайқадим... Қоя шу қадар баланд эдики, унинг энг тепасига тирмашиб чиқишининг ҳам ҳеч бир иложи йўқ, шунингдек, нам сўқмоқдан из қолдирмай юриб ўтишининг ҳам иложи йўқ эди. Рост, мен этикларимнинг тумшуқларини орқасига қилиб кийиним ҳам мумкин эди, бундай ҳолларда кўп марта шундай қилганман, аммо бир томонга қараб кетган уч жуфт оёқ излари кўр-кўрона ёлғонни сездириб қўйиши мумкин эди.

Хуллас, таваккал қилиб бўлса ҳам юқорига чиққан маъқул эди. Бу унчалик осон эмас экан, Уотсон. Тагимда шаршара ҳайқириб турарди. Хаёлимга ҳар хил нарсалар келавермайди-ю, аммо сизга қосамёд қилиб айтаманки, назаримда қулоғимга ер қаъридан Мориартининг нидоси эшитилаётгандек бўлди. Сал бир эҳтиётсизлик қилсам тамом бўлардим. Неча бор қўлимда бир тутам ўлан қоларкан ёки оёғим қоянинг чиқиб турган нам тошларидан тойиб кетаркан, тамом бўлдим, деб ўйлардим. Аммо мен юқорига қараб тирмашишда давом этиб, ниҳоят анчагина чуқур, юмшоқ яшил пўпанак босган ёриқقا етиб бордим. Бу ерда қаддимнп ростлаб олишим мумкин эди, мени ҳеч ким кўрмасди, тузуккина дам

олишим мумкин эди. Мен шу срда ётардим, айни пайтда эса сиз, азизим Уотсон, ўзингиз билан бирга ола келган ҳамма бошқа одамлар ҳам гоятда таъсири бир равишида менинг ўлимим манзарасини тиклашга уриниб иш чиқаролмадиларингиз.

Ниҳоят соғар бўлгани нарса юзасидан муқаррар, аммо шу билан бирга мутлақо хато хулосаларни чиқаргач, сиз меҳмонхонангизга қараб кетдингиз. Мен ёлғиз ўзим қолдим. Энди саргузаштларим тамом бўлди, деб ўйлаган эдим, аммо мутлақо кутилмаган бир ҳодиса ҳали мени кўпдан-кўп погаҳоний тухфалар кутаётганини кўрсатди. Каттакон қоя парчаси бирдан тепамдан физиллаб ўтганча сўқмоққа тушиб урилди-да, жарга қулади. Дастлаб мен буни оддий бир тасодифга йўйган эдим, аммо тепага қараб хирадашиб келаётган осмон фонида эркак кишининг бошини кўрдим. Деярли шу лаҳзанинг ўзидаёқ яна бир тош келиб мен ётган ёриқнинг лабига, бошимдан бир неча энлик нарига келиб урилди. Аҳвол менга маълум бўлди-қолди. Мориарти ёлғиз эмас экан. Унинг шериги,— бу шериги нақадар хавфли эканлигини мен бир қарашдаёқ пайқаган эдим,— профессор менга ҳужум қўлганда пойлоқчиликда турган экан. У узоқдан, менинг кўзимдан панада, дўстининг ўлганини, душманларининг омон қолганини кўриб турган. Бир оздан кейин у қояни айланиб ўтиб, унинг чўққисига бошқа томондан чиқсан, энди у Мориарти муяссар бўлолмаган нарсани амалга оширишга уринмоқда эди.

Мен бу тўғрида узоқ мулоҳаза қилиб ўтирмадим, Уотсон. Яна бир қараб бу кимсанинг ваҳшиёна юзини қоя орқасидан кўрарканман, тезда янги бир тош келиб тушиши муқаррар эканлигини пайқардим. Шундан кейин пастга, сўқмоққа қараб сирғалиб туша бошладим. Мен бу ишни хотиржамлик билан уддалаёламанми, йўқми, унисини билмасдим. Пастга тушиш юқорига чиқишдан кўра минг бор машақатли эди. Аммо мулоҳаза қилиб ўтиришга фурсатим йўқ — учинчи тош ёриқнинг лабига қўлларим билан ёпишиб, осилиб турганимда ёнимдан физиллаб ўтиб кетди. Ярим йўлда тойиб кетдим. Аммо, ҳар қалай, қандайдир мўъжиза юз бериб, сўқмоққа тушиб олдим. Ҳаммаёғим шилинган, қонаган ҳолда жон аччиғида чопдим, қоронфиликда тоғ оша ўн миля йўл юриб, бир ҳафтадан кейин Флоренцияга етиб бордим. Дунёда ҳеч бир кимса менинг тақдирим ҳақида ҳеч нарса билмайди, деган ишончим бор эди.

Мен сиримни фақат бир одамга,— акам Майкрофтга айтдим. Сиздан минг бор афв сўрайман, қадрдоним Уотсон. Ўлдига чиқаришлари мен учун фоятда муҳим эди, ўзингиз ҳам бу нарсанинг рост эканлигига ишонмаганингизда ҳеч қачон менинг фожиали ўлимим ҳақида бу қадар ишонарли ахборотни ёзолмас эдингиз. Шу уч йил мобайнида сизга бир неча марта хат ёзмоқчи бўлиб кўрдиму сизнинг менга бўлган меҳр-оқибатнингиз, менинг сиримни очиб қўйиши мумкин бўлган биропта чакки иш қилиб қўйишингиз мумкинилигидан хавотир олиб, ҳар гал ўзимни бундан тийдим. Бугун кечқурун китобларимни сочиб юборганингизда тескари қараб олганимнинг сабаби ҳам шу. Мен ўша дақиқада фоят қалтис аҳволда эдим, борди-ю, сиз ҳайратингииздан ёки қувончингиздан қичқириб юборсангиз битта-яримта менга фоятда син-чиклаб разм солиб, таниб қолса, бу нарса қайғули, ҳаттохи тузатиб бўлмайдиган оқибатларга олиб бориши мумкин эди. Майкрофт важига келсак, чор-ночор уни сиримдан воқиф қилишга мажбур эдим. Чунки менга пул зарур эди. Лондондаги ишларнинг бориши яхши эмасди — мен кутганимдан кўра ёмонроқ эди. Морнартидинг шайкаси устидан бўлган суддан сўнг, унга аъзо бўлган иккита хавфли бандит эркинликда қолган — буларнинг иккови ҳам менинг ашаддий душманларим эди. Шунинг учун ҳам мен икки йилча Тибет бўйлаб саёҳат қилдим, ишқибозлик билан Лхасани бориб кўрдим, бир неча кун далай-лама¹ ҳузурида бўлдим. Сиз норвег Си-герсоннинг шов-шувга сабаб бўлгани тадқиқотларини ўқиган бўлсангиз керак, аммо бу дўстингиздан етиб келган бир мужда эканлиги ёдингизга ҳам келмагандир. Сўнгра мен Эронни кесиб ўтиб, Маккага бордим, сўнг Хафтумда халифага² ташриф буюриб, унинг ҳузурида қисқагина, аммо мароқли фурсат ўтказдим... Бу ташриф ҳақидаги ҳисоботни мен ўз вақтида ташқи ишлар министрлигига тақдим этганим.

Европага қайтиб келгач, бир неча ойни Францияда ўтказдим. У ерда тошкўмир мумидаш олинадиган моддаларни тадқиқ этиш билан шуғулландим. Бу иш Франциянинг жанубида Монпельедаги бир лабораторияда ўтди. Тажрибаларимни муваффақият билан тугаллаб, энди Лондонда ашаддий душманларимдан биргинаси

¹ Далай-лама — Тибет руҳонийларининг бошлиғи: Лхаса шаҳри — ламанинг турадиган жойи.

² Халифа — араб ҳукмдорларининг узвони.

қолганлигини билганимдан сүнг уйга қайтмоқчи бўлиб турган эдим. Парк-лэйнда содир бўлга сунқасд мени ошиғич йўлга чиқишига мажбур қилди. Мени бу ишнинг ўзигина қизиқтирмади. Назаримда, уни очсан бу менинг шахсий режаларимни амалга оширишга ҳам ёрдам берарди. Шундай қилиб, мени зудлик билан Лондонга етиб келдим, Бейкер-стритга шахсан кириб бориб миссис Хадсоннинг эсҳонасини чиқариб юборай дедим, Майкрофтнинг хоналарим билан ҳужжатларимни худди илгаригисидек сақлаш учун тадбир кўрганлигига амин бўлдим. Шундай қилиб, бугун кундуз соат иккита ўзимнинг эски хонамда пайдо бўлиб, ўзимнинг эски кресломдан жой олдим, энди бирдан-бир тилагим — қадрдан дўстим Уотсоннинг ёнимда, ўзи кўпинча кўрк бериб ўтирадиган креслосида ўтириши эди.

Уша апрель оқшомида мен тинглаган ғаройиб қисса шу эди. Агар бу қисса, энди ҳеч қачон кўролмайман, деб умидимни узган, чеҳрасидан ақл ва ғайрат барқ уриб турган озғин, новча одамни кўришим билан тасдиқланмаган бўлса, мени унга асло ишонмас эдим. Холмс қандайдир йўл билан хотинимнинг вафоти ҳақида хабар топган, аммо унинг хайриҳоҳлиги сўзларидан кўра, овозининг оҳангода зуҳур этмоқда эди.

— Иш — мусибатни унтиши учун энг яхши даво, қадрдоним Уотсон,— деди у,— сиз билан бизни бугун кечаси шундай бир иш кутмоқдаки, уни муваффақият билан охирига етказишга мусассар бўлолган киши бемалол бу дунёда бекор ҳаёт кечирмадим, дея олиши мумкин.

Фикрини аниқроқ айтишига ундан ёлворишларим иш бермади.

— Тонг отгуича сиз кўлгина нарса эшитасиз, кўрасиз,— деб жавоб берди у.— Ҳозирча бизнинг бусиз ҳам гаплашадиган нарсаларимиз кўп — ахир биз уч Йилча кўришмаганимиз-а. Умид киламанки, бу мавзу бизга тўқиз яримгача етиб боради. Шундан кейин эса биз бўни ётган уйдаги киёнгик бир саргузашт томон йўлга отланамиз.

Дарҳақиқат, мени тайинланган соатда кэбда Холмс билан ёнма-ён ўтираканман. ҳамма нарса худди бирвақтлардаги ардокли дамлардагига ўхшаб турарди. Мени чўнтағимдаги револьверни пайнаслаб қўйдим, юрагим одатдан ташқари воқеалар иштиёқида қаттиқ орзиқиб кетди. Холмс вазмин, тунд ва индамас эди. Кўча фонарларининг нури жиддий юзини ёритаркан, қошлиари чи-

мирилганини, юпқа лаблари эса қаттиқ қымтилганини күрдим: у чуқур ўйга толғандек эди. Лондондаги жи-ноятчилар оламининг қоронғи чангалзор чакалакларида қандай йиртқыч ҳайвонни таъқиб қилиб құлға туширишимиз кераклигини мен ҳали билмасдиму, аммо бу моҳир мерғанинг ҳамма хатти-ҳаракатлари саргузаشتимиз эңг хавфли саргузаштлардан бўлишини айтиб турар, ҳамроҳимнинг зоҳидона жиддий чеҳрасида ўқтин-ўқтин пайдо бўлаётган истеҳзоли кулги биз таъқиб қилиб кетаётган махлуқ учун бу ишнинг оқибати хайрли бўлмаслигидан дарак бермоқда эди.

Мен, Бейкер-стритга кетаётибмиз, деб ўйлаган эдим, Холмс кучерга Кэвендиш хиёбонининг муюшида тўхташни буюрди. Экипаждан тушгач, у теварак-атрофга диққат билан кўз ташлаб олди-да, сўнгра орқамиздан битта-яримта қорама-қора эргашиб келмаётганига амин бўлиш учун ҳар бир муюшда орқасига қараб-қараб кетаверди. Биз қандайдир ғалати йўлдан кетмоқда эдик. Холмс мени Лондоннинг ҳамиша пасқам-пасқам кўча-кўйларини билиши билан ҳайратлантирад: ҳозир ҳам қандайдир отхоналар ва араваҳоналардан иборат қишиғир-қишиқ кўчалардан ишонч билан кетиб бормоқда эди, мен бу жойларни сира ҳам кўрмаган эдим. Ниҳоят биз икки томонини ваҳимали кўхна уйлар эгаллаган торгина кўчага кириб бордик, у бизни Манчестер-стритга, кейин эса Блэндфорд-стритга олиб чиқди. Бу ерда Холмс энсиз тор кўчага бурилди-да, кичик тахта эшикдан қанғиллаб ётган ҳовлига кириб, уйлардан бирининг орқа эшигини калит билан очди. Биз ичкарига кирдик, у шу заҳотиёқ эшикни ичкарисидан қулфлаб қўйди.

Ўй қоп-қоронғи эди, аммо мен дарҳол бу ерда ҳеч ким яшамаслигини пайқадим. Оёқларимиз остидаги яйдоқ тахталар ғижирлаб, қисирлади, деворга бехосдан тегиб кетдим, унда йиртилган гулқоғоз парчалари осилиб ётган экан.

Холмснинг совуқ, нозик бармоқлари қўлимни сиқиб ушлаб олган эди, у мени узун йўлакдан етаклаб кетди, ниҳоят қаршимизда эшик тепасидаги яrim доира деразанинг кўз илғар-илғамас шарпаси кўринди. Шу ерда Холмс бирдан ўнгга бурилди. Биз ҳувиллаб ётган бўш, каттагина чорси хонага кириб бордик, унинг бурчаклари қоп-қоронғи, ўрталиғини эса кўча чироқлари ғирашира ёритиб туар эди. Шуниси ҳам борки, дераза яқинида фонаръ йўқ, ойналарини бир энлик қалин чанг босганидан бир-биримизни аранг кўриб туардик.

Ҳамроҳим қўлини елкамга қўйиб, лабларини қулоғимнинг тагига олиб келди.

— Қаердалигимизни биляпсизми? — дея шивирлаб сўради у.

— Бейкер-стритда турганга ўхшаймиз,— деб жавоб бердим, хира ойнадан қаарканман.

— Тўғри, биз худди аввалги квартирамизнинг қаршисидаги Кэмденнинг уйидамиз.

— Ахир бу ерга нима учун келдик?

— Шунинг учунки, бу ердан анави ҳашамдор бино жуда ажойиб кўринади. Сиздан, қадрдоним Уотсон, дегазага яқинроқ боришини илтимос қилишим мумкинми? Аммо эҳтиёт бўлинг, сизни ҳеч ким кўрмаслиги керак. Хўп, энди қанчадан-қанча қизиқ саргузаштлар бошлаб юборилган илгариги хоналаримизнинг деразаларига қаранг. Уч йиллик айрилиғимиз давомида сизни ҳайратга сола билиш қобилиятимни йўқотган-йўқотмаганлигимни ҳозир кўрамиз.

Мен олдинга қадам ташлаб, таниш деразага тикилдим. Ҳайратдан қичқириб юбордим. Парда туширилиб қўйилган, хона ёп-ёруғ, у ердаги креслода ўтирган одамнинг сояси ёруғ деразада аниқ кўзга ташланиб турибди. Бошини тутиши, яғриндор елкасининг бичими, юзининг кескин қиёфаси, буларнинг ҳаммаси ҳар қандай шубҳадан холи эди. Боши сал бурилган бўлиб, бувиларимиз чизишни севган қора соя суратларни эслатарди. Бу Холмснинг нақ ўзгинаси эди. Мен шу қадар ҳайратланган эдимки, ёнимда дарҳақиқат, унинг ўзи турганига ишонч ҳосил қилиш учун бенхтиёр қўлимни чўздим. Холмс силкина-силкина сассиз кулмоқда эди.

— Хўш? — деб сўради у.

— Сира ҳам ақл бовар қилмайдиган нарса! — деб шивирлаб қўйдим мен.

— Йиллар менинг фаҳм-фаросатимни йўққа чиқаролмабди, одатларим уни ғариб қилиб қўймабди,— деркан, унинг овозида ўз асаридан зазқлананаётган санъаткорининг қувончи ва фахрини пайқадим.—Чиндан ҳам ўхшайли-я?

— Мен, бу сизнинг ўзингиз, деб қасам ичишга ҳам тайёр эдим.

— Буни тайёrlаши шарафнiga гренобллик жаноб Менеъ миссар бўлган. Бу ўаклни у бир неча кун тайёrlади Мумлан ясалган. Эрталаб Бейкер-стритга кириб, қолган кам-кўстини ўзим тўғриладим.

— Булар сизга нима учун керак бўлди?

— Шундай қилиш учун жиддий сабабларим бор эди, азизим Уотсон. Аслида мутлақо бошқа бир жойда эканман, мени баъзи одамлар, шу ерда экан, деб ўйлашларини хоҳлайман.

— Бўлмаса, сиз квартирани бирор кузатаётубди, деб ўйлаётган экансиз-да?

— Ҳа, уни кузатаётганларини биламан.

— Кимлар?

— Эски душманларим, Уотсон. Бошлиқлари Рейхенбах шаршараси тагида ётган ажойиб улфатлар. Эсингизда бўлса, улар — ҳа, фақат уларгина — менинг тирик эканлигимдан воқиф эдилар. Улар эртами, кечми, бир кунмас-бир кун менинг илгариги квартирамга қайтишмга амни эдилар. Улар квартирамни кузатишдан тўхтамаган эдилар, бугун эрталаб эса менинг қайтиб келганилигимни кўрдилар.

— Сиз буни қандай қилиб пайқадингиз?

— Деразадан мўралаб, уларнинг пойлоқчиларини таниб қолдим. Бу касби талончилик билан қотиллик бўлган Паркер деган мулойим йигит, айни бир вақтда ажойиб органчи. У мени кам қизиқтиради. Мени унинг орқасига яширган мудҳиш одам, Мориартининг яқин дўсти, менга қоя чўққисидан тош улоқтирган одам — бутун Лондон бўйича энг маккор, энг хавфли жиноятчи кўпроқ қизиқтиради. Бугун кечаси худди ўша одам менинг пайимдан бўлиб юрибди. Уотсон, биз ҳам унинг пайидан эканлигимиздан эса бехабар.

Дўстимнинг режалари менга аста-секин ойдинлаша бошлади. Бу қулай бошпанадан бизни кузатмоқчи бўлганларни кузатиш, бизни таъқиб қилувчиларни кўриб туриш имкониятига эга эдик. Деразадан кўриниб турган шарпа тузогу биз эса кушандা эдик.

Қоронгида ёнма-ён индамай турганимизча қарши миздаги кўчадан уёқ-буёққа ўтиб турган йўловчиларни дикқат билан кузатардик. Холмс чурқ этиб оғиз очмас ва қимирламас эди, аммо мен унинг ниҳоятда сергакланганини. Қўзлари йўлкадаги халойиқ оқимини узлуксиз кузатаётганини сезиб турардим. Тун салқин ва булатли, узун кетган кўча бўйлаб изғиринли шамол эсмоқда. Кўча гаражум, леярли ҳамма ўткинчилар ҳам тумшукларини ёқалари билан ёки кашнеларига яширганча шопа-лича ўтиб кетмоқдалар.

Назаримда бир шарпа уйнинг олдидан неча марта ҳам уёқдан-буёққа бориб келгандек бўлди, худди шамолдан яширинаётгандек яқпнимиздаги бир уйнинг эши-

ги олдида узоқ туриб қолган икки одам менга айниқса шубҳали кўринди. Холмснинг диққатини уларга тортмоқчи бўлган эдим, аммо у менга хитобан эшитилар эшитилмас, ранжиган кўйи жавоб бериб, кўчага диққат билан қарашда давом этди. У ўқтин-ўқтин оғирлигини у оёғидан-бу оёғига солар ёки деворни бармоқлари билан асабийланиб чертар эди. Мен унинг безовта бўлаётганини, воқеалар у тахмин қилганидан жуда бошқача ривожланаётганини кўриб турардим. Ниҳоят, вақт ярим кечага яқинлашиб, кўча деярли бўшаб қолгач, у энди ҳаяжонини яширмай, хона бўйлаб ўёқдан-буёқка юра бошлади. Мен унга нима ҳам демоқчи бўлган эдим, кўзим бирдан ёруғ деразага тушиб, яна илгаригидек ҳаяжонландим.

— Шаклингиз қимиirlади! — деб хитоб қилдим.

Дарҳақиқат унинг сояси ён томонидан кўринмас, орқа ўғирган эди.

Афтидан, йиллар Холмснинг кескин феълини юмшатмаган, ўз зеҳнидан кўра даққироқ зеҳн билан тўқнаш келаркан, у ҳамон ўзини тийиб туролмас эди.

— Қимиirlагани ўз-ўзидан маълум,—деди у.—Нашотки мен шу қадар мияси йўқ каллаварам бўлсамки, Уотсон, кўриқчи эканлиги аён кўринниб турган нарсани хонамга ўтқазиб кўйиб, унинг ёрдами билан Европадаги энг маккор муттаҳамларни лақиллатаман, деб умид қилсам? Биз бу ковакда икки соатдан берн қаққайнб туримиз, бу орада миссис Хадсон шаклнинг вазиятини саккиз марта ўзгартириб қўйди — яъни ҳар бир чорак соатда ўзгартириб турди. Ўз-ўзидан маълумки, у шаклга ҳеч қаёққа соясини туширмай яқинлашади... Ҳа!

Тўсатдан у нафасини ичига ютиб, қимиirlамай қолди. Нимқоронфиликда мен унинг камоли муштоқ қиёфада бўйинини чўзиб турганини кўрдим.

Энди кўча мутлақо ҳувиллаб қолган эди. Эҳтимолки, ўша эшик олдидағи икки киши ҳали ҳам бекиниб турган бўлса, аммо улар менга энди кўринмас эди. Атрофимизни сукунат билан зулмат чулғаган. Зулмат ўртасида қора шарпа сояси бор ёруғ дераза сарғиш экрандек аниқ кўзга ташланиб турарди. Жимжит сукунатда Холмснинг ҳансираб нафас олаётганини эштирдим, унинг нақадар ҳаяжонланаётганини сезиб турардим. Тўсатдан у мени хона ичкарисига, энг қоронғи бурчакка итариб бориб, оғзимни қўли билан юмиб, бу билан чурқ этмай туришимни талаб қилди. Шу дақиқада унинг бармоқлари қалтираётганини сездим. Мен уни ҳеч қа-

чон бу қадар ҳаяжонланган ҳолда күрмаган эдим, ва-
холанки, қоронғи күча ҳамон боягидек бўм-бўш ва жим-
житдек эди.

Тўсатдан мен дўстимнинг зийрак қулоғи аллақачон
пайқаган нарсани эшилдим. Бейкер-стрит томонидан
эмас, биз яшириниб турган ўша уйнинг ичкарисидан
келаётган аллақандай оҳиста бўғиқ сас эшилдилди. Ма-
на ташқарининг эшиги очилиб ёпилди. Бир лаҳзадан
сўнг йўлакдан писиб келаётган кимнингдир қадамлари
эшилдилди — чамаси бу қадамлар оҳиста тушишга ин-
тилса ҳам, кимсасиз уйда гумбурлаб янгарди.

Холмс деворга қапиши: мен ҳам револьверни маҳ-
кам чангаллаганча шундай қилдим. Қоронғиликка ти-
килиб эркак кишининг ғира-шира қорасини, очиқ тур-
ган эшикнинг чорбурчак қоронғилигидан қорароқ шар-
пани илгадим. У ўша ерда бир дақиқача туриб, сўнgra
биқинганча олдинга қараб писиб келаверди. Унинг ҳам-
ма ҳаракатларида таҳдид сезилиб турарди. Бу машъум
шарпа биздан уч қадам нарида эди, мен бу келгинди-
нинг ҳамласини қарши олиш учун чоғланиб турган ҳам
эдимки, бизнинг борлигимиздан унинг мутлақо бехабар-
лиги бирдан ёдимга келиб қолди.

Бизга тегиб кетай деб олдимиздан ўтди-да, дераза
ёнига писиб бориб, уйнинг ромини мутлақо овоз чиқар-
май, жуда эҳтиётлик билан ярим футча юқорига кўта-
риб қўйди. У очилган тирқишига энгашаркан, кўчадан
тушган нур юзини ёритди. Юзи зўр ҳаяжонни ифодалаб
турар, кўзлари бежо чақнар, афти бужмайган эди.

Бу нотаниш нафис қирра бурунли, оқ оралаган узун
мўйловли, ёрғоқ бўла бошлаган кенг пешонали, ёши
ўтиб қолган одам эди. Цилиндри энсасига суриб қўйил-
ган, тугмаси солинмаган пальтоси остидаги оҳорланган
фрак манишкасининг оппоқ кўкси кўришиб турар эди.
Корамағиз тунд юзини чуқур ажинлар кесиб ўтган. Қў-
лида ҳассага ўҳшаган бир нарса тутиб турарди, аммо
уни ерга қўяркан, металлга ўҳшаб жаранглаб кетди,
сўнgra чўнтағидан каттагина ҳажмдаги қандайдир бир
буюмни олиб, у билан бир неча дақиқа овора бўлди,
ниҳоят темир буюмнинг шарақлагани эшилдилди: чамаси
у қандайдир пружинами ёки лўқидонни ўрнатди шекил-
ли. У чўккалаганича олдинга энгашиб, қандайдир кў-
таргичга бор залвори билан ёпишли, бунинг натижаси-
да аввалгисидан ҳам кўра қаттиқроқ чўзиқ фижирлаган
кескин товуш эшилдилди. Шундан кейин у қаддни рост-
лади, мен унинг қўлида аллақандай ғалати, беўхшов

құндоқли милтиққа ўшаган бир нарсаны күрдим. У милтиқ қулфини очиб алланарсаны жойлады да, уни яна шарақлатди. Кейин чүққайиб ўтириб, милнинг учини дераза рафига қўйди, узун мўйловлари мил устида солланиб турарди. Кўзлари эса нишонга тикилганча чақнаб кетди. Ниҳоят, у милтиқни елкасига тақаб, енгил нафас олди: нишон — ажойиб нишон, ёруғ фонда аниқ кўриниб турган қора соя қаршисида эди. У бир лаҳзагина қимирламай қолди, кейин бармоғи тепкини босди, шундан сўнг қаттиқ ғўнғиллагап ғалати товуш, унинг кетидан эса синган шишанинг кумушдек жаранглагани эшитилди.

Шу ондаёқ Холмс йўлбарсдек сапчиб бориб ўқчининг елкасига ташланды да, уни ерга муккасидан босиб тушди. Аммо бир лаҳзадан сўнг униси ҳам сапчиб оёққа турганча ақл бовар қилмайдиган куч билан Холмснинг ҳиқилдоғидан чанглаб олди. Шунда мен тўппончамнинг банди билан ёвузнинг бошига урдим, у яна йиқилиб тушди. Мен унинг устидан босиб тушдим, шудақиқадаёқ Холмс қаттиқ ҳуштак чалди. Кўчада чопиб келаётган одамларнинг тапир-тупури эшитилди, ҳадемай кўча эшикдан хонага форма кийган икки полисмен билан фуқаро либосидаги изтопар югуриб кирдилар.

— Сизмисиз, Лестрейд? — деб сўради Холмс.

— Ҳа, мистер Холмс. Бу иш билан ўзим шуғуллашишга қарор қилган эдим. Сизни Лондонда яна кўрганимдан хурсандман, сэр.

— Менга бизнинг камтарона ғайри расмий ёрдами миз сизга иш бериб қолиши мумкиндең туулган эди. Бир йилнинг ўзида учта сунқасд фош қилинмаган экан — бу жуда кўп, Лестрейд. Аммо Мольсейда содир бўлган ишнинг сирини сиз у қадар... яъни сиз уни чакки аниқламадингиз, демоқчи эдим...

Ҳаммамиз тикка турардик. Икки томонидан маҳкам ушлаб турган икки давангидек констебль қўлида бандимиз ҳансираф нафас олмоқда эди.

Кўчага бекорчилар тўплана бошлади. Холмс дераза олдига бориб уни ёпди. Лестрейд ола келган икки шамни ёқди, полициячилар эса яширган фонарчаларини олдилар. Ниҳоят, мен бандимизни кўздан кечира олишим мумкин эди.

Унинг юз қиёфаси ғоятда марданавор, айни бир вақтда эса бадбуруш эди. Файласуфона пешонаси билан баднафсларникига ўшаган энгаги бу одамда ҳам яхшиликка, ҳам ёмонликка мойил бўлган катта қобилият

яширинганигидан далолат бериб турарди. Аммо қо-воқлари осилиб тушган, боқишилари беҳаё, пўлат туси-даги омонсиз кўзлари ваҳшиёна қирғий бурни билан пе-шонасини тилиб ўтган чуқур ажинлар табиатнинг ўзи бу кимсанинг жамият учун хавфли шахс эканлигидан гувоҳлик берадиган белгилар билан безаб қўйганини кўрсатиб турарди. У бизлардан биронтамизга ҳам ҳеч қандай диққат қилмас, нигоҳи Холмснинг юзигагина қадалган, унга ҳайрат ва нафрат билан қараб турар эди.

— Иблис!— деб шивирлади у.— Айёр, айёр, иблис!

— Шундай қилиб, полковник,— деди Холмс, фижим-ланган ёқасини тузатаётуб,— қадимги маталда айтили-шича, дўст—дўст билан топишар. Сиз мени ўз иноягин-гиздан баҳраманд қилганингиздан бери сизнинг дийдо-рингизни кўриб ҳузур қилиш шарафига мусассар бўлмаган элим шекилли — эсингизда бўлса, Рейхенбах шаршарасининг тепасидаги ўша ёриқда ётган пайтимдан бери.

Полковник худди сеҳрлаб қўйилгандек, дўстимдан кўзини узолмасди.

— Иблис, ашаддий иблис!— деб қайта-қайта так-рорлади у.

— Мен ҳали сизни таништирумабман,—деди Холмс.— Жентльменлар, бу киши ҳазрати олийлари Ҳиндистон қўшинининг собиқ офицери ва шарқдаги ерларимизда яшайдиган энг йирик ваҳший ҳайвонларни овловчи энг моҳир мерган, полковник Себастьян Моран бўладилар. Ўйлайманки, борди-ю, отган йўлбарсларингизнинг сони-га қараганда сиз ҳали-ҳануз биринчи ўринда турибсиз, десам янглншмасам керак, полковник?

Банди қаҳрини базўр тийиб турар, ҳамон индамас эди. Унинг ўзи ҳам йўлбарсга ўхшар: кўзлари ғазаб билан чақнар, мўйловлари диккайр эди.

— Жўнгина бир уйдирма шундай тажрибакор мер-ганини чалғитгани мени таажжублантирди,— деб давом этди гапида Холмс.— Бу нарса сиз учун янгилик бўли-ши керак эмас. Ахир, сиз ҳеч бир дарахтнинг тагига улоқ боғлаб, йўлбарс тузоқни кўриб яқинлашмагунча қўлин-гизда карабин билан буталар орасида яшириниб кут-магапмисиз? Бу кимсасиз уй — менинг дарахтим, сиз эса йўлбарснисиз. Ўйлайманки, сиз баъзан, борди-ю, бир неча йўлбарс келиб қолса, ёки — унисига ақл ишон-майди! — ўқим хато кетса, деган ўй билан баъзан эҳти-ётдан бошқа ўқчилар олакелмасмидингиз? Бу жаноб-

лар,— деб у бизни күрсатди,— менинг эҳтиёт юзасидан олиб келган ўқчиларим. Ўхшатишим ўринли-я, шундайми?

Бирдан полковник Моран қаҳр билан ҳайқирғанча олдинга қараб юлқинди, аммо констебллар уни орқага тортдилар. Унинг башарасида шу қадар нафрат акс этиб турардики, қараб ваҳминг келарди.

— Эътироф этишим керак, менга кутилмаган бир тұхфа инъом қылдингиз,—деб сўзида давом этди Холмс. — Мен, сиз шу бўш уй билан дарҳақиқат жуда ҳам қулай бу деразадан фойдаланаrsиз, деб ўйламаган эдим сира. Мен, кўчадан туриб иш кўрарсиз, деб ўйлаган эдим, сизни у ерда дўстим Лестрейд ёрдамчилари билан кутиб турган эди. Шу детални мустасно қилганда, ҳамма иш худди ўзим кутгандек юз берди.

Полковник Моран Лестрейдга мурожаат қилди:

— Мени қамоққа олишга асосларингиз борми, йўқми, бундан қатъий назар,— деди у,— мен бу жанобнинг таҳқирларига ортиқ чидағ туролмайман. Агар мен қонуннинг қўлига тушган эканман, ҳамма иш қонуний тартибда борсин.

— Бу, дарҳақиқат, ҳаққоний талаб,— деб қўйди Лестрейд.— Биз бу ердан чиқиб кетгуннимизгача сиз яна бирон нарса айтмоқчимисиз, мистер Холмс?

Холмс ердан ел билан отадиган баҳайбат милтиқни олди-да, унинг механизмини кўздан кечира бошлади.

— Монанди йўқ ажойиб бир қурол!— деди у.— Товуш чиқармасдан отади, зарбидан ҳеч ким омон қолмайди. Мен буни марҳум профессор Мориартининг буюртмаси асосида ясаган кўр механик, немис фон Хердерни танигувчи эдим. Мана бир неча йил бўлади, бу милтиқнинг борлигини билар эдиму, аммо қўлим билан ушлаб кўриш ҳеч қачон насиб бўлмаган эди. Мен буни, айниқса, сизнинг диққатингизга ҳавола қиласман. Лестрейд, шунингдек, унинг ўқларини ҳам.

— Хотирингиз жам бўлсин, мистер Холмс, биз у билан шуғулланамиз,— деди Лестрейд, ҳамма ҳозир бўлганлар эшик томонга қараб юра бошлагач.— Бор гапнингиз шуми?

— Шу. Дарвоқе, мен сизлардан сўрамоқчи эдимки, жиноятчига қандай асб қўймоқчисизлар?

— Қандай айб қўядик, сэр? Хўш, ўз-ўзидан маълумки, Шерлок Холмсга сунқасд қилишда айблаймиз-да.

— Э-ҳа, йўқ. Лестрейд, бу ишда менинг номим тилга олинишини сира ҳам истамайман. Сиз амалга оширган

бу ажойибона қамоққа олиш шарафи сизга, фақат сизгагина мансуб. Сизни табриклайман, Лестрейд! Үзингизгагина хос бўлган зийраклик билан довюраклик туфайлигина сиз бу одамни хуллас қўлга туширдингиз.

— Бу одамни қўлга туширдингиз? Ахир у ўзи ким, мистер Холмс?

— Бутун полиция қидиравериб овора бўлган кимса — ўтган ойнинг ўттизинчисида Парк-лэйндаги 427-йнинг иккинчи қаватидаги дераза орқали ел билан отадиган милтиқ ёрдамида сэр Рональд Адэрни отган полковник Себастьян Моран. Унга шундай деб айб қўйилиши керак, Лестрейд... Энди, Уотсон, борди-ю, синган ойнадан эсаётган елвизакдан қўрқмасангиз, менинг кабинетимда ярим соатгина ўтириб биттадан сигара чекайлик — умид қиласанки, бу зора бир оз кўнглимизни очса.

Майкрофт Холмснинг хабар олиб тургани, миссис Хадсоннинг бевосита ғамхўрлиги туфайли олдинги квартирамизда ҳеч нарса ўзгармаган эди. Рост, ичкарига киарканман, кутилмаган саранжом-саришталикни кўриб таажжубландим, аммо таниш буюмларнинг ҳаммаси жой-жойида турарди. Уткир кислоталар тўкилганидан қуйиб доғ босган қарағай стол қўйилган «кимё бурчаги» ҳам илгариги жойида эди. Газеталардан қирқиб олинган ахборотлар ёпиштирилган катта альбомлар билан маълумотномалар рафга боягисидек қатор қилиб териб қўйилган,— о, буларни юртдошларимиздан кўплари бемалол ўтга улоқтириб юборар эдилар! Диаграммалар, скрипка солинган ғилоф, кўпдан-кўп трубкалар қалашиб турган рафча, ҳатто тамаки солинган эронча кавушгача — мен атрофга кўз югуртиарканман, шуларнинг ҳаммаси яна кўз ўнгимда намоён эди. Хонада икки кимса бор: биринчиси, бизни хушнуд табассум билан қарши олган миссис Хадсон, иккинчиси эса бунгиги тундаги воқеаларда шу қадар муҳим роль ўйнаган ғалати манекен эди. Бу дўстимнинг сербўёқ мум бюсти бўлиб, ғоятда маҳорат билан ясалгач, танг қоларли даражада аслига ўхшар эди. У усталик билан Холмснинг ҳалатига чирмаб қўйилган, пастаккина столда турар, агар кўчадан қаралса, бемалол унинг ўзи ўтирибди, деб ишониш мүмкин эди.

— Ўйлайманки, сиз менинг ҳамма кўрсатмаларимни бажарган бўлсангиз керак, миссис Хадсон? — деб сўради Холмс.

— Үзингиз буюрганингиздек, сәр, ҳар гал унинг олдига әмаклаб бордим.

— Жуда соз. Сиз бу ишларниң ҳаммасини күнгилдагидек қилиб бажарибсиз. Ўқнинг қаерга келиб текканини пайқадингизми?

— Ҳа, сәр. Қўрқаманки, у сизнинг кўркам бюстингизни бузиб қўймаган бўлса — бошини тешиб ўтиб, деворга бориб тегибди. Мен уни гиламдан олдим. Мана.

Холмс ўқни менга узатди.

— Юмшоқ тўйпонча ўқи, кўринг, Уотсон. Кўриб ҳайратланасан! Шундай бир нарсанинг ел билан отиладиган милтиқдан отиши кимнинг хаёлига ҳам келиши мумкин? Жуда соз, миссис Хадсон, ёрдамингиз учун миннатдорман... Энди, Уотсон, илгаригидек ўзингизнинг эски жойингизга ўтиринг. Мен сиз билан бир неча жиҳатларни муҳокама қилмоқчиман.

У нимдош сюртугини ечиб, бюсти устига ёпиб қўйган кулранг ҳалатини олиб кийди. Кўз ўнгимда яна илгариги Холмс намоён бўлди.

— Кекса мерғаннинг асаблари ҳали ҳам мустаҳкам, кўзлари ҳали ҳам ўткир экан,—деди у кулиб, мум шаклининг тешилиб қолган пешонасини кўздан кечираркан.— Қоқ энсасидан уриб, миясидан чиқариб юборибди. Бу Ҳиндистоннинг чангальзор чакалакларидаги энг моҳир мерған эди, ўйлайманки, Лондонда унинг рақиблари унча кўп бўлмаса керак. Сиз илгари ҳеч қачон унинг номини эшитганимидингиз?

— Йўқ, ҳеч қачон.

— Ҳа, ана шон-шуҳрат! Дарвоқе, хотиримда бўлса, сиз яқингинада ҳатто профессор Жеймс Мориартиномини ҳам эшитмаганлигингизни айтган эдингиз. Ваҳлонки у асримизнинг энг буюк донишманди эди. Айтмоқчи, мумкин бўлса, рафдан биографик кўрсаткични олиб берсангиз.

Креслога ўрнашиб ўтириб олиб, сигарасини бурқситганча Холмс саҳифаларини эринчоқлик билан варақларди.

— Менинг «М» ҳарфи бўйича тўпланган коллекциям жуда ажойиб,—деди у.— Ҳар қандай ҳарфнинг шон-шуҳратини ошириш учун ёлғиз Мориартининг ўзигина ҳам кифоя қилиши мумкин эди. Бунда яна, заҳарловчи Морган, ўзидан мудҳиш хотира қолдирган Мерридью, Черинг-кросс вокзалининг кутиш залида менинг чап томондаги сўйлоқ тишимни уриб синдирган ўша Метъюз ҳам бор. Мана, ниҳоят бугунги дўстимиз ҳам.

У китобни узатди, мен шуларни ўқидим:

«Моран Себастьян, истеъфодаги полковник Биринчи Бенгалор сапёрлар полкида хизмат қилган. 1840 йилда Лондонда туғилган. Англияning Эрондаги собиқ элчиси, Бани орденининг кавалери сэр Огестес Мораннинг ўғли. Итон коллежи билан Оксфорд университетини тамомлаган. Жовак, Афғонистон, Чораасиёб, Шарпур ва Қобил урушларида алоқачи сифатида иштирок этган. «Гарбий Ҳимолойда йирик ҳайвонларни овлаш» (1881) «ва «Чангальзорларда уч ой» (1884) китобларининг автори. Адреси: Кондуит-стрит. Клублари: инглиз-ҳинд, Тэнкервиль ва Багатель қимор клуби».

Хошияларида Холмснинг аниқ дастхати билан: «Лондонда Мориартидан сўнг энг хавфли одам», деб ёзиб қўйилган эди.

— Қизиқ,— дедим китобни Холмсга қайтариб берадетиб.— Сиртдан қарасанг, босиб ўтган йўли — ҳалол ас-карнинг йўлига ўхшайди.

— Сиз ҳақлisisiz,— деб жавоб берди Холмс.— Маълум пайтгача у ҳеч қандай ёмон иш қилган эмас. Бу темир асабли одам эди. Ҳиндистанда унинг қандай қилиб қақраб ётган дарё ўзанидан эмаклаб бориб, яранган йўлбарс панжарасидан бир кишини тортиб олиб, уни омон сақлаб қолгани ҳақидаги афсона ҳалигача ҳам оғизма-оғиз юради. Шундай дараҳтлар борки, Уотсон, улар бўйлари маълум бир жойга етгунча аввал туппа-тузук ўсиб боради-да, кейин ўз ривожида бирдан қоидага хилоф равишда нотўғри бир йўсинда ўса бошлиди. Бу ҳол одамларда ҳам рўй бериб туради. Менинг назариямга биноан ҳар бир индивидиум ўз тараққиётида ўзининг ҳамма аждодларининг тарихини тақрорлади. Мен шундай деб ҳисоблайманки, эзгулик ва ёвузлик томонига бўлган ҳар бир ногаҳоний бурилиш аллақадай кучли таъсир туфайли юз беради, бунинг сабабини инсон шажарасидан қидириш керак бўлади. Демак, бинобарин, унинг таржимаи ҳоли бутун аждодию авлоди таржимаи ҳолининг бамисоли кичкина акси бўлади.

— Э, биласизми, бу бир оз хаёлийроқ назария.

— Майли, унга қаттиқ ёпишиб олмайман. Сабаблари қандай бўлмасин, аммо полковник Моран ёмон йўлга кирган. Ҳеч қандай катта шовқин-тўполон кўтармаса-да, у Ҳиндистанда баъзи бир одамларни ўзига шу қадар қарши қилиб қўйганки, у ерда туришининг сира имкони бўлмай қолган. У истеъфога чиқиб Лондонга келганда,

бу ерда ҳам ёмон от чиқарған. Ана шунда уни профессар Мориарти топиб олган, у бир оз вақт профессорнинг ўнг қўли бўлган. Мориарти уни кўплаб пул билан таъмин қилиб турган, аммо ёрдамидан жуда кам фойдаланган икки ё уч алоҳида мушкул ишлардагина фойдаланган. Сиз, эҳтимол, 1887 йилдаги лаудерлик миссис Стюарт-нинг ғалати ўлимини эсларсиз? Йўқми? Мен аминманки, бу ишга Моран аралашмай қолмаган, зотан, унга қарши ҳеч қандай далиллар қўйилмаган эди. Полковник шу қадар устомонлик билан сир бермай юрардики, ҳатто Мориартиниң бутун шайкасини тумтарақай қилиб юборгандаридан кейин ҳам биз барибир уни судга тортишга муваффақ бўлолмадик.

Мен сизниги бориб, ел билан отиладиган милтиқдан ўқ узишларидан хавотир олиб дарчаларни беркитган оқшомим эсингиздами, Уотсон? Сизга ўшанда бу ғалати кўринган эди, аммо мен нима қилаётганимни билардим, чунки бу аломат милтиқнинг борлиги менга аллақачонлароқ маълум эди, бундан ташқари у энг мөҳир мергандардан бирининг қўлида эканлигини ҳам билардим. Сиз билан биз Швейцарияга жўнаганимизда, Моран Мориарти билан биргаликда изимииздан қувган, мен Рейхенбах шаршарасининг тепасидаги қоя ёриғида ётганимда ўша ёқимсиз дақиқаларни бошимдан кечиришимга ҳам худди шу сабабчи бўлган эди.

Францияда эканлигимда инглиз газеталарини қандай диққат, иштиёқ билан ўқиганлигимни тасаввур қилисангиз эди: уни қамоққа олдириш учун қандай бўлмасин бир баҳона топишга умид қиласдим. Чунки у Лондонда bemalol эркин юраркан, мен қайтиб келишни хаёл ҳам қила олмас эдим. Кечаю кундуз бу таҳдид ҳаётимга кўлка солиб турар, у нима қилиб бўлса ҳамки, бир иложини топиб мени ўлдирап эди. Мен нима қилишим мумкин эди? Тўқнаш келганимда уни отиб ташлашим мумкин эмас — у тақдирда менинг ўзим ҳам айбдорлар курсисига ўтириб қолардим. Судга мурожаат қилишим ҳам бефойда эди — суд исботланмаган гумонларгагина асосланиб иш оча олиши мумкин эмас, менинг эса қўлимда исботларим йўқ эди. Шундай қилиб, мен бир тадорик кўришдан ожиз эдим. Аммо жиноятлар хроникасини узлуксиз кузатиб турардим, чунки эртами-кечми, уни қўлга туширишга муваффақ бўлишимга қатъий амин эдим.

Мана Рональд Адэрга қилинган суиқасд юз берди.

Ниҳоят мен кутган фурсат келди! Бор гапни била туриб, уни шахсан полковник Моран ўлдирганлигига шубҳа қилишим мумкинмиди? У йигит билан карта ўйнаган, у билан орқама-орқа клубдан чиққан, уни очиқ турган деразадан отган. Ҳа, шубҳага ўрин бўлиши мумкин эмасди. Полковник Моранни дор остига жўнатиш учун биттагина ўқ етарли далолат бўлиши мумкин эди. Мен шу заҳотиёқ Лондонга етиб келдим. Полковникнинг айғоқчиси мени кўриб, маълумки, бу ҳақда унга хабар берган. У менинг туйқусдан келиб қолганлигим ўз жиноятига алоқадор эканлигини пайқаб, албатта қаттиқ ташвишга тушган. Унинг дарҳол мени даф этишга уринишига, бунинг учун омонсиз ажал ташувчи қуролини ишга солишига амин эдим. Шу мақсадда мен унга кабинетимнинг деразасида бенуқсон нишон тайёрлаб қўйиб, полицияни, менга сизларнинг ёрдамингиз керак бўлиб қолади, деб огоҳлантиридим (дарвоҷе, Уотсон, сиз ўткир кўзингиз билан ўша эшик олдидағи икки полисменни дарров кўрдингиз), ўзим учун кузатишга қулай кўринган постни эгалладим;ammo, ростини айтсам, рақибимнинг ҳам ҳужум қилиш учун худди ўша жойни танлаши мумкинлиги етти ухлаб тушимга ҳам кирманган экан. Бор гап шу, азизим Уотсон. Ўйлайманки, энди сизга ҳамма гап равshan бўлган бўлса керак?

— Йўқ,— деб жавоб бердим.— Сиз ҳали менга полковник Моранга сэр Рональд Адэрни ўлдириш нима учун даркор бўлганини тушунтириб берганингиз йўқ.

— Э, дўстим, энди биз тахмин доирасига ўтамиз, бу борада эса мантиқнинг ўзигина камлик қилади. Ҳар ким мавжуд фактлар асосида ўз шахсий фаразини олдинга суриши мумкин, сизнинг тахминларингиз ҳам ме-никичалик тўғри бўла олиши мумкин.

— Демак, сиз ўз фаразингизни аллақачон ўйлаб қўйган экансиз-да?

— Хўш, менингча, мавжуд фактларни изоҳлаб бериш унча қийин эмас. Терговда аниқланишича, суиқасд содир бўлишидан салгина олдин полковник Моран билан ёш Адэр шерикликда карта ўйнаб, анчагина пул ютганлар. Ammo Моран, шубҳасиз, фирромлик ишлатиб ўйнаган — мен унинг фирибгар эканини аллақачонлардан бери биламан. Эҳтимолдан холи эмаски, суиқасд юз берадиган куни Адэр Мораннинг ҳийла ишлатаетганини билиб қолган. У полковник билан холи гаплашиб, агар ўз ихтиёри билан клуб аъзолигидан чиқиб кетмаса, қимор ўйнашдан умрбод воз кечмаса фош қилмоқ-

чи бўлиб қўрқитган. Адэрдек ёш йигитчанинг ўзидан анчагина катта, шу билан бирга жамиятдаги эътиборлн бир одамнинг шаънига халойиқ олдида бирданига шундай жанжалли айб тақиши журъат қилиши амримаҳол. Тўғрироғи, у полковник билан бегона кўзлардан четда, холи гаплашган, фирибгарлик билангина топилган пулга кун кечираётган Моран учун эса клубдан ҳайдалиш—хонавайрон бўлиш билан баробар эди. Шунинг учун ҳам у Адэрни ўлдирган, йигит шеригининг фирром ўйини натижаларидан фойдалангиси келмай, ютуқдаги ўз улуши қанча эканини, ютқизганларга қанча пул қайтариши кераклигини ҳисоблаб ўтирган пайтида шартта отган. Йигит ана шу ҳисоб-китобини онаси билан синглиси кўриб қолиб, қофоздаги бу ҳамма номлар кимларга мансуб эканини, столдаги даста-даста пуллар қандай пуллар эканини суриштириб қолмасликлари учун эшикни ичкарисидан қулфлаб олган. Хўш, айтинг-чи, изоҳларим ишонса бўладиганга ўхшайдими?

— Аминманки, сиз пишонга урдингиз.

— Менинг ҳақ ё ноҳақ эканлигимни тергов кўрсатади. Ҳар қалай, полковник Моран бизни ортиқ безовта қилмайди, фон Хердернинг ел билан отиладиган машҳур милтифи Скотленд-ярд¹ музейининг коллекциясини безайди. Лондоннинг мураккаб ҳаётида юз бериб турадиган кўпдан-кўп қизиқ, ажойиб-фаройиб жумбоқларни ҳал қилишда Мистер Шерлок Холмсга бундан буён ҳеч ким халал беролмайди.

¹ Скотленд-Ярд — Англиянинг бош полиция бошқармаси.



ИНТЕРНАТДА СОДИР БҮЛГАН ҲОДИСА

Бизнинг Бейкер-стритдаги камтарона саҳнамиз кўпгина драматик манзараларни кўрган, аммо мен унда санъат магистри, фалсафа доктори¹ ва ҳоказо, Торникрофт Хакстейблнинг илк бор пайдо бўлишидан кўра кутилмаганроқ ва танг қоларлироқ нарсани кўрган эмасман. Шу қадар кўпдан-кўп илмий даражалар учун жуда кичиклик қилгандек туюлган унинг ташриф қофози бир неча лаҳза олдин кириб келди; орқасидан ўзи ҳам пайдо бўлди, бўйдор, басавлат, улуғвор — сабот билан матонатнинг тимсоли бўлган бу одам орқасидан эшик ёпилар-ёпилмас, қўллари билан столга таяниб, аста-секин ерга ўтириб олди-да, ҳушидан кетиб, каминимиз олдилаги айиқ терисига узала тушиб чўзилиб қолди. Ўрнимиздан сапчиб кетиб, беҳудуд ҳаёт океаниннинг йироқ бир ерида кўтарилиган довул бизга олиб келиб ташлаган бу баҳайбат фалокат парчасига ҳайрат билан тикилганимизча бир дақиқа индамай туриб қолдик. Сўнг-

¹ Магистр, доктор — ялмий даражалар (увовонлар).

ра Холмс унинг бошига ёстиқ қўйди, мен эса оғзига бир рюмка конъяк тутдим. Нотаниш одамнинг рангиз тўла юзини чуқур ажинлар кесиб ўтган, салқиган қовоқлари ости кўкаринқираб туар, ним очиқ оғзининг чистлари маъюсгина буришган, қўшалоқ бафбақасини тук босган эди. Чамаси, у узоқдан келган, тароқ тегмаган кир соchlари энли кўркам пешонасига тутам-тутам бўлиб тушиб туар эди. Қаршимизда бошига қандайдир катта кулфатзада одам ётарди.

— Унга нима бўлган, Уотсон? — деб сўради Холмс.

— Тинка-мадори қуриган... оч қолиб ҳориганидан бўлса керак,— деб жавоб бердим мен, сезилар-сезилмас ингичка ипдек телиб турган панжасини бармоқларим билан ушлаб турганимча.

— Мэклтонга қайтиб кетиши учун олинган билет. Бу Англиянинг шимолида,— деди Холмс унинг соат чўнтағидан темир йўл билетини оларкан.— Ҳали ўн икки бўлганий йўқ. Жуда барвақт йўлга чиққан экан!

Меҳмонимизнинг салқиган қовоқлари титраб, қурагай кўзлари бизга маъносизгина тикилди. Бир дақиқадан кейин у изза бўлганидан қип-қизарив, ўрнидан аранг турди.

— Мени кечиринг, мистер Холмс. Ҳушдан кетганимнинг сабаби — асабларим қақшаганлигидан. Йўқ, ташаккур билдираман... Бир стакангина сут билан қоқ нон бўлса — ўзимга келиб қоламан. Мистер Холмс, мен бу ерга сизни олиб кетиш учун келдим. Мен, ҳеч қандай телеграмма бу ишнинг нақадар ошиғичлиги ҳақида сизга етарли тасаввур бера олмайди, деб ўйлаган эдим...

— Сиз батамом ўзингизга келганингиздан кейин...

— Мен ўзимни туппа-тузук ҳис қиляпман. Менга ниша бўлганига тушунолмай гарангман. Мистер Холмс, сиздан Мэклтонга биринчи поезд биланоқ жўнашингизни илтимос қиласман.

Холмс бош чайқади:

— Ҳамкасабам, доктор Уотсон сизга хозир жуда банд эканимизни айтиши мумкин. Менга Феррернинг йўқолган ҳужжатлари юзасидан текшириш олиб бориш учун аллақачон аванс беришган, ундан ташқари, яқин кунларда Абергавенинда содир бўлган сунқасд ҳақидаги ишни кўриш бошланади. Мени ғоят муҳим бир ишгина Лондондан чиқишига мажбур қила олиши мумкин.

— Ғоят муҳим иш! — дея меҳмонимиз қўлларини кўкка чўзди.— Сиз герцог Холдернесснинг биттаю битта ўғли ўғирланганлигини наҳотки эшитмаган бўлсангиз?

— Герцог Холдернесснинг ўғли дейсизми? Собиқ министрни айтапсизми?

— Ҳа, ҳа! Биз, бу газетада чиқмасин, деб хўп уринган эдик, аммо «Глобус»нинг кечаги сонида баъзи мишишлар босилибди. Мен, бу хабарлар сизга ҳам етиб келгандир, деб ўйлаган эдим.

Холмс озгин, узун қўлинни узатиб рафдан энциклопедик маълумотноманинг «Х» ҳарфига оид томини олди.

— «Холдернесс, олтинчи герцог. Ҳамойил орденинг кавалери, Махфий кенгашнинг аъзоси...» ва ҳоказо, ва ҳоказолар.. «Барон Боверли, граф Карлстон...» Е раббинӣ, унвонларининг кўплигини! «Хэллемшир графлиги судининг раиси (1900 йилдан бери). Сэр Чарльз Эпилдорнинг қизи Эдитга уйланган (1888). Якка-ёлғиз ўғли ва вориси лорд Солтайр. Икки юз эллик минг акр ерга эга. Ланкашир ва Уэлса конлари бор. Адреси: Карслон-хаус-террас; Холдернесс-холл, Хэллемшир; Карлстон қасри, Бангур, Уэлс. Адмиралликнинг лорди¹ (1872), министр...» Хуллас, зодагон, мамлакатимиздаги энг машҳур зодагонлардан бири бўлса ҳам ажаб эмас.

— Энг машҳур, эҳтимолки, энг бадавлат зодагонлардан бири бўлса керак. Билишимча, мистер Холмс, сиз ўз соҳангизда чакана мутахассис эмассиз, ҳамиша, ҳар бир шуга унга қизиқсангизгина қўл урасиз. Рухсатингиз билан айтсам, саодати олийлари ўғилларининг қаерда эканлигини кўрсатиб берадиган кишига беш минг фунт пулга чек, агар ўғирлаган ўғри ёки ўғриларнинг номини айтиб берса, қўшимча равишда яна минг фунт беришни ваъда қилмоқдалар.

— Катта мукофот! — деди Холмс. — Уотсон, икковиз доктор Хакстейбл билан биргаликда Англияниг шимолига жўнасак ҳам бўлади. Сиз, доктор, сутни ичib олинг, кейин бизга қачон ва қаерда қандай воқеа юз берганини, ниҳоят Мэклтон яқинидаги интернат директори доктор Торникрофт Хакстейблнинг бу ишга қандай даҳли бор эканини, нима учун бу ҳодиса юз бергач орадан уч кун ўтгандан кейингина,— буни сизнинг соқолингиз олинмаганлигига қараб айтмоқдаман,— камтarona қобилиятимга ишониб менга мурожаат қилаётганини айтиб берасиз.

Мехмонимиз стакандаги сутни ичib бўлғач, биронта ҳам тафсилотини қолдирмай қизғин ҳикоя қила бошли.

¹ Адмираллик лорди — денгиз министри.

ди. Үннинг күзлари дарҳол жонланди, ёпоқларига қизиллик югурди.

— Сизларга маълум қилишим керакки, жентльменлар, мен Мэклтон яқинидаги интернат-мактабининг асосчиси ва директори бўламан. Хакстейблнинг «Горацийга шарҳлари»¹ сизларга ким билан мулоқотда бўлаётганларингизни эслатар. Менинг ўғил болалар учун очилган интернатим бутун Англияда шубҳасиз энг яхши, энг имтиёзли ўқув юртидир. Лорд Леверстоук, граф Блэкьютер, сэр Кэткарт Соумс — менга шундай одамлар ўғилларини ишониб топширганлар. Аммо мактабим шуҳрат чўққисига бундан уч ҳафта бурун лорд Холдернесс ўз секретари мистер Жеймс Уайлдер орқали яккаю ёлғиз ўғли, вориси, ўи яшар лорд Солтайрнинг менинг мактабимда ўқияжагини маълум қилганида эришди. Ӯшанда: бу ҳаётимда юз берадиган энг катта баҳтсизликни бошланиши деган фикр хаёлимга келиши мумкинми?!

Лорд Солтайр биринчи майда, ёзги семестрининг бошида келди. Бу лобар бола бизнинг тартибларимизга тез орада кўникиб кетди. Шу нарсани айтиб ўтишим керак,— ишонаманки, ҳеч ким мени мақтанчоқликда айбламас, чунки бундан кўз юмиш бемаънилик бўлар эди,— бола уйда қийналиб кетган. Герцогнинг рафиқаси билан муросаси учча мақтарли эмаслиги ҳеч ким учун сир эмас, иккалалари битимга келишиб, эр-хотин ажралиб кетишган, қолаверса, хотини Франциянинг жанубига бориб жойлашган эди. Буларнинг ҳаммаси яқингинада содир бўлган, боланинг фарзандлик меҳри, бизга кейин маълум бўлишича, бус-бурун онаси томонда экан. Онаси Холдернесс-холлдан жўнаб кетгандан сўнг бола қайғуриб онасини соғиниб диққат бўлган, шундан сўнг герцог уни менинг интернатимга жойлашга қарор қилган. Орадан иккى ҳафта ўтар-ўтмас кичкина лорд Солтайр бизга жуда кўникиб, билишимизча, ўзини туппа-тузук ҳис қилмоқда эди.

Сўнгги марта уни учинчи май куни кечқурун, яъни душанбада кўрган эканлар. Үнга ажратиб берилган хона иккинчи қаватда бўлиб, ёнидаги катта қўшни хонада иккита бошқа бола ётарди. Бу болалар кечаси ҳеч нарса эшишимабди ҳам, кўришимабди ҳам, бинобарин, лорд Солтайр ўз хонасидан эшик орқали чиқмаган. Үннинг деразаси ланг очиқ турарди, деворининг шу ерини

¹ Гораций — Қадимги Рим шоири. Горацийга шарҳлар — үннинг шеърларига изоҳлар.

бандлари жуда йўғон, қалин чирмоғуқ қоплаган. Биз ерда ҳеч қандай из учратмадик, аммо шубҳа қилмаса бўладики, у деразадан тушиб кетган.

Қочоқниңг йўқлигини сесанба куни эрталаб соат еттида билиб қолдик. Ўрни йифилмаган эди. У кетаётин мактаб формасини — итонча қора курткача билан кулранг шимини кийиб олган. Кечаси унинг хонасига ҳеч ким кирмаган, борди-ю, у ерда қичқириқ ёки олишиш товушлари эшитилганда қўшни хонадаги болалардан каттаси Контер шовқинни албатта эшитган бўларди, чунки унинг уйқуси зийрак.

Лорд Солтайрнинг ғойиб бўлгани маълум бўлиши биланоқ, мен бутун интернатни — болалар, муаллимлар, хизматкорларни тўпладим. Шундан кейин биз лорд Солтайр ёлғиз ўзи қочмаганилигига амин бўлдик. Немис тили ўқитувчиси Хайдеггер ҳам йўқ эди. Хайдеггернинг хонаси иккинчи қаватнинг нариги қанотида бўлиб, унинг ҳам деразаси ўтлоққа қараган. Ўнинг ҳам ўрни йифилмаган, бироқ афтидан, у тузукроқ кийиниб олишга улгурмаган, чунки кўйлаги билан пайпоқлари ерда ётарди. У деразадан ошиб, пастга — чирмовуқ бандларига осилиб тушган, бундан ердаги излар далолат бериб турарди. Унинг одатда ўтлоқ этагидаги кичкина бостирмада турадиган велосипеди ҳам жойида йўқ эди.

Хайдеггер менинг мактабимга, бундан икки йил илгари энг яхши тавсиялар билан кирган, аммо ўзи индамас, тунд одам, уни ўқувчилар ҳам, муаллимлар ҳам унча ёқтиришмас эди.

Бугун пайшанба бўлса, биз қочоқ ҳақида сесанбадан бери биронта ҳам янги хабар билолганимиз йўқ. Маълумки, аввал қилган ишим — Холдернесс-холл билан хабарлашиш бўлди. Герцогнинг қўраси мактабдан бир нечагина миля нарида, биз, лорд Солтайр уйини соғинган бўлса, отасининг олдига қайтиб боргандир, деб ўйлаган эдик, у ерда эмас экан. Герцог ғоятда ташвишланган, менга келсак, ташвиш билан ўз шогирдига жавобгарлик ҳисси одамни не кўйларга солиши мумкинлигини ўз кўзларингиз билан кўрдиларингиз. Мистер Холмс, сиздан ёлвориб сўрайман, кучингизни аяманг! Бу астойдил киришсангиз арзийдиган иш.

Шерлок Холмс шўрлик мактаб директорининг ҳижоясини дикқат билан тинглади. Чимирилган қошлари, улар орасидаги чуқур из унинг ялиниб-ёлворишларга мухтоҷ эмаслигидан, ўзининг жиддийлигидан ташқари унда ғарсийиб ва чигал жумбоқларга нисбатан бўлган

доимий ишқибозлигини уйготган бу ишни текшириш учун бор куч-қувватини сарфлаяжагидан шоҳидлик бериб турар эди. У чўнтағидан блокнот олиб, эсда тутиш учун ниманидир ёзиб қўйди.

— Сиз менга ўша заҳотиёқ мурожаат қилмай фоятда янгишгансиз,— деб қўйди дўстим жиддий.— Бу ишни анча мураккаблаштиради. Мен, масалан, аминманки, ўтлоқ ҳам, девордаги чирмовуқ ҳам кўзи пишган одам учун кўпгина нарсаларни айтиб бериши мумкин эди.

— Бу борада айб менда эмас, мистер Холмс, Саодати олийлари жон-жаҳдлари билан бунинг овоза бўлиб кетишидан қочдилар. У киши, оиласиздаги низолар эл ичида фийбат бўлмасин, деб хавотир олди. Бу у кишига доимо хуш келмас эди.

— Маҳаллий маъмурлар лорд Солтайрнинг қочиши масаласини текшириш билан шуғулланишдими?

— Ҳа, сэр, аммо — ҳайҳот!— бундан ҳеч қандай иш чиқмади. Аввал бошда биз қоҷоқларнинг изига тушиб олгандек бўлган эдик — бизга станциямизда эрталабки поездда қандайдир ёш йигит билан бир бола жўнаб кетганини хабар қилишди. Аммо кеча кечқурун уларни Ливерпулда ушлашган экан, хато рўй берганлиги дарров маълум бўлди. Шундан кейин мен бутунлай умидимни уздим, туни бўйи кўз юммай, биринчи поезд биланоқ буёққа қараб йўлга чиқдим.

— Полиция хато изга тушиб кетгандан кейин жойнинг ўзини бориб текшириш унча эътибор билан олиб борилмаган бўлса керак-да?

— Текширишни тўхтатиб қўяқолиши.

— Демак, уч кун беҳуда ўтиб кетибди. Бунга чида бўлмайди!

— Ҳа, тан олишим керак. Сиз ҳақлисиз.

— Ваҳлонки, жумбоқни ечиш мумкин эди. Мен бу ишга бажонидил киришаман. Айтинг-чи, сиз йўқолган бола билан немис тили муаллими ўртасида бирон муносабат бор-йўқлигини аниқлаёлдингизми?

— Уларнинг орасида ҳеч қандай муносабат йўқ эди.

— Муаллим унинг синфида дарс берармиди?

— Йўқ, Силишимча, у билан ҳатто бирон марта гаплашмаган ҳам.

— Таажжуб, гоятда таажжуб! Боланинг велосипеди бор эдими?

— Йўқ.

— Колган велосипедлар ҳаммаси жойида турибдими?

- Жойида турибди.
- Сиз бунга аминмисиз?
- Мутлақо аминман.
- Ишонаманки, сиз, немис қоқ ярим кечада болани қўлида кўтариб велосипедда жўнаган, деб ўйламасангиз керак?
- Албатта, йўқ.
- Унда сиз буларнинг ҳаммасини қандай таъбирлайсиз?
- Балки улар велосипедни кўзни чалғитиш учун олиб, уни бирон ерга яшириб, ўзлари яёв кетишгандир.
- Эҳтимол. Аммо ўзингиз ўйлаб кўринг, бу кўз чалғитишнинг ғалати йўли-ку. Ахир бостиurmада бошқа велосипедлар ҳам турган экан-ку.
- Ҳа.
- Агар у, биз пиёда эмас, бирор нарсада жўнадик, деган фикр туғдирмоқчи бўлса, иккита велосипедни яшириб кета қолса бўлмасмиди?
- Ҳа, сиз ҳақлисиз.
- Ҳа, яшанг. Йўқ, бу назария ҳеч бир ярамайди. Аммо велосипеднинг йўқолиши текширишни давом эттиришда бошланғич нуқта бўлиб хизмат қилиши мумкин. Қолаверса, бу яшириб қўйса ёки йўқ қилиб юборса бўладиган осон нарса эмас. Яна бир савол: қочишидан олдин болани ҳеч ким келиб кўрганимиди?
- Йўқ.
- Балки унинг номига хат келгандир?
- Ҳа, битта хат келган эди.
- Қимдан?
- Отасидан.
- Сиз ўқувчиларингизга келган хатларни очиб кўрасизми?
- Йўқ.
- Бўлмаса хатнинг отасидан келганилигини қаёқдан биласиз?
- Конверт гербли эди. Адрес ҳам герцогнинг қўпол дастхати билан ёзилган. Бундан ташқари, герцогнинг ўзи ҳам ўғлига хат ёзганлигини эслади.
- Бола бунгача қачон хат олган эди?
- Сўнгги кунларда унинг номига ҳеч нарса келмаган эди.
- Франциядан унга хат ёзиб туришармиди?
- Бирон марта ҳам келган эмас.
- Сиз менинг нима демоқчи бўлаётганимни пайқаётгандирсиз? Лорд Солтайрни ё зўрлик билан олиб

кетишига, ёки у ўз ихтиёри билан қочиб кетган. Сўнгги фараз айтиб турибдики, бола ташқаридан бўлган биронта таъсирсиз бундай нарсага журъат қилолмасди. Борди-ю, унинг олдига ҳеч ким келмаган экан, бинобарин, таъсир хатлар орқали кўрсатилган. Шунинг учун ҳам мен унга кимлар хат ёзганини билишим керак.

— Бу борада менинг сизга бирон ёрдамим тегиши маҳоллар. Билишимча, унга фақат отасигина хат ёзиб турарди.

— Отасининг хати ҳам қочадиган куни келибди. Ота билан ўғил орасидаги муносабатлар қандай эди: яхши, дўйстонамиди?

— Саодати олийлари ҳеч кимни дўст тутмайдилар— у киши муҳим давлат ишлари билан банд. У кишини оддий инсоний ҳислардан баҳраманд дейиш амримаҳол. Аммо ўғлига ўзича, ёмон муносабатда эмас эди.

— Аммо боланинг кўнгли бус-бутун оиласи томонда экан-ку?

— Ҳа.

— Унинг ўзи шундай деганми?

— Йўқ.

— Ким айтган? Герцогми?

— Бе, нима деяпсиз? Албатта, йўқ!

— Бўлмаса буларни сиз қаёқдан биласиз?

— Мен саодати олийларининг секретари мистер Жеймс Уайлдер билан бир-икки марта сұхбатлашганман. Лорд Солтайрнинг кайфиятлари ҳақида мени у хуфия воқиф қилган.

— Тушунарли. Дарвоқе, герцогнинг сўнгги хатини боланинг хонасидан у қочиб кетганидан кейин топиб олдингларми?

— Йўқ, у хатни олакетибди... Мистер Холмс, вокзалга жўнамаймизми?

— Мен ҳозир кэб чақирираман. Чорак соатдан сўнг биз сизнинг хизматингизга ҳозир бўламиз. Борди-ю, уйнинг томонга телеграмма бермоқчи бўлсангиз, мистер Хакстейбл, у ердагилар текшириш ҳалигача ҳам Ливерпулда давом этажган экан, деб ўйлашсин. Ахир сизларнинг бир гала тозиларнинг ўша ёққа ёпирилиб борганмиш-ку? Бу орада мен бемалол, хотиржам мактабингизнинг остонасида иш кўриб, ажаб эмаски, зеҳнимиз камина қулингиз билан Уотсондек икки қари изтопарга панд бермаса, ўша ернинг ўзида баъзи бир нарсаларни топишга мусассар бўлармиз.

Кечқурун димогимизга доктор Хакстейблнинг маш-

хур мактаби жойлашгап Дерби графлигининг хуш ёқувчи салқин ҳавоси урилди. Биз мактабга яқинлашганимизда қоронғи тушиб қолган эди. Даҳлиздаги столда ташриф қоғози ётарди. Малай директорга ниманидир шивирлади, у ҳам ҳаяжонланганча бизга ўгирилди.

— Герцог шу ерда экан,— деди у.— Герцог билан мистер Уайлдер мени кабинетда кутиб туришганмиш. Юринглар, жентльменлар, мен сизларни таништирай.

Мен маълум ва машҳур бу давлат арбобини фотосуратларидан танирдим, албатта, аммо у портретларига сира ҳам ўхшамас экан. Қамин олдидаги гиламда, қаршимизда чўзиқ, озғин юэли, узунгина қирғий бурни ғалати қаққайиб турган, дид билан кийинган, улуғвор, салобатли бир киши турарди. У мурдадек рангсиз, бу рангсизлигини узун, оч қизғиши соқоли айниқса сездириб турар, соқоли тагидан оқ нимчасида соатининг олтин занжири йилтирас эди. Собиқ министр бизга соvuққина қараб турарди. Ёнида серҳаракат, асабий, ақлли, мовий кўзли, паст бўйли, ҳали анчагина ёш йигит турарди, фаҳмлашимча, бу унинг шахсий секретари Уайлдер эди. Гапни у ғоятда кескин ва ҳатто истеҳзоли оқсангда бошлади:

— Доктор Хакстейбл, мен ҳузурингизга эрталаб келган эдим, аммо, афсуски, кеч қолибман, сизнинг Лондонга боришингизга монелик қилолмадим. Менга айтишларича, сиз ўёққа мистер Шерлок Холмсга шу ишни текширишни топшириш учун уни бошлаб келгани кетган экансиз. Соодати олийлари сиз бу ишни аввал у киши билан маслаҳатлашиб олмасдан бошламоқчи бўлганингиздан таажжубдалар, доктор Хакстейбл.

— Полициячиларнинг қидиришлари ҳеч қандай натижа бермагандан кейин...

— Соодати олийлари бундай деб ўйламайдилар.

— Ахир, мистер Уайлдер!..

— Ўзингизга маълумки, доктор Хакстейбл, соодати олийлари бу ишнинг овоза бўлиб кетишини истамайдилар. У киши бу нарсадан бегона одамларнинг воқиф бўлишини хоҳламайдилар.

— Буни тузатиш осон,— деб ғўлдиради қўрқиб кетган доктор.— Мистер Шерлок Холмс Лондонга эрталабки поезд биланоқ жўнаб кетиши мумкин.

— Жўнамоқчи эмасман, доктор, жўнамоқчи эмасман!— деди Холмс, эҳтиром билан жилмайиб.— Шимол ҳавоси шу қадар ёқимли, сиҳат-саломатлигим учун шу қадар сершифоки, мен бу ернинг далаларида бир неча

кун бўлишга қарор бердим, ўзим билганимча кўнгил-хушлик қиласан. Сизнинг гўшангиздами ёки қишлоқ меҳмонхонасидами бошпана топаман, албатта, бу фақат сизгагина боғлиқ.

Шўрлик доктор бутунлай саросимада қолган эди, аммо бу орада қизғиши соқолли герцогнинг тушки овқатга чақирганда чалинадиган занг садосига ўхшаган янгроқ йўғон овози унинг жонига ора кира қолди.

— Мистер Уайлдер ҳақли, доктор Хакстейбл. Сиз мен билан маслаҳатлашишингиз керак эди. Модомики, сиз мистер Холмсни бу ишдан бутунлай воқиф қилган экансиз, унинг ёрдамидан воз кечин биз учун ақлдан бўлмас эди. Сизнинг қишлоқ меҳмонхонасига бориб ўтиришингизнинг ҳожати йўқ, мистер Холмс, мен сизларни Холдернесс-холлда хушнудлик билан қабул қиласан.

— Шоён ташаккур, саодати олийлари. Бироқ, ишимизнинг манфаатларини кўзлаб, мен шу ерда, ҳодиса содир бўлган жойда қолганим тузукроқ.

— Сизни қийноқ-қистоққа олмайман, мистер Холмс. Борди-ю, сизга менданми ёки мистер Уайлдерданми биронта ахборот керак бўлиб қолгудек бўлса, биз хизматингизга тайёрмиз.

— Холдернесс-холлга бориб келишимга ҳам тўғри келар,— деди Холмс.— Ҳозир эса, сэр, ўғлингизнинг сирли бир тариқада ғойиб бўлганини нима деб таъбиришингизни билмоқчи эдим, холос.

— Сизга жавоб беришдан қийналаман, сэр.

— Мен сиз учун ёқимсиз бўлган мавзуга тегиб ўтсан кечирасиз. Нима дейсиз, бу ишга онаси аралашмаганмиш?

Министр бир оз жавоб бермай турди.

— Йўқ, ундан деб ўйламайман,— деди у ниҳоят.

— Унда ўз-ўзидан бошқа бир таъбир тилга келади: балки болани пул ундириш учун гаровга олиб кетишгандир? Ундан даъволар бўлмаганмиди?

— Йўқ, сэр.

— Яна бир савол, саодати олийлари. Менга маълумки, ўғлингиз йўқолган куни сиз унга хат ёзган экансиз.

— Йўқ, бир кун олдин эди.

— Мутлақо тўғри. Аммо сизнинг хатингизни у худди ўша куни олган экан-ку?

— Ҳа.

— Ўша хатда уни ташвишлантириши ёки қочишига баҳона бўладиган бирон нарса йўқмиди?

— Албатта, йўқ эди, сэр!

— Хатни ўзингиз жўнатганмидингиз?

Герцогнинг ўрнига ғижинганича секретари жавоб берди:

— Саодати олийларининг хат-хабарларини шахсан ўзлари жўнатадиган одатлари йўқ. Бу хат бошқалари билан бирга кабинетдаги столда қолдирилган экан, мен уларнинг ҳаммасини почта халтасига солдим.

— Бошқа хатлар орасида ўшаниси ҳам бўлганига аминмисиз?

— Ҳа, мен уни кўрганман.

— Уша куни сиз нечта хат ёзган эдингиз, саодати олийлари?

— Иигирмата десаммикан, ўттиста десаммикан. Мен кенг миқёсда ёзишма олиб бораман. Аммо, менимча, биз ишнинг моҳиятидан бир оз четга чиқиб кетдик.

— Йўқ, нега энди! — деди Холмс.

— Мен ўзим полицияга қидириш ишларини Франциянинг жанубига йўналтиришни маслаҳат бердим, — деб давом эттириди герцог. — Такрор айтаман: мен онаси ўғлини шундай мудҳиш хатти-ҳаракатга рағбатлантира олади, деб ўйлай олмайман, аммо бола шундай ўжарки, онасининг олдига қочиб кетган бўлиши ҳам мумкин, қолаверса, ўша немис гиж-гижклаб кўмак берган бўлса ҳам ажаб эмас. Энди, доктор Хакстейбл, яхши қолиинг.

Мен Холмснинг ҳали қанчадан-қанча саволлари бор эканлигини ҳис қилиб турардим, аммо герцог гапни калта-кўтаҳ қилиб қўяқолди. Бу киборнинг нозик зода-гонлиги оиласвий ишларини бегона одам билан муҳокама қилиб ўтиришга йўл қўймас, афтидан, у ҳар бир янги савол ҳаётининг усталик билан яширилган ҳар бир қоронғи бурчагини омонсиз равишда очиб юборишидан қўрқар эди.

Герцог ва мистер Уайлдер кетишлари биланоқ дўстим ўзинга хос ғайрат билан дарҳол ишга киришди.

Боланинг хонасини синчиклаб кўздан кечириш, дे-разадангина тушиб қочган, деган узил-кесил ишончдан бошқа ҳеч нарса бермади. Немис муаллимнинг хонасидаги буюмлари орасида ҳам янги далиллар топилмади. Деразаси тагидаги чирмовуқ уни кўтаролмасди, биз фонарчани ўтлоққа тутиб, чуқур пошна изларини кўрдик. Топталган ўт — сабаби номаълум бўлган тунги қочишидан гувоҳлик бериб турган бирдан-бир нарса шу эди.

Шерлок Холмс мени ёлғыз қолдириб чиқиб кетди, кечаси ўн бирлардан ошганда қайтиб келди. У қаекандир шу ернинг каттакон харитасини топиб келиби. Уни хонадаги каравотга ёзиб, ўртасига чироқни ўрнаштириб қўйди. Кейин тамаки тутатди-да, ўзини қизиқтираётган нуқталарни бурқсиб турган трубкасининг каҳрабо банди билан менга ўқтин-ўқтин кўрсатганча, ха-ридини диққат билан кўздан кечира бошлади.

— Бу иш мени борган сари ўзига тортмоқда, Уотсон,— деди дўстим.— Қизиқ иш, жуда қизиқ... Аммо ҳозир, меп бу ишга кириша бошлаганимданоқ, текшириш давомида муҳим аҳамиятга эга бўлиши мумкин бўлган баъзи бир географик деталларга диққатингизни тортмоқчи эдим. Мана бу харитага қаранг. Майдадизни билан тўлатилган бу квадрат — мактаб. Бу ерга тўғнағич қадаймиз. Мана бу — тош йўл. У шарқдан фарбга қараб мактабнинг олдидан ўтган, бир миля масофа давомида у томонда ҳам, бу томонда ҳам ундан ёнга бурилган йўллар йўқ. Борди-ю, қочоқларимиз шу йўлдан юрган бўлсалар, четга бурила олмаганлар.

— Тўғри.

— Омад бизга ёр бўлиб, ўша куни кечаси тош кўчада нималар бўлганини текширишимиз мумкин. Ҳозир трубкам турган мана бу жойда кечаси ўн иккidan эрталаб соат олтигача полисмен навбатчилик қилган. Кўриб турибсиз, бу тош йўлнинг шарқий қисмидаги биринчи чорраҳа. Полисмен ўз постидан бир дақиқа ҳам нари жилган эмас, у, агар бу ердан катта киши билан бола ўтса, албатта кўрган бўлардим, дейди. Мен у билан бугун кечқурун гаплашдим, менингча унинг сўзларига ишонса бўлади. Демак, тош йўлнинг бу қисми мустасно. Энди унинг фарбий қисмидаги аҳвол билан танишасиз. У ерда «Қизғиши ҳўқиз» деган меҳмонхона бор, унинг бекаси касал ётибди. У Мэклтондаги врачга одам юборган экан, аммо врач бошқа беморни кўргани кетган экан, унинг олдига эрта тонгдагина келиби. Меҳмонхонадагилар уни кута-кута, келаётганини билиш учун тош йўлга мўралай-мўралай кечаси билан ухламай чиқишибди. Бу одамларнинг гапига қараганда, меҳмонхонанинг олдидан ҳеч ким ўтмаган. Уларнинг гапига ишонсак, демак, тош йўлнинг фарбий қисми ҳам бизда ҳеч қандай шак-шубҳа қолдирмайди. Бинобарин, қоқлар қандайдир бошқа бир йўлни танлаганлар.

— Велосипед-чи? — дедим мен.

— Ҳа, велосипед. Ҳозир у билан шуғулланамиз.

Шундай қилиб, мuloҳазаларимизни давом эттирамиз. Модомики, қочоқлар тош йўлга чиқмаган экавлар, бинобарин, улар мактабнинг ё шимол томонига, ё жашуб томонига қараб кетганлар, бу шубҳасиз. Келинг, шу икки тахминни чамалаб кўрайлик. Мактабнинг жанубида каттакон дала бўлиб, майда-майда бўлтакларга бўлинган; ҳар қайсиси бир-биридан тош девор билан ажратилган. Бу ерлардан велосипед билан ўтиш мумкин эмас, бинобарин, бу тахминдан ҳам воз кечиш керак. Энди диққатимизни шимолга қаратамиз. Биз у ерда «Қийик лахтак» деган дарахтзорни кўрамиз, унинг нарёғида ўн миляча ичкариликка ботқоқ яланглик чўзилиб кетган, шимолга борган сари тепаликлар кўяна боради. Унинг чапроғида Холдернесс-холл жойлашган, уига тош йўл билан борилса ораси ўн миля, тўғри кесиб чиқилса олти милягина. Ундан нарида, ўзнигиз кўриб турибсиз, Честерфилд тош йўли ўтган, унинг ёқасида икки-уч коттеж, черков билан меҳмонхона жойлашган. Орқасида — баланд, тик тушган тепаликлар. Аминманки, биз қидиришларимизни шу ёққа, шимолга йўналтиришимиз керак.

— Ахир велосипед-чи? — деб такрорладим мен.

— Бунга велосипеднинг нима дахли бор?! — деди тоқатсизланиб Холмс.— Яхши велосипедчилар тош йўллардан бошқа жойлардан ҳам юраверадилар. Яланглини сўқмоқ босиб кетган, бундан ташқари, ўшанда сутдек ойдин кеча бўлган. Тўхтанг! Бу нима бўлди?

Эшик ташвишли дукиллаб — шундан кейиноқ хонаизга доктор Хакстейбл кириб келди. У қўлида соябонингга оқ тасма тикилган мовий зангори кепка ушлаб турарди.

— Топилдиқ! — дея хитоб қилди у. — Худога шукр! Ниҳоят болагинамизнинг изини топиб олдиг-а! Бу унинг кепкаси!

— уни қаердан топиб олдинглар?

— Ялангликда манзил ташлаб турган лўлиларининг соябон аравасидан. Улар макон қурган жойларидан сешанба куни қўзғалишган эди. Бугун полиция устларига ёпирилиб бориб, соябон араваларини тиитибди. Шу нарсани топишибди.

— Бу уларнинг қўлига қандай қилиб тушиб қолибди? Улар нима дейишаётки?

— Бўйин товлаб ёлғон гапиришаётки. Келкани сешанба куни эрталаб ялангликдан тоянб олганимиз, деб қасам ичишялти. Йўқ, бу ярамаслар боланинг қаерда

эканлигини билишади! Хайриятки, уларнинг ҳаммасини қамаб қўйишибди. Қонундана қўрқиб тиллари ечила қолади. Қонундана қўрқибгина эмас, герцогнинг қаппайган ҳамёнини кўриб ҳам.

— Хўп, майли, яхши,— деди Холмс, доктор хонадан чиқиб кетаркан.— Ҳар қалай, бу менинг, ялангликдаги қидиришларгина биронта натижа бериши мумкин, деган назариямни тасдиқлайди. Агар лўлиларни қамоққа олганини айтмасак, полиция бу ўринда ҳеч нарса қилган эмас. Харитага қаранг, Уотсон. Ялангликдан жилға ўтган. Мактаб билан Холдернесс-холлнинг ўртасида унинг баъзи жойлари ботқоқланган. Ҳозир об-ҳаво шундай қурғоққи, бошқа жойлардан қидириш бефойда. Ботқоқда эса унча-мунча из қолган бўлса ажаб эмас. Мен эртага олдингизга барвақтроқ келаман, биз бу сирли воқеани ойдинлаштиришга уриниб кўрамиз.

Эртасига фира-шира тонгда уйғонарканман, каравотимнинг бошида Холмснинг новча, озғин гавдасини кўрдим. У кийинган, пайқашимча, аллақачон сайр ҳам қилиб келган эди.

— Мен ўтлоқ билан велосипедлар турган бостирма ни кўздан кечирдим,— деди дўстим,— кейин «Қийик лахтак»ни айландим. Туринг, Уотсон, қўшни хонага қа-ка олиб келиб қўйишиди. Тезроқ бўлишингизни илтимос қиласман, чунки бугун биз жуда кўп иш қилишимиз кепрак...

Дўстимнинг юзи бўғриққан, кўзлари ҳавас қилган ишига киришиш иштиёқида турган кишининг кўзлари-дек чақнамоқда эди. Бу Бейкер-стритдаги ўз ўйлари билан банд бўлган рангпар хаёлпарастга мутлақо ўхшамаган, серҳаракат, серғайрат бошқача Холмс эди. Мен унинг тетик, куч-гайрат барқ ураётган жуссасига қарарканман, олдимиизда серташвиш бир кун турганини пайқадим.

Аммо бу кун қаттиқ ўқинч билан бошланди. Биз қалбимиз тўла умид билан, қўйлар из солган кўпдан-кўп сўқмоқлар кесиб ўтган қўнғир торф яланглик бўйлаб йўлга ровоқа бўлдик, тез орада биз Холдернесс-холл орасида ётган оч-яшил созлоқ ўтлоққа чиқиб бордик. Агар бола уйига қочган бўлса, бу ердан ўтмаслиги мумкин эмас эди. Бу ерда унинг излари ёки немис муаллимнинг излари қолиши керак эди. Аммо биз бундан асар ҳам топа олмадик. Дўстим бу яшил ўтлоқни ёқалаб бораркан, қошлигини чимирганча унинг пўпанак босган сатҳидаги ҳар бир қора доғга диққат билан

тикиларді. Бу ерда құй-құзи излари сон-саноқсиз әди, яна бир неча миля юриб борғаң эса сигир туёқлари изларини күрдик. Учратганларимиз шугина әди.

— Ишимиз ишкал,— деди Холмс, қаршимиздаги әйилиб кетган ялангликті тунд бир назар билан күздан кечирапкан.— Ҳов, ана у ерда яна ботқоқлик бор, унинг ўртасидан торгина йўл ўтган. Қаранг! Қаранг! Бу нима бўлди?

Биз қора тасмадек буралиб кетган сўқмоққа чиқдик. Унинг қоқ ўрталиғида, лойда велосипед ғилдиракларининг излари аниқ кўриниб турарди.

— Ура!— деб қичқирдим мен.— Ана, велосипед ҳам топилди!

Аммо Холмс бош чайқади. Чеҳраси хушнуд әмас, унда таажжубланган ва сергакланган бир ифода бор әди.

— Велосипедликка велосипедку-я, аммо бошқа велосипед,— деди у.— Менга қирқ икки хил велосипед шиналарининг излари маълум. Бу, кўриб турибсизки, «Данлоп» фирмасининг шинаси, ямоғи ҳам бор. Хайдеггер велосипедининг шиналари «Палмер» фирмасиники бўлиб, кўндаланг чизиқли экан. Буни менга математика муаллими Эвелинг айтиб берди. Бинобарин, бу ердан Хайдеггер әмас, бошқа бир одам ўтган.

— Демак, бола?..

— Эҳ, кошки әди биз унинг велосипеди борлигини исботлаёлсак! Ахир бизга, унинг велосипеди йўқ әди. деб уқтиришяпти-ку. Бу излар, ўзингиз кўриб ишонч ҳосил қилишингиз мумкинки, мактаб томондан келган.

— Еки мактаб томонга қараб кетган.

— Йўқ, қадрдоним Уотсон. Орқа ғилдиракнинг изи ҳамиша чуқур бўлади, чунки оғирликнинг кўпи унга тушади. Мана, кўряпсизми, бир неча жойда у олдинги ғилдиракнинг изи билан устма-уст тушив уни босиб кетган. Йўқ, велосипедчининг мактаб томондан келганилиги шубҳасиз. Эҳтимолки, унинг қидиришларимизга ҳеч қандай дахли йўқдир-у, ҳар қалай, уларни кўздан кечиришни давом эттиришдан олдин, бу издан орқага қараб қайтайлик-чи.

Биз худди шундай қилдик, икки юз, уч юз ярд нарида, сўқмоқ ботқоқликдан четга бурилган жойда велосипед ғилдиракларининг излари гойиб бўлган әди. Аммо ундан нарида сўқмоқни жилға кесиб ўтган әди, ундан ўтилгач излар яна пайдо бўлди; зотан уларни сигирлар топтаб ташлаган әди. Сўнгра сўқмоқ «Қийик

лахтакка»— мактаб биносига тақалган дарахтзорга кириб кетди. Велосипедчи, афтидан, шу дарахтзордан чиқиб келгандың ўшайды. Холмс дүнг тошга ўтириб, құлларини иягига тиради. У шу таҳлитда қимирламай ўти-раркан, бу орада мен иккита сигарета чекиб улгурдым.

— Хүш,— деди ниҳоят дүстим,— әхтиёткор одам, маълумки, изини адаштириш учун велосипедининг шиналарини алмаштириши мүмкін. Шу қадар башорат қила олниш истеъодига эга бўлган жиноятчи билан тўқнаш келишни мен ўзим учун каттакон шараф деб билардим. Бу масалани чала қолдириб, ботқоққа қайтайлик, чунки у ерда ҳали ҳамма нарса текшириб кўрилган эмас.

Биз ялангликтининг ботқоққа айланган қисмини син-чиклаб кўздан кечиришни давом эттиридик ва тез орада хизматларимиз зое кетмаганига амин бўлдик. Холмс яна бир лой сўқмоқни кўриб қолиб, унга яқин борди-да, хурсандликдан қичқириб юборди. Сўқмоқнинг қоқ ўтасида худди телеграф симларидек ингичка из ўтган эди. Бу «Палмер» велосипед шиналарининг изи эди.

— Герр¹ Хайдеггер шу ердан ўтган!— деди ҳаяжон билан Холмс.— Менинг тахминларим унча чакки бўлмаган экан, Уотсон!

— Табриклиман сизни бу муваффақият билан.

— Ҳали иш охирига етгунча узоқ. Илтимос қиласман, сўқмоққа оёқ қўя кўрманг. Шу издан борайлик-чи. У ҳадемай узилиб қолса керак.

Ялангликтининг бу қисмida ўқтин-ўқтин созлоқ жойлар учраб турарди, гарчанд велосипед изи тез-тез йўқолиб турса-да, биз уни ҳар гал топиб олардик.

— Сезяпсизми,— деди Холмс,— бу ерда велосипед-чи педални қаттиқроқ айлантирган. Бу мутлақо равшан. Мана бу ерга қаранг, бунда олдинги филдиракнинг ҳам, орқасидагининг ҳам излари сақланиб қолган. Уларнинг иккоби ҳам аниқ. Бу шу туфайлики, велосипедчи оғирлик марказини рулга кўчирган, одатда пойгачилар шундай қиласидилар. Ё раббий, у йиқилибди!

Лой сўқмоққа сидирилган сербар из тушган эди. Ундан нарироқда пойабзал излари кўринарди, кейин яна велосипед изи пайдо бўлди.

— Филдираклар сирғалиб борганми?— деб сўрадим мен.

Холмс ердан бир туп синган бутани олди. Ваҳмим

¹ Герр — жаноб (немисча).

келди, унинг сариқ гулларига қизил нарса сачраган эди. Сўқмоқ билан қалин ўсган сариқ гулли буталарда қо-тиб қолган қўнғир қон доғлари қорайиб турарди.

— Иш расво! — деди Холмс. — Жуда расво! Бу ерга оёқ қўйманг, Уотсон, нарироқ туринг. Шундай қилиб, бу ерда нималарни ўқиш мумкин? У яраланиб йиқилган... ўридан турган... яна велосипедини миниб йўлида давом этган. Сўқмоқдан пода ўтган. Уни ҳўқиз сузмагандир-ку, ахир! Аммо бу ерда бошқа из йўқ. Олға, Уотсон! Қон доғлари, велосипед ғилдиракларининг излари — биз уни ақалли шу излардан топмай қўймасмиз дейман!

Қидиришларимиз узоққа чўзилмади. Велосипед изи йилтираб турган памхуш сўқмоқ бўйлаб қинғир-қийшиқ бўлиб кета бошлади. Мен олдинга қараган эдим, бирдан кўз ўнгимда қандайдир металл ярақлаб кетди. Биз қалин сариқ гулли бутазордан «Палмер» шиналари ўрнатилган велосипедни олиб чиқдик. Унинг бир педали майишган, рули билан олдинги ғилдираги туташ қонга беланган эди. Сал нарироқда ўт орасидан оёқ кийими чиқиб турарди. Биз уёққа қараб югурдик ва шўрлик велосипедчини кўрдик — у серсоқол новча одам бўлиб, кўзойнагининг ўнг томони синган эди. У миясини мажақлаб юборган кучли зарбадан ўлган эди. Шундай жароҳатдан кейин ҳам яна бир неча метр жойга бора олгани унинг ғоятда жони қаттиқлигидан ва зўр матонатидан дарак берарди. У ботинкасини қўлантаёқ кийган, пиджаги остидан эса ичкўйлаги кўриниб турарди. Шубҳага ўрин йўқ — кўз ўнгимизда немис муаллим ётарди.

Холмс жасадни эҳтиётлик билан ағдариб, уни кўздан кечирди-да, кейин ўтириб ўйга толди. Мен дўстимнинг ташвишли юзига қаарканман, бу даҳшатли топилдиқ текширишларимизни анча олдинга жилдирганини пайқадим.

— Нима қилишимиз кераклигини билмай қолдим, Уотсон, — деди ниҳоят Холмс. — Яна нарироқ борсак дейман. Қидиришларимиз шу қадар чўзилиб кетдики, биз бир соат фурсатни ҳам қўлдан бермаслигимиз керак. Иккинчи томондан, полицияга хабар бериш керак. Ахир бу шўрликнинг жасадини бу ерда қолдириш мумкин эмас-ку!

— Мендан хат бериб юборақолинг.

— Сиз билан, сизнинг ёрдамингизга муҳтожман-да! Тўхтанг, ҳов ана у ерда кимдир торф чопаётибди. Уша

одамни чақиринг, бу ерга полицияни бошлаб келсин.

Мен Холмснинг илтимосини бажо келтирдим, у ўтаси ёрилаёзган фермерни хат билан доктор Хакстейблга жўнатди.

— Шундай қилиб, Уотсон,— деб яна гап бошлади дўстим,— бугун эрталаб сиз билан биз иккита из топдик. Биринчисини «Палмер» шинали велосипед қолдирган, у бизни қаерга олиб келганини кўриб турибсиз. Биз топған иккинчи нарса — ямоқ солинган «Данлоп» шинасининг изи. Мана шу иккинчи издан кетишдан олдин бизга нималар маълум эканлигини аниқлаб олайлик, муҳим нарсаларни номуҳимларидан ажратиб олайлик... Энг аввал мен шу нарсани таъкидламоқчиманки, бола ўз ихтиёри билан қочиб кетган. У деразадан тушиб ёлғиз ўзи ёки шериги билан қочган. Бу шубҳасиз.

Мен тасдиқ ишораси билан бош иргадим.

— Хўп. Энди баҳтсиз немис билан шуғулланамиз. Бола кийиниб олишга улгурган — бинобарин, у қочишига тайёрланган. Немис эса, чамаси, наридан-бери кийинган, шунинг учун ҳам пайпоғини киёлмай чопган.

— Шубҳасиз.

— Уни деразадан ошиб тушишга пима мажбур қилган? Шу нарса мажбур қилганки, у қочиб кетаётган болани кўриб қолган. Етиб олиб уни қайтармоқчи бўлган. У велосипедини олиб, қочоқни изидан қувади ва ботқоқликка бориб ҳалок бўлади.

— Ҳа, шунақага ўхшаброқ туриби.

— Энди мен мулоҳазаларимнинг энг баҳсли қисмига яқинлашдим. Қичкина болани таъқиб қилиб кетаётган катта одам унинг орқасидан югурга қолса ҳам бўларди. Үнга бемалол етиб олиши мумкин эди. Аммо немис, доктор Хакстейблнинг сўзларига қараганда ажойиб велосипедчи бўлган бу одам, бошқача иш тутади—яъни велосипедини олиб чиққани бостиrmага чопади. Бундан хулоса шуки, у боланинг ўз оёқларидан кўра мукаммалроқ ҳаракат қилиш воситасидан фойдаланганини кўрган.

— Бошқача сўз билан айтганда, бироннинг велосипедини олганми?

— Қочиши манзарасини охиригача тиклайлик-чи. Немис мактабдан беш миля узоқликда ҳалок бўлади — билиб қўйинг, бола узиши ҳам мумкин бўлган ўқдан эмас, забардаст кишининг қўли билан бошига туширилган залварли зарбадан ҳалок бўлади. Демак, боланинг ҳамроҳи бўлган, улар шу қадар тезлик билан йироқ-

лашганларки, моҳир велосипедчи уларга бешинчи миля-дагина етиб олган. Фожиа рўй берган жойни кўздан кечирарканмиз, сигир туёқларининг изларинигина кўрдик, холос. Мен кенгроқ доирани, эллик қадамча жойни айланиб келдим, биронта ҳам сўқмоқ кўрмадим. Иккинчи велосипедчининг суюқасдга ҳеч қандай дахли бўлмаган, у ерда оёқ излари йўқ эди.

— Холмс!— деб хитоб қилдим мен.— Бунга ақл бовар қилмайди!

— Офарин!— деди у.— Тўқис-тугал хулоса чиқардик. Менинг воқеаларни изҳор қилиб беришимида қандайдир ақл бовар қилмайдиган бир нарса бор — бинобарин, мен янгишганман. Аммо сиз мен билан ҳамиша бирга бўлдингиз, ҳамма нарсани ўз кўзларингиз билан кўрдингиз. Мен қаерда янгишдим экан?

— Балки боши йиқилганида ёрилгандир.

— Ботқоқликда-я, Уотсон?

— Ҳеч нарсага тушунолмай гаранг бўлиб қолдим, Холмс.

— Қўйинг, қўйинг, биз бундан мушкулроқ жумбоқларни ҳам ечганмиз. Мулоҳаза юритиш учун биздаги материал етарли, уни фақат ақл билан ишга сола билиш керак... Шундай қилиб, мулоҳазамизни давом эттирамиз, Уотсон. «Палмер» шиналари бизга борини айтиб берди. Энди, қани кўрайлиқ-чи, яマルган «Данлоп» шинаси бизни қаёққа олиб борар экан.

Биз шу издан кетдик, тез орада кўз ўнгимизда ёнбағирларида арчагул ўсган қия тепаликлар бошланди: жилға ортимизда қолди. Иўлни давом эттиришнинг фойдаси йўқ, чунки «Данлоп» шиналарининг излари чап томонда улуғвор миноралари қад кўтариб турган Холдернесс-холлга ёки харитага қараганда орқасидан Честерфилд тош йўли ўтган пастак кулранг уйлар томонга олиб бориши мумкин эди.

Биз лавҳасига хўроз сурати солинган ғоят кўримсиз, кўҳнагина меҳмонхонага етишимизга бир неча қадам қолганда Холмс бирдан: «Воҳ!» деб юборди-да, йиқилиб кетмаслик учун елкамни ушлаб олди. Унинг оёғи қайнилиб кетган эди. Маълумки, бундай пайтларда одам мутлақо ёлғиз ўзи қолади. У остонасида ўрта ёшлардаги қорамагиз, яғриндор одам трубка чекиб ўтирган меҳмонхона эшигига амал-тақал билан оқсоқлана-оқсоқланда етиб олди.

— Салом, мистер Рюбен Хейз,— деди Холмс.

— Сиз ким бўласиз, менинг отимни қаёқдан била-

сиз?— деб сўради бу одам Холмсни бошдан оёқ шубҳа билан совуққина кўздан кечираркан.

— Сизнинг отингиз тепангиздаги лавҳага ёзиб қўйилган, манаман деб турибди. Айтинг-чи, карета қўрангизда биронта шалдироқ арава йўқми?

— Йўқ.

— Унг оёғимни босолмай қолдим.

— Босолмасангиз босолмай қўяқолинг.

— Қандай қилиб юраман бўлмаса?

— Бир оёқда ҳаккалаб бўлса ҳам етиб оларсиз.

Мистер Рюбен Хейзнинг жавоблари совуққина бўлса-да, аммо Холмс унинг қўполликларига ғоятда хушкўнгиллик билан чидаб бермоқда эди.

— Менга қаранг, азизим,— деди у,— қандай фалокатга дучор бўлганимни кўриб турибсиз-ку. Биз манзилимизга етиб олсак бўлгани, нимада қандай етиб олишимизнинг менга фарқи йўқ.

— Менга эса ундан ҳам фарқи йўқроқ,— деб жавоб берди шумшайган одам.

— Мен бу ерга муҳим иш билан келганман. Менга велосипедингизни бериб туринг, хизматингиз учун бир соверен пул оласиз.

Меҳмонхона эгаси қулоқларини диккайтирди:

— Қаёққа бормоқчи эдингиз?

— Холдернесс-холлга.

— Герцогникига меҳмондорчиликка эмасми ишқилиб?— деди меҳмонхона эгаси, бизнинг лой сараган кийимларимизга кулиб қааркан.

Холмс хушнудлик билан кулиб юборди:

— Герцог бизни қучоқ очиб қарши олади.

— Нега энди?

— Чунки биз унга йўқолган ўғли ҳақида хушхабар олиб кетяпмиз.

Мистер Хейз сесканиб тушди:

— Топдиларингми-я?

— Ливерпулдан хабар беришди, у ўша ерда экан. Уни ҳадемай топиб олишади.

Тук босган бу дағал башарадан ниманингdir шарпаси ўтди. Мистер Хейз бирдан юмшаб қолди.

— Менинг герцогда кеким бор,— деди у,— чунки унга кучер бўлиб хизмат қилганимда менга нисбатан қаттиқ инсофсизлик қилган. Ҳашакфуруш мени унга нима балолар деб ёмонлабди, дарров жавобимни берди, ҳаттоқи, тавсиянома ҳам ёзиб бермади. Лекин мен ёш лорднинг Ливерпулдан топилганига барибир хурсанд-

ман. Майли, бу хушхабарни Холдернесс-холлга етказишиларингиз учун ёрдам бераман.

— Саломат бўлинг,— деди Холмс.— Аммо биз олдин овқатланниб оламиз, кейин менга велосипедингизни берасиз.

— Менинг велосипедим йўқ.

Холмс унга бир соверен кўрсатди.

— Сизга айтяпман-ку, велосипедим йўқ, деб! Отда кетасизлар.

— Яхши,— деди Холмс.— Аввал қорнимизни тўйдиринг-чи, бу тўғрида кейин гаплашармиз.

Биз тагнга тош тахта ётқизилган ошхонада ёлғиз қоларканмиз, Холмснинг оёғи бирдан ўзидан-ўзи оғри-май қолди. Кеч кириб келмоқда эди. Биз очиқдан эдик, столдан туришга ошиқмасдик. Ўз ўйлари билан банд бўлган Холмс сукунатни бузмай бир неча марта дераза олдига борди. Дераза ахлат уюлиб кетган ҳовлига қараган эди. Ҳовлининг бир бурчагида темирчилик жойлашган бўлиб, кир-яғир ўсмир бола ишламоқда, иккичи бурчагида — отхона жойлашган эди. Шундай сайдардан биридан кейин Холмс яна столга ўтирида, бирдан қаттиқ ҳайқирганича ўрнидан туриб кетди.

— Бўлди, Уотсон! Топдим! — деб юборди у.— Энди ҳаммаси равшан. Уотсон, бугун эрталаб сигир туёқларининг изини кўрган эдингиз-а?

— Кўрган эдим.

— Қаерда?

— Ҳамма ерда. Ботқоқликда ҳам, сўқмоқда ҳам, шўрлик Хайдеггер хаёт билан видолашган жойда ҳам.

— Тўғри. Энди, Уотсон, айтинг-чи, биз нечта сигир кўрдик?

— Ҳеч қандай сигир кўрганим йўқ.

— Таажжуб, Уотсон! Ҳамма ерни сигир туёқларининг излари босган-у, сигирларнинг ўзлари ҳеч қаерда кўринмайди. Дарҳақиқат таажжуб-а?

— Ҳа, дарҳақиқат.

— Энди, Уотсон, диққатингизни тўплаб, сўқмоқдаги бу излар қай тариқада эканлигини кўз олдингизга келтиришга ҳаракат қилинг.

— Хўп, кўз олдимга келтирдим.

— Едингиздами? Баъзи жойларда улар бундай эди...— у столга ион ушоқларини тера бошлади:— : : :— Баъзи жойларда эса бундай эди:— . . . :— Баъзи бир жойларда бўлса мана бундай эди:— . . :— Эсингиздами?

-- Йўқ.

— Менинг эсимда, буни қасамёд этиб тасдиқлашга ҳам тайёрман. Дарвоқе, биз ҳали у ерга қайтиб бориб ҳаммасини ўша жойнинг ўзида текшириб кўрамиз. Нима бало, эсим киарли-чиқарли бўлиб қолганми, бундан тегишли хулосалар чиқармабман!

— Қандай хулосалар?

— Бундай хулосалар: улар шундай аломат сигирлар эканки, уларни ҳар қанақасига юргизса бўларкан — йўрттиrsa ҳам, шаталоқ оттириб чоптиrsa ҳам, жўп юргизса ҳам бўлар экан! Сўзим ёдингиизда бўлсин, Уотсон, бунақанги маккорона ҳийлаларга қишлоқ ошхонаси эгасиннг зеҳни-фаросати етмайди! Ҳовлида темирчиликдаги йигитчадан бошқа ҳеч ким йўқ. Уша ёққа тушиб, у ердаги аҳволни бир кўздан кечирайлик.

Ярим хароба отхонада қақшаб, ювиб-таралмаган иккита пахмоқ от турарди. Холмс улардан бирининг орқа оёғини кўтариб кўриб, қаҳқаҳлаб кулиб юборди:

— Тақалари эски-ю, яқингинада қоқишибди. Тақалари эски-ю, михлари янги. Бу иш классик ишлар қаторидан жой олмоқда — у бунга жуда ҳам муносиб. Энди темирчиликни кириб кўрайлик-чи.

Уз иши билан банд бўлган ўсмир бизга қайрилиб ҳам қарамади. Мен Холмснинг темир парчалари ва пайрахалар уюлиб кетган темирчиликни ошиғич кўздан кечирганини кўрдим. Дафъатан орқамиздан одим товушлари эшитилиб, меҳмонхона эгасини кўрдик. Қаҳр билан чақнаб турган кўzlари устидаги қалин қошлари бир бўлиб туташиб кетган, қорамагиз юзи титроқдан учмоқда эди. У қўлида темир қопланган калта чўқмор ушлаганча устимизга таҳдид билан бостириб келмоқда эди, мен чўнтағимни пайпаслаб унда тўппонча борлигидан қувониб қўйдим.

— Полиция исковичлари! — деб қичқирди у. — Сизларнинг муддаоларингиз нима?

— Мистер Рюбен Хейз, кўйсангиз-чи! — деди Холмс бамайлихотиргина. — Важоҳатингиздан дарҳақиқат биз бу ердан бирон нарса топиб олгандек қўрқяпсиз деб ўйлаш мумкин.

Хейз ўзини зўр куч билан аранг ўнглаб олди, лаблари сохта илжайиб, қийшайди, бу менга унинг мудҳиш қиёфасидан ҳам даҳшатлироқ кўринди.

— Марҳамат, қидираверинглар, нима топсанглар сизларники, — деди у. — Аммо мен чет одамларнинг қўрамда берухсат изғиб юришларини ёқтирумайман. Шу-

нинг учун ҳам, мистер, сиз ҳисоб-китобингизни қанча тезроқ қилиб, бу ердан қанчалик тезроқ даф бўлсангиз, шунча яхши бўлади.

— Биздан аччиғланманг, мистер Хейз,— деди Холмс.
— Биз отларингизни кўрмоқчи эдик, холос, аммо мен пиёда ҳам кета оладиганга ўхшайман. Ахир Холдернесс-холл узоқмасдир-ку?

— Бу ердан дарвозасигача икки миляча келади, шундан ортиқ эмас. Ҳов ўша йўлдан чапга қараб юрилади.

У бизни ҳовлидан шумшайганча кузатиб чиқди.

Биз кўп йўл юрмадик. Холмс биринчи муюлишга етганимиздаёқ тўхтади, у энди бизни ҳеч ким кўрмаслигини биларди.

— Ишимиз худди болалар ўйинидагидек «яқин-яқин»га ўхшаб қолган эди,— деди у.— Мен меҳмонхона-дан йироқлашганим сари узоқлашиб бормоқда. Йўқ, ҳали бу ердан кетишга эрта экан!

— Аминманки, бу Риубен Хейз ҳамма нарсадаи ҳа-бардор. Умрим бино бўлиб, бунақангি ёвуз башарани кўрган эмасман!

— Дархақиқат-а? Чинакам ёвуз! Отлар-чи, темирчилик-чи? Ҳа-а, бу «Жангари хўроз» деганлари жуда қизиқ жой экан! Қапи, бу ерда нималар бўлаётганини кузатайлик-чи, лекин эҳтиётлик билан, сездирмасдан.

Оптимизда харсанг тошлар билан қопланган қия тепалик туарди. Унинг ёнбағридан тепага чиқиб борарканмиз, мен Холдернесс-холл томонга қараб, йўлда суръат билан ғизиллаб келаётган велосипедчини кўриб қолдим.

— Энгашинг, Уотсон!— дея қичқирди Холмс елкамга вазмин қўлини ташлаб.

Биз бир харсанг тош панасига яширинган ҳам эдикки, у одам ғизиллаганича олдимиздан ўтиб кетди. Велосипед ортидан кўтарилган паға-паға чанг ичида мен рангсиз, ҳаяжонланган юзни — ҳар бир нуқтасидан ваҳима барқ уриб турган юзни кўриб қолдим: оғзи очилган, даҳшатдан ола-кула кўзлари бақрайган. Бу бизнинг кечаги танишимиз, олифта Жеймс Уайлдернинг бемаъни карикатурасига ўхшар эди.

— Герцогнинг секретари!— деб хитоб қилди Холмс.— Тезроқ бўлинг, Уотсон! Кўрайлик-чи, унга бу ерда нима даркор бўлиб қолди экан.

Тошдан-тошга сакрай-сакрай қияликдан тепага чиқдик, у ердан меҳмонхона эшигини кўрдик. Уайлдернинг велосипеди деворга суюб қўйилган эди. Уйда ҳеч қандай

ҳаракат сезилмас, деразалардан ҳеч ким мўраламас эди.

Қуёш Холдернесс-холлнинг баланд миноралари орқасига ботиб бормоқда, ялангликка аста-секин оқшом қоронғилиги ястанмоқда эди. Тез орада қуюқлашиб қолган қоронғиликда меҳмонхона отхонасидан икки қанотидаги фонарчалари ёқилган бир отли извошча филдираб чиқиб, олатасир чопаётган от бир-икки дақиқадан сўнг уни олдимииздан Честерфилд томонга олиб ўтиб кетди.

— Буни нима деб тушунса бўлади, Уотсон? — деб шивирлади Холмс.

— Қочишга ўхшаб турибди.

— Бир отли извош, пайқашимча, унда биргина одам ўтирибди. Аммо бу мистер Жеймс Уайлдер эмас, чунки қаранг, ана у, турибди.

Еп-ёрг чорбурчак эшик остонасида секретарининг қора шарпаси кўринниб турарди. У кимнидир кутаётгандек бўйинни чўзиб, қоронғиликка тикиларди. Бир неча дақиқа ўтди, ниҳоят йўлда одим товушлари эшитилди. Эшикдан тушиб турган ёруғда яна кимнингдир шарпаси кўринди, эшик ёпилди, меҳмонхонани яна зулмат чулғади. Сўнгра юқоридаги деразаларидан бирида чироқ ёқинлди.

— «Жангари хўроз»га ғалати мижозлар келиб тураркан,— деди Холмс.

— Қовоқхонага кириладиган йўл нариги томонда.

— Тўғри. Бу икки киши, чамаси мижозларгина эмас, майхона эгасининг меҳмонларига ўхшайди. Аммо бу маконда мистер Жеймс Уайлдерга, яна шундай бемаҳалда нима даркор бўлиб қолди экан? У ерда ким билан учрашмоқчи бўлди экан? Таваккал қилиб бўлса ҳам, Уотсон, уларни яқинроқдан кўрайлик.

Биз йўлга тушибик, писибгина меҳмонхона эшигига яқинлашдик. Уайлдернинг велосипеди ҳамон деворга суяб қўйилганча турарди. Холмс гугурт чақиб, уни велосипеднинг орқа гилдирагига олиб борди, гугурт шульласи «Данлоп» шинасидаги ямоқни ёритганда мен унинг димоғ қоқиб қўйганини эшиздим. Чироқ ёниб турган дераза худди тепамизда эди.

— Ичкарига бир мўралаб кўриш керак эди. Уотсон, агар сиз елкангизни тутиб деворга суяниб турсангиз, мен бу ишни бир амаллаб бажаардим.

Бир лаҳзадан сўнг Холмс елкамга чиқдию шу заҳотиёқ пастга сакраб тушди.

— Юринг, дўстим,— деди у.— Бугунга шуниси ҳам

етар. Биз имконимиз бор ишни қилдик. Фурсат ўтмасин, мактабга етиб олиш учун озмунча юрмаймиз.

Биз ҳориб-чарчаб ялангликдан аста-секин кетиб борарканмиз. Холмс деярли чурқ этиб оғиз очмади, мактабга ҳам кирмасдан, телеграмма бергани станцияга жўнади. Кейин муаллимнинг фожиали ўлимидан ҳангманг бўлган доктор Хакстейблга таскип бераётганини эшидим, кечаси алламаҳалда эса уни ўз хонамда кўрдим — худди бугун эрталабгидек тетик ва бардам эди.

— Ҳамма иш ажойиб тарзда кетяпти, дўстим,— деди у.— Сизга ваъда бераман, эртага кечқурунгача бу сирни фош этамиз.

Эртасига эрталаб соат ўн бирларда Холмс икковимиз Холдернесс-холлинг машҳур сарвлар хиёбонидан кетмоқда эдик. Малай бизни ажойиб равоқ олдида кутуб олиб, саодати олийларининг кабинетига бошлаб кирди. У ерда кўз ўнгимизда мистер Жеймс Уайлдер намобён бўлди. У ўзини одоб билан, камтарона, таъзимкор тутар, аммо учайдан юзи билан бежо аланглаётган кўзларида ҳамон ваҳима акс этиб турад эди.

— Сизлар герцогни кўрмоқчимисизлар? Таассуф! Саодати олийлари ўзларини нотоброқ ҳис қилмоқдалар. Кеча доктор Хакстейбл бизга телеграмма орқали хабар қилган фожина у кишини йиқитиб қўйди.

- Мен герцогни кўришим зарур, мистер Уайлдер.
- Аммо у ўз хонасидан чиқолмайди.
- Бўлмаса мен унинг олдига кираман.
- У ўринда ётибди.
- Мен, барибир, учрашишни талаб қиласман.

Холмснинг эътиrozга ўрин қолдирмайдиган совуқ гап оҳангি секретарда бу киши билан тортишиб ўтириш беҳуда эканлигига ишонч ҳосил қилди.

— Дуруст, мистер Холмс. мен кириб сизнинг келганингизни маълум қиласман.

Герцог то кабинетга чиқиб келгунича салкам бир соат вақт ўтди. Унинг кўзлари яна ҳам чуқурроқ тушган, қадди буқчайган, у кечаги кундан бери қарниб қолгандек эди. У бизга назокатли бир эҳтиром билан таъзим қилиб, креслога ўтирди.

- Қулоғим сизда, мистер Холмс.

Аммо дўстим отахонининг ёнида турган секретардан кўзини узмай тикиларди.

— Саодати олийлари, бу ерда мистер Уайлдернинг борлигидан мен бир оз андиша қилиб турибман.

Секретарнинг ранги ўчиб кетиб, Холмсга қаҳр билан қараб қўйди.

— Саодати олийлари ихтиёр қилсалар...

— Ҳа, ҳа, бизни холи қолдириинг... Шундай қилиб, мистер Холмс, сиз менга нима демоқчи эдингиз?

Дўстим секретарь эшикни ёпиб чиқиб кетгунча кутиб турди.

— Саодати олийлари,— деб гап бошлади у,— ҳамкарабам доктор Уотсон иккевимиз доктор Хакстейблдан сизни қизиқтирган бу ишни текшириш учун пул мукофоти ваъда қилганингизни эшитган эдик. Мен буни ўз оғзингиздан эшитсан, деган эдим.

— Марҳамат, мистер Холмс.

— Агар менга тўғри айтган бўлсалар, сиз, кимки ўғлингиз қаерда эканлигини кўрсатиб берса унга беш минг фунт тақдим этишини ваъда қилган экансиз.

— Жуда тўғри.

— Уни банди қилиб турган шахс ёки шахсларнинг номларини айтиб берган кишига эса яна минг фунт ваъда қилган экансиз.

— Мутлақо тўғри.

— Бу ерда, албатта, ўғирловчиларгина эмас, ўғирлаш фикрини ўйлаб чиқарганлар ҳам кўзда тутилади.

— Ҳа, ҳа!— сабрсизлик билан хитоб қилди герцог.— Борди-ю, сиз бу сирни очсангиз, мистер Холмс, мени, зиқна экан, деб нолиб юрмайсиз.

Дўстим қўлларини иштиёқ билан бир-бирига ишқаб қўйди, бу мени таажжублантириди, чунки шу вақтгача мен уни нафсини ўйламайдиган камтар одам сифатида билиб келардим.

— Столингиздаги чек дафтарчасими?— деб сўради у.— Саодати олийларидан олти минг фунтга чек ёзиб беришларини илтимос қиласман! Оксфорд-стритдаги банк бўлимига пул ўтказиш учун чек ёзиб беринг, менинг жорий ҳисобим ўша ерда очилган.

Герцог креслода ўтирган жойида қаддини ростлаб, дўстимни совуққина бир назардан кечирди.

— Ҳазиллашяпсизми, мистер Холмс! Бу ҳазилга муносиб мавзу эмас-ку!

— Нима деялтилар, саодати олийлари! Мен ҳар қачонгидан ҳам жиддийман.

— Бу нима деганингиз?

— Сираси шуки, мен хизматимга яраша мукофот оламан. Менга ўғлингизнинг қаердалиги маълум, уни

ушлаб турган одамларни, тўғрироғи ўша одамни биламан.

Герцогнинг қизғиши соқоли заҳил, оппоқ юзида ло-
виллаб ёнгандек бўлди.

— Ўғлим қаерда? — дея олди у аранг.

— Бонингизнинг остонасида икки миля наридаги
«Жангари хўрз» меҳмонхонасида. Ақалли кеча ўша
срда эди.

Герцог ўзини кресло суюнчиғига ташлади:

— Сиз бу ишни кимдан кўрасиз?

Шерлок Холмс жавобидан мени ҳанг-манг бўлиб қол-
дим. У шахт билан олдинга қадам ташлаб, қўлини гер-
цогнинг елкасига тегизди:

— Мен сиздан кўраман. Энди, саодати олийлари,
марҳамат қилиб менга олти минг фунтга чек ёзиб бер-
синлар.

Мен герцогнинг ўринидан сапчиб туриб, худди жар
ёқасидан қулаб кетмасликка ҳаракат қилаётгандек, қал-
тираётган қўлларини ўйнатганини ҳеч қачон унутмай-
ман. Кейин у ғайриинсоний бир ирода билан ўзининг
зодагонлик матонатини кўмакка чақириб, яна столга
ўтириди-да, юзини қўллари билан яширди. Орадан бир-
икки дақиқа вақт ўтди...

— Сизга, хусусан, нималар маълум? — деб сўради
шўрлик, бошини кўтармасдан.

— Мен уни кеча кечқурун сиз билан бирга кўрдим.

— Буни дўстингиздан бошқа яна ким билади?

— Мен ҳеч кимга ҳеч нарса деганим йўқ.

Герцог қалтираётган бармоқлари билан патқаламни
олиб, чек дафтарчасини очди.

— Мен ўз лафзимдан қайтмайман, мистер Холмс.
Сиз ваъда қилингган чекни оласиз. Зотан бу пуллар мен-
га мусибатдан бошқа ҳеч нарса келтирмаган хабарлар
учунгина тўланади. Аммо мен бу мукофотни ваъда қи-
ла туриб, иш бунаقا тусга кириб кетишини ўйламаган
эканман! Аммо умид қиласанки, сиз ҳам, Мистер Холмс,
сизнинг дўстингиз ҳам — бамаъни одамлар бўлсалা-
рингиз керак?

— Бу билан нима демоқчи эканлигинизни тушунол-
мадим. саодати олийлари.

— Дуруст. Очиқасига гаплашамиз, мистер Холмс.
Агар бу ишнинг тафсилотлари сизларнинг икковингиз-
дан бошқа ҳеч кимга маълум бўлмаса уни тўхтатиб
қўйиш мумкин бўлади. Мен сизларга ўн икки минг фунт
тўлайман, шундайми?

Аммо Холмс жилмайиб, бошини чайқади:

— Э-ха, саодати олийлари! Бу нарсаларнинг ҳаммасини бартараф қилиш сиртдап қараганда қўринганичалик осон эмас. Муаллимнинг ҳалокати учун кимдир жавоб беришни керак.

— Аммо бунга Жеймснинг даҳли йўқ! Ҳамма айни унга ортиб қўйиш керак эмас. Суиқасд — анави йиртқичнинг, анави ярамаснинг иши, Жеймс фалокат босиб унинг хизматидан фойдаланган.

— Мен шундай нуқтаи назарга амал қиласманки, саодати олийлари, кимки жиноят йўлига кирган экан, ўз хагти-ҳаракатларининг барча оқибатлари учун маънавий жавобгар бўлиши керак.

— Маънавий жавобгар бўлиш керак, деганингиз тўғри. Аммо уни қонун олдида жавоб беришга мажбур қилманг! Одамни ўзи ҳатто кўзи билан кўрмаган суиқасдда, уни сиздан кўра ҳам кўпроқ ғазаблантирган суиқасдда айблаш мумкин эмас. Бу суиқасдни эшишиб, у виждан азобларига чидаёлмади, дарҳол бор нарсани менга иқрор қилди. Кейин, бир дақиқа ҳам фурсадни бой бермай қотил билан алоқасини узди. Мистер Холмс, уни сақлаб қолинг, сақлаб қолинг! Сиздан ўтинаман! Уни сақлаб қолинг!

Герцогнинг зодагонлик салобати қаёқса кетди! Бу кибор, афт-ангори ўзгарган ҳолда титроқ қўлларини силкита-силкита кабинет бўйлаб, уёқдан-буёқса зир югуради. Ниҳоят у ўзини босиб олгач яна столга келиб ўтириди-да, шундай деди:

— Энг аввал менинг олдимга келганингизга қойилман. Келинг, ҳеч бўлмаса, мени исноддан сақлаб қолиш учун нима чоралар кўришимиз кераклигини муҳокама қиласайлик.

— Келинг,— деди Холмс.— Унда, саодати олийлари, биз бир-биримиз билан охиригача самимий бўлишимиз керак. Бу ишнинг тафсилотларини аниқ билсан, имконим борича ҳаракат қиласман. Фаҳмлаб олишимча, сизнинг сўзларингиз мистер Жеймс Уайлдерга тааллуқли эди, бинобарин, сиз қотил у эмас, деб таъкидламоқчи-сиз-да?

— Ҳа, қотил қочиб кетишга мувваффақ бўлган.

Холмс босиқлик билан жилмайди:

— Саодати олийлари, афтидан менинг бу боралаги камтарона хизматларимдан воқиф эмаслар шекилли, бўлмаса мендан қочиб қутулиш ўнғай, деб ўйламас эдиллар. Кеча кечаси соат ўн бирда мистер Рюбен Хейз ме-

нинг кўрсатмамга биноан Честерфилдда қамоққа олинган. У ердаги полициянинг бошлиғи менга бу ҳақда бугун эрталаб хабар қилди. Мен унинг телеграммасини мактабдан чиқиб келиш олдида олдим.

Герцог креслонинг суюнчиғига ўзини ташлаб, дўстимга ҳайрат билан ағрайиб қолди.

— Сизнинг имкониятларингизнинг ниҳояси борми, мистер Холмс! — деб хитоб қилди у. — Рюбен Хейз қамоққа олинган денг? Дуруст, бунга фақат қувониш мумкин. Аммо унинг қамоққа олиниши Жеймснинг тақдирiga таъсир қилмасмикан?

— Секретарингизнинг тақдиригами?

— Йўқ, сэр, ўғлимнинг тақдирига.

Бу гал энди Холмс таажжубланди:

— Сизга ростини айтишим керак, саодати олийлари, бу нарса хаёлимга ҳам келмаган эди. Балки сиз ҳаммасини батафсил тушунтириб берарсиз?

— Мен ҳеч нарсани яшириб қолмайман. Сиз ҳақлисиз: фақат тўла-тўқис очиқ гаплашиш, гарчанд бу мен учун мешаққатли бўлса-да, бизнинг даҳшатли аҳволимизни енгиллатиши мумкин, бизни ҳасад туфайли ақлидан озаётган Жеймс шу аҳволга солиб қўйди. Ёшлик чоғларимда, мистер Холмс, мен бир қизни шундай севиб қолган эдимки, киши умрида бир мартағина шундай севади. Мен севгилимнинг қўлини сўрадим, у икковимиз бош қовуштирасак бу менинг мартағамга путур етказишидан қўрқиб илтимосимни рад этди. Агар у тирик бўлганида бошқа хотинга сира ҳам уйланмасдим. Аммо у ўлиб кетди, ундан фарзанд қолди, болани ундан қолган ёдгор сифатида меҳр билан ардоқлаб ўстирдим. Мен унинг отаси эканлигимни очиқ айтольмасдим, аммо ўғлим яхши билим олди, ўсиб вояга етгандан кейин ҳам ҳамиша қўл остимда яшади. У тасодифан сиримни билиб қолди, ўшандан бери ўзининг фарзандлик ҳуқуқларидан ҳар қандай йўллар билан фойдаланишга киришиб, мени фош қилиш хавфи остида сақлаб келади. Унинг Холдернесс-холлда бўлиши хотиним билан ажрашишимга ҳам унча-мунча сабаб бўлди. Энг мешаққатлиси шу бўлдики, у дастлабки кунданоқ кичик ўғлимни, қонуний ворисимни ашаддий нафрат билан ғоятда ёмон кўриб қолди.

Шуларнинг ҳаммасига қарамай Жеймсни нега ҳамон уйимда ушлаб турганимни сўрарсиз? Жавобим шу: чунки у менга онасини эслатарди, шунинг учун чидаб келардим. У юз қиёфалари билангина эмас, ҳаракатлари,

қилиқлари билан ҳам ёримнинг азиз қиёфасини дақиқа сайнин хотирамда гавдалантиради. Мен ундан ажралишга ожиз эдим. Аммо, ниҳоят, у Артурни—лорд Солтайрни бир нарса қилиб қўймасин, деб қўрқиб, болани доктор Хакстейблнинг интернатига жўнатдим.

Жеймс менинг моликонамдаги ишларимни бошқарарди, шу тариқа ижаракиларимдан бири бўлган Хейзни таниб қолган. Бу ўтакетган ярамас билан ўрталаридаги нима яқинлик бўлиши мумкин эди, билмайман-у, улар дўстлашиб кетнанди. Дарвоқе мен Жеймснинг ҳамиша расво улфатларга мойиллиги борлигини сезиб юрардим. Лорд Солтайрни ўғирлашга қасд қилиб, бу одамни ўзига шерик қилиб олган.

Эсингиздами, мен Артур қочишидан бир кун олдин унга хат ёзган эдим? Шундай қилиб, Жеймс конвертни очиб, Артурдан ўзи билан мактаб яқинидаги «Қийик лахтак» дараҳтзорида учрашишни сўраб ёзилган мактубчани солган. Бола учрашгани келган, чунки мактубча гўё онасининг илтимоси билан юборилгандек эди. Жеймс дараҳтзорга велосипедда етиб борган — буни менга ўзи кейин иқрор қилди.— Артурни, онанг сени соғинган, у шу яқин орада, агар дараҳтзорга ярим кечада келсанг сени бу ерда кузатиб қўядиган одам от билан кутиб турди, деб ишонтирган. Шўрлик бола тузоққа илинганд. У тайинланган соатда дараҳтзорга келиб, у ерда от миниб, тоти отнинг жиловидан ушлаб турган Хейзни кўрган. Артур отга минган, улар йўлга тушишган. Кейинчалик маълум бўлишича—Жеймс буни кечагина билибди — уларнинг ортларидан қувишибди. Хейз таъқибчининг бошига чўқмор билан бир неча марта урибди, у яраланиш оқибатида ўлибди. Хейз Артурни меҳмонхонасига олиб келиб, уни юқоридаги бир хонага қамаб қўйиб, миссис Хейзга қараб туришни топширибди, бу хушфеъл, аммо қаҳри қаттиқ эрининг чизган чизигидан чиқмайдиган хотин...

Ана, мистер Холмс, бундан икки кун бурун биз сиз билан учрашганимизда ишлар шу аҳволда эди. Мен буларнинг ҳаммаси ҳақида сиздан ортиқ билмас эдим. Агар сиз мендан, Жеймсни бундай хатти-ҳаракатга нима мажбур қилди, деб сўрасангиз, шундай деб жавоб бераман: унинг лорд Солтайрга бўлган нафратида қандайдир гумроҳлик, мутаассиблик бор эди. Жеймс менинг ҳамма ер-сувларимни ўзига ўтиши керак деб ҳисобларди, биздаги мавжуд ворислик қонунлари ҳақида хотиржам гапиролмасди. Шуниси ҳам борки, у телба

нафратгагина эмас, маккорона тадбирга ҳам амал қи-
ларди. У, майоратга¹ хилоф равишда ер-сувларимни ун-
га васият қилиб мерос қолдиришимни талаб қиларди,
шундагина менга Артурни қайтаришни ваъда қиларди.
Уни ҳеч қачон полицияга бориб чақмаслигимни биларди.
Жеймснинг ниятлари шундай эди, лекин улар ниятл-
гича қолди, воқсалар шу қадар суръат билан ривожлан-
дик, у ўз режаларини рўёбга чиқаришга муюссар
бўлолмади.

Сиз ўлдирилган Хайдеггернинг жасадини топибсиз,
у билан бу ёвуз ниятга хотима бердингиз. Жеймс муал-
лимнинг ҳалок бўлганини эштиб ваҳимага тушди. Биз
бу нарсани кеча шу кабинетда ўтирганимизда билган
эдик, бу ерга доктор Хакстейблдан телеграмма олиб ке-
лишди. Бундан Жеймс шу қадар саросимага тушиб, шу
қадар қайғурдики, менга шунча вақтдан бери тинчлик
бермаётган андишалар қатъиятга айланиб, айбини тик-
ка юзига айтдим. У бор гапни айтиб, тавба қилди, аммо
шу ондаёқ қабиқ шериги жон сақлаб қолиши учун бир
неча кунгина сабр қилишимни сўраб ёлвора бошлади.
Мен унга ҳамиша ва ҳамма ишда ён босиб келганимдек,
яна ён босдим. Жеймс Хейзни огоҳлантириб, уни қочи-
риб юбориш учун меҳмонхонага қараб югурди. Қоронги
тushman турит менинг у ерга боришим мумкин эмасди,
бу гап-сўзларга сабаб бўлиши мумкин эди. Мен қорон-
ги тушиши билан азиз Артурим ҳузурига ошиқдим. У
соғ-омон эди, аммо бола кўзи ўнгидаги содир бўлган сун-
қасд унга қандай мудҳиш таъсир қилганини тасаввур
қилмайсиз! Сўз берганимни эслаб, мен жон ҳовуч-
лаганча Артурни яна уч кунга меҳмонхонада миссис
Хейз ихтиёрида қолдирдим. Қотилнинг кимлигини айт-
май буларнинг ҳаммаси ҳақида полицияга хабар қилиш
мумкин эмасди. Хейз қамалса шўрлик Жеймснинг ҳалок
қилиши мумкин эди.

Сиз, бир-биримиз билан ўзаро самимий бўлайлик,
деган эдингиз, мистер Холмс, сўзингизнинг устидан чи-
қишингизни илтимос қилардим. Мен сизга бор гапни
яширмай, батафсил гапириб бердим. Сиз ҳам мен би-
лан охиригача очиқласига гаплашинг.

— Яхши, саодати олийлари,— деб жавоб берди
Холмс.— Энг аввал сизга шуни айтишим керакки, қонун
олдида сизнинг аҳволингиз фоятда жиддий. Сиз жиноят-

¹ Майорат — ворислик системаси, бунда бутун молу мулк ях-
литлигича уруғдаги ёши катта кишига тегади.

ни яширгансиз, қотилни қочириб юборгансиз, чунки афтидан, уни қочириб юбориш учун пулни Жеймс Уайлдер сизнинг ҳамёningиздан олган бўлиши керак.

Герцог индамай бошини эгди.

— Ҳа, иш гоятда жиддий. Аммо, менинг назаримда, кичик ўғлингизга нисбатан қилган ишингиз, саодати олийлари, яна ҳам қаттиқроқ қораланиши керак. Уни уч кун ўша бузуқхонада қолдириш инсофданми?

— Мени қасамёд қилиб ишонтиришдик...

— Шу одамларнинг қасамига ишониб бўладими ахир! Сиз уни бундан ҳам узоқроққа олиб бориб тикиб қўймасликларига аминмисиз? Жиноятчи катта ўғлингизнинг раъйини қайтармай деб ҳеч қандай гуноҳи йўқ маъсум гўдакни беҳудадан-беҳудага хавф-хатарга дучор қилгансиз! Йўқ, сизнинг хатти-ҳаракатингизни оқлаб бўлмайди!

Мағурр кибор — яна қаерда денг — ўзининг герцогона қасрида бунақангি дашномларни эшлишига одатланмаган эди! Юзига қон қуюлиб келдию, аммо андишадан оғиз очолмади.

— Мен сизга бир шарт билан ёрдам бераман: хизматкорингизни чақиринг, у менинг фармойишимни бажарсин.

Герцог чурқ этмай электр қўнғироқ тугмасини босди. Кабинетта малай кирди.

— Эшлиб хурсанд бўларсиз,— деди унга Холмс.— лорд Солтайр топилди. Герцог уни олиб келиш учун дарҳол «Жангари хўроз» меҳмонхонасига экипаж юбориши буюраётиди... Энди,— деди Холмс, қувончдан оғзи қулоғига етган малай кабинетдан югуриб чиқиб кетгач,— яқин келажакни таъминлаб, яқин ўтмишга бирор мурувват билан қарашимиз мумкин. Башартики, адолат жойига қарор топар экан, мен ғайрирасмий шахс бўлганим учун ўзимга маълум бўлган ҳамма нарсаларни маъмурларнинг дикқатига етказишини зарур деб билмайман. Хейз — бошқа гап. Уни ўлим дори кутиб турибди, мен унинг ҳаётини сақлаб қолишини хаёлимга ҳам келтирмайман. У сизнинг сирингизни ошкора қиласдими. йўқми — буни билмадим. Бундан башорат беролмайман, аммо сиз унга ошиқча гапларни айтса фойда кўрмаслигини уқтириб қўйишга қодирсиз. Полицияда Хейзни болани пул ундириш учун ўғирлаб кетишда айблайдилар. Агар у ерда чуқурроқ текширмаса, мен уларни бунга чоғлашимга асос йўқ деб ўйлайман. Бироқ сиз саодати олийларига шу нарсани айтмоқчиманки, мистер

Жеймс Уайлдер бундан буён сизнинг хонадонингизда қоларкан, бу яхшиликка олиб бормайди.

— Буни ўзим ҳам биламан, мистер Холмс, у билан бир қарорга келганмиз: у Холдернесс-холлии абадий тарк этиб, бахт қидириб Австралияга кетади.

— Саодати олийлари, Жеймс Уайлдер сиз билан хотинингиз орасида низо чиқишига сабабчи бўлганини айтган эдингиз. Энди бевангиз билан ярашиб, онлавий ҳаётингизни яна йўлга қўйишга ҳаракат қилсангиз бўлмасмикан?

— Мен бу тўғрида ҳам ўйлаб кўрганман, мистер Холмс, бугун эрталаб унга хат ёздим.

— У тақдирда,— деди Холмс ўрнидан туриб,— мен ҳам, дўстим ҳам, бу ерга яқингинада келган бўлишимизга қарамай, қилган хизматимиз чакни самаралар бермагани билан ўзимизни табриклай олишимиз мумкин экан. Яна аниқланмаган биргина масала қолди. Хейзнинг отлари шундай тақаланган эканки, уларнинг изларини сигир туёқларининг изи деб ўйлаш мумкин. Бу ишин унга ким ўргатган, митер Уайлдер эмасми?

Герцог диққат билан қошлиарини чимирганча бир дақиқагина индамай қолди. Сўнгра у қўшини хонанинг эшигини очиб, бизни чинакам музей бўлган бу хонанинг нариги бурчагидаги витрина олдига олиб бориб, ойна тагидаги ёзуви кўрсатди.

«Бу тақалар,— деб ўқидик биз,— Холдернесс-холлдаги истеҳком хандағини қазиш вақтида топилган. Улар отларга мўлжалланган бўлиб, сигир туёқларига ўхшатиб айри шаклда ясалган. Афтидан, Холдернесс-холлининг ўрта асрдаги талончилик билан шуғулланган магнатлари¹ таъқибчиларни адаштириш учун шу усулни қўллаган бўлсалар керак».

Холмс ойна қопқоқни кўтариб, бармоғини ҳўлладида, тақалардан бирига суркаб кўрди. Бармоғи қорайиб қолди — ботқоқнинг балчиғи ҳали қуриб улгурмабди.

— Сизга ташаккур айтаман,— деди дўстим.— Сизнинг ерларингизда мени ғоятда қизиқтирадиган иккичи нарса шу эди.

— Биринчиси нима эди?

Холмс чекни икки буклаб, эҳтиёт билан қўйин дафтарчасига солди.

— Мен камбағал одамман,— деди у ва дафтарчани пиджагининг қўйин чўнтағига яшириб қўйди.

¹ Магнат — катта капиталист.



ҚОРА ПИТЕР

Мен дўстимнинг ҳеч қачон 1895 йилдагичалик маънавий ва жисмоний кучга тўлиб-тошганини кўрмаган эдим. Унинг доиғи тобора ошиб, фаолият доираси ҳам тобора кенгайиб борар эди.

Мен бирорларнинг сирларини махфий тутиб, Бейкер-стритдаги камтарона гўшамиз остонасидан кириб келган казо-казо зотларнинг номларига ишора ҳам қилмайман. Шунисини айтишим керакки, барча буюк санъаткорларга ўхшаб Холмс ҳам ишқибозлик юзасидан заҳмат чекарди. Мен (биргина герцог Холдернесс ҳодисасини мустасно этганда) унинг ўз бебаҳо хизматлари учун катта мукофот талаб қилиганини эшигтан эмасман. Ўшу қадар бетама, мағрур эдики, агар таклиф қилинган ишларда очиши керак бўлган сирларда ўзи учун қизиқарли нарса бўлмаса, кўпинча бойлар билан асилизодаларга ёрдам беришдан воз кечарди. Айни бир вақтда қандайдир камбағалнинг иши устида ҳафталарча жонкуярлик билан бош қотиради. Бу иш унинг завқ-шавқини оши-

риб-тошириб, ўз маҳоратини қўллашига имкон берадиган даражада сирли ва ҳаяжонли бўлса бас эди.

Уша унунтилмас 1895 йилда Холмс кардинал Госканинг қўққисдан ўлиб қолиш сабабларини текширишдан тортиб (Ватиканинг қатъий илтимоси билан), жиноятчи Уилсоннинг қамалишигача, бир қанча мароқли ва турли-туман текширишларни ўтказди. Қанарайкаларга машқ берадиган бу кимса айни бир пайтда Лондон Ист-Эндининг битмас яраси эди. Бу шов-шуви ишлардан сўнг Уудменс Лидаги фожия юз берди: капитан Питер Кери энг мудҳиш ва сирли вазиятда ҳалок бўлди. Шерлок Холмснинг фаолияти ҳақидаги ҳикояларимга бу гаройиб воқеа киритилмаса хотиротларим чала бўлар эди.

Июлнинг биринчи ҳафтаси давомида дўстим ўқтин-ўқтин уйдан чиқиб, узоқ ҳаяллаб кетадиган бўлиб қолди. Бундан пайқадимки, у нима биландир банд. Шу кунлар давомида бизникига шиддатли ва дағал қиёфали аллақандай одамлар кириб туришарди. Улар капитан Бэзилни сўрашарди. Бундан мен Холмснинг кўпдан-кўп ниқобларидан бири остида ҳаммага даҳшат солувчи номини лақаб билан яширган ҳолда қандайдир янги текшириш олиб бораётганига ишонч ҳосил қилдим. Лондоннинг турли районларида унинг камида бешта хилват жойи бўлиб, у ерларда қиёфасини ўзгартириши мумкин эди. Холмс бу янги иш ҳақида менга ҳеч нарса демас, менинг ҳам уйдан гап суриштирадиган одатим йўқ эди. Қандай йўналишда иш олиб бораётганини Холмс дастлаб менга ғалати бир тарзда маълум қилди.

Бир куни у уйдан нонушта қилмай чиқиб кетди; мен овқатлангани ўтирган ҳам эдимки, бирдан у хонага шляпасини ечмай, қўлтиғига бир гарпунни худди зонтидек қистириб олганича кириб келди.

— Жин урсин, Холмс,— деб қичқириб юбордим мен.
— Наҳотки шу нарсани кўтарганча Лондонни айланиб келган бўлсангиз?

— Йўқ, мен фақат гўшт дўконига бориб келдим.
— Гўшт дўконига?

— Ўйга иштаҳам карнай бўлиб қайтдим. Нонушта олдидан жисмоний машқ нақадар фойдали эканини биласизми ўзи? Аммо бас бойлашаманки, қандай машқлар қилганимни сиз сира ҳам тополмайсиз.

— Топмоқчи ҳам эмасман.

Холмс кула-кула, ўзига қаҳва қуйди.

— Агар Аллардайс дўконининг орқа хонасига бориб

қолсангиз кўрардингиз: шифтда чўчқанинг танаси осилиб турибди, аллақандай бир жентльмен сюртугини ечиб, унга жон-жаҳди билан мана бу қуролни санчиш учун ҳаракат қилаётиди. Ўша жентльмен — мен. Маълум бўлдикни, мен уни бир зарба билан тешиб юборишим қийин экан. Ўзингиз ҳам бир уриниб кўрмайсизми?

— Зарур келибдими менга? Нима учун шундай қилдингиз?

— Назаримда бунинг Уудменс Лида юз берган ҳодисага билвосита дахли борга ўхшайди... Э, Гопкинс, келинг, телеграммагизни кеча кечқурун олиб, сизни кутаётган эдим. Киринг, ҳозир нонушта қиласиз.

Хонамизга ўттиз ёшлардаги серҳаракат, озғин бир одам кириб келди. Эгнида одмигина жун матодан костюм бўлиб, кўриниши ҳарбий мундир кийиб юришга одатланганидан дарак бериб турар эди. Мен ёш полиция инспектори Стэнли Гопкинсни дарров танидим, Холмснинг фикрича, унинг келажаги бор эди. Ўз қавбатида Гопкинс ҳам ўзини машҳур изтопарнинг шогирди деб ҳисоблар ва унинг илмий методларига қойил эди.

Гопкинснинг чеҳраси тунд эди, у ёоятда хомуш қиёфада креслога ўтириди.

— Йўқ, ташаккур, сэр, мен нонушта қилганман. Шаҳарда тунадим, бу ерда маъруза қилиш учун келган эдим.

— Нима ҳақда маъруза қилишингизга тўғри келиб қолди?

— Муваффақиятсизлик ҳақида, сэр, бус-бутун муваффақиятсизлик ҳақида.

— Бир қадам ҳам олдинга жилолмадингизми?

— Йўқ.

— Наҳотки? Чамаси бу иш билан ўзим шуғулланишимга тўғри келади шекилли.

— Худо ҳақи, илтимос қиласман, мистер Холмс! Менга биринчи марта муҳим иш топширишган эди, уни бажаришга ожизлик қилаётидман. Ўтинаман, ёрдам беринг!

— Майли, майли. Мен терговнинг ҳамма маълумотлари билан диққат берниб тапишиб чиққан эдим. Дарвоқе, сиз жиноят содир бўлган жойдан топиб олинган тамаки халта тўғрисида нима деб ўйлайсиз? Бу ишнинг калити шу нарсада эмасмикан?

Гопкинс таажжублангандек бўлди:

— Тамаки халта марҳумники, сэр. Ичида исм-фамилиясининг бош ҳарфлари ёзилган. Халта ҳам тюленъ тे-

рисидан тикилган, ахир марҳу иккиларга борганда «каюйил тюлень овлаган-ку.

— Аммо ёнидан трубка чиқмабди масти бўлса кўпин-

— Ҳа, сэр, трубкани тополмадик — дардан бири эрчекар экан. Дарвоқе, тамакини ошналари ланг очиқ олиб қўйган бўлиши ҳам мумкин-ку.

— Шубҳасиз. Бу тўғрида шунинг учун гап бозракдимки, борди-ю, бу ҳодисани мен ўзим текширганимд қидиришларимда тамаки халтани бошланғич нуқта қилиб олардим. Бироқ дўстим доктор Уотсон бу воқеадан бехабар, мен ҳам уни яна бир карра эшитишга қарши эмасдим. Бизга хулосасини икки оғиз сўз билан айтиб берсангиз.

Стэнли Гопкинс чўнтағидан энсизгина қофоз олди:

— Менинг ихтиёrimda марҳум капитан Питер Кери-нинг ҳаёти ҳақида баъзи маълумотлар бор. У 1845 йилда туғилган — демак, у эллик ёшга кирган. У тюлень билан кит овловчилар орасида энг довюраклардан, омадлилардан бири ҳисобланган. 1883 йилда Даннидаги буғ билан юрадиган «Денгиз каркидони» деган овчилик кемасига дарғалик қилган. Ўша йили у бир неча муваффақиятли сафарлар қилиб, шундан кейинги йилда истеъфога чиққан. Сўнгра бир неча йил саёҳат қилиб, ниҳоят Сассексдаги Форест Роу яқинида «Уудменс Ли» қўргончасини сотиб олган. Ўша ерда олти йил ҳаёт кечириб, ўша ернинг ўзида бундан бир ҳафта муқалдам ўлган.

Унинг жуда ғалати одатлари бор экан. Одатда ипдамас, тунд бу одам қатъий пуритан¹ экан. Унинг хотини билан йигирма яшар қизи бор экан. Уйида икки қиз хизмат қиларкан. Хизматкорлар тез-тез ўзгариб тураркан, чунки у ерда яшаш осон эмас, баъзан эса вазият тоқат қилиб бўлмайдиган даражага етар экан. Кери ўқтин-ўқтун ичига тураркан, ичкиликка ружу қилиб қолган кезларида у чинакам иблисга айланиб кетаркан. Баъзан ярим кечалари хотини билан қизини уйидан ҳайдаб чиқариб, уларни мушт ўқталганча боғ бўйлаб тирқиратиб юаркан. Улар шу қадар қичқиришарканки, қичқириклидан қўшни қишлоқ аҳолиси уйғониб кетаркан.

Бир марта у насиҳат қилиб ўлга солмоқчи бўлган кекса руҳонийни калтаклагани учун судга тортилган. Хуллас, мистер Холмс. Питер Керидан кўра ҳавфлироқ одамни топиш қийин. Мен унинг кемага бошчилик қил-

¹ Пуританлар — қатъий одоб-ахлоқ ва оддий ҳаёт кечиришни тарғиб қиладиган диний мазҳаб.

ган вақтларида қандай бүлганини ҳам эшитдим. Денгизчилар орасида уни қорамағиз юзи билан баҳайбат қора соқоли учунгина әмас, атрофдагиларни даҳшатга соладиган ваҳшиёна хулқ-автори учун ҳам Қора Питер деб аташаркан. Ҳамма қўшиларининг уни ёмон кўриб, унидан қочишларини гапириб ўтирумаса ҳам бўлади: унинг даҳшатли ўлими тўғрисида ачиниб айтилган бирон оғиз сўзни эшитмадим.

Сиз, мистер Холмс, тергов протоколида у одамнинг «каюта»си ҳақида шубҳасиз ўқигансииз, аммо дўстингиз у тўғрида ҳеч нарса эшитмаган бўлса керак. Уйининг яқинида капитан ўзиға ёғочдан бир хонали ҳужрача қуриб олган, уни ҳамиша «каюта» деб атар экан: ҳар куни кечаси ўша ерда тушар экан. Бу ҳужрачанинг бўйин ўн олти, эни ўн фут бўлиб, унинг калитини ҳамиша чўнтагида олиб юраркан, ўринини ўзи солиб, хонани ўзи йиғишиштиаркан, ҳеч кимга остона ҳатлаб ичкари киришга изи бермас экан. Бу уйчанинг иккى томонда биттадан кичкина деразаси бор. Иккала деразага ҳам ҳамиша парда тутиб қўйилиб, ҳеч қачон очилмас экан: улардан бири катта йўлга қараган. Баъзан уйчада кечаси билан чироқ ёниб чиқаркан, ўткинчилар, Қора Питер у ерда нима қилаётган экан, деб таажжубланиб сўрашаркан. Худди шу дераза, мистер Холмс, тергов вақтида баъзи қизиқ тафсилотларни аниқлашимизга ёрдам берди.

Эсингизда бўлса, сунқасддан икки кун олдин тунги соат бирга яқин Forrest Роудан келаётган Слэтер деган ғишт терувчи капитаннинг қўраси рўпарасида тўхтаб, дараҳтлар орасидан кўриниб турган чорбурчак ёруққа қараган экан. У қасамёд қилиб, пардада эр кишининг ён томондан тушиб турган шарпасини аниқ қўрганини, аммо бу Питер Кери эмаслигини, уни яхши танишини айтган эди. У ҳам соқол қўйган одам экан-ку, аммо соқоли калта, капитаннинг соқолидан бошқачароқ тарзда тарвакайлаб тураркан. Ғишт терувчи шундай деб таъкидлаётиди. Дарвоқе, шунисини ҳам айтиш керакки, шундан олдин у икки соат майхонада бўлган, йўл билан деразанинг оралиғи ҳам анчагина. Бундан ташқари, унинг берган шоҳидликлари душанбага онд, сунқасд бўлса, чоршанба куни юз берган.

Сешанба куни Питер Кери жуда даҳшатли аҳволда бўлган. У фирт масти, худди ваҳший ҳайвондек дарғазаб, хавфли бўлган. У уй атрофида изғиб юрган, аёллар овонини эштишлари билан уйга беркиниб олишган. Кечаси алламаҳалда у ўз кулбасига йўл олган. Қизи дерага

засини очиб ётган эди. Кечаси иккиларга борганда «қаюта» томондан даҳшатли қичқириқ эшитилибди. Қиз бунга эътибор бермабди, чунки капитан маст бўлса кўпинча бақириб сўқинаркан. Хизматкор қизлардан бири эрталаб соат еттида турса, ҳужранинг эшиги ланг очиқ әмиш, аммо бу одамдан шу қадар ҳайиқишарканки, уйидагиларнинг тушгача ҳам олдига кириб чиққани юраклари бетламабди. Очиқ турган эшикдан мўралаб улар мудҳиш манзарани кўришлари билан ваҳимадан ранглари ўчиб кетиб, қишлоққа қараб югуришибди. Мен бир соатдан кейин ўша жойга етиб бориб, терговга киришдим.

Менинг асабларим бақувват, буни яхши биласиз, мистер Холмс, аммо сизга сўз бериб айтаманки, ўша уйга мўраларканман, титраб-қақшаб кетдим. Уйча этга ўч минг-минглаб пашшалар ёғилиб кетганидан худди нафмадек гувилларди, поли билан деворлари күшхонапи эслатарди. Капитан ўз уйчасини каюта деб атаркан, бу дарҳақиқат каютага ўхшарди: киришинг билан ўзингни худди кемада тургандек ҳис қиласан. Хонанинг бир томонида—койка, ёнида — кемача сандиқ, деворларда — денгиз хариталари, «Денгиз каркидони»нинг фотосурати, рафда бир ласта кема журнallари — ҳаммаси худди капитан каютасидагидек расамади билан. Шуларнинг ҳаммасининг ўртасида капитаннинг жасади—башараси худди жаҳаннам азобини тортаётган гуноҳкорнинг афтидек тиришган, оқ оралаган баҳайбат қора соқоли эса ўлим талвасасида телага қаққайиб қолган. Үмровли кўкрагига пўлат гарпун санчилган. Гарпун кўкрагини тешиб ўтиб, ёғоч деворга кириб кетган. Капитан худди картонга тўғнағич билан қадаб қўйилган қўнғиздек деворга қадаб қўйилган эди. Албатта, дод дегану ўша заҳотиёқ тил тортмай ўлган.

Мен сизнинг методларингиз билан танишман, сэр, уларни ўша ондаёқ татбиқ қила бошладим. Ҳеч нарсани ўрнидан қўзғатишга ҳам раъйим бўлмай, ташқарнадаги ер билан хона полини синчиклаб кўздан кечирдим: аммо ҳеч қандай из йўқ эди.

— Сиз, уларни пайқамадим, демоқчисиз-да?

— Сизни ишонтириб айтаманки, сэр, у ерда ҳеч қандай из йўқ эди.

— Қадрдоним Гопкинс, мен кўпдан-кўп жиноятларни текшириб аниқлаганман. Лекин шу вақтгача биронта ҳам қаноти бор жиноятчини учратган эмасман. Модомики, жиноятчи оёқ устида турад экан, у муқаррар би-

рон из қолдиради, бирор нарсага тегиб кетади ёки уни ўрнидан қўзғатади. Қидиув ишларининг илмий методларини эгаллаган киши атрофдаги нарсаларнинг ҳолатидаги кичкинагина ўзгаришларни ҳам муқаррар пайқаб олади. Қон тўкилган бу хонада бизга жиноятчими қидириб топишимизда ёрдам берниши мумкин бўлган излар қолмаган бўлишига ишониш қийин... Дарвоқе, мештергов протоколидан кўриб турибманки, сиз баъзи нарсаларга ҳатто диққат қиласай ҳам демабсиз.

Ёш инспектор қовоқ-тумшуғини осилтириб олди: Холмснинг истеҳзоли танбеҳи унга малол келди.

— Сизни ўша заҳотиёқ таклиф қилмай аҳмоқлик қилибман, мистер Холмс,— деди у.— Бироқ эндиги пушаймоининг фойдаси йўқ. Ҳа, хонада алоҳида дикқатга сазовор буюмлар бор эди. Капитанга санчилган гарпунни олиб кўрайлик. Бу гарпунни кимдир девордан олган. Иккита гарпун чангакларида илиниб турибди, учинчи чангак бўш ётибди. Бандида шундай ёзув бор: «Денгиз каркидони» кемаси, Данди». Бу жиноят ғазаб устида қилиб қўйилганидек, қотил қўлига тушган биринчи қуролга ёпишганидан шоҳидлик беради. Керининг бошдан оёқ кийинганлиги, зотан суиқасд кечаси соат иккода юз берган бўлса-да, у қотил билан учрашган, деган фикрни туғдиради. Бундан столда турган бир шиша ром билан иккита ювуқсиз стакан ҳам далолат беради.

— Ҳа,— деди Холмс,— сизнинг иккала хулосангизни ҳам инобатга олса бўлади. Ҳўш, хонада бошқа спиртли ичимликлар ҳам бор эканми?

— Ҳа, сандиқда баркаш турган экан, унда конъяқ билан виски қўйилган графинилар бор экан. Аммо бунинг аҳамияти йўқ. Ахир графинилар тўлалигича турибди, демак уларга ҳеч ким тегмаган.

— Барнибир бунинг маълум даражада аҳамияти бор,— деди Холмс.— Сизнингча, яна қандай буюмларнинг ишга алоқаси бор?

— Столда ўша тамаки халта ётган экан.

— Хусусан қаерида?

— Столнинг қоқ ўртасида. У дағал, қаттиқ тюленъ терисидан тикилган, оғзи чарм тасма билан боғланган. Ичида «П. К.» деган ҳарфлар бор. Халтада дengизчилар чекадиган ярим унцияча аччиқ тамаки бор экан.

— Жуда соз. Яна-чи?

Стэнли Гопкинс чўнтағидан сарғиши кулранг муқовали қўйин дафтарча олди. Унинг муқоваси ғадир-будир ва титилган, варақлари эса сарғайиб, ўнғиб кетган эди.

Биринчи бетида «Ж. Х. Н», ҳарфлари билан «1883» санааси ёзиб қўйилган эди.

Холмс дафтарчани столга қўйиб, уни ўзига хос пухталик билан кўздан кечира бошлади. Гопкинс билан мен эса унинг елкаси оша қараб турардик. Иккичи бетда биз «К. Т. Т.» ҳарфларини, кейинги икки-уч бетда эса туташ рақамларни кўрдик. Баъзи бетларда «Аргентина», «Коста-Рика», «Сан-Паоло» деган сўзлар ва қатор-қатор рақамлар билан аллақандай белгилар ёзилган эди.

— Сиз бу ёзувларни нима деб ўйлайсиз? — деб сўради Холмс.

— Афтидан, бу биржা акцияларининг рўйхати бўлса керак. Мен «Ж. Х. Н». даллол исм-фамилиясининг бош ҳарфлари, «К. Т. Т.» унинг мижози бўлса керак, деб ўйлайман.

— Ёинки «Канада Тинч океан темир йўли» бўлса керак, — деди Холмс.

Стэнли Гопкинс ғўлдираб лаънат ўқиганча, сонига мушти билан бир урди.

— Аҳмоқлигимни қаранг! — деб қичқирди. — Албатта, сиз мутлақо ҳақлисиз. Энди биз «Ж. Х. Н». ҳарфларининг маъносини аниқлашимиз керак. Мен 1883 йилга тааллуқли эски биржা рўйхатларини кўздан кечириб чиққан эдим, исми шу ҳарфларга мос келадиган биронта ҳам биржা даллолини тополмадим. Барибир мен тўғри йўлда турибман. Ахир, мистер Холмс, бу ҳарфлар кечаси капитаннинг солдига келган одамга, яъни, бошқача айтганда, қотилга тааллуқли бўлниши ҳам мумкин-ку, тўғри эмасми? Қанчадан-қанча қимматбаҳо қоғозлар санаб ўтилган бу дафтарча эса эҳтимолки, бизга жиноятнинг сабабларини очиб берар.

— Холмснинг чеҳрасидан туйқусдан бу янги кашфиётга тамоман берилиб кетганлиги кўринини турарди.

— Сизнинг хулосаларингиз хаққоний эканини эътироф қилишим керак, — деди у. — Тергов протоколида ҳеч оғизга олинмаган бу дафтарча менинг тахминларимни бир қанча ўзгартириши мумкин. Бу жиноятнинг мен асослаган назариясида унинг учун ҳеч қандай ўрип йўқ. Бу ерда эслатилган қимматбаҳо қоғозларнинг эгаларини қидириб топишга ҳаракат қилиб кўрдингизми?

— Ҳа. Турли идораларга сўроқ билан мурожаат қилдим, ахир бу акциялар Жанубий Америка муассасаларига тегишли-ку. Қўрқаманки, жавобни бир неча ҳафтадан кейин олмасам.

Холмс дафтарча муқовасини катта қилиб күрсатади ган ойна срқали күздан кечиришда давом этди.

— Бу, шубҳасиз, дөг бўлиши керак,— деди у.

— Ҳа, сэр, бу қон изи. Мен, дафтарчани ердан олдим, деган эдим-ку.

— Қон изи устидамиди, тагидами?

— Полга тегиб турган томонида.

— Демак, китобча полга сунгасдан сўнг тушган.

— Тўғри, мистер Холмс. Ўйлайманки, қотил қочиб кетаётин тушириб қолдирган. У худди эшикнинг олдида ётарди.

— Афтидан марҳумнинг буюлари орасидан бу қимматбаҳо қофозлардан биронтаси ҳам топилмаган бўлса керак?

— Йўқ, сэр.

— Сизнинг ўғирлик юз берган, деб тахмин қилишга асосларингиз борми?

— Йўқ, сэр. Афтидан, ҳеч нарса ўғирланмаган.

— Жин урсин, жуда қизиқ ҳодиса-ку! У ерда пичоқ ҳам бор экан шекилли?

— Пичоқ қинида турганча қолган, уни суғуришга улгурilmagan. У марҳумнинг оёқлари тагида ётарди. Миссис Керининг айтишича, пичоқ эриники экан.

Холмс ўйланиб қолди.

— Яхши,— деди у.— Ӯша ёққа бориб, ўзим кўздан кечирмасам бўлмайдиган кўринади.

Стэнли Гопкинс шодлигидан қичқириб юборди.

— Миннатдорман сиздан, сэр! Бу мени оғир юқдан халос қиласди.

Холмс инспекторга бармоғи билан пўписа қилиб қўйди:

— Ҳамма иш бир ҳафта илгари бундан ҳам осонроқ кўчган бўларди,— деди у.— Лекин ҳатто ҳозир ҳам менинг боришим фойда келтириши мумкин. Уотсон, агар бирон иш билан банд бўлмасангиз, мен сиз билан жонжон деб бирга бориб келардим. Карета чақиринг, Гопкинс, биз Форест Роуга чорак соатдан сўнг жўнаймиз.

Кичкина бир станцияда поезддан тушгач, биз қачонлардир саксларнинг бостириб келишига ғов бўлган баҳайбат қалин қарағайзордан қолган сийрак дарахтзорлар орқали яна бир неча миля йўл юрдик. Бу даҳлсиз ўлка олтмиш йил давомида Британия учун истеҳком бўлиб хизмат қилган. Үрмоннинг кўпгина қисми кесилган, чунки бу ерда мамлакатдаги дастлабки чўян эритиш заводлари юзага келган, руда эритиш учун эса ўтин керак

әди. Ҳозир саноат Шимолдаги бойроқ районларга күчгән, бу сийрак бўлиб қолган дараҳтлар билан ердаги баҳайбат марзаларгина ўтмишни эслатиб турарди. Тепалик ёнбағридаги яшил майсазорда йўнилмаган тошдан қурилган узун уй турар, уйга далалар орасидан кўринаётган иланг-биланг сўқмоқ олиб борар әди. Йўл яқинида, уч томонидан буталар билан қуршалган, дераза ва эшиги биз томонга қараган кичкина ҳужра. Суиқасд худди шу ерда юз берган әди.

Стэнли Гопкинс бизни аввал уйга олиб кириб, у ерда сочларига оқ оралаган хотинга — марҳумнинг бева-сига таништириди. Сўлғин чеҳраси, чуқур ажинлари ва қизарган қовоқлари, чуқур тушган кўзларининг даҳшат тўла нигоҳи унинг изтиробли, аламли йилларни бошидан кечирганидан дарак бериб турарди. Унинг оч малла сочли рангпар қизи кўзларини чақчайтирганча, отасининг ўлимидан хурсанд эканини, уни ўлдирган одамдан миннатдор эканини айтди. Питер Кери ўз уйида мудҳиш, хазин вазият юзага келтирган әди, биз яна қуёш ёруғига чиқиб, марҳум капитан дала орқали йўл солган сўқмоқдан кетар эканимиз, анчагина енгил тортидик.

Ҳужра томи енгилгина, икки деразали, соддагина ёғоч иморат: бир деразаси эшик олдида, иккинчиси эса қарши томонда экан. Стэнли Гопкинс чўнтағидан калит олиб қулфга энгашди, бирдан тўхтади, унинг юзида диққат ва таажҷуб акс этди:

— Қулфни бузиб очмоқчи бўлишибди,— деди у.

Бунга шубҳа қилмаса ҳам бўларди. Эшик тирналган, бўёғида оқ чизиқлар аниқ кўриниб турар, улар ҳозиргина тирнаб чизилгандек әди. Холмс деразани кўздан кечирди.

— Кимдир деразани ҳам очмоқчи бўлиб кўрган, лекин очолмаган. Афтидан, тажрибасиз ўғрига ўҳшайди.

— Бу жуда ғалати бўлди,—деди инспектор.—Қасам-ёд қиласманки, кеча кечқурун бу излар йўқ әди.

— Балки қишлоқдан битта-яримта соддадил қизиқиб келиб қарагандир?— деб тахмии қилдим мен.

— Йўқ, унақага ўҳшамайди. Бу ҳовлига кириш учун журъат қиладиган одам топилиши қийин, «каюта»ни бузиб кира оладиган довюраклар эса йўқ. Сиз нима деб ўйлайсиз, мистер Холмс?

— Менингча, ишимиз ўнгидан келибди.

— Сиз, ўша одам яна келади, деб ўйлайсизми?

— Келиши мумкин. У эшикни кичкина қаламтарош

билан очмоқчи бўлиб уннаб кўрган. Бунга муваффақ бўлолмаган. Эъди у нима қилиши керак?

— Кейинги кечасп муносиброқ асбоб билан келиши керак.

— Тўғри. Агар биз уни пойлаб қўлга туширмасак, аҳмоқлик бўларди. Ҳозирча эса менга «каюта»нинг ичкарисини кўздан кечиришга рухсат этинг.

Фожиа изларига аллақачон барҳам берилган, аммо кичкина хонадаги мебеллар ҳамон худди ўша сунқасд содир бўлган кечадагидек жой-жойида туарар эди. Икки соат давомида Холмс ҳар бир буюмни навбатма-навбат синчиклаб кўздан кечирди, аммо чеҳрасидан қидиришлар муваффақиятли эмаслигини сезиш қийин эмасди. У синчиклаб олиб бораётган текширишини бир мартагина тўхтатди:

— Сиз бу рафдан ҳеч нарса олганимидингиз, Гопкинс?

— Йўқ, мен ҳеч нарсага теккан эмасман.

— Бу ердан нимадир олинган: рафнинг бу бурчагида чанг камроқ. Афтидан ,бу ерда китоб, эҳтимолки, қутича ётган бўлса керак... Энди менинг бу ерда қиласидагап ишим қолмади. Юринг, ана шу ажойиб дарахтзорларни айланиб, сайр қилайлик, Уотсон ,кушлар ва гулларни томоша қилайлик. Сиз билан эса шу ерда кейинроқ учрашамиз, Гопкинс, зора бу ерга кечаси кирган жентльмен билан яқинроқдан танишсак.

Кечаси ўн бирлардан ошганда биз пистирма қўйиб, биқиниб ётдик. Гопкинс ҳужранинг эшигини очиб қўймоқчи эди, аммо Холмс бу потаниш одамни чўчитиб қўйишидан қўрқди. Қулф шу қадар жўн эдики, уни ҳар қандай бақувват пичноқ билан бемалол очса бўларди. Холмс, шунингдек, бизга ҳужра ичкарисида эмас, ташқарида, иккичи дераза тагидаги буталар орасига яширишини таклиф қилган эди. Шундай қилиб, биз бу одам агар чироқ ёқса, уни кузатишга, нима мақсадда келганини билиб олишга муваффақ бўлардик.

Узоқ ва машаққатли кутиш бошланди: вужудимизни асабий қалтироқ чулғади. Сув бўйида ташна ҳайвонни кутаётган овчи шундай қалтирайди. Бу ерга қоронгилликдан қандай йиртқич писиб келар экан? Ҷақнаган сўйлоқ тишилари ва тирноқларига қарши машаққат билан курашибгина енгиш мумкин бўлган қутурган йўлбарсми ёки заифлаг билин химоясизлар учунгина хавфли бўлган қўрқоқ қашқирми?

Биз сукт сақлаганча буталар орасида яшириниб турибмиз. Дастрлаб бизга кеч қолган ўткинчиларнинг оёқ

тovушлари билан қишлоқдан келган ғала-ғовурлар эши-тилиб турди, аммо бора-бора бу садолар ҳам тинди. Ниҳоят, жимжит сукунат чўқдн. Фақат йироқдаги черков соатининг занги вақт ўтаётганидан хабар берар, бизга бошпана бўлиб турган япроқлар орасида майдаде ёмғир шитирлар эди.

Икки яримга занг урди: саҳар олдидан бўладиган эпг қоронғи дамлар бошланди. Биз кўча эшикнинг оҳис-та ғижирлаганини аниқ эшитиб бирдан сапчиб тушдик. Йўлкадан бирор келмоқда эди. Яна узоқ жимлик чўкли. Мен бу беҳуда ташвиш, деб ўйлаган ҳам эдимки, бирдан ҳужранинг орқасидан эҳтиёткорона қадамлар, бир лаҳзадаң кейин эса металлнинг шарақ-шуруқлаши, жаранглаши эшитиб қолди. Бу одам қулфни бузиб очишга уринмоқда эди! Бу гал у анчагина эпчиллик билан иш кўрдими ёки қўлидаги асбоби дурустроқ эканми — тез орада қирсиллаган товуш эшитилиб, эшик ошиқ-мошиқлари ғичирлади. Сўнгра гугурт чақилди, шундан кейинги лаҳзада шам ёниб унинг текис нури ҳужра ичкарисини ёритди. Юпқа парда орқали биз ичкарида бўлаётган ишларнинг ҳаммасини кўриб турдик.

Тунги меҳмон озғин, касалчил йигит эди. Қора мўйловчалари заҳил юзининг оқишлигини сездириб турарди. У кўпи билан йигирмалардан ошган бўлса керак. Мен шу вақтгача бу қадар аянч аҳволга тушган одамни сира ҳам кўрмаган эдим: қўрқувдан тиშлари-тишларига тегмас, бутун вужуди қалтирамоқда эди. У жентльменларча кийинган: эгнида Норfolk жакети¹, калта спортча шим, бошида мовут кепка. Биз унинг теварак-атрофга қўрқа-писа аланглаётганини кўриб турардик. Кейин у шамни столга қўйиб, бурчаклардан бирида ғойиб бўлди. У ёқдан катта бир дафтар билан — рафда бир даста бўлиб турган кема журналларидан бирини кўтаргана-ча чиқиб келди. Столга энгашиб, уни тез-тез варақлади, инҳоят қидиргап ёзувини топди. Шунда у журналини қаҳр билан бир муштлаб, уни жойига қўйди-да, шамни ўчириди.

У оstonага бурилишга улгурмаган ҳам эдики, Гопкинс унинг ёқасидан фиппа бўғди. Мен унинг даҳшатдан қиҷқириб юборганини эшитдим: ўғри қўлга тушганини пайқаган эди. Шамни яна ёқдик. Бадбахт банди изто-парнинг қучогида қалт-қалт титраб, типирчилар эди.

¹ Норfolk жакети — си чўнтакларп бор кенг куртка.

— Хүш, азизим,— деди Стэнли Гопкинс,— сиз ким бўласизу бу ерда нима қилиб юрибсиз?

Иигитча ўзини ўнглаб олиб, хотиржам кўринишга тиришарди.

— Сизлар изтопарлар бўлсаларингиз керак-а?— деб сўради у.— Мени: «Капитан Питер Керининг ўлимига алоқаси бор», деб ўйлаётгандирсизлар-а? Сизларни ишонтириб айтаманки, менинг бунга дахлим йўқ.

— Бу кейин маълум бўлади,— деди Гопкинс.— Аввалинчайтсангиз, отингиз нима?

— Жон Холмс билан Гопкинснинг кўз уруштириб олганларини кўрдим.

— Бу ерда нима қилиб юрибсиз?

— Менинг сиримни айтиб қўймасликларингизга ишонсам бўладими?

— Албатта айтамиз. Бўлмаса-чи!

— Ундаи бўлса, гапиришимдан нима фойда чиқади?

— Агар айтмасангиз, судда аҳволингиз ёмон бўлади.

Иигитча сапчиб тушди.

— Майли, айтсам айта қолай,— деб қўйди у.— Айтсам нима қилибди? Аммо бу эски шармандали ишнинг яна юзага чиқишини ўйласам беҳузур бўлиб кетаман! Сиз ҳеч қачон Даусон билан Нелиган ҳақида бирон нарса эшитганимисиз?

Гопкинснинг юзидаи мен бу тўғрида у ҳеч нарса билмаслигини пайқадим, аммо Холмс жонланиб, шундай деди:

— Сиз Фарбий банк эгаларини кўзда тутаётибсизми? Улар бир миллион пул миқдорида синиб Корнуэл графлигининг ярмини хонавайрон қилишган, Нелиган фойиб бўлган эди.

— Тўппа-тўғри. Нелиган — менинг отам.

Нихоят муайянроқ бир нарса маълум бўлди. Аммо барибир қочиб кетган банкир билан ўзининг гарпунни деворга михлаб қўйган капитан Питер Кери орасида каттакон бир жар ётарди. Биз йигитнинг ҳикоясини диққат билан эшитишда давом этардик.

— Бу синишининг касри амалда менинг отамга теккан эди. Даусон ишдан анча илгарироқ этак қоқиб узоқлашган эди. Мен ўша вақтларда эндиғина ўнга киргани эдим, аммо анчагина эсли эдим. Юз берган ҳодисанинг бутун исноди билан даҳшатини тўла ҳис қиласардим. Одамларнинг гапича, гўё отам ҳамма қимматбаҳо қо-

ғозларни ўғирлаб қочиб кетган эмиш. Аслида эса бу ёлғон эди. Отам агар акцияларни ишга солишига имконият берсалар, ҳамма иш осоийш топиб, ўзининг муштариylари билан тўла-тўқис ҳисоб-китоб қила олишига қатъий ишонар эди. У худди ўзини қамоққа олиш ҳақида буйруқ бернилишидан олдин бир елканли кемачада Норвегияга жўнаб кетган эди. У онам билан хайрлашган сўнгги кечака эсимда. Олиб кетаётган қимматбаҳо қофозларининг рўйхатини бизга қолдирган эди. У, мен ўзимниң шаънимни тиклаб оламан, гаровдорларимдан биронтаси ҳам панд еб қолмайди, деб ишонтирган эди. Ўшандан буёни биз унинг тўғрисида ҳеч нарса эшитмаган эдик. Елкан ҳам, у ҳам дом-дараксиз кетган эди. Онам билан мен, у денгиз тагида ётибди, деб ўйлардик. Бизнинг иш юзасидан одамлар билан муомала қилиб турадиган бир ишончли дўстимиз бор, ана ўша одам яқинда отамниң қўлида бўлган баъзи қимматбаҳо қофозларининг Лондон бозорида яна пайдо бўлганини билиб қолибди. Бизнинг қандай ҳайратга тушганимизни тасаввур қилсаларингиз эди! Мен уларниң изига тушиб, бир неча ой вақтимни сарф қилдим, қўпдан-қўп муваффақиятсизликлар, машаққатларга дуч келиб, ниҳоят, уларни шу кулбанинг эгаси капитан Питер Кери сотганини аниқладим.

Табиийки, мен унинг ким эканини суриштира бошладим. Унинг бир вақтлар отам худди Норвегияга кетаётган вақтда Қутб денгизларидан қайтаётган кит оловчи кемага бошчилик қилганини билиб олдим. Ўша йили кузда об-ҳаво ёмон бўлиб, денгизда пўртаналар қутурган эди. Афтидан, отамниң елканли кемачаси шимолга кетиб қолиб, капитан Питер Керининг кемаси унга ўша ерда тўқнаш келган бўлса керак. Агар шундай бўлса, унда отам қаёққа ғойиб бўлган? Ҳар қалай, агар Питер Кери бу қимматбаҳо қофозларининг қандай қилиб бозорга чиқиб қолганини аниқлашда менга ёрдам берса, отамниң уларни сотмаганини, уларни ҳеч қандай ғаразсиз яхши мақсадда ола кетганини исбот қиласдим.

Мен капитанни кўрмоқчи бўлиб Сассексга келдим, аммо худди шу пайтда у даҳшатли ажалдан ҳалок бўлибди. Тергов протоколида унинг «каюта»сининг тасвирини ўқидим. Бунда унинг эски кема журналлари ҳам бор эканлиги эслатиб ўтилган эди. Менинг миямга, шу журналлардан бирида 1883 йилнинг августида «Денгиз каркидони» кемасида нималар юз берганини ўқишга мұяссар бўлсан, отамниң сирли тақдирини билиб олар-

лим, деган фикр келди. Кеча кечаси мен шу журналларни кириб күрмөңчи эдим, аммо эшикни очолмадым. Бугун уни очишга мұяссар бўлдим-у, лекин ўша ойга алоқадор варақлар йиртиб олинган экан. Шу орада мени сизлар ушлаб олдингизлар.

— Бор гап шуми?— деб сўради Гопкинс
— Ҳа, шу.— Шундай деркан йигитчанинг кўзлари беко ўйнади.

— Бошқа айтадиган гапингиз йўқми?

У иккиланди.

— Йўқ.

— Сиз кеча кечасигача бу ерга келмаганмидингиз?

— Йўқ.

— Мана бунга нима дейсиз?— деб қичқириб юборди Гопкинс, унга биринчи бетида бандимиз исм-фамилиясининг бош ҳарфлари ёзилган, муқовасида қон изи бор машъум қўйин дафтарчани узатаркан.

Шўрликнинг нафаси ичига тушиб кетди. У юзини қўллари билан яшириб яна титраб-қақшади.

— Сиз уни қаёқдан олдингиз?— деб инграб юборди у.— Мен буни билмаган эдим. Уни меҳмонхонада йўқотиб қўйганман, деб ўйлаган эдим.

— Бас!— деди Гопкинс кескин.— Борди-ю, яна айтадиган гапингиз бўлса, судда айтасиз. Энди сиз мен билан бирга полицияга борасиз... Ҳўп, мистер Холмс, менга ёрдам бергани бу ерга келганларингиз учун сиз билан дўстингиздан ғоятда миннатдорман. Мен ишни сизларсиз ҳам охирига етказишим мумкин эди-ю, аммо, ҳар қалай, сизга ғоятда ташаккур айтаман. Сизлар учун Брэмблътай меҳмонхонасида хоналар ажратиб қўйилган, шунинг учун қишлоққа бирга кетишимиз мумкин.

— Ҳўш, Уотсон, буларнинг ҳаммаси ҳақида сизнинг фикрингиз қандай?— деб сўради Холмс, эртасига эрталаб қайтиб келаётганимизда.

— Кўриб турибманки, сиз мамнун эмассиз.

— Йўғ-эй, қадрдоним Уотсон, мен ғоят мамнунман. Аммо шу билан бирга Стэнли Гопкинсни мақтай олмайман. Унинг методлари асло ярамайди. Жуда қўнглим қолди. Ундан кўп нарсани кутган эдим. Ҳамиша масалани ечишнинг иккинчи йўли бўлади, ўшани қидириш керак.

Бу жиноятни аниқлашнинг энг биринчи қоидаси.

— Бунда қандай иккинчи йўл бўлиши мумкин?

— Менинг ўз текширишларим асосида ётган йўл.

Эҳтимол у ҳеч нарса бермас ҳам. Ҳозирча бирор нарса дәйлмайман, аммо бу йўлнинг охиригача бораман.

Бейкер-стритда Холмсни бир неча хат кутиб турарди. Улардан бирини юлқиб олиб очди-да, тантана қилгандек кулиб юборди:

— Жуда соз, Уотсон! Иккинчи йўлнинг жавоби лишиб келаётиди. Сизда телеграф бланклари борми? Менга иккита телеграмма ёзиб беринг: «Кема агенти Самнерга, Рэтклифф-Хайвей. Уч одам юборинг, жўнаш вақти эртага эрталаб соат ўнда. Бэзил». Бу менинг ўша доиралардаги отим. Иккинчиси: «Инспектор Стэнли Гопкинсга, Лорд-стрит, 46, Бристон. Эртага эрталаб тўққизу ўттизда нонушта қилгани етиб келинг. Муҳим иш бор. Қелолмасангиз телеграмма беринг. Шерлок Холмс...» Шундай, Уотсон, бу даҳмаза мени ўн кунчадан бери ўз холимга қўймайди, энди мен уни бартараф қилмоқчиман. Бу ишга эртага батамом барҳам берамиз, деб умид қиласман.

Инспектор Стэнли Гопкинс худди тайинланган соатда кириб келди, ҳаммамиз ўтириб, миссис Хадсон понуштага тайёрлагаш ажойиб овқатни ея бошлидик. Ёш изтопар иши ўигидан келганидан завқ-шавққа тўлган эди.

— Таъбирларингиз тўғри эканлигига сиз чиндан ҳам аминмисиз?— деб унга мурожаат қилди Холмс.

— Бўлмаса-чи! Мутлақо равшан бир воқеа.

— Менингча, бу иш ҳали тугалланган эмас.

— Сиз мени таажжублантираётибсиз, мистер Холмс! Яна нималарни талаб қилиш мумкин?

— Сизнинг таъбирингиз ишнинг ҳамма томонларини қамраб олганми ўзи?

— Шубҳасиз. Мен ёш Нелиганинг Брэмблътай меҳмонхонасига жиноят содир бўлган куни келганлигини билдим. У голъф¹ ўйнагани келганмиш. Хонаси биринчи қаватда экан, хоҳлаган вақтда чиқиб кетиши мумкин эди. Уша куни кечаси Удменс Лига бориб, ҳужрада Питер Кери билан учрашган, у билан айтишиб қолиб, уни гарпун билан ўлдирган. Сўнгра, қилиб қўйган ишидан қўрқиб кетиб, ҳужрадан чиқиб қочган, қўйин дафтарчасини ўша ерда тушириб қолдирган. уни шунинг учун олиб борганки, Питер Керидан қимматбаҳо қофзларни суриштирмоқчи бўлган. Сиз, эҳтимол, пайқаган бўлсангиз керак, рўйхатда улардан баъзиларига хоч

¹ Гольф — инглизча тўп ўйини.

белгиси қўйилган эди-ку? Улар Лондон бозорида сотилганлари. Аммо улардан кўплари, чамаси, ҳали Кернинг қўлида бўлган бўлиши керак. Ёш Нелиган, ўзи иқрор қилишича, отасининг қарзларини тўлаш учун уларни қўлга киритишни орзу қилган. Қочиб чиққанидан кейин анча вақтгача у ҳужрага яқинлашишга юрак бетломай юриб, ниҳоят ўзига керакли маълумотларни қўлга киритиш учун бу ишга журъат қилган. Аён-ошкор кўриниб турган нарса, шундай эмасми?

Холмс жилмайиб, бош чайқади:

— Мен сизнинг тахминингизда бир камчилик кўриб турибман, Гопкинс: бунга мутлақо ақл бовар қилмайди. Сиз танани гарпун билан тешиб юборишга уриниб кўрдингизми? Йўқми? Бўлмаса, қимматли сэр, бу деталга алоҳида диққат қилингизга тўғри келади. Дўстим Уотсон менинг бу борада эрталаб қанча машқ қилганини айтиб бериши мумкин. Бу унча осоп иш эмас, бунинг учун қўл бақувват, машқ кўрган бўлиши керак. Капитанга ўшунақсанги бир куч билан зарба урилганки, гарпун гавдасини тешиб ўтиб, деворга санчилиб қолган. Бу заифгина йигитчанинг шу қадар даҳшатли зарба бера олишига ишониш мумкинми? Ярим кечада Қора Питер билан ром ичган одам худди шу эди, деб бўладими? Фожиадан икки кун олдин дераза пардасида худди шу йигитчанинг шарпасини кўрганлар, деб бўладими? Йўқ, йўқ, Гопкинс, ундан кўра даҳшатлироқ одамларни қидирингизга тўғри келади.

Холмснинг гапи давомида изтопарнинг башараси тиришгандан-тиришиб борарди. Унинг мўлжал ва умидлари пучга чиқиб бормоқда, аммо у курашмай таслим бўлмоқчи эмас эди.

— Сиз, мистер Холмс, Нелиганнинг ўша куни кечаси у ерда бўлганини инкор этолмайсиз. Бунинг очиқ исботи — дафтарча. Менингча, суд учун шу далилларнинг ўзи кифоя, сиз айтганингиздек, уларнинг заиф жойлари бўлса ҳам барибир. Энг муҳими, мистер Холмс, менинг жиноятчим аллақачон қўлга тушган. Сизнинг «даҳшатлироқ одам»ингизни нечукдир кўрмай турибман.

— Ўйлайманки, у ҳозир зинапоямиздан чиқиб келаётган бўлса ҳам ажаб эмас,— деди Холмс осойишта.— Назаримда, Уотсон, револьверни тайёр тутиб турганингиз маъқул.— Холмс ўриидан қўзғалиб, ёзув билан тўлатилган бир варақ қофозни яқинда турган столчага олиб бориб қўяркан:— Энди биз тайёрмиз,— деб қўшиб қўйди.

Дўриллаган овозлар эшитилди, кейин эса миссис Хадсон эшикни очиб, уч эркак капитан Бэзилни сўра-ётганини айтди.

— Уларни биттадаң киритинг,— деди Холмс.

Аввал юzlари қизил, оқ оралаган, басавлат бакен-бардли юмaloққина, кичкина киши кирди. Холмс чўн-тагидан хат олди.

— Отингиз нима?— деб сўради у.

— Жеймс Ланкастер.

— Афсуски, Ланкастер, жой банд бўлиб қолди. Бе-зовта қилганим учун мана сизга ярим соверен. Анави хонага кириб, бир неча минутча кутиб туринг.

Иккинчиси соchlари силлиқ, заҳил башараги новчагина, қотма одам эди. Унинг оти Хью Пэттино экан. У ҳам рад жавоби, ярим соверен ва кутиб туриш тўғриси-да фармойиш олди.

Учинчи меҳмоннинг қиёфаси диққатга сазовор эди. Унинг бульдогникига ўхшаган даҳшатли башарасини ҳурпайган соч-соқол босган, дағал бароқ қошлари ос-тидан ўткир қора кўзлари чақнаб турар эди. У саломлашиб, қўлида кепкасини ўйнаганича, денгизчиларга хос қомат ростлаб турарди.

— Отингиз нима?— деб сўради Холмс.

— Патрик Кэрис.

— Гарпунчимисиз?

— Ҳа, сэр. Йигирма олти марта сафар қилган-ман.

— Данидан бўлсангиз керак?

— Ҳа, сэр.

— Экспедициячи кема билан жўнашга розимисиз?

— Ҳа, сэр. Маоши-чи?

— Ойига саккиз фунт. Дарҳол йўлга чиқа оласизми?

— Керак яроқларни олишим билан.

— Ҳужжатларингиз ёнингиздами?

— Ҳа, сэр.

У чўнтагидан бир даста титилиб ёғ босган ҳужжат олди. Холмс уларни кўздан кечириб, унга қайтариб берди.

— Менга худди шундай одам керак эди.— деди у.— Ана контракт столда турибди. Унга қўл қўйсангиз, иш тамом, вассалом.

Денгизчи ҳона бўйлаб лапанглаб юриб борганча патқаламии қўлига олди.

— Шу ерига қўл қўяйми?— деб сўради у столга эн-гашарған.

Холмс унинг елкасига энганиб, қўлларини унинг бўйнидан ошириб пастга чўзди.

— Ҳамма иш жойида,— деди у.

Мен пўлатнинг шарақ-шуруғи билан қутурган ҳўкизнинг бўкириғидек ҳайқириқни эшидим. Шу дақиқадаёқ Холмс билан денгизчи бир-бирларига ёпишганча ерга думаладилар. Денгизчи жуда бақувват эди: ҳатто Холмс чаққонлик билан унинг қўлларига кишан солиб қўйган бўлса-да, у дўстимни енгиб қўйиши мумкин эди. Гопкинс икковимиз ёрдамга ошиқдик. Тўппончачинг совуқ оғзи чаккасига тиralгаңдагина у ниҳоят қаршилик кўрсатиш фойдасиз эканини фаҳмлади. Биз унинг оёқларини арқон билан боғлаб, олишувдан ҳарсиллаганча оёққа турдик.

— Мен сиздан кечирим сўрашим керак, Гопкинс,— деди Холмс,— илитилган тухум совуб қолгандир, деб қўрқаман. Аммо, ўйлайманки, терговнинг бундай муваффақиятли тугалланиши иштаҳангизни очиб юборса керак?

Стэнли Гопкинс ҳайратдан лол бўлиб қолди.

— Нима деб бўларди, мистер Холмс!— деб юборди ниҳоят у қип-қизариб кетиб.— Мен аввал бошданоқ лақмалик қилиб қўйганга ўхшайман. Сиз менинг устозим, мен эса сизнинг шогирдингизгина эканимни бир дақиқа бўлсин унутмаслигим керак экан. Ҳатто ҳозир ишларингизни кўра туриб ҳам мен, ҳар қалай сиз булағни қандай амалга оширганингизни ва нима гап эканлигига тушунолмаётibман.

— Майли, майли,— деб қўйди очиқ қўнгиллик билан Холмс,— ҳаммамиз ҳам ўз хатоларимизни кўриб ўрганимиз. Энди сиз масалани ҳал қилишнинг иккинчи йўлини диққатдан қочириш керак эмаслигини сира ёдингиздан чиқармайсиз. Сизнинг эс-ҳушингиз бутунлай ёш Нелиган билан банд эдики, Патрик Кэринсни ҳатто хаёлишгизга ҳам келтирмадингиз. Питер Керининг қотили эса худди шунинг ўзи.

Денгизчицинг хирқироқ овози унинг сўзларини бўлди:

— Менга қаранг, мистер! Сизнинг менга бу қадар қўпол муомала қилганингиздан нолимайману, аммо, ҳар қалай, ҳар нарсанинг ҳам ҳақиқатини айтиш керак. Сиз: «Питер Керининг қотили», деяпсиз. Мен айтаманки, уни ўлдиришга мажбур бўлдим. Бунинг бир-биридан фарқи бор. Балки сиз менга ишонмаётгандирсиз? Балки мени бўлмағур гапларни тўқиб чиқараётиди деб ўйлаётгандирсиз?

— Сира ҳам,— деб жавоб берди Холмс.— Сиз айтмоқчи бўлган гапларнинг ҳаммасини бажонидил қулоқ солиб, эшитамиз.

— Узоқ гапириб ўтирмайман, худо ҳақи, менинг ҳар бир сўзим — ҳақиқат. Қора Питерни яхши билардим, у пичоққа ёпишганда, мен гарпунга ёпишдим, чунки икковимиздан биримизгина омон қолишимиз кераклигини билардим. Шундай қилиб, у ўлди. Балки бу сунқасд деб аталар. Менга қандай ўлишнинг фарқи йўқ. Қора Питернинг пичоғи кўксимга қадалгандан кўра бўйнимга сиртмоқ тушиб жон берганим менга кўпроқ ёқади.

— Сиз унинг уйига қандай қилиб келиб қолдингиз?— деб сўради Холмс.

— Ҳаммасини бир бошдан айтиб бераман. Лекин ўтиришга изн берсангиз, унда гапириш ўнғайроқ бўлади. Бу воқеа 1883 йилнинг августида бошланган эди. Питер Кери «Денгиз каркидони»нинг хўжайнини, мен эса унинг қўлида эҳтиётдаги гарпунчи эдим. Биз қалашиб кетган музларни оралаб уйга қайтиб келмоқда эдик. Қаршимиздан эсган шамол бизни юлқилаб, пўртана бир ҳафтагача тўхтамай турган эди. Иттифоқо бир кичкина кемачага тўқнаш келиб қолдик: у шимолга қараб кетаётган экан. Экипажи бори-йўғи битта одамдан иборат, у ҳам дengизчи эмас экан. Бу кемачадаги бошқа одамлар, у фарқ бўлади, деб ўйлаб, қайиққа тушиб Норвегия соҳилига қараб жўнашибди. Ҳаммалари ҳам битта қолмай чўкиб кетган бўлишлари керак. Шундай қилиб, биз бу одамни кемамизга олдик. Улар капитан билан каютада узоқ ҳангамалашишди. Унинг кемамиз бортига қабул қилинган бор-йўқ юки битта тунука қутнчадан иборат эди. Яхши биламан, ҳеч ким бу одамнинг отини бирон марта ҳам атаб чақирмади. Иккинчи кечасиёқ у кемамизда мутлақо бўлмагандек ғойиб бўлиб қолди. Ўзини сувга отди, дебми ё сувга қулаб тушди, дебми гаплашишди — ўша кечаси кучли довул турган эди. Унинг нима бўлганини биргина одам биларди — бу мен эдим. Чунки шундан икки кунгина аввал қоп-қоронғи, жимжит тунда биз Шотландия ороллари маяклари ёнидан ўтишимиз билан капитан уни оёғидан ушлаб дengизга улоқтириб юборганини ўз кўзим билан кўрган эдим.

Мен бирорвга ғиринг деб оғиз очмадим. Қарай-чи, ўёғи нима бўлар экан, деб ўйладим. Биз Шотландияга етиб келдик. Бу ишни ҳеч ким эсламасди, ҳеч ким ҳеч нарсани сўрамасди ҳам. Бир одам тасодифан ҳалок бўл-

ган, бу билан ҳеч кимнинг иши йўқ эди. Тез орада Питер Кери истеъфога чиқди, кўп йиллар ўтгандан кейингина мен упинг қаерда жойлашганини билиб олдим. Мен унинг ўша тунука қутича туфайли гуноҳ қилганини фаҳмлаган эдим. Энди у, тилимни тишлаб, оғзимни очмаганим учун, менга анча-мунча пул беради, деб ўйладим.

Керини Лондонда учратган бир денгизчидан упинг шу ерда яшаётганини билдим, ундан у-бу ундиргани келдим. Биринчи кечаси у ўзини анча бамаъни тутди: менга шундай бир маблағ ваъда қилдики, мен денгиздан умрбод халос бўлишим мумкин эди. Биз иккни кечадан кейин узил-кесил битишиб олишимиз керак эди. Қелиб қарасам — у маст бўлиб олибди, кайфияти ҳам роса расво. Утириб ичишдик, ўтмиш ҳақида гаплашдид. У ичган сайни турқи-таровати менга камроқ ёқарди. Мен деворда осилиб турган гарпунни кўриб қолдим: керак бўлиб қолар, деб қўйдим ичимда. У иҳоят ўзини тийиб туролмади: каттакон пакки-пичоқни олиб, сўкиниб оғзидан туфук сочганча устимга қараб кела бошлиди. У мени ўлдирмоқчи бўлиб турганини кўрдим. У пакки-пичоқни ростлаб улгурмаган ҳам эдик, мен уни гарпун билан деворга михлаб қўя қолдим. Ё бафармони худо, бўкирганини! Башарасини эсласам ҳалигача ухлаёлмайман... Қони шариллаб отилаётиди, мен бўлса кутиб турибман. Аммо теварак-атроф жимжит эди, мен хотиржам бўлдим. Аланглаб қарасам: рафда тунука қути турибди. Унга Питер Керининг қанчалик ҳақи бўлса, менинг ҳам шунчалик ҳақим бор, шунинг учун уни олиб ҳужрадан чиқиб кетдим. Эсипастлик қилиб тамаки халтамни столда унутиб қолдирибман.

Энди сизларга бу воқеанинг энг аломат қисмини гапириб бераман. Та什қарига чиқишим билан бирдан кимнингдир қадамларини эшитиб қолдим. Буталар орасига биқиндим. Қарасам, ҳужра томонга битта одам ўтиб кетаётиди. Ўйга кириб жинни одамдек бақириб юборди-да, ура қочиб чиқиб, кўздан ғойиб бўлди. Мен ҳаммани лақиллатдим: ўн миляча яёв юриб, Танбриж Үэлсда поездга тушдим-да, Лондонга келдим.

Кутичани очсан ичиди бир чақа ҳам йўқ. Унинг ичиди қоғозлардан бошқа ҳеч нарса йўқ, мен уларни сотишдан қўрқдим. Қора Питерга ҳукмимни ўтказишдан маҳрум бўлиб, ёнимда бир шиллингсиз Лондонда саёзга ўтириб қолдим. Ихтиёrimда касбимгина қолган эди. Гарпунчилар билан катта маош ҳақидаги бу эълонини



күриб дengiz агентлигига равона бўлдим, у ердан эса мени бу ерга жўнатиши. Менга маълум бўлган нарсалар шу. Ҳар қалай, Қора Питерни адойи тамом қилган бўлсан ҳам,adolat суди менга миннатдорчилик билдириши керак — мен ҳукуматга бир қулоч арқонинг пулни тежаб бердим.

— Фоятда ишонарли шоҳидлик,— деди Холмс ўрнидан туриб, трубкасини тутатаркан.— Уйлайманки, Гопкинс, сиз фурсатни бой бермасдан маҳбусни ишончилироқ жойга жўнатишингиз керак. Бу хона камераликка унча ярамайди, мистер Патрик Крэнс бўлса гиламимизда анчагина жойни эгаллаб ётибди.

— Сизга нима деб миннатдорчилик изҳор қилишимни ҳам билмайман, мистер Холмс,— деди Гопкинс.— Сизнинг қандай қилиб бундай муваффақиятга эришганингизни ҳалигача тушунолмай турибман.

— Мен аввал бошданоқ калаванинг учига тўғри илашиб олдим. Қўйин дафтарчани илгарироқ билсан, балки у мени ҳам худди сизга ўхшаб янгишириб қўйиши мумкин эди. Аммо бу иш тўғрисида мен эшигган ҳамма нарсалар бир томонга олиб бораради. Зўр қуч-қувват, гарпунни маҳорат билан ишлата билиш, бир шиша ром, тюленъ теридан тикилган, ичиди аччиқ тамакиси бор халта — буларнинг ҳаммаси дengизчидан, кит овловчи дengизчидан далолат бериб турарди. Мен «П. К.» деган ҳарфларнинг тасодифан мос келиб қолганига амин эдим. Тамаки халта Питер Керинники эмас, чунки у камдан-кам чекаркан, унинг «каюта»сида трубка ҳам топишмабди. Эсингиздами, мен сиздан, «каюта»да виски билан конъяк бор эканми, деб сўраган эдим. Сиз, бор эди, деб жавоб берган эдингиз. Ахир тайёргина конъяк ёки виски турганда ромни дengизчидан бошқа ким ичиши мумкин? Ҳа, мен унинг дengизчи эканлигига амин эдим.

— Сиз уни қандай қилиб топдингиз?

— Қимматли сэр, бу жуда оддий нарса-ку. Дengизчи — капитан Кери билан «Дengиз каркидони»да биргаликда сузганлардан биригина бўлиши мумкин эди. Менга маълум бўлишича, капитан бошқа кемада сузган эмас. Мен «Дengиз каркидони»нинг 1883 йилдаги командасидагиларнинг фамилияларини аниқлаш учун Дандига телеграмма бергани уч кун вақт сарфладим. Гарпунчилар орасида Патрик Крэнс ҳам бўлганлигини билганимдан сўнг текширишларим деярли тугалланди. Бу одам Лондонда бўлса керак, бир оз фурсатга Англия-

дан чиқиб кетишга майли ҳам йүқ эмасдир, деб ўйладим. Шунинг учун бир неча кун вақтимни Ист-Энда үтказдим, Арктика экспедициясини ўйлаб чиқариб, капитан Бэзил қўли остида хизмат этадиган гарпунчилар учун ҳавас қиласидиган шартлар таклиф қилдим — мана на-тижаси.

— Ажойиб! — деб хитоб қилди Гопкинс. — Жуда ажойиб!

— Сиз ёш Нелиганинг мумкин қадар тезроқ озод қилиннишига эришишингиз керак, — деди Холмс. — Ўйлайманки, сиз ундан кечирим сўрашингиз лозим. Тунука қутичани унга қайтариш зарур, аммо Питер Кери сотган қимматбаҳо қофозлар энди абадий ном-нишонсиз кетди, албатта... Мана, кэб ҳам етиб келди. Гопкинс, сиз бу одамии олиб кетишингиз мумкин. Борди-ю, меннинг судда ҳозир бўлишим шарт бўлиб қолса, менга Норвегияга хабар қилинг. Аниқ адресимни сизга кейинроқ маълум қиларман.



ОЛТИТА НАПОЛЕОН

Скотленд-Ярднинг изтопари мистер Лестрейд кечқурунлари бизнинг олдимиизга кўп келиб турарди. Унинг бу одати Шерлок Холмсга ёқарди. Лестрейд турли-туман полиция янгиликларини олиб келар, Холмс бундан миннатдор бўлиб, изтопарнинг ўзига топширилган ишлар ҳақидаги муфассал ҳикояларни қунт билан тинглар, ўз тажрибаси ва кенг билимлари хазинасидан йўл-йўлакай унга маслаҳатлар ҳам бериб қўяр эди. Аммо бу оқшом, Лестрейд фақат об-ҳаво билан газета ахборотлари ҳақидагина гапирди. Кейин у бирдан индамай қолди-да, ўйчанлик билан сигарасининг кулини пулаб тушира бошлади. Холмс унга синчиклаб разм солди:

— Менга аллақандай бир қизиқ иш топиб келганга ўхшайсиз-а?

— Йўғ-э, мистер Холмс, қизиқ иш қаёқда дейсиз!

— Ундай бўлса, гапириб беринг.

Лестрейд кулиб юборди:

— Сиздан ҳеч нарсани яшириб бўлмайди, мистер Холмс. Дарҳақиқат, бир воқеа бор, аммо арзимайдиган,

шуннинг учун сизни овора қилгим келмай турибди. Шуниси борки, арзимасликка арзимайди-ю, бироқ жуда ғалати нарса, биламанки, сиз ҳамма ғайриоддий нарсаларга айниқса ишқибозсиз. Зотан, ростини айтганда, бу иш сиз билан биздан кўра доктор Уотсонни қўпроқ қизиқтириши керак.

— Қасалми? — деб сўрадим мен.

— Жиннилик. Шу билан бирга ниҳоятда ғалати жиннилик. Бизнинг замонамида яшаб туриб, Наполеон Биринчини шу қадар ёмон кўрадиган, кўзига учраб қолган ҳар бир тасвирини қийратиб ташлайдиган одамини тасаввур этиш қийин.

Холмс ўзини кресло суюнчиғига ташлади:

— Бу ишнинг менга алоқаси йўқ экан.

— Ана, ана, айтмадимми. Лекин агар у одам, қулф бузиб ўғирлик қилган бўлса-чи, агар у қийратаётган Наполеоннинг тасвиirlари ўзиники эмас, бошқа одамларники бўлса-чи, унда бу жинни доктор қўлидан яна бизнинг қўлимиизга келиб тушади.

Холмс яна қаддини ростлади:

— Қулф бузиб қилинган ўғирлик! Бу жуда қизиқ. Менга ҳаммасини, икир-чикир тафсилотларнгача гапириб беринг.

Лестрейд хизмат юзасидан тутадиган қўйин дафтар-часини олиб, баъзи нарсаларни хотирлаш учун уни вақлади.

— Биринчи ҳодиса ҳақида бизга тўрт кун муқаддам хабар беришган эди,— деди у.— Бу ҳодиса Морз Хэдсоннинг Кеннингтон-роддаги суратлар ҳамда ҳайкаллар билан савдо қиласидиган дўконида содир бўлган. Магазиндаи бир минутгагина ташқарига чиққан гумашта бирдан қандайдир қарсилаган товушни эшитган. Югуриб қайтиб кириб қараса, пештахтада бошқа санъат асарлари билан турган Наполеоннинг гипс бюсти ерда чил-чил бўлиб ётганмиш. Гумашта кўчага югуриб чиқибди, гарчанд кўпгина ўткинчилар дўкондан югуриб чиққан одамини кўрганларини айтсалар-да, гумашта унинг изидан қувлаб етолмабди. Бу ўқтин-ўқтин юз бериб турадиган бемаъни безориликлардан бирига ўхшарди... Етиб келган констеблга худди шундай дейишибди. Гипс бюстнинг нархи атиги бир неча шиллинггина, бу иш шу қадар майда эдик, устидан тергов очиб ўтиришга арзимасди.

Аммо шундан кейин юз берган ҳодиса жиддийроқ, шу билан бирга яна ҳам ғалатироқ бўлди. У шу бугун

кечаси юз берди. Морз Хэдсоннинг дўконидан бир неча юз қадам нарида, Кэннингтон-родда, доктор Барникот деган анчагина машҳур врач яшайди, у Темзанинг жа-нубий қиргогида кенг кўламда иш олиб боради. Унинг уйи Франция императорининг китоблари, суратлари ва ёдгорлик буюмлари билан тўлиб кетган. Яқинда у Морз Хэдсондан Наполеоннинг француз ҳайкалтароши Девин томонидан ясалгаи машҳур ҳайкалининг иккита бир хил гипс нусхасини сотиб олган. Нусхалардан бирини у ўзининг Кеннингтон-роддаги квартирасига қўйиб, иккинчисини эса Лауэр-Бринстон-роддаги жарроҳлик хона-сидаги каминга ўрнатган. Бугун эрталаб уйнга қайтиб келганда доктор Барникот кечаси уйига ўғри кирганини пайқаган, аммо шу билан бирга, даҳлиизда турган гипс бюостидан бошқа ҳеч нарса ўғирланмаганини кўрган. Ўғри бюостни уйдан олиб чиқиб, уни боғ панжарасига уриб синдирган. Эрталаб панжара олдидан бир уюм гипс парчалари топилган.

Холмс қўлларини бир-бирига ишқаб қўйди.

— Дарҳақиқат, ғалати ҳодиса! — деди у.

— Мен бу ҳодисанинг сизга ёқиб қолишига амин эдим. Аммо ҳали гапимни тамомлаганим йўқ. Доктор Барникот соат ўн иккиларда жарроҳлик хонасига келган. Жарроҳлик хонасининг деразаси очилганини, иккичи бюостнинг парчалари ер билан битта бўлиб ётганини кўрганда унинг қандай таажжубланганини тасаввур қиласангиз эди. Бюост майда-майда қилиб юборилган эди. Биз иккала ҳодисани ҳам текширпб кўрдик, аммо бу жиноятчининг... ёки шунаقا ўғирлик билан шуғуллана-диган телбанинг ким эканлигини аниқлашга муваффақ бўлолмадик. Бор фактлар шу. мистер Холмс.

— Бу факт ғаройиб, ҳатто ғалати, — деди Холмс. — Айтинг-чи, доктор Барникотининг хоналарида синдирилган бюостлар Морз Хэдсоннинг дўконида синдирилган ўша бюостларнинг аниқ нусхасиникан?

— Улар бир қолипда қўйилган.

— Демак, бюостларни синдирган одам Наполеонга бўлган нафрати таъсирида ҳаракат қилган, деб бўлмайди. Агар Лондонда буюк императорнинг бюости бир неча мингталигини эътиборга олсан, номаълум мутаассибининг ўз фаолиятини ўша бир бюостнинг учта нусхасини қиyrатишдан бошлаганини, мутлақо тасодифий, деб тахмин қилиш маҳол.

— Бу фикр менинг ҳам миямга келган эди, — деди

Лестрейд.— Сиз бу тўғрида нима деб ўйлайсиз, доктор Уотсон?

— Қандайдир бирон нуқтада ақлдан озишнинг хиллари ғоятда турли-туман,— деб жавоб бердим мен.— Шундай бир ҳодиса ҳам борки, уни ҳозирги замон психологлари «илашқоқ фикр» деб атайдилар. Бу фикр мутлақо арзимайдиган бўлиши, шу фикрга гирифтор бўлиб қолган одам бошқа ҳамма жиҳатлардан батамом сиҳат-саломат бўлиши мумкин. Фараз қиласликки, бу савдоин Наполеон ҳақида жуда кўп ўқиган, ёки айтайлик, Наполеон урушлари даврида унинг аждодларига қандайдир бир озор етказилганлигидан хабар топиб қолган. Унда «илашқоқ фикр» туғилиб, шунинг таъсири остида у энг ақл бовар қилмайдиган ишларга қодир бўлиб қолган.

— Сизнинг назариянгиз бизга тўғри келмайди, азим Уотсон,— деди Холмс, бошини чайқаб,— чунки ҳеч қандай «илашқоқ фикр» бу бюстларнинг қаерда эканлигини ғаройиб васвасингизнинг кўнглига сололмас эди.

— Буни ўзингиз қандай таъбирлаб берардингиз?

— Мен таъбирлаб бермоқчи ҳам эмасман. Фақат бу жентльменнинг аломат хатти-ҳаракатларида қандайдир бир система бор эканлигини кўриб турибман.

Шундан кейинги воқеалар яна ҳам тезроқ содир бўлди, улар биз тахмин қилганимиздан кўра фожиалироқ эди. Эртасига эрталаб мен ўз ётоқхонамда қийинаётсам, Холмс эшикни тақиллатиб, қўлида телеграмма билан кириб келди. Уни овоз чиқариб ўқиди:

— «Кенсингтон, Питт-стрит 131га дарҳол етиб келинг. Лестрейд».

— Бу қанақаси бўлди?— деб сўрадим мен.

— Билмадим. Ҳар нарса бўлиши мумкин. Аммо, назаримда, бу бюстлар воқеасининг давомига ўхшайди. Агар мен янгишмасам, бундан маълум бўлишича, васвас дўстимиз ўз фаолиятини Лондоннинг бошқа қисмига кўчирганга ўхшайди... Столда қаҳва, Уотсон, эшикда кэб кутиб турибди.

Ярим соатдан сўнг биз Питт-стритга — Лондоннинг энг гавжум, серқатнов марказий кўчаларидан бири билан ёнма-ён кетган энсизгина тор кўчага етиб бордик. 131-й ҳеч бир романтик жиҳати йўқ, сипогина, силлиқ иморат экан. Биз яқинлашиб борсак, унинг боғ панжараси олдидা бир тўда бекорчилар турибди. Холмс ҳуштак чалиб юборди:

— Жин урсин, у ерда одам ўлдирилганга ўхшаб қолди-ку!

Бизга тунд башарали Лестрейд пешвоз чиқиб, бизни меңмонхонага бошлаб кирди, у ерда фланель халат кийган, одатдан ташқари бесаранжом, ўрта ёшлардаги бир одам уёқдан-буёққа югуриб юрарди. Уни бизга таништиришди. У уй эгаси, Марказий матбуот уюшмасининг газета ходими мистер Хорэс Харкер экан.

— Наполеонлар воқеаси давом этмоқда,— деди Лестрейд.— Кеча кечқурун бу сизни қизиқтириб қолган эди, мистер Холмс. Уни текширишда қатнашиш, айниқса ҳозир у шундай бир қайғули воқеага олиб келган пайтда текширишда қатнашиш сизга маъқул тушар, деб ўйладим.

— Қандай воқеага?

— Одам ўлдирилишига. Мистер Харкер, мумкин бўлса, бу жентльменларга юз берган ҳодисани ипидан-игнасиғача гапнриб берсангиз.

Халатли одам хомуш юзини бизга ўгиради.

— Қизиқ гап,— деди у.— Мен умрим бино бўлибдик, газеталарда бошқа одамларнинг бошидан ўтган воқеаларни акс эттириб келган эдим, ниҳоят ўз бошимга шундай катта воқеа тушганда ўзимни шу қадар йўқотиб қўйдимки, икки оғиз сўз ҳам ёзолмай қолдим. Дарвоқе, сизнинг цомингиз менга таниш, мистер Шерлок Холмс, агар сиз бизга бу сирли ишни тушунтириб берсангиз, мен бу ҳодисани яна бошқатдан ҳикоя қилиб беришдек таассуфли зарурат учун тақдирланган бўлардим.

Холмс ўтириб қулоқ сола бошлади.

— Бу сунқасд мен бундан тўрт ой муқаддам сотиб олган Наполеоннинг бюсти билан боғлиқ. У ака-ука Хардингларнинг Хай-стрит вокзали яқинидаги магазиннада менга арzon-гаровгина тегиб қолди. Одатда мен ўз мақолаларимни кечалари ёзаман, кўпинча иш устида эрталабгача ўтириб чиқаман. Бугун ҳам шундай бўлди. Мен юқори қаватнинг охиридаги ўз хонамда ўтирам, бирдан учларга яқин пастдан аллақандай шовқин эшитилиб қолди. Қулоқ солдим, аммо шовқин такрорланмади, кўчадагилар шовқинлашгандир, деб ўйладим. Аммо беш минутчадан кейин тўсатдан даҳшатли фарёдни эшишиб қолдим — ҳеч қачон бу қадар даҳшатли овозни эшифтган эмасдим, мистер Холмс. Уша фарёд ўла-ўлгунимча қулоғимнинг тагидан кетмайди. Қўрқувдан карахт бўлганимча бир-икки минут ҳаракатсиз ўтириб қолдим, кейин косовни олиб пастга тушиб бордим. Хо-



намга кирсам, дераза ланг очиқ турибди, каминдаги бюст ғойиб бўлибди. Мен ўгрининг бу бюстга нега бунчалик ишқибоз бўлиб қолганини ҳеч тушунолмаётубман. Гипсдан қуйилган оддийгина бир нусха, баҳоси ҳам арзимаган сариқ чақа. Ўзингиз кўриб турибсиз, бу деразадан сакрамоқчи бўлган одам кўча эшикнинг зинналарига бориб тушади. Ўғри шак-шубҳасиз худди шу йўл билан қочганлиги учун, мен даҳлиздан ўтиб ташқари эшикни очдим. Қоронғига қадам қўйиншум билан қоқилиб кетиб, ерда ётган жасад устига йиқилиб тушишимга оз қолди. Қайтиб кириб, чироқ олиб чиқдим. Шўрликнинг томоғидаги жароҳати иккига ажралиб турарди. Юқоридаги ҳамма зинналар қонга бўялган эди. У тиззаларини йиғиб, оғзи очилганча чалқанча ётарди. Бу жуда даҳшатли манзара эди. У ҳар куни кечаси тушимга кириб чиқади. Мен полицияча ҳуштагимни чалиб, шу ондаёқ ҳушимдан кетиб қолибман. Бошқа ҳеч нарсани эслолмайман. Даҳлизда ҳушимга келдим. Ёнимда полисмен турарди.

— Улдирилган ким экан?— деб сўради Холмс.

— Буни аниқлаб бўлмади,— деди Лестрейд.— Уни ўлихонада ўзингиз кўздан кечиришингиз мумкин. Биз уни кўздан кечириб, ҳеч нарса аниқлаёлмадик. Ҳали ўттизларга етмаган, офтобда қорайган, жуда бақувват, бўйдор эркак. Фақирона кийинган, аммо ишчига ўхшамайди. Ёнидаги кўлобланган қонда мугиз сопли пакки пичоқ ётарди. Бу марҳумникими, қотилникими, билолмадим. Марҳумнинг кийимида оти нима эканлигини билб олса бўладиган белгилар йўқ эди. Чўнтагидан олма, чизимча, Лондоннинг харитаси билан фотосурат топдик. Мана у.

Бу кичкина аппарат билан олиниб дарҳол тайёрлаб бериладиган суратлардан эди. Унда юз қиёфалари кескин, қошлиари қуюқ, баҳайбат энгаги худди павиан маймунникига ўхшаб олдига чиқиб турган бир йигит акс этирилган эди. Умуман, унинг нимасидир маймунга ўхшарди.

— Бюст нима бўлди?— деб сўради Холмс, фотосуратни диққат билан кўздан кечираркан.

— Бюстни худди сизлар келишларингиз олдида тошишга муваффақ бўлдик. У Кэмпден-Хауз-роддаги бўш уй олдидаги боғчадан топилди. У чил-чил қилиб синдирилган. Мен ҳозир худди ўшани кўздан кечиргани кетаётубман. Бирга борасизми?

Бюстнинг парчалари топилган жой уйдан атиги бир нечагина ярд нарида эди. Буюк императорнинг аллақандай нотаниш бир кишининг қалбida шу қадар ваҳшиёна ва омонсиз нафрат туғдирган бу тасвирини биз илк марта эндиғина кўришга мұваффақ бўлдик. Бюст ўт устида чил-чил бўлиб сочилиб ётарди. Холмс ердан бир неча парчани олиб, уларни диққат билан текширди. Мен унинг жиддий чеҳрасидан изни топиб олганини лайқадим.

— Хўш?— деб сўради Лестрейд.

Холмс елкаларини қисди.

— Бизнинг ҳали бу иш билан анчагина овора бўлишимизга тўғри келади,— деди у.— Аммо, ҳар қалай... ҳар қалай... ҳар қалай, иш бошлаш учун унча-мунча нарса қўлга кирди. Бу бир чақалик бюст ўша ғалати жиноятчининг назарида инсон ҳаётидан ҳам қимматлироқ. Биз аниқлаган биринчи факт шу. Ундан ғалатироқ бўлган иккинчи факт ҳам бор. Борди-ю, жиноятчининг бирдан-бир мақсади бюстни синдиришдан иборат бўлса, нима учун уни уйнинг ўзида ёки уйнинг яқинида уриб синдиримаган?

— У ўша одамни кўриб ҳанг-манг бўлиб қолган, уни ўлдиришга мажбур бўлган. Нима қилаётганини ўзи ҳам билмаган.

— Ҳа, ишонса бўладиган гап. Бироқ мен диққатларингизни бюст синдирилган боғдаги уйга қаратмоқчиман.

Лестрейд атрофга аланглади.

— У бўш,— деди у,—жиноятчи бу ерда унга ҳеч ким халал бермаслигини билгани.

— Лекин бу кўчада бошқа бўш уй ҳам бор, бу ерга келиш учун уни босиб ўтиши зарур бўлган,— деб эътиroz билдириди Холмс.—Нима учун у бюстни биринчи бўш уйнинг олдида синдиримаган? Ахир ҳар бир ортиқча қадами битта-яримта билан учрашиб қолиш хавфини ошириши мумкинлигини билган-ку.

— Мен бунисига эътибор бермабман,— деди Лестрейд.

Холмс тепаимизда ёниб турган кўча фонарини нуқиб кўрсатади.

— Ўша одам нима қилаётганини бу ерда ўз кўзин билан кўриб туриши мумкин, уёқда эса кўра олмас эди. Уни бу ерга шу нарса олиб келган.

— Жин урсин, сиз ҳақлисиз!— деди изтопар.— Энди мен доктор Барникотнинг бюсти ҳам унинг қизил чиро-

ги яқинида синдирилғанлигини әсләтибман. Аммо биз бу фактни нима қиласыз, мистер Холмс?

— Уни ёдда тутиш керак. Қейинчалик бунга қайта мурожаат қилишга мажбур қыладиган вазияттарға дуч келишимиз мүмкін. Энди сиз қандай чоралар күрмөқчисиз, Лестрейд?

— Менингча, ҳозир үлдирилған одамнинг шахсини аниқлаш билан шуғулланиш фойдалыроқ бўлар эди. Бу унча мушкул иш эмас. Биз унинг ўзи билан ўртоқлари ким эканлигини билиб олсак, у Питт-стритда кечаси нима қилиб юрганини, бу ерда кимни учратганини, уни мистер Хорэс Харкернинг зинапоясида ким үлдирганини аниқлашга муваффақ бўламиз. Сиз шу фикрга қўшиласизми?

— Кўшиламан. Аммо мен бу жумбоқни ҳал қилишда мутлақо бошқа томондан ёндашган бўлардим.

— Қайси томондан?

— О, мен сизга таъсир кўрсатмоқчи эмасман. Сиз ўзингизча иш кўринг, мен ўзимча иш кўрай. Қейинчалик биз қидиришларимизнинг натижаларини таққослаб кўрамиз, шу билан бир-биrimизга ёрдам берамиз.

— Жуда соз,— деди Лестрейд.

— Сиз ҳозир Питт-стритга қайтиб борасиз. Албатта мистер Хорэс Харкерни кўрсангиз керак. Мумкин бўлса менинг номидан унга айтиб қўйсангиз, менинг фикримча, ўтган кечаси унинг уйига Наполеондан нафгатланиш дардига гирифтор бўлиб қолган қонхўр телба кирган. Бу унинг мақоласи учун яраб қолиши мумкин.

Лестрейд Холмсга ҳайрат билан қаради:

— Сиз наҳотки ҳақиқатда шундай деб ўйласангиз? Холмс жилмайди:

— Шундай деб ўйласангиз, дейсизми? Эҳтимол бундай деб ўйламасмаи ҳам. Аммо бу тахмин мистер Хорэс Харкер билан Марказий матбуот уюшмасининг обуначиларига жуда мароқли бўлиб туюлади... Кетдик, Уотсон, бугун бизнинг олдимизда серташвиш кун турибди. Агар сиз бугун кечқурун соат олтиларда бизнинг Бейкер-стритга етиб борсангиз ўзимни жуда баҳтиёр ҳис қиласдим, Лестрейд. Ўшангача мен бу фотосуратни олиб қоламан.

Биз Шерлок Холмс билан пиёда юриб Хай-стритга бордик ва бюст сотиб олинган ака-ука Хардингларнинг дўконига кирдик. Ёш гумашта бизга мистер Хардингнинг дўконига кечга яқингина келишини, ўзи бу ерда

яқингинадан бери хизмат қилаётган учун бизга ҳеч қандай маълумот бера олмаслигини айтди. Холмснинг чеҳрасида ўқинч ва раңжиш ифодаси кўринди.

— Начора, Уотсон, ҳамиша ишимиз ўнгидан кела-веришига умид боғлашимиз қийин,— деди у ниҳоят.— Башартики, мистер Хардинг бу ерга кечгача келмас экан, ўша пайтда келишга тўғри келади. Мен, ўзингиз пайқаб турган бўлсангиз керак, албатта, бу бюстларнинг тарихини бошидан бошлаб кўздан кечирмоқчиман, барпо бўлаётганларида уларнинг бу аломат қисматини олдиндан белгилаб қўйған қандай бўлмасин ғалати шарт-шароитлар мавжуд бўлган-бўлмаганинги аниқламоқчиман. Ҳозирча Кеннингтон-родга, мистер Морз Хэдсоннинг олдига борамиз, кўрайлик-чи, бу сирлн жумбоқни ечишга у бир оз ёрдам бермасмикан.

Суратфурушнинг дўконига биз бир соатда етиб бордик. У қизил юзли, заҳар табнатли, кичкина, семиз одам экан.

— Ҳа, сэр. Пештахтамнинг устида синдириди, сэр,— деди у.— Хоҳлаган ярамас бостириб келиб молимизни нест-нобуд қилиб чиқиб кетаверса солиқ тўлаганимиздан нима фойда! Ҳа, сэр, иккала бюстни ҳам доктор Барникотга сотган мен эдим. Шармандалик бу, сэр! Анархистлар фитнаси, бу шунаقا нарса, менинг фикримча. Ҳайкални синдиришга анархистгина қодир. Бюстларни қаёқдан олгансиз, дейсизми? Ҳайронман, бунинг ишга нима алоқаси бўлиши мумкин. Ҳўп майли ,агар билиб қўйишингиз керак бўлса, айтаман. Мен уларни Степнида, Черч-стритдаги Гелдер шеркатидан сотиб олганман. Иигирма йилдан бери мавжуд бўлган машҳур фирма. Нечта сотиб олгандингиз, дейсизми? Учта. Иккига бирни қўшса уч бўлади. Иккитасини доктор Барникотга сотдим, биттаси эса куппа-кундуз куни ўз дўконимнинг пештахтасида чил-чил синдирилди. Шу фотосуратдаги одамни танийсизми, дейсизми? Йўқ, танимайман. Дарвоқе, танирканман. Бу Беппо деган ҳунарманд итальян. Баъзан менинг дўконимда у-бу ишларни бажариб туради. Ёғочга нақш солади, ромларни зарҳал билан бўйяди. Ҳамма ишдан ҳам бир шингил-бир шингил билади. У дўконимдан бир ҳафтача бурун чиқиб кетган, ўшандан бери унинг тўғрисида ҳеч нарса эшитмадим. Йўқ, унинг қаёқдан келиб қолганини билмайман. Ҳозир қаёқдалигини ҳам билмайман. Унга қарши ҳеч қандай даъвом йўқ. У ёмон ишламасди. Дўконимда бюстни синдиришларидан икки кун бурун кетган эди...

— Дуруст, Морз Хедсон биэга умид қылганимиздан күра күпроқ маълумотлар берди,— деди Холмс, биз дўкондан чиққач.— Шундай қилиб, бу Беппо Кеннингтонда содир бўлган воқеаларда ҳам, Кенсингтондагисида ҳам иштирок қилган. Шундай факт учун ўн миля йўл босиш ҳам алам қилмайди. Энди, Уотсон, Степнидаги Гельдер шеркатига, бюостлар ватанига бораийлик. Аминманки, у ерда кўпгина қизиқ нарсаларни билиб оламиз.

Биз ҳашаматли Лондондан, меҳмонхоналар Лондонидан, театрлар Лондонидан, адабиёт Лондонидан, тижорат Лондонидан, денгиз Лондонидан ошиғич равишда ғизиллаб ўтиб, ниҳоят даромад уйлари қурилган соҳил бўйи районига кириб бордик. Бу ерда Европанинг турили-туман томонларидан адашиб-улоқиб келган қашшоқлар минди-минди эди. У ердаги кенг кўчадан қидирганимиз ҳайкалтарошлиқ устахонасини топдик. Устахона қабр тошлари қалашиб ётган кенггина бир ҳовлига жойлашган эди. У каттакон бир хонадан иборат бўлиб, унда ўймакорлик, қўйиш билан банд бўлган эллик чоғли ишчи бор эди.

Бизни оқ малла сочли бўйдор хўжайнин эҳтиром билан қабул қилиб, Холмснинг ҳамма саволларига аник жавоблар берди. Унинг дафтарларидағи ёзувларда кўрсатилишича, Наполеоннинг Девин мармардан ишлаган бош ҳайкалидан кўпдан-кўп нусхалар қўйилган бўлиб, у бундан бир йилча муқаддам Морз Хэдсонга юборган учта бюст эса олтитадан иборат бир тўпнинг ярмиси экан. Шу тўпдан қолган учта бюст Кенсингтондаги акука Хардингларга сотилган экан. Йўқ, бу олтига бюстнинг бошқаларидан ҳеч қандай фарқи йўқ экан. Йўқ, нима сабабдан битта-яримтанинг миясига бу бюостларни қийратиш фикри келганини билмасмиш, бундай фикр унга кулгили туюлармиш. Бу бюостларнинг улгуржи баҳоси — олти шиллингдан, аммо чаканалаб сотганда уларни ўн икки шиллингдан, ҳаттоки ундан ортиқроққа ҳам пуллаш мумкин эмиш. Бу бюостлар шундай тайёрланар экан: юзининг икки томони икки палла қилиб қўйилар экан, сўнгра бу икки палла бир-бирига ёпиштирилар экан. Бу ишларнинг ҳаммасини одатда итальянлар худди мана шу хонада бажаарар эканлар. Бюст тайёр бўлгач, уни қуритиш учун йўлакдаги столга териб қўяр эканлар, кейин омборга жўнатар эканлар. Унини бизга бошқа айтадиган гапи йўқ эмиш.

Аммо шундан кейин Холмс хўжайнинга фотосуратни кўрсатди. Бу сурат уни ҳанг-манг қилиб қўйди. Унини

юзи ғазабдан қизарып кетди, тевтонча мовий күзлари устида қошлары чимирилди.

— Ҳа, ярамас! — деб қичқирди у. — Ҳа, мен уни яхши биламан. Менинг устахонамга ҳамма эҳтиром билан қарайди, у барпо бўлганидан бери бу ерга бир марта-гина полиция келган... Мана шунинг касофати билан! Бу нарса бир йилдан муқаддамроқ содир бўлган эди. У кўчада бошқа бир итальянга пичоқ уриб, полициядан қочганча менинг устахонамга кириб келди. Бу ерда уни қамоққа олишди. Оти Беппо эди. Фамилиясини билмайман. Шу қиёфадаги одамни ишга олганим учун мен яхшилаб жазомни тортдим. Лекин у яхши хизматчилардан, энг яхши хизматчилардан бири эди.

— Унга қандай жазо беришди?

— У яралаган одам омон қолди, шунинг учун уни бир йил турмага қамашга ҳукм қилишди. Аминманки, аллақачон бўшаб чиқсан бўлса керак, аммо бу ерда қорасини ҳам кўрсатолмайди. Менда унинг амакиваччиши ишлайди. Ҳар қалай, у сизларга Беппонинг қаерда эканини айтиб бериши мумкин.

— Йўқ, йўқ,— деб юборди Холмс,— амакивваччиши чурқ этиб оғиз оча кўрманг... ўтинаман, оғиз оча кўрманг! Бу жуда жиддий иш. Бу ишга чуқурроқ кириб борганим сари у менга тобора жиддийроқ туюлаётиди. Сизнинг савдо-сотиқ дафтарингизда бу бюстларни ўтган йилнинг учинчи июнида сотганингиз кўрсатилган экан. Сиз менга Беппонинг қайси куни қамоққа олинганини айтиб беролмайсизми?

— Мен буни тахминан тўлов ведомостига қараб аниқлашим мумкин,— деб жавоб берди устахона эгаси.— Ҳа,— деб давом этди у қоғозларини титкиларкан,— унга охирги маош йигирманчи майдан тўланган экан.

— Ташаккур,— деди Холмс.— Ортиқча вақтингизни олиб, сизнинг сабр-тоқатингизни сунстеъмол қилмайман.

Хайрлашарканмиз, ундан биз билан бўлган суҳбатни ҳеч кимга айтмасликни илтимос қилиб, устахонадан чиқдик-да, ғарбга қараб қайтдик.

Ниҳоят биз ресторонлардан бирида наридан-бери нонушта қилиб олишга мувваффақ бўлганимизда вақт тушдан оғиб қолган эди. Ресторан эшиги олдида газеталар сотилмоқда, сўнгги ахборотлар ҳақида маълумот берадиган алоҳида плакатда йирик ҳарфлар билан: «Кенсингтондаги жиноят. Ақлдан озган қотил» деган сўзлар босилган эди. Биз газетага кўз ташлаб, мистер Хорэс Харкер, ҳар қалай, ўз мақоласини бостиришга

муваффақ бўлганига ишонч ҳосил қилдик. Икки стун унинг уйида юз берган воқеаларнинг шов-шувга сабаб бўладиган ҳашаматли тасвири билан тўлатилган эди. Холмс газетани столчага ёзиб қўйиб, овқат еятуриб ўқиди. У икки мартача пиқиллаб қўйди.

— Ҳаммаси жойида, Уотсон,— деди у.— Эшитинг: «Бу воқеага нисбатан турлича нуқтаи назарларнинг бўлиши мумкин эмаслигини эътироф этиш яхши, чунки энг тажрибали полиция агентларидан бири мистер Лестрейд билан маълум ва машҳур консультант ҳамда эксперт мистер Шерлок Холмс шундай фожиона тугаган ғалати воқеалар заинжирни жиноятдан эмас, ақлдан озиш оқибатида содир бўлган, деган бир фикрга келдилар. Биз зинр қилиб ўтган фактлар ақлдан озиш туфайлигина содир бўлган бўлиши мумкин». Матбуот, Уотсон, агар ундан усталик билан фойдаланилса, чинакам хазина. Энди, агар сиз овқатланиб бўлган бўлсангиз, биз Кенсингтонга қайтиб бориб, «Ака-ука Хардинглар»нинг эгаси нималар дейишини эшитамиз.

Бу каттакон савдо-сотиқ уйипинг эгаси жуда серҳаракат, чаққон, серфаҳм, сергап, жонсарак, эпчил одам экан.

— Ҳа, сэр, мен кечқурунги газеталардан ҳамма нарсани ўқиб билдим. Мистер Хорэс Харкер — бизнинг доимий мижозимиз. Биз унга бу бюстни бир неча ой муқаддам сотган эдик. Бундай учта бюстни биз Степнидаги Гельдер шеркатидан олган эдик. Улар аллақачон сотиб юборилган. Кимга дейсизми? Савдо-сотиқ дафтаримга қараб кўрай-чи. Ҳа, ҳаммаси мана бу ерда ёзилган экан. Биттаси — мистер Харкерга, иккинчиси — Лабурнум-лождаги Лабурнум-вэлининг Чизик деган кўчасида турадиган мистер Жозеиे Браунга, учинчиси эса — Лауэр-Гров-роддаги Редингда турадиган мистер Сэнфордга сотилган.

Мистер Хардинг гапиравкан, Холмс нималарнидир ёзиб олмоқда эди. Унинг кўриниши ғоятда мамнун эди. Бироқ у менга ҳеч нарса тушунтирмай, бизни Лестрейд кутиб тургани учун шошилишимиз кераклигинигина айтди. Дарҳақиқат, биз Бейкер-стритга келсак, изтопар хонада сабрсизлик билан уёқдан-буёқка юрган кўйи кутаётган экан. Мағрур кўринишидан бу кун унинг учун самарасиз ўтмаганини пайқаш мумкин эди.

— Ишлар қалай, мистер Холмс? — деб сўради у.

— Тер тўкиб ишлашга тўғри келди, меҳнатларимиз зос кетмади,— деди дўстим.— Биз иккала дўкондор би-

лан устахона эгасига бориб учрашдик. Мен ҳар бир бюстнинг тақдирини аввал бошдан кузатиб чиқдим.

— Ҳар бир бюстнинг тақдирини эмиш! — деб хитоб қилди Лестрейд. — Майли, майли, мистер Холмс, ҳар кимнинг ўзига яраша методлари бор, сиз билан талашиб-тортишиб ўтирмоқчи эмасман, аммо назаримда кун бўйин мен сиздан кўра кўпроқ нарсага эришганга ўхшайман. Мен ўлдирилган одамнинг шахсини аниқладим.

— Ия, ростданми?

— Жиноятнинг сабабини ҳам аниқладим.

— Жуда соз.

— Бизда итальянлар маҳаллалари бўйича мутахассис бир инспектор бор. Марҳумнинг бўйнида католиклар тақиб юрадиган хоч бор экан. Бундан ташқари, террисининг қора мағизлиги, беихтиёр, у жанубда туғилиб ўсган, деган фикрни туғдиради. Инспектор Хилл уни кўриши биланоқ таниди. Унинг оти Пьетро Венуччи, ўзи Неаполдан экан. Лондондаги энг даҳшатли каллакесарлардан бири экан. Кўриб турибсиз, ҳаммаси ойдинлаша бошлади. Унинг қотили ҳам итальян бўлса керак. Пьетро уни таъқиб қилиб юрган экан. Янглишиб битта-яримта бошқа одамни сўйиб қўймаслик учун чўнтағида унинг фотосуратини олиб юрган экан. У ўз душманини таъқиб қила-қила учратиб, унинг ўша уйга кириб кетганини кўрган. Чиқишини кутиб пойлаб турган, чиқиши билан унга ёпишгану олишиш оқибатида омонсиз яраланганд... Сиз бу тўғрида нима деб ўйлайсиз, мистер Шерлок Холмс?

Холмс унинг қўлини астойдил сиқди.

— Жуда соз, Лестрейд, жуда соз! — деб хитоб қилди у. — Аммо бюстларнинг қийратилишига берган таъбирингизга унча тушунолмаётубман.

— Яна бюст дейсиз-а! Шу бюстларни ҳеч миянгиздан чиқариб ташлаёлмадингиз-да! Бу бюстлар воқеаси, хуллас, беҳуда бир нарса. Майда ўғирлик, бунинг учун кўпи билан олти ой турма қамоғига ҳукм қилиш мумкин. Сунқасдин олсак — арзидиган иш, ўзингиз кўриб турибсиз, мен ҳамма ипларни қўлимда ушлаб турибман.

— Энди нима қўлмоқчисиз?

— Нима қиласдим. Хилл билан биргаликда итальянлар маҳалласига бориб, ўша фотосуратдаги одамни қидириб топамиз, мен уни қотилликда айблаб қамоқقا оламан. Биз билан бирга борасизми?

— Қайдам. Бормаганим тузукдир. Назаримда, му-

ваффақиятга осонроқ әришсак ҳам бўлар. Қатъий айтмолмайман, чунки бу бир нарсага боғлиқки... хуллас, бу бизнинг ихтиёrimиздан ташқаридаги вазиятга боғлиқ. Муваффақиятинг учдан иккى ҳиссасига аминман. Шундай қилиб, ишонаманки, агар бугун кечаси мен билан бирга борсангиз, биз уни қамоққа оламиз.

— Итальянлар маҳалласидами?

— Йўқ, менингча, уни Чизикдан қидириш тўғрироқ бўларди. Агар бугун кечаси мен билан Чизикка борсангиз, Лестрейд, сиз билан эртага итальянлар маҳалласига боришга ваъда бераман. Буни кечиктиришимишниңг ҳеч қандай зиёни бўлмайди. Энди бир озгина мизғиб олишимиз керак, чунки ўн бирдан илгари йўлга чиқишинг фойдаси йўқ, эрталаб қайтиб келсак ҳам ажаб эмас. Биз билан овқатланиб, Лестрейд, мана бу диванда ётиб ухланг. Сиз эса, Уотсон, қўнғироқ қилиб хат ташувчини чақиринг. Мен дарҳол хат жўнатишим зарур.

Холмс бутун кеч давомида ўз вақтини ҳужраларимиздан бирига уйиб ташланган тўп-тўп эски газеталарни титкилаш билан ўтказди. Ниҳоят ҳужрадан чиқаркан, унинг кўзлари чақиарди, аммо у ўз қидиришлари натижаси ҳақида бизга ҳеч нарса демади. Мен дўстимнинг методларини шу қадар ўрганган эдимки, ниятини тўла-тўқис билмасам ҳам, жиноятчани қандай қилиб қўлга туширмоқчи бўлаётганини фаҳмлаб турардим. Бу ғалати жиноятчи энди қолган иккита бюстни синдиришга уринади, улардан бири, ёдимда, Чизикда. Шубҳасиз, бизнинг тунги сафаримиздан мақсад — уни жиноят устида қўлга тушириш. Жиноятчани ҳеч қандай хавотир олмай иш кўраверишига қаноат ҳосил қилдириш учун кечқурунги газетага жўрттага мутлақо сохта тахминларни айтган дўстимнинг қувлигига қойил қолмаслигим мумкин эмас эди. Шунинг учун ҳам Холмс менга револьвер олакетишни маслаҳат берганда таажжубланмадим. Унинг ўзи эса севикли қуроли — сопига қўргошин қўйилган овчилар қамчисини олди.

Соат ўн бирларда эшигимизга экипаж келиб тўхтади. Биз Ҳаммер-смит кўпригидан Темзанинг нариги соҳилига ўтиб бордик. Бу ерда кучер кутиб туриш тўғрисида фармойиш олди. Биз пиёда юриб бориб тез орада атрофини цинамгина уйлар қуршаган кимсасиз йўлга чиқдик. Ҳар бир уйнинг атрофи кичик боғ билан ўралган эди. Кўча фонари ёруғида улардан бирининг дарвозасидаги «Лабурнум вилласи» деган ёзувни ўқидик.

Хонадондагилар ухлаётган бўлсалар керак, чунки уй қоп-қоронғи, фақат кўча эшикнинг тепасидаги доира деразачадан боғдаги сўқмоққа бир парча хирагина шуъла тушиб турарди. Биз дарвозадан кириб бориб, боғни кўчадан иҳота қилиб турган тахта деворнинг қуюқ соясиға биқиндиқ.

Аммо кутишимиз узоққа чўзилмади, у кутилмаган ва ғалати бир тарзда тугалланди. Тўсатдан ҳеч бир огоҳлантирмасдан боғ эшиги очилиб, худди маймундек чаққон ва серҳаракат эпчил бир қора шарпа боғдаги сўқмоқдан югуриб келди. Биз унинг деразадан тушиб турган шуъла ёруғида лип этиб қоронғиликда ғойиб бўлганини кўрдик. Узоқ сукунат чўқди, нафасни ичи-мизга ютиб турдик. Ниҳоят қулоғимизга заифгина гирчиллаган садо эшитилди — дераза очилган эди. Сўнг яна сукунат чўқди. Жиноятчи уй бўйлаб изғиб юрарди. Биз тўсатдан хонада унинг хуфия фонари ярқ этиб ёнганини кўрдик. Қидирган нарсаси у ерда эмас экан шекилли, бир дақиқадан сўнг ёруғ бошқа хонага ўтди.

— Очиқ деразанинг тагига борайлик. У сакраётганинда ушлаб оламиз,— деб шивирлади Лестрейд.

Аммо жиноятчи деразадан биз жойимиздан қўзғалмасимизданоқ сакраб тушди. У қўлтиғида бир оқ нарсани ушлаб турганча шуъла ёруғида тўхтади, сўнгра ўғринча аланглади. Бўм-бўш кўчанинг жимжитлиги уни тинчтди. Бизга орқа ўғирганча, у юкини ерга қўйди, бир лаҳзадан сўнг биз аввал кучли тақиллаган зарба товушини, кейин эса тиқир-тиқир ва қитир-қитир товушларни эшитдик. У ўз машғулотига шу қадар берилиб кетган эдикি, бизнинг писиб бораётган қадамларимизни ҳам эшитмади. Холмс йўлбарсдек ҳамла қилиб ўзини унинг устига ташлади. Лестрейд икковимиз эса қўлларига ёпишиб киshan солдик. У ўгирилиб қарапкан, мен ғазабдан буришиб-тиришган бадбуруш заҳил башарани кўрдим, бунинг дарҳақиқат фотосуратда кўрган одамим эканлигига ишондим.

Аммо Холмс бутун диққат-эътиборини бандига қаратмаган эди. У бандимиз уйдан олиб чиққан нарсани ниҳоят даражада синчиклаб текширди. Бу чил-чил қилиб синдирилган Наполеон бюсти, худди бугун эрталаб кўрганимизга ўхшаган бюст эди. Холмс парчаларнинг биронтасини ҳам қолдирмай, ҳар қайсисини бирма-бир ёруққа солиб кўрди, лекин уларнинг ҳаммаси ҳам бошқа гипс парчаларидан ҳеч бир фарқ қилмас эди. У ўз текширишларни энди тамом қилган ҳам эдик, эшик

очилиб күз ўнгимизда уй әгаси — күйлак билан шим кийган, тұладан келган хушфеъл бир әркак намоён бўлди.

— Агар янгишмасам, мистер Жозайл Браун бўлсангиз керак? — деди Холмс.

— Ҳа, сэр, сиз, шубҳасиз, мистер Холмс бўлсангиз керак? Ҳат ташувчи менга сизниг мактубингизни олиб келиб топширди, мен худди маслаҳат берганингиздек иш тутдим. Биз ҳамма эшикларни беркитиб, нима бўлишини кутиб турдик. Ярамаснинг қўлингиздан қочиб қутуломаганидан хурсандман. Марҳамат уйга, жентльменлар, йўл оёғи қилиб ичиб кетинглар.

Аммо Лестрейд бандини тезроқ ишончли жойга олиб бориб топширгиси келарди, бир неча дақиқадан сўнг кэбимиз тўртовимизни Лондонга олиб кетмоқда эди. Банди чурқ этиб оғиз очмади, у патила-патила соchlари остида бизга ғазаб билан тикиларди.

Полиция маҳкамасида унинг ёнини синчиклаб типтидилар, аммо бир неча шиллинг билан сопида қон излари бор узун ханжардан бошқа ҳеч нарса тополмадилар.

— Ҳаммаси жойида, — деди Лестрейд, биз билан хайрлашаркан. — Хилл бу одамларни яхши танийди, унинг кимлигини осонгина аниқлайди. Кўриб турарсиз, менинг назариям тўла-тўқис тасдиқланади. Бироқ, мистер Холмс, жиноятчига маҳорат билан тузоқ қўйиб, уни қўлга туширганингиз учун сиздан ғоят минатдорман. Бу фикр миянгизга қандай келганига ҳамон тушунолмай турибман.

— Қўрқаманки, бундай бемаврид фурсатда тушунтириб ўтириш ўринисиз бўлса керак, — деди Холмс. — Бундан ташқари, баъзи тафсилотлар ҳали тўла аниқланмаган, бу иш шундай ишлардан бирики, уни охиригача етказиш керак. Агар сиз эртага олтиларда менинг олдимга борсангиз, биз бу ўзига хос ишнинг чинакам моҳиятини ҳали ҳам тўлалигича тушуниб етмаётганимизни исбот қилиб берардим.

Эртасига кечқурун олдимизга келгач, Лестрейд қамоққа олинган одамнинг шахси юзасидан аниқлашга муваффақ бўлинган нарсаларнинг ҳаммасини айтиб берди. Унинг фамилияси номаълум, оти эса Беппо экан. У бутун итальян жамоасидаги ўтакетган саёқ экан. Бир вақтлар у моҳир ҳайкалтарош бўлиб, кейин йўлдан адашиб икки марта турмада қамалиб чиқсан: бир мартасида — майда ўғирлиги учун, иккинччисида — ўзи-

нинг ватандошини яралагани учун. Инглизчани жуда яхши гапираркан. Бюстларни нима сабабдан синдириганлиги шу вақтгача аниқланмабди, бу тўғридаги саволларга жавоб беришдан қатъяни бош тортаётган эмиш. Аммо полиция унинг ўзи бюстлар ясай билишини, Гельдер шеркатининг устахонасида ишлаганида уларни ўзи тайёрлаганини аниқлашга муваффақ бўлибди.

Кўпгина қисми бизга аллақачонларданоқ маълум бўлган бу маълумотларниг ҳаммасини Холмс эҳтиром билан диққат қилиб эшилди, менини яхши билганим учун, фикри бошқа нарса билан баанд эканлигини пайқадим, юзига тутиб олган никоб орқали унинг ниманидир кутаётганини, нимадандир ташвишланаётганини аниқ кўрдим. Ниҳоят у стулдан сапчиб турди, кўзлари чақнаб кетди. Кўнфироқ чалинди. Бир дақиқадан сўнг биз одим товушларини эшилдик. Хонага бакенбардларига оқ оралаган, қизил юзли ўрта яшар бир одам кириб келди. У ўнг қўлида эскичароқ чамадонча ушлаб турарди. Кира солиб уни столга қўйди.

— Мистер Шерлок Холмсни кўрсам бўладими?

Дўстим таъзим қилди, унинг юзида табассум кўринди.

— Агар янглишмасам, рединглик мистер Сэндфорд бўлсангиз керак? — деди у.

— Ҳа, сэр. Мен бир оз кечикиброқ келдим шекилли, аммо поездларнинг қатнаш жадваллари шу қадар ноқулай тузилганки... Сиз менинг қўлимдаги бюст ҳақида ёзган экансиз.

— Мутлақо тўғри.

— Мен сизнинг хатингизни ҳам олакелганман. Сиз: «Наполеоннинг Девин томонидан ишланган бюостидаи кўчирма олиш мақсадида сизнинг қўлингиздаги нусхага ўн фунт тўлашга тайёрман», деб ёзибсиз. Шундайми?

— Худди шундай.

— Хатингиз мени жуда таажжублантирди, менда бу бюст борлигини қандай қилиб билганингизни сира тушунолмадим.

— Ваҳоланки, бунинг йули жуда осон. «Ака-ука Хардинглар» съвдо уйининг эгаси мистер Хардинг бу бюстнинг охирги нусхасини сизга сотганини айтиб, менга сизнинг адресингизни маълум қилди.

— Тушундим. У сизга ундан бу бюстни қанчага олганимни айтдими?

— Йўқ, айтмаган эди.

— Мен унча бадавлат одам бўлмасам ҳам, ҳалол

одамман. Бу бюстни ўн беш шиллингагина олганман. Сиздан ўн фунт пулни олишдан илгари буни сизга маълум қилиб қўймоқчиман.

— Сизнинг бу ҳалоллигиниздан фахрланиш керак, мистер Сэнфорд. Бу баҳони мен ўзим айтганман, ундан воз кечмоқчи ҳам эмасман.

— Бу сизнинг томонингиздан кўрсатилган зўр олижаноблик, мистер Холмс. Мен илтимосингизга кўра бюстни ола келган эдим. Мана у.

У чамадонни очди. Биз ниҳоят столимиз устида шу вақтгача фақат синиқ-синиқ парчаларинигина кўриб келган бюстимизни мутлақо бутун ҳолда кўрдик.

Холмс чўнтағидан бир варақ қофоз олиб, столга ўн фунтлик пул қўйди.

— Мумкин бўлса, мистер Сэнфорд, шу гувоҳлар кўз ўнгида мана бу қофозга қўйсангиз. Бунда бюстнинг эгалигига мансуб бўлган ҳамма ҳуқуқларни менга топширишингиз айтилган. Мен, кўриб турибсизки, эҳтиёткор одамман. Вазият оқибатда қаёққа бурилиб кетиши мумкинлигини ҳеч қачон олдиндан билиб бўлмайди... Сизга ташаккур айтаман, мистер Сэнфорд. Мана пулнингиз. Сизга муваффақиятлар тилайман.

Меҳмонимиз чиқиб кетгач, Шерлок Холмс бизни яна ҳайратга солди. У ишни комоддан тоза дастурхон олиб, уни столга ёзишдан бошлади. Сўнгра ҳозиргина сотиб олган бюстини дастурхоннинг қоқ ўртасига қўйди. Кейин овчилар қамчисини кўтариб, унинг вазмин сопи билан Наполеоннинг қоқ миясига бир туширди. Бюст майда-майда бўлиб кетди. Холмс ҳар бир парчани ғоятда синчиклаб кўздан кечирди. Ниҳоят у ғолибона ҳайқириқ билан бир синиқ парчани узатди, унда пудингнинг орасига солиб ёпилган майиздек қандайдир бир юмалоқ нарса корайиб турарди.

— Жентльменлар! — деб хитоб қилди у. — Боржиалларнинг¹ сизга машҳур қора гавҳарини таништиришга рухсат этасизлар!

Лестрейд икковимиз индамай турардик: сўнгра бирдан жўшиб кетиб, худди театрда драма муваффақиятли тутгалланганида қарсак чалганларидек қарсак чалдик. Холмснинг оқиши ёноқлари қизарди, у томошабинларнинг қарсаклари билан саҳнага чиқарилган драматургдек таъзим қилди.

¹ Боржиаллар — Италия тарихида кўринарли роль ўйнаган бадавлат ва машҳур бир сулола.

— Ҳа, жентльменлар,— деди у,— бу ер юзида энг машҳур гавҳар, хайриятки, мен мулоҳаза қилиш йўли билан унинг князъ Колоннанинг «Дакр» меҳмонхонаси-даги ётоқ бўлмасида йўқолиб қолганидан тортиб то Степнидаги Гельдер шеркати устахонасида тайёрланган олтита Наполеон бюстининг охиргисининг ичига келиб тушишгача босган йўлини кузатишга муваффақ бўлдим.

Эсингизда бўлса керак, албатта, Лестрейд, бу қимматбаҳо тош йўқолиб шов-шувга сабаб бўлган эди. Лондон полицияси уни топишга уриниб беҳуда овора бўлган эди. Полиция ёрдам сўраб ҳатто менга ҳам мурожаат қилган эди, аммо мен ҳам ёрдам беришдан ожиз эдим. Тошни княгинянинг итальян насабидан бўлган оқсочи ўғирлаган, деб гумон қилингани эди. Бу оқсочининг Лондонда акаси борлиги ҳаммага маълум эди-ю, аммо уларнинг орасида бирон алоқа борлигини ҳеч бир аниқлаб бўлмаган эди. Оқсочининг оти Лукреция Венуччи эди, аминманки, бундан иккى кун бурун ўлдирилган Пьетро ўшанинг акаси бўлиши керак. Мен газеталарни кўздан кечириб гавҳар Беппо қамоққа олинмасдан иккى кун илгари йўқолганини аниқладим. Беппо эса Гельдер шеркатининг устахонасида худди ўша бюстлар тайёрланаётган вақтда қамоққа олинган.

Энди воқеаларнинг тартиби сизларга равшан. Гавҳар Беппода бўлган. Эҳтимол, уни Пьетродан ўғирлаб олгандир, эҳтимол, Пьетронинг шериги бўлгандир, эҳтимол, у Пьетро билан синглиси ўртасида воситачи бўлгандир. Хуллас, бу тахминлардан қайси бири тўғрилигининг бизга аҳамияти йўқ. Бизга шуниси мухимки, полиция унинг орқасидан қувиб келаётганида гавҳар қўлида бўлган.

У ишлаётган устахонасига югуриб келган. Фоятда қимматбаҳо ўлжасини яшириш учун бир неча минутги-на фурсати бор эканлигини, мабодо, ёнини тишиб қолсалар уни албатта топиб олажакларини билган. Наполеоннинг олтита бюсти йўлакда қуриб турган. Улардан бири ҳали анчагина юмшоқ бўлган. Моҳир хизматчи Беппо нам гипенч дарҳол чуқилаб, унга гавҳарни жойлаган-да, бюстни бир-икки сийпаш билан қадимги ҳолига келтириб қўйган. Бу сақлаб қўйиши учун пухта жой: бироқ гавҳарни топиб олиш мумкин эмас эди. Аммо Беппони бир йил турмага қамашга ҳукм қиласидар, бу орада олтита бюстнинг ҳаммасини Лондоннинг турли томонларига сотиб юборадилар. Қимматбаҳо нар-

саси улардан қайси бирида эканлигини у билмас эди. Фақат ҳамма бюстларни синдириш билангина гавҳарни топа олиши мумкин эди.

Бироқ Беппо умидсизланмаган. У ҳафсала ва изчиллик билан қидиришга тушган. Гельдернинг қўлида ишлаётган амакиваччасининг ёрдами билан бу бюстларининг қайси фирмаларга сотилганини билиб олган. Омади келиб Морз Хэдсонга ишга кирган, учта бюстни қидириб топган. Бу учала бюстдан гавҳар чиқмаган. Ўз уруғлари ёрдами билан қолган учта бюст кимларга сотилганини суриштириб билган. Улардан биринчиси Харкерда экан. Бу орада гавҳарнинг йўқолишини Бепподан кўриб юрган шериги таъқиб қилиб уни топган, улар олиша кетганлар.

— Агар Пьетро унинг шериги бўлса, Беппонинг фотосуратини нима учун ёнида олиб юрган? — деб сўрадим.

— Уни бошқа одамлардан суриштириш учун. Бу жуда эҳтимолга яқин тахмин. Хуллас, мен, Беппо сунқасдан кейин қидиришларини тўхтатиб қўймасдан, аксинча, тезлаштиради, деган ишонч ҳосил қилдим. Полиция унинг сирини билиб қолишидан қўрқиб отини ундан илгари қамчиласга ҳаракат қилади. Албатта, у Харкердаги бюстдан гавҳарни топган, деб айттолмасдим. Мен у нарсанинг гавҳар эканлигини ҳатто аниқ билмасдим ҳам, аммо унинг ниманидир қидираётгани менга аниқ эди, чунки ўғирлаган бюстларини фақат чироқ ёқилган жойлардагина синдиради. Харкернидаги бюст учтасидан бири, бинобарин, мен сизга боя айтганимдек, учдан икки ҳиссасига амин эдим. Иккита бюст қолган, унинг Лондонда турган нусхасини қидира бошлиши аниқ эди. Мен иккинчи фожианинг олдини олиш учун хонадонлагиларни огохлантириб қўйдим, биз ажойиб натижаларга эришдик. Бу вақтга келиб Боржиалларнинг гавҳапи изидан қуваётганимизни қатъий билиб олган эдим. Ўлдирилган одамнинг номи ҳамма фактларни ғуж қилиб тўплади. Биргина бюст — Редингдаги бюст қолган эди, гавҳар ўшандагина бўлиши мумкин эди. Мен бу бюстни сизларнинг ҳузурларингизда сотиб олдим. Мана ўша гавҳар.

Биз бир неча лаҳза индамай қолдик.

— Ҳа,— деди Лестрейд,— сизнинг ажойиб истеъоддингиз боғлигини мен кўп марта кўзим билан кўриб ишонганман мистер Холмс, аммо бунақа маҳоратни ҳали хеч бир кўрган эмасдим.

— Раҳмат! — деди Холмс. — Раҳмат!



ИККИНЧИ ДОФ

Мен, дўстим Шерлок Холмснинг ажойиб жасоратлари ҳақида ортиқ ёзолмасман, деб ўйлаган эдим. Материалларим йўқлигидан эмас, албатта. Аксинча, мен ҳали ҳеч қачон эслатиб ўтмаган юзларча воқеалар ҳақидаги ёзувларни сақлаб қўйибман. Шунингдек, бу ажойиб одамнинг ўзига хос шахси билан унинг одатдан ташқари иш усулларига китобхонлар қизиқмай қўйганлар, деб ҳам бўлмайди. Чинакам сабаб шундан иборат эдикি, Шерлок Холмс ўзининг саргузаштлари ҳақидаги ҳикоялар матбуотда босилиб чиқишида давом этишини сира-сира хоҳламас эди. Холмс ҳамон иш билан машғул экан, унинг муваффақиятлари ҳақидаги ҳисоботлар ўзи учун амалий бир аҳамиятга эга эди; қачонки у, Лондонни батамом тарк этиб, ўзини Сассекс адирларида асалари урчишиб, уларни ўрганишга бағишилагандан сўнг, шон-шуҳрат ва машҳурликни ёмон кўриб қолган, уни ўз ҳолига қўйиншларини қатъий талаб қилар эди. Фақат бир вақтлар мен «Иккинчи доф» деган ҳикоямни бостиришга ваъда берганимни эслатиб, бутун бу ҳикоялар туркумини Холмс

шуғулланган ишларидан энг маъсулиятлиси бўлган халқаро сиёсат соҳасига оид энг муҳим эпизод билан тутгallaшга унатганимдан сўнг, жуда қаттиқ сир тутилган бу ишни ёълон қилишга унинг розилигини олдим. Борди-ю, ҳикоямнинг баъзи деталлари қоронфироқ кўринса, китобхонлар мен ўзимга эрк бермаганимга жиддий сабаблар бор эканлигини осонгина тушуниб оларлар.

Куз кунларидан бирида, сешанба куни эрталаб (йилини ва ҳатто қайси ўн йиллик эканлигини ҳам кўрсантиш мумкин эмас), Бейкер-стритдаги квартирамизда бутун Европа танийдиган икки одам пайдо бўлди. Улардан бири, сипо, кибрли, бургут тақлид қиёфали, амrona нигоҳли киши Буюк Британия бош министри лавозимиин икки марта эгаллаб турган машҳур лорд Беллинжер эди. Иккинчиси, юз қиёфаси хушбичим, қора сочли, ҳали ўрта ёшларга бормаган, латиф, кўркамгина эмас, ниҳоятда зукко, Англия пэри¹, Европа ишлари министри, мамлакатимизнинг энг истиқболи баланд давлат арбоби Трелони Хоуп эди.

Мижозлар қофозлар уюлиб ётган диванга ёнма-ён ўтиришди. Ҳаяжонли ва толиққан юзларидан уларнинг бу ерга ошиғич, фавқулодда муҳим бир иш туфайли келганликларини пайқаш қийин эмас эди. Бош министр зонтикнинг суяқ сопини маҳкам ушлаганча ўтиаркан, унинг қора қон томирлари бўртиб турган озғин қўллари қалтиради. У гоҳ Холмсга, гоҳ менга тундлик ва хавотир билан тикилиб қаради.

Европа ишлари министри мўйловини асабий тутамлай-тутамлай, соат занжиридаги жевакларни ўйнарди.

— Шу нарса йўқолганини пайқашим билан, мистер Холмс,— бу ҳодиса бугун эрталаб соат саккизда рўй берди,— мен дарҳол бош министрга хабар қилдим, у пкксовимизнинг ҳам сиз билан учрашишимизни таклиф қилди.

— Сиз полицияга хабар бердингизми?

— Йўқ, сэр!— деди бош министр ўзига хос тезлик ва қатъият билан.— Хабар берганимиз йўқ, ҳеч қачон хабар бермасдик ҳам. Полицияга хабар қилиш— ишни овоза қилиб юбориш бўларди. Биз ҳаммадан ҳам шу парсадан қочмоқчимиз.

— Нима учун энди, сэр?

— Биз тилга олаётган ҳужжат шу қадар муҳимки,

¹ Англия пэри — Англия зодагонларни энг юқори табақасининг вакили.

уни эълон қилиш халқаро жанжал чиқиб кетишига олиб келиши мумкин, ҳатточи, ҳозирги пайтда муқаррар халқаро жанжалга олиб келади. Муболағасиз айтишим мумкинки, тинчлик билан уруш масалалари мана шу ҳужжатга боғлиқ бўлиб қолди. Борди-ю, уни қидириш ишларини қатъяян хуфия тарзда олиб бориш мумкин бўлмаса, унда бу ишдан мутлақо воз кечиб қўяқолган дуруст, чунки кенг миқёсда овоза қилиш учунгина ўғирлаганлар.

— Тушундим. Энди, мистер Трелони Хоуп, бу ҳужжатнинг қандай вазиятда йўқолиб қолганини менга ба-тафсил гапириб берсангиз сиздан ғоятда миннатдор бўлардим.

— Мен бор гапни бир-икки оғиз сўз билан айтиб бераман, мистер Холмс... Бу ҳужжат — бир ажнабий подшонинг хати — олти кун муқаддам олинган эди. Хат шу қадар катта аҳамиятга эгаки, мен уни министрликнинг пўлат сандигида қолдиришга журъат қиломай, уни ҳар кун кечқурун Уайтхолл-Террасдаги уйимга олиб кетиб, ётоқхонамда, расмий қофозлар турадиган қулф-калитли қутичада сақлардим. Хат кеча кечқурун ҳам қутичада эди, бунга аминман. Мен тушликка кийинаётганимда қутичани яна бир карра очиб кўриб ҳужжат жойида турганига қаноат ҳосил қилдим. Бугун эрталаб эса хат гойиб бўлибди. Қутича кечаси билан менинг пардоз столимдаги ойна олдида турган эди. Менинг уйқум зийрак, хотинимнинг уйқуси ҳам. Икковимиз ҳам қасамёд қилишга тайёрмизки, кечаси хонага ҳеч ким кирган эмас.

— Сиз соат нечада овқатландингиз?

— Етти яримда.

— Качон ётдингиз?

— Хотиним театрда эди. Мен унинг келишнин кутдим. Биз ётоқ хонасига ўн бир яримларда кирдик.

— Демак, тўрт соат мобайнинда қутичани ҳеч ким қўриқламаган?

— Ётоққа эрталаблари оқсоч, кейин эса менинг маҳрамим билан хотинимнинг жориясидан бошқа ҳеч кимнинг киришига рухсат берилмаган. Аммо булар иккovi — содиқ хизматкорлар, хонадонимизда кўпдан бери истиқомат қилишади. Ундан ташқари, улардан биронтаси ҳам қутичада оддий хизмат ҳужжатларидан қимматлироқ нарса сақланаётганидан бехабар эди.

— Бу хатнинг борлигини ким билар эди?

— Менинг уйимда — ҳеч ким.

— Аммо хотинингз билган бўлса керак, албатта?
— Йўқ, сэр. Мен хотинимга бугун эрталабгача, хат йўқолганини билгунимгача ҳеч нарса демаган эдим.
Бош министр маъқуллаб бош силкиди.

— Мен сизнинг бурч ҳиссингиз нақадар зўрлигини доимо билардим,— деди у.— Бу қадар муҳим ва маҳфий ишда у энг мустаҳкам оиласвий тотувликдан ҳам зўрроқ бўлиши мумкинлигига шубҳаланмаётман.

Европа ишлари министри таъзим қилди.

— Мутлақо тўғри, сэр. То шу бугун эрталабгача бу хат ҳақида хотинимга чурқ этиб оғиз очмаган эдим.

— Унинг ўзи пайқаган бўлиши мумкинмиди?

— Йўқ, мистер Холмс, у ҳам, бошқа ҳеч ким ҳам пайқаган бўлиши мумкин эмас.

— Илгарилари ҳам ҳужжатларингиз йўқолиб турардими?

— Йўқ, сэр.

— Англияда бу хатнинг борлигини ким биларди?

— Кеча хатдан ҳукуматнинг ҳамма аъзолари воқиф қилинган эди. Аммо кабинетнинг ҳар бир мажлисида тақрорланадиган сир сақлаш талаби бу гал бош министрнинг тантанали огоҳлантириши билан таъкидланган эди. Ё раббий, буни қарангки, бир неча соатдан кейин уни ўзим йўқотиб ўтирибман-а!

Трелони Хоупнинг кўркам чеҳраси аламдан буришиб кетди. У бошини чангллади. Серғайрат, қизғин ва жуда таъсирчан одамнинг чинакам туйғулари бир дафъагина кўз ўнгимизда намоён бўлди. Аммо унинг юзини яна кибр-ҳаво ниқоби эгаллаб олиб, энди у гапини хотиржам оҳангда давом эттириди:

— Хатнинг мавжудлигини ҳукумат аъзоларидан ташқари, эҳтимолки, департаментдаги уч амалдор билар, бутун Англия бўйича бошқа ҳеч ким билмайди, сизни ишонтириб айтаман, мистер Холмс.

— Чет элларда-чи?

— Чет элла, аминманки, бу хатни уни ёзган одамдан бошқа ҳеч ким кўрмаган. Имоним комилки, ҳатто унинг министрлари ҳам... яъни мен айтмоқчи эдимки, у жўнатилаётганди ҳатто расмий йўлларни ҳам четлаб ўтган.

Холмс бир неча фурсат ўйланиб қолди, сўнг шундай деди:

— Энди, сэр, бу қандай ҳужжат, унинг йўқолиши нега бу қалар жиддий оқибатларга олиб бориши мумкинлиги ҳақида аниқроқ тасаввурга эга бўлишим керак.

Икки давлат арбоби тезгина кўз уриштириб олдилар, бош министр қалин қошлиарини чимирди:

— Мистер Холмс, хат узун, энисиз мовий конвертда эди. Қизил сўргич муҳрида ҳамлага тайёрланниб турган арслон тасвиirlанган. Адреси йирик қатъий дастхат билан ёзилган.

— Бу тафсилотлар, — деб унинг гапини бўлди Холмс,— жуда қизиқ ва аҳамиятга молик, албатта, аммо мен хатнинг мазмуинин билиншим керак. Унда нималар дейилган эди?

— Бу қатъий давлат сири, қўрқаманки, сизга жавоб беролмайман, қолаверса, бунга ҳеч қандай зарурат ҳам сезмайман. Борди-ю, сиз одамлар айтганидек ажойиб қобилияtingиз ёрдамида мен тасвиirlаб берган конвертни ичидаги хати билан бирга топишга муваффақ бўлсангиз, бутун мамлакатнинг ташаккурига сазовор бўлиб, бизнинг имкониятимиз доирасидаги ҳар қандай мўкофотни олардингиз.

Холмс жилмайганча ўрнидан турди:

— Биламан, сиз албатта, Англиядаги энг банд одамлар жумласиданси,— деди у,— аммо менинг камтарона касбу корим ҳам жуда кўп вақтни олади. Бу ишда сизга фойда етказолмаслигимдан қаттиқ ўқинаман, сұхбатимизни давом эттиришни беҳуда вақт ўтказниш деб ҳисоблайман.

Бош министр сапчиб турди. Унинг чуқур тушган кўзларида ҳукумат аъзоларини кўпинча қўрқувдан юрак ҳовучлашга мажбур қилган хунук учқун чақнади.

— Мен одатланмаганманки, сэр....— деди гап бошлаган эди, аммо ўзини тийиб олиб, яна жойига ўтириди.

Биз бир минутча ёки ундан ортиқроқ индамай ўтиридик. Шундан сўнг кекса давлат арбоби елкаларинн учирраби:

— Биз сизнинг шартларингизни қабул қилишга мажбурмиз, мистер Холмс. Сиз шак-шубҳасиз ҳақлисиз, сизга тўла-тўқис сиримизни ишониб топширмагунимизча сиздан ёрдам кутишимиз ҳам ўринсиз,— деди.

— Фикрингизга қўшиламан, сэр,— деди ёш дипломат.

— Дуруст, сизга бор гапни айтиб бераман, аммо сизнинг камтарлигингиз билан ҳамкасабангиз доктор Уотсоннинг камтарлигига тўла-тўқис умид боғлайман. Мен сизларнинг ватанпарварликларингизга орқа қиласман, жентльменлар, чунки мамлакатимиз учун бу сирнинг

овоза бўлишидан кўра каттароқ баҳтсизликни тасаввур қилолмайман.

— Сиз бизга тўла-тўкис ишонишининг мумкин.

— Шундай қилиб, бу бир ажнабий подшонинг хати; у яқинда мамлакатимизнинг мустамлакалари кенгайгақнидан ташеббушда. Хатни у жаҳл устида ёзган, унинг масъулияти бутунлай ўз зиммасида. Суриштириб кўрилганда маълум бўлдики, унинг министрлари бу хатдан мутлақо бехабар, бундан ташқари, хатнинг руҳи шу қадар кескин, баъзи жумлалари шу қадар писандали оҳангдаки, агар у эълон қилиб қолинса, Англиядаги жамоат фикрини шубҳасиз ғалаёнга солиб қўяр эди. Ҳатто ундан ҳам расвороқ бўлади, сэр: иккиланмасдан айтишим мумкинки, у хат эълон қилинса, бир ҳафтадан кейин мамлакатимиз каттакон бир урушга тортилиши мумкин.

Холмс бир варақ қофозга қандайдир бир номни ёзида, уни бош министрга кўрсатди.

— Жуда тўғри, ўша. Худди шу хат сирли бир йўсинда йўқолиб қолди, у миллион-миллион пулларнинг сарфлашишига, юз мингларча кишиларнинг ҳалок бўлишига сабабчи бўлиши мумкин.

— Хат эгасига хабар бердиларингми?

— Ҳа, сэр, шифрли телеграмма жўнатилган.

— Аммо, эҳтимолки у хатнинг эълон қилинишини мўлжаллаб ёзгандир?

— Иўқ, сэр! У ўзининг эҳтиётсизлик, шошмашошарлик билан пала-партиш иш тутганини пайқаган, дейишга ҳамма асосларимиз бор. Хат эълон қилинса, биздан кўра унинг мамлакатига кўпроқ зарба бўлиб тушар эди.

— Модомикип шундай экан, хатнинг мазмунини фош қилишдан ким манфаатдор? Ким нима учун уни ўғирлашга мажбур бўлган?

— Бунда, мистер Холмс, сиз мени юксак доирадаги ҳалқаро сиёсатга тақалиб ўтишга мажбур қиласиз, агар сиз Европадаги аҳволни назарга олсангиз, жиноятнинг сабабини тушунишининг қийин бўлмайди. Европа қуролланган лагердан иборат бўлиб турибди. Тенг баробар ҳарбий кучга эга бўлган иккита иттифоқ бор. Буюк Британия эса бетарафликка амал қилмоқда. Борди-ю, биз шу иттифоқчилардан бири билан урушишга мажбур бўлсак, бу иккинчи бир иттифоқнинг, ҳатто бу урушда иштирок этиш-этмаслигидан қатъий назар, унинг устунлигини таъминлаган бўлардик. Тушундингизми?

— Ҳаммаси мутлақо равшан. Шундай қилиб, бу хат-

ни ўғирлаб овоза қилишдан ўша подшонинг, унинг мамлакати билан бизнинг мамлакатимиз орасига низо солиш учун уринаётган душманлари манфаатдор экан да?

— Ҳа, сэр.

— Бордию хат душман қўлига тушиб қолган бўлса, уни кимга жўнатиб юборишлари мумкин?

— Европадаги ҳукуматлардан истаганига. Ҳозир кема нечоғли тез юра олиши мумкин бўлса, у шу топда тайин қилинган жойга шу қадар тез суръат билан кетаётган бўлса ажаб эмас.

Мистер Трелони Хоуп бошини эгиб, оғир хўрсинди. Бош министр мулойимлик билан қўлини унинг елкасига қўйди:

— Сизнинг бошингизга баҳтсизлик тушди, қадрдон дўстим. Ҳеч ким сизни айблашга журъат қилолмайди — сиз ҳам эҳтиёт чораларйни кўргансиз... Энди, мистер Холмс, сизга ҳаммаси маълум. Нима тадбир кўришни маслаҳат берасиз?

Холмс ғамгингина бош чайқади:

— Сиз, сэр, агар бу ҳужжат қайтариб келтирилмаса уруш чиқиб кетиши муқаррар деб ўйлайсизми?

— Шундай бўлиши мумкин, деб ўйлайман.

— Унда, сэр, урушга тайёрланаверинг.

— Бу омонисиз сўзлар, мистер Холмс!

— Фактларни назарга олинг, сэр. Мен, хат кечаси ўн бир яримдан кейин ўғирланган деёлмайман, чунки шу соатдан то унинг йўқолгани маълум бўлгунча мистер Хоуп билан хотини иккови ётоқда бўлганлар. Демак, у кеча кечқурун соат етти ярим билан ўн бир яримлар ўртасида — тўғрироғи, етти яримларга яқин ўғирланган, чунки ўғри хатнинг қаерда турганини билган, албатта, уни мумкин қадар эртароқ қўлга киритишига ҳаракат қилган. Энди, сэр, агар шундай муҳим ҳужжат кечи ўғирланган бўлса, у ҳозир қаерда бўлиши мумкин? Ўғрининг уни сақлаб қўйиш учун ҳеч қандай сабаблари йўқ. Уни аллақачон манфаатдор шахсга топширган бўлишлари мумкин. Ҳозир уни ушлаб қолиш ёки ҳатто изини топишимиз учун қандай умидларимиз бор? Хатга қўлимиз етиши маҳол.

Бош министр дивандан турди:

— Сиз мутлақо мантиқий мuloҳаза қилмоқдасиз, мистер Холмс. Кўриб турибман, бу борада дарҳақиқат бирон иш чиқариш мумкин эмасга ўхшайди.

— Фараз қилайлик, чунончи, ҳужжатни оқсоқ ёки малай ўғирлаган бўлсин...

— Уларнинг иккови ҳам қадрдан, содик хизматкорлар.

— Пайқашимча, ётоқ хонаси иккинчи қаватда жойлашган, кўчадан эшиги йўқ, даҳлиздан эса кўринмасдан чиқиб тушиш қийин. Демак, хатни хонадондагилардан биронтаси ўғирлаган. Ўғри уни кимга топшириши мумкин? Халқаро жосуслардан ёки маҳфий агентлардан бирига — уларнинг номларини мен яхши биламан. Шу тўдага бошчиллик қиласидиган уч одам бор. Мен шундан иш бошлайманки, улардан ҳар бирин ҳозир нима билан машғул эканлигини суриштириб биламан. Борди-ю, улардан биронтаси, айниқса у кеча кечқурун жўнаб кетган бўлса, биз ҳужжат қаёққа кетганини билиб оламиз.

— У жўнаб нима қиласиди? — деб сўради Европа ишлари министри. — Хатни Лондоннинг ўзидағи әлчиҳонага бемалол олиб бориб бериши ҳам мумкин.

— Ундай қилмайди. Бу агентлар мутлақо мустақил ишлайдилар, кўпинча әлчиҳоналар билан оралари бузуқ бўлади.

Бош министр буни бош ирғаб тасдиқлади:

— Сиз ҳақлисиз деб ўйлайман, мистер Холмс. У бундай қимматбаҳо совфани тайин қилингандай жойга ўз қўли билан олиб бориб топширади. Сизнинг иш режаигиз назаримда мутлақо тўғрига ўҳшайди. Бироқ, Хоуп, биз бу баҳтсизлик туфайли ўзимизнинг бошқа вазифаларимизни ҳам унтишимиз керак эмас. Борди-ю, шу бугун давомида янги воқеалар содир бўлиб қолса, биз сизга маълум қиласиз, мистер Холмс, табиийки, сиз ҳам ўз текширишларингиз натижалари ҳақида хабар берарсиз.

Министрлар таъзим қилиб, виқор билан хонадан чиқиб кетдилар.

Олий мартабали меҳмонларимиз чиқиб кетишгач, Холмс индамай трубкасини тутатди-да, бир оз вақт чуқур ўйга толди. Мен эрталабки газетани очиб, кеча кечқурун Лондонда содир бўлган шов-шувли жиноят ҳақида ўқий бошлаган эдим, ошнам бирдан қичқириб юбориб ўрнидан сапчиб турди-да, трубкасини каминга қўйди.

— Ҳа,— деди у,— бундан яхши йўл йўқ. Аҳвол мушкул, лекин умид қиласа бўлади. Ҳозир ақалли ўғри ким эканлигини билин зарур, ахир, хат ҳали уннинг қўлидан чиқиб кетмаган бўлиши ҳам мумкин-ку. Қолаверса, бу одамларни пулгина қизиқтиради, менинг хизматимга эса

Буюк Британия хазинаси ҳозир нозир турибди. Агар хат сотилса, мен уни... ҳатто ҳукумат даромад солиғини бир пенинига оширишга мажбур бўлса ҳам сотиб оламан. Ўша одам хатни ҳамон қўлида тутиб турган бўлса ҳам ажаб эмас: чет элда баҳтини синаб кўришидан олдин унга бу ерда қанча пул тақлиф қилишлари мумкинлигини билиб олиши керак-ку! Бундай жасурона тадбирга қодир бўлган учгина киши бор: булар Оберштейн, Ля Ротьер ва Эдуард Лукас. Мен уларнииг ҳаммаси билан учрашаман.

Мен эрталабки газетага қарадим.

— Годолфин-стритлик Эдуард Лукасни айтяпсизми?

— Ҳа.

— Сиз у билан кўришолмайсиз.

— Нима учун?

— Кеча кечқурун у ўз уйидаги ўлдирилганиш.

Дўстим мени саргузаштларимиз вақтларида жуда кўп ҳайратлантириб қўяр эди. Ҳозир эса айтган хабаримдан ҳанг-манг бўлиб қолганини кўриб қувониб кетдим. У менга ҳайрат билан тикилиб қолди, сўнгра қўлимдан газетани тортиб олди. Холмс креслосидан турган дақиқада мен ўқнётган мақолача шу эди:

«ВЕСТМИНСТЕРДА СУИҚАСД»

Кечча кечқурун Годолфин-стритдаги 16-йда сирли бир жиноят содир бўлган. Годолфин-стрит — дарё билан Вестминстер аббатлиги, худди парламент биносининг катта минораси тагидан ўтган қадимий осойишта кўчалардан биридир. Ундаги уйларнииг кўпчилиги XVIII асрда қурилган. Мана шу уйлардан бирида, шинамгина кўрачада бир неча йиллардан бери жамоатчилик орасида лобар одам сифатида машҳур бўлган. Англиянинг энг яхши ҳаваскор тенорларидан бири мистер Эдуард Лукас истиқомат қиласди. Мистер Лукас бўйдоқ, ўтиз тўрт ёшда эди, унииг хизматкорлари ўрта яшар оқсоқ миссис Прингл билан малай Миттон эди. Оқсоқ одатда кечқурунлари ишламас, у уйининг иккинчи қаватида жойлашган ўз хонасига барвақт чиқиб кетар экан. Малай шу куни кечқурун Хаммерсмитдаги ошинасини кўргани кетган экан.

Соат ўнларда мистер Лукас квартирада ёлғиз қолган. Бу вақтгача нима бўлганлиги ҳозирча аниқланган эмас, аммо чораккам ўн иккита констебль Бэррет Годолфин-стритдан ўтиб кетаётib 16-уйининг эшиги қия

очиқ турганини кўрган. У эшикни тақиллатган, аммо ҳеч ким жавоб бермаган. Биринчи хонада чироқ ёниб турганини кўриб, у йўлакка кирган ва яна дукиллатган, аммо бу гал ҳам унга жавоб беришмаган. Шундан сўнг у эшикни очиб кирган. Хона жуда бетартиб: ҳамма мебеллар жойидан қўзғатилган бўлиб, ўртада стул тўнка-рилганча ётган экан. Бу стул ёнида унинг оёғини қўли билан чангллаганча баҳтсиз уй эгаси ётганиш. Қоқ юрагига пичоқ санчиб ўлдирилган, шу заҳотиёқ жони узилган бўлиши керак. Суиқасдда қўлланган пичоқ хонанинг деворларидан бирини безаб турган шарқ қуроллари коллекциясидан олинган қайрилма нусха ҳиндча ханжар экан. Суиқасд талаш мақсадида амалга оширилмаганга ўхшайди, чунки хонадаги қимматли буюлар жой-жойида қолган.

Мистер Эдуард Лукас кўпчилик орасида шу қадар машҳур, уни шу қадар севишар эдикни, унинг сирли ўлими ҳақидаги хабарни кўпдан-кўп дўстлари самимий қайгу билан қарши олдилар:

— Хўш, Уотсон, сиз бу тўғрида нима деб ўйлайсиз? — деб сўради Холмс, узоқ индамай тургач.

— Таажжуб қоларли тасодиф!

— Тасодиф? Биз, шу драманинг иштирокчилари бўлиши мумкин, деб ўйлаган уч одамнинг бири худди шу драма содир бўлиб турган вақтда зўрлик оқибатида ўлади. Бу нега тасодиф бўлар экан! Иўқ, иўқ, қадрдомим Уотсон, бу икка воқеа бир-бирига боғлиқ, муқаррар алоқадор. Бизнинг вазифамиз — мана шу алоқани қидириб топиш.

— Энди полиция ҳаммасини суриштириб билади.

— Мутлақо билолмайди. Улар Годолфин-стритда кўрган нарсаларинигина биладилар. Улар Уайтхолл-Террас ҳақида ҳеч нарса билмайдилар, билолмайдилар ҳам. Бу иккала ҳодиса бизгагина маълум. Уларни бизгина тақослай олишимиз мумкин. Аён кўриниб турган бир жиҳат борки, бу ҳар қандай ҳолларда ҳам менда Лукасга нисбатан шубҳа туғдириши мумкин эди. Вестминстердаги Годолфин-стрит билан Уайтхолл-Терраснинг ораси бир неча қадам йўл. Мен айтиб ўтган бошқа махфий агентлар Вест-Эндинг нариги бурчагида яшайдилар. Шунинг учун табиийки, бошқаларга қарангда Лукаснинг Европа ишлари министрининг хонадони билан алоқа ўрнатиб маълумотлар олиши осонроқ эди. Бу унча аҳамиятга эга бўлмаган жиҳат-у лекин воқеа жадал суръатлар билан давом этганини ҳисобга

олсак, у жуда муҳим бўлиб чиқиши мумкин. Ҳа, қандайдир янгиликлар борга ўхшайди!

Баркашда хонимларга мансуб ташриф қоғозини кўтарганча миссис Хадсон кириб келди. Ҳолмс қоғозни олди-да, қошларини чимириб, менга берди.

— Леди Хильда Трелони Хоупни буёқса марҳамат қилишга таклиф этинг,— деди у.

Бирлаҳздан сўнг бизнинг камтарона квартирамиз иккинчи бир шарафга мусассар бўлди, бу гал унга Лондондаги энг дилбар аёл кириб келди. Мен герцог Бел-миштернинг кичик қизининг ҳусни таърифини кўп эшитган эдим, лекин бу таърифлардан бирортаси ҳам, фотосуратларидан биронтаси ҳам унинг латиф чеҳрасининг нафосатли бўёқлари билан ажойиб, назокатли фазилатларини акс эттириб беролмас эди. Бироқ ўша куз эртаси унга илк бор қарап эканмиз, кўзимизга ташланган нарса унинг ҳусни бўлмади. Унинг чеҳраси кўркам, аммо ҳаяжондан оқарган, кўзлари чараклаган аммо бу чараклаш безовталикни сездириб туар, серифода дудоқлари қаттиқ қимтилган — у ўзини босиқ тутишга тиришар эди. Дилбар меҳмонимиз ланг очилган эшикда пайдо бўлар экан, бизни ҳайратда қолдирган нарса унинг ҳусн-жамоли эмас, қўрқуви бўлди.

— Менинг эрим сизнинг олдингизда бўлганмиди, мистер Ҳолмс?

— Ҳа, миледи, келган эди.

— Мистер Ҳолмс, сиздан ўтинаман, менинг бу ерга келганимни унга айта кўрманг!

Ҳолмс совуққина таъзим қилиб, хонимга ўтиришини таклиф этди.

— Мартабан олиялари, мени ғоятда қалтис аҳволга солиб қўяяпсиз. Ўтириб, муддаонгиз нима эканлигини гапириб беришингизни илтимос қиласман. Аммо, таасуфки, олдиндан ҳеч қандай муқаррар ваъдалар беролмайман.

Хотин хопа бўйлаб ўтиб бориб, деразага орқа ўгириб ўтирди. Бу бўйдор, хушқомат ва жуда назокатли аёл, чинакам қиролича эди.

— Мистер Ҳолмс,— деб гап бошлади у, гапида давом этаркан, оқ қўлқоп кийган қўллари муттасил очилиб юмилар эди, — мен сиз билан самимий гаплашман, умид қиласманки, бу сизни ҳам мен билан самимий гаплашишга мажбур этади. Эрим билан менинг орамизда биргина нарсадан ташқи ҳеч қандай сир йўқ: бу сиёsat. Бу борада у индамайди, менга ҳеч нарса деб

офиз очмайди. Бироқ кеча кечқурун бизнинг уйимизда ғоятда бир хунук воқеа юз берганини билиб қолдим. Мен қандайdir ҳужжат йўқолганини билдим. Аммо бу сиёсатга алоқадор бўлганни учун, эрим менинг бу ишдан воқиф қилишдан бош тортмоқда. Ваҳолонки... ишонинг, менинг бу борадаги гапларнинг ҳаммасини билишим кераклиги жуда муҳим... жуда муҳим. Ҳукумат аъзоларидан ташқари бу ҳақиқатни биладиган бирдан-бир одам — сиз. Сиздан ўтиниб сўрайман, мистер Холмс, менга тушунтириб берсангиз, нима содир бўлгану унинг оқибатлари қандай бўлиши мумкин? Менга ҳаммасини айтиб беринг, мистер Холмс. Мижозингизнинг манфаатларини сизни оғиз очмасликка мажбур қилмасин. Сизни ишонтириб айтаманки, мен унинг манфаатларини кўзлаб иш кўрмоқдаман, агар у буни тушунганида менга тўла-тўхис сирини айтса ҳам ажаб эмас эди. Ўғирланган қоғоз қандай қоғоз экан?

— Миледи, сиз мендан маҳол нарсани талаб қилмоқдасиз.

Хотин чуқур хўрсиниб, юзини қўллари билан яширди.

— Сиз менинг аҳволимга тушунишингиз керак, миледи. Модомики, эрингиз сизни, мазкур ишдан воқиф бўлмагани дуруст, деб топган экан, мен сир сақлайман, деб сўз берган бўла туриб, у яширишни хоҳлаган сирни сизга қандай қилиб очишим мумкин? Буни мендан сўрашга ҳам ҳаққингиз йўқ — сиз эрингиздан сўранг.

— Мен ундан сўрадим. Сизнинг ҳузурингизга охириги имкониятдан фойдаланишга тиришиб келдим. Берди-ю, ҳатто сиз ҳам менга бирон муайян нарса айтгингиз келмаса, бир саволимга жавоб берсангиз ғоятда миннатдор бўлардим.

— Қандай саволингизга, миледи?

— Шу ҳодисадан эримнинг сиёсий фаолиятига птуретиши мумкинми?

— Биласизми, миледи, агар ши бартараф қилишмаса, у, албатта жуда ачинарли оқибатларга олиб бориши мумкин.

— О!

Хотин гумонлари тасдиқланган одамдек, чуқур хўрсинди.

— Яна бир савол, мистер Холмс. Юз берган баҳтсизликдан кейиноқ, эримдан эшитган сўзлардан пайқаб қолдимки, хатнинг йўқолиши бутун мамлакатимизни оғир оқибатларга олиб келиши мумкин эмиш.

— Борди-ю, у шундай деган бўлса, мен буни инкор килолмайман, албатта.

— Бу оқибатлар қандай бўлиши мумкин?

— О, миледи, сиз менга яна жавоб қайтара олишим мушкул бўлган саволни беряпсиз!

— Ундаи бўлса, мен ортиқ вақтингизни олмайман. Мен билан самимий гаплашишдан бош тортганингиз учун сизга таъна қилолмайман, мистер Холмс, умид қила-манки, сиз ҳам менинг тӯғримда ёмон фикрга бормай-сиз, чунки мен сидқидилдан эримнинг ҳатто қаршилик-ларига қарамай, унинг ташвишларини баҳам кўришини истайман. Сиздан яна бир карра ўтинаман: менинг бу ерга келганим тӯғрисида унга оғиз оча кўрманг.

Остонада у ўгирилиб қаради, мен яна кўркам, ҳая-жонли чеҳрани, ташвишланган кўзларни ва қаттиқ қим-тилган дудоқларни кўрдим. Шундан сўнг чиқиб кетди.

— Хўш, Уотсон, ажойиб жинс вакиллари — бу сиз шуғулланадиган соҳа,— деб жилмайди Холмс, кўча эшик тарақлаб ёпилиб, аёл либосининг шитир-шитири тин-гач.— Бу дилбар хоним қандай ўйин олиб бораётган экан? Унинг асл муддаоси нима экан?

— Ахир у ҳаммасини жуда очиқ тушунтириб берди-ку, унинг ташвишланаетгани мутлақо табинй.

— Ҳм! Унинг юз ифодасини, аранг тийиб турган ха-вотирини, ташвишланаётганини, қатъият билан бе-ришларини эсланг. Унинг ўз ҳисларини яшира оладиган тоифага мансуб эканлигини унутманг.

— Ҳа, у жуда ҳаяжонланган экан.

— Шунингдек, унинг фақат эримнинг манфаатини кўзлаб иш кўрмоқдаман, шунинг учун ҳамма нарсани билишим керак, деб бизни ишонтиришга қаттиқ тириш-ганини ҳам эсланг. Бу билан у нима демоқчи экан? Сиз, Уотсон, у ёруққа орқа ўгириб ўтиришга тиришганини ҳам пайқаган бўлсангиз керак. У юзини кўрнишимизни хоҳламади.

— Ҳа, у худди шу жойни ташлаб ўтириди.

— Умуман хотинларга тушунниш қийин. Маргейтда-ги мен шу асосда гумон қилган аёл эсингизда бўлса ке-рак. Кейин маълум бўлдики, унинг ташвишланишига бўрнига упа суртилмаганлигигина сабаб бўлган экан. Шундай беланд материалга асослаб тусмол қилиш мум-киими ахир? Хотини кишининг энг оддий ҳатти-ҳарака-тига ҳам кўпгина нарса яширишган бўлиши мумкин, унинг безовталигига баъзан тўғноғич ёки сочни жинга-

лак қиласынан қисқыч ҳам сабабчи бўлиши мумкин...
Яхши қолинг, Уотсон.

— Кетяпсизми?

— Ҳа, мен эрталаб Годолфин-стритда полициядаги дўстларимиз билан бирга бўламан. Муаммоларниң ҳал қилиниши — Эдуард Лукаснинг ўлимига боғлиқ, зотан, ростини айтсан, бу холоса ҳатто қай йўсинда бўлишини тасаввур ҳам қилолмайман. Фактларга эга бўлмай туриб назариялар яратиш эса катта хато. Сергак бўлинг, қадрдоним Уотсон, менинг ўрнимга мижозларни қабул қилиб туринг. Агар иложини тоғсан, ионуштага қайтиб келаман.

Уша куни ва кейинги икки кун давомида Холмс, дўстлари қўллаши мумкин бўлган таъбир билан айтсан, қатъян индамас, бошқалар қўллаши мумкин бўлган таъбир билан айтсан, туид бўлиб олди. У гоҳ келар, гоҳ чиқиб кетар, узлуксиз чекар, скрипкада қандайдир кўйлардан парчалар чалар, кўпинча ўйга толар, овқатлашиш вақтини ўтказиб юбориб, фақат бутерброд билан қаноатланар, ўқтин-ўқтин мен берадиган саволларга истар-истамас жавоб қайтарар эди. Мен унинг қидиришлари ҳали ҳеч қандай натижа бермаганини пайқаб турвидим. Бу иш ҳақида у менга ҳеч нарса демасди, терговининг қандай кетаётганини, марҳумнинг малайи Жон Миттоннинг қамоққа олиниб дарҳол озод қилиб юборилганини эса газеталардангина билдим.

Тергов бу ишни «режа билан амалга оширилган сүнна» деб таъкидлади, аммо қотил топилмаган эди. Жиноят сабабларини ҳам талқин қилиб бўлмади. Хонада кўпдан-кўп қимматбаҳо буюмлар бўлиб, аммо ҳеч нарса олиб чиқиб кетилмаган. Марҳумнинг қоғозларига ҳеч ким тегмаган. Уларни синциклаб кўздан кечириб, марҳумнинг ҳалқаро сиёсатни ҳафсала билан ўрганганини, ҳар қандай мишишлар ва фийбатларни бетицим йириб борганини, атоқли тиљшунос эканлигини, кенг миқъсда ёзишма олиб борганигини аниқлаганлар. У бир неча мамлакатнинг кўзга кўринган сиёсий арбоблари билан яқиндан таниш экан. Аммо столининг ғаладонларини тўлдирган ҳужжатлар орасида биронта ҳам шов-шувга сабаб бўладиганини тополмаганлар. Унинг аёллар билан муносабатига келганда эса, булар тартибсиз ва юзаки характерга эга бўлган бўлса керак. Хотинлар орасида унинг танишлари жуда кўп, аммо дўстлари кам бўлган, улардан биронтасини ҳам севиб қолмаган экан. Унинг одатлари бир йўсинда бўлиб, осойишта турмуш кечиради.

кан. Улими чигал бир жумбоқقا айланганки, бунинг сири ҳануз очилган эмас.

Малай Жон Миттонга келганда эса полиция ўзининг тўла-тўкис ожизлигини яшириш учун уни ноиложликдан қамаган. Унга биронта ҳам айб қўёлмаганлар. Уша куни кечқурун у Хаммерсмитдаги ошнаси镍ида меҳмондорчиликда бўлган. Унинг жиноят содир бўлган фурсатда йўқ эканлиги аён эди. Рост, у уйдан барвақт чиқиб кетиб, Вестминстерга жиноят очилгунга қадар қайтиб келган бўлиши ҳам мумкин экан, аммо у йўлнинг бир қисмини тиёда босиб ўтганини тушунтирган, уша оқшом сўлим бўлганлиги эсга олинса бунга ишониш мумкин эди. У соат ўн иккита қайтиб келган, кутилмаган фожиадан қаттиқ саросимага тушган бўлиши керак. Миттон ўз хўжайини билан ҳамиша яхши алоқада экан. Марҳумга мансуб бўлган баъзи буюмлар — масалан, филофли устара малайнинг чамадонидан топилган, аммо бу собиқ хўжайинининг совфаси эканлигини айтган, буни оқсоқ ҳам тасдиқлаган.

Миттон уч йилдан бери Лукаснинг хизматида экан. Шуниси диққатга сазоворки, Лукас Миттонни ҳеч қачон континентга бирга ола кетмас экан. Баъзан у Парижда сурункасига уч ойлаб яшар экан. Аммо Миттонни Годолфин-стритдаги уйини қараб тургани ташлаб кетар экан. Оқсоғга келганда эса жиҳоят содир бўлган куни кечқурун у ҳеч нарса эшитмаган. Хўжайини ҳузурига битта-яримта одам келган бўлса, хўжайини у одамга ўзи эшик очган бўлиши мумкин экан.

Шундай қилиб, газеталарга қарагандо, сир уч кундан бери очилмай туради эди. Холмс эса газеталардан кўра кўпроқ нарсани билса-да, менга ҳеч нарсани айтмас эди, гап устида инспектор Лестрейд уни ишнинг қай аҳволда экани билан таништирганини қистириб ўтди, шунинг учун ҳам мен унинг ҳамма янгиликлардан яхшигина воқиф эканлигини билардим. Тўртинчи куни Париждан олингани узун телеграмма босилиб чиқди, у бутун масалани ҳал қилаётгандек эди.

— «Париж полицияси,— деб ёзарди «Дейли Телеграф»¹,— ўтган душанба куни кечқурун Вестминстердаги Годолфин-стритда зўрлик оқибатида ўлган мистер Эдуард Лукаснинг фожиали ҳалокатини яшириб турувчи пардани кўтарадиган бир кашфиёт очди. Марҳум жентльменнинг ўз хонасида кўксига пичоқ санчилган ҳолда то-

¹ «Дейли Телеграф» — Англиядаги катта газета.

пилгани, бу унинг малайидан кўрилгани, у эса жиноят содир бўлганда йўқ эканлигини исботлагани ўқувчила- римизнинг эсида. Кеча Парижнинг Аустерлиц кўчасида яшайдиган Анди Фурнэ хонимнинг хизматкорларин полицияга бекалари ақлдан озганини маълум қилганлар. Медицина жиҳатидан кўздан кечирниш шуни кўрсатдими, у дарҳақиқат хатарли ва сурункали савдоилик ка- салига дучор экан. Текшириш натижасида полиция аниқладики, Анри Фурнэ хоним ўтган сесанба Лондон сафаридан қайтиб келган, бу сафар Вестминстерда со- дир бўлган жиноятга қандайдир алоқаси бор, деб айтиш- га асослар бор. Фотосуратларни таққослаш Анри Фурнэ хонимнинг эри билан мистер Эдуард Лукаснинг бир шахс эканлигини, марҳум қандайдир сабабга кўра Лондонда ва Парижда яшаб иккнёклама ҳаёт кечирганини аниқ- лаш имконини берди. Креоллар зотидан бўлган Фурнэ хоним характеристири ғоятда тажанг, рашқдан жини қўзиб турган, бу уни мутлақо телба қилиб қўйган. Худди шун- дай жини қўзиб қолган пайтлардан бирида, ўйлашларнча, бутун Лондонни ҳаяжонга солган бу даҳшатли жино- ятии қилган. Унинг душанба куни кечқурун нима билан машғул бўлгани шу вақтгача аниқланмаган, бироқ, шу- ниси маълумки, худди унга ўхшаган бир аёл сесанба куни эрталаб ўзининг телба важоҳати ва ғалати ҳаракат- лари билан Черингкросс вокзалидаги одамларнинг диқ- қатини тортган. Бинобарин, ажаб эмаски, ё у жини қўзиб ақли озганидан жиноят қилган, ё жиноят бу баҳтсиз хотинга шу қадар таъсир қилганки, уни ақлдан оздирган. Ҳозирги вақтда, у бўлиб ўтган нарсаларни гапириб бе- ришга қодир эмас, врачлар ҳам унинг ақлий қобилияти қайта тикланишига умил билдирмаётирлар. Шундай маъ- лумот ҳам борки, душанба куни кечқурун қандайдир хотиц, эҳтимол, Фурнэ хонимдир, бир неча соат давомида Годолфин-стритдаги йўнииг яқинида турган...». Бунга нима дейсиз, Холмс?

То ионушта қилиб бўлгунча унга шу мақолачани овоз чиқариб ўқиб бердим.

— Қадрдоним Уотсон,— деди у, столдан туриб хона бўйлаб юаркан,— сизнинг сабр-тоқатингизга қойил қолса бўлади, аммо мен сизга бу уч кун давомида шу- нинг учун хеч нарса демадимки. айтадиган нарсанинг ўзи йўқ эди. Ҳатто ҳозир Париждан келган бу маълумотлар ҳам бизга камдан-кам иш беради.

— Аммо бу одамнинг ўлимни ҳақидаги иш энди узил- кесил аниқланди-ку.

— Бу одамнинг ўлими — хатни қидириб топиб, Европани фалокатдан сақлаб қолишдан иборат бўлган чинакам вазифамизга қараганда оддий бир эпизод, майда бир ҳодиса. Утган уч кун давомида биргина муҳим воқеа содир бўлди: яъни ҳеч нарса содир бўлмади. Деярли соат сайин мен ҳукуматдан маълумотлар олиб турибман, бутун Европа бўйлаб ҳеч қаерда ҳеч қандай потинчлик белгилари йўқ эканлигини биламан. Борди-ю, хат йўқолиб қолган бўлса... йўқ, у йўқолиб қолган бўлиши мумкин эмас... Борди-ю, у йўқолмаган бўлса, қаерда? Кимда? Уни нега яширадилар? Миямга болгадек урилиб тинчлик бермай турган савол шу. Лукаснинг худди хат ғойиб бўлган куни кечқурун ўлдирилганлиги ҳам тасодифий бир нарсамикан? Умуман хат унинг қўлида бўлдимикан? Агар бўлган бўлса, нима учун қофозларининг ичидан топилмаган? Уни Лукаснинг ақлдан озган хотини олиб кетмадимикан? Агар олиб кетган бўлса, хат Парижда, унинг уйида эмасмикан? Мен француз полициясининг шубҳасини уйғотмай турчб, хагни у ердан қандай қидиришим мумкин? Бу шундай ҳодисаки, қадрдоним Уотсон, бунда биз учун қонуният қанчалик даҳшатли бўлса, уни бузиш ҳам шунчалик даҳшатли. Бизга ҳамма нарса қарши, аммо довга тикилгандек қил устида турган манфаатлар ғоятда зўр. Агар мен бу ишни муваффақият билан тугаллашга мусассар бўлсан, у албатта менинг фаолиятимни муносиб якуплади... Хўш, мана олдинги жабҳадан келган сўнгги янгиликлар! — У олиб келиб берилган мактубчага тез кўз юргутириди.— Ҳа! Лестрейд қизиқроқ нарса топганга ўхшайди. Шляпангизни кийнинг, Уотсон, биргаликда Вестминстерга борамиз.

Мен жиноят содир бўлган жойни илк бор кўрдим: сиполиги, расмийлиги ва вазминлиги билан ўзи қурилган асрини эслатиб турган баланд, кўримсиз, энсизгина нештоқли уй. Деразадан бульдогнамо башарали Лестрейд мўралади, баҳайбат констебль бизга эшикни очаркац, Лестрейд бизни дўстона қутлади. Биз кирган хона жиноят содир бўлган хонанинг ўзи экан, аммо палосга ёйилиб кетган хунук доғдан ташқари ҳеч қандай асар қолмаган эди. Қалин чорси мовут палосча хонанинг ўртасинигина эгаллаган, атрофидаги сербаргини жойда мум билан ярқиратилган қадимий чорбурчак паркет тахтачалари кўринниб турар эди. Камин тепасида ажойиб қуроллар коллекцияси бўлиб, ўша фожнали оқшом ханжар шундан олинган эди. Дераза олдида ҳашаматли

ёзув столи туар, хонадаги ҳар бир буюм: суратлар, ги-
 ламлар, пардалар — ҳаммаси уй эгасининг хассосликдан
 назокат даражасига бориб етган дидидан дарак берар
 эди.

— Сиз Париждан келган янгиликни эшитдингизми? —
 деб сўради Лестрейд.

Холмс маъқуллаб бош силкиди.

— Бу гал бизнинг француз дўстларимиз худди ни-
 шонга уришди. Суиқасд муқаррар худди улар таъкид-
 лаётгандек юз берган. Хотин эшикни тақиллатган — бу
 кутилмаган ташриф, ўйлайманки, Лукасникига ҳеч ким
 келган эмас. Йигит аёлни ичкарига киритган — кўчада
 серрайтириб қўйиши мумкин эди-ку, ахир! Хотин Лукас-
 га уни қандай қидириб топганини гапириб берган, уни
 таънага кўмиб ташлаган. Ханжар эса қўл узатгудек
 ерда бўлган, уни шартта олгану ишни тамомлаган-қўй-
 ган. Буларнинг ҳаммаси бирданига юз берган эмас, ал-
 батта, чунки ҳамма стуллар бир жойга уйилган, ҳатто
 биттаси Лукаснинг қўлида бўлган, бу билан ўзини ҳи-
 моя қилмоқчи бўлган шекиилли. Биз бу ишларнинг ҳам-
 масини худди устида бўлгандек аниқ тасаввур қилиб ту-
 рибмиз.

Холмс қошларини кўтардн:

— Шунга қарамасдан барибир менга одам юбориб-
 сиз-ку?

— Э-ха, бу бошқа гап — арзимаган майдা нарса,
 аммо айниқса сиз қизиқадиган нарсалардан бири: шуб-
 ҳали, биласизми, сиз қўллашингиз мумкин бўлган таъ-
 бир билан айтсан, ғалати нарса. Биринчи қараганда бу-
 тун ишга ҳеч дахли йўққа ўхшайди.

— Нима экан у?

— Ўзингизга маълумки, жиноят содир бўлганлиги
 аниқлангач, биз ҳамма буюмларнинг жой-жойида қоли-
 шига қаттиқ риоя қиласиз. Бу ерда ҳам ҳеч нарсага
 тегилмаган. Квартирада кечаю кундуз полициячи нав-
 батчилик қилган. Бугун эрталаб марҳумни дафи этиб,
 бу хонани текшириш тугаллангандан кейин, биз уни бир
 оз тартибга келтириб қўймоқчи бўлдик. Мана бу палос.
 Биласизми, у полга қоқилган эмас, уни солиб қўйишган.
 Биз уни тасодифан кўтариб қолиб, кўрсакки...

— Хўш? Қўрсангларки?.. — Холмснинг чеҳрасида зўр
 қизиқиши акс этди.

— О-о, аминманки, бизнинг нимани кўрганимизни
 юз йилда ҳам ўйлаб тополмайсиз! Сиз палосдаги мана
 бу доғини кўяпсизми? Ахир бу палосдан бир талайгина

қон силқиб ўтган бўлиши керак эди, шундай эмасми?

— Албатта.

— Буни қарангни, паркетнинг шу жойида доғ йўқ.

— Доғ йўқ? Аммо доғ бўлиши керак эди-ку?

— Ҳа, сиз шундай деб ўйлайсиз. Ҳолбуки у ерда доғ йўқ.

У палоснинг бир четини кўтарди, биз дарҳақиқат шундай эканлигига қаноат ҳосил қилдик.

— Аммо палоснинг ўнг томонига ўхшаб орқасида ҳам доғ бор-ку. Шу доғ полда из қолдириши керак эди-ку!

Машҳур мутахассиснинг ҳайратланганини кўраркан, Лестрейд завқдан ҳиринглаб кулди:

— Ҳўп, эди мен гап нимада эканини сизга тушунтириб бераман. Иккинчи доғ ҳам бор, аммо у биринчи-сига мос келмайди. Узингиз кўринг.

Шу сўзларни айтиб у палоснинг иккинчи учини кўтарди, дарҳақиқат паркетнинг кўҳна эшикка яқин оқиши чорбурчак тахталарида каттагина тўқ қизил доғ кўрдик.

— Бунга нима дейсиз, мистер Холмс?

— Бу оддийгина гап. Иккала доғ бир-бирига мос келади, аммо палос бувлаб қўйилган. У чорси бўлиб, полга қоқилмаганлиги учун бу нарса осон эди.

— Мистер Холмс, полиция сизнинг палос қайириб Қўйилган-қўйилмаганлигини тушунтириб беришингизга муҳтоҷ эмас. Бу мутлақо равшан нарса: агар палос мана бундай бувланса, доғлар бир-бирига бақамти келади. Мен сиздан сўрамоқчиман: палосни ким, нима учун кўтарган?

Холмснинг ҳаракатсиз юзида ўзини чулғаб келаётган ҳаяжонии аранг босиб турганини кўрмоқда эдим.

— Менга қаранг, Лестрейд,— деди у,— йўлакдаги полициячи бу ерда муттасил навбатчилик қилиб турибдими?

— Ҳа.

— Ҳўп, бўлмаса менинг сизга маслаҳатим шу: уни яхшилаб сўроқ қилинг. Аммо-лекин бизнинг олдимизда эмас, биз шу ерда кутиб турамиз. Уни бошқа хонага олиб киринг. Ёлғиз сиз билан бўлса тезроқ иқорор бўлз қолади. Ундан, бу хонага одам киргизиб, уни ёлғиз қолдириб чиқиб кетишга нима ҳақинг бор эди, деб сўранг. Бу ишни қилган-қилмаганини сўраб ўтируманг. Буни исботлашинг ҳожати йўқ деб ҳисобланг. Унга, бу ерда ким бўлганини биламан, лепг. Пўписа қилинг. Сидқи-

дилдан иқрор бўлгандағина гуноҳини юва олиши мумкинлигини айтинг. Ҳамма ишни худди мен айтгандек қилинг.

— Қасамёд этаманки, борди-ю, у бирон нарса биладиган бўлса, ҳаммасини айтишга мажбур қиласман! — деди Лестрейд хитоб билан.

У юргурганча даҳлизга чиқиб кетди, бир минутдан сўнг биз унинг қўшни хонада бақираётганини эшилди.

— Тезроқ, Уотсон, тезроқ, — деб қичқириб юборди Холмс сабрсизликдан қалтираб.

Бу одамнинг лоқайдлик ниқоби остига яширинган бутун ғайритабиний зўр кучи ғайрат билан жўшиб кетди. У палосни қайириб қўйиб, дарҳол чўкка тушди-да, паркетнинг палос тагидаги ҳар бир чорбурчак тахтасини пайпаслай бошлади. Улардан бирисининг четига қўлини тегизаркан, бир четга учиб тушди. Бу яшикнинг қопқоғи бўлиб, унинг тагида кичкина қоп-қоронғи чуқурча бор эди. Холмс сабрсизлик билан қўлини пастга суқди, лекин ўқинч ва аччиқ афсус билан хўрсиниб қўлини тортиб олди. Яшикча бўм-бўш эди.

— Бўлинг, Уотсон! Жойига олиб келиб қўйинг!

Хуфия ковакни ёпиб, палосни жойига солиб қўйган ҳам эдики, йўлакдан Лестрейднинг овози эшитилди. У кириб келганда Холмс каминга бепарво суюнганча эсноғини аранг босиб хомуш ва аламли бир қиёфада турарди.

— Кечиринг, сизни ушлаб қолдим, мистер Холмс. Қўриб турибман, бу ишларнипг ҳаммаси жуда ҳам жонингизга текканга ўхшайди. Ниҳоят у иқрор бўлди! Бүёққа киринг, Макферсон. Сизнинг кечириб бўлмайдиган қилмишингизни мана бу жентльменлар ҳам билиб қўйишсан.

Хонага қизарип ҳижил бўлган айбдор констебль қиялаб кирди.

— Сизни ишонтириб айтаман, сэр, ўлай агар кўнглимга ёмон гап келган бўлса. Кечириб кечқурун бу ерга бир жувон кириб келди: қидирган уйимдан адашиб кирибман, деди. Биз гаплашиб қолдик. Ахир одам кунузукун ёлғиз турса зерикиб кетади-ку...

— Хўш, кейин нима бўлди?

— У сиуқасд қаерда юз берганини кўрмоқчи бўлди, буни газетада ўқиганини айтди. Жуда одобли жувон, сэр. Гап-сўзлари ҳам бинойидеккина. Кириб қўришига изн берсам ҳеч нарса бўлмас, деб ўйладим. Аммо палосдаги додни кўриши билан ҳушидан кетиб йиқилди.

Мен ошхонага югуриб чиқиб, сув олиб келдим-у, аммо ҳушига келтиролмадим. Шундан кейин конъяк олиб келгани муюшдаги «Чирмовиқ новдаси» деган майхонага қараб югурдим, бироқ қайтгунимча хотин ўзига келиб чиқиб кетибди... Афтидан, мен билан учрашгани юзи чидамаган бўлса керак.

— Палосга ҳеч ким тегмабдими?

— Биласизми, сэр, қайтиб келсам, назаримда у бир оз суреб қўйилгандек эди. Хотин палосга йиқилиб тушган эди-да, у бўлса полга қоқиб қўйилмаган. Кейин мен уни текислаб солиб қўйдим.

— Бу сизга сабоқ бўлади, констебль Макферсон, мени иккинчи алдамайсиз,— деди Лестрейд мағрур.— Сиз ҳойнаҳой, тартиб бузилгани очилмай қолади, деб ўйлагансиз, палосга кўзим тушиши биланоқ хонага кимдир кирганини дарҳол пайқадим. Бахтингизга, ошнам, ҳеч нарса йўқолмабди, бўлмаса аҳволингиз танг бўларди. Сизни шуидай арзимаган нарса учун бу ерга чақирганимга таассусуф қиласман, мистер Холмс, аммо мен биринчисига мос келмайдиган бу иккинчи доғ сизни қизиқтириб қолар, деб ўйлаган эдим.

— Албатта бу жуда қизиқ. Констебль, ўша хотин бу ерга атиги бир марта кирдими?

— Ҳа, сэр, бир марта кирди.

— Оти пима экан?

— Билмадим, сэр. Айтишича, машинкада кўчириладиган иш қидириб юрган экан, уйнинг номерини адаштириб қўйибди, жуда ёқимтой, сипогина жувон, сэр.

— Новчами, чиройлими?

— Ҳа, сэр, анчагина новча жувон. Чиройли деса ҳам бўлади, ҳа, жуда ҳам чиройли. «О, офицер, рухсат беринг биттагина қарай!» деди у. Хатти-ҳаракатлари шунағани ёқимли, мулойим эдики, эшикни очиб мўралай қолишига рухсат берсам ҳеч нарса бўлмас, деб ўйладим.

— Қандай кийинган эди?

— Соддагина, сэр: устида ергача тушиб турган ёпинчлик.

— Соат нечаларда бўлган эди бу?

— Қош қораяётган пайт эди. Мен майхонадан қайтиб келаётганимда фонарларни ёқишаётган эди.

— Жуда соз,— деди Холмс.— Юринг. Уотсон, бизни бошқа жойда муҳим бир иш кутиб турибди.

Биз уйдан чиқарканмиз. Лестрейд хонада қолди, ўқинчдан ич-этини еяётгап констебль эса бизга эшик

очгани югурди. Остонада Холмс ўгирилиб Макферсонга нимадир узатди. Констебль тикилиб қаради.

— Е раббий, сэр! — деди у ҳайрат билан.

Холмс бармоғини лабига босиб, ўша нарсанни яна қўйин чўнтағига солиб қўйди-да, биз кўчага чиққач, қаҳ-қаҳлаб кулиб юборди.

— Жуда соз! — деди у. — Юринг, қадрдоним Уотсон. Парда кўтарилиди, охирги парда бошланмоқда. Хотиржам бўлишингиз мумкин: уруш бўлмайди, муҳтарам лорд Трелони Хоупнинг ёрқин истиқболига птур етмайди, өҳтиётсиз подшо шошмашошарлик қилиб қўйгани учун жазосини тортмайди, бош министр ҳам Европадаги мурракаб аҳволни бартараф қилиш билан овора бўлмайди. Биз бир оз одоб сақлаб, тадбиркор бўлишимиз керак, шунда жуда хунук оқибатларга олиб бориши мумкин бўлган бу воқеа сариқ чақага ҳам арзимай қолади.

Мен бу ажойиб одамга жуда ҳам қойил қолдим.

— Сиз масалани ҳал қилдингизми?! — деб хитоб қилдим мен.

— Ҳозирча йўқ, Уотсон. Ҳозирча бояги-боягидек маълум бўлмаган баъзи бир жиҳатлар бор. Аммо ҳозир бизга кўпдан-кўп нарсалар маълумки, башарти ҳаммасини билиб олмасак алам қилган бўлар эди. Биз ҳозир тўппа-тўғри Уайтхолл-Террасга бориб, ишни охиринга етказамиз.

Биз Европа ишлари министрининг уйига етиб келгач, Шерлок Холмс леди Хильда Трелони Хоупни кўрмоқчи эканини айтди. Бизни қабулхонага бошлаб киришди.

— Мистер Холмс! — деди леди, унинг юзи норозиликдан қизариб кетди. — Сизнинг ишингиз инсофдан әмас, олижаноблик әмас. Ахир мен сизга борганимни сир тутмоқчи эканлигимни айтган эдим-ку. Бўлмаса әrim, менинг ишларимга аралашаётиди, деб ўйлаши мумкин, деган эдим-ку. Сиз бу ташрифингиз билан мени иснодга қўяётисиз. Ахир бу бизнинг орамизда амалий муомалалар бор эканлигини кўрсатиши мумкин-ку.

— Афсуски, миледи, бошқача йўл тутиш мумкин бўлмади. Менга бу гоятда муҳим ҳужжатни топишни топширишган, шунинг учун сиздан сўрашга мажбурман, миледи, уни менга берсангиз.

Леди ўриидан сапчиб турди: кўркам чеҳрасидаги қизилликдан бир зумдаёқ асар қолмади. Кўзлари хира тортиб, гандиралаб кетди. Назаримда, у ҳуши оғиб йиқилиб тушадигандек кўринди, аммо бор иродасини иш-

га солиб ўзининг ўнглаб олди, юзи ҳайрат ва нафратдан қизариб кетди:

— Сиз... мени ҳақорат қилаётисиз, мистер Холмс!

— Менга қаранг, бу фойдасиз. Хатни беринг.

Хотин қўнғироққа қараб югурди:

— Эшик оғаси сизларни кузатиб қўяди.

— Чалманг, леди Хильда. Агар шундай қилсангиз, менинг жанжалдан қочиш учун қилган ҳамма самимий хатти-ҳаракатларим беҳуда кетади. Менга хатни қайтариб беринг, ҳамма иш жой-жойига қарор топади. Агар менга ишонгингиз келмаса, сирингизни фош этишга мажбур бўламан.

Аёл унинг қаршисида гурур ва виқор билан туради. Унинг кўзлари Холмснинг нигоҳини қидирар, гўё унинг муддаоси нима эканлигини билиб олмоқчидек эди. У қўлини қўнғироқдан олмас, аммо чалмас ҳам эди.

— Сиз мени қўрқитмоқчисиз. Бу ерга келиб хотин кишига пўписа қилиш олижанобликка кирмайди, мистер Холмс! Сиз, мен баъзи бир нарсаларни биламан дейсиз, хўш, нималарни биласиз?

— Илтимос қиласман, миледи, ўтиринг. Агар йиқилиб тушсангиз шикастланасиз. То ўтиргунингизча гапирмайман. Ташаккур айтаман сизга.

— Сизга беш минут муҳлат бераман, мистер Холмс.

— Бир минут ҳам кифоя, леди Хильда. Мен сизнинг Эдуард Лукасникида бўлганингизни, унга бу ҳужжатни берганингизни биламан, кеча кечқурун ҳийла ишлатиб унинг хонасига иккинчи марта кириб борганингиздан, палос тагидаги хуфия ковакдан хатни олганингиздан ҳам хабардорман.

Леди Хильданинг ранги мурданинг рангидек оқариб кетди. У Холмсдан кўзларини узмасди; энтикиб, тили гапга келмай қолди.

— Эсингизни ебсиз, мистер Холмс... Эсингизни ебсиз! — дея олди у ниҳоят.

Холмс чўнтағидан бир парча картон олди. Бу аёл кишининг фотосурати эди.

— Мен буни иш бериб қолар деб олакелган эдим,— деди у.— Полициячи сизни таниди.

Аёлнинг нафаси бўғзига тиқилиб, боши кресло суяпчиғига шилқ этиб тушди.

— Менга қаранг, леди Хильда... Хат сизда, аммо ишни ҳар қалай ўнгласса бўлади. Менда сизнинг бошинингизга ҳеч қандай қўнғилсизлик солиш истаги йўқ. Йўқолган хатни эрингизга қайтариб берган заҳотим менинг

вазифам тугайди. Маслағатимга қулоқ солиб мендан сир яширманг — сизнинг бутун нажотингиз шундан иборат.

Бу жувоннинг мардлигига қойил қолса бўларди. Ҳатто шу пайтда ҳам у ўзини мағлуб деб ҳисобламаэди:

— Яна такрор айтаман, мистер Холмс: сиз аллақандай тутириқсиз хомхаёлнинг ҳукмида турганга ўхшайсиз.

Холмс стулдан турди:

— Сизга ачинаман, леди Хильда. Мен сиз учун имконим борича ҳаракат қилдим, энди кўрсам — буларнироҳаммаси беҳуда экан.

У қўниғироқ тугмачасини босди. Эшик оғаси кирди.

— Мистер Трелони Хоуп уйдами?

— У ўн беш минутдан кейин келади, сэр.

Холмс соатига қаради.

— Яна ўн беш минут.— деди у.— Жуда соз, кутиб туратураман.

Эшик оғаси эшикни ёпиб чиқиб кетиши билан леди Хильда қўлларини чўзганча Холмснинг оёқларига йиқилди; кўркам юзларидан дув-дув ёш оқмоқда эди.

— О, менга раҳмингиз келсин, мистер Холмс! Менга раҳмингиз келсин!— деб ёлворарди у алам билан тўлғаниб.— Худо ҳақи, унга айта кўрманг! Мен уни шу қадар севаманки! Унга заррача ҳам озор етказгим келмайди, биламанки, бу нарса унинг олижаноб дилини вайрон қиласди.

Холмс уни ўрнидан турғазди.

— Сизга ташаккур айтаман, миледи, охирги дақиқада бўлса ҳам эс-ҳушингизни йиғдингиз. Бир дақиқа фурсатини ҳам бой бериш керак эмас. Ҳат қапи?

Жувон ёзув столи ёнига югуриб бориб уни очди да, узун мовий конверт олди.

— Мана у, мистер Холмс... кошки уни ҳеч қачон кўрмаган бўлсан!

— Энди уни қандай қилиб қайтарсак экан?— деб ўйларди Холмс.— Тезроқ, тезроқ, қандай бўлмасин бир йўл топиш керак!.. Ҳужжатлар солинган қутича қаёқда?

— Ҳали ҳам ёток хонасида.

— Жуда жойида! Уни тезгина буёққа олиб келинг, миледи.

Бир минутдан сўнг у қўлида қизил япасқи қутича кўтарганча кириб келди.

— Сиз уни илгари нима билан очган эдишгиз? Сизда бошқа калит борми? Албатта бўлиши керак. Очинги Бағирдонидан леди Хильда кичкина калит олди. Қў-

тичани очишиди, у қофоз билан тұла әди. Холмс мовий конвертни ўрта бир жойга, қандайдир бошқа ҳужжат-нинг қатига солиб қўйди. Қутичани қулфлаб, яна ётоқ хонасига олиб кириб қўйишиди.

— Энди биз уни кутиб олишга шаймиз,— деди Холмс.— Ихтиёrimизда яна ўн минут вақт бор. Мен сизни дахлсиз сақлаб қолиш учун ҳаддимдан ортиқ жасорат қилаётиман, леди Хильда! Шунинг учун сиз қолган вақт ичидә бу ғалати воқеани менга бошдан-оёқ ипидан-игнасиғача гапириб беришингиз керак.

— Мен сизга ҳаммасини гапириб бераман, мистер Холмс!— деб хитоб қилди леди.— О, мистер Холмс, мен ўнг қўлимни чоптириб ташласам ташлайманки, унинг бир дақиқа ҳам ташвиш чекишини хоҳламайман. Бутун Лондонда ўз эрини менчалик севадиган хотин бўлмаса керак, аммо барибир мажбурик туфайли қилган ишимни билиб қолса, у мени ҳеч қачон кечирмас әди. У ўз номусини шу қадар юқори қўядики, бошқа одамнинг беномус хатти-ҳаракатини унутолмайди ҳам, кечиролмайди ҳам. Менга ёрдам беринг, мистер Холмс! Менинг баҳтим, унинг баҳти, бизнинг ҳаётимиз қил устида турибди!

— Тезроқ, миледи, вақт кетяпти!

— Эрга теккунимгача, мистер Холмс, мен севиб қолган таъсирчан қизларга хос эҳтиётсиз, тутуриқсиз бир хат ёзган әдим. Унда ҳеч бир ёмон нарса йўқ, аммо эрим уни, барибир, жинонӣ деб ҳисоблаши мумкин әди. Борди-ю, у ўша хатни ўқиб қолса, менга ишонмай қўярди. Ўша хатни ёзганимга неча йиллар бўлиб кетган. Мен, ҳаммаси уннутилиб кетгандир, деб юрардим. Аммо бирдан ўша Лукас деган одам менга, хат менинг қўлимга тушиб қилди, уни эриңгизга кўрсатмоқчиман, деб хабар қилди. Ўнга, менга раҳм қилинг, деб ёлвордим. У, агар эриңгизнинг хат-хабарлар турадиган қутичасидаги бир ҳужжатни олиб келиб берсангиз, сизга хатни қайтариб бераман, деди. Унинг министрликда аллақандай бир жосуси бор экан, бундай ҳужжат борлигини унга ўша айтибди. Лукас, бу эриңгизга сира ҳам зарар етказмайди, деб ишонтирди. Менинг ўрнимда бўлсангиз нима қилардингиз, мистер Холмс! Мен нима қилишим керак әди?

— Ҳамма гапни эриңгизга айтишингиз керак әди.

— Айтольмасдим, мистер Холмс, айтольмасдим! Бир томондан, менга омонсиз ҳалокат таҳдид солиб турарди; иккинчи томондан, гарчанд, эримга тегишли ҳужжатни

олишим ўзимга мудҳиш туюлса-да, аммо, ҳар қалай, ҳалқаро сиёсат бобида бу қандай оқибатларга олиб бориши мумкинлигини мен унча тасаввур қилмасдим, бизнинг муҳаббатимиз билан ўзаро ишончимизга келсак, бунда менга ҳамма нарса мутлақо равшан эди. Шу тариқа мен ўғирлик қилдим, мистер Холмс. Мен қалитдан қолип кўчирдим. Лукас деган ҳалиги одам бошқа қалит ясаттириб олиб келиб берди. Мен қутичани очиб ҳужжатни олдим-да, уни Годолфин-стритга олиб бориб бердим.

— У ерда нима ҳодиса юз берди, миледи?

— Мен шартлашганимиздек эшикни тиқиллатдим. Лукас чиқиб очди. Унинг орқасидан хонага кирдим, аммо эшикни қия очиқ қолдирдим, чунки бу одам билан ёлғиз қолишдан қўрқардим. Эсимда, уйига кираётганимда кўчада аллақандай хотин турган эди. Бизнинг музокараларимиз дарров тугади. Менинг хатим унинг столида ётарди. Унга ҳужжатни бердим, у менга хатни қайтариб берди. Шу пайт эшик олдидা шовқин эшитилиб, йўлакдан одим товушлари келди. Лукас тезлик билан палосни кўтариб ҳужжатни қандайдир ковакка тиқди-да, палосни яна жойига ташлаб қўйди.

Шундан кейин юз берган нарса аллақандай даҳшатли тушга ўхшайди. Шу пайт қорамагиз жиннибашара хотинга қўзим тушди, унинг француздечалаб: «Кутганларим беҳуда кетмади! Ахир сени у билан қўлга туширдим!»— деб қичқирганини эшитдим. Шундан кейин даҳшатли манзара юз берди. Эркакнинг стулга ёпишганини, хотиннинг қўлида ханжар ярқираганини қўрдим. Мен бу мудҳиш ҳодисани қўришим билан жоним борича қочдим, уйдан югуриб чиқиб кетдим, бу мудҳиш сунқасдни эртасига эрталабгина газеталардан билдим. Уша куни кечқурун мен жуда баҳтиёр эдим, чунки хатим ўз қўлимда эди, мени нималар кутаётганини хаёлимга келтирмага эдим.

Эртасига эрталаб бир фалокатдан қутуламан деб иккинчисига дучор бўлганимни пайқадим. Эримнинг ҳужжат йўқолганини кўриб чеккан аламидан изтиробга тушдим. Унинг оёқларига йиқилиб нима иш қилиб қўйганимни айтиб юборишимга сал қолди. Аммо унда илгари қилган ишимни ҳам иқрор қилишга мажбур бўлардим! Уша куни эрталаб мен сизнинг олдингизга бордим, бутун хатти-ҳаракатимнинг нақадар қалтис эканлиги менга ўшандагина равшан бўлди. Уша дақиқадаи бошлаб мен муттасил бу ҳужжатни эримга қан-

дай қилиб топширишни ўйлардим. Ҳужжат Лукас қўйган жойда турган бўлиши керак, чунки у ҳужжатни ўша даҳшатли хотин кириб келгунча яшириб қўйган эди. Агар ўша хотин кириб қолмаганида бу хуфия жой қаерда эканлигини мен ҳеч қачон билолмаган бўлардим. Унинг хонасига қандай киришим мумкин? Мен бу уйни икки кун давомида кузатдим, аммо бирон марта ҳам эшик очиқ қолмади. Кеча кечқурун охирги марта уриниб кўрдим. Хатни қандай қилиб қўлга киритганимни ўзингиз биласиз. Мен уни олиб келиб йўқ қилиб юбормоқчи бўлдим, чунки бор гапни айтмай туриб хатни әримга қандай қилиб қайтариб беришни билмасдим.. Е раббий, зинапоядан унинг қадамларини эшитаётиман.

Евropa ишлари министри қаттиқ ҳаяжонланганча хонага югуриб кирди.

— Нима янгилик бор, мистер Холмс, нима янгилик бор?— деб қичқириб юборди у.

— Менинг кўнглимда бир оз умид бор.

— Худога шукр!— дея унинг юзи ёришиб кетди.— Бош министр мен билан нонушта қилаётган эди. Уни қувонтиришим мумкинми? Унинг асаблари пўлатдан-у, аммо биламанки, шу мудҳиш воқеа юз бергандан бери, кўз юмгани йўқ... Жейбокс, бош министрни буёқقا чиқишига таклиф қилинг. Сизга келсак, азизим, сиёsat ҳақидаги гапларнинг сизга учна қизифи бўлмаса керак. Бир неча дақиқадан сўнг биз емакхонага — ҳузурингизга тушиб борамиз.

Бош министр ўзини яхши тутар, аммо кўзларининг чақнаши, қотма қўлларининг қалтирашидан унинг ҳам ёш ҳамкасабасидек ҳаяжонлангаётганини кўриб турардим.

— Пайқашимча, мистер Холмс, сиз бизга бир нарсани маълум қилмоқчисиз, шекилли?

— Ҳозирча салбий жавоб,— деди дўстим.— Мен иложим борича ҳамма жойлардан суриштириб кўрдим, ташвиш тортиш учун ҳеч қандай асос йўқлигига қаноат ҳосил қилдим.

— Аммо бу етарли эмас, мистер Холмс. Биз муттасил вулқон оғзида яшаёлмаймиз, биз анигини билишимиз керак.

— Мен, хатни топамиз, деб ишонаман, шунинг учун ҳам бу ерга келдим. Бу иш ҳақида қанча кўп ўйлаганим сари, ўша хат бу уй доирасидан чиқиб кетмаган, деган ишончим тобора ортиб бормоқда.

— Мистер Холмс!

— Борди-ю, у ўғирланган тақдирда уни аллақачон-лароқ әзілон қылған бўлар әдилар, албатта.

— Аммо уни шу уйга яшириб қўйиш учунгина өлини-дан нима маъно чиқади?

— Умуман уни олганларига имоним комил эмас.

— Унда қандай қилиб қутичадан ғойиб бўлиб қола-ди?

— Унинг қутичадан ғойиб бўлиб қолганига ҳам имоним комил эмас.

— Мистер Холмс! Ҳозир ҳазилкашликнинг мавруди эмас! Сизни ишонтириб айтамаки, хат у ерда эмас.

— Сиз сешанбадан бери уни бошқа очиб кўрганми-дингиз?

— Иўқ. Бунинг мутлақо фойдаси ҳам йўқ!

— Сиз уни кўрмай қолған бўлишингиз ҳам мумкин.

— Менга қаранг, бундай бўлиши мумкин эмас.

— Ким билади! Бундай нарсалар бўлиб турган. Унда бошқа ҳужжатлар ҳам бўлса керак. Ушаларнинг орасига аралашиб кетган бўлиши мумкин.

— Хат устида турган эди.

— Битта-яримта қутичани қимирлатган бўлса ара-лашиб кегтандир.

— Иўқ-йўқ, мен ҳаммасини олиб кўрганман.

— Ахир буни текшириб кўриш қийин эмас-ку, Хо-уп!— деди бош министр.— Айтиңг, қутичани буёқа олиб келишсин.

Европа ишлари министри қўнфироқни босди:

— Жейкобс, менинг ҳужжатлар турадиган қутичами олиб келинг... Биз мутлақо беҳуда вақт ўтказмоқда-миз, аммо шу билан кўнглишингиз жойинга тушса, майли текшириб кўрайлик... Раҳмат, Жейкобс, мана шу ерга қўйинг... Калитни ҳамма вақт соатимнинг занжирида олиб юраман. Мана ҳамма қоғозлар, кўриб турибсиз-лар. Лорд Мерроунинг хати, сэр. Чарльз Хардининг маърузаси, Белграддан келган меморандум, рус-гер-ман ғалла солиқлари ҳақидаги маълумотлар. Мадриддан келган хат, лорд Флауэрснинг берган маълумоти... Ё раббий! Бу нима бўлди? Лорд Беллинжер! Лорд Бел-линжер!

Бош министр мовий конвертии унинг қўлидан юлқиб олди:

— Ҳа, ўша. Хати ҳам турибди.., сизни табриклай-ман Хоуп!

— Ташаккур сизга! Ташаккур сизга! Елкамдан кат-такон тоғ ағдарилгандек бўлди.. Аммо бунга ақл бовар

қилмайды... Ҳа, ақл бовар қилмайды. Мистер Холмс, сиз сеҳргар экансиз, афсунгар экансиз! Үннинг бу ерда эканлигини қаёқдан билдингиз?

— Бу ердан бошқа жойда бўлиши мумкин эмаслигини билардим.

— Қараб туриб кўзларимга ишонмайман!— У хонадан ғизиллаганча чиқиб кетди. — Хотиним қани? Мен ҳамма иш қарор топганини унга айтишим керак. Хильда! Хильда!— деган овозларни эшигдик зинапоядан.

Бош министр кўзларини сузиб Холмсга қаради.

— Менга қаранг, сэр,— деди у,— бу ерда яна бошқа бир гап борга ўхшайди. Ҳат яна қандай қилиб қутичага тушиб қолган бўлиши мумкин?

Холмс бу ўтқир кўзлариниг синовчан назаридаи қочиш учун орқага ўгирилиб жилмайди.

— Бизнинг ҳам дипломатик сирларимиз бор,— деди у ва шляпасини олиб эшик томон йўналди.



АСИЛЗОДА БҮЙДОҚ

Омадсиз күёвлар гирдикапалак бўлиб юрадиган суюклар табақасида лорд Сент-Саймоннинг донғи ган уйланиш можароси кўпдан буён эрмак қилинди. Бу кулфат янги-янги шармандали воқеалар янада ғаройиб тафсилотлари соясида қолиб кетди виёфатма-зиёфат санқиб юришадиган вайсақилари ҳам ёдидан кўтарилиди. Устига-устак, ўшандан бери дан деярли тўрт йил ўтди. Лекин баъзи бир сабаблар кўра, кўлгина далил-исботлар охир-оқибатда халқ масига ошкор этилмагани туфайли ва асосан дўйи Шерлок Холмс шарофати билан бу ишга аниқлик ритилгани учун каминанинг у ҳақдаги хотиралари жаз баёнсиз, тубандаги диққатга сазовор манзар: кемтик бўлиб қоларди деб ҳисоблайман.

Бир куни,— мен унда ҳали уйланмаган эдим— гача бир неча ҳафта бор эди, биз Холмс билан Бей стритда бирга яшардик,— дўстимнинг номига хат келадиган уйда йўқ эди, у тушликдан сўнг қаерларда сайр этиб юрарди. Мен бўлсанм, кун бўйи хонадан

май ўтирдим, чунки кутилмаганда ҳавонинг авзойи бузилди: кучли кузак шамоли кўтарилиди, ёмғир ёға бошлади — натижада оёғимга кириб қолган ўқ, (Афонистон юришидан хотира) эс-ҳушимни чулғаб олди, яъни сёғим тўхтовсиз равишда сирқ-сирқ оғришга тушдй. Креслоларнинг бирига ястаниб олдим-да, сёқларимни чалмаштирганча газета ўқий бошладим. Аммо бирпасдан кейин кундалик долзарб янгиликлар жонимга тегди ва қоғоз уюмини бир бурчакка улоқтириб ташладим. Бекорчиликдан стол устида ётган хатни кўздан кечирдим: конверт сиртида улкан герб билан монограмма ма-намен деб туради. Мен эринибгина дўстим билан хат ёзишиб турадиган бу улуғ зот ким бўлди экан деган мулоҳазага бордим.

— Сизга олимақом мактуб мунтазир бўлиб турибди,— деб хабар бердим Холмс хонага кирган заҳотиёқ.
— Агар янглишмасам, сиз эрталаб балиқфурӯш билан божхона амалдорларидан ҳам хатлар олган эдингиз-а?

— Каминага келадиган хат-хабарларнинг латофати шундан иборатки, улар хилма-хилдир,— деб жавоб берди у жилмайиб.— Кўпчилик ҳолларда хат муаллифи қанчалик камтар бўлса, хат шунчалик қизиқарли бўлади. Менимча, манови зорманда ҳам бўлмағур расмий таклифномалардан биттаси бўлса керак, булар кишини ё диққатпазлигини ошириб юборади, ёки ёлғон гапиришга мажбур этади. — У муҳрни синдириди-да, хатга тезгина кўз югуртириб чиқди.— Э-э, йўқ! Бу ерда қандайдир қизиқроқ нарса борга ўхшайди.

— Демак, бу таклифнома эмасми?
— Йўқ, ишга алоқадор хат.
— Асилизода мижозданми?
— Англиядаги энг асилизода зотларнинг биридан келибди.

— Табриклайман, азизим.
— Уотсон, қасам ичиб айтаманки, менга мижозимнинг жамиятдаги мавқеидан кўра, унинг иши кўпроқ аҳамиятга эга. Ишонаверинг, мен жилпанглаётганим йўқ. Шунга қарамай, мана бу ҳодиса хийла ажабтовор шекилли. Назаримда, сиз кейинги пайтлардаги газеталарни анчагина синчиклаб ўқиб чиқсанисиз шекилли-а?
— Кўриб турибсиз-ку!— дедим маъюс тортиб, бурчакда ётган газета уюмiga ишора қилар эканман.— Қиласидиган бошқа ишим йўқ эди-да.

— Жуда яхши бўлибди. Ундай бўлса, сиз менга маълумот беришингиз мумкин. Ахир мен жиноий хабарла-

ру йўқолиб қолган қариндош-уруғлар қидирувига оид эълонлардан ташқари ҳеч нарсани ўқимайман. У ерда ибратли ҳодисалар ҳам учраб туради. Бўпти, агар саргузаштларга эътибор берган бўлсангиз, ўз-ўзидан разшанки, лорд Сент-Саймон ва унинг уйланишига доир мақолани ўқигандирсиз?

— Бўлмасам-чи! Қизиқиб ўқидим.

— Жуда соз. Шундай қилиб, мана, менинг қўлимда лорд Сент-Саймондан келган хат турибди. Ҳозир мен сизга хатни ўқиб бераман, бунинг эвазига сиз газеталарни яна бир марта қараб чиқасиэ-да, бу воқеага тегишли нималарни бўлса, ҳаммасини гапириб берасиз. Мана, у нималарни ёзибди:

«Хурматли мистер Шерлок Холмс! Лорд Бэкутер айтдики, мен Сизнинг фаҳм-фаросатингизга ҳамда сирсақлай билиш қобилиятингизга тўла-тўқис ишонсан бўлар экан. Шунинг учун менинг уйланиш тўйим билан боғлиқ бўлган ишоятда қайғули ҳодиса юзасидан Сизга мурожаат этишга қарор қилдим. Маслаҳат сўрамоқчиман. Скотленд-ярдлик мистер Лестрейд шу иш бўйинча тергов ишларини бошлаб қўйди, лекин у Сизнинг ҳамкорлик қилишингизга мутлақо қарши эмас, ҳатто бу ҳамкорлик самарали бўлиши мумкин деб ҳисоблаяпти. Мен бугун кундузги соат тўртда ҳузурингизга бораман. Умид қиласманки, менинг ишим фавқулодда муҳим эканнини эътиборга оласиз ва агар Сиз шу вақтга бошқа учрашувларни тайинлаб қўйган бўлсангиз уларни бир оз кейинга қолдирасиз.

Сизни ҳурмат қилгувчи Роберт Сент-Саймон».

Хат Гровнердаги хос уйдан жўнатилган, ғоз патидан ясалган перо билан ёзилган. Бунинг устига, олижаноб лорд ўнг қўли синчалогининг ички томонини сиёҳ билан булғаб олибди. Кўргулик-да,— деди Холмс, помани тахлар экан.

— У соат тўртда ташриф буюраман, деб ёзибди. Ҳозир уч бўлди. Бир соатдан кейин шу ерда бўлади.

— Демак, мен сизнинг ёрдамнингиз билан вазиятга баъзи бир аниқликлар киритишга улгуар эканман. Газеталарни обдан кўздан кечиринг-да, хабарларни хронологик тартибда ажратиб қўйинг, мен унгача мижозимизининг таржимал ҳолига бир қур назар ташлаб қўйман.— У тахта токчадан бошқа маълумотномалар билан ёнма-ён турган қизил муқовали қалин китобни қўлига олди.— Мана у!— деди Холмс, креслога ўриашиброқ ўтирган кўйи китобни тиззасига қўйиб варақлар

экан.—«Роберт Уоллингэм де Вир Сент-Саймон, герцог Балморалскийнинг иккинчи ўғли». Ҳмм!.. «Герб тузилиши, ҳаворанг чизиқ, йўл-йўл сувсар мўйнаси устида қўшқўнмаснинг учта юлдузчасимон гули тасвирланган. 1846 йил туғилган». Демак, у қирқ бир ёшга тўлибди—айни уйланадиган қирчиллама пайт. Аввалги ҳукумат даврида Мустамлака министри бўлган киши билан ўртоқ эди. Герцог — унинг отаси эса бир пайтлар Ташқи ишлар министри бўлган. Шажараси: ота томонидан План-тагентлар авлоди; она томонидан Тюдорлар авлоди. Шунақа... Лекин буларни бизга сариқ чақалик қиммати йўқ. Уотсон, умид қиласманки, сиз аҳамиятлироқ бирор нарсани қўлга киритган бўлсангиз керак-а?

— Мен зарур мақолани осонгина топдим,— дедим.— Уша ҳодиса яқинда содир бўлган эди, дарҳол эътиборимни ўзинга жалб этди. Сиз қандайдир тергов ишлари билан машғул бўлганингиз туфайли мен сизга бу ҳақда гапириб ўтиришин лозим кўрмаган эдим. Каминага маълумки, сиз диққатингизни чалғитган кишини ёқтирамайсиз.

— Нима бало, Гровнер хиёбонида рўй берган — мебель ташувчи соябонли арава билан боғлиқ арзимас жанжални назарда тутяпсизми? У иш аллақачон миридан-сиригача текширилган-ку, қолаверса, аввал-бошда ёқ ҳамма нарса кундай равшан эди. Хўп майли, гапиринг-чи, сиз у ерда нималарни кавлаштириб тоғдингиз?

— Мана, дастлабки хабар. У бир неча ҳафтадан кейин «Морнинг пост»да, «Асилизодалар ҳаёти солномаси» бўлимидаги эълон қилинган: «Герцог Балморалскийнинг иккинчи ўғли лорд Роберт Сент-Саймон билан мисс Хетти Доран — АҚШнинг Калифорния штатида жойлашган Сан-Франциско шаҳрида истиқомат қилувчи эсквайр Алоизиес Доранинг ёлғиз қизи унаштирилди. Мишимишларга қараганда, тез орада никоҳ маросими ўтказилади».

— Мухтасар ва лўнда,— деб таъкидлади Холмс, узун, ингичка оёқларини гулханга яқинроқ узатар экан.

— Уша ҳафта қандайдир газетанинг, асилизодалар ҳаётига оид хабарлар бўлимидаги, шу воқеа тўгрисида хийла батафсил ҳикоя қилинган эди. Ҳа, мана у, «Тез орада бизнинг никоҳ бозоримиз муҳофазаси хусусида маҳсус қопун чиқаришга тўғри келади. Чунки ҳозир ҳукмронлик килаётган эркин савдо қондалари бизнинг ватанимиз маҳсулотларига ниҳоятда салбий таъсир қўрсатмоқда. Буюк Британиядаги олижаноб зотларнинг насл-насаби

аста-секин Атлантика океани ортида ўтроқлашиб қолган күркәм амакиваччаларимиз ихтиёрига ўтиб кетяпти. Босқинчилар эгаллаб олган ўлжалар рўйхати ўтган ҳафтада қўлга киритилган ғоят қимматбаҳо бойлик эвазига янада тўлдирилди. Йигирма йилдан ортиқ вақт давомида ҳар қандай бало-қазоларга чап бериб келаётган лорд Сент-Саймон куни кеча калифорниялик миллионернинп гўзал қизи бўлмиш мисс Хетти Доран билан бир ёстиқ-қа бош қўйишга аҳд қилгани ҳақида эълоннома тарқатди. Мисс Доран Вестбери-Хаусдаги ҳар қандай тантанали маросимда пайдо бўлса — бас, одамлар унинг алифдек қадди-қоматию мафтункор юзларига тикилишиб лол бўлиб қолишарди: у оиласда ёлғиз қиз, мишишларга кўра, унинг сепи миллион сўмга яқин экан, келаётка қанча мерос қолишини айтмаса ҳам бўлади. Шундай қилиб, ҳеч кимга сир эмаски, герцог Балморалский охирги пайтлари ўзининг расмлар коллекциясини сотиб юборишга мажбур бўлган эди; агар Берч-мурдаги арзимас ер-мулкни ҳисобга олмаганда лорд Сент-Саймоннинг хусусий бойлиги деярли йўқ. Ўз-ўзидан равшанки, республика гражданини осонликча унвондор инглиз санамига айлантириб қўядиган бу иттифоқ фақат калифорниялик меросхўрга фойда келтириб қолмайди».

— Яна бирор нарса борми? — деб сўради Холмс эснаб.

— Бўлмасам-чи, ҳали кўп. Мана, бошқа бир мақола. Унда айтилишича, тўй дабдабасиз ўтказилар экан, никоҳ маросими Гровнер хиёбонидаги муқаддас Георгия ибодатхонасига тайинлацибди, фақат беш-олтита яқин дўстларгина таклиф этилган, холос. Кейин одамлар мистер Алоизиес Доран томонидан ижарага олинган Ланкастер-гейтдаги жиҳозланган хос уйга жўнайдилар. Икки куидан сўнг, яъни ўтган чоршанба куни никоҳ маросими бўлиб ўтгани ҳақида қисқача хабар пайдо бўлди: келин-куёв асал ойини Питерс-Филд яқинидаги лорд Бэкуотер мулкида ўтказишар экан. Токи келинчак ғойиб бўлгунга қадар газеталарда ёзилган нарсалар ма-на шулардан иборат.

— Нима дедингиз? — деб сўради Холмс, ўрнидан сапчиб тураг экан.

— Эндиғина танмаҳрами бўлган келинчак ғойиб бўлгунга қадар, — деб такрорладим.

— Келинчак қачон йўқолиб қолибди?

— Тўй зиёфати чоғида.

— Буни қаранг-а! Иш хийла қизғин тус оляпти-ку. Фоятда қайғули ҳол.

— Ҳа, менинг назаримда ҳам, бу ерда нимадир риң соладагидай эмас.

— Қызлар никоҳ маросимигача, баъзан эса асал ойи чоғида тез-тез қочиб туришади. Лекин мен бу хилдаги ҳодисани сира эслолмайман. Марҳамат қилиб, менга тафсилстларни сўзлаб берсангиз.

— Огоҳлантириб қўйяй, тафсилотлар унчалик тўлиқ эмас.

— Эҳтимол, кам-кўстини ўзимиз тўлдиришга муваффақ бўлармиз.

— Кечаконгни газетада мақола чиқди. Шу холос. Ҳозир мен сизга ўшани ўқиб бераман. Сарлавҳаси: «Асилизодалар тўйида гаройиб ҳодиса».

«Лорд Сент-Саймоннинг уйланиши билан боғлиқ бўлган сирли ва бағоят қайғули ҳодисадан унинг оиласи ларзага келди. Кечаги газеталарда қисқача хабар берилганидек, ҳақиқатан ҳам кечаконгни эрталаб никоҳ маросими бўлди. Лекин жамоатчилик ўртасида юрган аломат мишишларни биз фақат бугун тасдиқлашимиз мумкин, хоҳлос. Ёр-офайнилар ўша ҳодисани ёпди-ёпди қилиб юбоғришга уринган бўлсалар-да, бу воқеа ҳамманинг дикъат-эътиборини ўзига жалб этди. Эндиликда аллақачон оломон хабар топган ҳодиса хусусида лом-мим демай ўтиришдан ҳеч қандай маъни қолмади.

Тўй циҳоятда камсуқум бўлди, никоҳ муқаддас Георгия ибодатхонасида ўтди. Унда фақат келиннинг отаси — мистер Алоизиес Доран, герцог хоним Балморалская, лорд Бэкутер, лорд Юсташ ва леди Клара Сент-Саймон (куёвнинг укаси билан синглиси) ҳамда леди Алисия Уитингтон иштироқ этдилар, холос. Никоҳдан сўнг жамоатчилик Ланкастер-гейтга — тушлик зиёфат ҳозирлаб қўйилган мистер Алоизиес Дораннинг уйига жўнади. Мишишларга қараганда, у ерда кичик можаро рўй берган: номаълум аёл (унинг исми шарифи ҳалигача аниқлангани йўқ) меҳмонларнинг ортидан уйга суқулиб кириб олишга уриниб кўрган; унинг таъкидлашича гўё лорд Сент-Саймонда қандайдир ҳаққи бор эмиш. Эшикбон билан хизматкор хийла давом этган жанжалдан сўнг ўша кимсани кўчага чиқариб қўйишиди. Шукрки, бу кўнгилсиз босқинчилик рўй беришидан сал илгари келинчак уйга кириб кетган эди. У ҳамма қатори дастурхон теварагида жойлашади, лекин кўп ўтмай тоби қочаётганидан арз қилиб, ўз хонаси томон

йўл олади. У узоқ вақтгача қайтиб чиқавермагани туфайли меҳмонлар таажжублана бошлайдилар. Мистер Алоизиес Доран қизининг ортидан уйга киради, лекин оқсоқ унга мисс Хетти хонага бирров бош суққанини, сўнгра елкасига сафарбол узун пальтосини ташлаб, шляпасини бошига кийиб шошилинч ташқарига отланганини айтади. Хизматкорлардан бири ҳақиқатан ҳам пальто билан шляпасини кийиб олган қандайдир хоним уйдан чиқиб кетганини тасдиқлайди, аммо у ўша аёл ўзининг бекаси эканини асло танимайди; бу пайтда бекаси меҳмонлар билан дастурхон атрофида ўтирганига ишончи комил бўлади. Қизи йўқолиб қолганига иқрор бўлган мистер Алоизиес Доран куёви билан бирга полицияхонага жўнайди: шитоб қидирув бошланади. Тез орада бу ғаройиб ҳодисага аниқлик киритилса ажаб эмас. Шунга қарамай, йўқолган ледининг қаерда эканлиги ҳозирча номаълум. Бу ишга товламачилар аралашган бўлса керак деган мишмишлар юрибди, гўё лорд Сент-Саймонни излаб келган шубҳали аёл ҳибсга олинган эмиш: полициянинг тахминича, у раشك алами туфайли ёки бошқа бир сабабга кўра, эндигина никоҳдан ўтган келинчакнинг сирли равишда ғойиб бўлишига алоқадор бўлиши мумкин».

— Ҳаммаси шундек холосми?

— Бошқа тонгги газетада яна битта мақола бор. Эҳтимол, шундан сиз баъзи нарсаларни билиб оларсиз.

— У нима ҳақда?

— Ўша можаронинг сабабчиси бўлмий мисс Флора Миллар ҳақиқатдан ҳам ҳибсга олингани тўғрисида. Афтидан, у илгари «Аллегро»да раққоса эди ва бир неча йиллар давомида лорд Сент-Саймон билан учрашиб юрарди. Бошқа тафсилотлар айтилмаган. Шундай қилиб, бу ҳодиса хусусида газеталарда чоп этилган ҳамма нарса энди сизга маълум бўлди.

— Бу иш менга фавқулодда қизиқарли туюляпти. Агар бу иш менинг қўлимга тушмаганда борми, ниҳоятда хафа бўлардим... Лекин кимдир қўнигироқни чаляпти. Уотсон. Соат тўртдан ўтибди. Шубҳам йўқки, мана ҳозир бизнинг зотдор мижозимиз ташриф буоради. Фақат кетиб қолишини хаёлингизга ҳам келтирманг: жилла қурса, бирор нарса ёдимдан кўтарилиб қолган тақдирда менга гувоҳ асқатиб қолиши мумкин.

— Лорд Роберт Сент-Саймон келди! — деб эълон қилди бизнинг навқирон хизматкоримиз, эшикнилан очиб,

Нозик, ёқимтой юзли жентльмен хонага кирди: ранг рўйи оппоқ, бурни йириқ, лаблари салгина чўччайган, кишига тик қарайди, нигоҳи ўтириш — бу омади юришиб, өшиғи олчи тушган, ҳукмронлик қилишга, қулваччаларни учратишга кўникиб кетган кишининг нигоҳи эди. У ёнгилгина, илдам-илдам ҳаракат қиларди, лекин бир оз буқчайгани ва қадам ташластиб тиззаларини букиб-букиб қўйинши туфайли хийла қаримсиқ кўринарди. Унинг чакка соchlарига оқ тушган эди, қайрилма соябонли шляпасини бошидан ечгандан кейин маълум бўлдики, бундан ташқари, тепа соchlари пиҳоятда сийраклашиб қолган экан. У ҳаддан зиёд пўрим кийинган эди, ҳатто олифтагарчилик чегарасига яқин бориб қолган дейиш мумкин: ёқалари оби-тобида крахмалланган, эгнида қора белбурма камзул, оқ нимча, сарик қўлқоп, оёғида локланган ботинка, оқиши қадама қўнж. У хонага шошмасдан кириб келди-да, аланглаб атрофга назар ташлади. Буклама дастали тилла кўзойнагининг богоичларини асабий равишда қўлида айлантира бошлади.

— Хайрли кун, лорд Сент-Саймон! — деди Холмс хушмуомалалик билан, меҳмонга пешвоз чиқар экан. — Марҳамат, машиа бўёққа — тўқима креслога ўтиринг. Бу киши менинг дўстим, ҳамкасбим, доктор Уотсон. Оловга яқинроқ сурилинг ахир, ҳозир сизнинг ишиигиз хусусида гурунглашамиз...

— ...Менинг бошимга бундан ҳам оғирроқ кўргулик тушмаса керак, мистер Холмс! Мен путурдан кетдим. Равшанки, сиз кўп бора қалтис ишларни текшириб кўргансиз, сэр, лекин ҳеч бир мижозингиз жамиятимизда камина мансуб бўлган юқори табақага алоқадор шахслар бўлмагандир.

— Тўғри айтдингиз, бу ҳол мен учун бир поғона пастга тушиш билан баробар.

— Кечирасиз!

— Шу хилдаги иш юзасидан каминага мурожаат этган энг охирги мижозим қирол жаноблари эди.

— Шунақами? Мени хабарим йўқ. У қайси қирол эди?

— Скандинавия қироли.

— Ҳалигидаи, унинг ҳам хотини йўқолиб қолибдими?

— Умид қиласманки, сиз тушунадиган одамсиз: мен барча мижозларимга тегишли сирларни ошкор этмайман деб ваъда берганман, жумладан, сизга ҳам шундай сўз бераман,— деди Холмс назокатли оҳангда.

— Ў, бўлмасам-чи, албатта! Сиз мутлақо ҳақ гапни айтдингиз, илтимос, мени кечиринг. Менинг бошимга тушган ташвиш масаласига келсак, сизда ўша ҳодиса борасида тўлиқ тасаввур ҳосил қилишга ёрдам берадиган ҳар қандай маълумотни айтишга тайёрман.

— Миннатдорман. Мен газеталарда ёзилган тафсилотлар билан танишдим, лекин шундан бошқа ҳеч нарсани билмайман. Янглишмасам, матбуотдаги хабарларни тўғри деб ҳисоблаш мумкин шекилли-а? Масалан, келинчакнинг ғойиб бўлиши ҳақидаги манави мақолани олиб кўрайлик — тўғрими?

Лорд Сент-Саймон мақолага тезгина кўз югуртириб чиқди.

— Ҳа, бу мақолада жон бор.

— Лекин мен муайян хulosага келишим учун бир қатор қўшимча маълумотлар зарур. Назаримда, сизга бирталай савол берсам тузук бўлади.

— Хизматингизга тайёрман.

— Сиз мисс Хетти Доран билан қачон танишгансиз?

— Бир йил аввал, Сан-Францискода.

— Сиз Кўшма Штатлар бўйлаб сафарга чиқсан өдингизми?

— Ҳа.

— Сиз ўша ердаёқ унга совчи қўйдингизми?

— Йўқ.

— Лекин сиз хуштор бўлиб қолдингиз, тўғрими?

— Менга у яшаётган муҳит ёқиб қолди, буни ҳеч кимдан пинҳон тутганим йўқ.

— Унинг отаси жуда бадавлатми?

— У бутун Тинч океани соҳилидаги энг бадавлат инсон ҳисобланади.

— Ҳўш, у қаерда ва қай йўсиnda бойлик орттирган?

— Олтин конларида. Бир неча йил илгари ҳам унда ҳеч вақо йўқ эди. Кейин омади юришиб, мўл-кўл олтин конини топиб олади; маблағини оқилона тарзда сарфлайди-да, зудлик билан ўзини ўнглаб олади.

— Менга рафиқангизнинг — навжувон ледининг феъл-атворини таърифлаб беролмайсизми? У қанақа одам ўзи?

Лорд Сент-Саймон бувлама дастали кўзойнагики тез-тез тебратади бошлади ва оловга тикилиб қолди.

— Биласизми, мистер Холмс, қайнотам давлатманд киши бўлиб қолган пайтда менинг бўлажак хотиним йигирмага қадам қўйган эди,— деди у.— Унгача қизалоқ бемалол конга тушиб-чиқиб юради, ўрмону тоғлар бўй-

лаб девонавор сайр этарди, хуллас, унинг тарбияси билан мактаб эмас, балки табиат шуғулланарди. Бизниш Англияда бундай қизларни «балойи азим» деб атайдилар: иродаси кучли, эркесвар, лоқал бирон-бир анъана га ҳам бўйсунмайди. У табнатан жўшқин, мен ҳатто уни қора қуюнга ўхшатган бўлардим. Чўрткесар, агар бирор ниятии кўнглига туғиб қўйса, ҳеч иккимизни рўёбга чиқаради. Сирасини айтганда, агар мен уни аслида олижаноб хилқат эканига ишонмаганимда борми, икки дунёда ҳам никоҳимга олишни ўзимга эп кўрмаган бўлардим. — У маънодор томоқ қириб қўйди.— Мен қатъян биламанки, у ўзини қаҳрамонларча қурбон қилишга ҳам қодир, лекин ҳаромдан ҳазар қиласди.

— Сизда унинг сурати борми?

— Мен манависини ўзим билан олиб келдим.

У медальон қопқоғини очди-да, бизга ёқимтойгина заифанинг юзларини кўрсатди. Бу сурат эмасди, балки фил суягига чизилган бежиримгина расм эди. Рассом товланувчан ажиди тимқора соchlарни, қоп-қора чарос кўзларни, нафис лабларни тасвирлашга муваффақ бўлган эди. Холмс бежирим расмга узоқ вақт синчиклаб разм солди-да, сўнг медальон қопқоғини ёпиб уни лорд Сент-Саймонга қайтариб берди.

— Кейин навқирон қиз Лондонга келди, сиз у билан алоқани тикладингиз, шундайми?

— Ҳа, бу мавсумда отаси уни ўзи билан бирга Лондонга олиб келди. Биз учраша бошладик, унаштирилдик ва ниҳоят, мен унга уйландим.

— Янглишмасам, сиз уйланишдан аввал анча-мунча қалин тўлаган бўлсангиз керак-а?

— Рисоладагидай қалин тўлацди, лекин бизниш оиласизда шунаقا анъана мавжуд.

— Модомики, бўлар иш бўлди — бўёғи синди; сиз уни никоҳингизга олдингиз, албатта, энди у сизнинг измингизда қолса керак-а?

— Тўғрисини айтсанам, ўзим ҳам билмайман. Мен бу борада ҳеч қандай қоғоз-поғозни расмийлаштирганим йўқ.

— Тушунарли, албатта. Айтинг-чи, тўй арафасида сиз мисс Доран билан кўришган эдингизми?

— Ҳа.

— Унинг кайфияти қанақа эди?

— Аъло эди. У ҳамма вақт бизниш биргаликдаги келажак ҳаётимиз режаларини тузиш билан машғул бўлди.

— Шунақами? Бу фавқулодда қизқарли. Түй куни әрталаб-чи?

— Хушчақақ эди. Ҳеч бўлмаса, маросим охирига· ча вақти чоғ эди.

— Кейин, афтидан, сиз унда қандайдир ўзгариш рўй берганини пайқаб қолдингиз?

— Ҳа, ростини айтсам, мен ўшанда илк бор у табиатан хийла беқарор эканига иқрор бўлдим. Қолаверса, ўша ҳодиса шу қадар арзимаски, у ҳақда гапириб ўтираса ҳам бўлади. Унинг зигирдай аҳамияти йўқ.

— Шундай бўлса-да, гапириб беришиңгизни илтимос қиласман.

— Яхши. Лекин бу шунчаки бир шўхлик, холос... Биз меҳроб ёнидан қайтаётган пайтимиз у гулдастани қўлидан тушириб юборди. Шу чоқ биз айнан олдинги қатордаги ўриндиқларга яқинлашиб қолган эдик — гулдаста ўриндиқлар остига тушди. Бирпаслик ғала-ғовур кўтарилди, лекин ўриндиқда ўтирган қандайдир жентльмен дарҳол энгашдию ҳеч қанақа зиён етмаган гулдастани унга узатди. Ҳарҳолда, мен шу ҳақда гап бошлиған пайтда у қандайдир дағал оҳангда жавоб қайтарди. Сўнгра извошга ўтириб уйга қайтаётган вақтимиз ҳам у ўша арзимаган ҳодиса туфайли беҳуда азнат чекаётгандай туюлди.

— Ўҳ, буни қаранг-а! Демак, ўриндиқда қандайдир жентльмен ўтирган эди? Бундан чиқдики, ибодатхонада бари бир бегона кишилар ҳам бор экан-да?

— Албатта. Ибодатхона эшиклари очиқ бўлгандан кейин улардан қочиб қутулиб бўлармиди.

— Ўша жентльмен хотишингизнинг танишларидан эмасмиди?

— Э-э, йўғ-э! Мен фақат одоб юзасидан уни «жентльмен» деб атадим, холос. Аслида, кўринишидан ўша одам бизнинг табақага мансуб эмасди. Қолаверса, ҳатто мен унга тузукроқ назар ташлаганим ҳам йўқ. Янглишмасам, биз мавзудан четга чиқиб кетяпмиз, чоғи.

— Шундай қилиб, ибодатхонадан қайтаётган леди Сент-Саймоннинг кўнгли у қадар равшаш эмас эди. У отасининг уйига кириб келгандан сўнг нималар билан машғул бўлди?

— Ўзининг оқсочиға пималарнидир гапириб бера бошлади.

— Ўша оқсочининг кимлигини билсак бўладимн?

— Унинг исми Алиса. Америкалик, ўз бекаси билан бирга Калифорниядан келган.

— Ҳойнаҳой, хотинингизнинг ишончини қозонган бўлса керак-а?

— Назаримда, ҳатто пинжига кириб олганга ўхшайди. Менга доимо мисс Хетти унинг арқонини бўш қўйиб қўйгандай туюларди. Шундай бўлса-да, Америкада бундай ишларга бошқача назар билан қарашади.

— Уларнинг суҳбатлари қанча вақт давом этди?

— Менимча, бир неча дақиқа. Ростини айтсан, аниғини билмайман, чунки мен ниҳоятда банд эдим.

— Сиз уларнинг нималар ҳақида гаплашаётганларини эшигдингизми?

— Леди Сент-Саймон таҳминан «бировнинг жойини босиб олиш» тўғрисида сўзлади. У ҳар доим мана шунақа шартли нутқ воситаларидан фойдаланади. У нимани назарда тутганини тасаввур ҳам этолмайман.

— Америкача сўкиш баъзан ғоятда маънодор бўлади. Ҳўш, хотинингиз хизматкор билан гаплашиб бўлгандан сўнг нима иш қилди?

— Ошхонага кириб кетди.

— Сиз уни қўлтиқлаб олган эдингизми?

— Йўқ, ёлғиз ўзи эди. У бундай майда-чуйдалар бобида ўзини бениҳоя мустақил ҳис этади. Ун дақиқалардан кейин дастурхон теварагидан шошилинч қўзғолдида, қандайдир узрли сабабни ғўлдираб хонадан чиқиб кетди. Ҳшандан кейин уни кўрганим йўқ.

— Агар янгилишмасам, оқсоқ Алиса тергов пайтида қўйнадагича кўргазма берган: бека ўз хонасига кириб, никоҳ кийим-бошининг устидан сафарбоп узун пальтосини елкасига ташлайди, шляпасини кияди ва хонани тарк этади.

— Мутлақо тўғри. Кейин уни Гайд боғида кўришибди. У ўша куни эрталаб мистер Доранинг уйида жанжал кўтарган хотин — Флора Миллар билан бирга юрган экан. Ҳозир жанжалкаш хотин ҳибсга олинган.

— Ҳа-я, илтимос, ўша кўхликкина аёл ва унга муносабатингиз ҳақида гапириб берсангиз.

Лорд Сент-Саймон елкаларини қисди, қошларини учирди.

— Бир неча йиллар мобайнида биз у билан дўстона, ҳатто айтишим мумкинки, ниҳоятда яқин алоқада бўлганмиз. У «Аллегро»да рақс тушарди. Мен у билан битта олижканоб инсон мисоли муомала қилганман, уни менга нисбатан зигирдай даъвоси бўлиши мумкин эмас, лекин хотин зотини ўзингиз яхши биласиз-ку, мистер Холмс. Флора — мафтункор хилқат, аммо у багоят таъ-

сирчан, мени жонидан ҳам яхши күради. Үйланаётганимни эшитиб, менга шунақанги даҳшатли хатлар йўллай бошладики, асти қўяверасиз. Очиғини айтсам, мен ибодатхонада жанжал кўтарилишидан хавотирланиб тўйни дабдабасиз ўтказишга қарор қилган эдим. Биз никоҳ маросимидан қайтиб келган заҳотимиз у мистер Доран уйи яқинида ҳозиру нозир бўлди ва ичкарига суқулиб кириб олишга уриниб кўрди; ҳақорат қилди, ҳатто хотинимни қўрқитди. Эҳтиёти шарт, мен шунаقا бўлишини олдиндан билганим учун граждан кийимидағи иккига полициячини уйга таклиф этиб қўйган эдим — улар бирпасда шаллақини кўчага чиқариб ташлашди. Флора бу ерда жанжал кўтариб бирор нарсага эриша олмаслигини билган заҳоти ювощ тортиб қолди.

— Шовқин-суронни хотинингиз эшитдими?

— Бахтимга, у эшитмади.

— Кейин ўша хотин билан кўчада бирга юрганини кўришдими?

— Ҳа. Скотленд-ярдлик мистер Лестрейд ана шу фактни энг хавфли деб ҳисоблаяпти. Унинг ўйлашича, Флора менинг хотинимни уйдан алдаб-сулдаб чақириб олган-да, уни аллақандай қўрқинчли тузоққа туширган.

— Нима ҳам дердик, шунаقا бўлиши ҳам мумкин.

— Демак, сиз ҳам шундай фикрдамисиз?

— Мен шундай демадим-ку. Ҳўш, ўзингиз шундай имкон мавжуд эканини тан оласизми?

— Ишончим комилки, Флора ҳатто чивинга ҳам озор етказмайди.

— Бироқ рашк алами баъзан инсоннинг хулқ-атворини бутунлай ўзгартириб юбориши мумкин. Айтинг-чи, шу бўлиб ўтган воқеаларни ўзингиз қандай изоҳлайсиз?

— Мен бу ерга қандайдир изоҳ-пизоҳ бериш учун келганим йўқ, балки сиздан изоҳ олмоқчиман. Мен сизга ўзим биладиган ҳамма гапларни айтдим. Шундай бўлса ҳам, агар сизни каминанинг нуқтаи назарни қизиқтираётган бўлса, марҳамат: хотинимниг тақдирни, унинг жамиятдаги мавқеи билан боғлиқ бўлган улкан ўзгаришлар, ҳаяжонли воқеалар натижасида у қисман асабийлашган бўлишч мумкин деб ҳисоблайман.

— Қисқаси, сизнингча, у тўсатдан ўзини идора қиломай қолган-а?

— Истасангиз, шу. Йўғ-э, у мендан эмас... кўплаб бошқа қизлар кечаю кундуз орзу қиласиган армонли ҳавасдан воз кечиши мумкин деб ўйласам, юқорида баён этганимдан ўзга изоҳ топишга қийналаман.

— Нима ҳам дердик, буям ҳақиқатга яқын тахмин,— деди Холмс жилмайиб.— Лорд Сент-Саймон, мана энди мен барча зарурий маълумотларни қўлга киритдим шекилли. Фақат бир нарсани айтинг-чи, сиз тўй дастурхони атрофида ўтирган чоғингиз кўчада нималар рўй берётганини деразадан кўришнингиз мумкин эдими?

— Кўчанинг нариги бетидаги йўлка билан боғ бизга кўриниб турарди.

— Жуда соз. Шундай қилиб, энди сизни ушлаб ўтиришимга ҳеч қандай зарурат бўлмаса керак. Мен сизга хат ёзаман.

— Сиз шу жумбоқнинг ечимини топсангиз кошкийди!— деди мижозимиз, ўрнидан қўзғолар экан.

— Уни ечимини топишга улгурдим.

— Нима? Назаримда, мен нотўғри эшилдим, чоғи.

— Мен бу жумбоқнинг ечимини топдим деб айтдим.

— Ундай бўлса, менинг хотиним қаерда?

— Тез орада сизнинг бу саволингизга ҳам жавоб бераман.

Лорд Сент-Саймон қовоқларини уюб олди.

— Сиз билан мендан кўра ақллироқ кишилар ҳам бу иш юзасидан ҳали кўп азоб тортишмаса гўргайди деб қўрқаман.— деб таъкидлади у ва намойишкорона таъзим бажо келтирди-да, мағрур қадам ташлаганча хонани тарк этди.

Шерлок Холмс кулиб юборди.

— Лорд Сент-Саймон менинг ақлимни ўзиники билан тенглаштириб каминага беқиёс мурувват қўрсади!.. Биласизми, мен узоқ давом этган ушбу терговдан сўнг содали арақ ичига олиб, орқасидан сигарета тутишни лозим топган бўлардим. Дарвоқе, бизнинг мижозимиз хонага кириб келмасдан буруноқ мен бу иш юзасидан бир тўхтамга келиб қўйган эдим.

— Бас қилинг-э, Холмс!

— Боя қайд этиб ўтганимдек, мен илгари ҳам шунга ўхшаган ҳодисаларни учратганман. Лекин келинчакларнинг бирортаси ҳам бу қадар шошқалоқлик билан қочиб қолишмаган эди. Лорд Сент-Саймон билан суҳбат менинг тахминларимни тасдиқлади. Агар Торо¹ни эслайдиган бўлсак, никоҳсиз мулоқот баъзан худди сутса тушган чивиндай яққол кўринади.

¹ Америкалиқ ёзувчи Генри Давид Торонинг (1817—1862 й.й.)— кундалигидан кўчирма келтириляпти.

— Бироқ, Холмс, ахир мен ҳам сүхбатга шоҳид бўлдим-ку, сиз эшитган гапларни эшитдим.

— Тўғри-ю, аммо сиз аввал рўй берган ҳодисаларни—каминага аъло дараҷада сабоқ бўлган ҳодисаларни билмайсиз-да. Бир неча йил муқаддам деярли шунга ўхшаш воқеа Абердинда содир бўлган эди; Франция-Пруссия урушидан бир йил кейин эса Мюнхенда ҳам қандайдир шунга ҳамоҳанг ҳодиса рўй берган эди. Ушбу ҳодиса... Ие, ана Лестрейд келиб қолди! Ассалому алайкум, Лестрейд! Ҳув анави жавонда вино бор, манави қутида эса сигарета турибди.

Скотленд-Ярдинг расмий изқувари курткага бурканниб олган эди, айни чоқда бўйнига шарф ўраб олибди—у худди денгизчига ўхшарди. Унинг қўлида қоп-қора хуржун бор эди. У биз билан узуқ-юлуқ сўрашди-да, стулга ўтирди ва унга таклиф этилган сигаретани тутатди.

— Қани, бошланг: нима бўлди?— деб сўради Холмс муғамбирлик билан.— Таъбингиз тирриқ кўринацди.

— Ҳақиқатан ҳам таъбим тирриқ. Сент-Саймон тўй-пўйи билан балога йўлиқсин! Ҳеч нарсага ақлим етмай қолди.

— Наҳотки? Сиз мени ҳайрон қолдирияпсиз.

— Мен умримда бу қадар чалкаш ҳодисага дуч келмаган эдим. Калаванинг учини сираям топиб бўлмаяпти. Бугун кун бўйи ўша аёл билан овора бўлдим.

— Устига-устак, дурустгила терлаган кўришасиз,— деди Холмс, куртканинг енгига қўлини теккизар экан.

— Иўг-э, мен Серпантайн¹ тубига ўширийвериб, пай-паслайвериб ҳалак бўлдим.

— У, худойпм-эй! Ахир бунинг сизга нима кераги бор эди?

— Леди Сент-Саймоннинг жасадини изладим-да.

Шерлок Холмс кресло суюнчиғига ўзини ташлади-да, мириқиб кулди.

— Мабодо Трафальгар хиёбонидаги фаввора ҳовузини титкилаб кўриш эсингиздан чиқиб қолгани йўқми, ишқилиб?— деб сўради у.

— Трафальгар хиёбонидагими? Сиз бу билан нима демоқчисиз?

— Леди Сент-Саймонни у ердан ҳам, бошқа ердан

¹ Серпентайн (Илон боласи) — Лондондаги Гайд боғида барпо этилган ҳавза.

ҳам қидиришингиз мумкин, аммо муваффақиятга эришишингизга кафолат йўқ.

Лестрейд дўстимга аччиқланиб назар ташлади.

— Кўриниб турибдики, сиз бу ишни аллақачон бир ёқли қилганга ўхшайсиз?— деб сўради у заҳарханда оҳангда.

— Мен фақат ҳозиргина шу ҳақда эшийтдим, лекин бирпасда муайян бир тўхтамга келдим.

— Наҳотки! Сиз Серпентайнни бу ишга ҳеч қандай алоқаси йўқ деб ҳисоблайсизми?

— Фараз қилишимча, шундай.

— Ундан бўлса, марҳамат қилиб, биз қай йўсинда сув ҳавзасидан манави нарсаларни топганимизни тушунириб берсангиз.— У хуржун оғзини очди-да, ичидан шойидан тикилган никоҳ кўйлакни, бир жуфт оппоқ, атлас туфлинни, баргак билан юзга тутиладиган ҳарир пардани олиб полга улоқтириб ташлади. Буюмларнинг ҳаммаси ифлос, жиққа ҳўл эди.— Рухсат этинг!— деди Лестрейд, уюм устига яп-янги никоҳ узугини ҳам ташлаб қўяркан.— Мистер Холмс, ана шу ёнгоқни бир чақиб кўринг-чи!

— Буни қаранг-а!— деди Холмс, оғзидаи кўкимтири ҳалқа-ҳалқа тутун чиқарар экан.— Сиз буларнинг барчасини ўша ҳавзада қармоққа илнитириб олдингизми?

— Булар қирғоққа яқин жойда сузуб юргап экан, уларни боғ қоровули топиб олибди. Леди Сент-Саймоннинг қариндошлари кўйлакпию бошқа буюмларни танидилар. Менимча, у ердан кийим топилдими — бас, ўша атрофдан жасад ҳам топилади.

— Агар ана шу доно назарияга амал қилинса, ҳар бир одамнинг жасади унинг кийим-бошларни ёнидан топилиши керак. Хўш, сир бўлмаса айтинг-чи, леди Сент-Саймоннинг буюмлари ёрдамида сиз нимага эришмоқчи бўляпсиз.

— Унинг ғойиб бўлишида Флора Милларнинг қўли бор эканнин кўрсатадиган бирор-бир далил топишга эришаман.

— Қўрқаманки, бу осон кўчадиган иш бўлмаса керак.

— Қўрқасизми?— деб бақириб юборди Лестрейд қизишиб.— Мен бўлсам, Холмс, сиз ўзингизнинг абадий назарияларинги хулосаларингиз билан ҳаётдан мутлақо ажralиб қолмасангиз гўрга эди деб қўрқаман. Бир неча дақиқа мобайнида сиз иккита қўпол хатога йўл қўйдингиз. Манави кўйлак, шубҳасиз, Флора Милларни фош этади.

— Қай йўсинда?

— Кўйлакнинг чўнтағи бор. Чўнтақдан эса ташриф қоғозининг филофи топилди. Филофнинг ичида эса хат бор экан. Мана, у!— у хатни столга қўйиб текислади.— Ҳозир мен сизга уни ўқиб бераман: «Ҳамма нарса таптайдер бўлганидан сўнг кўришамиз. Зудлик билан ташқарига чиқинг. Ф. Х. М.» Мен аввал-бошдаёқ Флора Миллар қандайдир баҳонани рўкач қилиб леди Сент-Саймонни уйдан алдаб чиқарган-у кейин, ўз-ўзидан равшанки, ҳамтовоқлари билан биргаликда уни йўқотишда иштирок этган деб тахмин қилган эдим. Мана, бизнинг олдимиизда хат турибди — хатда унинг исм-фамилиясининг бош ҳарфлари ҳам ёзилган. Гумон йўқки, буни у остоноада леди Сент-Саймоннинг қўлига қистириб юборган, шу тарзда уни тўрга туширган.

— Офарин, Лестрейд!— деди Холмс кулги аралаш.— Ростдан ҳам, сиз буларни жуда усталик билан ичингиздан тўқиб чиқарибсиз. Қани, хатни кўрсатинг-чи.

У хатни бепарволик билан қўлига олди-ю, лекин нимагадир диққат-эътибори қадалиб қолди.

— Ҳа, бу ҳақиқатан ҳам жуда муҳим экан!— деди мамнун қиёфада.

— Ҳа-ҳа, энди ишондингизми?!

— Фавқулодда муҳим! Мен сизни чин юракдан табриклайман, Лестрейд!

Лестрейд тантанали суръатда сапчиб ўрнидан турди-да, хатга энгашди.

— Бу нима қилганингиз?— деди у ҳайратланиб.— Ахир сиз хатни орқа томонига қарайпсиз-ку!

— Йўқ, айнан ўша — керакли томонига қарайпман.

— Сиз ақлдан озиб қолибсиз! Қоғознинг нариги томонини ағдаринг. Ахир хат қалам билан нариги томонига ёзилган-ку!

— Аммо мен бу томонда меҳмонхона ҳисоб дафтарининг бир парчасини кўряпман. Бу нарса каминани жуда қизинқтириб қўйди.

— У ерда диққатга сазовор ҳеч бало йўқ!— Мен уни аллақачон кўрганман. «4-инчи Окт. Хона — 8 шил. Ноңушта — 2 шил. 6 пенс. Коктейл — 1 шил. Иккинчи овқат — 2 шил. 6 пенс. Бир стакан май — 8 пенс». Мана шу, холос. Қизиқроқ бирор нарсани кўрмаяпман.

— Кўрмайтган бўлишингиз мумкин. Шундай бўлсада, бу ҳисоб-китоблар жуда катта аҳамиятга эга. Хат масаласига келсак, унинг ҳам аҳамияти бор. Ҳарҳолда, исм-фамилиясининг фойдаси тегиб қолиши мумкин.

Шундай қилиб, мек сизни яна бир марта табриклайман, Лестрейд!

— Бўпти, шунча вақтни беҳуда сарфлаганимиз ҳам етар! — деди у ўрнидан туар экан.— Биласизми, менимча ўчиқнинг рўпарасига чордана қуриб олиб ҳар хил назарияларни урчитиб ўтиргандан кўра, жонни ачитиб ишлаган афзал. Кўришгунча хайр, мистер Холмс! Қани қўрамиз, ким биринчи бўлиб бу ишнинг поёнига етар экан.

У залда сочилиб ётган буюмларни йиғиштириб хуржунга солди-да эшик томон йўналди.

— Лестрейд, икки оғиз гапим бор эди,— деди Холмс астагина, кетишга чоғланган рақибининг ортидан.— Мен сизга бизнинг ишимизнинг сирини айтиб қўйишим мумкин. Леди Сент-Саймон — афсона. У йўқ нарса ва ҳеч қачон бўлган эмас.

Лестрейд ортига ўгирилди-да, дўстимга ғамгин назар ташлади. Кейин менга қаради ва пешонасига уч марта чертиб қўйди, бошини маънодор тебратиб шоша-пеша хонадан чиқиб кетди.

У эшикни ёпган заҳотиёқ Холмс ўрнидан туриб, пальтосини кийди.

— Бу кимса айтган гапда ҳам қисман ҳақиқат бор,— деб таъкидлади у.— Ҳар доим уйда ўтиравериш ярамайди, жонни ачитиб ишлаш керак. Шунинг учун, Уотсон, мен сизни бир оз вақт газеталарингиз билан бирга ёлғиз қолдиришга мажбурман.

Шерлок Холмс беш яримда хонадан чиқиб кетди. Лекин мен узоқ вақт ёлғиз ўтирганим йўқ, чунки орадан бир соат ўтар-ўтмас гастроном дўконидан каттагина қутини қўтариб олган битта хабарчи ҳузуримга кириб келди. У ўзи эргаштириб келган боланинг ёрдами билан қутини очди ва каминани танг қолдириб, камтарона дастурхон устида хилма-хил ноз-неъматлар пайдо бўлди. Бу ерда пиширилган бир жуфт лойхўрак, қирғовул гўшти, ғоз жигаридан тайёрланган таом ҳамда чанг қоплаган, ўргимчак ин қурган бир печа шиша ўткир вино муҳайё бўлди. Мазали озиқ-овқатларни жой-жойинга қўйишишга, иккала меҳмон ҳам ғойибга кетди, фақат, ҳамма нарсанинг пули тўланган, мана шу адресга элтиб қўйишимиз ҳақида фармон берилган эли, дейишга улгуришди, холос. Улар бамисоли «Минг бир кечадан чиқиб қолган жинларга ўхшардилар.

Соат тўққизга яқинлашиб қолганда тетик қадам ташлаб хонага Холмс кириб келди. Унинг қиёфаси жиддий

эди, лекин мен унинг кўзларини чақнаб туришидан сездимки, у ўз тахминларида янгишмаган эди.

— Ҳў, кечки овқат дастурхонга тортилибди-ку! — деди у қўлларини бир-бирига ишқалаб.

— Демак, сиз меҳмон чақириб қўйган экансиз-да? Улар беш кишига етгулик озиқ-овқат ташлаб кетишди.

— Ўйлашимча, бизнига баъзи бирорлар ташриф буориши мумкин,— деди у.— Қизиқ, шу пайтгача лорд Сент-Саймоннинг дараги йўқ... Ҳа-ҳа! Менимча, зина-поядан унинг қадам товушлари эшитилляпти.

У янгишмаган эди. Хонага шаҳд билан бизнинг эрталабки меҳмонимиз кириб келди: у боғичига осилган бувлама дастали кўзойнагини олдинги сафаридан ҳам қаттиқроқ тебратарди. Унинг асилизода қиёфасида саросима аломатлари яққол сезилиб турарди.

— Демак, менинг хабарчим сизни уйингиздан топибди-да? — деб сўради Холмс.

— Шундай. Лекин, ростини айтсан, хатингизнинг мазмунни каминани ниҳоятда ҳайрон қолдирди. Қўлингизда менга айтган хабарни тасдиқлайдиган далил-исбот борми?

— Бор, асосли далилларим бор.

Лорд астагина кресслога ўтириди-да, пешонасини силади.

— Герцог нима дейди?! — деб шиншиштиди у.— Унинг оила аъзоларидан биттаси камситилганини эшитса, нима дейди ахир?!

— Лекин бу тасодиф, холос. Фикрингизга мутлақо қўшилмайман — бу ерда ҳақоратомуз хеч нарса йўқ.

— Эҳ, сиз бундай ҳодисаларга бошқа нуқтаи назардан қарайсиз-да!

— Мен узил-кесил кимдир айбдор эканини тасаввур этолмаямман. Назаримда, ўша леди бошқача ҳаракат қилиши мумкин эмасди. Албатта, у ниҳоятда шиндатли ҳаракат қилган кўринади. Бироқ унинг онаси йўқ — оғир ламларда кимдан маслаҳат сўрашни билмаган.

— Сэр, бу ҳақорат, ошкора ҳақорат! — деди лорд Сент-Саймон, бармоқлари билан столни чилдирмадай чертар экан.

— Шунга қарамай, сиз шўрлик қиз тушиб қолган қалтис вазиятни ҳисобга олишиниз даркор.

— Мен ҳеч нарсани ҳисобга олишини истамайман. Мени виждоинизларча лақилатишди. Шу тобда ўзимни қаёкка қўйнишини билмай қолдим.

— Назаримда, қўнгироқ жиринглади шекилли,— деди

ди Холмс.— Ҳа, остоидан қадам товушлари эшитиляпти... Лорд Сент-Саймон, начора, сизни ишонтириш, кўнглингизни юмшатиш менинг қўлимдан келмади, балки, бу ишга каминча таклиф этган адвокат муваффақ бўлар.— Холмс эшикни ланг очди-да, хоним билан жанобни ичкарига киритди.— Лорд Сент-Саймон, ижозат берсангиз, мен сизга мистер ва миссис Фрэнсис Хей Маултонларни таништирсан. Янгишмасам, сиз миссис Маултон билан илгаридан таниш бўлсангиз керак,— деди у.

Ичкарига меҳмонлар кириб келишлари биланоқ бизнинг мижозимиз ўрнидан сапчиб туриб кетди. У қаддин гоз тутган ҳолда, бошини эгиб, қўлларини белбўрма камзулланинг орқасига чалкаштирган кўйи қимирамай турарди — худди мотамсаро одамга ўхшарди. Хоним шаҳдам қадам ташлаб унга яқинлашди-да, қўлни узатди, лекин у қиё боқмади. Афтидан, аёл зотининг яличи-чек ингоҳларига дош беришнинг энг мақбул йўли шу эди, акс ҳолда, иродаси панд бериб қўйни мумкин.

— Роберт, жаҳлингиз чиқдими?— деди хоним.— Нима ҳам дердим, тушунаман, сизнинг жаҳлингиз чиқмаслиги мумкин эмасди.

— Марҳаматингизни дариф тутманг, хоним, энди ўзингизни оқламай қўя қолинг,— деди лорд Сент-Саймон қизғин тарзда.

— Ҳа, ҳа, мен биламан — гуноҳкорман. Қочиб кетишимдан аввал сиз билан гаплашиб олишим лозим эди, аммо мен туйқус Фрэнкни кўриб қолган дақиқамдан эътиборан ўзимни-ўзим идора қилолмай қолдим: нима қилаётганимни, нима деяётганимни идрок этолмасдим. Рости, меҳробнинг рўпарасида ҳушимдан кетиб йиқилиб тушмаганимга шу чоққача ҳайронман!

— Бекам, эҳтимол, сиз лорд Сент-Саймон билан гаплашиб олгунингизча биз — дўстим иккаламиз сизларни холи қолдирганимиз маъқулдир-а?— деб сўради Холмс.

— Агар менинг фикрим ҳам инобатга олиса, айтмоқчиманки, ўша ҳодисани яшириб ўтиришдан ҳеч қандай фойда йўқ энди,— деди мистер Маултон.— Менга қолса, бор ҳақиқатни бутун Оврўпо билан Амерқо эшитишини истардим.

Маултон ўрта бўйли, бақувват, қорачадан келган, очиқ юзли, ҳаракатчан, павқирон эркак эди.

— Бўпти, ундаи бўлса, мен бу иш қандай рўй берганини гапириб бераман,— деди унинг йўлдоши.— Биз Фрэнк билан 1881 йили Қоядор тоғ яқинидаги Мак-

Квайр конида танишиб қолдик. Дадам ўша ердаги жойларни ўзлаштираётган эди. Биз гапни бир жойга қўйдик — ваъдалашдик. Лекин ажойиб кунларнинг бирида дадам олтинга бой кон топиб олдию бирдан бадавлат бўлиб кетди. Фрэнкнинг қарамоғидаги жой эса тобора пуртурдан кета бошлади ва оҳир оқибатда қазилма бойликлари соб бўлди. Дадам қанчалик давлат орттиргани сари, Фрэнк шу қадар қашшоқлашиб бораверди. Энди дадам бизни турмуш қуришга аҳду паймон қилганимиз ҳақидаги гап-сўзларга қулоқ солишини ҳам истамасди, у мени Фрискога олиб кетиб қолди. Аммо Фрэнк таслим бўлмади. У менинг орқамдан Фрискога етиб борди ва биз дадамдан яширинча ҳолатда кўриша бошладик. Агар буни дадам сезиб қолганда борми, ниҳоятда ғазабланган бўларди. Шунинг учун ҳамма нарсани ўзимиз ҳал этдик. Фрэнк бош олиб кетадиган, бойлик тўплаб қайтиб келадиган бўлди; фақат пул дадамники билан тенг бўлгандан кейингина қайтиб келишини айтди. Мен бўлсам, унга сени кутаман, йигит деб ваъда бердим, токи сен тирик экансан, бошқага тегмайман, кўнглинг тўқ бўлсин, дедим. «Ундаи бўлса, биз ҳозироқ никоҳ қилдириб қўйсак бўлмайдими? — деди Фрэнк. — Шунда мен сенга узил-кесил ишонган бўлардим, фақат омон-эсон қайтиб келганимдан кейин тўй қилардик». Биз шундай қарорга келдик. У ҳаммасини рисоладагидай ташкил этди; руҳоний бизни никоҳ қилиб қўйди, Фрэнк бахтини излаб сафарга отланди, мен эсам дадамнинг ҳузурига қайтдим. Бир қанча вақтдан сўнг мен Фрэнк Монтанда эканини билib олдим. Кейин у олтин қидириб Аризонга жўнади, сўнгра ундан Нью-Мексикодан хат келди. Охирги газетада конга хинду-апачилар ҳужум қилгани ҳақида мақола пайдо бўлди: душман томонидан ўлдирилган кишилар рўйхатида менинг Фрэнкимнинг ҳам номи қайд этилган эди. Мен ҳушимдан кетиб қолдим, кейин бир неча ой мобайнida оғир аҳволда кўрпа-тўшак қилиб ётдим. Дадам мени сил касаллигига чалинди деб ўйлади ва бемор қизини Фрискодаги барча табибларга қаратиб кўрди. Бир йилдан ортиқроқ вақт мобайнida мен Фрэнк тўғрисида бир оғиз ҳам янгилик эшитмадим — унинг ҳалок бўлганига мутлақо ишондим. Уша пайтлари Фрискога лорд Сент-Саймон ташриф буюрди, кейин биз дадам билан Лондонга бўрдик: тўй қилишга қарор қилинди, дадам ғоятда мамнун эди. Лекин мен ич-ичимдан сезардимки, дунёдаги бирорта эркак ҳам юрагимнинг туб-тубидан жой олган шўрлик Фрэнкни

мендан жудо қилолмайды. Шундай бўлса-да, агар мен лорд Сент-Саймонга турмушга чиққанимда, мен унга садоқатли хотин бўлардим. Биз мұҳаббатнинг қулимиз, лекин ўз хатти-ҳаракатларимизни қулдор мисоли бошқариб туришимиз мумкин. Мен у билан меҳроб томон борар эканман, қўлимдан келганча ўз бурчимни адо этишимга қатъий ишонардим. Аммо ўзингиз бир тасаввур этиб кўринг: мен меҳробга яқинлашдым орқамга ўгирилиб, бирдан Фрэнкка кўзим тушиб қолди. Уша пайтдаги аҳволимни тасвирлашга тилим ожиз. У биринчи қатордаги ўриндиқ ёнида менга тикилиб турарди. Дастреб, мен уни арвоқ бўлса керак деб ўйладим. Бироқ яна бир бора орқамга ўгирилган чоқда ҳам у ҳамон ўша жойда турарди ва гўё нигоҳи билан уни кўраётганимдан хурсандми ёки хафами эканимни сўради. Ҳайронман, мен нечун ҳушимдан кетиб йиқилиб тушмадим экан? Кўз олдим жимирилашиб кетди, руҳонийшиниң сўзлари эса қулоғимга худди қовоқ арининг ғўнгиллашидай эшитила бошлади. Мен нима қилишим лозимлигини билмасдим. Никоҳ маросимини тўхтатиш керакми, ибодатхонада жаижал кўтаришга журъат этсаммикан? Мен тағин орқамга қайрилиб унга қарадим: афтидан, у менинг ниятимни англаб етди шекилли, бармоғини лабига босди -- гўё лом-мим демаслигимни маслаҳат берди. Кейин мен унинг шоша-пиша қофоз парчасига бир нималарни ёзаётганини кўриб қолдим ва сездимки, у хатни қўлимга тутқазиб юборади. Мен унинг ёнидан ўтаётганимда жўрттага гулдастани ерга ташлаб юбордим, у гулни менга узатётиб бояни хатни ҳам қўлимга қистириб қўйди. Хат фақат бир нечта сўздангина иборат эди: у ишора қилган заҳотиёқ кўчага чиқишимни илтимос қилган эди. Албатта, энди менинг асосий бурчим — унга итоат этиш, у нима деса сўзсиз бажариш эканига заррача ҳам шубҳа қилмасдим. Ўйга келдиму ҳамма гапни хизматкоримга очиқ-ойдин айтдим: Ў Фрэнкни Калифорниядалик пайтимиздан буён биларди, яхши кўрарди. Мен ундан оғзидан гуллаб қўймасликни талаб қиlldим, энг зарур буюмларимни ва пальтомни ҳозирлаб туришини сўрадим. Биламан, лорд Сент-Саймон билан очиқчасига нуфузли меҳмонлар кўз олдида бундай қилиш ниҳоятда мушкул туюлли. Мен аввал қочиб кетишга, сўнгра унга бор гапни айтишга қарор қилдим. Биз дастурхон теварагида ўн дақиқадан ортиқ ўтирганимиз йўқ эди, мен деразага қарадиму кўчанинг нариги

бетидаги йўлкада турган Фрэнкни кўриб қолдим. У менга ишора қилди-да, бод томон йўл олди. Мен ошхонадан чиқиб, елкамга пальтони ташладим ва унинг издан жўнадим. Кўчада қандайдир аёл менга яқинлашдию лорд Сент-Саймон тўғрисида бир нималарни гапира бошлади. Унинг гаплари деярли қулоғимга кирмасди, аммо барibir шу нарсани илғадимки, тўйимизга қадар куёв ҳам қандайдир сирли ишлар билан шуғулланган экан. Тез орада ўша аёлдан қутулдим ва Фрэнкка етиб олдим. Биз файтонга ўтириб, Гордон хиёбони томон йўналдик. У ўша ердаги битта квартирани ижарага олиб қўйган экан. Кўп йиллик айрилиқдан кейин мен учун ҳақиқий тантасали дамлар бошланди. Маълум бўлишича, Фрэнк апачиларга асир тушиб қолибди, тутқунликдан қочибди, Фрискога борибди; мен уни ҳалок бўлди деб ўйлаб, Англияга жўнаб кетганимни билиб олибди ва шошилинч равишда ортимдан йўлга отланибди, ниҳоят, мен иккичи марта никоҳдан ўтаётган куним мени қидириб топибди.

— Мен никоҳ ҳақида газетада эълон қилинган мақолани ўқиб қолдим,— деб изоҳ берди америкалик.— Унда маросим қайси ибодатхонада ўтажаги ҳамда келинчакнинг исми шарифи кўрсатилган эди, аммо адрес ёзилмаган эди.

Кейин биз энди нима қилишимиз лозимлиги ҳақида маслаҳатлаша бошладик. Фрэнк бошиданоқ одамлардан ҳеч нарсани яширмаслик керак деб туриб олди. Лекин мен уялдим: ўша одамларни кўришни асло истамасдим, бутунлай дом-дараксиз кетишини хоҳлардим, фақат дадамга тириклигим ҳақида уч-тўрт оғиз гап ёзиб юборсам — бас. Лордлар, ледилар тўй дастурхони теварагида жам бўлиб ўтиришганча менинг қайтишимни интизорлик билан кутишаётганини ўйлаб эсимдан оғиб қолай дердим. Шундай қилиб, Фрэнк менинг никоҳ кўйлагимиши ва бошқа буюмларимни бир жойга элтиб ташлади. Энди мени бирор таъқиб этолмайди. Агарда бугун манави хокисор жентльмен, мистер Холмс ҳузуримизга ташриф буормаганда биз эртагаёқ Парижга жўнаб кетишга тайёргарлик кўриб қўйган эдик. У қандайин мўъжиза туфайли бизни топди экан, ақл бовар қилмайди. У кўнгилга оғир ботмайдиган қилиб ишонарли тарзда хато қилганимни исботлаб берди. Фрэнк ҳам агар биз яшириниб юрсак ўзнимизга ўзимиз зарар етказган бўлардик деб ҳақ гапин айтди. Кейин лорд Сент-Саймон билац гувоҳларсиз, юзма-юз гаплашишимизга имкон

яратиб бера оласизми, деб сўради. Мана, биз келдик. Роберт, энди сиз ҳамма нарсани биласиз. Агар сизни хафа қилган бўлсам, минг бора узр сўрайман. Лекин умид қиласанки, сиз мен тўғримда у қадар ёмон фикр-га бормасангиз керак.

Лорд Сен-Саймон чўзилиб кетган бу ҳикояни асаблари таранг ҳолда, совуқоплик билан тинглади. Унинг қош-қовоғи уюлган, қошлари чимирилган эди.

— Мени маъзур кўринглар,— деди у.— Лекин мен ўзинминнинг маҳрам ишларимни бегоналар олдида муҳокама этишдан ор қиласан.

— Энди сиз менинг узр-маъзуримни инобатга олмайсизми? «Алвидо» деб, қўлимни сиқиб қўйишни ҳам истамайсизми?

— Йўғ-э, нега энди, агар шу билан кўнглингиз таскин топса — марҳамат.

У чўзилган қўлни совуқина сиқиб қўйди.

— Ўйлайманки, биз билан овқатланишга рози бўлсангиз керак,— деб гап бошлади Холмс.

— Тўғрисини айтсам, мендан ҳаддан зиёд нарсаларни талаб қиляпсиз,— деб эътиroz билдириди мағрур лорд.— Мен тақдирга тан беришга мажбурман, лекин содир бўлган кўнгилсиз ҳодисадан кейин мени хурсанд бўлади деб ўйлаш кулгили, албатта. Ижозатларинг билан, ҳаммаларингга хайрли кечак тилайман!

У барчамизга қараб таъзим бажо келтирди-да, тан-танали тарзда хонани тарк этди.

— Умид қиласанки, ҳеч бўлмаса сизлар уйнимизни тўлдириб ўтирасизлар?— деди Шерлок Холмс.— Мистер Маултон, мен ҳар доим америкалик кишини учратиб қолсан мамнун бўламан. Чунки камина узоқ ўтган ўйларда рўй берган ҳодисалар — мутаассиб ҳокимнинг фисқ-фасодларию министрнинг хатолари¹ ҳам қачонлардир бизнинг болаларимизни яктан буюк мамлакатнинг фуқаролари бўлишлари учун тўқсинглик қилолмайди деб ишонадиган инсонлар қавмидан бўламан. Ушанда биз ягона—Англия-Америка туғи остида бирлашамиз.

— Қизиқ ҳодисанинг гувоҳи бўлдик,— деб таъкидлади Холмс, меҳмонлар кетишганидан кейин.— Дафъатан, боши-кети йўқдай туюладиган фактларни у очиқ-

¹ Холмс инглиз қироли Георг III (1738—1820 й.й.) билан Бош министри Фредерик Нортни (1732—1792 й.й.) назарда тутялти. Георг III билан Нортнинг сиёсати мустамлака Америка билан зиддияти кучайтиради, уруш бошланади.

оидин исботлаб беряпти. Навниҳол леди бизга гапириб берган бир қатор ҳодисалар оддий ва табиий туюлдими? Айтайлик, мабодо ҳодисаларга скотленд-ярдлик мистер Лестрейднинг нүктай назаридаи қараганимизда ажабтовор хulosалар чиқаришимиз тайин эди!

— Демак, сиз аввал-бошданоқ түғри йўл танлаган экансиз-да?

— Бошдаёқ менга иккита факт аён бўлди: биринчи — келинчак никоҳ маросимига мутлақо ўз ихтиёри билан борган; иккинчиси — маросимдан сўнг у тезда ўз ишига пушаймон қилган. Кундай равшанки, бу орада уни қароридан қайтишга ундовчи бир нима рўй берган эди. Хўш, нима бўлиши мумкин? Уйдан ташқарида ким биландир гаплашиб олишга унинг имкони йўқ эди, чунки куёв ундан бир сония ҳам ажралмаган. Эҳтимол, у бирорни учратиб қолгандир? Шундай бўлса, ўша маълум кимса фақат америкалик бўлади: ахир у Англияга яқиндагина келган, унга фоятда кучли таъсир ўтказиш даражасига етиш осоп эмас, яъни бир кўриниш бериб қўйиб, унинг барча режаларини барбод этиш мушкул. Шундай қилиб, истисно тариқасида, мен у қандайдир америкаликни учратган деган хulosага келдим. Аммо ўша америкалик ким бўлди, нима учун унинг пайдо бўлиши бу қадар кучли таъсир кўрсатди? Афтидан, у севгилиси ёки эри бўлиши керак. Бизга маълумки, қизнинг ёшлиги қаҳри қаттиқ кишилар орасида ва ўзига хос шароит қуршовида ўтган. Лорд Сент-Саймоннинг ҳикоясига қадар мен шундай деб ўйлаган эдим. Қейин лорд бизни қуидагилардан хабардор қилди: қандайдир эркак ибодатхонада пайдо бўлиб қолади, келинчак гулдастани қўлидан тушириб юборгандан сўнг (бу — яширинча хат олишнинг энг синалган, тоблаган усули), куёв билан муомаласини ўзгартиради, лорд Сент-Саймоннинг гапига қараганда, у суюкли хизматкори билан сұхбатлашади ва маънодор оҳангда «бирорнинг жойини босиб олиш»га ишора қиласи — олтин ишлаб чиқарадиган саноатчилар тилида, бу бирорнинг мулкига тажоруз қилиш деган маънени анлатади. Шундан кейин мен аниқ билдимки, леди бирорта эркак билан қочиб кетган ўша эркак ё унинг севгилиси, ёки эри бўлиши керак, бунинг устига кейинги тахминим ҳақиқатга яқинроқ туюлди.

— Хўш, сиз уларни қандай мўъжиза туфайли излаб топдингиз?

— Аслида, бу иш мушкул эди. Бироқ менинг дўстим

Лестрейд ўзи билмаган ҳолда қимматли маълумотни қўлга киритибди. Равшанки, исм-фамилиялар ҳам катта аҳамиятга эга, албатта. Лекин бундан кўра, мана шундай номли кишининг Лондондаги энг зўр меҳмонхоналардан бирига қўноқ бўлганини билиш муҳимроқ эди.

— Уша меҳмонхонанинг айнан энг зўр эканини қандай аниқладингиз?

— Жуда осон: баҳоларга қараб аниқладим. Фақат биринчи даражали меҳмонхоналардагина бир хона учун саккиз шиллинг, бир стакан вино учун эса саккиз пенс пул олинади. Лондонда бундай меҳмонхоналар жуда кам. Нортумберленд кўчасидаги иккинчи меҳмонхонадаёқ мусофиirlар рўйхатга олинидиган дафтарда америқалик қандайдир мистер Фрэнсис Х. Маултон номини учратдим. Мен боришимдан салгина илгари у ташқарига чиқиб кетган экан. Унинг ҳисоб-китобларини кўздан кечираётib, расмий қофоз парчасининг иккинчи нусхасида қайд этилган рақамларни топдим. У ўз номига келадиган хат-хабарларни Гордон хиёбонидаги 226-ўйга жўнатишларини илтимос қилиб кетган эди. Мен ўша томонга жўнадим. Ошиқ-маъшуқларни уйда учратиш баҳтига мусассар бўлдим ва ёшларга оталарча бир нечта маслаҳат беришга журъят этдим. Юзага келган вазият жамоатчиликка, хусусан, лорд Сент-Саймонга туширилса — бундан сизлар фойда қиласизлар, асло зиён кўрмайсизлар деб уларни ишонтиридим, гапларими исботлаб бердим. Мен уларни лорд билан учрашириб қўйишга ваъда бердим, шу ерга таклиф этдим. Кўрдингизки, лордни ҳам ушбу учрашувга келишга кўндиридим.

— Лекин кўнгилдагидек натижалар қўлга киритилмади,—деб таъкидладим.—У унчалик илтифот қилмади.

— Эҳ, Уотсон!— деб эътиroz билдириди Холмс жилмайғанча. — Агарда хушторлигу тўй ҳашамлари билан боғлиқ бўлган шунча ташвишлардан сўнг сиз тўсатдан ҳам хотиндан, ҳам пулдан ажralиб қолганингизда борми, сиз ҳам унчалик илтифот кўрсатмаган бўлардингиз. Менимча, биз лорд Сент-Саймоннинг кўнглини овлашимиз лозим ва унинг ҳолатига ўзимиз тушиб қолмаганимиз учун (илло, бирорнинг ҳолига кулиб бўлмайди!) тақдиримизга шукроналар айтмоғимиз ҳам фарз, ҳам қарздири... Менга скрипкани узатиб юборинг, ўзингиз ҳам яқинроқ ўтиринг. Энди бизнинг фақат битта оғир ташвишимиз қолди — ушбу зим-зиё куз кечаларида бир бало қилиб вақт ўтказиш ғамини еймиз, холос.



ҚИЗИЛ ҲАЛҚА

— Менимча, миссис Уоррен, безовта бўлишингиз учун ён қандай жиддий сабаб йўқ,— деди Шерлок Холмс,— ир бир дақиқаси ҳисобли бўлган мендек одамнинг бу и билан шуғулланиши бемаънилик. Ростини айтсан, уғулланишим шарт бўлган ишларим бошимдан ошиб ипти.— Шундай деб у газета парчалари ёпиши билган каттакон альбомин яна қўлига олди: бу альбом— у навбатдаги қандайдир янги материалларни ёпишириши ва уларни маълумотномага қайд қилиб қўйинши ўзим эди.

Лекин ҳамма аёллар сингари қайсар ва мугомбир иссин Уоррен оёғини тираб, ўз сўзида туриб олди.

— Ўтган йили,— деди миссис,— уйимда ижарага ўтири мистер Фэрдел Хобснинг илтимосини бажариб, чил шинин тўғрилаб берган эдингиз.

— О, у арзимаган иш эди.

— Аммо мистер Хобс ўша қилган яхшилигингикин утмай, мавҳум сирин қандай усталик билан фош қилнингиз ҳақида анча вақтгача гапириб юрган эди.

Мана, энди ўзим аллақандай мавхұм сир оғушида зим-зиә хоналарда тентираб юрарқапман, ўша ижарагири-нинг гапларини әсладым. Имоним комилки, мен учун албатта вақт топасиз, агар хоҳласанғиз.

Холмс ҳам хушомад гапларни ёқтиради, ҳам тан беріб айтиш керакки, жуда күнгилчан одам әди. Ана шу икки күч уни бир хўрсиниб қўйиб, сўнг елим сурков-чи мўйқаламни ҳеч қандай әътиrozсиз яна жойига қў-йишга ва ўз креслоси билан бирга стол ёнидан сурилиб узоқлашишига мажбур этди.

— Ҳай, кўндирдингиз, миссис Уоррен, қани, эшитаман. Чексам, сизга халал бермайманми? Раҳмат. Уотсон, гу-гурт узатинг! Фаҳмлашимча, сиз янги ижарагириңгиз-нинг ўз хонасидан ҳеч чиқмаётгани ва уни ҳеч кўрмаёт-ганингиздан хавотирдасиз, шундайми? Мени кечирасануз, миссис Уоррен, агар мен сизни кида ижарага турган бўл-ганимда, мени ҳам аксар пайт ҳафталаб кўролмаган бў-лардингиз.

— Гапингиз тўғри, сэр, лекин бу бутунлай бошқа нарса. Мен қўрқиб кетяпман, мистер Холмс. Қўрққа-нимдан кечалари мижжака қоқмай чиқаман. Унинг тепамда эрта тонгдан то кечқурун алламаҳалгача ўёқдан-буёққа тинмай танда қўйганини эшитсаму қорасини кўрмасам — бундай азобга мен асло чидай олмайман. Эрим ҳам менга ўхшаб тажанг бўляпти, аммо у ҳарҳолда кундуз куни ишга кетади, лекин мен бошимни қаёққа ураман? Нега энди у биқиниб олди экан? Қандай гуноҳ иш қилди экан? Уйда, агар оқсочини ҳисобламасак, мени билан ўша ижаракимдан бўлак ҳеч зоф йўқ, асабларим энди ортиқ дош бера олмайди бу азобга.

Холмс аёл томонга энгашиб, унинг елкасига ўзининг узун-узун, ингичка бармоқларини оқиста қўйди. У, агар хоҳласа, гипноз йўли билан кишига таскин беришини ҳам улдалай оларди. Мана, аёлниг нигоҳларидаги қўр-қув ифодаси ғойиб бўлди, унинг ҳаяжонланган чеҳрасида яна аввалги хотиржамлик аломатлари намоён бўлди. У Холмс таклиф қилган креслога ўтирди.

— Агар мен бирон жумбоқни ечишга киришадиган бўлсам, юз берган воқеанинг энг майда шири-чиширила-ригача муфассал билишим керак бўлади,—деди Холмс.— Фикрингизни бир ерга тўпланиг. Энг аҳамиятсиз нарса ҳам бундай ишда энг муҳим омил бўлиб чиқиши мум-кин. Гапингизга қараганда, ўша одам ўйингизга бундан ўн кунча бурун келгану сизга икки ҳафталик квар-тира ва дастурхон ҳақини тўлаган, шундайми?

— У менинг шартимни сўради, сэр. Мен унга, ҳафтасига эллик шиллингдан берасиз, деб айтдим. Юқори қаватда мўъжазгина меҳмонхона билан ётоқхонаси бўлган алоҳида квартирам бор.

— Кейин нима бўлди?

— У менга: «Агар менинг шартларимга рози бўлсангиз, сизга икки ҳисса кўпроқ — ҳафтасига беш фунтдан ҳақ тўлайман», — деб айтди. Мен бойвучча хотинлардан эмасман: сэр, эрим — мистер Уорреннинг топиши ҳам унчамас, шунинг учун, бунақа мўмай пул рўзгоримга анча мадад бўлади. Меҳмон шу заҳоти ёнидан ўн фунтли қоғоз пул чиқарди. Агар шартимга рози бўлсангиз, деди у, жуда узоқ вақтгача ҳар икки ҳафтада шунчадан пул олиб турасиз, лекин «йўқ» дессангиз, унда сиз билан бошқа ҳеч мулоқотда бўлмайман.

— Хўш, у қандай шартлар қўйди?

— У, сэр, ўз ёнида уйимнинг калити бўлишини хоҳлади. Бунинг ҳеч ажабланадиган томони йўқ. Бошқа ижаравилар ҳам кўпинча уйнинг калитини ёнларида олиб юришарди. Яна, у мени мутлақо тинч қўясиз, ҳеч қачон, ҳар қандай вазиятда ҳам мени безовта қилмайсиз, деб шарт қўйди.

— Лекин бу шартнинг ҳам ҳеч ажабланадиган томони йўқ.

— Йўқликка йўғ-а, сэр, лекин ҳар нарсаннинг ҳам чегараси бўлади. У бўлса, бутунлай ҳаддидан ошиб кетди. Унинг уйимиизга келганига ўн кун бўлган бўлса ҳам, на менга, на мистер Уорренга, на оқсочимизга бирон марта бўлсин қорасини кўрсатди. Биз фақат унинг доим — кечасиям, эрталаб ҳам, кундузи ҳам тинмай уёқдан-буёққа юрганини эшитамиз, холос, у фақат бир марта — келган куни кечқурун кўчага чиқиб келди.

— О, демак, у биринчи кун кечқурун кўчага чиқди, дениг?

— Ҳа, сэр, лекин жудаям кеч қайтди — бизлар бу пайт ухлагани ётган эдик. У кетаётганида, кеч қайтаман, деб огоҳлантирувди, шунинг учун, эшикни ичидан танбаламаслигимизни илтимос қилувди. Мен унинг зинадан иккинчи қаватга чиқаётганини эшитдим, бу пайт вақт яrim кечадан оғган эди.

— У қандай овқатланади?

— У, қўнғироқ чалганимдан эшик олдида турған стулга овқат олиб келиб қўясиз, деб қатъий таъкидлайди. Овқатланиб бўлганидан кейин, у яна қўнғироқ чала-ди, шунда биз ўша стулга яна олиб чиқиб қўйилган

патнисси олиб пастга тушамиз. Мабодо унга бошқа бирон нарса керак бўлса, бир парча қофозга босма ҳарфлар билан сўз ёзиб ўша стулда қолдиради.

— Босма ҳарфлар билан?

— Ҳа, сэр, қалам билан фақат биттагина сўз ёзади, вассалом. Мана, сизга кўрсатгани олиб келувдим: СОВУН. Мана, яна биттаси: ГУГУРТ. Мана бу: «ДЕИЛИ ГАЗЕТТ» деган сўзни келган кунининг эртасига эрталаб ёзиб чиқарувди. Шундан бери мен ҳар куни эрталаб унга нонушта олиб чиққанимда, патнисга шу газетани ҳам қўйиб қўяман.

— Шунақа денг! — деди Холмс, миссис Уоррен узатган қофоз парчаларини қизиқсиниб кузатаркан. — Бу энди чинданам хийла аломат ҳол. Узини одамлардан олиб қочиш истаги менга тушунарли, лекин нега энди босма ҳарфлар билан ёзи экан? Босма ҳарфлар билан хат ёзиш анча диққинафас машғулот. Нима учун оддий усулда ёзавермадийкин? Сиз буни қандай изоҳлайсиз, Уотсон?

— Балки ўз дастхатини пинҳон тутмоқчиидир?

— Нима ҳожати бор? Уй бекаси унинг қўли билан ёзилган хатни олса, шунга нима бўпти? Ҳў-ӯш, балки сиз ҳақдирсиз ҳам... Унда ёзувлар нега бунчалик қисқа қисқа.

— Ҳайронман.

— Ну нарса бизнинг хулоса чиқаришимиз учун жуда ғаройиб имкониятлар яратиб беради. Хатлар учи яхши очилмаган энг оддий бинафшаранг қалам билан ёзилган. Эътибор беринг-а, манави ёзувнинг бир чети хат ёзилгандан қейин кемтик қилинган, «совун» сўзидағи «с» ҳарфининг бир қисми йиртиб олинган. Ну нарса сизни ўйлантириб қўйдими-а, Уотсон?

— У бир нимадан хавфсираятимикин?

— Шак-шубҳасиз. Назаримда, қофозда унинг кимлигини билдириб қўядиган бирон из: бармоқ изи, ёки бошқа биронта дор бўлган. Демак, сизнинг таърифлашинизча, миссис Уоррен, ижарагирингиз ўрта бўй, қора соч, соқол қўйган одам. Ешми, қарими?

— Ёш ҳали, сэр, ўттиздан ошмаган.

— Сиз унинг яна қай жиҳатларига эътибор бердингиз?

— У инглизчани бехато гапирди-ю, сэр, шунга қарамай, талаффузидан, уни ажнабий бўлса керак, деб ўйлададим.

— Ҳўш, у яхши қийинганми?

— Жудаям яхши кийинган, сэр, күрсангиз, ҳақиқий жентльмен дейсиз. Эгнида қора костюм — уст-бошида күзга ялт этиб ташланадиган ҳеч нимаси йўқ.

— У ўз исмими айтмадими?

— Йўқ, сэр.

— Ҳеч ердан хат олмадими, ҳеч ким унинг олдига келмадими?

— Йўқ.

— Лекин, ҳар қалаӣ, сиз ё бўлмаса, оқсочингиз эрталаблари унинг хонасига кириб турарсизлар?

— Йўқ, сэр, у уйни ўзи йиғиштиради.

— Наҳотки! Мана буни ажабланарли ҳол деса бўлади. Хўш, у кўчиб келганида, юки кўпмиди?

— Битта каттакои жигарранг чамадон — вассалом.

— Ҳм, маълумотлар сероб деб айта олмайман. Демак, гапингизга қараганда, хонадан ҳеч шима, мутлақо ҳеч бир нарса олиб чиқилмаган?

Миссис Уоррен сумкасидан бир конверт чиқариб, унинг ичидан стол устига иккита гугурт чўпи билан битта сигарет қолдигини тўқди.

— Булар бугун эрталаб чиқсан патнисда экан. Сизнинг энг арзимас нарсалардан ҳам жиддий хулоса чиқара олишингиз ҳақида эшитганиман, шунинг учун олиб келдим.

Холмс елкасини учирив қўйди.

— Бу нарсалардан ҳеч қандай жиддий хулоса чиқарив бўлмайди. Гугурт чўпларининг фақат бош қисми ёнган, демак у билан сигарета тутатилган. Сигара ё трубка чеккан одамда гугурт чўпи ярмигача ёниб боради. Э, мана бу сигарета қолдиги қизиқиши уйғотди менда. Сиз, уйингиздаги жентльменни соқол-мўйлов қўйган, деб айтудингизми?

— Ҳа, сэр.

— Унда ҳеч нарсага тушунмаяпман. Менимча, бу сигаретани фақат соқол-мўйлови йўқ одам чекиши мумкин. Бу сигаретани чеккан одамнинг мўйлови ҳаттоқи сизникига ўхшаган ихчам бўлганида ҳам, Уотсон, албатта уши жизғанак қилиб олган бўларди.

— Мундштук билан чеккандир балки? — деб тахмин қилдим мен.

— Асло: сигаретанинг уни тишлиланган. Балки уйингизда иккита одам истиқомат қилиб тургандир, миссис Уоррен?

— Йўқ, сэр. У шу қадар кам овқат ейдики, баъзида, қандай чидаяптийкин, деб ажабланаман.

— Ҳай, майли, яна яиги маълумотларни кутишга тўғри келади. Қолаверса, шикоят қилишингиз учун ҳозирча ҳеч қандай сабаб ҳам йўқ. Ижара ҳақини олгансиз, ижарагир гарчи оддий ижарагирларга ўхшамаса ҳам, ювош одам экан. У сизга яхши ҳақ тўляяпти, энди унинг ўзини пинҳон тутаётганига келсак, очиғи, бунинг сизга ҳеч қандай дахли йўқ. Кейин, унинг тинчини бузиш учун бизда ҳам ҳеч қандай сабаб йўқ, қолаверса, уни, қонундан яширинган, деб айтишга ҳам ҳозирча биэда асос йўқ. Яхши, мен бу ишни қабул қиласман, уни ёдимда сақлайман. Сиз, биронта янгилик рўй берса, албатта менга хабар қилинг, зарурат туғилгудек бўлса, менинг ёрдамимга таянинг.

— Бу ишнинг баъзи бир қизиқарли жиҳатлари бор, албатта, Уотсон,— деди менга Холмс, миссис Уоррен чиқиб кетганидан кейин.— У аҳамиятсиз натижа бериши ҳам мумкин — фараз қилайлик, ижарагир, шунчаки, антиқа табиатли одамдир; лекин, айни пайтда, биринчи қарашда жайдарни бўлиб кўринган бу иш анча жиддий маънога эга бўлиши ҳам мумкин. Биринчи навбатда мнямга, ҳозир миссис Уорреннинг уйида турган одам, уни ижарага олган одам эмас, деган фикр келяпти.

— Нега бундай фикрга бордингиз?

— Сигарета қолдиги менда шундай фикр уйғотяпти, ундан кейин, ижарагирнинг фақат бир марта, у ҳам бўлса, уйни ижарага олган куни кўчага чиққани бизга маълум-ку! У — ёхуд унинг ўрнига бошқа бир одам — ўзининг келганини хонадон аҳлидан ҳеч ким кўролмайдиган пайтда уйга қайтиб келган. Бизда бу қайтиб келган одамнинг уйдан чиқиб кетган ўша одам эканлигини исботловчи ҳеч қандай далил йўқ. Қолаверса, уйни ижарага олган одам инглизча бехато гапиргав. Бу эса, сўзларни босма ҳарфлар билан ёзяпти. Фаҳмимча, у сўзларни луғатдан қидириб топиб ёзаётганга ўхшайди. Чунки луғатларда сўзлар фақат бош келишикда берилади. У ҳам сўзларни бош келишикда ёзган. Ёзувларининг ихчамлигига сабаб... эҳтимол, у инглиз тилини билмаслигини яшириш учун шундай қилаётгандир. Ҳа, Уотсон, ижарагир алмашинган деб шубҳа қилишимизга биэда етарли асос бор.

— Лекин бундан мақсад нима?

— Бизнинг вазифамиз айнан ана шу мақсадни аниқлашдан иборат. Бу жумбоқни ечиш учун фақат битта тўғри йўл мавжуд,— шундай деб, Холмс каттакон бир альбомни қўлига олди. У ҳар куни Лондон газеталари-

дан, қидирилаётган, йўқолган одамлар, учрашув жойлари ҳақидаги ва шунга ўхшаш эълонларни қирқиб олиб, мунтазам равиша шу альбомга ёпишириб борарди.— Вой бў-у!— деб юборди у альбомни варақларкан.— Ҳаммаёқ фарёд, ҳайқириқ, нолалар-ку! Бир сандиқ гайриоддий воқеалар! Фаройиб воқеаларни тадқиқ этаётган одам қимматли маълумотларни айнан мана шу сандиқдан топиб олиши мумкин! Миссис Уорренницида ижара турган одам узлатга чекинган, унга мактуб йўллаша олмайди, чунки сир тутилаётган бу ишнинг фош бўлишидан қўрқишади. Хўш, уйдан ташқарида бўлаётган воқеалар ҳақида бу ижарагирга қай йўл билан хабар қилиш мумкин? Газета орқали, албатта. Билишимча, бундан бошқа йўли йўқ, қарангки, баҳтимиизга, биз фақат биргина газетани кузатиш билан чекланишимиз мумкин. Мана, кейининг икки ҳафта мобайнида «Дейли газетт»дан қирқиб олинган эълонлар. «Принснинг Конькичилар Клубида мўйна шарф ўраган хоним»— буни ўқимаймиз. «Наҳотки Жимми ўз онасининг кўнглини вайрон қиласа!»— бунинг ҳам бизга дахли йўқ. «Брикстон омнибусида ҳушидан кетиб қолган аёл агар...»— менга бу аслнинг қизиги йўқ. «Қалбим сенга интизор...»— бу нола, Уотсон, ҳақиқий нола! Мана буниси сал яқин келади. Эшитинг: «Сабр қил. Сен билан мулоқотда бўлиш учун бирон иложини топаман. Ҳозирча шу. Ж.» Ижарагир миссис Уорренницида сирли нотаниш одам, гарчи ёзишга нўноқ бўлса ҳам, ҳарқалай инглизча ўқий олиши керак. Яна унинг изига тушишга уриниб кўрамиз. Мана, гапим тўғри чиқди — уч кундан кейин яна ёзишипти. «Иш юришиб кетди. Бардошли, мулоҳазали бўл. Булутлар тарқайди. Ж.» Кейин бир ҳафтагача ҳеч нима босилмаган. Э, мана, масала анча ойдинлашипти. «Йўл очиляпти. Агар хабар қилиш иложини топсан, шартли кодимиз ёдингда бўлсин — бир А, икки Б ва ҳоказо. Яқинда маълум бўлади. Ж.» Бу кечаги газетада босилипти, бугунгисида ҳеч нима йўқ. Бу эълонларнинг ҳаммаси миссис Уорреннинг ижарагирига анча алоқадордай бўлиб кўриняпти. Кўпи кетиб, ози қолди, Уотсон, масала ойдинлашишига имоним комил.

Дўстим ҳақ бўлиб чиқди. Эртаси куни эрталаб мен унни камин олдига ёзилган гиламча устида оловга орқа ғириб, мамнуният билан жилмайиб турганини кўрдим.— Хўш, энди нима дейсиз, Уотсон?— деди у ва стол

устида ётган газетани қўлига олди. «Оқ тош карнизли баланд қизил уй. Тўртинчи қават. Чапдан иккинчи дера-за. Қоронғи тушганида. Ж». Мана бу энди мутлақо аниқ гап. Нонуштадан кейин биз миссис Уорреннинг уйи атрофини бир кўздан кечириб чиқсан ёмон бўлмасди... Э-э, келинг, келинг, миссис Уоррен! Хўш, қандай янгиликлар олиб келдингиз?

Мижозимизнинг хонага ўқдек отилиб кириб келиши ниҳоятда муҳим бир ҳодиса содир бўлганидан дарак берар эди.

— Ортиқ чидай олмайман, мистер Холмс! — деб чин-қирди у. — Полицияга хабар қилиш керак. Лаш-лушини йиғиширсинг-да, даф бўлсин уйимдан. Ўзимам шартта чиқиб, бу гапни дангал юзига айтмоқчи бўлдиму кейин, ҳарҳолда, олдин сиз билан маслаҳатлашиб керак, деб шайтонга ҳай бердим. Лекин энди ортиқ бир кун ҳам бардош бера олмайман, айниқса чолимни дўппослашганларидан кейин.

— Нима, мистер Уорренни калтаклашдими?

— Ҳар қалай, уни олчоқларча таҳқирлашган.

— Ким уни бундай таҳқирлапти?

— Биз ҳам шуни билмоқчимиз-да! Бу нарса бугун эрталаб юз берди, сэр. Мистер Уоррен Тотенхем-Кротроуддаги Мортон ва Вейлайт ширкатида табелчи бўлиб ишлайди. Уйдан у эрталаб соат еттиларда чиқиб кетади. Қисқаси, бугун эрталаб у кўчага чиқиб энди ўн қадамча юрган экан, иккита одам орқасидан келиб, бошига пальтосини ёспитти-да, судраб бориб, шу ерда, йўл ёқасида турган кэбга тиқипти. Чолимни файтунда бир соатча олиб юриб, кейин уни йўлга улоқтириб ташлаб кетишипти. У кўчанинг ўртасида чўзилиб ётаркан, қўрққанидан жинни бўлаёзипти, шунинг учун уни олиб юрган кэбнинг қай томонга кетганини билиш хаёлига ҳам келмаган, албатта. Ўриндан туриб қараса, Хэмстед-Хитда турганиш. У уйга омнибусда келипти, ҳозир диванда чўзилиб ётипти, мен бўлсам буни сизга хабар қилгани буёқка югуриб келдим.

— Ниҳоятда қизиқарли ҳол,— деди Холмс.— Эрингиз ўша одамларнинг қиёфасини, нима ҳақда гапиришганини эслаб қолмаптими?

— Йўқ, чолим тамомила гангид қолган. Фақат уни қандайдир инсу жинслар кўтариб ерга улоқтирганини-гина билади, холос. Улар камида иккита бўлган, эҳти-мол учтадир.

— Сиз әрипгизга бўлган бу ҳужумни уйингизда турган одамга дахли бор деб ўйлайсизми?

— Бўлмасам-чи! Биз бу ерда ўн беш йилдан бери турамиз, аммо ҳеч қачон бунақа фалокат юз берган эмас эди. Мен ортиқ тоқат қила олмайман. Пул — жондан азиз эмас. Шу бугуноқ уни уйимдан чиқариб юборраман.

— Яна бир оз чиданг, миссис Уоррен. Ҳеч қачон шошма-шошарлик қилманг. Бу нарса, гарчи аҳамиятсиз бўлнб кўринса ҳам, аслида, ғоят жиддий ҳодисага ўхшаяпти. Уйингизда турган одамга қандайдир хавф таҳдид қиласётгани энди аниқланди. Яна шуниси ҳам аниқки, эшигингиз тагида ижарагирингизни пойлаб турган унинг душманлари эрталабки туманда, эрингизни ўша деб ўйлашган. Кейин хато қилганларини пайқаб, уни қўйиб юборишган. Хато қилишмаган тақдирда не ҳол юз беришини биз фақат фарауз қилишимиз мумкин.

— Хўш, унда мен нима қиласай, мистер Холмс?

— Кошкйиди, ижарагирингизни мен бир кўра олсан, миссис Уоррен.

— Ҳайронмаи, уни қандай кўра оларкинсиз, агар эшикни бузиб кирмасангиз. Айтгандай, мен патнисни эшик тагига қўйиб, зинадан тушаётганимда, доим хонанинг эшиги очилаётганини эшитаман.

— У патнисни ичкарига олиш учун эшикни очади. Айтинг-чи, бирон ерга беркиниб туриб, уни эшик очганида кўриб олиш мумкин бўлмасмикин?

Бека ўйланниб қолди.

— Вой, тўғри, сэр, эшикнинг рўпарасида қазноқ бор. Мен у ерга тошойна қўйиб қўйишим мумкин, агар сиз эшик орқасига беркиниб турсангиз...

— Баракалла! — деди Холмс. — Унга иккинчи ионуштани қачон берасиз?

— Соат бирларда, сэр.

— Демак, ўша пайтгача, биз доктор Уотсон билан етиб борамиз. Хайр, саломат бўлинг, миссис Уоррен.

Соат ўн икки яримда биз миссис Уорреннинг уйи олдига етиб бордик — бу сариқ гиштдан қурилган баланд ва тор уй Британия музейидан шимоли-шарқдаги унча кенг бўлмаган Грейт-Ормстирт кўчасига жойлашган эди. Уй муюлишга яқин қурилган бўлиб, иморатлари анча ҳашаматли бўлган Хау-стрит бу ердан худди кафтдагидек яққол кўриниб туради. Холмс жилмайиб шу иморатлардан бирига ишора қилди. Бу — каттакон, кўпқаватли уй бўлиб, бошқа уйлардан бирмунча олдин-

роқда турар ва беихтиёр кишининг диққатини ўзига жалб қиласкан.

— Ана ўша уй, Уотсон! Оқ тош карнизли баланд қизил уй. Хўв ана, сигнал бериш учун мўлжалланган деб раза ҳам. Жой тайин, код ҳам аниқ; вазифамиз оғир бўлмайди. Ўша деразага: «Ижарага қўйилади» деб эълон осиб қўйишишти. Демак, квартира бўш, бинобарин, мис Уорренникида турган одамнинг шериги ундан фойдаланиш мумкин... Хўш, аҳволлар қалай, миссис Уоррен?

— Ҳамма нарсани шайлаб қўйдим. Ботинкангизни ечиб пастда қолдиринглар, юқорида мен сизларни қазноққа киритиб қўяман.

Бека жуда яхши ҳозирлик кўрипти. Тошойна шундай қўйилган эдикки, биз қоронги қазноқдан, ён томондаги эшикни яққол кўриб ўтирадик. Биз эндигина жойлашиб олиб, миссис Уоррен эндигина пастга тушиши билан, қулоғимизга қўнғироқчанинг жингиллаган овози узоқдан зўр-базўр эшитилди, уни сирли қўшнимиз чаляётган эди. Ҳадемай зинадан бека патнис кўтариб чиқиб келди ва уни хонанинг эшиги олдида турган стулга қўйиб, гурс-гурс юриб пастга тушиб кетди. Биз ўз эшигимиз ортида бурчакда икки букилиб пусиб ўтиарканмиз, кўзимизни тошойнадан узмас эдик. Пастда беканинг оёқ товушлари тинди, шу пайт хона эшигининг қулфи «шиқ» этиб, эшик қия очилди ва бир жуфт нозик қўйл патнисни олиб, дарҳол ғойиб бўлди. Бир дақиқадан кейин яна патнис ўрнига қўйилди, шунда кўз олдимда аёл кишининг қорамағиздан келган нафис гўзал чеҳраси бир зумгина намоён бўлди, аёлнинг кўзлари қазноқнинг қия очиқ турган эшигига даҳшат билан тикилган эди. Кейин хона эшиги яна ёпилиб, ичидан қулфлангани эшитилди ва ҳаммаёқ яна сув қўйгандек жимжит бўлиб қолди. Холмс енгимдан тортиб имлади, биз оёқ учидаги юриб, зинадан астагина пастга тушдик.

— Кечқурун яна келаман,— деди Холмс, унинг оғзини пойлаб турган бекага.— Менимча, Уотсон, бу нарсани биз уйга бориб муҳокама қилганимиз маъқулроқ.

— Шундай қилиб, менинг тахминим тўғри чиқди,— деди Холмс креслога бемалол жойлашиб ўтириб олгач.— Алмашув юз берган. Фақат мен, Уотсон, аёл кишини, аёл бўлганда ҳам, бунақа дилбар аёлни учратамиз деб ҳеч ўйламаган эдим.

— У бизни кўриб қолди.

— У кўзига кўринган нарсадан қўрқиб кетди. Бу

шубҳасиз. Умуман, вазият аниқ, фикримга қўшилишасизми? Бу эркак билан аёл мудҳиш хатар таҳдидидан қочиб келиб, Лондондан паноҳ қидиришяпти. Таҳдид жуда жиддий бўлса керакки, эҳтиёт чоралари ниҳоятда пухталик билан кўрилган. Эркак қандайдир ишни бажаришга киришган, айни пайтда яна аёлни ҳам ҳар қандай хавф-хатардан муҳофаза қилмоқчи. Бу жуда оғир вазифа, шунга қарамай, эркак уни жуда антиқа ўсулда ва зўр муваффақият билан бажарганки, ҳатто ҳар куни овқат ташийдиган миссис Уоррен ҳам уйида яшаб турган ижарагирининг аёл киши эканлигини билмайди. Нима сабабдан босма ҳарфларда фойдаланилгачи энди бизга равshan: хатни аёл киши ёзётганини яшириш учун шундай қилинган. Эркак бу аёл билан учраша олмайди — келса душманлари изига тушиши мумкин. Баски, у аёл билан кўриша олмас экан, унга газета орқали ўзи ҳақида хабар қилиб турган. Ҳозирча ҳамма нарса равshan.

— Лекин бунинг тагида қандай сир бўлиши мумкин?

— О, Уотсон, сиз ҳар сафаргидек ўта амалиётчисиз! Қандай сир бўлиши мумкин бунинг замира? Миссис Уорреннинг аломат муаммоси анча мураккаблашиб, тобора даҳшатли қиёфага кириб боряпти. Ҳозирча биз фақат бор нарсани аниқ айта оламиз: бу оддий ишқий саргузашт эмас. Сиз аёлнинг хавф туғилган чоғдаги юз ифодасига эътибор бердингизми? Бундан ташқари, биз уй соҳибига ҳужум бўлгани ҳақида ҳам эшитдик, билингки, душманлар уни, шубҳасиз, ижарагир деб ўйлашган. Мана шу далиллар, ҳамда бу хатти-ҳаракатнинг ниҳоятда пухталик билан сир сақланаётгани, гапнинг ҳаёт ва мамот устида бораётганидан далолат беради. Үндан кейин, мистер Уорренга қилинган ҳужум, эркак ижарагирининг аёл киши билан ўрин алмашганидан душманларнинг (улар ким бўлишларидан қатъий назар) бехабар эканлигини билдиради. Бу ғоятда қизиқарди ва чигал иш, Уотсон.

— Бу ишдан бош тортсангиз бўлмайдими? Барибир, сизга ундан ҳеч қандай наф тегмайди.

— Тўғри, нафи йўқ. Бу ижод, Уотсон. Сиз ҳам, врачиқ практикасини ўтган пайтингизда, одамларни албатта пул олиб даволамагандирсиз.

— Уз илмимни ошириш учун даволаганман, Холмс.

— Илм олиш ҳеч қачон кеч эмас, Уотсон. Илм — бу чексиз дарслар занжиридир, энг жиддий дарсларнинг тагига фақат умрингнинг охирида етасан. Биз шуғулла-

наётгап воқеа ҳам шундай ибратлидир. У на ақча, на шон-шуҳрат олиб келади, шунга қарамай бу жумбоқни ечсам дейман. Қош қорайиши билан, биз қидирув ишимизда бир қадам олға босамиз.

Биз миссис Уорреннигиң иккинчи марта борганимизда оқшомги Лондонни қуюқ зулмат чулғаган эди; ҳам маёқни бирдай қоплаган шумшук ва рутубатли туман пардасы орасидан фақат ёритилған тұрт бурчаклы сарғыш деразалару күчаларға үрнатылған газ фонуслари нинг қуббалары әлас-әлас күринарды. Биз миссис Уорренниң парда түсіб қоронғилаштирилған мәхмонхонасидан жуда баландда, зулмат ичида зёрға милтираб күринаётган хирагина чироқ ёғдусини күрдик.

— Ҳув анави хонада кимдир юріпти,— деб пичирлади Холмс, чүзинчоқ юзини дераза ойнасига олиб бориб қоронғи тунга тикилиб қарапкан.— Ҳа, мен одам соясини күрятман. Ана, яна күринди. У уйимиздағи аёлнинг уни кузататеңганига ишонч ҳосил қылмоқчи. Сигнал беришни бошлади. Сигнални сиз ҳам қабул қилинг, Уотсон, кейин солишириб күрамиз. Бир марта ёнді,—буниси А. Ҳүш, кейнгисини нечта санадингиз? Йигирмата? Менда ҳам. Бу — Т ни билдириши керак. Демек, АТ — тушунарлы! Яна Т. Бу энди иккинчи сўзнинг бошланиши бўлса керак. ТЕНТА ҳосил бўлди. Тамом. Наҳотки, туғаган бўлса, Уотсон? АТТЕНТА — маъноси йўқ. Агар буни учта сўз деб ҳисоблаб, АТ, ТЕН, ТА тариқасида ўқиганимизда ҳам маъно чиқмаяпти. Бошқатдан бошланди! Бу қанақаси бўлди! АТТе — ие, яна ўша сўзнинг ўзими? Қизиқ, Уотсон, жуда қизиқ! Яна бошидан бошлади! АТ — ахир у бу сўзни учинчи марта такрорлаяпти-ку. Уч марта — АТТЕНТА. Яна неча марта бўларкин? Йўқ, тугатди шекилли. Деразадан узоқлашди. Сиз буни қандай изоҳлайсиз, Уотсон?

— Шифрланган хабардир балки.

Кутилмаганда Холмс, худди бир нимани фаҳмлагандек, жилмайиб қўйди.

— Шифр ҳам айтарлик унча мураккаб эмас, Уотсон. Ахир бу итальянча сўз-ку! «А» агар сўз охирида келса, бундай сўз аёл кишига қаратылған бўлади. «Эҳтиёт бўл! Эҳтиёт бўл! Эҳтиёт бўл!» Нима дейсиз, Уотсон?

— Назаримда, нақ мўлжалга урдингиз.

— Шак-шубҳасиз. Огоҳлантириш ниҳоятда мухим аҳамиятга эга бўлгани учун, уч марта такрорланди.

Лекин нимадан эҳтиёт бўлиш керак? Шошманг, у яна дераза олдига келди.

Биз яна букчайган одамнинг хира шарпасини, сигнал бериш бошланганида яна лип-лип ёниб ўчаётган чироқ шуъласини кўрдик. Энди сигнал бериш анча тезлашди, шунинг учун уни кузатиш ҳам анча қийин бўлди.

— PERICOLO — pericolo — бу нима дегани, Уотсон? Хавфми? Ё раҳмон! Ахир бу хавфдан дарак берувчи сигнал-ку. Яна бошланди! PERI... Ана ҳалос, нега энди...

Бирдан чироқ ўчиб, лип-лип ёниб турган квадрат ғойиб бўлдию ҳамма қаватлари чироқлар билан ёритилган баланд иморат атрофини шу тўртинчи қават қора лента бўлиб ўради. Охирги огоҳлантирувчи сигнал тўсатдан узилиб қолди. Нега? Ким узди? Иккевинмизда ҳам бир вақтда шундай фикр тугилган эди. Холмс ўзини деразадан четга олди.

— Бу энди майнавозчилик эмас, Уотсон! — деб чинқириб юборди у. — У ерда қандайдир фалокат содир бўляпти! Ҳайронман, нега сигнал бериш кутилмаганда тўхтаб қолди? Скотленд-Ярдга хабар қилиш керак, лекин шунисиям борки, бу ерни асло ташлаб кетиб бўлмайди — бўёқда вақт тифиз.

— Балки мен бориб келарман полицияга?

— У ерда нима бўлаётганини аниқ билишимиз керак. Балки беозор бир воқеадир. Тезроқ ўша ерга борайлик, Уотсон, ўзимиз бунинг тагига етишга уриниб кўрамиз.

II

Биз Хау-стрит бўйлаб жадал юриб кетдик, шунда мен орқамга ўгирилиб, ҳозиргина ўзимиз тарк этган уйга назар ташладим. Иккинчи қаватнинг деразасида аёл киншининг кўлаликаси кўринди, у нафасини ичига ютганича, сигналнинг такорланишини кутиб, диққат билан зулмат тун бағрига тикилиб туради.

Хау-стритдаги бино олдида узун пальто кийган, юзи ни шарф билан ўраб олган бир одам панжараага суюниб туради. Бинога кираверишдаги фонуснинг шуъласи бизни ёритган заҳоти у одам бир сесканиб тушди.

— Холмс! — деб чинқириб юборди у.

— Ҳа, бу менман, Грэгсон! — деди ҳамроҳим ва Скотленд-Ярд хуфияси билан кўришди. — Севишганлар яна дийдор кўришди. Нима қилиб юрибсан бу ерда?

— Фаҳмимча, иккаламиз ҳам битта иш юзасидан

келганга ўшаймиз,— деди Грэгсон,— лекин сиз буни қаёқдан әшиتا қолдингиз, ҳеч ақлым бовар қылмаяпты.

— Сиз билан мен бу ерга битта чигал тугуннинг бошқа-бошқа учидан ушлаб келганимиз. Мен бу ерга сигнал қабул қилиб келдим.

— Сигнал?

— Ҳа, анави деразадан сигнал берилди. Лекин сигнал ярмига борғанда узилиб қолди. Биз сабабини билгани келдик. Аммо, баски, ишнинг жилови энди ишончли қўлларда экан, бундан буёғига у билан шуғулланишга менда асос қолмади.

— Шошманг ахир!— деб жаҳд билан қичқирди Грэгсон.— Ростини айтсам, мистер Холмс, сизнинг далдангиз билан мен ҳар қандай ишда ҳам ўзимни дадил ҳис қиласман. Бу эшик бинода ягона. У биздан қочиб кета олмайди.

— Ким? Ким ўзи у?

— Хайрият-е, бу гал бизнинг қўлими билан келди, мистер Холмс. Фикримга қўшилишингизга тўғри кела-ди.— У ҳассасини ерга бор кучи билан дўққиллатиб ур-ган әди, кўчанинг охирида турган файтуннинг аравака-ши қўлида қамчи билан биз томонга шошмасдан кела бошлади.— Сизни мистер Холмс билан таништиришга рухсат этинг,— деди Грэгсон келган одамга,— бу киши эса, мистер Ливертон, Американинг Пинкертон агентли-гидан.

— О, Лонг-Айленд ғорининг сирини очган қаҳра-мон!— деди Холмс.— Сиз билан танишганимдан хурсанд-ман, сэр.

Ияги ва яноқлари устарада силлиқ қирилган очиқ юзли бу ишбилармон америкалик йигит ўзи ҳақида мақтов сўз әшитиб қизариб кетди.

— Ҳозир бажаришимиз лозим бўлган нарса — ҳаё-тимда энг муҳим иш бўлади, мистер Холмс. Агар қўлга ола олсан Жоржанони...

— Нима? Бу —«Қизил ҳалқа» бирлашмасидаги Жор-жаноми?

— О, у Европада ҳам довруқ таратипти-да? Хуллас, Америкада бизга унинг миридан-сиригача аён. У әлликта одам ўлдирган, лекин ҳозирча бизда буни исботлай-диган аниқ далиллар йўқ, шунинг учун ҳозирча уни ҳибсга ола олмаймиз. Мен Нью-Йоркдан уни изма-из қуввиб келяпман, Лондонда ҳам бир ҳафтадан бери уни кузатиб юрибман. Кези келганда хилла ҳиқилдоғидан олмоқчиман. Бугун биз мистер Грэгсон билан унинг изи-

га тушдик — у ҳозир мана шу бинода, бу бинонинг эшиги битта, энди биздан қочиб қутула олмайди. У ичкарига кириб кетгандан бері, уйдан учта одам чиқди, лекин онт ичиб айтаманки, улар орасыда Жоржано йўқ эди.

— Мистер Холмс ҳозир бу уйдан сигнал берилгани ҳақида гапирди,— деб гапга аралашди Грэгсон.— Аминманки, бу сафар ҳам у биз билмаган тафсилотлардан хабардор.

Холмс вазиятнинг қай аҳволда эканлигини икки оғиз сўз билан изоҳлаб берди. Америкалик йигит аламдан қўлларини қисирлатди.

— Демак, у бизнинг шу ерда эканлигимизни билган!

— Нега бундай ўйлаяпсиз?

— Наҳотки тушумадингиз? У бу уйга яшириниб олиб, шеригига хабар қиляпти — Лондонда унинг бир неча одами бор. Ундан кейин, ўзингиз шоҳид бўлибсиз, у таҳдид солаётган хавф-хатар ҳақида сигнал бературиб, дабдурустдан сигнални узиб қўйган. Ахир бу, деразадаи бизни кўриб қолганини ё бўлмаса, бошқа бирон сабаб билан хавфнинг жуда яқинлашиб қолганини билдирамайдими? Шунинг учун у ҳам фалокатдан қочиб қутулиш мақсадида дарҳол ишга киришмоқчи бўлгандир? Сиз нима таклиф киритасиз, мистер Холмс?

— Юқорига чиқсан-да, юз берган воқеани ўша жойда аниқласак.

— Лекин уни ҳибсга олиш учун бизда ордер йўқ.

— Бу одам шубҳали шаронтда бўш квартирага кирган,— деди Грэгсон.— Бошланишига шу далилнинг ўзи кифоя. Уни қўлга олганимиздан кейин Нью-Йорк уни қамоқда ушлаб қолишимизга кўмаклашар, дейман. Ҳозир эса уни ҳибсга олиш масъулнитини мен ўз зинмамаг оламан.

Бизнинг профессионал — хуфияларимиз доим ҳам мияни тез ишлата олмасликлари мумкин, аммо уларнинг мардлигини тан олмай иложимиз йўқ. Грэгсон бу даҳшатли жиноятчини ҳибсга олиш учун зинадан чиқиб бораркан, худди Скотленд-Ярдининг кенг зинасидан чиқаётгандек жиддий ва хотиржам эди. Пинкретон агенти ундан ўзиб кетмоқчи бўлган эди, лекин Грэгсон унинг олдинга ўтишига қатъият билан йўл бермади. Лондонда юз берадиган хавф-хатарни Лондон полицияси бартараф қилиши керак.

Тўртингчи қаватда, чап томондаги квартиранинг эшиги хиёл очиқ эди. Грэгсон уни ланг очди. Ичкари қопкоронғи, «тиқ» этган товуш эшитилмасди. Мен гугурт

чақиб хуфиянинг фонарини ёқдим. Фонар ёниб, хона ёригач, биз ҳайратдан лол бўлиб қолдик. Хонанинг қарашай таҳтасида ётқизилган полида ҳозиргина босилган қон излари бор эди. Этикнинг қизил излари эшиги ёпиқ турган нариги хонадан биз томон йўналган эди. Грегсон ўша эшикни ланг очиб, энди ловуллаб ёна бошлаган фонарини баланд кўтарди, биз эсак, сабрсизлик билан унинг елкаси оша, ичкарига мўраладик.

Хувиллаган бу хонанинг ўртасида, полда паҳлавон-қомат бир одам узала тушиб ётар эди. Унинг соқол-мўйлови силлиқ қилиб олинган, қорамагиздан келган юзи мудҳиш бир тарзда бужмайган, боши сарғиши паркетда ҳалқоб бўлиб қолган қонга ботиб ётарди. Унинг тиззалири кўтарилган, қўллари икки томонга ёйилган эди, буғдойранг мушакдор йўғон бўйнига санчилган пичоқ дастасигача ботиб туради. Бу одам алпсифат бўлса ҳам, чамаси, жуда кучли зарбага учрагану қассобнинг пичоғидан қулаган буқа сингари «турс» йиқилган. Жасаднинг ўнг қўли олдида полда суюк бандли каттакон ўткир ханжар, ханжар ёнида қора майин қўлқоп ётарди.

— Е қудратингдан! Ахир бу ўша Қора Жоржанонинг ўзи-ку! — деб чинқириб юборди америкалик хуфия.— Кимдир биздан олдин отни қамчилаб қолипти.

— Мана, ўша сиз айтган шам, мистер Холмс, дераза токчасида ётипти,— деди Грегсон.— Ие, нима қиляпсиз?

Холмс шамни ёқиб, уни дераза олдида силкита бошлади. Кейин қоронғиликка тикилиб қаради-да, шамни ўчириб уни полга ташлади.

— Бу нарса ишимизда асқатади, деган умиддаман.

Кейин у жасадни кўздан кечираётган икки хуфия олдига борди-да, чуқур хаёлга чўмиб жим туриб қолди.

— Боя сиз пастда турганингизда бу уйдан учта одам чиққанини айтувдингиз,— деб гап бошлади Холмс ниҳоят.— Уларни яхшилаб кўриб олувдингизми?

— Ҳа, кўрувдим.

— Улар орасида ўттиз ёшлар чамасидаги ўрта бўйли, буғдойранг, қорасоқол одам бормиди?

— Ҳа, у менинг ёнимдан энг охирида ўтди.

— Билишимча, сизга керак одам ўша. Мен сизга узи тасвиrlаб беришим мумкин, ундан кейин, бизда у қолдирган ажойиб оёқ изи ҳам бор. Менимча, шунинг ўзи сизга кифоя қилади.

— Иўқ, мистер Холмс, уни миллионлаб лондонликлар орасидан топиш учун бу нарса кифоя қилас-ов.

— Эҳтимол. Мана шунинг учун ҳам, ёрдамга манави хонимни таклиф қилишни лозим кўрдим.

Шунда ҳаммамия ялт әтиб орқамизга қарадик. Хона-га кираверишда норгул, гўзал бир аёл — миссис Уор-реннинг сирли ижарагири туарди. Аёл аста-секин биз томон кела бошлади, унинг докадек оқарган юзи ҳая-жонда, ваҳима тўла кўзлари полда ётган мавҳум жасад-га михдек қадалган эди.

— Сизлар ўлдиргансиз уни! — деб ғўлдиради у.— О, Dio mio¹ сизлар ўлдиргансиз!

Кейин у чуқур бир тин олди-да, бирдан қувончи ичи-га сиғмай қийқириб, дик-дик сакрай бошлади. У хона ичидагир-гир айланар; чапак чалар, унинг шавқу завқ ва ҳайрат тўла тимқора кўзлари ўт бўлиб чақнар, ду-доқларида итальян тилида әжойиб нидо ва садолар тўх-товсиз отилиб чиқар эди. Бундай даҳшатли манзарани кўриб астойдил шодланаётган аёлни кузатиш биз учун ҳам мудҳиш, ҳам ажабланарли ҳол эди. Шу пайт аёл бирдан таққа тўхтаб бизга савол маъносида тикилди.

— Ахир сизлар! Ахир сизлар — полициясизларку-а? Демак, сизлар ўлдирибсизлар-да Жузеппе Жоржанони? Шу тўғрими?

— Бизлар полициямиз, хоним-афанди.

Аёл хонанинг қоронги бурчакларига бир-бир назар ташлаб чиқди.

— Unda, Женнаро қани? Менинг эрим Женнаро Лукка қани? Мен — Эмилия Луккаман, эрим икковимиз Нью-Йоркдан келганимиз. Қани Женнаро? Ҳозиргина у мана шу дераза олдида туриб мени чақирди, шунинг учун бу ерга оёғимни қўлимга олиб югуриб келдим.

— Сизни мен чақирдим,— деди Холмс.

— Сиз? Лекин шифрни қандай қилиб билолдингиз?

— Шифрингиз мураккаб эмас, хоним-афанди. Сиз бизга шу ерда керак эдингиз. Бинобарин, сизга vieni,² деб берган заҳотим албатта етиб келишингизга ишон-ган эдим.

Италиялик соҳибжамол хоним Холмсга ҳам ҳурмат, ҳам ҳадик билан қаради.

— Ҳайронман, сиз қаёқдан биласиз буларнинг ҳам-масини,— деди аёл.— Жузеппе Жоржано... қаёқдан...—

¹ Э, худойим (итал.).

² Кел (итал.).

У жим бўлиб қолди, шунда унинг чеҳраси бирдан шодлик ва ғурурдан ёришиб кетди.— Энди тушундим! Менниг Женнаром! Буни менинг энг дилбар, энг ўқтам Женнаром қилган. Ҳа, мени ҳамма фалокатлардан авай-лаб-асраб келаётган Женнаром ўзининг метинде билаклари билан ўлдирган бу ғаддор маҳлуқни! О, Женнаро, қандай яхшисан! О, бундай йигитга муносиб бўлган биронта аёл топилармикин дунёда!

— Гап бундай, миссис Лукка,— деди бетаъсир Грэгсон ва қўлини совуққонлик билан хонимнинг тирсагига қўйди. (Гўё бу аёлнинг ўрнида Ноттинг-Хиллик безори тургандек).— Сизнинг кимлигингиш ва нима сабабдан бу ерга келганингиз менга ҳали унчалик равshan эмас, лекин бу ерда айтган гапларингизга қараганда, Скотленд-Ярдда сиз билан қизиқишлари муқаррар — шуни мен аниқ айтишим мумкин.

— Сабр қилинг, Грэгсон,— деб гапга аралашди Холмс,— ўйлайманки, бу хонимнинг ўзи ҳам бизга бальзи маълумотларни баён қилишга қарши эмас. Хоним-афанди, эрингиз ҳибсга олиниб, манави ерда ётган одамни ўлдиргани учун суд қилинади, шуни тушуняпсизми? Ҳозир сиз бу ерда айтган гаплар эрингизнинг айборлигини исботловчи далил бўлиб хизмат қилиши мумкин. Лекин агар сиз эрингизнинг бу фаолияти жиноят қилиш мақсадида бўлмаган деб ҳисобласангиз ҳамда эрингизнинг ўзи ҳам ўзини танитишни ихтиёр қиласа, унда бор ҳақиқатни бизга сўзлаб берасиз ва бу билан эрингизга катта ёрдам қилган бўласиз.

— Энди, Жоржано ўлганидан кейин биз ҳеч нимадан қўрқмаймиз,— деб жавоб қилди итальян аёл.— У иблис эди, жирканч маҳлуқ эди, шунинг учун уни ўлдирган эримни дунёдаги биронта ҳам судья жазога торта олмайди.

— Бас, шундай экан,— деди Холмс,— менда таклиф бор: ҳозир бу ерда ҳеч нимага тегмай, эшикни қулфлайлик-да, бу хоним билан унинг квартирасига бориб, бутун воқеалини ўзидан батафсил эшитиб, шундан сўнг тегишли қарор қабул қиласил.

Ярим соатдан кейин биз тўртовимиз синьора Лукканинг мўъжазгина меҳмонхонасида ўтириб, унинг машъум воқеалар ҳақидаги ажойиб ҳикоясини эшита бошладикки, унинг қандай тугаганига ҳозиргина ўзимиз шоҳид бўлган эдик. Синьора инглиз тилида бидирлаб наридан-бери, аммо анча хато гапиаркан, шунга кўра, мен унинг

нутқини, тушунарлы бўлсин учун, бир қадар силлиқлаб, тартибга солдим.

— Мен Неаполдан унча узоқ бўлмаган Посилиппо деган ерда туғилганман,— деб ҳикоясини бошлади хоним,— отам Аугусто Барелли ўша округнинг бош ҳуқуқ-шуноси эди, бир марта у бу округдан депутат этиб ҳам сайланган. Женнаро отамнинг қўлида хизмат қилар эди, мен уни ўшандага севиб қолганман, зеро уни севмай бўлмасди. У камбағал йигит эди, жамоатчилик ўртасида ҳеч қандай мавқега эга эмас эди, умуман унинг ҳусни, кучи, ғайратидан бўлак ҳеч нимаси йўқ эди, шунинг учун отам бизнинг турмуш қуришимизга розиллик бермади. Биз уйдан қочдик. Бари шаҳрига бориб, ўша ерда никоҳдан ўтдик, менинг қимматбаҳо тақинчоқларимни сотиб, пулига Америкага жўнаб кетдик. Бу воқеа тўргийил бурун бўлган эди, ўшандан бери биз Нью-Йоркда яшардик.

Дастлабки пайтларда омад бизга кулиб бокди. Женнаро бир италиялик жентльменга яхшилик қилди—уни Бовери деган жойда каллакесар ўғрилар қўлидан қутқариб қолди, шу зайл у нуфузли дўст ортириди. Ўша дўстининг исми Тито Касталотте, у Нью-Йоркни ҳўл мева билан таъминловчи машҳур «Касталотте ва Замба» фирмасининг асосий компанияни. Синьор Замба кўп касал бўлади, шунинг учун, уч юз кишидан ортиқ хизматчиси бўлган фирманинг ҳамма иши янги дўстимиз Касталоттенинг қўлида. У әrimни ишга олиб, бўлни бошлиғи этиб тайинлади ва қўлидан келганча, унга мояиллик билдира бошлади. Синьор Касталотте бўйдоқ, шунинг учун бўлса керак, у әrimни худди ўз ўғлидек кўраётгандек туюлди менга, әrim билан биз ҳам уни худди ўз отамиздек яхши кўрардик. Биз Бруклинида кичкинагина бир уй сотиб олиб, уни жиҳозладик, энди бундан буён беташвиш фаровон ҳаёт кечирамиз, деб ўйлаган эдик, шунда бирдан осмонда қора булут пайдо бўлиб, ҳаммаёқни буркаб олди.

Бир кун кечқурун Женнаро ишдан қайтаётib, ўзи билан бир ватандошини бошлаб келди. Унинг исми Жоржано эди, у ҳам Посилипподан экан. У жуда баҳайбат жуссали одам эди, бунга ўзингиз ҳам шоҳид бўлдингиз — унинг жасадини кўрдингиз ҳали. Унинг нафақат гавдаси баҳайбат эди, балки у ҳар жиҳатдан ғайритабиий, бекиёс ва ўта даражада мудҳиш шахс эди. Унинг овози кичкинагина уйнимизда худди момақалдироқдек гумбирлаб эшитпларди. У бесўнақай қўлларини ёйиб

гапирганида, уйимиз унга торлик қилиб қоларди. Унинг мулоҳазалари, кечинмалари, эҳтирослари — ҳаммаси лоф, ҳаммаси мудҳиш эди. У шундай қизишиб гапирав, аниқроғи, бақирав эдик, қолганлар унинг оғзидан селдек оқиб чиқаётган сўзларни қўрқа-писа, жимгина ўтириб тинглашга мажбур бўларди. Унинг ўт бўлиб ёнувчи кўзлари сизни сеҳрлаб, бир ерга михлаб қўйгандек туюларди. Бу ниҳоятда қўрқинчли ва ғайритаъриф одам эди. Яратганга шукрки, энди у ўлди!

Бора-бора у уйимизга тез-тез келадиган бўлиб қолди. Лекин билардимкни, унинг ташрифидан Женнаро ҳам, худди мен каби, хурсанд эмас эди. Бечора эрим меҳмоннинг сиёсат ва ижтимоий масалалар мавзуидаги кети узилмайдиган ваъзларини ранги қув ўчиб, паришонлик билан тинглаб ўтиради. Женнаро гапирмас, лекин мен, унинг феълини яхши билганимдан, чеҳрасида илгари ҳеч қачон бўлмаган қандайдир оғир ҳиссиёт белгиларини кўрардим. Аввалига буни нафрат аломати бўлса көрак, деб ўйладим. Лекин кейинроқ, бунинг анча жинддий масала эканлигини тушундим. Бу қўрқув — яширин, аммо ҳеч даф қилиб бўлмайдиган қўрқув ҳиссиётини эди. Уша кечаси унинг чеҳрасида даҳшатли аломатларини пайқаган куним тунда — мен уни бағримга босиб ёлбордим: «Менга бўлган муҳаббатинг ҳаққи, ўзинг учун азизу мўътабар бўлган барча нарсалар ҳаққи, ҳеч нимани яшимай, юрагингни ёз, жоним, не сабабдан бу баҳайбат одам сени бунчалик ташвишга солиб қўйди?»

Шунда эрим ҳамма гапни гапириб берди, эшитиб менинг юрагим орқамга тортиб кетди. Маълум бўлишича, бечора Женнаром ҳали жўшқин табнат, бўйдоқ йигитлик пайтида бутун олами ўзига нисбатан адоватда деб ҳис қилган, шу боис ўзи ҳар куни шоҳид бўлаётган адолатсизликлардан фифони фалак бўлиб юрган. Мана шу кўнгилсизликлар өқибатида, у Неаполдаги «Қизил ҳалқа» бирлашмасига аъзо бўлиб кириб қолган экан — у бирлашма қадимги карбонарийлар¹ ташкилотига ўхшаб кетади. Бу ташкилотнинг сирлари ҳам, унинг аъзолари ичадиган қасам сўзлари ҳам ниҳоятда даҳшатли бўлиб, таъсис этилган қонунга кўра, унинг аъзолигидан чиқиб кетиш мутлақо мумкин эмас экан. Биз Америкага қочиб кетдик, шунда Женнаро, бу мудҳиш оғатдан энди буткул

¹ Карбонийлар — XIX асрнинг бошлирида хорижийлар ҳукмронлигига қарши Италия мустақиллиги учун курашган яширии ташкилот аъзолари.

қутулдим, деб ўйлаган экан. Лекин бир кун кечқурун у күчада барзанги Жоржанони учратиб қолипти — бу одам Неаполда әримни ўз ташкилотига зўрлаб олиб кирган ва жуда кўп кишиларнинг ёстигини қуритиб, тирсагигача қонга ботгани учун, Италияниг жанубида «Ажал» деган лақаб олган экан. У Италия полициясидан қочиб Нью-Йоркка бориб қолипти, борган заҳоти дарров ўша даҳшатли бирлашманинг кичик бир тармоғини тузишга ҳам улгурипти. Бу гапларнинг ҳаммасини менга Женнаро сўзлаб берди ва ўша куни олган хатини кўрсатди: хатга қизил ҳалқа сурати солингган бўлиб, фалон куни, фалон жойда мажлис бўлиши ва бу мажлисда Женинаронинг иштирок этиши шарт деб ёзилган эди.

Бундан ҳеч қандай яхшилик кутиб бўлмасди, аксинча, келажакда оғир мусибатларга гирифтор бўлишимиз муқаррар эди. Жоржано кейинги пайтларда уйимизга деярли ҳар куни танда қўядиган бўлиб қолди, лекин эътибор бериб қарасам, у фақат менга мурожаат қилипти, агар әрим бирон гап айтгудек бўлса ҳам, ёвуз, ваҳшиёна кўзини мендан узмай гапирав эди. Бир куни унинг бу сири аён бўлди. Эмиш, мен унинг қалбida муҳаббат туйғусини уйғотибман — қаранг-а, бу маҳлуқда, бу ваҳшийда муҳаббат туйғуси бор экан. У келгандা Женнаро ҳали ишдан қайтмаган эди. Барзанги яқинроқ қелиб, хари-маридек келадиган қўллари билан мени ўзининг айиқникига ўхшаган кўкрагига босди ва дод солиб, типирчиласимга қарамай мени ўзи билан кетишга ундал, устма-уст ўпаверди. Шу маҳал уйга кириб келган Женнаро унга ташланди. Лекин Жоржано қаттиқ зарб билан әримга мушт тушириб, уни слайтириб қўйди, кейин нима иш қилиб қўйганини фаҳмлаб, уйдан қочиб чиқиб кетди. Энди уйимизнинг эшиги Жоржано учун буткул ёпилган эди. Шу оқшомдан бошлаб у бизнинг ашаддий душманимизга айланди.

Бир неча кундан кейин мажлис бўлди. Женнаро мажлисдан қайтиб келганида, чеҳрасига қараб, мудҳиш фалокат юз берганини фаҳмладим. Бундай фалокатни ҳатто тасаввур қилиш ҳам қийин эди. «Қизил ҳалқа» жамияти одатда бадавлат италияликлардан товламачилик йўли билан маблағ ундиради, агар улар пул беришдан бош тортишса, зўравонлик қилиб тортиб оларди. Бу гал ташкилот аъзолари бизнинг дўстимиз ва валинеъматимиз Қасталоттега таҳдид солишипти. Лекин у босқинчиларнинг таҳдидидан қўрқмапти, улар юборган хатни

полицияга топширибди. Ана шунда «Қизил ҳалқа» аъзолари, Қасталоттени шундай аямай жазолайликки, буни кўриб бошқалар сўзимизни қайтармайдиган бўлишин, деган қарорга келишипти. Мажлисда, Қасталоттенинг уйини, уйга қўшиб ўзини ҳам динамит билан портлатиб юборишга қарор қилишипти. Бу машъум ишни бажарувчи одамни танлаш учун қуръя ташлашипти. Эрим Женинаро қўлини ҳалтага тиқаётib бадқаҳр ғанимининг тиржайиб турганини кўрипти. Турган гапки, ҳаммаси олдиндан уюштирилган, нега десангиз, қизил ҳалқа расми солингган машъум қуръя эримнинг қўлига чиқибди — бу Қасталоттени ўлдириш ҳақидаги буйруқ эди. Женинаро энг жонажон дўстини қатл этиши лозим эди — бу буйруқни бажармаган тақдирда, шериклари унинг ўзини, унга қўшиб мени ҳам жазолашлари муқаррар эди. Бу иблисона бирлашма чекинганлардан ёки хавфли бўлиб тувлган одамлардан қасос оларкан, нафақат ўша одамларнинг ўзини, шунингдек уларнинг яқин хешларини ҳам аямай жазоларди, менинг баҳтиқаро Женинаромнинг бошига ана шундай оғир савдо тушган ва бу савдо уни телба қилиб қўяёзган эди.

Эрим билан икковимиз бир-биrimizning пинжимизга кириб, бошимизга тушган фалокат олдидан бир-биrimизга далда бериб кечаси билан мижжа қоқмай ўтириб чиқдик. Портлатиш эртаси куни кечқурунга тайинланган эди. Лекин чошгоҳ пайтидаёқ эрим билан биз Лондон томон йўл олдик, турган гапки, кетишдан олдин, валинеъматимизни бу хатардан огоҳлантиридик ва уни ҳимоя қилиш учун зарур бўлган барча маълумотларни полицияга хабар қилдик.


Қолган гап ўзингизга маълум, жентльменлар. Биз ўз соямиздан қочиб қутула олмаганимиздек, душманларимиз таъқибидан ҳам халос бўла олмаслигимизни билардик. Биздан ўч олиш учун Жоржанода шахсий сабаблар ҳам бор эди, лекин, шу билан бирга, биз унинг қанчалик бешафқат, маккор ва ниятидан қайтмайдиган ўжар одам эканлигини ҳам билардик. Италияда ҳам, Америкада ҳам Жоржанонинг даҳшатли қудрат эгаси эканлиги ҳақида кўп гапиришади. Ҳозир у ўзининг маана шу имкониятидан албатта фойдаланган бўлар эди. Биз душманларимиздан илдамроқ ҳаракат қилганимиз сабабли, бир неча кун хотиржам яшаш имконига эга бўлдик, менинг суюкли эрим ана шу имкониятдан фойдаланиб, менинг бехавотир ерга жойлаштиришга улгурди. Ўзи эса, Италия ва Америка полицияси билан алоқа

боғлаш учун эркин ҳаракат қилмоқчи бўлди. Мен унинг ҳозир қаерда ва қандай яшаётганидан бехабарман. Унинг тўрисида фақат газетада босилган гапларнигина биламан. Бир куни деразадан мўралаб, мен турган уйни кузатаётган икки италияликни кўриб қолдим, шунда Жоржано биз паноҳ топган уйни аллақайси гўрдан биллиб олганини тушундим. Ниҳоят, Женнаро газета орқали менга маълум бир дераза орқали сигнал беражагини хабар қилди, лекин сигнал фақат эҳтиёт бўлиш кераклигини хабар қилди, кейин бирдан узилиб қолди. Энди мен ҳаммасига тушундим: эрим изига Жоржано тушганини билган, худога шукрки, у билан учрашиш учун пухта тайёрланган. Қани энди менга айтинглар-чи, жентльменлар, биз адлия қонуни бўйича жазога тортиладиган иш қилибмизми, ундан кейин, Женнаронинг бу иши учун унинг устидан айловчи ҳукм чиқарадиган биронта суд борми дунёда?

— Хўш, мистер Грэгсон,— деди америкалик инглиз агентига юзланиб,— сизнинг британияча нуқтаи назарингизни билмайману, лекин Нью-Йоркда аксарият халқ бу хонимнинг эрига энди миннатдорлик изҳор этади.

— Бу хоним мен билан бошлиқ олдига бориши керак,— деб жавоб қилди Грэгсон.— Агар ҳозир айтган гаплари тасдиқланса, унга ёки эрига ҳеч нима таҳдид солмайди, деб ўйлайман. Лекин менинг бошқа нарсага, қандай қилиб бу ишга сиз аралашиб қолганингизга, мистер Холмс, ҳеч ақлим бовар қилмаяпти.

— Илм, Грэгсон, илм! Мен ҳамон дорилфунунда илм оляпман. Дарвоқе, ҳали соат саккиз ҳам бўлмапти, Ко-вент-Гарденда бўлса Вагнернинг операси қўйиляпти. Агар тезроқ юрсак, операнинг иккинчи пардасига етиб борамиз.



ШЕРЛОК ХОЛМС ҮЛИМ ТҰШАГИДА

Шерлок Холмс турған үйнінг бекаси миссис Хадсон ҳақиқиң жафокаш аёл әди. Үйининг иккінчи қаватига кечаси ҳам, кундузи ҳам бир хилда, жуда антиқа, аксар пайт, түркі союқ шахслар ұжум қилишгани етмагандек, маълум ва машхұр ижарагириңнің ўзи ҳам аломат қилиқлари, палапартиш ҳаёт тарзі билан шүрлік бескани аямай, мудом қонига ташна қилар әди. Холмснінг бетартиб ҳаёт кечириши, кечани кеча, кундузни кундуз демай, күнгли тусаган пайтда машшоқлик қилиш одати, вақти-вақти билан үй ичіда түппонча отиб туриши, жуда гаройиб, күнинча бадбүй ҳид тарқатувчи кимёвий тажрибалар ұтказиши, умуман, жиноятлару хавф-хатарлар тұла мұхитда яшашиға қараб, бутун Лондонда ундан иоқулайроқ ижарагир топилмайды деб ҳисоблаш мүмкін әди. Лекин иккінчи томондан олғанда, квартира учун у шоҳона сахийлик билан ҳақ түларди. Биз Холмс билан дўст тутинганимиздан бүён, үйнінг миссис Хадсонга тұлаган ижара ҳақи, аминманки, шу үйни бутунича сотиб олишга ҳам етарди.

Холмснинг куракда турмайдиган барча қилиқлари-га қарамай миссис Хадсон уни бошига күттаргудай эъзозлар ва ҳеч қачон гапини иккита қилмас эди. Қолаверса, аёллар билан ғоятда сертакаллуф, хушмуомала бўлгани учун миссис Хадсон уни беҳад ҳурмат қилар эди. Холмс аёлларни севмас, уларга ишонмас эди, лекин шунга қарамай, уларни ҳамиша рицарона назокат билан эъзозларди. Мен миссис Хадсоннинг Холмсга чин қалбдан ихлос қўйганини билардим, шунинг учун ҳам, бир куни у уйимга ҳаллослаб кириб келиб, бечора дўстимнинг қаттиқ бетоб бўлиб ётганини хабар қилганида, унинг қанчалик изтироб чекаётганини тушундим-у, ўзим ҳам ҳаяжонланиб кетдим.

— У ўлим талвасасида ётипти, доктор Уотсон,— деди миссис Хадсон.— Уч кун бўлди дардга чалинганига, лекин кундан-кун баттар бўляпти. Эртагача бориш-бормасига ҳам кўзим етмайди. У доктор чақиришимни ман қилди. Илло бугун эрталаб юзининг териси таранг тортилиб, кўзининг аломат чақнай бошлаганини кўрдиму ортиқ чидаб туролмадим. «Рози бўлсангиз ҳам, бўлмасангиз ҳам, мистер Холмс, барибир, мен ҳозироқ доктор чақиргани бораман»,— дедим. «Ундаи бўлса, Уотсонни чақириб келинг»,— деб рози бўлди у. Тезроқ отлақолинг, сэр, йўқса, дўстингизни кўролмай қоласиз!

Мен ҳанг-манг бўлиб қолдим, зеро Холмснинг дардга чалинганидан мутлақо бехабар эдим. Шу заҳотиёқ пальто билан шляпамни кийиб йўлга тушдим. Йўл-йўлакай миссис Хадсондан Холмс ҳақида сўрай бошладим.

— Сизга айтадиган гапим кўп, сэр,— деб жавоб қилди у.— Мистер Холмс Розерхайтда, дарё бўйидаги торкўчаларда аллақандай бир ишни текширган экан, на заримда, бу дардни ўша ерда юқтирган бўлса керак. Чоршанба куни туш пайтида ётиб қолганча, ўрнидан турмади. Шу ўтган уч кундан бери ҳеч нима емадиам, ичмадиам.

— Ё тангрим! Ахир нега врач чақирмадингиз?

— У рухсат бермади, сэр. Ўзингиз биласиз-ку, унинг бир сўзли одам эканлигини. Итоат этмасликка ҳаддим сифмади. Лекин ҳозир ўзингиз кўрасиз, шўрликнинг жони узилай-узилай деб ётипти.

Дарҳақиқат, Холмсни кўрган одам қўрқиб кетар эди. Унинг ётоқхонаси туманили ноябрь кунининг фира-шира ёруғида худди зимиштондай кўринарди, лекин унинг ёстиқда ётган чўпдай озғин, сўлғин юзини кўрдим-у, қалбимга гўё ништар санчилгандек бўлди. Кўзлари худ-

ди беэгаги қўзиган одамницидек қовжираб турарди, яноқларига хасталик қизиллиги юргурган, лаблари қорайиб порсин бойлаган эди. Ингичка қўллари кўрпа устида бесаранжон питирлар, ҳирқироқ овози узилиб-узилиб чиқарди. Мен хонага кирганимда, у қимир этмай ётарди, аммо кўзларида бир нима ялт этди — демак, у мени таниди.

— Мана, Уотсон, шунақа кунларга қолдим,— деди у ваиф овоз билан, лекин, барибир, гапининг оҳангидаги ўзига хос ҳазилкашлик аломатлари сезилиб турарди.

— Азиз дўстим! — деб чинқириб юбордим мен, у томон юриб борарканман.

— Тўхтанг! Яқинлашманг! — деб қичқирди у кескин ва амирона оҳангда, у энг танг аҳволга тушган дақиқалардагина шундай оҳангда гапиради.— Агар ёнимга яқин келгудек бўлсангиз, уйдан чиқиб кетишингизни талаб қиласман.

— Нега ахир?

— Негаки, мен шуни истайман. Нима, жавобим тушунарли эмасми?

Ҳа, миссис Хадсон тўғри айтган экан, унинг қайсарлиги ҳали ҳам қолмапти. Лекин кўриниши ҳақиқатан ҳам жуда аянчли эди.

— Ахир мен фақат ёрдам қилмоқчи эдим,— дедим мен.

— Тўғри. Ёрдам бермоқчи бўлсангиз мен айтган ишни қилинг.

— Яхши, Холмс.

У бир оз юшагандай бўлди.

— Хафа бўлмадингизми? — деб сўради нафаси бўғилиб.

Бечора! Унинг шу аҳволда ётганини кўра туриб, қанақасига хафа бўлишим мумкин?

— Сизнинг ғамингизни еб шундай қилдим,— деди у ҳирқироқ овоз билан.

— Менинг ғамимни еб?

— Мен қандай дардга чалинганимни биламан. Бу дарднинг ватани — Суматра. Ҳолландлар бу касал ҳақида биздан кўпроқ билишади, лекин улар ҳам ҳали унчалик яхши ўрганишмаган. Фақат шуниси равшанки, бу касалдан одам, шубҳасиз, ўлади, бунинг устига, у ўта даражада юқумли.

У безгаги ҳуруж қилган одамдай талвасаланиб гапирад, узун қўллари гўё мени ўзидан четлатмоқчи бўлгандай, безовта ҳаракат қиласман.

— Лекин фақат теккан одамга юқади бу касал, Уотсон, тегмасангиз юқмайды! Мендан ўзингизни узоқроқ олинг, шунда ҳаммаси яхши бўлади.

— Ё тавба, Холмс! Наҳотки мени шунга эътибор беради, деб ўйласангиз? Агар ўрнингизда бегона одам бўлганида ҳам, касалини писанд қилмай, даволаган бўлардим. Наҳотки шу нарса сизга, яъни энг жонажон дўстимга нисбатан ўз врачлик бурчимни адо этишим учун халал берса?

Мен яна унга яқинлашмоқчи бўлдим. Лекин у қаттиқ ғазабланиб, мени яқин йўлатмади.

— Агар ўрнингиздан жилмасангиз, сиз билан гаплашаман. Акс ҳолда, бу ердан чиқиб кетишингизга тўғри келади.

Мен дўстимнинг ғайриоддий истеъодини бениҳоя қаттиқ ҳурмат қилиб келаман, шу боис унинг ҳамма топшириқларини, ҳаттоки тушунмаган тақдиримда ҳам, ҳамиша сўзсиз бажарганман. Лекин ҳозир касбим даъватига қулоқ солмоғим шарт эди. Майли, бошқа пайларда Холмс менга истаган буйруғини бераверсин, аммо ҳозир мен беморнинг тўшаги ёнига келган врачман.

— Холмс,— дедим,— сиз бу қилмишингизнинг оқибатини ўйламаяпсиз. Бемор одам бамисоли гўдакка ўхшайди. Шунинг учун, хоҳласангиз-хоҳламасангиз сизни кўриб, даволашга киришаман.

У менга ёвқарашиб қилди.

— Баски, мени мажбуран даволашмоқчи экан, майли, унда, ўзим ишонадиган врач боқсан.

— Бундан чиқди, сиз менга ишонмайсиз?

— Дўстлигингизга ишонаман, албатта. Аммо ҳақиқатдан кўз юмиб бўлмайди. Сиз, Уотсон, очифини айтганда, тажрибаси ва ихтисоси чекланган оддий бир врачсан. Бу гапларни юзингизга айтиш мен учун қанчалик оғир бўлмасин, лекин айтмай иложим йўқ.

Бу энди мен учун қаттиқ ҳақорат эди.

— Бу сизнинг гапингиз эмас, Холмс. Бу нарса асабингизнинг чатоқлашганидан далолат беради. Майли, агар менга ишонмас экансиз, зўрламайман. Бас, шундай экан, ижозат беринг, сэр Жаспер Микли, ёки Пензор Фишерни, ё бўлмаса, Лондоннинг энг тажрибали врачларидан бирини олиб келай. Ҳар на бўлганда ҳам кимдир сизни кўриб қўйиши керак-ку. Мен сизнинг ўлим тўшагида ётганингизга бепарво қараб тура олмайман, агар шундай деб ўйласангиз қаттиқ янгишасиз.

— Сиз менга яхшилик қилмоқчисиз, Уотсон,— деди

Холмс заиф инграб.— Лекин ағар истасаңгиз, сизнинг медицинада саводсиз эканлигингизни исботлаб бераман. Қани, марҳамат қилиб айтинг-чи, Тапанули вилоятининг безгаги ёки Формоза оролининг қора күйдиргиси ҳақида нималарни биласиз?

— Ҳеч қачон эшитмаганман бунақа дардларни.

— Шарқда, Уотсон, жуда кўп ғаройиб касалликлар, ғайримеъёрий дардлар кўп учрайди.— Холмс куч йигиб нафасини ростлаб олиш учун ҳар бир жумладан кейин тўхтаб-тўхтаб оларди.— Мен буни сўнгги пайтларда медицинага таалуқли бир жиной ишни ўрганиш муносаботи билан тушуниб олдим. Назаримда, ана шу тадқиқот пайтида ўзимга ҳам юқсан бўлса керак бу касал. Сиз менга ёрдам қилишга ожизсиз, Уотсон.

— Бўлса бордир. Лекин яқинда тасодифан эшитиб қолувдим: тропик касалликларнинг дунёда энг йирик мутахассиси доктор Энстри ҳозир Лондонда экан. Эътиroz билдираманг, мен ҳозироқ уни чақириб келай!

Шундай деб шартта эшик томон бурилдим.

Ё алҳазар! Ҳеч қачон бунчалик қаттиқ ҳайратланмаган эдим! Үлим тўшагида ётган бемор шу лаҳзадаёқ бирдан худди йўлбарсдек сапчиб йўлимни тўssa бўладими... У эшик калитини «шарақ» этиб бурдию шундан кейин, яна ўзини каравотга таппа ташлаб, ақл бовар қилмайдиган бу шижоатидан сўнг ҳансираф нафас ола бошлади.

— Барибир, куч ишлатиб калитни тортиб ола олмайсиз, Уотсон. Қопқонга илиндингиз, Уотсон. Қопқонга илиндингиз, азизим! Энди, то ўзим рухсат бермагувимча, шу ерда ўтириб турасиз. Лекин сиз ҳеч нарсанинг ташвишини қилманг. (У қийналиб нафас олганидан, овози титраб чиқарди.) Сиз менга ёрдам қилмоқчисиз, бунга имоним комил. Майли, сизнингча бўлсин, лекин фақат бир оз ўзимга келиб олишимга имкон беринг. Бир оз сабр қилинг, Уотсон. Ҳозир соат тўрт. Соат олтида сизни қўйиб юбораман.

— Ахир бу телбалик-ку, Холмс!

— Бор-йўғи икки соат, Уотсон. Сўз бераман, соат олтида жўнаб кетасиз. Сабр қиласизми?

— Бошқа иложим йўқ, ахир.

— Ҳа, балли. Раҳмат, Уотсон, кўрпамни ўзим тўғрилай оламан. Ўзингизни мендан нарироқ олинг. Яна битта шартим бор, Уотсон. Сиз менинг олдимга доктор Энстрини эмас, балки ўзим танлаган одамни бошлаб келасиз.

— Розиман.

— О, бугун бу ерга кириб келганингиздан бери айтган биринчи бамаъни сўзингиз шу бўлди, Уотсон. Сиз ҳозирча анави токчага терилган китоблар билан машғул бўлинг. Мен бир оз толиқдим... Қизиқ, тахтадан ток ўтказишга уринган электр батарея нималарни ҳис қилар экан?. Сиз билан, Уотсон, соат олтида суҳбатимизни давом эттирамиз.

Лекин Холмснинг бояги йўлбарсдек ҳамласидан ҳам ҳайратлироқ бир ҳол содир бўлдию суҳбатни белгилangan вақтдан анча олдинроқ бошлашга тўғри келди.

Мен каравотда қимири этмай ётган гунг қиёфага тикилганча бир неча минут туриб қолдим. Холмс юзини кўрпа билан буркаб олган, пинакка кетгандек туюларди. Мен мутолаа қиладиган ҳолатда эмас эдим, шунинг учун хона ичидан айланиб юриб, машҳур жиноятчиларнинг деворларга осилган фотографияларини томоша қила бошладим. Шу зайлда мақсадсиз айланиб юриб, ниҳоят камин олдига бориб қолдим. Камин супачасида тамаки халталару трубкалар, шприцлар, қаламтарошлар, револьвер патронлари ва бошқа ҳар хил икир-чикир нарсалар айқаш-үйқаш бўлиб ётарди. Фил суюгидан ясалган, қопқоғи сурилиб очиладиган оқ гуллар билан безатилган қора бир қутича диққатимни ўзига тортиди. Бу ниҳоятда бежирим нарса эди, шунинг учун яхшироқ кўздан кечириш мақсадида унга энди қўлимни узатганимни биламан, бирдан...

Холмс шундай қаттиқ чинқириб юбордики, овозини кўччанинг энг охирида турган одамлар ҳам эшлишиган бўлса ажаб эмас. Бу мудҳиш ҳайқириқдан этим жимирлаб, эсим чиқиб кетди. Мен орқамга қайрилиб, Холмснинг бужмайиб, ўзгариб кетган юзини, телбаларча бақрайган кўзларини кўрдим. Мен қутичани маҳкам ушланганча тош қотиб қолган эдим.

— Қутичани жойига қўйинг! Тезроқ қўйинг, Уотсон, тезроқ, деяпман сизга!

Қутичани жойига қўйдим, шу заҳоти у енгил тортиб бир хўрсиидию бошини ёстиққа ташлади.

— Ўзингиз яхши биласизки, Уотсон, менинг парсаларимга қўл теккизишларини хуш кўрмайман. Нега ҳадеб бошимни айлантириб, уёқдан-буёққа танда қўяверасиз? Врачсиз-ку ахир, бунақада bemoringизни жинни қилиб қўйишингиз ҳеч гапмас! Ўтиринг, мени ҳам тинч қўйинг.

Бу кўнгилсиз ҳол менга ишоятда ёмон таъсир қил.

ди. Одатда вазмин табиат бўлган Холмснинг бу дағалиги, дабдурустдан бесабаб ваҳшиёна бақириб юбориши асаб фаолиятининг буткул ишдан чиққанидан далолат берар эди. Буюк заковат соҳиби инқирозга учраётган эди — бундан ҳам қайғулироқ нарса бўлиши мумкини? Мен то тайинланган вақт бўлгунча энг аянчли кайфиятда стулда сукут сақлаб ўтирдим. Афтидан, Холмс ҳам вақтни кузатиб ётган бўлса керак, соатнинг миллари олтини кўрсатиши ҳамоноқ у яна боягидек талвасала-ниб гапира бошлади.

— Уотсон,— деди у,— ёвингизда майда пулингиз борми?

— Ҳа.

— Кумуш тангаларми?

— Ҳа, анча-мунча.

— Қанча?

— Бешта ярим кроналик.

— Кам, жудаям кам!— деди у.— Афсус! Лекин шунга қарамай, сиз ўша тангаларингизни соатчўнтағингизга солиб қўйинг, қолган пулларингизни эса шимингизнинг чап чўнтағига солинг. Раҳмат. Бу нарса сизни қисман бўлса-да, мувозанатда сақлайди.

Бу энди, шубҳасиз, ақлдан озиш эди. У бир сеска-ниб, ё йўталди, ё уни ҳиқиҷоқ тутди.

— Энди, Уотсон, газ чироқни ёқинг, газ қулоғини фақат ярмиғагина очинг. Утинаёнан, эҳтиёт бўлинг. Яхши, раҳмат. Йўқ, дераза пардасини ёпманг. Энди, Уотсон, анави ерда қанд майдалайдиган қисқич ётипи — кўряпсизми? Илтимос, ўша қисқич билан камин токчасидаги анави қутичани олинг-да, жуда эҳтиётлик билан манави стол устига, қофозлар орасига қўйинг. Жуда соз! Мана энди, боринг-да, менинг олдимга мистер Кэльвертон Смитни бошлаб келинг. Унинг адреси: Лоуэр-Бэрк-стрит, 13-инчи уй.

Ростини айтсан, тезроқ врач олиб келишга бўлгани интилишим энди анча совиган эди, негаки, бечора дўстим жон талвасасида алаҳлай бошлаганидан, уни ёлғиз ташлаб кетишга қўрқардим. Бироқ энди унинг ўзи, тезроқ Смитни бошлаб келинг, деб талаб қила бошлади, боя қандай ўжарлик қилиб, ҳар қандай ёрдамдан боштovлаган бўлса, энди Смитни олиб келишни шундай ўжарлик билан талаб қиларди.

— Ҳеч қачон эшифтмаган эканман бу исмни,— дедим мен.

— Бўлиши мумкин, азизим Уотсон. Яна шу нарса

сизни ажаблантириши мумкини, касалимнинг дунёда тенги йўқ мутахассиси—врач эмас, балки плантация хўжайинидир. Мистер Кэлвертон Смит — мудом Суматра оролида яшайди, у ерда у жуда таниқли одам, Лондонга эса иш юзасидан келган. Унинг плантациялари медицина муассасаларидан узоқда бўлганлиги сабабли, анча-мунча қулининг ёстиғини қуритган бу дардни ўзи тадқиқ қилишга мажбур бўлгани ва бу соҳада кўпгина муваффақиятга эришган. Смит жуда режали одам. Мен сизни соат олтигача ушлаб ўтиредим, чунки вақтлироқ борганингизда, уни уйидан топа олмаслигинизни билардим. Мана энди, агар сиз уни менинг олдимга келишга ва медицинанинг бу соҳасидаги беназир билими ни қўллаб, мени муолажа қилишга кўндира олсангиз, у албатта мени асрраб қолади.

Мен Холмснинг бу сўзларини равон жумлаларда баён қиляпман. Аслида, у нафаси қисганидан, ҳар сўздан кейин тўхтаб-тўхтаб, қўлларини асабий талваса билан ўйнатиб гапирадики, бу ҳол унинг қаттиқ азоб чекаётганидан далолат берарди. Мен Холмснинг ёнида бўлганим вақт ичиде унинг ташқи кўриниши янада ёмонлашди. Еноқларида иситма ҳуружидан пайдо бўлган қизиллик қирмизи рангга кирди, кўз косаларига чуқур ботган кўзлари яна ҳам кучлироқ порлади, пешонаснин ўқтин-ўқтин совуқ тер қоплай бошлади. Шунга қарамай унинг гаплари ҳамон мазмунли ва аниқ эди. Ҳа, бу одам то сўнгги нафасигача ҳам асло айнимайди!

— Сиз унга менинг ҳозирги аҳволим ҳақида муфасал сўзлаб беринг,— деди у.— Сизда қандай таассурот қолдирганимни баён қилиб, алаҳлаётганимни, ҳадемай жон қазо қилишим мумкинлигини айтинг. Ҳеч тушунга олмаяпман, нега энди океанинг бутун қаъри қатлам-қатлам устрицалар¹ билан қопланмагани экан — ахир улар жуда тез кўпайишади-ку. Оҳ, яна алжий бошладим! Қизиқ, қандай қилиб мия ўзини назорат қилас экан-а... Нима деётувдим, Уотсон?

— Сиз мистер Кэлвертон Смит ҳақида фармойиш бераётувдингиз.

— Ҳа-я, эсимга тушди. Менинг ўлмай қолишим ўша одамга боғлиқ, Уотсон. Қандай қилиб бўлмасин, уни келишга кўндиринг. У билан ўртамиздаги муносабат яхши эмас. Унинг жияни ўлиб қолди, Уотсон... Бу ўлимда мен унинг қўли бор деб шубҳалангандим, у ана шу

¹ Устрица — еса бўладиган инглиз моллюскаси.

ниятимни сезиб қолди. Йигит жуда ёмон қийналиб ўлди, Смит мендан хафа. Бутун күчингизни ишга солиб, унинг кўнглини юмшатинг, Уотсон. Илтижо қиласизми, ёлборасизми, нима қилсангиз ҳам, уни бу ерга олиб келинг. Фақат у мени ўлимдан қутқариб қолиши мумкин, ёлғиз ўша!

— Сўз бераман, уни албатта ўзим билан бирга кэбга тушириб олиб келаман, агар уни кэбга кўтариб олиб чиқишга тўғри келган тақдирда ҳам.

— Йўқ, бундай қилиш керак эмас. Сиз фақат уни келишга кўндиришингиз лозим. Ўзингиз эса, ундан олдинроқ қайтиб келинг. У билан бирга келмаслик учун бирон баҳона ўйлаб топинг. Ёдингизда бўлсин, Уотсон, тағин менга панд бериб қўйманг. Ахир сиз менга ҳеч қачон панд берган эмассиз-ку. Ҳеч шубҳа йўқки, қандайдир табиий душманлар устрицаларнинг кўпайишига тўсқинлик қилишяпти. Сиз билан биз, Уотсон, қўлимиздан келган ҳамма ишни қилдик. Наҳотки бутун дунёни устрицалар босиб кетса? Йўқ, йўқ, бу ниҳоятда даҳшатли маизара бўлади. Сиз унга ўз таассуротингизни имкони борича аниқроқ баён қилиб беринг.

Мен худди гўдак боладек пойма-пой гапираётган бу энг донишманд инсон қиёфасини хотирамга жо қилганча жўнаб кетдим. У менга калитни берди, шунда кўнглимга, Холмс эшикни ичида беркитиб олмасин учун калитни ўзим билан олиб кетаман, деган бамаъни бир фикр келди. Йиғлайвериб хун бўлиб кетган миссис Хадсон мен йўлакда кутиб турарди. Мен уйдан чиқарканман, Холмс аллақандай бетайин бир қўшиқни чинқириб куйлай бошлади. Мен кэб тутаман деб кўчада турганимда, туман орқасидан қора бир шарпа чиқиб менга яқин келди.

— Мистер Холмснинг соғлиғи қалай? — деб сўради у.

Бу шарпа эски танишимиз — Скотленд-Ярд инспектори Мортон бўлиб, у гражданча кийинган эди.

— Жуда ёмон,— деб жавоб қилдим мен.

У менга жуда ғалати қараб қўйди. Унинг нигоҳи агар бунчалик ғайритабиий бўлиб туюлмаганда, эшик тепасидаги деразадан тушиб турган чироқ шуъласида, унинг чеҳрасида мамнуният аломатини кўрдим, деб ўйлаган бўлардим.

— Ҳа, мен ҳам эшитдим,— деди инспектор.

Шу пайт кэб келиб тўхтадию биз у билан хайрлашдик.

Лоуэр-Бэрк-стрит Хоттинг-Хилл билан Кенсингтон

оралиғидаги мұхташам иморатлар тизмасидан иборат күча әкан. Мен түшган кәб ғоят жиддий ва салобатли бир бино олдида тұхтади: бино қадимги модадаги темир панжаралар билан үралған, икки тавақали вазмин эшигига ялтироқ мис тутқычлар үрнатылған әди. Бу умумий таассуротта электр чироғи шуъласи остида останада пайдо бўлған баҳайбат гавдали хизматкор жуда мос тушар әди.

— Ҳа, мистер Кэлвертон Смит уйда. Доктор Уотсон? Яхши, сэр, марҳамат қилиб ташрифноманғизни берсангиз.

Назаримда, менинг одмигина исмим ва жайдари касбимни мистер Кэлвертон Смит унчалик менсимаганга үхшайди. Мен қия очиқ турған әшикдан унинг аса-бийлашган чинқироқ овозини әшийтдим.

— Қим ўзи ү? Нима керак әкан? Сизга неча марта айтдим, Стэплс, иш билан банд бўлған пайтимда менга ҳалал берманг деб.

Хизматкорнинг паст овоз билан таскин берәётгани әшитилди.

— Мен уни қабул қилмайман, Стэплс. Ишимга ха-лақит берганларни ёмон кўраман. Мен уйда йўқман, чиқиб шундай деб айтинг. Агар унга керак бўлсам, майли, эрталаб келсин.

Яна хизматкорнинг оҳиста гўлдирагани әшитилди.

— Боринг, чиқиб шундай деб айтинг. Хоҳласа эрта-га эрталаб келсин, хоҳламаса, бутунлай кел-масин.

Мен, ёрдам келишини кутиб дақиқаларни санаб ёт-ган, алаҳсираб каравотда ўзини ҳар ёққа отаётган Холмсни күз олдимга келтирдим. Андиша қилиб ўтира-диган пайт әмас әди. Холмснинг ўлмай қолиши менинг ғайратим ва шижоатимга боғлиқ әди. Хизматкор ўз со-ҳибининг жавобини чиқиб менга айтишга улгурмай, ўзим уни четга итариб юбориб хонага кирдим.

Камин яқинидаги креслода ўтирган одам бирдан га-забланиб кетиб қаттиқ чинқириб юборди ва сапчиб ўр-нидан туриб кетди. Унинг заъфарон ялпоқ юзи жуда бесўнақай, қўшқават бағбақаси салмоқдор, дарғазаб қўйкўзлари паҳмоқ, малла қошлари остидан менга ўқ-райиб боқарди. Қизғиранг кал бошидаги духоба қал-поқчаси олифталик билан қийшайтириб кийилған, унини бошчаноғи хумдек каттакон әди. Лекин нигоҳимни паст-роққа қаратиб, унинг кичкинагина, рамақиҷон, бола-лигидиа ширзада касали билан оғриғанлигидан бўлса

көрак елкаси билан орқаси, букчайиб қийшайган жусасини кўриб ҳанг бўлиб қолдим.

— Бу қанақаси? — деб бақирди у чийилдоқ овоз билан. — Қандай тушуниш көрак бу берухсат бостириб киришингизни? Ахир хизматкоримга айтдим-ку, сизни эртага эрталаб келсин деб.

— Афв этасиз,—дедим мен,—лекин бу ташрифимни кейинга қолдириб бўлмайди. Мистер Шерлок Холмс...— Дўстимнинг исми жиккак одамга ғалати таъсир этди. Унинг ғазаби зумда сўнди, чеҳраси жиддийлашиб, ҳушёр тортиди.

— Сизни Холмс юбордими? — деб сўради у.

— Тўғри унинг олдидан келяпман.

— Холмсга нима бўлди?

— У жуда, жуда оғир бетоб. Шунинг учун ҳам ҳузвурингизга келдим.

Уй соҳиби менга стул таклиф қилиб, ўзи креслоси томон ўгирилган эди, камин тепасидаги кўзгуда унинг чеҳраси акс этди. Ё қудратингдан, онт ичиб айтаманки, кўзгуда жирканч ва ёвуз истеҳзо акс этди. Аммо шу оннинг ўзида, бу асабдан бўлса көрак, деб ўзимни ўзим ишонтирдим; бир дақиқадан кейин, у яна мен томонга ўгирилганида, чеҳрасида самимий қайғу акс этарди.

— Бу гапни эшитиш мен учун жуда оғир,— деди у.— Мен мистер Холмс билан фақат иш юзасидан учрашганим, аммо уни ҳам истеъоди учун, ҳам шахсий фазилатлари учун жуда ҳурмат қиласман. У жиноятлар билимдони, мен бўлса қасалликлар пириман, у ёвуз одамлар билан шуғулланади, мен — микроблар билан шуғулланаман. Мана менинг хulosаларим,— деб гапида дадом этди у девор ёнидаги столчада турган шишалару банкаларга ишора қилиб.— Мана шу елимшак микроорганизмлар ичida ниҳоятда хавфли жиноятчилар жазо муддатини ўтамоқдалар.

— Холмс сизни айнан мана шу ноёб мутахассислигиниз туфайли кўришга муштоқ бўлиб ётипти. У сизни ниҳоятда юксак баҳоламоқда, унинг фикрича, бутун Лондонда ёлғиз сиз унга ёрдам беришга қодир экансиз.

Жиккак одам бир сесканиб тушди, шунда унинг чаккасига қўндирилган қалпоқчаси бошидан тушиб кетди.

— Нима учун ахир? — деб сўради у.— Нима учун мистер Холмс, унга айнан мен ёрдам беришим мумкин, деб ўйлаяпти.

— Негаки, сиз шарқ қасалликларини яхши биласиз.

— Лекин нега энди у ўз дардини шарқ қасаллиги деб ўйлаяпти?

— Чунки у докда хитой матрослар орасида ишлаган экан.

Мистер Қэлвертон Смит мулойим жилмайиб қўйди ва энгашиб ердан қалпоқчасини олди.

— Шунаقا денг,— деди у.— Унинг аҳволи сиз ўйла-ганчалик хавфли бўлмаса керак, деган умиддаман. У қанча вақтдан бери бетоб?

— Сал кам уч кундан бери.

— Алаҳляяптими?

— Ўқтинг-ўқтинг.

— Ҳм! Бу чатоқ. Унинг илтимосини инобатсиз қолдириш инсофдан бўлмаса керак. Мен, ишимга халақиң қилишларини сира ёқитирмайман, доктор Уотсон, лекин бу — фавқулодда ҳодиса, албатта. Яхши, ҳозироқ сиз билан бораман.

Шунда Холмснинг тайинлаб айтган гапи эсимга тушди.

— Мени бошқа ерда кутишяпти,— дедим мен.

— Яхши, унда ўзим бораман. Мистер Холмснинг адреси менда ёзилган. Ярим соатдан кейин унинг олдида бўламан.

Мен Холмснинг ётоқхонасига юрагимни ҳовучлаб кириб бордим. Шу ўтган вақт ичидаги энг машъум ҳол юз бериши мумкин эди. Ваҳоланки, дўстимнинг аҳволи анича енгиллашган эди — буни кўриб елкамдан тоғ ағдарилигандай бўлди. Тўғри, унинг ранги худди мурданикдек геззарган, аммо бояги алаҳлашидан асар ҳам қолмаган эди, у, гарчи заниф овоз билан бўлса ҳам, аниқ ва равон гапиради.

— Уни кўрдингизми, Уотсон?

— Ҳа, ҳозир етиб келади.

— Жуда соз, Уотсон, жуда соз. Сиз хушхабар келтирувчилар ичидаги энг яххисисиз.

— У мен билан бирга келмоқчи бўлди.

— Бунга асло йўл қўйиб бўлмас эди. Уотсон. Бу асло мумкин эмас эди. У касалим сабабини сўрадими?

— Мен унга Ист-энддаги матрослар ҳақида сўзлаб бердим.

— Жуда тўғри! Сиз ҳақиқий дўстнииг ишинн қилингиз. Энди сиз, Уотсон, саҳнадан чиқиб кетишингиз мумкин.

— Мен уни кутиб олиб, фикрини эшитишим керак ахир, Холмс.

— Гапингиз түгри. Лекин агар у билан юзма-юз гаплашсак, фикрини анча очиқроқ баён қилади, менимча. Каравотимнинг бошида сиз учун етарли хуфия жой бор, Уотсон.

— Лекин... азизим Холмс!..

— Ўлайманки, бошқа иложингиз йўқ, Уотсон. Бу хонада шу ердан бошқа биронта ҳам беркинадиган жой йўқ, қайтага яхши бўлди, шубҳа уйғотмайди. Лекин бу ернинг, Уотсон, бу ернинг ҳеч хатарли томони йўқ.

Холмс ўрнидан шахт туриб ўтириди. Унинг сўппайиб қолган юзида қатъият акс этарди.

— Кўчадан кэб ғилдиракларининг овози келяпти, Уотсон. Тезроқ, агар мени яхши кўрсангиз, тезроқ беркининг. Бу ерда нима ҳол юз бермасин, қимир этмай ўтиринг. Тушундингизми, нима бўлганда ҳам қимирламанг? Гапирманг ҳам, қимирламанг ҳам. Фақат гапларимизни ниҳоятда дикқат билан эшитинг.

Шундан кейин, унинг тўсатдан дармони қуриб, рабон ва дадил нутқи алаҳлаб ётган одамнинг заиф, ноаник гўлдирашига айланди қолди.

Мен бу пана жойга кирган заҳотим, зинадан чиқиб келаётган оёқ товушини, кейин ётоқхона эшигининг очилиб ёпилганини эшитдим. Сўнг анча вақтгача хона жимжит бўлиб қолди, бу ҳол мени ҳайрон қолдирди; бу жимжитликни фақат беморнинг оғир-оғир ҳансирашигина бузажетган эди. Мен меҳмоқимназнинг каравот олдига келиб, дард азобида ётган касалга тикилиб турганини кўз олдимга келтирдим. Мана, ниҳоят, бу ғайри-табиии сокинлик тугади.

— Холмс!— деди Смит худди ғафлатда ётган одамини уйғотаётгандек оҳангда.— Холмс! Мени эшитяпсизми?— Қулоғимга каравотнинг ғижир-ғижири эшитилди, демак меҳмон беморнинг елкаларидан ушлаб, қаттиқ қаттиқ силкитаётган бўлса керак.

— Сизмисиз, мистер Смит?— деб пичирлади ниҳоят Холмс.— Келишиғизга кўзим етмаган эди.

Смит кулиб юборди.

— Қанақасига кўзингиз етсин,— деди у.— Лекин шунга қарамай, кўриб турибсизки, мана, келдим. Ёмонликка яхшилик қилмоқчиман, Холмс, ёмонликка яхшилик.

— Бу ишингиз яхши, бу — сизнинг олижаноблигиниз. Мен сизнинг илмингизни юксак қадрлайман.

Меҳмонимиз ҳиринглади.

— Шукрки, бутун Лондонда менинг илмимни ёлғиз

сизгина қадрлай оласиз. Сизга нима бўлганини била-
сизми?

— Ушанинг ўзи,— деди Холмс.

— Шунақа денг! Симптомларини¹ ҳис қиляпсизми?

— Ҳа, жуда аниқ ҳис қиляпман.

— Ҳа, ажаб эмас, Холмс. Касалингиз ўша касал эканлиги эҳтимолдан холи эмас. Агар шу тўғри бўлиб чиқса, ишингиз чатоқ. Бечора Виктор тўртинчи кунга ўтганда ўлган эди, лекин у сиздан бақувватроқ, соғломроқ, ёшроқ эди. Ўшанда жуда кам учрайдиган бу Осиё касалини Виктор Сэвеж Лондоннинг қоқ ўртасида қандай юқтиргани, боз устига, унинг камина маҳсус тадқиқ қиласётган касал билан оғригани сизга ғалати туяулган эди. Ҳа, бу икки ҳол ўртасида қандайдир узвийлик мавжуд, Холмс. Сиз буни омилкорлик билан фаҳмладингиз, аммо ўлимнинг сабаби ва оқибатини айнан шу нарсадан қидириш керак деб таъкидлашингиз олижаноблик бўлмади.

— Бу сизнинг ишингиз эканлигини билардим.

— Ие, шунақа денг, билармидингиз? Лекин ҳеч нимани исботлай олмадингиз. Олдинига мени жипоий ишда айбдор қилувдингиз, энди фалокат ўз бошингизга тушганда, оёқларимни ўпгудек бўлиб, зорланиб ёрдам сўраяпсиз — ахир бу ишингиз яхшими? Буни нима деб аташ керак? А?

Қулоғимга беморнинг қийналиб хириллаб нафас олаётгани эшитилди.

— Менга сув беринг,— деб пичирлади у энтикиб.

— Сиз ҳадемай тўнғиз қўпасиз, тасаддуқ. Аммо мен сиз билан гаплашиб олмагунимча бу ердан кетмайман. Фақат шу ниятда сизга сув бераман. Ўшланг! Чайқатманг. Ҳа, балли. Нима деётганимни тушуняпсизми ўзи?

Холмс ингради.

— Қандай бўлмасин, менга ёрдам қилинг. Ўтган гапга салавот,— деб пичирларди у.— Мен ўша ишни бутунлай унутаман. Онт ичаман. Фақат мени даволанг, ҳаммасини унутаман.

— Нимани унутасиз?

— Виктор Сэвежнинг ўлими сирини. У сизнинг ишингиз эканлигини ҳозир ўзингиз эътироф этдингиз. Мен буни унутаман.

— Унутасизми, унутмайсизми — ихтиёрингиз. Барibir, гувоҳлар орасида сизни кўрмайман. Сиз унда мут-

¹ Симптом — касаллик аломати.

лақо бошқа дунёда бўласиз, азизим Холмс. Сиз жиянимнинг нимадан ўлганини биласиз, ҳай, нима бўляпти шунга? Ҳозир гап мен тўғримда эмас, сиз ҳақингизда боряпти.

— Ҳа, ҳа.

— Менинг ҳузуримга юборган дўстингиз,— унинг исмни унудим — сизни Ист-Энда, матрослар орасида бу дардга чалинган, деб айтди.

— Мен буни фақат шундай изоҳлай оламан.

— Сиз ўз фаросатингиз билан фахрланасиз, Холмс! Узингизни жуда билағон ҳисоблайсиз, шундай эмасми? Аммо сиздан ақллироқ одам ҳам бор. Яхшилаб ўйлаб кўринг, Холмс, бу касални сиз бошқа йўл билан юқтirmаганмиkinsiz?

— Мен, ўйлай олмайман. Қаллам ишламаяпти. Худо хайрингизни берсин, ёрдам қилинг.

— Ҳа, ёрдам қиласман сизга, воқеа қандай бўлганини тушуниб олишингизга ёрдам бераман. Зоро ўлимингиз олдидан бу сирни билиб олишингизни истайман.

— Илтимос, оғриқни босиш учун бирон нима берингі!

— Аҳ-ҳа, оғриқ пайдо бўлдими? Ҳа, менинг қулларим ҳам ўлими олдидан оғриққа чидолмай чинқиришган эди. Томир тортишганда бўладиган оғриққа ўхшаяптими?

— Ҳа, ўхшаяпти.

— Ҳечқиси йўқ, бу оғриқ гапимни эшитишингизга халақит қилмайди. Қулоқ солинг! Қасал бўлишингиз арафасида ҳаётингизда биронта гайриоддий воқеа юз берганини эслай олмайсизми?

— Йўқ, йўқ, ҳеч нима юз бергани йўқ.

— Яхшилаб ўйлаб кўринг.

— Ўйлаб олмайман, бошим қаттиқ оғрияпти.

— Майли, унда ўзим ёрдамлашаман. Сиз почта орқали бирон нима олганингиз йўқмиди?

— Почта орқали?

— Масалан, қутича.

— Тинкам қуриб кетяпти,вой, ҳозир ўлиб қоламан!

— Гапимни эшитинг! Холмс! — Билишимча, у ўлар ҳолатда ётган беморнинг елкасидан ушлаб силкита бошлиди шекилли. Мен беркиниб олган еримда ўзимни вўрға босиб ўтирадим.— Сиз гапларимни эшитишингиз керак! Фил суюгидан ясалган қутича эсингиздами? Сиз уни чоршанба куни олгансиз. Ўни очгансиз... эсингиздами?

— Ҳа, ҳа, уни очувдим, ичида ўткир пружина бор экан. Қимдир ҳазил қилган...

— Бунинг ҳазил эмаслигига ўзингиз ҳам ўша заҳоти ишонч ҳосил қилгансиз. Ўзингиздан кўринг, тентак одам. Қим сиздан сўраган эди менинг йўлимга ғов бўлишни? Менга тегмаганингизда, мен ҳам сизни бу аҳволга солмаган бўлардим.

— Эсимга тушди!— деди Холмс ҳансира.— Пружина! У баданимга тегиб қонатиб юборган эди. Ана ўша қутича, столда турипти.

— Ҳа, бу ўша! Ҳозир менинг чўнтағимга тушади ю кўздан ғойиб бўлади. Натижада, биронта ҳам далил исбот қолмайди сизда. Мана шунаقا, Холмс, сиз бор ҳақиқатни билиб олдингиз, демак, қотилингиз мен эканлигимни билиб ўласиз энди. Сиз Виктор Сэвежнинг ўлеми ҳақида жуда кўп нарса билардингиз, шунинг учун сизни унинг қисматига шерик қилдим. Сиз тез орада ўласиз, Холмс. Мен шу ерда ўтириб, қандай жон бериншигизни томоша қиласман.

Холмснинг овози яна ҳам пасайиб, зўр-базўр бир нималарни пичирлади.

— Нима дедингиз?— деб сўради Смит.— Газни буранг деяпсизми? Ҳа-а, шарпалар кўрина бошладими? Ҳа, газчироқни бураб ёритаман, шунда сизни яхшироқ кузатаман.— У хонанинг нариги бурчагига ўтди, шу пайт бирдан бутун хона ялт этиб ёришиб кетди.— Яна қандай хизматингиз бор, айтаверинг, дўстим?

— Гугурт билан папирос!

Севингганимдан қийқириб юборишимга сал қолди. Холмс энди ўзининг аввалги табиий овози билан гапира бошлаган эди, тўғри, овози ҳозир бирмунча заиф эди, аммо у менга жуда яхши таниш бўлган овоз эди. Хона узоқ сукутга толди, шунда мен Қэлвертон Смитнинг ҳайратдан гунг бўлиб Холмсга тикилиб қолганини ҳис қилдим.

— Буни қандай тушунмоқ керак?— деди у ниҳоят қуруқ ва дағал овоз билан.

— Берилган ролни тўлақонли қилиб ижро этишнинг энг яхши усули,— деди Холмс,— ўша ролнинг ичига кириб кетмоқликдир. Гапимга ишонинг, уч кундан бери ҳеч нима емадим ҳам, ичмадим ҳам, то сиз ҳозир илтифот кўрсатиб бир стакан сув узатганингизга қадар. Лекин ҳаммада! ҳам чеколмаганимдан қаттиқ қийналдим. О, мана папирос!— Мен гугурт чақилганини эшитдим.—

Хайрият-е, анча енгил тортдим. О-ҳо, ана, дўстим ҳам келяпти шекилли.

Ташқаридан кимнингдир оёқ товуши эшитилди, эшик очилиб, хонага инспектор Мортон кирди.

— Ҳаммаси жойида. Уни олиб кетишингиз мумкин,— деди Холмс.

— Сиз Виктор Сэвежнинг қотили сифатида айбланиб қамоққа олиндингиз,— деди инспектор.

— Яна, Шерлок Холмсни ўлдириш учун суюқасд қилганликда ҳам айбланади, деб илова қилишингиз мумкин,— деди дўстим мийифида кулганча.— Мистер Кэлвертон Смит беморни уринтирмаслик учун, ўзи газни охиригача бураб сизга сигнал берди, инспектор. Дарвоқе, маҳбус камзулининг ўнг чўнтағида кичкинагина қутича бор. Уни олиб қўйинг. Миннатдорман. Бу қутичани ниҳоятда эҳтиёт бўлиб ушлаш керак. Мана бу ерга қўйинг. Ҳали у судда керак бўлади.—Шу пайт кескин бир талпиниш, кураш, бунинг оқибатида, темирнинг шарақлаши ва Смитнинг оғриқдан чинқириб юборгани эшитилди.

— Фақат ўзингизни майиб қилишингиз мумкин,— деди инспектор.— Жим туринг!

Қулоғимга қўлкишанинг «шиқ» этиб қулфлангани эшитилди.

— Ҳали шунақами? Қопқон-ку бу!— деб чийилдоқ овоз билан чинқириди Смит.— Бу қилмишингиз учун қора курсига сиз ўтирасиз, Холмс, мен эмас. У ўзини даволатгани чақириувди мени. Мен унинг ҳолига ачиниб келақолувдим. Энди у, турган гапки, менинг оғзимдан қандайдир тутуруқсиз гап эшитилганини таъкидлай бошлайди, бу билан у ўзи ўйлаб топган телбаёна шубҳаларини тасдиқламоқчи бўлади, албатта. Майли, Холмс, кўнглингизга сиққанича ёлғонни тўқийверинг. Барибир, менинг судда айтадиган гапларимнинг салмоғи сизникидан қолишмайди.

— Ё тангрим!— деб юборди бирдан Холмс.— Ахир уни бутунлай унугиб қўйибман-у. Азизим Уотсон, сиздан минг бор узр сўрайман. Буни қаранг-а, сизнинг шу ерда эканлигингиж тамомила хотирамдан фаромуш бўлипти! Сизни мистер Кэлвертон Смит билан таништириб ўтирамайман — биламан, сиз у билан шу бугун кўришгансиз. Кэбингиз тайёрми, инспектор? Мен кийиниб бўлган заҳотим, орқангиздан этиб бораман, зеро менинг иштироким полицияга асқатиши мумкин.

Холмс кийина туриб устма-уст бир нечта бисквитни¹ еб юборди ва бир стакан кларет² билан чанқоғини қондирди.

— Менимча, ҳеч қачон бундай зўр иштаҳа билан еб-ичмаган бўлсан керак,— деди у.— Шуниси ҳам борки, менинг турмуш тарзимда, ўзингиз биласиз, мунтазамлик етишмайди, бинобарин, бундай жасоратга жазм қилиш кўпчилик одамларга нисбатан мен учун осонроқ. Миссис Хадсонни касал бўлиб қолганимга албатта ишонтиришим шарт эди, зеро у бу хабарни сизга етказиши, сиз бўлсангиз, ўз навбатида, бу гапдан Смитни воқиф қилишингиз лозим эди. Мендан хафа бўлмадингизми, Уотсон? Хўп деяверинг, гарчи сиз беҳисоб қобиляятлар соҳиби бўлсангиз ҳам, муғомбирлик қилишга нўноқсиз. Агар сиз менинг сиримдан хабардор бўлганингизда, ҳеч қачон Смитни бу ерга келишга кўндира олмас эдингиз, ҳолбуки мен тузган режанинг энг муҳим томони — унинг бу ерга келиши эди. Мен унинг ўз душманидан қасд олмагунча кўнгли тинчимаслигини билардим, шунинг учун унинг ўз жиноятининг натижасини кўргани келишига қатъий ишонган эдим.

— Лекин қиёфангиз, Холмс, юзингизнинг худди мурданикidek бўзарганлиги...

— Уч кун сурункасига туз ҳам татимаслик одамни не кўйга солмайди дейсиз. Қолган ишни губка ёрдамида осонгина бажариш мумкин. Пешонага вазелин сурилади, кўзга хонимўтининг суви пуркалади, яноқларга қизил суркалиб, лабга шамдан юпқа парда ётқизилади — буларнинг бари кўзланган натижани беради. Ўзини касал қилиб кўрсатиш—усуллари — мен ўз монографияларимдан бирини ана шу мавзуга бағишиламоқчиман. Э́йди, бу ишимизга дахли бўлмаган яримкроналик тангалар, устрицалар ва бошқа нарсалар тўғрисига келсак, улар алаҳлаш ҳолатини бинойидай ифодалаб бердилар.

— Баски, ҳеч қандай юқумли касалингиз йўқ экан, унда нега мени ёнингизга яқин йўлатмадингиз?

— Ие, шуни ҳам тушунмадингизми, азизим Уотсон? Ахир мен сизнинг медицина бобидаги билимингизни юксак қадрлайман-ку! Ахир иссиғимни йўқлиги, томиримнинг уриши ўлаётган одамникуга ўхшамаслигини сиздек омилкор доктор сезмай қолишига қандай ишона олар

¹ Б и ск в и т — печеньеинг бир тури.

² К л а р е т — мусалласнинг бир тури.

әдим? Түрт қадам нарида турганингизда сизни алдай олишим мумкин эди. Хүш, агар касал эканлигимга сизни ишонтира олмасам-чи, унда Смитни ким олиб келарди бу ерга? Йўқ, Уотсон, тегманг у қутичага. Агар унга ён томонидан қарасангиз, очганда пружинанинг ўткир учи қаеридан отилиб чиқиши мумкинлигини кўрасиз. Бу маҳлуқ — Смит билан мерос ўртасида турган баҳтиқаро Сэвеж ҳам эҳтимол, мана шу қутичага ўхшаш биронта мослама ёрдамида ўлдирилгандир. Ўзингиз яхши биласиз, мен почта орқали турли-туман хатхабарлар олиб тураман, шу боңс менинг номимга келган барча посилкаларни ниҳоятда эҳтиётлик билан қўлга олишга одатланганман. Смитни у тузган ёвуз режанинг амалға ошганлигига ишонтира олсан, уёғига унинг ўз айбига иқрор бўлиши мен учун кундай равшан эди. Мен чинакам актёрлик маҳорати билан ўзимни касал қилиб кўрсатишга муваффақ бўлдим.

Сиздан беҳад миннатдорман, Уотсон, энди, илтимос, пальтомни кийдириб юборинг. Полициядаги ишимиизни тутгатганимиздан кейин, ўйлайманки, Симпсоннинг қовоқхонасига қириб тамадди қилиб олсақ ёмон бўлмасди.

МУНДАРИЖА

<i>Маллалар уюшмаси. Ваҳоб Рӯзиматов таржимаси</i>	<i>5</i>
<i>Боском водийсининг сири. Ваҳоб Рӯзиматов таржимаси</i>	<i>32</i>
<i>Изқунардиң инциденти. Набижон Боқиев таржимаси</i>	<i>60</i>
<i>Беш дона апельсин уруғи. Ваҳоб Рӯзиматов таржимаси</i>	<i>90</i>
<i>Лаби тирик одам. Ваҳоб Рӯзиматов таржимаси</i>	<i>110</i>
<i>Мовий карбункул. Ваҳоб Рӯзиматов таржимаси</i>	<i>135</i>
<i>Чипор лента. Мирзиёд Мирзоидов таржимаси</i>	<i>153</i>
<i>Сарғиши башара. Ваҳоб Рӯзиматов таржимаси</i>	<i>183</i>
<i>Месгрейвлар хонадонининг удуми. Ваҳоб Рӯзиматов таржимаси</i>	<i>202</i>
<i>Холмснинг сўнгги иши. Ваҳоб Рӯзиматов таржимаси</i>	<i>223</i>
<i>Бўш уй. Ваҳоб Рӯзиматов таржимаси</i>	<i>244</i>
<i>Интернатда содир бўлган ҳодиса. Ваҳоб Рӯзиматов таржимаси</i>	<i>271</i>
<i>Қора Питер. Ваҳоб Рӯзиматов таржимаси</i>	<i>304</i>
<i>Олтига Наполеон. Ваҳоб Рӯзиматов таржимаси</i>	<i>327</i>
<i>Иккинчи доф. Ваҳоб Рӯзиматов таржимаси</i>	<i>349</i>
<i>Асилизода бўйдоқ. Набижон Боқиев таржимаси</i>	<i>378</i>
<i>Қизил ҳалқа. Қодир Мирмуҳаммедов таржимаси</i>	<i>404</i>
<i>Шерлок Холмс ўлим тўшагида. Қодир Мирмуҳаммедов таржимаси</i>	<i>427</i>

Для детей среднего школьного возраста

На узбекском языке

АРТУР КОНАН ДОИЛ

РАССКАЗЫ О ШЕРЛОК ХОЛМСЕ

Рассказы

Рассом Э. Кигад

Расмлар муҳаррири Ф. Башарова

Техник муҳаррир Е. Лукьянова

Корректор Ш. Соатова

ИБ № 0248

Босмахонага 10.03.89 берилди. Босишига 01.11.89 рухсат этилди. $84 \times 108 \frac{1}{2}$ форматда, № 2 югози. Адабий гарнитураси. Юқори босма. Шартли босма л. 23,52. Шарт. кр. оттиск. 23,52. Нашр л. 24,05. Нусхада 150000. Буюртма № 115. Шартнома № 01—84. Баҳоси 2 с. 50 т.

«Юлдузча» пашниёти, 700083. Тошкент, Таджикистон

Узбекистон ССР Нашриёт, полиграфия ва китоб савдоси ишлари Давлат комитети Тошкент «Матбуот» полиграфия ишлаб чиқариш бирлашмаси-нинг 2-босмахонасида босилиди. Яшгийўл шахри, 702800, Самарқанд кӯчаси, 44.

Дойл, Артур Конан.

Шерлок Холмс ҳақида ҳикоялар: Үрта ёшдаги мактаб болалари учун.— Т.: Юлдузча, 1989.—448 б.

Шерлок Холмс ҳақидаги ажайиб-ғаройиб ҳикоялар фавқулодда ҳодисаларга бойлиги билан каттаю кичик китобхонларнинг эътиборини қозонган. Кутимаган вазиятларда ўзин йўқотмаслик, мустаҳкам ирода, ақл-заковат — бошқаларнинг мушқулини енгиллаширишни ҳаётининг мазмунига айлантириб олган изқуварнинг таҳсина лойиқ фазилатларидир.

**Дойл, Артур Конан. Рассказы о Шерлоке Холмсе:
Для детей среднего школьного возраста.**

И (Ингл)